


Bulu ntam pəpwe;
Nkonya



New Testament in Nkonya (GH:nko:Nkonya)

Bulu ntam pɔpwɛ; Nkonya

New Testament in Nkonya (GH:nko:Nkonya)

copyright © 2010 Wycliffe Bible Translators, Inc.

Language: Nkonya

Translation by: Wycliffe Bible Translators, Inc.

Nkonya

nko

Ghana

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Nkonya

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files dated 29 Jan 2022

01b09958-fa53-51d1-aae0-88c7e9302503

Contents

Mateo	1
Marko	58
Luka	94
Yohane	154
Gyumagyihé	197
Romafó	252
1 Korintofó	276
2 Korintofó	297
Galatíafó	312
Efesofó	321
Filipifó	329
Kolosefó	334
1 Tesalonikafó	339
2 Tesalonikafó	344
1 Timoteo	347
2 Timoteo	354
Tito	359
Filemon	362
Hebrifó	364
Yakobo	382
1 Petro	388
2 Petro	395
1 Yohane	399
2 Yohane	405
3 Yohane	406
Yuda	407
Ató Lesúnáhé	409

Asun Wanklaán Aní Mateo Lówanlín

*Yesu Anáin Ilínto
(Luka 3:23-38)*

¹ Yesu Kristo, Owíe Dawid mu na, Abraham mu na ámu ilínto ní.

² Abraham lókwí Isak. Isak lókwí Yakob. Yakob lókwí Yuda mu na mu apio yinhé*. ³ Yuda lókwí Peres mu na Sera. Amó yín gyí Tamar. Peres lókwí Hesron. Hesron lókwí Ram. ⁴ Ram lókwí Aminadab. Aminadab lókwí Nahson. Nahson lókwí Salmon. ⁵ Salmon lókwí Boas. Boas mu yin gyí Rahab. Boas lókwí Obed. Obed mu yin gyí Rut. Obed lókwí Yisai. ⁶ Yisai lókwí Owíe Dawid.

Owíe Dawid lókwí Salomo. Salomo mu yin gyí ɔtsi ɔkwa tɛki ogyi Uria mu ka. ⁷ Salomo lókwí Rehabeam. Rehabeam lókwí Abia. Abia lókwí Asa. ⁸ Asa lókwí Yehosafat. Yehosafat lókwí Yoram. Yoram lókwí Usia. ⁹ Usia lókwí Yotam. Yotam lókwí Ahas. Ahas lókwí Hiskia. ¹⁰ Hiskia lókwí Manase. Manase lókwí Amon. Amon lókwí Yosia. ¹¹ Yosia lókwí Yekonia mu na mu apio yinhé. Mu brésú bekítá Israelfɔ, híe amó bɛɛ buyétsiá Babilon ɔmátó ní.

¹² Amó Babilon yɔtɔ á, Yekonia lókwí Sealtiel. Sealtiel lókwí Serubabel. ¹³ Serubabel lókwí Abihud. Abihud lókwí Eliakim. Eliakim lókwí Asor. ¹⁴ Asor lókwí Sadok. Sadok lókwí Akim. Akim lókwí Elihud. ¹⁵ Elihud lókwí Eleasar. Eleasar lókwí Matan. Matan lókwí Yakob. ¹⁶ Yakob lókwí Yosef, Yosef létsiá Maria. Maria lókwí Yesu. Yesu gyí Kristo, (ɔhá ámuú Bulu ladá mu ofúli amu) ní.

¹⁷ Mú su tsú Abrahamsu bɔtu Owíe Dawidsu bugyi anáin ilínto dúana. Tsú Dawidsu bɔtu bréá bɔyɔ Babilon ɔmátó é bugyi anáin ilínto dúana. Asa tsú amó Babilon yɔtɔ bɔtu Kristo, (ɔhá ámuú Bulu ladá mu ofúli amu) kwíísú é bugyi anáin ilínto dúana.

*Yesu Kristo Kwí
(Luka 2:1-7)*

¹⁸ Ɔkpa ánfísu Yesu Kristo kwí lɔtsun ní. Bɔpu Maria há Yosef bɛɛ ɔtsiá. Táme asa bétsiá, abusia ɔtsi múa oyin á, bowun aní Maria dé ɔmé Ɔɣɣe Wankíhé túmitɔ. ¹⁹ Mu kulu Yosef a, mu asón da ɔkpa, táme omekle aní ɔbɔwa mu pélitɔ. Mú su ɔlbwe agywun aní obékiná mu nájintɔ. ²⁰ Táme bréá ɔde mú agywun bwe á, kí, Bulu-ɔbɔpu ɔku léle iwí ɔwan súná mu okudɛtɔ, bláa mu ɔbɛɛ, “Yosef, Dawid mu na, mánya péli aní fékpa fú ká Maria ba fú wá, tsúfé ɔmé ámuú ɔde ámu itsú Ɔɣɣe Wankíhé túmitɔ.

* 1:2 Apio yinhé ánfí gyí Israel abusuan dúanyɔ ámu anáin ní.

²¹ Ɖbókwí obiyímbi, bédínká mu dá Yesu. (Mú así gyí, ‘Ɖlepó.’) Tsúfě mu ɔbéle mu ahá tsú amó lakpantɔ ní.”

²² Iní léha Bulu asón ámú ɔleblí tson mu ɔnósó ɔtɔ́púsú amu ilɛba mótó. ²³ Ɖbéé, “Kí, obitebí aní ɔmakóyó oyin wá kí obénya ɔmé. Ɖbókwí obiyímbi, bédínká mu dá Imanuel.” (Mú así gyí, “Bulu bu aní wá.”)

²⁴ Bréá Yosef létsinkí á, olegyi asón ámú Bulu-ɔbɔpu amu lébláa mu amusu. Oletsiá Maria, kpáin mu. ²⁵ Táme ɔmɔpu ibi da Maria, kpéfɔn bréá ɔlɔkwí mu bí yínhé gyankpapu, ɔledínká mu dá Yesu.

2

Anyansapu Aku Bá

¹ Bréá Owíe Herode dé iwíe gyí Yudea ɔmátó bakwí Yesu wúlu kvá botetí mó Betlehem, ibu Yudea ɔmátó inu. Mú ɔma a, anyansapu akvá botowun ató ntsrakpabitɔ botsu owí ɔdalíkpa ɔmá kvɔɔ ba Yerusalem wúlutɔ. ² Befíté bɛɛ, “Nkónú bakwí Yudafo owíe amu? Anilówun mu osúna aní igyi ɔtsrakpabi owí ɔdalíkpa inu. Mú su abá bosúm mu.”

³ Owíe Herode lónu asón ánfɔ á, opúni letsíí muva Yerusalemfo fěé. ⁴ Mú su ɔletɔ Yudafo Bulu igyí ahapú dehen pú Mose mbla asunápú fěé fia, fité amú ɔtínéá bókwi Kristo, (ɔhá ámú Bulu ladá mu ofúli amu).

⁵ Bebláa mu bɛɛ “Betlehem wúluá ibu Yudea ɔmátó. Alí Bulu ɔnósó ɔtɔ́pú ɔku lówanlín tswi ní. ⁶ Ɖbéé,

‘Fó Betlehem, Yudea wúlu,
fume gyí wúlu tókúrííbi ɔkpagyíɔkpasu Yudea awúlu yilé ámuɔ.

Tsúfě ɔmásó ogyípú ɔku ɔbédali tsu fótóá,
ɔbékpa Bulu ahá Israelfo.’ ”

⁷ Mú su Owíe Herode létɔ anyansapu amu nkɔle, fité amú bréá bowun osúna ɔtsrakpabi amu, bebláa mu. ⁸ Mú ɔlɔwa amú Betlehem ɔbéé, buyódunká kebi ámu wankláán. Ní bowun mu a, buyínki bebláa mu, ménɔ mu é móyósum mu.

⁹ Olenya bláa amú tá alɔ benatí. Ɖtsrakpabi amú bowun owí ɔdalíkpa amu, lékpa amú alu yélu ɔtínéá kebi ámu bu. ¹⁰ Bréá bowun ɔtsrakpabi amu a, ansí lehiɛ gyi amú. ¹¹ Bowie wóyító inu á, bowun kebi ámu muva mu yin Maria, beda akpawunu súm kebi ámu. Besankí amú akentebi, bekie mu sika pepe, ɔhíén pú ohuam.

¹² Mú ɔma a, Bulu lówa mbla há amú okudetɔ ɔbéé, bumáyinkí yótson Herode wá. Mú su bɔtsun ɔkpa bámbású yó amú wúlutɔ.

Yesu Mva Mu Akwípu Egipte Ɖmátó Yo

¹³ Bréá anyansapu amu benatí á, Bulu-ɔbɔpu léle iwí ɔwan súná Yosef okudetɔ, bláa mu ɔbéé, “Kusu, afukpa kebi ámu muva

mu yin sri ya Egipte amátó. Mlitsia unu yófon bréá nébláa fu mbéé mliyinki ba, tsúfé Owie Herode obódunká kebi ámu, mós mu.”

¹⁴ Mú su Yosef lókusú onyé-onyé ámu, kpá Maria mu ba kebi ámu sri ya Egipte amátó. ¹⁵ Betsiá unu yófon bréá Herode lówu. Inu léha Bulu asón áni ðeblí tson mu onósó ðaíró ðkusú leba mótó. Òbéé, “Neti mí bí ámu tsú Egipte amátó.”

Betlehemfo Abi Mo

¹⁶ Bréá Owie Herode lówun áni anyansapu amu bamlé mu a, ðblí lehie kítá mú. Òlwa mu isá akópó ðbéé, buyó Betlehem wúlutó pú mú nkudasi, abuyomá abi yinhé áni bahó tsú nfinyó ba ayasi féé. Tsúfé anyansapu amu bebláa mu bæe, begyankpá wun ðtsrakpabi amu nfinyó ní.

¹⁷ Inu léha Bulu asón áni ðeblí tson mu onósó ðaíró Yeremiasu leba mótó. ¹⁸ Òbéé,

“Bonu isú móa olú kvá imeká tin Rama wúlutó.

Rahel dé mu abí sú. Omotsulá áni bukpáta mu, tsúfé butráa buma unu.”

Yesu Mva Mu Akwípy Yinki Tsú Egipte

¹⁹ Owie Herode lowu oma a, Bulu-ðbapu léle iwí ðwan súná Yosef okudetó Egipte unu, bláa mu ðbéé, ²⁰ “Kusu, afukpa kebi ámu mu ba mu yin, amliyinki yó Israel amátó. Tsúfé ahá amúbó bodunká áni bómá kebi ámu, bawú.” ²¹ Mú su Yosef lókusú kpá kebi ámu mu ba mu yin, beyinkí yó Israel amátó.

²² Táme bréá bowie unu á, olonu áni Arkelao latsiá mu su Herode obiású, ðde Yudea amású gyí. Mú su olenya ifú áni ðbópu kebi ámu ya unu. Bulu lélawá mbla há mu okudetó ðbéé, ðpú mu ya Galilea amátó. ²³ Mú su báyó yétsiá Nasaret wúlutó. Inu léha Bulu asón amúbó ðeblí tson mu onósó atáírósu ðbéé, “Béti mu Nasaretyin” amu leba mótó ní.

3

Asú Òbapó Yohane Bulu Asón Okanda

(Marko 1:1-8; Luka 3:1-18; Yohane 1:19-28)

¹ Bré kutó á, Asú Òbapó Yohane léba ðde Bulu asón ðkan da Yudea dimbísú. ² Òbéé, “Mlídamlí kluntó, amlisi lakpan bwe, tsúfé Bulu iwíegyí lawíé wóyí tá.” ³ Yohane iwí asón Bulu onósó ðaíró Yesaia lówanlín ðbéé,

“Òku dékplun dimbísú ðbéé,

‘Mlila aní Wíe ðkpa.

Mlitswii ikpa ha mu’ ” amu ní.

⁴ Yohane lówa kpósó-imi atadié, ðlpu ðwulú-kpákpá ðfé klí mósú. Atsantsanku pú ðkwén otegyi. ⁵ Ahá botsu Yerusalem wúlutó, Yudea amátó pú Yordan bunkpa onó awúlu féésú ba

bonu mu ason blíhé. ⁶ Bele amú lakpan blí, ɔ̀bɔɔ amú asú Yordan ntsutso.

⁷ Táme bréá Farisifo pú Sadukifo tsɔtsɔtsɔ beba beɛ, ɔ̀bɔɔ amú asú á, ɔ̀lefíté amú ɔ̀béɛ, “Abɛ abí-aná, ntɔ gyá mli, mliśrí Bulu ɪsɔbití ámúú ɪbá ámu? ⁸ Mómú mliświe abíá ɪbósuná ání lélé mliladámli klɔntɔ. ⁹ Mli mákí mliáa, mli náin gyí Abraham. Mú sɔ Bulu méɛbití mli ɪsɔ. Nde mli bláa mbéɛ, Bulu ɔ̀bétalí há abwi ánfí ɪbédamli Abraham abí-aná. ¹⁰ Séi á, Bulu lapú efé yi nyí-atsitsitɔ. Oyígyíoyí ání imoswie abi wankláán á, bókun mú dá, wá mú féé ogyá. ¹¹ Mí mú á, ntsu ndeɔbɔ́ mli asú púsúná ání mliladámli klɔntɔ. Táme ɔ̀kúá ɔ̀dɔn mi bu ɔ̀ma ɔ̀bá. Mmɔ́fɔn ání nɔ́sɔrá mu ntɔkɔta kúráá. Mu ɔ̀bɔ́pɔ ɔ̀ɛ Wankíhé pú ogyá b́ mli asú ní. ¹² ɔ̀de mu ɪlín, ɔ̀bɔ́pɔfúní ntéte lé ayó ámɔtɔ. ɔ̀békpa ayó ámu wá mu odudutɔ. Táme ɔ̀béfí ofuníkpa ɪnu wankláán, kpa ntéte amu wá ogyá ání itamaduntɔ.”

Yesu Asúbɔ

(Marko 1:9-11; Luka 3:21-22)

¹³ Yesu lótsu Galilea ɔ̀mátɔ ba Yordan ntsu ɔ̀nó Yohane wá ɔ̀béɛ, ɔ̀bɔ́ mu asú. ¹⁴ Teki Yohane mótsulá ání ɔ̀bɔ́ɔ mu asú. ɪnu sɔ ɔ̀lebláa Yesu ɔ̀béɛ, “Mí ilehián ání fɔ́bɔ́ asú. Nkálí ɪgyi ś faba féɛ mí ɔ̀bɔ́ f́ asú?”

¹⁵ Yesu lébláa mu ɔ̀béɛ, “Séi á, ha atsu mú alí asa, tsúfé ilehián ání abɔ́bwe tógyítáá ida ɔ̀kpa Bulu ansítɔ.”

Mú sɔ Yohane lótsulá. ¹⁶ Bréá ɔ̀bɔ́ Yesu asú tá, Yesu lédalí ntsu ámɔtɔ alí nwólótáa lefinkí, olowun Bulu ɔ̀ɛ dékplí fé abrɔ́dɔma, ilobogyonká mɔsɔ. ¹⁷ ɪnu ɔ̀me ku lotsu ɔ̀sɔsɔ ɔ̀béɛ, “ɔ̀ni gyí mí Bía ntɔdwé mu, mi ansí tehíé gyi mu ɪwi ní.”

4

Yesu ɪsókí

(Marko 1:12-13; Luka 4:1-13)

¹ ɪnuɔ ɔ̀ɛ Wankíhé amu lékpa Yesu ya dimbísú, méní ɔ̀bɔ́nsám ɔ̀bɔ́sɔ mu ki. ² Oletsíá ɪnu klí ɔ̀nó nke advana (40), onyé advana (40). Mú sɔ akón lehíe kítá mu. ³ ɪnu ɔ̀bɔ́nsám lótsɔ mu ki, bláa mu ɔ̀béɛ, “Ní Bulu mu Bi f́gyi á, mómú ha abwi ánfí ɪdamli bwe bodobodo.”

⁴ Yesu léle mú ɔ̀nó ɔ̀béɛ, “Bɔ́wanlín wá Bulu asón ámɔtɔ beɛ, ‘Megyí atogyihɛ wɔle nyankpɔsa obégyi tsiá nkpa, táme ɔ̀pú Bulu ason blíhé é tsiá nkpa.’ ”

⁵ ɔ̀bɔ́nsám lékpa mu ya Yerusalem, wúlu wankíhé amɔtɔ, ɔ̀bɔ́pɔ mu yélí Bulu ɔ̀swékpa obu ámu ɔ̀ántra. ⁶ ɪnu ɔ̀lebláa Yesu ɔ̀béɛ, “Ní Bulu mu Bi f́gyi lélé á, tu kpayi. Tsúfé bɔ́wanlín wá Bulu asón ámɔtɔ beɛ,

‘Bulu ɔ̀béha mu abɔ́pɔ békpatá f́ ɪbitɔ,
méní f́ yabi méɛda ɪbwi kokosɔ.’ ”

⁷ Yesu léle mú ɔ̀nó ɔ̀béɛ, “Bétrá wanlín beɛ, ‘Mákapó f́ Wíe Bulu ki.’ ”

⁸ Mú ɔma a, Ɖbɔnsám lópu mu ya ɔbu fúáhé kusu, olosuná mu ɔyító iwíe ogyíkpa fée, pú mú numnyam. ⁹ Múú ɔlebláa mu ɔbéé, “Ní féda akpawunu sùm mí á, nòpu ìní fée há fú.”

¹⁰ Yesu lébláa mu ɔbéé, “Ɖbɔnsám, nati tɛi mísó! Tsúfé bɔwanlín wá Bulu asón ámɔtɔ bɛɛ, ‘Da akpawunu ha fú Wíe Bulu. Mu nkɔle fu sùm.’ ”

¹¹ Inu Ɖbɔnsám lénatí mu wá, Bulu-abɔpu bɛba bɛki musu.

Yesu Gyumagyihɛ Asitsud Galilea Ɖmátó
(Marko 1:14-15; Luka 4:14-15)

¹² Mú ɔma a, Yesu lónu ání bakítá Yohane tswi obu, oleyinkí ba Galilea ɔsolósu. ¹³ Olotu tsú Nasaret wúlutɔ yó Kaper-naum, wúlúa ɔbu mantáa Galilea ɔpu ɔnó, Sebulon móa Naftali ɔsolósu. ¹⁴ Mu inu ya léha asón ámóú Bulu ɔnósú ɔtɔipóYesaia léblí ámu ɔlɛba mótó. Ɖbéé,

¹⁵ “Sebulon pú Naftali

ɔsolóvá ɔda Yordan bɔnkpa ɔnó, mantáa Galilea ɔpu.

Galilea ɔmátó ɔmá bámbásófo bɔtsie.

¹⁶ Ahá ání bɔtsie oklúntɔ ání

bawun wanki kpɔnkpɔɔnkpɔnti ku.

Bɔtsie ɔsolóvá lowu dé iwíe gyí mósó.

Wanki ku lawánkí wólí amósó.”

¹⁷ Tsú inu Yesu léfi así ɔde Bulu asón ɔkan da, blí ɔbéé, “Mlɔdamli klɔntɔ, Bulu iwíegyí lawíé wóyí tá.”

Akasípó Abaná Lɛ

(Marko 1:16-20; Luka 5:1-11)

¹⁸ Eke ɔkúá Yesu ná Galilea ɔpu ɔnó á, olowun apíó abanyó aku. Simon ání bɔtɛtí mu Petro mva mu gyama Andrea, bɔde asawu tswí, tsúfé aye alepú bɔgyi. ¹⁹ Múú ɔlebláa amú ɔbéé, “Mlɔba bobuo mi. Nóbwe mlɔ anyánkɔpósa alepú.” ²⁰ Inu nu besi amú asawu aná tswi, kplá buo mu.

²¹ Ɖlɛnatí yó nkpa kpalobí, olowun apíó abanyó aku é, Yakobo mva mu gyama Yohane. Amóa amú sí Sebedeo bɔbu ɔklɔntɔ, bɔde amú asawu bín, Yesu létí amó. ²² Inu nu amó é bɛnatí sí amó sí mva ɔklɔn amú bobuo mu.

Yesu Atósundá, Mu Asón Ɖkanda Pó Ɖlɔtsa

(Luka 6:17-19)

²³ Yesu léki Galilea ɔmátó fée, súná ató Yudafo offiakpa. Ɖlɛda Bulu iwíegyí ámu iwí asun wankláán ɔkan. Ɖlɛtsa ɔhétó móa awútó ɔlɔ kugyíku. ²⁴ Iní su mu iwí asón lekléi yó Siria ɔmátó fée. Bɔpu alɔpu tsúa ntíné-ntíné ba mu. Ɖlɛtsa ɔlɔ kugyíku, ahá ání bɔde iwíɔsin wúun, amóa ɔje laláhe dé amú háan, amóa ɔlɔ dídahe bu amósó pú abubúpu aná fée. ²⁵ Mú su ɔdam kpɔnkpɔɔnkpɔnti bobuo mu. Ahá ání bɔtsú Galilea ɔmátó pú

Dekapoli* awúlu amòsu, Yerusalem wúluto, Yudea òmátó pú Yordan ntsu òbin òsulòsu fèé.

5

Ibòsu Atosunáhé

¹ Bréá Yesu lówun òdòm amò a, òlòdu yó ìbu kusu yétsiá asì, mò akasípú amò bèba mò wá. ² Inu olosuná amò ató òbèé,

Oyúla Asón

(Luka 6:20-23)

³ “Bulu layúla ahá ání amò ansí medín tótòsu dùn mò Bulu, tsúfé amóbú mò iwíegyi ámò ní.

⁴ Bulu layúla awírehò agyípú, tsúfé obólwii amò klùn.

⁵ Bulu layúla iwiasì abápu, tsúfé amò obégyi òsulòsu amò ní.

⁶ Bulu layúla ahá ání mò apébwè akón móa òmewóli de amò, tsúfé òbèha amò bómwè.

⁷ Bulu layúla nwe awúnpu, tsúfé obówun amò nwe.

⁸ Bulu layúla ahá ání amò klòntò lòwankí, tsúfé amò obówun mò ní.

⁹ Bulu layúla ahá nsiné alapó, tsúfé òbèti amò òbèé mò abí.

¹⁰ Bulu layúla ahá ání budin amósó mò apébwè su, tsúfé amóbú mò iwíegyi amò ní.

¹¹ “Bulu layúla mli, ní bude mli sia, budin mli su, bude afunu wa dínká mli su. ¹² Ansí igyí mli, iwí isanki mli, tsúfé mli ìkòká tso òsósú. Alí bòbwè Bulu ònósú atóipú agyankpapu amò ní.

Nfòli Mòa Wanki

(Marko 9:50; Luka 14:34-35)

¹³ “Mligyi òyítò nfòli ní. Ní nfòli itá òdwe á, ntò bèlapówá mò òdwe? Itráa ma ale há tótòto bwe. Tsei butetséi mò tsítsá, ahá butetsáta mósú tson.

¹⁴ “Mligyi òyítò wanki é ní. Wúluá idin busu tamanjain.

¹⁵ Butamanywé òkandíe, pú òlò bun mósú. Òfubákpá butòpòbian, ménì òbòwanki há ahá ání butsie wóyi ámòto fèé. ¹⁶ Mú su mliha mli bwèhé iwanki ali, ménì ahá bówun mli bwèhé wankláán ámò, fówun bèkanfú mli Sí ámóú òbu òsósú ámò.

Mose Mbla Iwí Atosunáhé

¹⁷ “Mlimáki mliaa, nèba Mose Mbla ntéé Bulu ònósú atóipú amò atosunáhétò òkàkpá. Mmèba mótò òkàkpá, mboun nèbá bòbwè mò ifun. ¹⁸ Ònòkwali nde mli bláa, òsú móa asì bómò ònó, táme itoduáhé ntéé asónbi kole kóráá iméedali Mbla ámòto, yófun bréa mótò asón fèé laba mótò. ¹⁹ Òhagyícha ání omobu mbla ámòto túkúríibi kv, olosuná mò aba é òbèé bumábu mò

* 4:25 Dekapoli asì gyí awúlu dú.

á, bétí mu kebi túkúrííbi ɔ́súsú iwíe ogyíkpá ɪnu. Táme ɔ́há aní olegyi mbla ámu féesú, súná mu aba aní bɔgyii mósó á, bétí mu ɔ́ha yilé ɔ́súsú iwíe ogyíkpá ɪnu. ²⁰ Mú su nde mli bláa mbéé, ní mlimóbwé Bulu apé dun Mose mbla asunápú pó Farisifó ámu a, mlimóowie Bulu iwíegyí amɔ́tɔ́ ekekekeke.

Ɔ́blí Iwí Atosundhé
(Luka 12:57-59)

²¹ “Mlilanú aní bebláa mli anáin atítifó ámu beé, ‘Mámɔ́ ɔ́ha. Ɔ́hagyíɔ́ha aní ɔ́mó ɔ́ha a, Bulu obégyi mu asón, há mu ipón.’ ²² Táme mí mú nde mli bláa mbéé, ɔ́hagyíɔ́ha aní olenya ɔ́blí wa mu ba á, Bulu obégyi mu asón. Ɔ́há aní olesia mu ba ɔ́béé, ‘Ɔ́hakpan!’ á, obégyi ipón Yudafó asón agyípú ansító. Ɔ́hagyíɔ́ha aní ɔ́lebláa mu ba é ɔ́béé, ‘Raka!’* a, obégyi ipón yó ɪsubití ogyá aní itamaduntɔ́. ²³ Iní su ní fotsu atɔ́ hahé fɔ́yó afɔ́die ɔ́bɔ́kpá, fekaín aní fapú ason laláhe ku gyi fú bá á, ²⁴ si fú ató amó yaí afɔ́die-asubwisu ɪnu. Yɔ́ fɔ́a mɔ́nyɔ́ amlila mli nsíné, asa afɔ́ba bɔ́bɔ́ afɔ́die ámu ha Bulu.

²⁵ “Ní ɔ́ku ɔ́sáma fu á, wa ɔ́sa ha abɔ́yobwií ipa ha mu asa asón ámu ogyíké ifɔ́n, méní fú onyabá ámu ɔ́mééha asón agyípú bɔ́móɔ́pu fú ha obu adípúsú ɔ́kípu, ɔ́wa fú obu. ²⁶ Mbláa fu ɔ́nɔ́kwali, nkéti faká ikó ámu féé tá asa fédalí ɪnu.

Otsiába Ɔ́madali Iwí Atosundhé

²⁷ “Mlilanú aní bebláa mli beé, ‘Mákke ɔ́ku tsiába.’ ²⁸ Táme mí mú nde mli bláa mbéé, oyingyíoyin aní olowun ɔ́tsi, ɔ́lɔ́bwe mu klé iwí agywɪn á, alató mbua dodo mu klɔ́ntɔ́. ²⁹ Mú su ní fú gyɔ́pi nsíbi tɛhá fótɔ́bwé lakpan á, loti mú le, tswi tsalífwi. Ibu aléá fú iwí ɔ́tinekɔ́ má ɪnu, dun aní bótswi fú nyankpɔ́sa-oyí ámu féé wá ɪsubití ogyá aní itamaduntɔ́. ³⁰ Mú su ní fú gyɔ́pi ibi tɛhá fótɔ́bwé lakpan á, ka mú tswi tsalífwi. Ibu aléá fuma ibi kule, dun aní bótswi fú nyankpɔ́sa-oyí ámu féé wá ɪsubití ogyá aní itamaduntɔ́.

Ɔ́kákíná Iwí Atosundhé

(Mateo 19:9; Marko 10:11-12; Luka 16:18)

³¹ “Betrá bláa mli beé, ‘Ɔ́hagyíɔ́ha aní obékiná ɔ́ká á, ɔ́wánlɪn ɔ́kákíná ɔ́woló ha mu asa.’ ³² Táme mí mú nde mli bláa mbéé, ní oyin okíná mu ka aní ɔ́mɔ́kódálí mu ɔ́ma a, muláhá su ɔ́tsi ámu ɔ́bédalí mu ɔ́ma. Oyingyíoyin aní otsiá ɔ́tsi ánfí mu kulu lakíná mu ánfí é lató mbua.

Ntamka Iwí Atosundhé

³³ “Mlilétrá nu aní bebláa mli anáin atítifó ámu beé, ‘Máka ntam kpaali. Mboún bwe dínka ntam amóú feka há Bulu ámuɔ́.’ ³⁴ Táme mí mú nde mli bláa mbéé, máka tɔ́tɔ́tɔ́ kóráá. Mápɔ́ ɔ́súsú ká ntam, tsúfé Bulu owíe obíá igyi. ³⁵ Mápɔ́ ɔ́solób ká ntam. Bulu ayabi oyíkpa igyi. Mápɔ́ Yerusalem wúlu

* 5:22 Raka así gyí “Ɔ́bwi!”

ká ntam. Awíetə Owíe wúlu kpənkpənti ní. ³⁶ Mlímápu mli nwun ká ntam, tsúfé mliméetalí bwé imi kule futútu ntée bíbi. ³⁷ Mboún fú 'In!' 'bwéé 'In!' Fú 'O-o!' é 'bwé 'O-o!' Kugyíkúá fétrá blí tsia mótó itsú ɔbunsám wá.

Lalahé Ikəka Iwi Atosunáhé
(Luka 6:29-30)

³⁸ "Mlilanú ání beblí beé, 'ɔha obwíé mu ba nsíbi a, bubwíe mu é mu kle ka ikə. ɔha otsíi mu ba iyín é á, butsi mu kle ka ikə.' ³⁹ Táme mí mó nde mli bláa mbéé, mlimákplá ɔha lalahé. Mboún ní ɔha ɔdá fú isuto á, damli nyɔɔsi é ha mu ɔdáa. ⁴⁰ Ní ɔha dékléá ɔbésamáa fu, hə fú atadié á, pu fú tati é ha mu. ⁴¹ ɔhá ání ɔdun fu ɔhíé fú ɔbéé, fúsóra mu ató máili kule ha mu a, sura mó máili anyə. ⁴² ɔha ɔkólí fú ató á, ha mu. Ní ɔku é ɔbéé fupáan mu təkú á, mákiná.

Alupódwe Iwi Atosunáhé
(Luka 6:27-28, 32-36)

⁴³ "Mlilonúá beblí beé, 'Dwe fú bá, afulu fú olupú.' ⁴⁴⁻⁴⁵ Táme mí mó nde mli bláa mbéé, mlidwe mli alupú. Mlibə mpái ha ahá ání budun mlisu, méní mlóbwe mli Sí ámúú ɔbu ɔsúsú ámu abí. Tsúfé motéhá owí telin, ɔtehá nyankpu é itotswie wólí aha wankláán pú aha lalahé féésú. ⁴⁶ Ní fú adwepú nkule futədwé á, ipán məmu fénya? Lampóo ahópu kúráá butəbwé ali. ⁴⁷ Ní fú anyawíe nkule futəwá ɔnó á, ntə fakuku bwe dubi? Ali kén ɔmátəfə butəbwé ní. ⁴⁸ Iní su mlifun fé alíá mli Sí ámúú ɔbu ɔsúsú ámu lófun.

6

Yilébwé Iwi Atosunáhé

¹ "Mlíki wankláán ání mlimóɔbwe mli yilé ahá ansító. Ní mləbwé mó ali á, mliméenya ikəká mli Síá ɔbu ɔsúsú wá.

² "Mú su ní fəbwé yilé há ohiáni á, máda mó ɔkan fé alíá apinabwebí abwepú butəbwé Yudafə ofiakpa pú dunsu, méní ahá bəkanfú amú. ɔnəkwali nde mli bláa mbéé, Bulu laká amú ikə dodo. ³ Táme ní fəbwé yilé há ohiáni á, máha fú bina ɔbi tśá gyɔpi labwé. Bwe mó njaintə, ⁴ méní fú Sí oklúntə ató owúnpu amu ɔbéka fú ikə.

Mpáibə Iwi Atosunáhé
(Luka 11:2-4)

⁵ "Ní mlóbə mpái á, mlimábwe fé apinabwebí abwepú. Amú tekle Yudafə ofiakpa pú dunsu lí bə mpái, méní ahá bəwun amú. ɔnəkwali nde mli bláa mbéé, Bulu laká amú ikə dodo. ⁶ Táme ní fəbə mpái á, bitíwíé fú obutótó, afufin obu wa iwi, bə mpái ha fú Sí njaintə. Fú Sí njaintə ató owúnpu amu ɔbéka fú ikə.

⁷ "Ní mlidé mpái bə á, mlimátsiá plá mótó há mó iwa swí fé ɔmátəfə. Butosúsu beé, ní bəbó mó iwá swí asa Bulu obónu mó

há amó. ⁸ Mlímábwe fé amó, tsúfé mli Sí Bulu yín tóá ɪde mli hián asa mliḍé mu kulí. ⁹ Mú su mliḍə mpáí mliaa,

‘Ani Sía fóbv ɔsósó.

Ahá bvbúu fó dá.

¹⁰ Ba begyi iwíe.

Ahá bvbwée fó apé ɔsulósu, fé aliá butəbwé mú ɔsósó.

¹¹ Ha aní atogyihéá ɪbófɔn aní nde.

¹² Si aní lakpan kie aní,

fé aliá antesikíé ahá aní butəpú ɪlá gyi aní.

¹³ Mákpa aní wá ɪsókito, mboun le aní tsu ɔbunsám ɪbitə.’*

¹⁴ ‘Tsúfé ní mlesi ahá lakpan kíé amó á, mli Sí ámúɔ ɔbu ɔsósó ámu é obési mli klé kíé mli. ¹⁵ Táme ní mlímésikíé ahá a, mli Sí ámu é oméesikíé mli.

ɔnókli Iwi Atosundhé

¹⁶ ‘Ní mliḍé ɔnó klí á, mlímábwe mli ɪwi búmbláán fé aliá akv butepina bwé. Aliá ahá bówun aní buḍe ɔnó klí só butəbwé ɪwi ali. ɔnəkwali nde mli bláa mbée, Bulu laká amó ɪkə dodo.

¹⁷ Mboun ní mliḍé ɔnó klí á, mliḍie ntsu, amlifunya nwun,

¹⁸ ménɪ ahá bómóowun aní mliḍé ɔnó klí. Táme mli Sí oklúntə ató owúnpu amv mú obówun mli, ká mli ɪkə.

Atonyahé Pvyáí ɔsósó

(Luka 12:33-34)

¹⁹ ‘Mlímákke ató yáí ɔsulósu anfisv. ɔtíne ánfɪ atéple butəwí ató, ɪkə aná təwí nkanv yíntá, awikplu é butəbwíé wíé obuto wí ató ánfɪ. ²⁰ Mboun mlíkke ató yáí ɔsósó. ɪnv mú á, atéple butamawí ató, ɪtamawí nkanv, awikplu é butamabwíé wíé obuto wí ató.

²¹ Tsúfé ɔtíneá fó siadiə bu a, ɪnú fó agywun tetsíá.

Nyankpɔsa-oyí ɔkandíe

(Luka 11:34-36)

²² ‘Ansíbi igyi ɔkandíe há nyankpɔsa-oyí. Ní fó ansíbi bu alé á, fó nyankpɔsa-oyí ámu féé bówankí. ²³ Táme ní fó ansíbi ma alé a, fó nyankpɔsa-oyí ámu féé ɪbu oklúntə. Ní ɔkandíe ámúɔ ɪbu fɔtə ámu idun a, múmú fawíé oklún kpənkpəɔnkpəntitə.

Bulu Mva Atonyahé Iwi Atosundhé

(Luka 16:13; 12:22-31)

²⁴ ‘ɔhaa méetalí súm awie anyə. ɔbódwe ɔkule, lú ɔkule. Ntée obóbu ɔkule, omóobu ɔkule. Fvméetalí súm Bulu, súm kóba.

²⁵ ‘Mú su nde mli bláa mbée, mlímáhan ɪwi tóá mlégyi, tóá mlónu tsiá nkpa pú tóá mléḍidá sv. Mbée, nkpa medéhián ḍvn atogyihé? Ntée ɔyulúv medéhián ḍvn atə ḍidáhé? ²⁶ Mliki mbubwi, butamadú, butamasíétí wá ɪdantə, táme mli Sía ɔbu ɔsósó tehá amó atogyihé. Mlímá labi ḍvn amó? ²⁷ Mliḍə ma ɔbétalí han ɪwi pú bré kpalobí tsía mu nketo?

* **6:13** ɪni bu nwuló dada amv akotə: Tsúfé fóbv iwíegyí, túmi pú ɪwíwankí bré féétó. Amen.

28 “Ntogyi só mliḍé iwí háan mli atə didáhé sv? Mliki alíá pututə-oyí ntswítswí tēdan. Itamayó agyómá ntée ló atati. 29 Táme nde mli bláa mbée, Owíe Salomo, mu inya féétó a, əmetalí híhiə iwí, wá akíle fé oyí ntswítswí anfitə koku. 30 Ní Bulu dé ífá aní nde ilí, əke ilawú, bawá mú ogyá tati didá á, ntogyi só əméetalí didá mli atati dun mó? Mli hógyi mətós!

31 “Mú sv mlimáhan iwí fité mliaa, ‘Ntə abégyi?’ ntée ‘Ntə abónu?’ ntée ‘Ntə abédidá?’ 32 Iní aná əmátófə bətəsri gya ní. Mli Sí á múú əbu əsósú ámu yin aní iní féé de mli hián. 33 Itóá mli gyánkpa dunka gyí, Bulu iwíegyi pú mu yiləbwə, fówun Bulu əbópə iní féé tsía mótó há mli. 34 Mlimásusú əke iwí. Əketə asón igyi əke klé. Ekekegyíeketə ason wunhe itsə há eke ámu.

7

Ilále

(Luka 6:37-38, 41-42)

1 “Mlimále ahá ilá, méní Bulu əméele mli ilá. 2 Tsúfé alí á múú mliḍé ahá ilá le ámu a, alí Bulu əbéle mli ilá ní. Itóá fəpúsúsu ha fú bá á, mú kén Bulu əbópəsusúsu ha fú é ní. 3 Ntogyi só fúde ipí túkúríibi wun fú bá nsíbisu, táme fəmedé ogyakpatín aní idin fú klésu mú wun? 4 Ntée ntogyi só fúde fú bá bláa féé, ‘Ha mí andinkí ipí fú nsíbisu?’ bréá ogyakpatín dun fú klésu? 5 Apinabwəbí əbwəpú! Gyankpa dinkí ogyakpatín ámu fú nsíbisu, méní fówun atə wankláán, tálí dinkí ipí ámu fú bá klésu.

6 “Mlimápə Bulu atə wankíhé há ahá aní bogyi fé akíai, Bulu asón tamawá amú ogyá. Bénya əbló dámlí dun mli. Alí kén mlimápə mli abutó wolihə há ahá aní bogyi fé mprákuo ní. Tsúfé bétsatsáa mósú, tsía mó wá ədibatə.

Atəkólí Tsú Bulu Wá

(Luka 11:9-13)

7 “Mlikvli Bulu, əbéha mli. Mli dunka, mlówun. Mli da mu klənsu, obéfinkí mó há mli. 8 Tsúfé əhá aní ətəkólí atə tenyá. Əhá aní otodúnká atə towun. Əhá aní ətedá klənsu bətəfinkí há. 9 Ma búv mlitəá mu bi əkólí mu bodobodo a, obótsu ibwi wá mu ibitə? 10 Ntée ní əkólí mu iye a, əbékitá iwə wá mu ibitə? 11 Mli lakpan abwəpú kóráá mliyin alíá bətəpú atə wankláán há mli abí. Ntogyi só mli Sí á múú əbu əsósú ámu mó mósəpə atə wankláán há ahá aní bəde mu kvlí.

12 “Bwə ha ahá alíá fədeklé féé bəbwée ha fə. Iní Mose Mbla pú Bulu ənósú atəípə amu atosunáhé deblí ní.

Əkpa Kplanhe Mba Təihé

(Luka 13:24)

13-14 “Mlitsvən əkpa kplanhe amvsv, mlóyə nkpa aní itamatátó. Ahá kpalobí pé tēbí mó. Táme ní mlətsvən tēihé á múú ibv atsónle amvsv á, mlóyə əhíkpa. Ahá tsətsəətsə tótsvən mósú.

Oyi Pó Mú Abi Swiehé
(Luka 6:43-44)

¹⁵ “Mlíki wankláán ahá ání butɔwá afunu bæe, Bulu ɔnósó atóipú bɔgyisɔ. Botepina bwe iwí fé akúfa ba mlí wá, táme nkpatakuá bobu iyin búgyi. ¹⁶ Amú bwehé mlópubí amú. Butamakpótí kankaba okplóto oyísó, butamakpótí tsɔkpuɔn é tunkpa iflasu. ¹⁷ Oyi wankláán toswié abi wankláán. Oyi laláhe é toswié abi laláhe. ¹⁸ Oyi wankláán méetalí swié abi laláhe. Alí kén oyi laláhe é méetalí swié abi wankláán ní. ¹⁹ Oyiá itamaswié abi wankláán á, kún butokun mú dá, wá mú ogyá. ²⁰ Mú alí sɔ á, ɔnósó atóipú afunupu anfi bwehé mlópubí amú.

Bulu Iwíegyi Amɔtɔ Awiepó
(Luka 13:25-27)

²¹ “Megyi ɔhagyiɔha ání ɔtetí mí ɔbéé, ‘Mí Wíé, mí Wíé’ obówie Bulu iwíegyi amɔtɔ. Mboún ɔhá ání ɔɔbwé mí Sí amús ɔbu ɔsús amu apé ɔbóyɔ iɔu. ²² Bulu asún ogyíké amu a, ahá tsɔtsɔɔtsɔ béfité mí bæe, ‘Mí Wíé, megyi fú dátó anlébli Bulu ɔnó asún, gya ɔje laláhe lé aháto, bwé ofúla é ní?’ ²³ Iɔu néle bláa amú mbée, ‘Mmeyín mlí ɔkpagyiɔkpasu. Mlinatí tɔi mísú, mlí lakpan abwɛpó!’

Butásó pú Osublúto Obuyi
(Luka 6:47-49)

²⁴ “Mú sɔ ɔhagyiɔha ání olonu mí asun blíhé anfi, olegyi músú á, ogyi fé ɔtiansiɔu ɔkúvá oleyi mu obu dínká butásó. ²⁵ Nyankpu lótswie, ntsu lóbulá wa mú, atsufú lótsun wólí músú, táme imobwie. Tsúfé oleyi mú dínká butásó.

²⁶ “Táme ɔhagyiɔha ání olonu mí asun blíhé anfi, omegyi músú á, ogyi fé ɔha mimláhe ání oleyi mu obu osublúto. ²⁷ Nyankpu lótswie, ntsu lóbulá wá mú, atsufú é lótsun wólí músú. Obu ámu lobwie, lɛda así gbloo!”

Túmiá Yesu Bu

²⁸ Bréá Yesu lébli asún anfi tá á, mu atosunáhé lɛha ɔnó lobwie ɔɔm amu. ²⁹ Tsúfé olosuná amú ató túmisu. Omosuná mú fé Mose mbla asunápú amu.

8

Ilo Pɛpɛ ɔlópú ɔku Tsa
(Marko 1:40-45; Luka 5:12-16)

¹ Bréá Yesu lékplí tsú ibu ámu sɔ á, ɔɔm kpɔnkpuɔnkpuɔnti bobuo mu. ² Iɔu á, ilo pɛpɛ ɔlópú ɔku léba bɛda akpawunu mu ayabitɔ, kókólí mu ɔbéé, “Owíé! Ní fótisulá á, fétalí há mí iwí bépli.”

³ Mú Yesu létinkí ibi da mu, bláa mu ɔbéé, “Natsulá, fú iwí iplí!” Iɔu mu iwí lépli. ⁴ Mú Yesu léda mu ɔlá ɔbéé, “Mábla

ɔhaa asún ánfí. Natí laa afɔvɔ fú iwí yosuná Bulu igyí ɔhapó, afuha mu iwígyvráto amó Mose mbla losuná tsú ilo pepetsa iwí ámu. Igyi adánsie suna ahá ání fú iwí laplíi.”

*Romafɔ Isá Akɔpó ɔhande Osúmpú ɔku Ilo Tsa
(Luka 7:1-10)*

⁵ Yesu lówie Kapernaum wúluto. Romafɔ isá akɔpó ɔhande ɔku léba mu wá, bóbwií ipa há mu ɔbéé, ⁶ “Owíé, mí osúmpú délo. Alasin tsukule, ɔda wóyító ɔde iwíɔsin wúun dubi.”

⁷ Mú Yesu lébláa mu ɔbéé, “Néba betsa mu ilo.”

⁸⁻⁹ Táme ɔhande amu lébláa mu ɔbéé, “Owíé, mmɔfɔn ání féba mí wóyító. Fú mú bli asvanku, iwí bówa mí osúmpú amu ɔnlɔn. Tsúfé mí é mbu ahande aku asi, isá akɔpó aku é bubu mí asi. Nelé ɔnó mbéé amótó ɔku ɔnátí á, ɔtenátí. Ní mbéé ɔbá é á, ɔteba. Tógyítóá nebláa mí osúmpú mbéé ɔbwéé á, ɔɔbwé.”

¹⁰ Bréá Yesu lónu asún ánfí á, ɔnó lobwie mu, ɔledamlí bláa ahá amóú bubuo mu amu, ɔbéé, “ɔnokwali nde mli bláa, mmakówwun ɔhá ání ɔbu hógyi kpɔnkpɔnti ánfí odu Israelfɔto kúráá kú!” ¹¹ Nde mli bláa mbéé, “Ahá tsɔtsɔtsɔ bótso owí ɔdalikpa pú owí ɔkplíwíékpa ba, betsiá ató ogyíkpa Bulu iwígyí ámɔto, amóa aní anáin Abraham, Isak pú Yakob aná bówa ibi gyi ató. ¹² Táme béle Israelfɔ amóú tekí bugyi Bulu iwígyí ámɔto atsiápú amu lé mu, tswi amó wá oklúnto. Inú isú móa kpisii bu ni.” ¹³ Mú ɔlelabláa isá akɔpó ɔhande amu ɔbéé, “Natí, ibá mótó ha fu fú hógyi ɔnó.”

Alí bré ámɔto pépéépé osúmpú amu iwí lówa mu ɔnlɔn.

*Alɔvɔ Tsɔtsɔtsɔ Tsa
(Marko 1:29-34; Luka 4:38-41)*

¹⁴ Yesu lóyɔ Petro wóyító. ɔlɔyɔ á, owísó lakítá Petro mu sia tsíhé, ɔda. ¹⁵ Mú ɔleyékítá ɔtsi ámu ibi. Inuɔ owísó amu lókusó muɔvɔ, ɔlɔbwe Yesu afɔto.

¹⁶ Mú ntópwesu á, bɔvɔ ahá tsɔtsɔtsɔɔá ɔɔe laláhe dé amó háan ba Yesu. ɔlɔtoí gya ɔɔe laláhe amu, tsá alɔvɔ amu féé. ¹⁷ Inú léha asún amóú Bulu ɔnósú ɔtoípú Yesaia léblí ámu leba mótó. ɔbéé, “Múlétsa aní ilo, tsú ipian kúsú anisvɔ.”

*Ahá Aní Bɛ Bóbwe Yesu Abúopv
(Luka 9:57-62)*

¹⁸ Yesu lówun ání ɔdam babomlí mu, ɔlebláa mu akasípú amu ɔbéé, “Mliha afa Galilea ɔvɔ yɔ mú ɔbin.” ¹⁹ Inu Mose mbla osunápú ɔku lébá mu wá, bebláa mu ɔbéé, “Osunápú, nóbuo fu yó ɔtínegyíɔtínéá fɔyɔ.”

²⁰ Yesu lébláa mu ɔbéé, “Awíá bubu mbó, mbubwi é bubu asia, táme mí, Nyankpɔsa-Mv-Bi ánfí mú mma ɔtínéá nóvɔ mí nwun tswi.”

²¹ Ahá amóú bubuo mu amɔto ɔku lébláa mu ɔbéé, “Owíé, ha mí anyopulá mí sí asa ambobuo fu.”

22 Táme Yesu lébláa mu óbée, “Bobuo mi, afusi awupú abupula amó afúli.”

Atsufú Asibá

(Marko 4:35-41; Luka 8:22-25)

23 Yesu lówie óklontó, mu akasípú amu é bowie buo mu. 24 Bréá bəyó á, afú kponkpəonkpəonti ku lówa tsúun bi. Mú su ntsu dɛda wíe óklon amotó, ideklé ime, táme Yesu mú da ódɛdidu. 25 Akasípú amu betsinkí mu, bláa mu bɛɛ, “Ani Wie le anu. Anidé ntsu wie!”

26 Múó ólefíté amó óbée, “Ntogyi só mlidé ifú nya ali? Mli hógyi mətśó!” Inu ólakuśó lé ónó wa afú múa ntsu ámu, inu fée ləlvá.

27 Ifú lehie kítá amó, befíté aba bɛɛ, “Nyankpusa ómamu ni, afú múa ntsu kóráá tonú mu óme ali?”

Ŋhe Laláhe Gyáa Le Agbedépu Abanyótó

(Marko 5:1-20; Luka 8:26-39)

28 Bréá Yesu lówie Galilea opu óbin, Gadarafo ósulúsu á, ayin abanyó akvá Ŋhe laláhe bu amótó bedali tsu afúli opulákpá befia mu. Amó iyin su óhaa tamatáli tsun ókpa ámusu. 29 Inunu bəklón fité Yesu bɛɛ, “Bulu mu Bi, amansu igyi? Febá bepítí anu ató asa Bulu isubítíbi ifon?”

30 Mprákuo tsətsəətsə akv budegyí inu fón. 31 Mú su Ŋhe laláhe amu bokokóli Yesu bɛɛ, “Ní fégya anu lé ahá ánfító á, ha ayowie mprákuo ánfító.”

32 Yesu lébláa amó óbée, “Mliyo.” Inunu bedali ayin ámotó yówie mprákuo ámotó. Amó fée besrí kplí okúku ku wíe opu amotó, wúwu.

33 Mprákuo ámu akpapó besrí yó wúluto, yébláa ahá tógyítóá ilaba ahá ámúb tekí Ŋhe laláhe bu amótó ámusu. 34 Mú su wúlu amotó ahá fée bedali ba Yesu wá. Bréá bowun mu a, bokokóli mu bɛɛ, ódáli amó ósulúsu.

9

Tsukule Osinpu Tsa

(Marko 2:1-12; Luka 5:17-26)

1 Mú su Yesu léyinkí wíe óklontó, fá opu amu yó wúlu amúb otsie mótó ámusu*. 2 Inu á, akv bəsurá tsukule osinpu akpasu ba mu. Bréá Yesu lówun áni bahó mu gyi a, ólebláa tsukule osinpu amu óbée, “Mí bí, klun idí fú asi. Nasí fú lakpan kíé fú.”

3 Inu Mose mbala asunápú akvá bətsie inu, beblí wá nwunto bɛɛ, “Oyin ánfí labó mbusuo.”

4 Yesu lébi amó agywun. Mú su ólefíté amó óbée, “Ntogyi só mlidé inu odu gywín? 5 Məmu bówa ablílɛ dɔn? ‘Nasí fú lakpan kíé fú.’ ntée ‘Kusu tsu fú akpa afonati?’ 6 Táme ndekléá mlíbú áni mí, Nyankpusa-Mu-Bi ánfí mbu túmi óyí ánfító sí ahá

* 9:1 Mu wúlu gyí Kapernaum. Ki 4:13.

lakpan kíé amó.” Inu òlebláa tsukole osínpu amu òbée, “Nde fú bláa mbée, kusu. Tsu fú akpa afonati yò wóyító!”

⁷ Inu òòkusu náti yò wóyító. ⁸ Inu lówa amó fée wánwan, bekanfú Bulu áni alapú túmiá igyi alí há anyánkúsa.

Mateo Ti

(Marko 2:13-17; Luka 5:27-32)

⁹ Bréá Yesu lópu ayó á, olowun lampóo òhópu òkúá butetí mu Mateo tsie lampóo òhókpa. Múò òlebláa mu òbée, “Bobuo mi.”

Inonu Mateo lókusu buo mu.

¹⁰ Mateo léti Yesu mva mu akasípú ató ogyíkpa mu wóyító. Lampóo ahópu pú lakpan abwepú tsòtsòòtsò beba ató ámu ogyíkpa. ¹¹ Farisifó ámu benya wun amó alí, befité mu akasípú amu bée, “Ntogyi sù mli osunápú mva ahá ánfí odu butowá ibi gyi ató?”

¹² Yesu lónu asón ánfí, òlebláa amó òbée, “Alópu léhián òò òtsapú, megyí ahá áni iwí bu amó ònlín. ¹³ Mliyo amliyefité Bulu asón ánfí bòwanlín tswí anfi asi. Bée, ‘Nwewúun ntekle, megyí igyiha.’ Mmèba aha wankláán òtikpá, lakpan abwepú òtikpá nèba.”

Ònókli Iwí Asvñ Fitéhé

(Marko 2:18-22; Luka 5:33-39)

¹⁴ Èke òkú Asú Òbòpú Yohane akasípú beba Yesu wá befité mu bée, “Ntogyi sù ania Farisifó aniteklí ònó, táme fú akasípú mú butamaklí ònó?”

¹⁵ Yesu léle mú ònó òbée, “Òtsi òkpáinpu anyawíeá bubu mu wá bégyi awireho? Èkekèkè! Táme èke kú béba áni békpa òká òtsiápu amu náti sí amó. Alí nke ámuto béklí ònó ní.”

¹⁶ “Òhaa tamapú tati pòpwe tan tati dada. Tsúfé tati pòpwe amu békpikpú tsíí dáda amu kú lé, há òtánkpa inu bélatéí tsía. ¹⁷ Alí kén butamapú nta pòpwe wá òwolú-kpákpá kente wuhétó ní. Nta pòpwe amu ibófu fá kente amu, tsítsá, ibéyintá kente amu é. Inu sù òwolú-kpákpá kente pòpweò bótòpú nta pòpwe wá, méní mú anyò ámu fée bétsiá.”

Òhande Òkú Mv Bi Mva Òtsi Òkú Ilo Tsa

(Marko 5:21-43; Luka 8:40-56)

¹⁸ Bréá Yesu détoí á, Yudafó ofiakpa òhande òkú léba beda akpawunu mu ayabitò, kókóli mu òbée, “Mí bí tsíhé lawú sésééséí, táme ba afubòpu ibi ònka musu onya nkpa.”

¹⁹ Mú sù Yesu lókusu, mva mu akasípú bobuo òhande amu.

²⁰ Òtsi òkúá obugya òe mu wolí nfi dúanyò ní lótsòn yò Yesu òma, pú ibi da mu tati osiebí. ²¹ Tsúfé òleblí wá mu nwuntò òbée, “Ní nòpú ibi da mu tati kpán á, òò bési mí.”

²² Yesu lédamlí kú mu, bláa mu òbée, “Mí bí, klòn òdí fú asi. Fú hògyi latsá fú òò.” Inonu òtsi ámu iwí lówa mu ònlín.

²³ Bréá olowie ðhande amu wóyítá a, olowun ikpe afulípó, nú awurehó agyípó amu okitikíti. ²⁴ Olegya amú ðbéé, “Mlidalí nfi! Otsibi amu mókúwú, didí ðde.” Ahá ámu bəmōsí mu. ²⁵ Bréá amú fée bedali ba wunsínésó a, Yesu lébitíwíé obu ámóú otsibi amu da mótó ámótó yékitá mu ibi, ðlókusú. ²⁶ Asún ánfí lékleí wá omá ámótó fée.

Ansibi Abwiepó Iló Tsa

²⁷ Yesu lédalí oyó á, ansibi abwiepó abanyó aku bobuo mu, buðe okitikíti sorá kpólí mu bee, “Owie Dawid mu na, wun aní nwe!”

²⁸ Bréá olowie wóyítá a, ansibi abwiepó ámu beba mu wá. Yesu léfité amú ðbéé, “Mlilahogyi mliaa, nétalí há mli ansibi bóbwií?”

Bele mú ðnó bee, “Aní Wíé, Ee!”

²⁹ Múú ðlɔpu ibi dada amú ansibi, bláa amú ðbéé, “Tbá mótó ha mli, mli hógýi ðnó.” ³⁰ Inu bɔwa ató wun bi. Yesu léda amú ðlá ðbéé, bómábláa ðhaa.

³¹ Táme bréá bedali bəyó á, beða mu ðkan omá ámu féeétó.

Omúmu Iló Tsa

³² Benya náti alí, bɔpu oyin ðkúá ðhe laláhe bu muto, su alató omúmu ba Yesu. ³³ Olenya gya ðhe laláhe amu lé oyin ámótó alí, ðlɔwa tóí bi. Ahá ámu fée bowun, su ðnó lobwie amú. Mú su beblí bee, “Anímókúwun ínì odu Israelfoto kí!”

³⁴ Farisifo ámu beblí bee, “Ohe laláhe owíe túmi ðdepuɔgya ðhe laláhe lé ahátó.”

Ahá Nwewúun

³⁵ Yesu léki awúlu pú nkuda fée asi, súná ató Yudafó ofiakpa. Oleda Bulu iwíegýí ámu iwí asun wankláán ðkan. Oletsa iló kugyíkú fée. ³⁶ Bréá olowun ððm amu a, amú asún lówa mu nwe. Buggyí fé akúfa ání buma ðkparú, tsúfé asún de amú háan, buma tótó bwetó. ³⁷ Mú su ðlebláa mu akasípó ðbéé, “Ató kpótíhé amu itsó, táme mú akpótípó bómōtsó. ³⁸ Mú su mlíkóli ndó mu wie, owa ató akpótípó tsotsó abuba bəkpótí ató ámu.”

10

Akasípó Amu Adá

(Marko 3:13-19; Luka 6:12-16, 9:1-6)

¹ Yesu létí mu akasípó dúanyó ámu, ðleha amú túmi ání buggyí ðhe laláhesu. Buggyáa amú lé ahátó, abutsa iló múa iwíwásin kugyíkú. ² Sumbí ayɔpó dúanyó ámu adá ní: Ogyankpapu gyí Simon ání butetí mu Petro mua mu pio Andrea. Yakobo mua mu pio Yohane ání buggyí Sebedeo abí; ³ Filipo, Bartolomeo, Toma, lampóo ðhópu Mateo, Alfeo mu bi Yakobo, Tadeo, ⁴ Simon ání ogyí iwíwotsiá adunkápú ɔpasuató ðha pú Yuda Iskariot ání ðlele Yesu há.

Akasípú Dúanyo Amv Sumbiwa
(Marko 6:7-13; Luka 9:1-6)

⁵ Ọlwa sumbí ayọpú dúanyo ámu sísí, wá mbla há amó ọ́bée, “Mlímáyọ ahá ání bomegyí Yudafo ọ́sulúwú pú Samariafo awúlu kúkúsu. ⁶ Mboún mliya Israelfo wá. Bogyí fé akúfa ání bafwí. ⁷ Ní mlọ́yọ́ á, mlída asón ámu ọ́kan mliaa, ‘Bulu iwíegyi ámu lawíé wóyí tá.’ ⁸ Mlitsa ọ́, amlitsinki afúli. Mlitsa ọ́ pẹpẹ alọpú, amligya ọ́je laláhe le ahátọ. Mlímáhọ amó tótọ. Mlibwe mó pokie amó, fé alíá napókíé mli. ⁹ Mlímátsu sika kúkúku wá mli akentetọ. ¹⁰ Mlímátsu akpankogyo ání mlọ́pọ ató wá mótọ há ọ́kpa ámu tu. Mlímátsu atadiẹ nyọ́sı, ntọkọta pú oyi yiáhé. Tsúfé agyómá ọ́yọpú bọtẹhá atogyihe.

¹¹ “Ní mlọ́yọ́swí wúlu kugyíkúsu á, mlídunka ọ́ha wankláán, amliswu mu wá. Mlitsia inu kpefun ekeá mlénatí. ¹²⁻¹³ Ní mlowíé wóyítọ inu á, mliha amó itsiá mliaa, ‘Bulu ọ́há mli iwilwii.’ Ní wóyí ámọ́tọ́ bọ́họ mli á, mli oyúla amu isín amósú. Táme ní bọ́mọ́họ mli á, mómó mli oyúla amu isánki ba mliwu. ¹⁴ Ní bọ́mọ́họ mli, ntée nú mli asón á, mlídali wóyí ntée wúlu amọ́tọ, amlíkpa mli ayabitọ-ısi wọli inu. ¹⁵ Ọ́nọkwali nde mli bláa mbée, Bulu ọ́bẹ́bití amó ısu don Sodom móa Gomorafọ mu asón ogyíké amu.”

Iwıosın Aní Ibéba Sumbi Ayọpú Amvsv
(Marko 13:9-13; Luka 21:12-17)

¹⁶ Ọ́lẹtrá bláa amó ọ́bée, “Mlibi ání nde mli wa fé akúfa ání bọ́yọ́ nkpatakutọ. Mlifwifwi ansí fé awọ, amliha mli iwı itın fé abróduwa. ¹⁷ Mliki mli iwı wankláán anyánkpósasu. Tsúfé békítá mli ya asón ogyíkpa, nwén mli ató amó ofiakpa. ¹⁸ Mí su békpa mli ya ọ́máso agyípọ pú awíe ansítọ, méni mlégyi mí iwı adánsıe súná amóa ọ́mátọ́fọ. ¹⁹ Ní békítá mli ya a, mlímágywın asón ání mléblí pú alíá mléle mó ọ́nọ. Bọ́pọ asón ání mléblí bré ámọ́tọ wá mli ọ́nọ. ²⁰ Tsúfé megyí mli ọ́bótọ́. Mli Sí Ọ́jé ámu ọ́bótọ́ tson mliwu.

²¹ “Apíó bẹ́le amó apíó há lowu. Abí así bẹ́le amó abí há. Abí é bókúsu líi amó akwípúsu, há bómọ́ amó. ²² Mí su ahá féé bólu mli, táme ní mlétalı wá klọn líi kíńkíńkín yófọn mó ọ́nọmọ́ á, Bulu ọ́bọ́họ mli nkpa. ²³ Ní budın mliwu wúlu kutọ́ á, mliıri yọ́ wúlu bámbátọ. Ọ́nọkwali nde mli bláa. Mlíméeki Israel awúlu amu féésú tá asa mí, Nyankpọ́sa-Mv-Bi áńfi néyinkí ba.

²⁴ “Okasípú tamadọn mu osunápú. Osúmpú é tamadọn mu wie. ²⁵ Ibówa alé ní ọ́kasípú ọ́bọ́bwe fé mu osunápú, osúmpú é ọ́bọ́bwe fé mu wie. Ní batáli bode wóyí mu wie amu ti bẹe, ‘Ọ́bunsám’ ntée ‘Beelsebul’ a, mómó ıda laláhe mọ́mu bọ́mọ́pọ́tí mu wóyítọ́ atsiápú mó?”

Ọ́há Aní Abénya Ifú
(Luka 12:2-7)

26 “Táme mlumánya ifú. Tətə má unvá babun ató mósú ání bumóobwii mósú. Tógyító é ma unvá ilenjaín ání uméelun əwan. 27 Ní nelé ató súná mli onyé á, mlikplon bli mó əpa. Mhida asún ání nēbláa mli nklobitə é əkan. 28 Mlumánya nyankpəsa ifú. Əbétalí mó mli əyulú, táme əméetalí mó mli əkláa. Mboún əhá ání mlunyá ifú gyi Bulu. Mu əbétalí yíntá əyulú móa əkláa amu fée isubití ogyá ání itamaduntə. 29 Megyí kápłe buɛfé akénsire anyə kéké? Táme amótə əkəkə tamakpádá əsulótə ání mli Sí ámu méyín mó iwı. 30 Tsúfé Bulu yin mli nwunsv-imi kóráá klátə. 31 Mó sv mlumánya ifú, tsúfé mli bu ibiá dun akénsire tsətsətsə.”

Adánsɛgyi Pó Asúnkindá
(Luka 12:8-9)

32 “Ní əku létalí gyi mí iwı adánsɛ ahátə á, mí é négyi mu iwı adánsɛ súná mí Sí əsósú. 33 Táme ní əku lékiná mí ahátə á, mí é nékiná mu mí Sí ansítə əsósú.

Ipián Yesu Lópɔba, Megyí Iwilwii
(Luka 12:51-53; 14:26-27)

34 “Imábwe mli fē iwilwii nəpɔba əsulúv anfisv. Megyí iwilwii, mboún ədayí ıya anyə nəpɔba. 35 Tsúfé abi yinhé móa amú así nsiné báyintá. Abi tshé móa amú ayín é nsiné báyintá. Osia tshé móa mu sia tshényə é nsiné báyintá. 36 Əha alupó bótə mu wóyítə.

37 “Əhá ání ətədwé mu sv ntée mu yin dun mi mófɔn ání əbóbwe mí əkasípú. Əhá ání ətədwé mu bi tshé, ntée mu bi yinhé dun mi é mófɔn ání əbóbwe mí əkasípú. 38 Əhá ání omotsu mu oyikpalíhe bobuo mi é mófɔn ání əbóbwe mí əkasípú. 39 Ní əku léprı mu nkpa á, əbóhulı mú. Ní əku é lóhulı mu nkpa mí sv á, obénya mú.

Yiləbwe Iwi Ikəká
(Marko 9:41)

40 “Əhá ání ələhə mli lahə mi. Ní əku lóhə mi é á, alahə mí Sí ámúv ələwa mí ámu. 41 Ní fəhə Bulu ənósú ətəípú əfəó á, Bulu ənósú ətəípú oyúla fénya. Əhá ání ələhə yilə əbwepú é əfəó obénya yilə əbwepú oyúla. 42 Ənəkwalı nde mli bláa. Əhagyíəha ání ələha mí akasípótə əkəsv kóráá ntsu-owebi əbə olonu a, əmóəhulı mu ipán.”

11

Yesu Mva Asú Əbəpú Yohane
(Luka 7:18-35)

1 Bréá Yesu lópɔv agyómá ánfı wá mu akasípú dúanyə ámu ibitə tá á, ələyə yéki Galilea awúlusv, súná ahá ató, dá asún ámu é əkan.

2-3 Asú Ɔbɔpú Yohane da obu, olonu Kristo bwehé. Mú su ɔlɔwa mu akasípú abanyó sísí Yesu ɔbéε, buyéfité mu beε, “Fúgyí ɔhá á múú ɔbéba amu ni, ntée akí ɔha bambá ɔkpa?”

4 Yesu lébláa amú ɔbéε, “Mliyinki yebláa Yohane asún ání mlilabonu pú atáá mlilabowun. 5 Mlilabowun ání ansibi abwiepú bude ató wun, abɔ bɔna. Uɔ pepe alɔpú iwí deplí. Isu atínpu bude asún nu. Afúli buɔetsinkí, ahiánfɔ é bude asun wankláán ámu nu. 6 Bulu obóyulá ɔhá ání mí bwehé mɔkusó líi mɔsu.”

7 Bréá Yohane akasípú ámu beyinkí bɔyó á, Yesu lówa tóí tsú Yohane iwí súná ɔdɔm amu bi. Ɔbéε, “Bréá mliléɔali yɔ dimbísú unu á, ntɔ ɔkíkpa mlíyɔ? Fítáa ání afú de mú tsúun lóó? Ekεεεεε! 8 Ní megyí mú á, ntɔ kóún ɔkíkpa mlíyɔ? Ɔhá ání ɔɔɔdí ntsrim? Ekεεεεε! Awíε wóyí atati ámu odu adídápú buɔetsiá. 9 Mlibla mi! Bulu ɔnósú ɔtɔípú mliléɔali yéki? Ee, Yohane ni. Ɔɔɔn Bulu ɔnósú ɔtɔípú. 10 Mu iwí asún Bulu léblí bɔwanlín mú tswí beε, ‘Kí, nde obí wa gya fu nkpa. Mu ɔbéla ɔkpa há fú ní.’ 11 Ɔnɔkwali nde mli bláa mbéε, ɔhagyíɔha ání ɔha tshé laken kwí mófɔn Asú Ɔbɔpú Yohane, táme mu é ɔmɔfɔn Bulu iwígyí ámutɔ ɔkusɔ kóráá. 12 Tsú Yohane brésú bɔtu nde á, ahá bude Bulu iwígyí ámu prí ɔwunlínú. Awunlínú bude mú prí. 13 Tsúfé Bulu ɔnósú atɔípú amu pú Mose Mbla ámu bɔfɔn Yohanesu fée bɔtɔí tsú Bulu iwígyí ámu iwí. 14 Ní mlóhɔ asún ámu gyi a, mómú mlébi ání mɔgyí Elia. Mu ɔbéba ni. 15 Ɔhá ání ɔbu asu onúu.

16 “Séi ánfí á, amendi nɔpu ndemba-abí ánfí kápú? Bɔgyi fé nyebíá butsie dɔnsu bude aba kpolí, 17 blí beε, ‘Anɔlapléi ansigyísú, mlímétsa. Mú su anɔlálá wá awirehɔ ub, táme mlímósu.’ 18 Mligyí fé nyebí ánfí, tsúfé Yohane léba á, oletsíá klí ɔnó, omonu ntá, táme mlíaa, ‘Ɔhe laláhe bu mɔtɔ!’ 19 Táme mí, Nyankpɔsa-Mu-Bi ánfí mú naba nde ató gyí, nde ntá núu. Mú é mlíaa, ‘Mlíki opotsuapu pú nta ɔbɔpú, lakpan abwiepú pú lampó ahópú onyawíε.’ Táme Bulu ɔha tsiátó telé mu nyánsa ɔwan.”

*Ahá Aní Bɔmedamli Klɔntɔ Asóngyí
(Luka 10:13-15)*

20 Yesu lópu ɔbló tóí tsú awúlu aku iwí. Awúlu amúá ɔlɔbwe ofúla akpɔnkpɔnti mótó, táme bɔmedamli klɔntɔ ámu. 21 Ɔbéε, “Korasinfɔ, mligyɔwi. Betsaidafɔ, mligyɔwi ní. Ní Tiro pú Sidon awúlu laláhe amutɔ nɔbwe ofúla akpɔnkpɔnti ánfí nɔbwe mlitɔ á, tekí bɔdamli klɔntɔ dodoodo. Tekí buɔda akpekpetɔ, bakpá nsúó wá nwuntɔ pɔsúná ání badámli klɔntɔ. 22 Mlibi ání Bulu ɔbébití mli isu mu asún ogyíké ɔun Tiro múa Sidonfɔ. 23 Mli Kapernaumfɔ, mlídeklé mlíaa mlótsu iwí fúá alu yówɔ ɔsúsú? Ekεεεεε! Bulu ɔbéba mli así yówie afúlitɔ.

Tsúfẹ ní Sodom wúlutò nǎbwε ofúla akpǎnkpǎntì ánfì odu á, tekì wúlu amu itráa bu inu bǎtu ndε. ²⁴ Mlíkaín ání Bulu obówun Sodomfǎ nwe asún ogyiké amu ðun mli.”

Mlibeda Ɖkpónú Mí Wá
(Luka 10:21-22)

²⁵ Alí bré ámutò á, Yesu lǎbǎ mpái blí ðbéε, “Mí Sí, ǎsú muv asì Owíé! Nεdá fú ipán ání falé tǎá fǎpǎhǎín anyansapv pǎ asún abipú ǎwan súná ahá ání bǔmeyín ǎlala, bǔgyi fé nyebí. ²⁶ Ee, Mí Sí! Alí fǔdeklé fεε ibá mútǎ ní.”

²⁷ “Mí Sí lǎpǎ tǔgyítǔ wá mí ibitǎ. Ɖhaa méyín Obí ámu, nkéti Ɖsí ámu nkulε. Ɖhaa méyín Ɖsí ámu é, nkéti Obí ámu pǎ ðhá ání Obí ámu latsúlá ání ðbéε mu súná mu.”

²⁸ “Mliba mí wá, mli ahá ání ilapíán mli, mli atǎ sǔráhé ðε mli ðǔbn. Néha mléda ǎkpónú. ²⁹ Mliba iwiasì ha mi, amlisuan mi, tsúfẹ neba iwiasì, nolwii, ménì mlénýa iwilwii. ³⁰ Tsúfẹ mí wá tsiá bu atsiálé. Mí atǎ sǔráhé é móǎðun mli sǔrá.”

12

Ɖkpónú Ɖdaké Mu Wie
(Marko 2:23-28; Luka 6:1-5)

¹ Yesu muv mu akasípú bǎtsun ayó ndǎ kutǎ ǎkpónú ǎdaké. Akón ðε akasípú amu, sv bǎpǔsǎa ayó ámu kv wí. ² Farisifǎ aku bowun amú, bebláa Yesu beε, “Kì, fú akasípú amu buðε tǎá mbla meha ǎkpa bwe ǎkpónú ǎdaké!”

³ Yesu léfité amú ðbéε, “Mlimǎkúkla nu tǎá Owíé Dawid lǎbwe bréá akón ðε muv mu abúopv kí? ⁴ Olebitíwíé Bulu osúmka yótsu bodobodoá bapóhá Bulu igyí ba, muv mu abúopv amu begyi. Bulu igyí ahapú nkulε beha ǎkpa, bǔtegyi alí bodobodo amu. ⁵ Mlilakla Mose Mbla, nú ání Bulu igyí ahapú ámu bǔtǎyó agyómá Bulu ǎtswékpa inu ǎkpónú ǎdaké, tǎme bǔtamahá amú ipón. ⁶ Nde mli bláa mbéε, ðhá ání ǎðun Bulu ǎtswékpa amu búv nfi á. ⁷ Bulu asún leblí ðbéε, ‘Nwewúun ntekle, megyí igyíha.’ Ní mliyín mó asì á, tekì mliméεha ahá ánfì amú asún ða ǎkpa ánfì ipón. ⁸ Tsúfẹ mí, Nyankpǔsa-Mv-Bi ánfì gyí ǎkpónú ǎdaké mu wie ni.”

Ilotsa Ɖkpónú Ɖdaké
(Marko 3:1-6; Luka 6:6-11)

⁹ Yesu lénatí inu, ǎlǎyǎ Yudafo ofiakpa. ¹⁰ Olowun oyin ǎkǎá mu ibi kulε lawú inu. Farisifǎ ámu buðε Yesu téε. Mú sv befité mu beε, “Mbla leha ǎkpa ání bǔtsǎa ilǎ ǎkpónú ǎdaké?”

¹¹ Mú Yesu léfité amú ðbéε, “Ní mlitǎ ǎku bu kufa, alakpádá wíé ibúntǎ ǎkpónú ǎdaké á, ǎméεε mu? ¹² Yéε nyankpǔsa bu labi ðun kufa a? Mú sv mbla leha ǎkpa ání ðha ðbǎbwe yilé ǎkpónú ǎdaké.” ¹³ Mú ǎlebláa oyin ámú mu ibi lawú ámu ðbéε, “Tinkì fú ibi amu.”

Olenya tínkí mú alí pé, òhè lowie mótó fè nyòòsi amu. ¹⁴ Táme mú ó á, Farisifò ámu bedalí yékítá agywun aliá bóbwe bómo Yesu.

Osúmbi Aní Bulu Léle

¹⁵ Yesu lébi amó agywun. Mú sv òlenatí mu. Òdam bobuo mu, òletsá amótó alòpu fèé ilo. ¹⁶ Mú òleda amó òlá òbée, buma há abubi mu. ¹⁷ Iní léha asón amó Bulu ònsó òtòipú Yesaia léblí yáí ámu léba mótó ní. ¹⁸ Òbée,
“Kí, mí osúmpóá nalé ní.

Ntòdwé mu, mí ansí tegyi mu iwí.

Nòpu mí Òhe Wankíhé wá mutò.

Òbébláa òmátòfò òbée, ‘négyi amó asón òòkwalisu.’

¹⁹ Oméegyí nwéén, òmòòkplón.

Òhaa móonu mu ònó brònu.

²⁰ Obénya klòn há ahá aní amó hógyi ònó ma ònlín,
bábwe fè oyíá òlatá bia tá.

Òbòwa awitòle há ahá aní buma òwunlín,

bábwe fè òkandíeá nfò latá mótó,

yòfon bréá bēbi aní ntegyi asón òòkwalisu.

²¹ Ahá aní bomegyí Yudafò bòpu ansí ònká musu.”

Yesu Mva Beelsebul

(Marko 3:20-30; Luka 11:14-23)

²² Inu bòpu oyin òku ba Yesu, òhe laláhe bu mutò. Mú sv òleha mu ansíbi lobwie; álató omúmu é. Yesu létá mu ilo, òde ató wúun, òdetó é. ²³ Ònó lobwie ahá ámu fèé, befíté bee, “Megyí Dawid mu na ámu ní?”

²⁴ Táme Farisifò ámu bonu asón anfi á, beblí bee, “Òhe laláhe owie Beelsebul túmi òdepu gya òhe laláhe lé ahátò.”

²⁵ Yesu lébi amó agywun. Mú sv òlebláa amó òbée, “Iwíe ogyíkpá aní òlaye anyò, bude aba kò bédida. Alí kén wúlu ntée wóyí oduá mótó atsiápú bude aba kò é itobwíé ní. ²⁶ Mú sv ní Òbunsám dé mu iwí gyáa a, mu iwíegyí bédida. ²⁷ Ní Beelsebul túmi ndepu gya òhe laláhe lé ahátò á, múmó ma túmi mlí abí é budepu gya òhe laláhe lé ahátò? Mlí abí ámu onutó obégyi mlí asón. ²⁸ Táme ínía Bulu Òhé ndepu gya òhe laláhe sv á, mlíbi aní Bulu iwíegyí ámu laba mlí wá dodo.”

²⁹ Òhaa méetalí wíe òwunlínpu wóyító yòkulá mu ató, nkéti alagyankpá kíklí mu tswí, asa òbétalí kólá mu ató fèé.

³⁰ Òhá aní omobuo mí dé mí lu. Òhá aní òmedé mí tsa akpa ahá ba Bulu é dé amó gyáa teía mí. ³¹ Iní sv nde mlí bláa mbée, Bulu obési ahá lakpan pò abususu kugyíku kíe amó. Táme ní òku òblí Òhe Wankíhé amu iwí abususu a, Bulu méesikíe mu ekekeke. ³² Ní òku léblí mí, Nyankpusa-Mu-Bi anfi é iwí asun laláhe a, Bulu òbétalí sikíe mu. Táme ní òku léblí Òhe Wankíhé

amv iwɪ asvɛn laláhe mú á, Bulu méesikíé ðhá ámv nde ɔyi kehe, ntée bré ámvú íbá ámvú.

Tsiátó Itsú Iklvnto
(Luka 6:43-45)

³³ Oyi abí bvtɔpúbí mú. Oyi wankláán toswié abi wankláán. Oyi laláhe é toswié abi laláhe. ³⁴ Mli awɔ abí-aná! Nkálí mli aha laláhe mlétalí blí asvɛn wankláán? Tsúfě tóá idvɛn ðha klvɛn a, mótédálí tsu mv ɔnó. ³⁵ ðha wankláán teblí asvɛn wankláán tsú mv klvnto, ðha laláhe é teblí asvɛn laláhe tsú mv klvnto.

³⁶ Nde mli bláa mbéé, ðhagyíðha ɔbéle asvɛn laláhe kugyíkúá ɔleblí ɔnó Bulu asvɛn ogyíké amv. ³⁷ Tsúfě ðha asvɛn blíhé Bulu ɔbópvhá mv asv ntée ipón.

Bodunká Ofúla

(Marko 8:11-12; Luka 11:29-32)

³⁸ Múó Farisifɔ pú Mose mbla asunápó amv aku bebláa Yesu beé, “Osunápó, anudéklé aniaa fvbwéé osúna kv suna aní.”

³⁹ ɔlebláa amú ɔbéé “Mli ndemba-abí laláhe aní mluladáli Bulu ɔma. Mlidé osúna dunká amlíwun, táme mlumóowun kvkvkv dvn Bulu ɔnósú ɔtáipó Yona osúna amv. ⁴⁰ Alí ámvú Yona létsiá bonsu iwɪtɔ nkensá, ɔpa móa onyé ámv a, alí mí, Nyankpɔsa-Mv-Bi ánfí é nétsiá ɔsvlób ɔtótó nkensá, ɔpa móa onyé ní. ⁴¹ Niniwefɔ é bókvsú Bulu asvɛn ogyíké amv, há mli ndemba-abí ánfí ipón. Tsúfě bréá Yona léda Bulu asvɛn ɔkan súná amú á, bedamlí klvnto ba Bulu wá. Mlíki, ðhá aní ɔdvn Yona onutó líí nfi á. ⁴² Seba owíe tsihé ɔbókvsú líí Bulu asvɛn ogyíke, há mli ndemba-abí ánfí ipón. Tsúfě olotsu ɔsaasí ɔmá ikvto kéin gya ɔkpa ba, bonu Salomo nyánsa atosunáhé. Mlíki, ðhá aní ɔdvn Salomo líí nfi á.”

ɔhe Laláhe Yinkí Ba ɔhato

(Luka 11:24-26)

⁴³ “Ní ɔhe laláhe idálí ɔhato á, iteyéki dimbísú dúnká ɔkpvónú ɔdakpá, táme itamanyá. ⁴⁴ Inu iteblí aní íbéyinkí yó mú wóyí dadato. Ní ísánkí yó á, itowun aní baféí mótó, lá mótó wankláán, ida kpan. ⁴⁵ Iteyínkí yékpa mú aba asienó aní bvtɔbwé laláhe dvn mú, bvtɔeba betsiá inu. Inu ðhá ámv tsiátó teyíntá dvn alíá igyi yáí. Alí íbéba ha mli ndemba-abí laláhe anfi ní.”

Yesu Abusuanfɔ Onutó

(Marko 3:31-35; Luka 8:19-21)

⁴⁶ Bréá Yesu trá ɔde ahá ámv asvɛn bláa a, mv yín mv a mv apíó beba belí kpankpá, bvdedunká aní bébláa mv asvɛn. ⁴⁷ Ahá ámvú ɔkv lébláa Yesu ɔbéé, “Kí, fú yín mv a fú apíó bulí kpankpá. Bvde fú dunká, abvbla fv asvɛn.”*

⁴⁸ Múó Yesu léfité mv ɔbéé, “Amendí gyí mí yín mv a mí apíó?”

⁴⁹ Inu ɔletínkí íbí sísí mv akasípó amv, blí ɔbéé, “Mlíki, mí yín

* 12:47 Mótó yéé 47 ima nwló dada amv akvto.

mba mí apíó gyí ahá ánfí á. ⁵⁰ ǾhagyíǾha ání ǾǾbwé mí Sí ámúǾ Ǿbu Ǿsúsú ámu apé á, mugyí mí yín múa mí píó ní.”

13

Ató-abí Owunyápv Iwi Yébi
(Marko 4:1-9; Luka 8:4-8)

¹ Eke ámu kén á, Yesu lédali tsu wóyító yétsiá Ǿpu Ǿnó. ² ǾǾm kǾnkpǾnkpǾnti beba befia bomlí mu. Mú su ǾǾdu wíé ǾklǾntǾ, yétsiá Ǿpu amusu, ahá ámu é bulí Ǿpu Ǿnó inu. ³ Inu olosuná amú ató tsǾtsǾtsǾ ayébitǾ Ǿbéé,

“ǾǾtǾpu Ǿku lóyo ató-abí owunyákpa. ⁴ Bréá Ǿde mú wunyáa a, iku lówulí ǾkpatǾ, mbubwi beba bǾtswetswéé mú féé. ⁵ Iku é lówulí abutású, Ǿtínéá isi kpalobí dín. Mú su ǾlǾwa Ǿsa kwe, ⁶ táme bréá owí lelín a, ǾtǾ mú mó, tsúfé mú nlín mǾyo ǾtǾtǾ. ⁷ Abí ámu ku lobun awutǾ, awu ámu lǾbulá kítá mú. Mú su imedan. ⁸ Táme abí ámu ku é lobun Ǿsulúw wankláánsú, Ǿkwe, dan, swie abí. Iku lafa (100), iku aduesie (60), iku é advasa (30).”

⁹ Yesu lómǾ mu asún Ǿnó Ǿbéé, “Ǿha ání Ǿbu asu onúu!”

TǾá Svá Yesu LǾtǾi Ayébisv
(Marko 4:10-12; Luka 8:9-10)

¹⁰ Mu akasípú amu beba befité mu beé, “Ntogyi só fǾde amú asún bláa ayébisv?”

¹¹ MúbǾ Ǿlele mú Ǿnó Ǿbéé, “Mlí mú á, Bulu lahá mlí Ǿkpa Ǿbéé, mlíbú mu iwíegyí ámu iwi asun nǾínhé, táme Ǿmeha amú mú alí. ¹² Tsúfé Ǿhá ání odekléa obónu mí atosunáhé amu así á, Bulu ǾbǾpu iku tsía mótǾ há mu, méní Ǿbétra bi tsía mótǾ. Táme Ǿhá ání omedékléa obónu mú así á, Bulu ǾbǾswí mu kpalobí amúǾ alabí ámu kóráá. ¹³ TǾá svá nde amú asún bláa ayébisv gyí, bǾde mú nu, táme bǾmedé mú así nu. BǾde mú wúun, táme bǾmedé mú bi. ¹⁴ Ahá ánfí sú Bulu Ǿnósú ǾtǾípú Yesaia asún ání Ǿleblí tswí laba mótǾ ní. Ǿbéé,

‘Bónu lánú, táme bǾmóonu mú así.

Béki láki, táme bǾmóowun mú.

¹⁵ Tsúfé amú agywun lawú.

Batílá asu, bun ansíbi é.

Iní su bǾmóonu, bǾmóowun é.

Ní megyí alí á, tekí bówun ató,

bónu asún, amú agywun bǾbwií,

bédamlí ba mí wá, nǾtsa amú ǾlǾ.’

¹⁶ “Táme mlí mú á, Bulu layúlá mlí. Mlétalí pǾ ansíbi wun ató, pǾ asu nú asún. ¹⁷ ǾnǾkwali nde mlí bláa. Bulu Ǿnósú atǾípú pǾ yilé abwepú tsǾtsǾtsǾ bekleá bǾpu amú ansíbi wun ató ánfí, abǾpu amú asu nu asún ánfí mǾlédenu, táme bǾmenya mú alí.

Ató-abí Owunyápv Yébi Amv Así
(Marko 4:13-20; Luka 8:11-15)

18 “Ml̄inu ató-abí owunyápu yébi amu así ngya. 19 Ahá ání bonú Bulu iwíegyi íwi asón ámu, táme b̄omonu mú así á, b̄ogyi f̄é abí amúú ilobun okpató ámu. Ob̄unsám t̄eba bēle asón amúú bodu wá amú kl̄ontó ámu náti. 20 Abí amúú ð̄owolí abutású amu gyí ahá amúú bonú asón ámu pé, bah̄o mú ansigyísú, 21 táme íniá b̄oma n̄lín su á, itamatsiá amútó yó. Mú su ní bud̄in amúsú ntée iw̄īas̄in ku itó amú asón ámu su á, in̄un̄u but̄ed̄ida. 22 Abí amúú ð̄owolí awutó ámu gyí ahá amúú bonú asón ámu a, bah̄o mú, táme oyí ánf̄it̄o at̄o hián̄he iw̄i gyw̄ín pó mótó atonyahé iw̄i on̄s̄ipe tegyi Bulu asón ámusu. In̄i su but̄amaswíé abí. 23 Abí amúú ð̄owolí os̄ol̄óu wankláánsú amu gyí ahá amúú butonú asón ámu, nú mú así. In̄i su itehá but̄obwé yilé f̄é alíá ató-abí ámu loswie, íku lafa (100), íku aduesie (60), íku é advasa (30) ámu.”

Ató-abí Wankláán Pó Ifa Laláhe Iwi Yébi

24 Yesu létrá ha ahá ámu yébi ku ob̄éé, “Bulu iwíegyi ámu igyi f̄é od̄ot̄apu okuá oloyódu ayó wankláán mu nd̄ot̄o. 25 Táme onyé, bréá ahá bēdi á, mu olupú lóyódu ifa laláhe áni ð̄el̄ian ayó ámu wá mótó, ð̄lenati. 26 Bréá ayó ámu lédan, idekwí á, ifá ámu é ð̄el̄in on̄wan mótó. 27 Od̄ot̄apu amu apaf̄o botsu nd̄o ámut̄o ba bēfité mu bēe, ‘Ani wíé, megyí ayó fodu wá f̄ó nd̄o ámut̄o? Nkónú ifa laláhe é itsú mótó?’ 28 Múú ð̄ebláa amú ob̄éé, ‘Mí olupú bwehé ní.’ In̄u bebláa mu bēe, ‘Ní fót̄sulá á, ha ayetsitsii mú ð̄e ayó ámut̄o.’ 29 ð̄ebláa amú ob̄éé, ‘O-o! Mliha mú itsia. Ní ml̄idé mú tsií á, ml̄étsii mí ayó ámu é ku tsítsá. 30 Ml̄isi mú f̄éé ð̄u yófon mú t̄inbi. Ní ifon a, nébláa mú at̄inpu mb̄éé, b̄ogyánkpa sain ifa laláhe amu, abukl̄i mú tswi ha mú ogyá wa, asa ab̄utin ayó ámu yowa mí odudut̄o.’ ”

Takyí-akpin Ibi Yébi

(Marko 4:30-32; Luka 13:18-19)

31 Yesu létrá ha amú yébi ob̄éé, “Bulu iwíegyi ámu igyi f̄é takyí-akpin ibí, oyin oku lódu wá mu nd̄ot̄o. 32 Múgyí t̄úkúr̄íbi nyí-abí f̄éétó ní, táme ní ð̄idan a, it̄obwé ifá f̄óáhé ð̄un ifá kugyíku. Mú abámbi tekpíkpli, mbubwi butogyónká músú.”

Bodobodotu-afá Yébi

(Luka 13:20-21)

33 Yesu létrá ha amú yébi ku ob̄éé, “Bulu iwíegyi ámu igyi f̄é bodobodotu-afá áni ot̄si oku lóputsiá bodobodo nf̄úó kent̄e kule, ð̄el̄ha mú lotu.”

Yesu Lótóí Ayébisu

(Marko 4:33-34)

34 Ayébi anfi odu tsats̄ot̄so oletsia p̄obláa od̄am amu asón ní. Om̄ebláa amú asón kukuá imegyí ayébi ð̄ōputóí. 35 In̄i léha asón amúú Bulu on̄s̄ú ot̄áipú oku léblí yáí ámu léba mótó. Ob̄éé, “Nótóí ayébisu

pólé asón ání Bulu lóponjáin tsú oyi asitsuábi owan.”

Ifa Laláhe Yébi Amu Asi

³⁶ Yesu lénatí odóm amu wá ba wóyító. Mób mu akasípó amu boyo mu wá yébláa mu bee, “Le ndo ámuto ifa laláhe iwi yébi amu asi suna aní.”

³⁷ Mób Yesu léle mó onó obéé, “Mí, Nyankpusa-Mu-Bi ánfí gyí ató-abí wankláán odupó ámu ni. ³⁸ Ndo ámu gyí oyi ánfí. Ató-abí wankláán ámu gyí Bulu iwíegyí ámuto abí. Ifa laláhe amu gyí Obunsám abí. ³⁹ Olupó ámú olodu ifa laláhe abí ámu gyí Obunsám. Atótinbi amu gyí oyi onómoké. Ató atínpu amu é gyí Bulu-abopu.

⁴⁰ “Alí ámú besaín ifa laláhe amu, wá mó ogyá ámu a, alí kén ibéba ha aha laláhe oyi onómoké ámu ni. ⁴¹ Mí, Nyankpusa-Mu-Bi ánfí nówa mí abopu békpa tógyítóá itehá oha tóbwé lakpan pú lalahé abwepó fée lé mí iwíegyí amuto. ⁴² Bótswi amú fée wá ogyá kpónkpóntito. Inó isú móa kpisii bu ni. ⁴³ Táme yilé abwepó mó bówankí fé owí amú Sí Bulu iwíe ogyikpá inu. Ohá ání obu asu onúu.”

Siadie Méntíhé Iwi Yébi

⁴⁴ Yesu létrá ha amú yébi ku é obéé, “Bulu iwíegyí ámu igyi fé siadie kuá bopulá osulúu kusu. Oyin oku léyémentí mó, lánjáin mó. Mó iwi ansigyí su á, oleyéfe mu ató fée púbohó osulúu amu.”

Abutó Wólíhe Iwi Yébi

⁴⁵ Bulu iwíegyí ámu itráa gyi fé ibiá ogyípó okuá ona ode abutó wólíhe dunká oho. ⁴⁶ Bréá olowun butóbi wólíhe kole péá ihíe bu ibiá á, olefe mu ató fée púyóhó butóbi amu.

Asawu Iwi Yébi

⁴⁷ Bulu iwíegyí ámu léla igyi fé asawu ání bótswi wa opoto lé aye otsan-otsan. ⁴⁸ Bréá aye lobulá mó á, aye alepó ámu bebitía mó ba opu onó. Betsiá asi, tósi gyíhe amu wá blanwétó, tswi móa butamagyí tsítsá. ⁴⁹ Alí ibéba oyi onómoké ámu ni. Bulu-abopu béba bótósi aha laláhe lé aha wankláántó. ⁵⁰ Fówun batswi aha laláhe amu wá ogyá kpónkpóntito. Inó isú móa kpisii bu ni.

Atonyahé Pópwe Móa Dáda

⁵¹ Yesu léfité mu akasípó obéé, “Mlilanú mó fée asi?”

Bee, “Ee, anılanú mó asi.”

⁵² Mób olebláa amú obéé, “Mómó mbla osunápó oduá alakási Bulu iwíegyí ámu iwi asón é bí á, ogyi fé wóyí mu wie oduá otelé ató pópwe móa dáda fée tsú mu ató oyaíkpa.”

Bomohó Yesu Mu Wúluto

(Marko 6:1-6; Luka 4:16-30)

⁵³ Yesu lénya mó mu ayébi amu onó alí, olenatí inu. ⁵⁴ Oleyinkí yó mu onutó wúluto Nasaret, oloyósuná ató Yudafó ofiakpa. Mu atosunáhé leha onó lobwie ahá ámu fée. Mó su befité aba bee,

“Nkónú olenya nyánsa móa ofúlabwε túmi ánfí é tsú? ⁵⁵ Megyí ató osrépú mu bí ámu ní? Megyí mu yin gyí Maria, mu apio yinhé gyí Yakobo mu Yosef pú Simon mu Yuda? ⁵⁶ Yéε ania mu apio tshé tsie nfi á? Móú nkónu olenya íni fée tsú?” ⁵⁷ Iní su mu asón lókúsú líí amósú.

Yesu lébláa amó òbée, “Ahá butobú Bulu ònósú òtáipú òtínegyíòtíne, táme mu onutó wúlutòfò pú mu wóyító ahá mú butamabú mu.” ⁵⁸ Iníá bumòhò mu gyi su á, ofúla kpalobí ku pé òlòbwe inu.

14

Asú Òbòpú Yohane Lowu

(Marko 6:14-29; Luka 9:7-9)

¹ Galilea òmású ogyípú Herode lónu Yesu iwí asón alí bré ámutò. ² Múú òlebláa mu asúmpú òbée, “Asú Òbòpú Yohane amu ní. Múlákúsú tsú afúlitò. Mú sò òde ofúla anfi odu bwe ní.”

³⁻⁴ Bré kútò á, Yohane létsiá bláa Owíe Herode òbée, mbla meha òkpa ání otsiá mu pio Filipo mu ka Herodia. Iní su Herode léha bekítá Yohane, wá mu íkan, pú mu wá obu. ⁵ Òlòbwe agywíun ání òbómò Yohane, táme olenya ahá ámu ifú, tsúfé butobú Yohane ání Bulu ònósú òtáipú ogyi.

⁶ Táme eke òkúá Owíe Herode dé mu òkwíké gyí a, mu ka Herodia mu bí tsíhé lóbowie òbuntò tsa Herode mu mu ahande ansító. Mu itsáa amu lówa owíe amu ansigyí. ⁷ Mú su òleka ntam òbée, òbéha mu tógyítá òdeklé.

⁸ Otsibi amu mu yin léha mu òlebláa Herode òbée, “Ndekléá fupú Asú Òbòpú Yohane nwun dínka ilínsú ha mí sésééséí.”

⁹ Asón ánfí léhie han Herode, táme mu ntam amúú òleka, pú ahá ámúú bubu inu ámu su á, òleha mu ahá òtínpu òkpa òbée, òbwée tóá otsibi amu lafité ha mu. ¹⁰ Ahá òtínpu amu léyetin Yohane nwun obu òdikpá inu. ¹¹ Múú òlòpú nwun ámu dínká ilínsú ba otsibi amu, mu é òlòpuya mu yin Herodia. ¹² Asú Òbòpú Yohane akasípú beba botsu mu satin yópulá. Mú òma a, bọyọ yébláa Yesu asón ání ilaba.

Ahá Mpím-nu Atogyihe Ha

(Marko 6:30-44; Luka 9:10-17; Yohane 6:1-14)

¹³ Yesu lénya nú asón ámu alí, olowie òkluntò, fá ntsu yétsiá òtíneku mu nkòle. Táme òdòm ámu bebi òtíneá òyó. Mú su benatí ayabitò tsú amú awúlusu gya mu nkpá. ¹⁴ Bréá òlekplí dalí òklon amutò, wun òdòm kpònkpònkpòntí á, amú asón lówa mu nwe. Mú su òletsa amútó àlòpú.

¹⁵ Owí lòpòn a, akasípú amu beba mu wá bebláa mu beε, “Dimbísú nfi gyí, owí é deta. Mú su ha amú abọyọ awúluá ibu bomlí nfi así yòhò tòku gyi.”

16 Táme Yesu léle mó onó obéé, “Imehián aní bóyɔ. Mlidunka taku ha amú abugyi.”

17 Mu akasípú amu bebláa mu beé, “Tóá anibu fée gyí bodobodo apin anu pú ntsutso iye bwáhé anyɔ pé.”

18 Yesu lébláa amú obéé, “Mlitsu ba mi.” 19 Múú ɔleha ahá ámu betsiatsía ifa bɔbwe amusu. Inu olotsu bodobodo anu pú ntsutso iye bwáhé anyɔ ámu. Inu olotsu ansí fúá kí ɔsúsú, ɔleda Bulu ipán. Múú olebiabía bodobodo amuto há akasípú amu, amú é beye mó ha ahá ámu fée. 20 Amú fée begyi mwe sian. Akasípú amu bɔtɔsí sianhe amu. Ilobulá alakpá dúanyɔ. 21 Ayin aní begyi ató ámu nkule bɔgyi fé mpím-nu (5,000). Bumekla atsi móa nyebí mó.

Ɔpusu Natí

(Marko 6:45-52; Yohane 6:15-21)

22 Múú Yesu léha akasípú amu obéé, bɔwíe ɔklonto, abugyankpa fa ɔpu amu yɔ mó ɔbin. Mu mó olesin ɔma sí ahá ámu ɔkpa. 23 Bréá olesi amú ɔkpa tá á, ɔlɔdu yó busu yóbo mpái. Mu nkule oletsíá inu yófun owi tahé. 24 Alí bré ámuto á, ɔklon amu lawíé ntsu nsiné. Ilefia afú kpɔnkpɔnti ku, ɔpu amu lówa dabi.

25 Bakε-bakε a, Yesu lénatí ntsu ámusu ayabitɔ buo amú. 26 Bréá bowun mu, ɔna ɔpu amusu á, benya ifú sórá okitikiti, blí beé, “Fúli ogyi.”

27 Táme ɔlɔwa ɔsa bláa amú obéé, “Mliwa klɔn. Mí ní. Mlimánya ifú.”

28 Petro lébláa Yesu obéé, “Mí Wíé, ní fú ní mó á, ha mí é annati ɔpu amusu bɔtu fú.”

29 Yesu lébláa mu obéé, “Natí ba.” Petro lédali ɔklon amuto ɔna ɔpu amusu ɔyó Yesu wá. 30 Táme bréá olowun alíá afú ámu onó bu ɔnlɔn á, ifú lowie mu ayetɔ. Mú su ɔlɔwa me bi. Múú ɔlɔklón kpólí Yesu obéé, “Mí Wíé, hɔ mi!”

31 Inonu Yesu létinkí ibi kítá mu, bláa mu obéé, “Fú hógyi mɔtsó. Ntogyi sú fúde nwéen gyí?”

32 Benya dú wíé ɔklon amuto alí, afú ámu léka itin. 33 Inu ahá amúú bɔbu ɔklon amuto ámu beda akpawunu Yesu ayabitɔ, blí beé, “Lélé, Bulu mu Bi fógyi.”

Genesaretɔ Alɔpu Tsa

(Marko 6:53-56)

34 Yesu mva amúnyɔ befa ɔpu amu yési Genesaret osubúno. 35 Bréá inɔfɔ bebi aní mu ni á, bɔwa abí ya amú awúlu féesú, há amú bɔpu alɔpu fée ba mu. 36 Bokokóli Yesu beé, ɔhá alɔpu amu abupu ibi da mu atadiε ɔdanú kpán. Amúá bɔpu ibi da mó fée benya ilɔtsá.

15

Atifɔ Amándié
(Marko 7:1-13)

¹ Mú ɔma a, Farisifɔ pú Mose mbla asunápú aku botsu Yerusalem ba Yesu wá, befité mu beɛ, ² “Ntogyi só fú akasípú amu butamagyi anɔ anáin amándiésó. Butamafwí ibi amándié ɔkpasu asa butegyí ató?”

³ Yesu léle mú ɔnó ɔbéɛ, “Ntogyi só mli é mli anáin amándié su mlimédé Bulu mbla ámuɔɔ gyí? ⁴ Mose lówanlín wá Bulu mbla ámuɔɔ ɔbéɛ, ‘Bu fú sí muɔa fú yín,’ ɔletrá wanlín ɔbéɛ, ‘Ní ɔku lébli asokpan tsú mu sɔ ntée mu yin iwí á, bu mɔ́ɔ mu?’ ⁵⁻⁶ Táme mli mú mliaa, ɔha ɔbétalí bláa mu sɔ ntée mu yin ɔbéɛ, ‘Tóá teki nópɔhá fú á, napóhá Bulu. Imehián ání nétrá kɔ fú.’ Mli anáin amándié su mlitráa mlimédé Bulu mblasu gyí. ⁷ Apinabwɛbí abwɛpó! Ɔnɔkwali Bulu ɔnósú ɔtɔ́pú Yesaia lébli tsú mli iwí tswi ɔbéɛ,

⁸ ‘Ahá ánfɔ buɔɔpɔ amó ɔnó bú mí,
táme amó klɔn bu ifɔ mí wá.

⁹ Kpaali buɔɔe mí sum,

tsúfé basí Bulu mbla tswi, yó buɔɔe anyánkpósa mbla suná.’”

Tóá Itákpóí Ɔha Bulu Ansító
(Marko 7:14-23)

¹⁰ Yesu létrá ti ɔɔɔm amu ba mu iwí wá, ɔlebláa amó ɔbéɛ, “Mli yaa asu, méni mlónu ínɔ asi. ¹¹ Megyí tóá ɔha tegyi tókpóí mu Bulu ansító, mboún móá itedáli tsu mu ɔnó tókpóí mu.”

¹² Inu mu akasípú amu beba mu wá befité mu beɛ, “Fuyin ání fú asun blíhé anfi lawɔ Farisifɔ ámu?”

¹³ Yesu léle mú ɔnó ɔbéɛ, “Bópulí oyígyíoyí ání megyí mí Sí ámuɔ ɔbu ɔsósú ámu lóswíe tsítsá. ¹⁴ Mlisi Farisifɔ ámu asón. Ansibi abwíepú bugyí, buɔɔe ansibi abwíepú kpa. Ní nsibi obwíepú dé nsibi obwíepú kpa á, ɔbótó amó abanyó butekpá wíé.”

¹⁵ Múó Petro lébláa mu ɔbéɛ, “Le yébi amu asi suna anɔ.”

¹⁶ Yesu léfité amó ɔbéɛ, “Mú su mli é mlitamanú asón asi?”

¹⁷ Mliméyín ání tóá iwíé ɔha ɔnó á, mu iputo itowíé, ɔteyéle mú wá ɔkpɔntɔ? ¹⁸ Asóngyíasón ání itedáli tsu ɔha ɔnó á, mu klɔntɔ itedáli tsu. Mótákpóí mu Bulu ansító ní. ¹⁹ Tsúfé ɔha klɔntɔ ágywɔn laláhe tedáli tsu. Mótéhá ɔtɔmɔ ɔha, ɔtɔtɔ mbua, ɔtɔwá atsi móa ayin asón, otowí ató, ɔtɔwá afunu, otetsii ɔha. ²⁰ Inɔ aná tókpóí ɔha, táme ní ɔha mófwi ibi amándié ɔkpasu asa olegyi ató á, itamakpóí mu Bulu ansító.”

Ɔtsi Ɔkúá Omegyí Yudayin Hógyi
(Marko 7:24-30)

²¹ Yesu lénatí inu yó Tiro móa Sidon nsáintɔ. ²² Kanaanyintse ɔkúá otsie inu léba Yesu wá. Ɔɔɔe okitikíti sɔrɔ, olokokóli Yesu

ɔbée, “Dawid mu na, wun mi nwe! Ɔɣe laláhe bu mí bí tsihétó. Iɔe mu háan dɔbi.”

²³ Táme Yesu mékpla mu. Inu mu akasípú amu bobwií ipa há mu beɛ “Ha ɔtsi ámu ɔnati, tsúfɛ obuɔ anɔ ɔɔe okitikíti sɔrá dɔbi.”

²⁴ Yesu lébláa ɔtsi ámu ɔbée, “Israel akúfa fwihé pé wá Bulu lówa mí.”

²⁵ Táme ɔtsi ámu léda akpawunu mu ayabito, bláa mu ɔbée, “Mí Wíé, gyi mi buale.”

²⁶ Yesu lébláa mu ɔbée, “Ima aleá fɔswú nyebi atogyihe póhá akíai.”

²⁷ Ɔtsi ámu léle mú ɔnó ɔbée, “Owíé, ibu mótó alɔ, táme akíai é butegyí atogyihe mpupubi ání itekpákpa bun amó wíe ɔpónúasi.”

²⁸ Múu Yesu lébláa mu ɔbée, “Ɔtsi, fú hógyi lomóní. Iba mótó ha fu alá fɔdeklé.” Inuɔn iwɔ lówa mu bi ámu ɔnlɔn.

Ahá Tsɔtsɔtsɔ Ilo Tsa

²⁹ Tsú inu á, Yesu lótsɔn Galilea ɔpu ɔnó, dú yétsiá okúku kusɔ. ³⁰ Ahá tsɔtsɔtsɔ bɔpu abubúpu, ansibi abwiepú, abɔ, amúmu pú ilo bámbá alɔpú bobun Yesu ayabiasɔ, ɔletsɔ amó fée. ³¹ Ahá ámu ɔnó lobwie amó bréá bowun amúmu buɔɔɔɔ, abubúpu iwɔ lawá amó ɔnlɔn, abɔ buɔna, ansibi abwiepú é buɔɔe ató wúun, bekanfú Israel Bulu ámu.

Ahá Mpim-na Atogyihe Ha

(Marko 8:1-10)

³² Yesu léti mu akasípú, bláa amó ɔbée, “Ahá ánfɔ asón de mí nwe wa. Nɔe eke sáási ɔpá bubuo mi, butráa buɔna tɔtɔá bégyi. Ní nehá amó bɔpú akún náti á, ansító béyebi amó ɔkpatɔ.”

³³ Mu akasípú amu befité mu beɛ, “Nkónó abénya atogyihe há ɔɔm anfi dimbí ánfɔsu?”

³⁴ Yesu léfité amó ɔbée, “Bodobodo afini mliɔ?”

Bele mú ɔnó beɛ, “Asienó pú aye pútúpútú kpalobí ku.”

³⁵ Yesu léha ɔɔm amu betsiá asɔ. ³⁶ Múu olotsu bodobodo asienó pú aye amu, dá Bulu ipán, olebiabía mótó há akasípú amu, beye ha amó. ³⁷ Amó fée begyi mwe. Bɔtɔsí síanhe amu búlá alakpá yilé asienó. ³⁸ Ayin ání begyi ató ámu nkɔle bugyi mpim-na (4,000). Buɔmekla atsi múa nyebí.

³⁹ Inu Yesu lési ahá ámu ɔkpa, olowie ɔklɔntɔ fá ɔpu yó Magadanfɔ ɔsɔlɔsɔ.

16

Farisifɔ Bodunká Ofúla

(Marko 8:11-13; Luka 12:54-56)

¹ Eke ɔku Farisifɔ pú Sadukifɔ aku beba Yesu ɔsókikpa. Mú sɔ bebláa mu beɛ, ɔbwée osúna pusuna amó ání léle otsú Bulu wá. ² Yesu lébláa amó ɔbée, “Ní owí ipɔn, nsaintɔ ipé á, mliteblí

mliaa, ‘Oke nsainto bédú.’³ Ní nyankpɔ obilá tuun nyankɪ a, mliɛblí mliaa, ‘Nde nyankpɔ obótswie tson afú.’ Mliɛtálí kɪ nsainto, bí tóá íbèba. Ntogyí sù mliɛmétálí nú tóá mliɛdèwúun séi ánfí mó así.*⁴ Mli ndemba-abí laláhe ání mliɛladáli Bulu oma, mliɛdè osúna dunká amliwun, táme mliɛmóowun kɔkɔkɔ dɔn Bulu onósú otóipú Yona osúna amv odu.”

Iní sv oɛnatí sí amó.

Farisifo Pó Sadukifo Bodobodotu-afá
(Marko 8:14-21)

⁵ Yesu akasípú amv bomekaín tsú bodobodo kítá asa befa oɔv amv yó abin. ⁶ Yesu léda amó olá obéé, “Mliɪ wankláán Farisifo pó Sadukifo Bodobodotu-afású.”

⁷ Akasípú amv befité aba beé, “Bodobodo amóú animédé ámu sù oɛde asón ánfí blí lóó?”

⁸ Yesu lónu asón ání buɛblí. Múú oɛlebláa amó obéé, “Oo, mli hógyi mótsó. Ntogyi sù mliɛdèblí mliaa bodobodo ámuú mliɛmédé ámu sv? ⁹ Imakówánkí mli kɪ? Mliɛlatan bodobodo apin anu ámuú neha ahá mpím-nu (5,000) begyi amusu? Alakpá afiní lésián mliɛlótósi? ¹⁰ Ntéé mliɛlatan bodobodo apin asienó ámuú neha ahá mpím-na (4,000) begyi amusu? Alakpá afiní lésián mliɛlótósi?” ¹¹ Ntogyi sù imakówánkí mli ání megyí bodobodo iwɪ asón ndeblí? Bláa nde mli bláa mbéé, “Mliɪ wankláán Farisifo pó Sadukifo Bodobodotu-afású.”

¹² Inu asa ɔwankí amó ání megyí Bodobodotu-afású oɛde, mboun amó atosunáhé.

Ohá Aní Yesu Gyi
(Marko 8:27-30; Luka 9:18-21)

¹³ Bréá Yesu lówie Kaesarea Filipi nsainto á, oɛfité mu akasípú obéé, “Ma ahá beé mí, Nyankpɔsa-Mv-Bi ánfí ngyi?”

¹⁴ Bele mú onó beé, “Ako beé, fúgyí Asú Obopú Yohane. Ako beé, Bulu Onósú Otóipú Elia. Ako é beé, Yeremia ntéé Bulu onósú otóipú bambá oku.”

¹⁵ Múú oɛfité amó obéé, “Mli é mé? Mliá mígyí ma?”

¹⁶ Simon Petro léle mú onó obéé, “Fúgyí Kristo, (ohá ámuú Bulu ladá mv ofúli amv) ni. Bulu Okiankpavv amv mv Bi.”

¹⁷ Inu Yesu lébláa mv obéé, “Bulu layúlá fú Simon, Yona mv bi, tsúfé megyí nyankpɔsa okokv léle onokwalɪ anfi owan súná fú. Mí Sí ámuú obv osósú ámu ni. ¹⁸ Iní sv mí é nde fú bláa mbéé, fú dá gyí Petro. Mú así gyí, ‘Butá.’ Butá ánfisv néyi mí oɔpasua dínká ní. Lowu túmi méetalí gyí músú ekekekeke. ¹⁹ Nóɔv Bulu iwíegyi ámu asáafi wá fú íbito. Asóngyiasón ání fékiná oɔsulúv anfisv á, Bulu é obékiná mú osósú. Múá fótusulá á, Bulu é obótsulá músú osósú.”

* 16:3 Mótó yée 2 móa 3 uma nwoló dada amv akoto.

²⁰ Inu ɔɛda amó ɔlá kpákpáákpa ɔbéɛ, bɔmábláa ɔhaa ání mgyí Kristo amu.

Yesu Iwiasin Pó Mv Lowu Iwi Asón Blí
(Marko 8:31–9:1; Luka 9:22-27)

²¹ Tsú bré ámusu á, Yesu léfi así ɔde asóntó le súná amó ɔbéɛ, “Ilehián ání mýɔ Yerusalem yówwun iwiasin tsɔtsɔɔtsɔ Yudafo ahande, Bulu igyí ahapú dehen pó Mose mbala asunápú ibito. Bómɔ mu, táme Bulu ɔbélakósúa mu eke saásí tsú afúlitó.”

²² Mó su Petro létí mu ya itsétó, yéka mu itin ɔbéɛ, “Mí Wíé, Bulu ogyáa mú téi ya fú iwi. Iní mába fusu ekekekeke.”

²³ Inu ɔɛdamlí bláa Petro ɔbéɛ, “Satan, natí tɛi mísó! Fude mí ɔkpa tɛin. Megyí tóá Bulu dégywíin fudegywíin, anyánkpoosa klé fudegywíin.”

²⁴ Mób ɔɛbláa mu akasípó amu ɔbéɛ, “Ní ɔku dékléa obóbuo mi á, osíi tóá otekle bwe, otsu mu oyikpalíhe bobuo mi. ²⁵ Tsúfé ní ɔku lépri mu nkpa á, ibóhulí mu. Táme ní ɔku lési mu nkpa há mí su á, ɔbélanyá nkpa ání itamatá. ²⁶ Ní ɔku onyá ɔyító ató féé, táme ɔhúli mu ɔkláa a, labi mɔmu ɔɔwa há mu? Ntéɛ ntó ɔha ɔbétalí pótse mu nkpa? ²⁷ Tsúfé mí, Nyankpoosa-Mu-Bi ánfí néba mí Sí numnyamtó, mía mu abɔpu. Inú néka ɔhagyíɔha ikó alíá mu tsiátó gyi ní. ²⁸ Ɔnɔkwali nde mli bláa. Aku bubu mlitó nfi ání bómóowu, yófun bréá bawun ání mí, Nyankpoosa-Mu-Bi ánfí nébá mí iwíe ogyíkpa.”

17

Yesu Iwitséɛ
(Marko 9:2-13; Luka 9:28-36)

¹ Nkensié ɔma a, Yesu lékpa Petro muva Yakobo pó mu pio Yohane, bɔɔu yó ɔbu kusɔ. ² Amó ansító inu á, Yesu iwi letse. Mu ansító lówankí fé owí, mu atadié é ɛdamlí fútútúútú. ³ Inu mu akasípó abasá ámu bowun ání Mose muva Elia bele iwi ɔwan, amóa Yesu buɔetó. ⁴ Mób Petro lébláa Yesu ɔbéɛ, “Mí Wíé, ɔbu alá abétsiá nfi. Ní fótsulá á, ha ada abú asa. Fú klé kule, Mose klé kule, Elia é klé kule.”

⁵ Bréá ɔde asón ánfí blí á, agyinde wánkíhé ku lobobun amósó. Inu ɔme ku ɛdali tsu agyinde ámutó ɔbéɛ, “Ɔni gyí mí Bí ɔɔwepóá olegyi mi ansí ní. Mlinu mu ɔme.”

⁶ Ifú ɛhe kítá amó bréá bonu asón ánfí. Mú su bowa ɔsa mli bun ɔsolótó. ⁷ Mób Yesu léba bɔpu ibi dada amó, bláa amó ɔbéɛ, “Mlikusɔ, mlimánya ifú.” ⁸ Inu bowa ansí ki a, bume trá wun ɔhaa ɔn Yesu nkule.

⁹ Bréá buɔe ɔbu ámu kplí á, Yesu léda amó ɔlá ɔbéɛ, bɔmábláa ɔhaa tóá bayówwun, yófun ekeá Bulu ɔbókusúa Nyankpoosa-Mu-Bi ámu tsú afúlitó.

10 Mv akasípó amv befité mv bæe, “Ntogyi sù Mose mbla asunápó amv bæe, ilehián ání Elia obéyinkí bá asa Kristo amv obéba?”

11 Ọlẹe mú ọ̀nó ọ̀bée, “Ọ̀nọ̀kwali igyi. Elia obégyankpá bá bela tógyító yáí wankláán. 12 Nde mli bláa mbée, Elia layínkí bá dodoodo, táme ọ̀haa mébi mv. Bowa mv amvmyo. Ali kén mí, Nyankpusa-Mv-Bi ánfí é nówun iwiasun amú ibitọ ní.”

13 Inu á, ilowankí akasípó amv ání Asú Ọ̀bọ̀p Yohane iwí asún ọ̀deblí.

Ilọ Didahẹ Ọ̀bọ̀p Tsa

(Marko 9:14-29; Luka 9:37-43a)

14 Bréá beyinkí kplí bowie ọ̀dọm amv wá á, oyin ọ̀ku léba beda akpawunu Yesu ayabitọ, bláa mv ọ̀bée, 15 “Mí Wíé, wun mí bí ánfí nwe, tsúfẹ ilọ didahẹ de mv háan. Otetsiá dida wíé ntsu móa ogyátó. 16 Nọ̀pọ mv ba fú akasípó amv, táme bometali tsá mv ilọ.”

17 Yesu léle mú ọ̀nó ọ̀bée, “Ndeмба-abiá mlmá hógyi, mli tsiátó ma ale. Alí nétsiá mli wá yó ekekegyíeke ní? Nnyá klon ha mli yófon ọ̀menke? Mlikpa kebi ámv ba mi!” 18 Inu ọ̀kplón gya ọ̀je laláhe amv. Iledali kebi ámvto, iwí lówa mv onlin.

19 Mú ọ̀ma a, akasípó amv befité Yesu itsétó bæe, “Ntogyi sù aní mó animétali gya ọ̀je laláhe amv dáli kebi ámvto?”

20-21 Mú ọ̀debláa amú ọ̀bée, “Mli hógyi lomóní fé takyí-akpin ibí á, teki mlétali bláa ọ̀v ánfí mhaa ipúli. Lélé ibópulí, tọ̀tọ̀tọ̀ mọ̀dọv mli bwé.”*

Yesu Lowu Iwí Asún Blí Otse Nyọ̀ọ̀si

(Marko 9:30-32; Luka 9:43b-45)

22-23 Bréá akasípó amv féé beba befia Galilea ọ̀mátó á, Yesu lébláa amú ọ̀bée, “Béle mí, Nyankpusa-Mv-Bi ánfí há adón bómo mí, táme Bulu ọ̀bókusúa mi eke sáásí.”

Asún ánfí lehie han akasípó amv.

Bulu Ọ̀tswékpa Ofi Ikọka

24 Yesu mva mv akasípó beba Kapernaum wúluto. Inu Bulu ọ̀tswékpa ofikọ ahọ̀pọ aku beba befité Petro bæe, “Fú wíe teká Bulu ọ̀tswékpa ofi ikọ?”

25 Petro lébláa amú ọ̀bée, “Ọ̀teká.”

Bréá Petro lóyo wóyító a, Yesu légyankpá fité mv ọ̀bée, “Simon, nkáli gyí fú agywun? Amendi téká dúte móa lampóo há awíe? Afọ́ ntée wúlu awíe?”

26 Petro lébláa mv ọ̀bée, “Afọ́ teká.”

Mú Yesu lébláa mv ọ̀bée, “Yéé múmú wúlu awíe bagyi iwí ní? 27 Táme mmedéklé mbée, abókusú líi amúsú sv á, tsu ọ̀dadowa

* **17:20-21** Mú ọ̀ yéé 21 bv nwołó dada amv akoto: Táme ínı odu mú á, nkéti mpái móa ọ̀nóklí pé mlétali pógya mó.

afuyɔ ɔpu ɔnɔ yɔtswi. Ki klemetí gyankpapu ání fɛ́lɛ ɔnɔ́tɔ. Fénya kɔ́ba ání íbɔ́fun aní abanyɔ́ ofikɔ́ ámu ka. Le mú, afuyeka ha amó.”

18

Ma Ɔ́bɔ́wɛ Ɔ́handɛ?

(Marko 9:33-37; Luka 9:46-48)

¹ Bɛba Kapernaum wúlutɔ, akasípó amɔ bɛba Yesu wá bɛfitɛ mu bɛɛ, “Ma gyí ɔhandɛ Bulu iwíegyí ámutɔ?”

² Yesu létí kebi ɔku belí amó ansítɔ, ³ ɔleblí ɔbɛɛ, “Ɔ́nɔkwali ndɛ mli bláa. Ní mlimétsɛ, bwe iwí fɛ nyebí á, mlimóowie Bulu iwíegyí ámutɔ. ⁴ Ɔ́hagyíɔha ání ɔleba iwíasi fɛ kebi ánfí á, mugyí ɔhandɛ Bulu iwíegyí ámutɔ ní. ⁵ Ɔ́hagyíɔha ání ɔlɔhɔ kebiá ogyi ahi mí dátɔ lahɔ mi.

Ɔ́ha Kpa Wá Lakpantɔ

(Marko 9:42-48; Luka 17:1-2)

⁶ “Ní ɔku léha ahá ánfí bɔmɔkódan mísɔ hógyitɔ ánfítɔ ɔku lɔ́bwe lakpan á, ní bɛda nfúokwebu síán mu ɔmetɔ, tswi mu wá ɔpu okluklúkpá, mɔ mu pó á, íbu alé dun. ⁷ Ɔ́yítɔ atsiápu bɔgyɔwí ní. Tsúfɛ ítáá itehá ɔha tɔ́bwé lakpan bu ínu. Ibéba ahi, táme ɔhá ání ina musu mu ba lɔ́bwe lakpan ogyɔwí ní.

⁸ “Mú su ní fú íbɔ́ ntée fú yabi téhá fútedída hógyitɔ á, ka mú le, afutswi mú tsalífwí. Íbu aléá fɔ́pu íbɔ́ kule ntée yabi kule nyá nkpa ání ítamatá, dun ání fɔ́pu íbɔ́ anyɔ́ ntée ayabi anyɔ́ wíé ogyá ání ítamaduntɔ. ⁹ Ní fú nsibi téhá fú tɔ́bwé lakpan á, loti mú le, afutswi mú tsalífwí. Íbu aléá fɔ́pu nsibi kule nyá nkpa ání ítamatá, dun ání fɔ́pu ansibi anyɔ́ wíé ísubítí ogyá ání ítamaduntɔ.

Kufa Fwihé

(Luka 15:3-7)

¹⁰⁻¹¹ “Mlíki wankláán ání mliméekí nyebí pútúpútú ánfítɔ ɔ́kuku ansítɔ kótíkótí. Nde mli bláa mbéɛ, bubu Bulu-abɔpu ání butakósi pó amó asún ya mí Sí ɔ́sús. *

¹² “Mlíyɔ asún ánfítɔ amlíki. Ní ɔku bu akúfa lafakule (100), amótɔ ɔ́kule ɔ́fwí á, ntɔ ɔhá ámu tɔ́bwé? Megyí si otesí adukwebá-kwebá (99) atráhe amɔ líí okúku amusu, yó́dunká ɔ́kule pé ámú alafwí ámu? ¹³ Ɔ́nɔkwali ndɛ mli bláa. Ní owun mu a, mu ansí bégýi mu iwí dun adukwebá-kwebá atráhe amú bɔmɔfwí ámu. ¹⁴ Ahi kén mli Sí ámú ɔ́bu ɔ́sús ámu médékle ɔ́bɛɛ, nyebí pútúpútú ánfítɔ ɔ́kuku é ɔ́fwí ní.

Ní Fú Bá Ɔ́pú Ilá Gyí Fv

¹⁵ “Ní fú bá ohógyipu ɔ́pú ilá gyí fv á, yɔ mu wá, mli abanyɔ́ pé amlíbli mú. Ní olonu iwíasi á, falányá opió. ¹⁶ Táme ní

* **18:10-11** Mótɔ yée 11 bu nwólú dada amɔ akotɔ: Tsúfɛ mí, Nyankpɔsa-Mu-Bi ánfí neba ání nɔ́hɔ ahá ámú bafwí ámu nkpa.

omonu iwiasí á, kpa ðbakóle ntée abanyó manta iwisu amlyo mu wá, ménu bégyi asóngyiasón ání mléblí iwí adánsie fé alíá Bulu asón leblí. ¹⁷ Ní omonu amó asón é á, pu asón ámu ya mlí ðpasuafó. Táme ní omonu amó asón é á, múmú bu mu ðmátóyín ntée lampóo ðhópu.

Asónkiná Pó Mósú Tsulá

¹⁸ “Ḑnəkwali nde mlí bláa. Asóngyiasón ání mlékiná ðsolóbu anfisú á, Bulu obékiná mú ðsúsú. Múá mlótsulá á, Bulu obótsulá mósú ðsúsú.

¹⁹ “Ntráa ndeblí mbéé, ní mlí abanyó mləbwé agywun kole ðsolóbu anfisú kúlí təku á, mí Sí ámúú ðbu ðsúsú ámu ðbóbwe mú há mlí. ²⁰ Tsúfé ðtínegyíətíne ání ahá abanyó-abasá befia mí dátó á, mbu amó wá.”

Osúmpú Owuntəlnpu Iwi Yébi

²¹ Múú Petro léba befité Yesu ðbéé, “Mí Wíé, tsefini nsíkíe mí bá ní ðpú ilá gyi mí? Tse sienó lóó?”

²² Yesu lébláa mu ðbéé, “O-o, megyí tse sienó fésikíe mu, tsé aduesienó (70) aku asienó. ²³ Iní su Bulu iwíegyí ámu igyi fé asón ánfí. Owíe əku ləbwé agywun ání muə mu asúmpú bóbú akúnta. ²⁴ Bréá olefi mú asi á, mu asúmpú bekpə amótó əkvá əde mu ikə mpím-mpímtó ba mu. ²⁵ Táme osúmpú amu má tətəá ðbópəká ikə ámu su á, owíe amu léha ðbéé buféé muə mu ka, mu abí pú mu ató féé púkitá ikə ámutə. ²⁶ Inu á, osúmpú amu ləkusú dá akpawunu owíe amu ayabitə, bwíí ipa há mu ðbéé, ‘Mí Wíé, nya klun ha mi. Ibwé néka fú ikə ámu féé.’ ²⁷ Mu asón ləwa mu wie amu nwe. Mú su olesi ikə ámu féé kíe mu, há mu əlenatí.

²⁸ “Táme bréá osúmpú amu lédali inu á, ələyətə mu osúmba əkvá əde mu ikə kpalobí ku. Əlekítá mu ba ámu əmetə kinkíinkín, bláa mu ðbéé, ‘Pú mí kóba ha mi!’ ²⁹ Mu osúmba amu é léda akpawunu bwíí ipa há mu, bláa mu ðbéé, ‘Nya klun ha mi. Ibwé néka fú kə.’ ³⁰ Táme osúmpú anfi mú mótsulá. Əleha ání bupúú mu yəwa obu yófun ekeá ðbéka mu ikə ámu. ³¹ Mu asúmba bowun tóá alapúgyi mu ba ámu a, ilowie amó iwítə. Mú su bəyə yébláa amó wíe asón ámu féé. ³² Múú amó wíe amu léha befi osúmpú amu ba, əlebláa mu ðbéé, ‘Osúmpú owuntəlnpu, fú ipabwíí su nesi ikə tsətsəətsə ámúú fúde mí ámu féé kíe fú. ³³ Ima aléá fú mú fówun fú bá ámu nwe fé alíá nowun fu nwe?’ ³⁴ Əbló lekítá owíe amu. Mú su əleha ðbéé, buwáa mu obu, abupítí mu ató yófun ekeá ðbéka ikə ámu féé.

³⁵ “Alí mí Sí ámúú ðbu ðsúsú ámu ðbóbwe mlítə okugyíəkvá omesi mu ba lakpan kíe mu tsú mu klontə ní.”

19

Ḑkákíná Iwi Atosundhé
(Marko 10:1-12)

¹ Bréá Yesu lótoí tá á, òlenatí Galilea òmátó yó Yudea òmátó Yordan ntsu ámu òbin. ² Òðom kpònkpòènkpònti bobuo mu, òletsa amó ìbò unu.

³ Farisifò aku beba mu wá bòsò mu kí, fité mu bèè, “Ani Mbla léha òkpa ání oyin òbétalí kíná mu ka òkpagyíòkpasu?”

⁴ Yesu lébláa amó òbéè, “Mlímókókla Bulu asón ámu kí ání bré ámú Bulu léfi òyí asi á, òtsi móa oyin òlòbwe? ⁵ Bulu léblí òbéè, ‘Ini su oyin òbótu sí mu si mva mu yin yémantá mu kasu, amó abanyó bóbwe òyúlúv kule ni.’ ⁶ Mú su nde mli bláa mbéè, bótíráa bómegyi abanyó, táme babwé òbakóle. Ahá ání Bulu labwé amó ikule a, òhaa mámaín amó abasu.”

⁷ Farisifò ámu befité mu bèè, “Ntogyi sù Mose lówa mbla òbéè, oyin òbétalí wánlín òkákíná òwuló púkíná mu ka?”

⁸ Yesu lébláa amó òbéè, “Mli klòntò odwin sù Mose léha mli òkpa òbéè, mlíkína mli aká, tekí megyi alí Bulu lóbwe mú bréá òlefí òyí ámu asi ní. ⁹ Táme nde mli bláa mbéè, ní oyin òkíná mu ka láyétsiá òtsi bámbá á, alató mbwa. Òkpa òduásóá oyin òbétalí kíná mu ka pé gyí aladáli mu òma.”

¹⁰ Mú mu akasípú amu beblí bèè, “Ní alí òkúlu mva òká abatsiátò asón igyi ní mú á, múmú ima aléá oyin mva òtsi bétsiá aba pò.”

¹¹ Yesu lébláa amó òbéè, “Megyi ahá fée òbétalí hò atosunáhé anfi. Nkétí ahá ání Bulu lópvhá amó pé. ¹² Tsúfé ima òkpa tsòtsòtsòsu ayin aku bótamatsiá aká. Ayin ámu aku á, alí bókwi amó ní. Aku é anyánkópósa láflo amó. Aku é basin kpanko Bulu iwíegyi ámu su. Òhá ání òbétalí á, òhò mí atosunáhé anfi.”

Nyebí Yulá

(Marko 10:13-16; Luka 18:15-17)

¹³ Aha aku bekpa nyebí ba Yesu bèè, òpúv ìbì ònka amósú, òkuli Bulu oyúla ha amó. Táme akasípú amu bòwa iyin wá amó.

¹⁴ Mú Yesu lébláa akasípú amu òbéè, “Mliha nyebí ámu òkpa abuba mí wá. Mlímátin amó òkpa, tsúfé ahá ání òdu bú Bulu iwíegyi ámu ni.”

¹⁵ Mú òkpòv ìbì òíndínka amósú, òlenatí unu á.

Atonyahé Iwí Atosunáhé

(Marko 10:17-31; Luka 18:18-30)

¹⁶ Èke òku oyin òku léba Yesu wá befité mu òbéè, “Osunápú, yilé mòmú nóbwe asa nénya nkpa ání itamatá?”

¹⁷ Yesu léfité mu òbéè, “Ntogyi sù fòde mí yilé iwí asón fité? Òbakóle pé gyí òha yilé. Mogyí Bulu. Táme ní fòdekléá fonyáa nkpa ání itamatá á, múmú gyi Bulu mbla asón ámu su.”

¹⁸ Oyin ámu lélafité mu òbéè, “Mótó mòmú?”

Yesu lébláa mu obée, “Mámə oha, máto mbua, máwi ató, máka asón dínká fú bású. ¹⁹ Bu fú sí mbua fú yín, afəwwe fú bá fé fú iwí.”

²⁰ Oyasubi ámu lébláa Yesu obée, “Ntegyi mú féesú. Nto é ntráa bwe?”

²¹ Yesu lébláa mu obée, “Ní fudekléa fəfun mú á, yefe fú iwísu ató féé, afuye kóba amu ha ahíanfə, méni fénya siadie osúsó. Fəbwé mú tá á, ba afəbobuo mi.”

²² Bréa Oyasubi ámu lónu asón ánfí á, ílehé han mu, əlenatí dín, tsúfé ohíe əbu ató.

²³ Múu Yesu lébláa mu akasípú obée, “Onəkwali nde mli bláa mbée, íbéhíe wá ənlín asa iwí onyapú obówie Bulu iwíegyí ámuə. ²⁴ Ntráa nde mli bláa mbée, íəpəh ha kpósó ání əbótəon əbun-atə əbótó, dən ání iwí onyapú obówie Bulu iwíegyí ámuə.”

²⁵ Akasípú amu bonu asón ánfí á, onó lobwie amó. Iní su befité be, “Múmu ma mēe Bulu obóhə nkpa?”

²⁶ Inu Yesu lélí kí amó alí. Múu əlebláa amó obée, “Anyánkposatə mú á, ohaa méetalí bwé íni, táme Bulu mú tetálí bwé tógyító.”

²⁷ Múu Petro léfité mu obée, “Iníá anlasí tógyító tswí bobuo fú á, nto abénya tsú fú búotə?”

²⁸ Yesu lébláa amó obée, “Onəkwali nde mli bláa. Bréa Bulu əbwé əyí pəpwe amu, mí, Nyankpəsa-Mu-Bi ánfí netsiá mí numnyam owíe obiá ámuəu á, mli ahá ánfí mlibuo mi ánfí é mlétsiá awíe mbíá dúanyəsu, gyi Israel abusuan dúanyə ámu asón. ²⁹ Ohagyíəha ání alanatí sí mu wóyí, mu apíó, mu si mbua mu yin, mu abí ntée əsolóu mí su á, Bulu obéla há mu mú tsé dú tsé lafa, trá lahá mu nkpa ání itamatá. ³⁰ Táme agyankpapu aku béba bemlí amapu, amapu amu aku é bébemlí agyankpapu.”

20

Ndətə Agyómá Ayəpú Iwí Yébi

¹ Yesu létrá bláa amó obée, “Mú su Bulu iwíegyí ámu igyi fé asón ánfí. Odotəpu əku létsiá. Eke əku ələkusú nyanki-nyanki əyó ipa agyípú odunkákpá, abuyəyə agyómá mu ndətə. ² Mbua amónyə begyi bíá ání obéka amó alíá butəhə ekewóle, əəpu amó sísí agyómá ámu əyəkpa. ³ Dokwebátó a, əledali yə dínsu, oloyówun aku é bulí, bumédé tətə bwe. ⁴ Olotsu amó é obée buyóyə agyómá mu ndətə ha mu. Íbwé obéka amó tóá íbu alé. Mú su bəyə. ⁵ Dódúanyə pú dəsətə é á, əletrá pu aku sísí ndə ámuə. ⁶ Ntópwe donutə, bréa əledali a, əletrá wun akvá bulí kpaali. Múu əlefité amó obée, ‘Ntogyi só nde féé mlíli nfi, mlímédé tətə bwe?’ ⁷ Bebláa mu be, ‘Ohaa mókóbó aní ipa.’ Múu əlebláa amó obée, ‘Múmu mli é mlibətsəon yəyə agyómá mí ndətə.’

⁸ “Bréá owí lɔpɔn a, ɔɔɔɔpɔ amu létɪ mu agyómású ɔkípɔ bláa mu ɔbéε, ɔtí ipa agyípú ámu féé, ɔkáa amú akɔ. Ɔkáa amú tsu amapɔ amusu alɪ bɔtɔ agyankpɔpɔ amu. ⁹ Bréá ipa agyípú amu beba a, agyómású ɔkípɔ amu léka ahá ámúú bɔyɔ donutɔ ámu alíá bɔtɔhɔ ekewóle. ¹⁰ Bréá lɔtɔ agyankpɔpɔ amu a, buki beε bénya dɔn alɪ, táme alɪ kén ɔleka amú é ní. ¹¹ Mú su ɔleka amú akɔ tá á, agyankpɔpɔ amu bɔwa tɔtɔ ɔɔɔɔpɔ amusu bɪ. ¹² Beblí beε, ‘Amapɔ anfi mú á, dɔnhwírɪ kulε pé bɔyɔ agyómá. Anɪ mú anɪlalíí owí kpankpli ánfɪsu yó agyómá, táme faká anɪa amúnyɔ féé akɔ kulε.’

¹³ “Ɔɔɔɔpɔ amu lébláa amótɔ ɔkulε ɔbéε, ‘Agya, yéε mməkótafá fu o! Megyí itó ámúú mía fɔnyɔ anɪléblí ámu napóhá fú á? ¹⁴ Pɔ fú ató natɪ. Mídéklé mbéε, néha amapɔ amu alíá naká fú. ¹⁵ Mma ɔkpa ání nɔpɔ mí kóba bwé tóá ndeklé? Ntéε mí awɪtɔlewa dé fú iwɪtɔ wie?’

¹⁶ “Alí amapɔ bóbwe agyankpɔpɔ, agyankpɔpɔ é bóbwe amapɔ nɪ.”

*Yesu Lowu Iwɪ Asón Blí Otse Saasi
(Marko 10:32-34; Luka 18:31-34)*

¹⁷ Bréá Yesu ɔyó Yerusalem a, ɔlekpa akasípú dúanyɔ ámu ya itsétɔ bláa amú ɔbéε, ¹⁸ “Mɪnu! Ayó Yerusalem. Inu á, béle mí, Nyankpɔsa-Mu-Bi ánfɪ há Bulu igyí ahapú dehen pú Mose mbla asunápú. Béha mí lowu ipón. ¹⁹ Bópɔ mí wá ahá ání bɔmegyí Yudafo ɪbɪtɔ bóbwe mí ahinlá, bónwen mí mplɪ, dá mí mántá oyikpalíhesu. Táme Bulu ɔbélakósúa mɪ eke sáásí tsú afúlitɔ.”

*Abi Oyín Ɔku Atɔ Kulíhé
(Marko 10:35-45)*

²⁰ Múú Sebedeo mu ka lékpa mu abi anyɔ beba, ɔleda akpawunu Yesu ayabitɔ, kúlɪ mu ɔbéε, ɔbwéε tɔku ha mu.

²¹ Yesu léfité mu ɔbéε, “Ntɔ fudeklé?”

Ɔtsɪ ámu lébláa mu ɔbéε, “Ha mí abi anyɔ ánfɪtɔ ɔkulε otsia fú gyɔpɪsu, ɔkulε é otsia fú binasu bréá fúde iwíε gyí.”

²² Yesu lébláa amú ɔbéε, “Mɪmékéyín tóá mɪdékulí.” Ɔléfité Yohane mɔa Yakobo ɔbéε, “Mlétalí wun iwɪɔsun ámúú neba bowun amu?”

Bebláa mu beε, “Ee, abétalí.”

²³ Múú ɔlebláa amú ɔbéε, “Mlówun iwɪɔsun ámu mú, táme mma túmɪ ání néle ahá ání bétsiá mí gyɔpɪsu ntéε mí binasu. Otsiákpá inu ɪda gyo ahá ámúú mí Sí Bulu lalá inu yáí há ámu.”

²⁴ Bréá akasípú dú atráhe amu bonu asón ánfɪ á, Yakobo mɔa Yohane iwɪ lówa amú ɔbló. ²⁵ Múú Yesu létɪ amú, bláa amú ɔbéε, “Mɪyín ání ɔmátɔfɔsu agyípú bɔtehíé amú ahá, amú ahande é bɔtenyá túmɪ amósú. ²⁶ Táme mlɪtɔ mú á, ɪmába alɪ. Ɔhagyíɔha ání odekléá ɔbóbwe mlɪtɔ ɔhande a, ɔbwéε mu iwɪ ɔsúmpú ha mu aba atráhe. ²⁷ Ɔhá ání odekléá ɔbóbwe mlɪ nkpa

ogyápu ɔbwéé mli ɔkpábi. ²⁸ Alí kén mí, Nyankpusa-Mv-Bi ánfí é mmeba mbéé, busúm mí ní. Ahá osúmkpá neba, ampu mí nkpa hɔ ahá tsɔtsɔtsɔ nkpa.”

Ansibi Abwiepú Abanyó Ilo Tsa
(Marko 10:46-52; Luka 18:35-43)

²⁹ Bréá Yesu mva mu akasípú buɔɔɔɔɔɔ Yeriko wúluto ɔyó á, ɔɔm kpɔnkpɔnkpɔnti bobuo amú. ³⁰ Ansibi abwiepú abanyó aku butsie ɔkpa ámɔtɔ, bonu ání Yesu détsóon. Inu ɔakplón bí bée, “Ani Wíe, Dawid mu na, wun aní nwe.”

³¹ Ɔɔm amu ɔakplón wa amú bée ɔkpa ɔnó bun. Táme ɔelakplón ɔun alí bée, “Ani Wíe, Dawid mu na, wun aní nwe!”

³² Múy Yesu lési lí, tí amú, ɔlefíté amú ɔbéé, “Ntɔ mlídeklé mliaa, mbwéé ha mli?”

³³ Bebláa mu bée, “Ani Wíe, ha aní awun ató.”

³⁴ Inu amú asón lówa Yesu nwe, ɔɔpu mu ibi dada amú ansibi. Inonu bowun ató, ɔekplá buo mu.

21

Bɔhɔ Yesu Fé Owíe Yerusalem
(Marko 11:1-11; Luka 19:28-40; Yohane 12:12-19)

¹⁻² Bréá Yesu mva mu akasípú bebéen Yerusalem wúlu, beta Betfage wúlu ání ibu Nfɔ-nyíbu* ámu asi wie tá á, ɔɔwa mu akasípú abanyó gyankpá. Ɔlebláa amú ɔbéé, “Mliyɔ wúlu anfi ida mli ansító ánfisú. Ní mlowíe wúlu amu ɔnó á, mlówun afrímú tsíhé ɔkɔá ɔda ɔfétó, mu bi líí mu wá. Mlisanki mu, amlíkpa amú ba mi. ³ Ní ɔku ɔfíté mli asvanku á, mlíbla mu mliaa, ‘Ani Wíe dé amú híán.’ Inonu ɔbéha mlópu amú ba mi.”

⁴ Iní léha Bulu asón ámú ɔleblí tson mu ɔnósú ɔɔípúsu ámu léba mótó. Ɔbéé,

⁵ “Mlíbla Sionfɔ mliaa,
Mlíki, mli Wíe ɔbá mli wá.

Ololwíí, ɔɔin afrímúsú.

Ɔɔin afrímú ibí yínhésú ɔbá.”

⁶ Yesu akasípú abanyó ámu ɔyóɔwwe alí ámú Yesu lébláa amú ámu. ⁷ Bekpa afrímú mva mu bi ámu ba, beyaí amú atati dínká amúsú, ɔɔɔɔɔɔɔɔɔɔɔɔ. ⁸ Ɔɔm kpɔnkpɔnkpɔnti beyaí amú atati tswi ɔkpatɔ, aku é bebiabía afítáa bunbun ɔkpa ámɔtɔ. ⁹ Ɔɔm amú ɔbugya Yesu nkpa múa ɔma amu ɔɔsɔrá okitikítí bée, “Hosiána há Dawid mu na ámu! Bulu oyúla owíe anfi ɔbá mu dátó ánfí! Hosiána bu ɔsúsúsú!”

¹⁰ Bréá Yesu lówíe Yerusalem a, wúlu amɔtɔ féé leda kpokiti, buɔɔfíté bée, “Ma gyí ɔhá ánfí?”

* 21:1-2 Nfɔ-nyíbu igyi obubwí kɔá ibu mantáa Yerusalem, ɔɔtétí mú Olifbu.

11 Ɖɔɔm amóú búbuo mu amu bele mú ɔnó bɛɛ, “Ɖni gyí Yesu, Bulu ɔnósú ɔtáipú amóú otsú Nasaret wúluá ibu Galilea ɔmátó ámu ni.”

Yesu Bulu Ɖtswékpa Yo

(Marko 11:15-19; Luka 19:45-48; Yohane 2:13-22)

12 Múú Yesu lóyo Bulu ɔtswékpa wunsínésú inu, yégya ató afejó pú ató ahópu fée dali. Olowuwúta kóba atsépu mpónú dá, súnsunki abróɔuma afejó é mbíá dá. 13 Ɖlebláa amó ɔbée, “Bɔwanlín wá Bulu asón ámutɔ bɛɛ, ‘Béti mí ɔtswékpa bɛɛ, mpáí ɔbɔkpá.’ Táme mlɔlapú inu mlí awikplu ɔɔaínkpá.”

14 Ansibi abwiepú pú abubúpu aku beba mu wá Bulu ɔtswékpa wunsínésú inu, ɔletsá amó ɔb. 15 Bréá Bulu igyí ahapú dehen pú Mose mbɔla asunápú amu bowun ofúla ání Yesu débwe, pú alíá nyebí bodekplón Bulu ɔtswékpa wunsínésú inu bɛɛ, “Hosiána há Dawid mu na ámu!” a, ɔbls lékitá amó. 16 Mú su befité Yesu bɛɛ, “Fumédenu asón ání nyebí ání bodeblí?”

Yesu léle mú ɔnó ɔbée, “Ndenú. Mlímókókla asón ání Bulu asón wanlínhé amu léblí? Ɖbée, ‘Fasúná nyebí pú amóá buɔkótin nyópu alíá bukánfu fú.’ ”

17 Yesu lédali wúlu amutɔ sí amó yó Betania. Inó ɔledí eke ámu ni.

Pɔntɔ Oyí Lwí

(Marko 11:12-14, 20-24)

18 Ɖyi kehe nyanki, bréá Yesu léyinkí ɔbá Yerusalem a, akún de mu. 19 Mú su bréá olowun pɔntɔ kuá ilí mantáa ɔkpa á, ɔlebaí yó mú asi. Ɖlɔyo á, omowun abí kuku mútɔ, afítáa sósón bu músú. Inu ɔlebláa pɔntɔ ámu ɔbée, “Tsu nde fuméetrá swie abí ekekekeke!” Inuɔny oyí ámu lówu.

20 Mu akasípú amu bowun alíá oyí ámu labwé á, ɔnó lobwie amó. Mú su befité bɛɛ “Ntogyi só oyí ání lawú ɔtsáwule pé alí?”

21 Yesu lébláa amó ɔbée, “Ɖnɔkwali nde mli bláa. Ní mlɔhɔ Bulu gyi, mlímégyi nwéen a, mlétalí bwé itó ání nabwé oyí ání pú múá idun mú. Mlétalí bláa ibu ání mlihaa, ‘Puli yowie ɔputɔ.’ Ibópulí yó. 22 Ní mlɔhɔ Bulu gyi, mlɔkólí mu tógýító á, mli ibu béda mú.”

Yesu Túmi Iwí Asun Fitéhé

(Marko 11:27-33; Luka 20:1-8)

23 Yesu léyinkí bowie Bulu ɔtswékpa wunsínésú inu. Bréá ɔde ató suná á, Bulu igyí ahapú dehen pú Yudafɔ ahande amu beba mu wá. Befité mu bɛɛ, “Ma léha fú ɔkpa, fúde ntobí ání bwé? Ma léha fú túmi?”

24 Yesu léle mú ɔnó ɔbée, “Mí é nfíte mli asun kua kule. Ní mlelé mú ɔnó á, nébláa mli túmi oduá ndepubwé ntobí ání. 25 Bulu wá Asú Ɖbɔpú Yohane lénya túmi póbó ahá asú, ntée nyankpusa?”

Amó wulewule boyo asón ánfito bee, “Ní abli aniaa itsú Bulu wá á, obéfíté aní obée, mú ntogyi sù animóhò mu gyi? ²⁶ Ntée abli aniaa, anyánkpósa wá itsú.” Táme bude tóá ahá tsotsotsò ámu bóbwe amó ifú nya. Tsúfé amó féé bohogyi ání Bulu onósò otáipú Yohane gyí. ²⁷ Mú su bele mú onó bee, “Ohwée! Animéyín otínéá olenya mu túmi tsú.”

Múy Yesu é lébláa amó obée, “Mómó mí é mméebháa mlí túmi oduá ndeubwé ntobí ánfí.”

Oyin Oku Abi Anyo Iwi Yébi

²⁸ “Mliyo asón ánfito amlíki. Oyin oku muva mu abi anyo betsiá. Eke oku oloyo yébláa odéhen obée, ‘Mí bí, nde yoyo agyómá mí ndoto ha mi.’ ²⁹ Odebláa mu si obée, ‘Mmóoyo.’ Mú oma a, olatatse mu agywun, yó ndo ámutò. ³⁰ Amó sí lénatí yó okusu amu é wá yébláa mu alí kén. Okusu amu lótsulá obée, ‘Mí sí, nóyo.’ Táme omoyo.” ³¹ Inu Yesu léfíté ahá ámu obée, “Abi anyo ámutò omomu lóbwe dínká mu si asónsú?”

Yudafò igyí ahapú dehen pú Yudafò ahande amu bebláa mu bee, “Odéhen amu.”

Múy Yesu lébláa amó obée, “Onokwali nde mlí bláa. Lampóo ahópu pú obu-onó atsiápú bówie Bulu iwíegyi ámutò sí mlí. ³² Tsúfé Asú Obopú Yohane lóbosuná mlí tsiátò oduá ida okpa Bulu ansítò, táme mlímóhò mu gyi. Lampóo ahópu pú obu-onó atsiápú bòhò mu gyi. Oma mlilówun ání amó kóráá batse a, mlímétse mlí agywun hò mu gyi.

Apafò Laláhe Aku

(Marko 12:1-12; Luka 20:9-19)

³³ “Mlinu yébi iko é. Odotoapu oku lódo wáin ndo. Olegyi iban bómlí mú. Olokwi wáin amu onyimékpá. Olopuwe obu fóáhé ku há ndo ámu agyópu. Múy olopu ndo ámu wá apafò ibitò, olotu okpa yó omá ikotò. ³⁴ Bréá wáin-abí amu kpótíbi lófòn a, olowa mu asúmpú apafò ámu wá obée, buyóhò mu ogyíkpá ba mu. ³⁵ Táme apafò ámu bekítá amó, dá okule, mó okule, dá okule é abwi. ³⁶ Ndo mu wie amu létrá wa mu asúmpú bámbá ání botso dun agyankpapu amu. Apafò ámu bóbwe amó é alí kén. ³⁷ Mú tráhe kóráá á, odeblí obée, ‘Oo, bóbu mí bí kwíhéhé mú.’ Mú su olowa mu é. ³⁸ Táme bréá apafò ámu bowun mu bi ámu sísí á, bebláa aba bee, ‘Oni obégyi mu si ató ní. Mliha amò mu, méní ndo ámu ibémlí aní klé.’ ³⁹ Mú su bekítá mu, bitía mu dáli ndo ámutò yómò mu.”

⁴⁰ “Ní ndo mu wie obá á, nto mlilahogyi mlíaa, obóbwe apafò ánfí?”

⁴¹ Yudafò igyi ahapú dehen pú Yudafò ahande amu bele mú onó bee, “Obéha aha laláhe anfi bówu lowu sínsín, obélapú ndo ámu wá apafò bámbá ibitò. Amóá bétsiá pú mu ató-abí ba mu mó kpótíbi.”

42 Múú Yesu léfité amú ɔ́bée, “Ntée mlímókókla Bulu asun wanlínhé amú kí? Bɔwanlín bée, ‘Ibwi ámúú obu ayípu bekiná ámu lébemlí okonkísúbwi ní. Bulu lóbwε mú alí. Ibo wánwan.’

43 “Mú su nde mlí bláa mbée, Bulu ɔ́bóhɔ mu iwíegyí ámu lé mlí ibitɔ pòhá ɔ́má ání bɔbwε t́á otekle.

44 “Iní su ɔ́há ání ɔ́ledida ibwi ámusu obébiabía blúblúblúblú. Ní ibwi ámu isúnkí dá ɔ́kusv é á, íbókwe mu fíkófíkófíkó fé nfúó.†” 45 Bréá Bulu igyi ahapú dehen pú Farisifó ámu bonu Yesu ayébi anfi á, lɔ́wankí amú ání amú ɔ́de. 46 Teki bekleá békítá mu, táme benya ifú, tsúfé ɔ́dɔm amú butobú Yesu ání Bulu ɔ́nósú ɔ́táipú ogyi.

22

Ɔ́tsikpaín Iwi Yébi (Luka 14:15-24)

1-2 Yesu létrá bláa Yudafo igyi ahapú pú Yudafo ahande amú asún yébitɔ ɔ́bée, “Bulu iwíegyí ámu igyi fé asún anfi. Owie ɔ́ku dé ɔ́tsi kpaín há mu bi, 3 ɔ́leti ahá ɔ́bée, bubá nke ámu así. Bréá owie ámu lóbwε tá á, ɔ́lɔwa mu asúmpú ɔ́bée, buyéti ahá ámu abuba, táme bekiná bá. 4 Mú su ɔ́lelawá mu asúmpú bámbá ɔ́bée, ‘Mlitra yebláa ahá ámu mlíaa, nabwé tógyítɔ tá. Bamó mí nnantswie akpɔ́nkpɔ́nti ámu pú amóá bawá nfɔ, níná ató ámu féé tá. Mú su bubá ɔ́tsi ɔ́kpaínkpá inu.’ 5 Táme ahá ámúú beyéti ámu bɔmekplá amú. Benatí sí amú yó amú agyómású. Aku benatí yó amú ndɔtɔ. Aku é benatí yó amú íbíá ogyíkpá. 6 Amú atráhe bekitá asúmpú amú, dá amú, mó amú. 7 Bréá owie amú lónu asún anfi á, ɔ́bló lehié kítá mu. Mú su ɔ́lɔwa mu isá akɔ́pú, bɔ́yómɔ ahá ámúú bɔmɔ mu asúmpú amú, wá amú wúlu ogyá. 8 Múú ɔ́lebláa mu asúmpú bámbá ɔ́bée, ‘Baníná ɔ́tsikpaín atogyihe amú tá, táme ahá ámúú neti ámu bɔmɔfon ha mí wóyítɔ ba. 9 Mú su mlíwie awúlutɔ, amliti ɔ́hagyíɔ́ha ání mlówun, ɔ́ba ɔ́tsi ɔ́kpaínkpá inu.’ 10 Inu asúmpú amú bowie awúlutɔ. Beti ɔ́hagyíɔ́ha ání bowun, aha wankláán pú aha láláhe féé. Mú su ahá bɔbulá ɔ́tsi ɔ́kpaínkpá inu dédéédeé.

11 “Táme bréá owie amú lébeki ahá ámúú batí ámu a, olowun oyin ɔ́kúá ɔ́mɔwa ɔ́tsikpaín nketo atadie. 12 Múú ɔ́lefíté mu ɔ́bée, ‘Agya, nkáli íbɔbwε fomɔwa ɔ́tsikpaín nketo atadie asa feba nfi?’ Oyin ámu métalí lé mú ɔ́nó. 13 Múú owie amú lélabláa mu asúmpú ɔ́bée, ‘Mlklí mu ayabi pú mu íbi, amlitswi mu wa oklún amotɔ. Inú isú múa kpisíi bu ní.’ ”

14 Yesu lómɔ mu asún ɔ́nó ɔ́bée, “Bulu tetí ahá tsɔtsɔtsɔ, táme ahá kpalobí pé ɔ́telé.”

† 21:44 Mótó yé 44 uma nwóló dada amú akotɔ.

*Lampóoka**(Marko 12:13-17; Luka 20:20-26)*

¹⁵ Farisifo ámu bɔyɔbwe ɔnɔ-ɔkule ání bétetéé Yesu ɔnótó asún nù, abunya mu akítálé. ¹⁶ Mú su bɔwa amó akasípú pú Owíe Herode ahá Yesu wá bee bɔyéfité mu bee, “Osunápú, aniyin ání ɔnɔkwaliɔu fɔgyi, fɔtosúná Bulu asún ámu é ɔnɔkwaliɔu. Fɔtamahá ɔhaa ɔtse fɔ agywun, tsúfé fɔtamakí ɔhaa ansító. ¹⁷ Mú su anidé fú fité anu. Aní mbla léha ɔkpa ání akáa lampóo ha Roma owíe dehen Kaesare, ntéé anímáka?”

¹⁸ Táme Yesu lówun amó agywun laláhe amu. Mú su ɔlefíté amó ɔbéé, “Apinabwebí abwepó, ntogyi só mlidé mí sɔɔ kí? ¹⁹ Mlitsu kóba amóú bɔtɔpóká lampóo amu ɔku ba mi anki.”

Bɔpɔba mu, ²⁰ ɔlefíté amó ɔbéé, “Ma nwun pú mu dá dín mósó?”

²¹ Bele mú ɔnó bee, “Kaesare.”

Móú ɔlebláa amó ɔbéé, “Mómú mliɔu tóá igyi Kaesare klé ha Kaesare, amlɔu móá igyi Bulu klé é ha Bulu.”

²² Yesu mbuai ánfí lóbwie amó ɔnó. Mú su benatí.

*Kusú Tsú Afúlitɔ Iwí Asɔn Fitéhé**(Marko 12:18-27; Luka 20:27-40)*

²³ Eke ámu kén á, Sadukifo aku beba Yesu wá. Bɔgyi ɔpasua kwá bɔteblí bee, kusú tsú afúlitɔ má inu. Befíté mu bee, ²⁴ “Osunápú, Mose lówanlín tswi aní ɔbéé, ‘Ní ɔku mɔa mu ka bɔmɔkwí asa olowu sí mu ka ámu a, mu pio otsú mu ka ámu tsia, fékí ɔkwu ha owupó ámu.’ ²⁵ Oyin ɔkule abí abasiénó aku betsiá. Amótó ogyankpapu létsiá ɔká, táme ɔmɔkwí asa olowu. Mu pio lótsu ɔsɔrapɔka amu tsia, ²⁶ táme mu é ɔmɔkwí. ɔsaasi lótsu ɔtsi ámu tsia. Mu é ɔmɔkwí. Alí yótu osienósí amu. ²⁷ ɔma-ɔma a, ɔsɔrapɔ mu é lóbowu. ²⁸ Afúli ɔkusóké a, amótó ɔmɔmu ɔbɔbwe mu kulu? Tsúfé amó abasiénó ámu féé betsiá mu.”

²⁹ Móú Yesu léle mú ɔnó ɔbéé, “Megyí mli ológyi. Mliméyín Bulu asɔn wanlínhé amu ntéé Bulu túmi. ³⁰ Ní afúli bɔkúsú á, bɔbwe fé Bulu-abɔpu. Bɔméesiá aká móa akúlu.

³¹ Mlimókókla asún ání Bulu onutó lébláa mli tsú afúlikusú iwí?

³² Bulu asɔn wanlínhé léblí ɔbéé, ‘Mígyí mli anáin Abraham mɔa Isak pú Yakob Bulu ámu ni.’ Iní su megyí awupó Bulu ógyi, akiankpapu Bulu ógyi.”

³³ Bréá ɔdɔm amu bonu asún ánfí á, mu atosunáhé anfi leha ɔnó lobwie amó.

*Bulu Mbla Amɔtɔ Móá Idɔn**(Marko 12:28-34; Luka 10:25-28)*

³⁴ Bréá Farisifo bowun ání Yesu lalé Sadukifo ámu asún ɔnó, asún lawú wá amó ɔnó á, bekpa aba ya Yesu wá. ³⁵ Amótó ɔkoleá ogyi mbla osunápú léfité Yesu asún, ɔpɔsɔ mu kí. ³⁶ ɔlefíté Yesu ɔbéé, “Osunápú, Bulu mbla ámɔtɔ mɔmu dón?”

³⁷ Yesu lébláa mu obéé, “‘Pu fú klón, fú okláa pú fú agywün fée dwe fú Wíe Bulu.’” ³⁸ Iní gyí mbla ámútó gyankpapu ání idon mú fée ní. ³⁹ Nyóosí é igyi fé mú. ‘Dwe fú bá fé fú iwí.’” ⁴⁰ Mose Mbla pú Bulu onósú atóipó amu atosunáhé fée ilí mbla anyo ánfisu.”

Ma Gyí Kristo Amu?

(Marko 12:35-37; Luka 20:41-44)

⁴¹ Iníá Farisifó ámu bebefia sí bulí su á, Yesu léfité amó obéé, ⁴² “Nkálí mlidé Kristo, (ohá ámú Bulu ladá mu ofúli amu) iwí gywün? Ma mu na ní?”

Bebláa mu beé, “Owíe Dawid mu na ní.”

⁴³ Olafité amó obéé, “Mú ntogyi só Oje Wankíhé léha Owíe Dawid létí mu obéé ‘Mí Wíé?’ Tsúfé Owíe Dawid léblí obéé,

⁴⁴ ‘Aní Wíe Bulu lébláa mí Wíe obéé,

Tsia mí gyópisu nfi

yófun bréá néha fétsatsáa fú alupósú?”

⁴⁵ Ní Owíe Dawid onutó létí ohá ánfí Bulu ladá ofúli anfi obéé, mu wie a, nkálí só ótráa ogyi mu na?”

⁴⁶ Amótó okoku métaalí lé mú onó. Tsú eke ámu a, ohaa métrá wa klón fité mu asoanso.

23

Mose Mbla Asunápú Pú Farisifó Tsiátó

(Marko 12:38-39; Luka 11:43, 46; 20:45-46)

¹ Asón ánfí oha a, Yesu lébláa odóm amu pú mu akasípú amu obéé, ² “Mose mbla Farisifó pú Mbla asunápú amu buadesuná.

³ Mú su mligyi amó asun blíhé féesó, táme mlimátsiá amú atsiábi. Tsúfé butamagyi amó onutó asun blíhésu. ⁴ Butópú ató dwindwín sórá ahá, táme amó onutó butamapó osrebi okole kúráá tsá amú tsu. ⁵ Butóbwé amó tógyító ahá ansísu. Butówánlín Bulu asón dínká tati téihésu, púklí amó osokpi pú amú bina ibasu. Butóló nfé tintíúntín síánsían amú atadié onó. ⁶ Butekle otsiákpá yilé tsiá nke ogyíkpá pú Yudafó Ofiakpa. ⁷ Bedáli yo dunsu á, butekle beé ahá butí amú beé, ‘Asunápú,’ abubun ha amú itsiá. ⁸ Mlí fée á, apió mligyí. Mú su mlimáha abuti mlitó ohaa osunápú. Obakóle pé gyí mli osunápú. ⁹ Alí kén mlimáti ohaa mli sí osulúu anfisú ní. Tsúfé Osí okole pé mlibu, obu osósó. ¹⁰ Tráhetráhe a, mlitó ohaa máha abuti mu nkpá ogyápu. Tsúfé nkpá ogyápu okole pé mlibu. Mogyí Kristo, (ohá ámú Bulu ladá mu ofúli amu). ¹¹ Mlitó ohande obwée mli osúmpú. ¹² Tsúfé fúá fotsu iwí á, Bulu obéba fu asi. Fúá feba iwiasí é á, Bulu obótsu fu fúá.

Apinabwebí Abwepú

(Marko 12:40; Luka 11:39-42, 44, 52; 20:47)

¹³⁻¹⁴ “Mlí Farisifó pú Mose mbla asunápú, apinabwebí abwepú, mligyówi ní. Mlilatin Bulu iwíegyi ámu okpa wá ahá.

Mli onutó mlimédékléá mlówie unv, mli dé ahá ání buδε mbódí bε bεε bówie unv é okpa tlin.*

¹⁵ “Mli Farisifó pú Mose mbla asunápú, apinabwebí abwepó, mligyowí ní. Tsúfé mlitefá dun fá owu, dú ubv kplí ubv há oha tedámlí kluntó. Táme ní odámlí kluntó tá á, mlitelábwé mu otemlí isubítí ogyá ání itamaduntó owopú dun mli onutó.

¹⁶ “Ansibi abwiepó ání mli dé ahá kpa, mligyowí ní. Mliteblí mliaa, ‘Ní oku oká Bulu otswékpa obu ámu ntam a, imehián ání obégyi mósú. Táme ní oká sika pepe atóá ubv otswékpa obuto unv mó ntam a, ilehián ání obégyi mósú.’ ¹⁷ Ansibi abwiepó! Aha mimláhe! Mótó momu bu labi dun? Sika pepe ató ámu lóó, ntée Bulu otswékpa obu ámuú ilahá sika ámu lamli Bulu klé amv? ¹⁸ Mlitetráa blí mliaa, ‘Ní oku oká afodie-asubwi ntam a, imehián ání obégyi mósú. Táme ní oká afodie-abotó ámu ntam mó á, ilehián ání obégyi mósú.’ ¹⁹ Ansibi abwiepó! Mótó momu bu labi dun? Afodie-abotó ámu ntée afodie-asubwi ámuú ilahá mó lamli Bulu klé amv? ²⁰ Ní feká afodie-asubwi amv ntam a, faká ibwi ámu pú atóá idun mósú féé ntam. ²¹ Ní feká Bulu otswékpa amv ntam a, faká Bulu mva mu otsiákpá ntam. ²² Ní feká osósó ntam a, faká Bulu mva mu owie obiá ntam.

²³ “Mli Farisifó pú Mose mbla asunápú, apinabwebí abwepó, mligyowí ní. Mliteye mli otsoisú pú kpántánkplámá aná féétó idú, pú idúsí há Bulu. Táme mlimédé Bulu mbla amúú ihíe dehián, igyi asóngyí onakwaliso, aba nwewúun pú onakwaliwa ámuvo gyi. Módéhián ni, táme mlimákiná iyéto dúsí amv é ha. ²⁴ Ansibi abwiepó ání mli dé ahá kpa, mligyowí ní. Mlitotsró mbépi lé oputsútó, táme mlitemé mbéwun.

²⁵ “Mli Farisifó pú Mose mbla asunápú, apinabwebí abwepó, mligyowí ní. Tsúfé mlitofwí mli nwe pú mli nlepe oma wan-kláán, táme atóá mlilapú owi móa onsipe swíi ahá sóón bu mótó. ²⁶ Farisifó ansibi abwiepó, mligyankpa fwí nwe móa nlepe ámuvo, mó oma é bétin.

²⁷ “Mli Farisifó pú Mose mbla asunápú, apinabwebí abwepó, mligyowí ní. Mli labwé fé ntsán ání bakpá mó afá fututúútú, mó iwí lawá akíle. Táme mótó mó á, afúli awú pú ato plóhé sóón bó mó. ²⁸ Ah kén mligyí ní. Ahá buteki mli ání mligyí yilé abwepó. Táme mli kluntó mó á, apinabwebí bwe móa lalahé bwe sóón bó mó.

Bulu Isbití
(Luka 11:47-51)

²⁹⁻³⁰ “Mli Farisifó pú Mose mbla asunápú, apinabwebí abwepó, mligyowí ní. Tsúfé mlitopwé Bulu onósú atóipú pú yilé

* **23:13-14** Mótó yée 14 bu nwolú dada amv akoto: Mli Farisifó pú Mose mbla asunápú, apinabwebí abwepó, mligyowí ní. Mlitelíi ahátó bó mpáí títintín, táme mlitotswíi asurapo amó wóyí pú amó ató féé é. Iní so Bulu obébití mli isv dun aha tráhe.

abwepó ámóú betsiá ámu ntsán, lá mó iwí wankláán, blí mliáa, ‘Ní anulétsiá aní anáin brésó asa bómō Bulu ónósó atóipú anfi á, tēki anumówa ibi mótó.’ ³¹ Mli asun blíhé anfi désuná ání mligyí Bulu ónósó atóipú amópó ámu abí-aná ní. ³² Mliwuna yō mósó, amlumō mli anáin bwēhé ámu ónó. ³³ Awō, abe abí-aná! Mlétalí srí sí ipón ámóú Bulu óbéha mli, kpá mli wá isobití ogyá ámóú itamaduntō ámu? ³⁴ Mó sū nde Bulu ónósó atóipú, anyansapu pú Mose mbala asunápú wa sísí mli. Táme mlómō akū, dá amótó akū mántá oyikpalíhesu. Mlónwēn amótó akū mpli mli ofiakpa, dínká akusu tsú awúlusu yó awúlusu. ³⁵ Iní sū yilé abwepó ámóú mliá mli anáin mlilámó tsú Habelsu bōfōn Sakaria, ogyi Barakia mu bi ámóú mlilómō Bulu ótswékpa obu móa afōdiē-asubwi amu nsiné ámu fée obugya béba mli su. ³⁶ Ónōkwali nde mli bláa. Iní aná fée sū Bulu isobití béba mli ndemba-abí ánfisu ní.

Yerusalemfō Iwí Ódwe
(Luka 13:34-35)

³⁷ “Óo Yerusalemfō, Yerusalemfō! Mlitómó Bulu ónósó atóipú, dá abí ání Bulu lawá sísí mli abwi mó ní. Ntekleá nóbun mli abísó brégyíbré, fē alíá bate tobun mu abísó, táme mlitamahá mí okpa. ³⁸ Mliki, Bulu obési mli ótswékpa tswi mli, íbēdi kpan. ³⁹ Tsúfé nde mli bláa mbéē, mlímétrá wun mi ekekeēke, yōfōn ekeá mléblí mliáa, ‘Bulu oyúla óhá ámóú óbá mu idátó.’ ámu.”

24

Bulu Ótswékpa Amu Bwie
(Marko 13:1-2; Luka 21:5-6)

¹ Bréá Yesu lédali Bulu ótswékpa inu oyó á, mu akasípó amu benatí yótū mu, súná mu ótswékpa inu mbu ámu. ² Móú ólebláa amú óbéē, “Mlilawun mbu akpōnkpōnkpōnti ánfí fée? Ónōkwali nde mli bláa. Bóbwie mó fée bun. Ibwi kule kóráa méesian dínká mó básó.”

Iwiasin Móa Ikplán
(Marko 13:3-13; Luka 21:7-19)

³ Bréá Yesu tsie Nfō-nyíbu ámusu, óde Bulu ótswékpa amu kí a, mu akasípó amu nkule befité mu beē, “Bla aní, bré mōmōtō íní fée béba? Osúna mōmu é óbéba, íbósuná ání fū bábi pú oyí ónómóké lafōn?”

⁴ Inu Yesu léle mó ónó óbéē, “Mliki wankláán, méní óhaa méemlé mli. ⁵ Tsúfé ahá tsōtsōtsō bōpu mí dá ba beē, amógyí Kristo, (óhá ámóú Bulu ladá mu ofúli amu) ní. Bémlé ahá tsōtsōtsō bōfwí okpa. ⁶ Ní mlonúá isá ladá mantáa mli ntēē otinēku á, opúni mátsií mli. Tsúfé lehián ání íní aná fée béba, táme imedésuná ání oyí ónómóké ámu lafōn. ⁷ Tsúfé ómá bōko

aba. Awíe bókusú lí abasu. Akón béba, ɔsulú békpunkí ntíné-ntíné. ⁸ Iní fée igyi fé iwɔsin ání ɔtsi towun bréá ikwí de mu dwiin.

⁹ “Alí bré ámutɔ á, mí su ɔmá-ɔmá bólu mli. Bédinká mli su, pú mli há bowa mli amomuyɔ, mó mli. ¹⁰ Mliɔ ahá tsɔtsɔtsɔ bédida hógyito. Bólu aba, lé aba há. ¹¹ Afunu awapú bébli beɛ, Bulu ɔnósú atáipú bugyi tsɔtsɔtsɔ béba bɛmlé ahá tsɔtsɔtsɔ, há amó bófwí ɔkpa. ¹² Lalahɛbwe bómoní. Mú su ahá tsɔtsɔtsɔ buméetrá dwe aba. ¹³ Táme ɔhá ání ɔletalí lí kinkíinkín yɔfun ɔyí ɔnómáké á, Bulu ɔbóhɔ mu nkpa. ¹⁴ Mú óó á, ahá béda Bulu iwíegyí ámu iwí asɔn wankláán ánfí ɔkan ɔyító fée, méní ahá fée bónu mú, asa ɔyí íbómɔ ɔnó.

Iwɔsin Wúunbɔ

(Marko 13:14-23; Luka 21:20-24)

¹⁵ “Ní mlowun akísítá itobwíé ɔmá, ida ɔwankíkpá mu, ide Bulu ɔswékpa mu kpáí, fé alá Bulu ɔnósú ɔtáipú Daniel lébli tswí a, —Aklápu, mlinu mú asi!— ¹⁶ mómú ahá ání bubu Yudea ɔmátó busrí yɔ abusu. ¹⁷ ɔhá ání ɔdin obusu mákpli ɔbée, moyótsu tɔtɔ obuto. ¹⁸ ɔhá ání ɔbu ndɔtɔ é ɔmáyinkí ba wóyító botsu mu tati. ¹⁹ Amenyapú pú abí-ayín ání buɔpia abi ɔɔbwe alí bré ámutɔ, bugyówí ní. ²⁰ Mlikokoli Bulu mlíaa, mli ɔsríké amu imábwe nyankpu múa atsalíbí ntée ɔkpónú ɔdaké. ²¹ Tsúfé tsú ɔyí asitsuábi a, asɔn wunhe ání íbéba alí bré ámutɔ odu kuku mókúba kí. Mú odu kuku é méetrá ba ekekekeke. ²² Ní Bulu médinkí nke ámusu á, teki ɔhaa méesian ɔyító. Táme ahá ámúó alalé póbwe mu kle amu su aladínkí nke ámusu.

²³ “Alí bré ámutɔ á, ní ɔku lébláa fu ɔbée, ‘Kí, Kristo, (ɔhá ámúó Bulu ladá mu ofúli amu) bu nfi ntée nána’ á, máhogyi. ²⁴ Tsúfé ahá ání beɛ amógýí Kristo amu pú ahá ání bowa afunu beɛ, Bulu ɔnósú atáipú bugyi tsɔtsɔtsɔ béba ɔyító. Bóbwe ofúla pú osúna akpɔnkpɔntí púmlé ahá. Ní bétalí kóráá á, bɛmlé ahá ámúó Bulu lalé ámu é. ²⁵ Mlinu, nde mli ɔlá da yáí asa íba.

²⁶ “Ní ɔku ɔbláa mli ɔbée, ‘Kí, Kristo amu laba ɔbu dimbísú’ a, mlimádalí yéki. Alí kén ní bebli beɛ, ‘ɔbu obutótót’ é mlimáhogyi ní. ²⁷ Tsúfé mí, Nyankpusa-Mu-Bi ánfí ɔbáke íbóbwe fé alí ámúó nyankpu tɔfwí íbɔ, butowun mú tsú owí ɔdalíkpa yédalí owí ɔkplíwíékpá amu.

²⁸ “ɔtínéá ito wuhé da a, unó alása butefia.

Nyankpusa-Mu-Bi Amu Ibábi

(Marko 13:24-27; Luka 21:25-28)

²⁹ “Iwɔsin wúun amu ɔma a, owí ɔbéta, ɔtsra é ɔméetrá féí. Ntsrakpabi békpa tsú ɔsúsú beɛda. Nwolótáa múa mótó ató fée békpunkí. ³⁰ Mú ɔma a, mlowun mí, Nyankpusa-Mu-Bi ánfí íbá iwí osúna ɔsúsú. ɔyító ahá fée bósu. ɔhagyíɔha obówun ání mí, Nyankpusa-Mu-Bi ánfí napó túmi múa numnyam kpɔnkpɔntí

mbu nwołótáatɔ tsú ɔsúsú neba. ³¹ Inu á, ɔkpe ku ibélu kóklókúú, Bulu ɔbɔwa mu abɔpu béyeka mu ahá ámúú alalé ámu tsú ɔyí afonka ana ámu féésú.

Ɔyí Ɖnómɔ Iwi Osúna

(Marko 13:28-31; Luka 21:29-33)

³² “Mliɔpuki pɔntɔ ɔyí. Ní mú abámbi deɔí, ide ate pɔpwe le á, mliɔbí ání awikpan bré lafun. ³³ Alí kén, ní mlowun ání ntobí ánfí féé ide mútɔ bá a, mlébi ání mí, Nyankpɔsa-Mu-Bi ánfí íbábi lafun ta ní. Nawíé wóyí ámu ɔnɔ tá. ³⁴ Ɖnɔkwali nde mli bláa mbée, ndemba-abí ánfí féé bumóowu tá asa íni féé béba mútɔ. ³⁵ Ɖsú múa así féé bótsɔn, táme mí asɔn blíhé mɔɔtsɔn ekekekeke.

Nyankpɔsa-Mu-Bi Ámu Ɖbáke

(Marko 13:32-37; Luka 17:26-30, 34-36)

³⁶ “Ɖhaa méyín eke ntée bréá ntobí ánfí féé íbéba. Bulu-abɔpu bumeyín. Bulu mu Bi ámu é méyín, nkéti aní Sí ámúú ɔbu ɔsúsú ámu nkɔle pé yin. ³⁷ Alí ámúú ilegyi Noa brésú amu a, alí íbégyi mí, Nyankpɔsa-Mu-Bi ánfí é íbábi ni. ³⁸ Tsúfé asa ntsubólábí amu lafun a, ahá betsiá búde ató gyí, búde ntá núu, búde aká tsiá, búde atsi kítá há akúlu alu yófun ekeá Noa lówie mu dáka kpɔnkpɔnkpɔnti ámutɔ. ³⁹ Ɖhaa mébi tóá ide músu yɔ, kpéfun bréá ntsu ámu laɔbulá sórá amú féé náti. Alí kén buméebi mí, Nyankpɔsa-Mu-Bi ánfí íbábi ni. ⁴⁰ Alí bré ámutɔ á, ní ayin abanyó bulí ndɔ kɔletɔ búde agyómá yɔ á, Bulu obótsu ɔkɔle sí ɔkɔle. ⁴¹ Ní atsi abanyó búde nfúó kwe á, Bulu obótsu ɔkɔle sí ɔkɔle.

⁴² “Mliɔdunka ansí iwɔsu, tsúfé mliuméyín ekeá mli Wie ɔbéba. ⁴³ Táme mli nu asún ánfí. Ní wóyí mu wie yin onyé bréá owikplu ɔbéba mu wóyítɔ a, teki ologyo mu wóyí, owikplu móbwie wíé, wí mu ató. ⁴⁴ Mú su mli é mli gyɔ, tsúfé mí, Nyankpɔsa-Mu-Bi ánfí néba bréá mli ansí medín mísú.

Osúmpú Wankláán Pó Ɖlaláhe

(Luka 12:41-48)

⁴⁵ “Ma mee gyí osúmpúá ɔletin ansí, ɔbu ɔnɔkwali? Mu íbitɔ mu wie tɔpú mu aba atráhe wá, ɔbéé ɔhá amú atogyihe dunka brésú. ⁴⁶ Ansí bégyi osúmpú amu, ní mu wie amu ɔbá bowun ání lélé ɔde mú bwé. ⁴⁷ Ɖnɔkwali nde mli bláa. Mu wie amu ɔbɔpu mu ató féé wá mu íbitɔ. ⁴⁸ Táme ní osúmpú laláhe ogyi, ɔleblí wá nwuntɔ ɔbéé, ‘Mí wie méeba séi.’ ⁴⁹ Iní su olefi así ɔde mu aba asúmpú da, mu na ntá abɔpú búde ató gyí sí amú, búde ntá núu bu á, ⁵⁰ mu wie amu ɔbéba bófwie mɔtɔ ekeá ɔmedín ansí. ⁵¹ Mu wie amu ɔbéhie títi mɔtɔ, trá butí mu na apinabwebéfiɔ ámu asu kékéé. Inú isú múa kpisíi bu ni.

1 “Bulu iwíegyi ámu íbóbwe fé mbitebí dú akvá botsu amú nkandíe dáli beyéfiá oká pəpwe otsiápu oku. 2 Amútó abanú bemimláa, abanú é betin ansí. 3 Aha mimláhe amu botsu amú nkandíe, táme bumotsu nfo kuku kítá. 4 Táme atiansipu amu botsu nfo wá atótó kítá. 5 Oká otsiápu amu mókəsi ba. Mú su mbitebí ámu féé bəgyəsi, tsun mótó dídi.

6 “Oyi-nsiné á, oku lósorá okitikíti obéé, ‘Ani pi, oká otsiápu amu obá o! Mlidalí yefia mu!’ 7 Inu mbitebí ámu féé bəkusú nywé amú nkandíe. 8 Aha mimláhe amu bebláa atiansipu amu beé, ‘Ani nkandíe dedúun. Mú su mliha aní nfo kpalobí awa aní kléto.’ 9 Mú atiansipu amu bebláa amú beé, ‘O-o, imətsó. Iməofon ania mlínyo. Mliyo afepó wá, amliyoħo mlí klé.’ 10 Bréá aha mimláhe amu bəpu okpa bəyó á, oká otsiápu amu léba. Amú ámú bəda iwísu ámu bobuo oká otsiápu amu wíé oká otsiákpá inu, oyin ámu asúmpó befin obu ámu.

11 “Mú əma a, mbitebí atráhe amu é beba belí klən əma, blí beé, ‘Ani sí, finki ha aní awie.’ 12 Táme oká otsiápu amu lébláa amú obéé, ‘Onəkwali nde mlí bláa, mmeyín mlí okpagyíokpasu.’”

13 Yesu lómə mú onó obéé, “Inu su mlída iwísu, tsúfé mí, Nyankpəsa-Mu-Bi ánfí néba bréá mlí ansí medín mísú.

Asúmpó Abasá Iwí Yébi (Luka 19:11-27)

14 “Nyankpəsa-Mu-Bi ámu íbábi bóbwe fé okvá əde okpa tu, əleti mu asúmpó, ye mu ató há amú obéé, bukí mósú yai mu. 15 Ələpu sika pepé akente anu há okule, pú akente anyə há onyəsəsi, ələpu kente kule é há əsaasi. Əleha okugyíəku mu əwənlín onó asa əlenatí. 16 Osúmpó ámú olenya akente anu ámu lówa əsa pú kóba amu fi íbíagyí asi. Mú su iməwa əpá kuku, olenya akente anu dínká mósú. 17 Onyəsəsi amu é lédamlí ibi mu sika pepé akente anyə ámu əsə alí kén. Mú su olenya akente anyə dínká mósú. 18 Táme əsaasi amú olenya kente kule amu mú lóyókwi obó, pú mu wie sika pepé amu ηáín mótó.

19 “Tłowa əpá asa amú wíe amu lótsu mu okpa ámu ba, əleti amú obéé, mwa amúnyə bóbu akúnta. 20 Osúmpó ámú olenya sika pepé akente anu ámu lótsu mwa mósú ədínká akente anu ámu ba mu wie, bebláa mu obéé, ‘Mí wíé, feha mí sika pepé akente anu. Mí é nanyá akente anu dínká mósú. Mú ní.’ 21 Mu wie amu léda mu ipán, blí obéé, ‘Fabwé ató. Osúmpó wankláán fúgyi. Inú fáwá onəkwali ató túkúríibi ánfíto su á, nəpu fú yái mí ató tsətsətsə onó. Ba afəbetsiá mí wá, anya ansigyí.’

22 “Osúmpó onyəsəsi amú olenya sika pepé akente anyə ámu é lébláa mu wie obéé, ‘Mí wíé, sika pepé akente anyə feha mí. Mí é nanyá anyə dínká mósú. Mú ní.’ 23 Mu wie amu léda mu ipán, blí obéé, ‘Fabwé ató. Osúmpó onəkwali pu fúgyi. Inú fáwá

fɔda obu; anımébeκı fɔ?’⁴⁵ Inu mí ánfı ngıyı Owıe anfi nébláa amú mbéé, ‘Onəkwalı nde mlı bláa. Alı ámúbı mlımóbwe mú há mí apıó ánfı ahá bıtamabú amú wá ahátı ánfıtı oku á, mí mlımóbwe há á.’⁴⁶ Bulu óbéha amú bóyo iwıwsın anı itamatátı, táme yılé abwepı amú mó bénya nkpa anı itamatá.”

26

Bekıklı Yesu Nwunsu

(Marko 14:1-2; Luka 22:1-2; Yohane 11:45-53)

¹ Bréá Yesu lósuná ató ánfı féé tá á, ólebláa mu akasıpı amú óbéé, ² “Mıyın anı ılası nkenyó bégyı Israelfısu Katsın Nke. Nke ámıtı á, oku óbıpu mí, Nyankpısa-Mu-Bı anfi wá mí alupı ıbıtı, béda mí mántá oyıkpalıhesu.”

³⁻⁴ Alı bré ámıtı á, Yudafı Bulu igyı ahapı dehen pı amú ahande befia igyı óhapı dehen Kaiafa wóyıtı, kítá agywın okpa anı bótsın mısú kítá Yesu nıaintı, mó mu. ⁵ Táme beblı beé bımóóbwe mú nke ámıtı, méni kpokıtı méeda ómá ámıtı.

Ofobı Fánfánfán Pwólı Yesu

(Marko 14:3-9; Yohane 12:1-8)

⁶ Bréá Yesu bu Betania wúlıtı, Simon okvá alaló ıbı pepe kı wóyıtı óde ató gyı a, ⁷ ótsı oku léba mu wá. Óde prentva wankláán kvá ofobı fánfán anı ıbu bıá bı mó, óletseı ofobı ámu wólı Yesu nwuntı. ⁸ Yesu akasıpı amú benya óblı bréá bowın ıni. Mó su befité beé, “Ntogyı sı ótsı ánfı layıntá ofobı fánfán ánfı? ⁹ Abétalı fé mú ıbíá kpékplé, pı kóba amú há ahıanfı.”

¹⁰ Yesu lébı anı óblı lakıtá amú. Mó su ólebláa amú óbéé, “Ntogyı sı mlıdé mu háan? Itı yılé alabwé há mí. ¹¹ Ahıanfı bétsıá mlıtı ekekegyıeke, táme mí mó mméetsıá mlı wá yı. ¹² Alatséı ofobı fánfán ánfı wólı mí, pólá mí óyólıbı yáı há mí opuláké. ¹³ Onəkwalı nde mlı bláa. Óyıtı ótıngyıótınéá béda Bulu asın wankláán ámu okan a, beblı tı ánfı ótsı ánfı labwé ánfı pókáın musı.”

Yuda Iskariot Lótsulá Anı Óbéle Yesu Há

(Marko 14:10; Luka 22:3-6)

¹⁴ Mó óma a, mu akasıpı dúanyı ámıtı okvá bıtetı mu Yuda Iskariot lóyo Bulu igyı ahapı dehen amú wá. ¹⁵ Óleyéfité amú óbéé, “Nı nelé Yesu há mlı á, ntı mléha mı?” Mó su bekla sika futıtı advasa (30) wá mu ıbıtı. ¹⁶ Tsú bré ámıtı ólwa okpa dunká anı óbıtın mısú lé Yesu há amú.

Katsın Atogyıhe Gyı

(Marko 14:12-21; Luka 22:7-14, 21-23; Yohane 13:21-30)

¹⁷ Israelfı Bodobodo Mátúhénke ámıtı eke gyankpapı a, akasıpı amú beba Yesu wá befité mu beé, “Anı Wıé, obu mımıtı ayela ha fı, afıgyı Israelfısu Katsın Nke atogyıhe amı?”

18 Yesu lébláa amó òbée, “Mhṽo asímasi wá wúluto, amlhṽebláa mu mlhāa, ‘Osunápó amu òbée, mí bré lafon. Inu su mía mí akasípó abá begyi Israelfṽsu Katsun Nke ámu fú wóyító.’ ”

19 Mú su akasípó amu bṽyóbwe ali amóú Yesu lébláa amó ámu pépéépé. Bela obu ámutṽ, bwé Katsun Nketṽ atogyihe amu yáí inu.

20 Bréá nsaintṽ deklúun a, Yesu muṽa mu akasípó beba betsiá ṽpónú ámu asi. 21 Ató ámu ogyíkpa a, Yesu lébláa amó òbée, “ṽnṽkwali nde mli bláa, mliṽo ṽkule ṽbéle mí há.”

22 Asón ánfí lṽhṽe han akasípó amu. Mú su befi asi buṽe mu fité kulekule beṽ, “Mí Wíé, mí ní lóó?”

23 Yesu lébláa amó òbée, “ṽhá amóú mía munyṽo anidé ibi wa ṽpere ṽkuleṽo ámu ṽbéle mí há. 24 Mí, Nyankpṽsa-Mu-Bi ánfí nówu fé aliá bṽwanlín tswí, táme ṽhá amóú ṽbéle mí há ámu ṽgyṽwí ní. Ní buṽetepí kwíí mu kúráá á, teki ibu alé há mu.”

25 Yuda Iskariot amóú ṽlele mu há ámu é léfité mu ṽbée, “Osunápó, mí ní lóó?” Múú Yesu lébláa mu ṽbée, “Ee, fablí.”

Yesu Ntṽpwe Atogyihe Tráhe

(Marko 14:22-26; Luka 22:14-20; 1 Korintofṽ 11:23-25)

26 Bréá buṽe ató ámu gyí a, Yesu léle bodobodo ipín, ṽleda Bulu ipán, bíábía mótṽ pṽhá mu akasípó amu, blí ṽbée, “Mliṽo amlgyi. Mí ṽyulúṽ ni.”

27 Inu olotsu ntá-ṽwe, ṽleda Bulu ipán, pṽhá amó òbée, “Mli féé mliṽo amlinu. 28 Mí obugya ni. Mú Bulu dépusí mu ntam* ání alaká há ahásv ní. Bétsei mú wólí asi, méní obési ahá tsṽtsṽotsṽ lakpan kíé amó. 29 Nde mli bláa mbée, mméetrá nu wáun-abí ntá ánfí alu yṽfon ekeá mía mlunyṽo abélanu mú pṽpwe mí Sí iwíegyí ámutṽ.”

30 Benya wá ib dá Bulu ipán tá ali, benatí yó Nfṽ-nyíbu ámuṽu.

Petro ṽbṽswí ṽbée Mṽmeyín Yesu

(Marko 14:27-31; Luka 22:31-34; Yohane 13:36-38)

31 Bréá bowie Nfṽ-nyíbu ámuṽu á, Yesu lébláa amó òbée “Mli féé mléyínkí mí ṽma onyeni. Tsúfé bṽwanlín wá Bulu asón ámutṽ beṽ, ‘Néda akúfa ṽkparú ámu lédá, mu akúfa bédasáín.’ ”

32 Múú ṽletrá blí ṽbée, “Táme ní Bulu ṽkúsóa mi tsú afúlitṽ á, négya mli nkpa yó Galilea ṽmátṽ. Inu mlṽbṽto mí ní.”

33 Petro lébláa mu ṽbée, “Ní amó féé beyínkí fú ṽma kúráá á, mí mú mméeyínkí ekekekeke.”

34 Yesu lébláa mu ṽbée, “ṽnṽkwali nde fú bláa. Onyeni, asa bate ṽbéle ṽnṽ á, fṽswí pṽ ibi wá ogyá tse sa féṽ fṽmeyín mí.”

35 Inu Petro lébláa mu ṽbée, “Ní lowu ígyi kúráá á, mméekiná fú ekekekeke.” Ali kén akasípó atráhe amu é beblí ní.

* 26:28 Ntam pṽpwe bu nwuló dada amu akṽto.

*Mpáibɔ Getsemane**(Marko 14:32-42; Luka 22:39-46)*

³⁶ Yesu mva mu akasípú bɔyɔ ɔtinekuá butetí inu Getsemane. Bréá bowie inu á, ɔlebláa amú ɔbéε, “Mlɔtsia nfi, nɔyɔ nkprá yɔbɔ mpái.” ³⁷ Ɖlekpa Sebedeo abi anyɔ, bɔgyi Yakobo mva mu pio Yohane pú Petro ya. Inu asón lehié han mu, mu ansí lepe. ³⁸ Múú ɔlebláa amú ɔbéε, “Asón ihíé de mí háan, ideklé imɔ mí. Mlɔtsia nfi, mía mlunyɔ agyo.”

³⁹ Inu ɔlenatí yó nkprá kpalobí, ɔleda akpawunu pú ansító bun ɔsolótɔ, kókóli Bulu ɔbéε, “Mí Sí, ní ibówa alé á, ha ntá-εwe ánfí† itsun misu. Táme megyí tóá ndeklé, mboun múá fɔdeklé ibá mótɔ.”

⁴⁰ Múú oleyinkí ba akasípú amu wá bowun ání buɔɔɔɔɔɔ. Inu su ɔlefíté Petro ɔbéε, “Mú su mlumétalí tsíá, mía mlunyɔ agyo ɔanhwírí kole kpán? ⁴¹ Mlɔgyo amlikokoli Bulu, ménú mlumóowie isókítɔ, tsúfé mli ɔhé deklé, táme nyankpɔsa-oyí lɔpɔn.”

⁴² Yesu létrá yókokóli Bulu ɔbéε, “Mí Sí, ní ntá-εwe ánfí mótsun misu, ibwé alágyíalíá nónu mú á, múmú tóá fɔdeklé ibá mótɔ.” ⁴³ Ɖletrá yinkí ba bowun ání akasípú amu butráa buɔɔɔɔɔɔ, tsúfé didí de amú bu.

⁴⁴ Mú su ɔlenatí sí amú, trá yókokóli Bulu otse saasi, blí asón ámu kén. ⁴⁵ Oleyinkí ba akasípú amu wá, befíté amú ɔbéε, “Mlɔatráa si mlɔda mlɔdé ɔkpónú da? Mlɔki, bré ámu lafun ání bópu mí, Nyankpɔsa-Mu-Bi ánfí wá lakpan abwepú ibɔtɔ. ⁴⁶ Mlɔkusu ayɔ. Mlɔki, ɔhá ámúú ɔde mí le há ámu ná á.”

*Yesu Kítá**(Marko 14:43-50; Luka 22:47-53; Yohane 18:3-12)*

⁴⁷ Yesu ɔnó mesi asa akasípú dúanyɔ ámutɔ ɔkuleá butetí mu Yuda lóbowie inu. Ɖɔɔm kpɔnkpɔɔnkpɔntíá buɔɔ ndayí pú nkpotí bɔbuo mu. Bulu igyí ahapú dehen pú Yudafo ahande amu lówa amú. ⁴⁸ Yuda amúú ɔbéε Yesu há ámu lébláa ɔɔm amu yáí ɔbéε, “Ɖhá ámúú nélatá pútá ámu gyí ɔhá ámu ni. Mlɔkita mu.”

⁴⁹ Inu su ɔlenatí laa yéha Yesu itsiá ɔbéε, “Osunápú, tsia ní!” Ɖlélatá mu pútá.

⁵⁰ Múú Yesu lébláa mu ɔbéε, “Agya, bwe tóá ɔbwekpá feba.”

Inu ahá ámu benatí tó Yesu, kítá mu kínkíinkín. ⁵¹ Inu Yesu akasípú amutɔ ɔkole lótswi mu ɔdayí, kpá Bulu igyí ɔhapú dehen osúmbi ɔku isu lé. ⁵² Múú Yesu lébláa mu ɔbéε, “Yinkia fú ɔdayí wa mú ɔfletɔ. Tsúfé ɔhá ání ɔtenatí kítá ɔdayí á, ɔdayí ɔnó otesin. ⁵³ Fɔmeyín fee nétalí kókóli mí Sí ɔbéha mu abɔpu tsɔtsɔtsɔ akú dúanyɔ béba bɔkɔ hɔ mi? ⁵⁴ Táme ní ibá alí á, nkálí ibóbwε asa Bulu ason wanlínhé amu ibéba mótɔ?”

† 26:39 Ntá-εwe ánfí igyí iwɔɔsin ání Yesu obówun.

⁵⁵ Inu Yesu léfité amó òbée, “Ogyo otswapó ngyi, só mlilatsú nkpotí pú ndayí mléba mí òkitákpá? Ntsie mli wá Bulu òtswékpa inu ekekegyíeke nde mli ató suná, mlímékítá mí ekekekeke. ⁵⁶ Táme iní fée laba mótó, méní Bulu ònósú atóipó asón wanlínhé amu ibéba mótó.”

Inu akasípó amu fée besrí sí mu.

Yudafó Ahande Ansító Lú

(Marko 14:53-65; Luka 22:54-55, 63-71; Yohane 18:13-14, 19-24)

⁵⁷ Múú Yesu akítápó amu bekpa mu ya Bulu igyí òhapó dehen Kaiafa. Inu mva Mose mbla asunápó pú Yudafó ahande amu befia ni. ⁵⁸ Táme Petro lépetí obuó amó òma tsútsúútsú alu bowie igyí òhapó dehen wóyító inu. Oleyétsiá amó agyópo wá, méní obówun alíá asón ámu íbómá ònó. ⁵⁹ Inu Bulu igyí òhapó dehen amu mva Yudafó asón agyípo amu fée bodunká ahá ání béka asón dínká Yesusu, méní béliú mósú mósú mu. ⁶⁰ Afunupu tsòtsòtsò bedali ba, táme amó fée ònó lòtsun òtsan. Mú òma a, ahá abanyó bedali béliú ahande amu ansító, ⁶¹ blí bee, “Oyin ání léblí òbée, ‘Nétalí bwíé Bulu òtswékpa amu, lápú nkensá yi mú.’”

⁶² Múú Bulu igyí òhapó dehen amu lókusó líí fité Yesu òbée, “Fuma ònó lé? Fuma asvansu blí pólé fú iwí?” ⁶³ Táme Yesu móbwíí ònó. Bulu igyí òhapó dehen amu lélabláa Yesu òbée, “Neká Bulu òkiankpapu amu, ní fógýí Kristo, (ohá amóú Bulu ladá mu ofúli), ogyí Bulu mu Bi ámu a, bláa aní.”

⁶⁴ Múú Yesu lébláa mu òbée, “Mú fablí á. Táme mlíbí ání tsú nde pýa a, mlówun mí, Nyankpusa-Mu-Bi ání ntsie Bulu Otúmípu gyòpísu ání, ndin òsósú nwolótáasu nebá.”

⁶⁵ Múú Bulu igyí òhapó dehen amu lékítá mu atadié bálí mó kiaan,† blí òbée “Alabó mbusuo! Adánsie mòmú anitráa anigyó? Yée mlilanú abususu ání alablí. ⁶⁶ Nkálí gyí mli agywun?”

Bébláa mu bee, “Ilehián ání obówu!”

⁶⁷ Inu botutúú atsunó wulí mu ansító, wòwò mu atswé. Aku é bedadáa mu asútó, ⁶⁸ fité mu bee, “Bulu ònósú atóipó Kristo, ma ladá fú? Bla aní.”

Petro Lóswú Òbée Mvmeyín Yesu

(Marko 14:66-72; Luka 22:56-62; Yohane 18:15-18, 25-27)

⁶⁹ Petro tsie wunsínésú inu, otsíbi òku lóbòtu mu. Òlebláa Petro òbée, “Fóa Yesu Galileayín amu nyò ná.”

⁷⁰ Táme Petro lówa ònóí ahá ámu fée ansító òbée, “Mmeyín asón ání fudeblí ání iwí kùkùkù.” ⁷¹ Mú òma wóyí ònó inu é á, otsíbi òku é lébì Petro. Mú su òlebláa ahá ání bulí inu òbée, “Oyin ání mva Yesu Nasaretyín amonyò ténátí.”

† 26:65 Ilusuná ání asón ámu lawíé mu iwíto dóbì.

⁷² Inu Petro lópu ɔnɔlí ká ntam, blí ɔbéε, “Mmeyín mu.”

⁷³ Mú ɔma a, ahá ámuó bulú inu ámuɔ akw beba bebláa Petro beε, “Lélé mú á, aniyin ání fúa Yesunyɔ ná, tsúfé fú tótu de an suná alí.”

⁷⁴ Inu Petro lówa ntam kakáa bi ɔbéε, “Neká tógyító, mmeyín oyin ámuó mlidé mu iwí asón blí ámu!”

Inonu bate lóbɔn. ⁷⁵ Petro lékaín ání Yesu lébláa mu ɔbéε, “Fóswí tse sa fee fumeyín mí asa bate ɔbéε ɔnó.” Inu ɔledali híé yósu.

27

Yesu Kpa Ya Pilato

(Marko 15:1; Luka 23:1-2; Yohane 18:28-32)

¹ Ɔyi kehe nyanki-nyanki a, Bulu igyí ahapó dehen pú Yudafo ahande amu bekitá agywun beε, bómo Yesu. ² Mú su beklí mu, pú mu yówa Pilato ibitɔ. Mogyí Roma ɔhandeá ɔde Yudea ɔmású gyí ni.

Yuda Iskariot Iwi Sián

(Gyumagyihe 1:18-19)

³ Yuda amúó ɔlele Yesu há ámu lówun ání bahá Yesu pón. Ulehan mu. Mú su oleyinkía sika futútú advasa ámu ya Bulu igyí ɔhapó dehen pú Yudafo ahande amu. ⁴ Ɔlebláa amú ɔbéε, “Nalé ɔhá ání ɔmakóbwé lakpan kuku há. Mú su nabwé lakpan.”

Múó bebláa mu beε, “Animéyín mú iwí kuku. Fú asón igyi.”

⁵ Mú su Yuda lótswi sika futútú ámu sísí amú Bulu ɔtswékpa wunsínésú inu, náti yésián iwí.

⁶ Bulu igyí ahapó dehen amu ɔtɔsí kóba amu, blí beε, “Ani mbla meha ɔkpa ání apún kóba anfi odu wa Bulu ɔtswékpa kóbatɔ, tsúfé mú iwí metin. Obugya kóba igyi.” ⁷ Mú su ɔbɔwe agywun, pú kóba ámu yóhɔ ató ɔpwepú ɔku ɔsolóv, pú inu ɔbwé afɔ́ ání ɔbɔv Yerusalem opulákpá. ⁸ Inu su ɔɔv nde ɔuteti inu beε, “Obugya ɔsolóv.”

⁹⁻¹⁰ Inu léha Bulu asón amúó ɔleblí tsɔn mu ɔnósú ɔtɔipú Yeremiasu ámu léba mótó. Ɔbéε, “Botsu sika futútú advasa amúó Israelfɔ begyi mu ibiá, hɔ mu amu yóhɔ ató ɔpwepú ɔku ɔsolóv fé alíá Bulu lébláa mi.”

Yesu Lí Pilato Ansító

(Marko 15:2-5; Luka 23:3-5; Yohane 18:33-38)

¹¹ Yesu lí ɔmású ɔkípu Pilato ansító. Múó Pilato léfité mu ɔbéε, “Fúgyí Yudafo owíε amu ni?”

Yesu lébláa mu ɔbéε, “Ee, mú fablí á.” ¹² Táme bréá Bulu igyí ahapó dehen pú Yudafo ahande amu beka asón dínká Yesusu á, ɔmele kuku ɔnó.

¹³ Múó Pilato léfité mu ɔbéε, “Fumede asón anfi bakla dínká fúsú anfi nu?”

14 Táme Yesu métepi bwí onó. Mú su ilobwie Roma ðhande amu onó.

Yesu Lowu Ipon Ha

(Marko 15:6-15; Luka 23:13-25; Yohane 18:39-19:16)

15 Ofifigiyofi, ní bude Israelfosu Katsun Nke gyi a, Roma ðhande amu tesi obu ðdipú ðkuleá ðom amu buðeklé há amó. 16 Alí bré ámuto á, obu ðdipú ðkula alahó dá, butetí mu Baraba da obu. 17 Mú su bréá Yudafó ámu féé bebefia a, Pilato léfité amó ðbéé, “Ma nsii ha mli? Baraba lóó, ntée Yesu, butetí mu Kristo amu?” 18 Tsúfé Pilato yin ání Yesu iwí olu só Bulu igyí ahapú dehen pú Yudafó ahande amu bakítá mu ba mu.

19 Bréá Pilato tsie ðde Yesu asún ámu gyí a, mu ka lówa obí mu wá ðbéé, “Mábwe oyin ání mu asún da ðkpa ání tótó. Tsúfé igye onyé á, nokun okude wun mu, ifú lehié kítá mí.”

20 Táme Bulu igyí ahapú dehen pú Yudafó ahande amu beha ðom amu onó beé, bukókoli Pilato osi Baraba, abumó Yesu. 21 Mú su Roma ðhande amu lélafité ðom amu ðbéé, “Ahá abanyó ánfito omom nsii ha mli?”

Botsu onó beé, “Baraba!”

22 Mú Pilato létra fité amó ðbéé, “Ntó mbwée Yesu, butetí mu Kristo, (há ámú Bulu ladá mu ofúli amu)?”

Amó féé bebláa mu beé, “Ha abuda mu manta oyikpalíhesu!”

23 Pilato léfité amó ðbéé, “Ntogyi su! Tsitsa mom alabwé?”

Inu belakplón kóklókú beé, “Ha abuda mu manta oyikpalíhesu!”

24 Bréá Pilato lówun ání alabwé kásían, kpokiti mboun deklé ida inu á, olotsu ntsu fwí ibi amó ansító inu, bláa amó ðbéé, “Mí ibi anyo ima oyin ání lowuto. Mli asún igyi.”

25 Yudafó ámu féé bebláa mu beé, “Mu lowu isobiti íbá ania aní-anásó!”

26 Inu Pilato lési Baraba há amó, ðleha mu ísá akápó bepití Yesu ató, ðlpu mu wá amó ibito ðbéé, buyéda mu manta oyikpalíhesu.

Yesu Ahinlá Bwe

(Marko 15:16-20; Yohane 19:2-3)

27 Inu omású ogyípú amu ísá akápó bekpa Yesu ya mu wóyító. Beti amó aba ísá akápó atráhe amu féé, beda Yesu ðbun. 28 Bówóí Yesu atadie, pú ligá pepe ku wá mu. 29 Bóló obungyo-awu, bwé mó owíepa bun mu nwun. Bopu oyí ku wá mu gyopi ibito, fé akonfra. Beda akpawunu mu ansító, bude mu ahinlá bwe beé, “Yudafó Owíe, fú nkpasu onlusu!” 30 Botu atsonó wólí Yesu, swí mu oyí ámu púpítí mu nwuntó. 31 Bóbwe mu ahinlá tá á, bówóí amó ligá pepe amu, yínkía mu onutó atadie wá mu, bekpa mu dáli báyó abuyéda mu manta oyikpalíhesu.

*Yesu Da Mántá Oyikpalíhɛsv**(Marko 15:21-32; Luka 23:26-43; Yohane 19:17-27)*

³² Bréá bɔyɔ á, befia Kireneyin ɔkúá butetí mu Simon. Isá akɔpú ámu beka mu híé bɛɛ, ɔhóo oyikpalíhɛ amu sora.
³³ Boyówie ɔtinekúá butetí inu Golgota. Mú así gyí, “Nwun Okokobi Otsiákpá.” ³⁴ Bɔpu afá kítákítá wá ntátó tin Yesu ɔnó bɛɛ onúu, táme bréá ɔleda mú ɔnó á, olekiná nu.

³⁵ Bɛda mu mántá oyikpalíhɛ amusu tá á, beye mu atadieto. Inu bɔtswi abi pókí ɔhagyíɔha ogyíkpá. ³⁶ Besi bɔtsie inu, bɔde mu iwí gyóo. ³⁷ Mú bɔwanlín tóá svá bɔde mu da mántá oyikpalíhɛsv, dá mántá mu awunso bɛɛ, “YESU, YUDAFɔ OWÍE AMU NU.” ³⁸ Bɛda awikplu abanyó é mántá nyikpalíhɛsv tsía motɔ. Ɔkule bu mu gyɔpísv, ɔkule é bu mu binasu.

³⁹ Inu atsónpu bɔkpɔkpóv nwuntɔ, blí Yesu iwí abususu bɛɛ,
⁴⁰ “Yéé fú fɛɛ fétalí bwíé Bulu ɔtswékpa amu, lápwé mú nkensá owító ní? Hɔ fú iwí! Ní lélé Bulu mu Bì fúgyi á, kplí tsu oyí ámusu akí.”

⁴¹ Alí kén Bulu igyí ahapó dehen, Mose mbla asunápó pú Yudafo ahande amu é bɔbwe mu ahinlá ní. ⁴² Beblí bɛɛ, “Ɖɔhɔ ahá nkpa, táme ɔmetálí hɔ mu iwí. Ní mu gyí Israelfɔ owíe amu a, ɔkplí tsu oyí ámusu, méní abóhɔ mu gyí. ⁴³ Yéé ɔbée Bulu mu Bì mu gyi, mu ansí dín Bulusu. Bulu ɔlé mu séi, akí ání otekle mu asón.”

⁴⁴ Alí kén awikplu ámú bɛda mántá nyikpalíhɛsv mu wá ámu é bɔbwe mu ahinlá ní.

*Yesu Lowu**(Marko 15:33-41; Luka 23:44-49; Yohane 19:28-30)*

⁴⁵ Owí leta ɔsolóv amusu féeé, tsú dódúanyɔtɔ alu yófun ntópwe ɔsata. Owí metrá ln ε. ⁴⁶ Dɔsa ámutɔ á, Yesu lókplɔn kóklókókú Hebri ɔblítɔ ɔbée, “Eli, Eli, Lama Sabaktani?” Mú así gyí, “Mí Bulu, mí Bulu, ntogyi só fakpá mí ɔma?”

⁴⁷ Bréá ahá ámú bulí inu ámutɔ akv bonu asón ánfí á, beblí bɛɛ, “Ɖde Elia kpolí.” ⁴⁸ Inu amótɔ ɔku lésrí yótsu ɔsapɔ, púdá ntá ɔdáitɔ, púyi oyísú, tsú mú fúá, pútín mu ɔnó ɔbée onúu.

⁴⁹ Táme mu aba atráhe amu bebláa mu bɛɛ, “Si, alu kí bɛɛ Elia ɔbéba bɔhɔ mu.”

⁵⁰ Yesu létrá kplón kóklókókú, ɔlele ɔhé.

⁵¹ Inu Bulu lébalí tati ámú bɔpóká Bulu Ɖtswékpa obu ámutɔ anyɔ, tsú awunso beyi así kiaan. Bulu léha ɔsolóv lekpiní, ɔleha abotá lemamáin. ⁵² Olefinfinki ntsán, aha wankíhé tsɔtsɔtsɔ bɔkúsú tsú afúlitɔ. ⁵³ Yesu kúsú tsú afúlitɔ ɔma a, aha wankíhé ánfí bakúsú tsú afúlitɔ ánfí bɔyɔ Yerusalem wúlu wankíhé amutɔ, yéle iwí ɔwan súná ahá tsɔtsɔtsɔ.

⁵⁴ Bréá isá akɔpú ɔhande pú isá akɔpú ámú bɔde Yesu iwí gyóo amu bowun ɔsolókpiní ámu pú tóá ide músú yɔ féeé á, ifú lehie kítá amú, beblí bɛɛ, “Lélé, Bulu mu Bì óyin ánfí gyí.”

⁵⁵ Atsi tsotsɔtsɔ bobuo Yesu, buɔe muɔu kɪ tsu Galilea ɔmátó. Amó é besi lí tsútsúútsú, buɔe mu kɪ sɪsɪ. ⁵⁶ Amótó aku gyí, Magdalayintse Maria muɔa Maria ání ɔɔkwí Yakobo muɔa Yosef pú Sebedeo mu ka ání ogyi Yakobo muɔa Yohane aná oyín.

Yesu Pulá

(Marko 15:42-47; Luka 23:50-56; Yohane 19:38-42)

⁵⁷⁻⁵⁸ Bréá owí deɔɔn a, Arimateayin iwɪ onyapú ɔkúá butetí mu Yosef, alamlí Yesu ɔkasípú lóyo Pilato wá, yóku lí mu ɔbé, osii Yesu fúli amu ha mu. Pilato léha ání buɔsɪ fúli amu ha mu. ⁵⁹ Mú su Yosef lópu ɔhráda ání ɔɔtin wankláán kíklí fúli amu iwɪ, ⁶⁰ ɔɔpu mu yówa ɔbó pɔpwe ání aladá butátó yáí há mu iwɪtɔ. Múú olemináa ibwi yíléyílé ku tin ɔbó ámu ɔnó, ɔɔnatí. ⁶¹ Magdalayintse Maria muɔa Maria nyɔɔsi amu besi butsie unu fón buɔe ntsán ámu kɪ sɪsɪ.

Yesu Ntsán Gyo

⁶² Yudafɔ iwɪsu ɔdaké ɔyi kehe, igyi ɔkpónú ɔdaké á, Bulu igyi ahapú dehen, Farisifɔ ámu féé pú Pilato befia. ⁶³ Bebláa mu beɛ, “Owie, anlakáin ání bréá ofunupu anfi tsie nkpa á, ɔɔblí ɔbé, ‘Nkensá ɔma a, Bulu ɔbélakúsóa mi tsú afúlitɔ.’” ⁶⁴ Mú su ha abuyogyo mu ntsán ámu ɔnó wankláán, yófun eke sáási. Ní megyí alí á, mu akasípú amu bóyówi mu lé, beɔlé ahá beɛ alakúsú. Ibá alí á, akasípú amu ahámlé bóɔɔn mu kle.”

⁶⁵ Pilato lébláa amú ɔbé, “Tsá akɔpú ní. Mliha amú abuyogyo unu wankláán alíá mlétalí.”

⁶⁶ Mú su beyétan ɔbó ámu ɔnó wankláán, há agyópu bogyo mú asi.

28

Yesu Kusú Tsú Afúlitɔ

(Marko 16:1-10; Luka 24:1-12; Yohane 20:1-10)

¹ Yudafɔ ɔkpónú ɔdaké ɔyi kehe, igyi Kwasieda baka a, Magdalayintse Maria muɔa Maria nyɔɔsi amu bɔkusú yó Yesu ntsán ámu ɔkíkpa. ² Inuɔn á, ɔsulúw lékpunkí kóklókúú, Bulu-ɔɔpu lékplí tsú ɔsúsú bemináa ibwi yílé ámu lé ɔbó ámu ɔnó, tsíá mósú. ³ Mu ansító lehie wankí, ide ogyá kpa. Mu atadie é lofulí futúúúúúú fé opulí-mpútú. ⁴ Bréá bowun mu a, ifú lehié kítá unu agyópu amu, bekpunkí kpakpakpakpa, dɪda, lwíí fé afúli.

⁵ Bulu-ɔɔpu amu lébláa atsi ámu ɔbé, “Mliɔmánya ifú! Nawun ání Yesu amúú beɔda mántá oyikpalíhesu ámu mliɔɔdunká. ⁶ ɔma nfi. Bulu lakúsóa mu fé alíá ɔɔblí yáí. Mliɔeki ɔtíné amúú bɔpu mu tswi amu. ⁷ Mliwa ɔsa yebláa mu akasípú amu mliɔa, Bulu lakúsóa mu tsú afúlitɔ. Alagya mli nkpa ɔyó Galilea ɔmátó. Inú mlóɔwun mu ni. Asón ání mbu ha mli ní.”

⁸ Ifú lekítá atsi ámu, táme bɔpu ansigyí tsíí ɔsrú tsú opulákpá unu bɔyó yebláa akasípú amu tóá bawun.

⁹ Imowa ɔpá kɔkɔ Yesu léfia amó, há amó ité. Inu beda akpawunu kítá mu ayabi, súm mu. ¹⁰ Yesu lébláa amó ɔbéé, “Mlímánya ifú. Mliyεbláa mí apíó ámu mliaa, buyó Galilea ɔmátó. Inú bówun mi ní.”

Ntsán Agyópu Amu Asun Klahε

¹¹ Bréá atsi ámu bɔpu bɔyó á, ntsán agyópu amu aku é bɔyɔ wúluto yébláa Bulu igyí ahapú dehen amu tóá ilaba féé. ¹² Inu su Bulu igyí ahapú dehen amu beti Yudafɔ ahandε amu féé fia, kítá agywun. Beha ntsán agyópu amu kóba tsɔtsɔtsɔ. ¹³ Beha amó ɔnó beε, “Mlibli mliaa, ‘Onyé, bréá anidédidi á, Yesu akasípú amu béba bowi mu náti.’ ¹⁴ Ní Roma ɔhandε onú á, ania munyɔ abéblí mó, ménι mlímóowie asóntó.”

¹⁵ Mó su ntsán agyópu amu botsulá hɔ kóba amu, begyi dinká Bulu igyí ahapú dehen amu asun blíhé anfisυ. ɔnó ánfι beha amó ánfι lobwie wá Yudafɔ ɔmá ámu féétó bɔfun ndε.

Yesu Iwɔwanle Súná Mu Akasípú

(Marko 16:14-18; Luka 24:36-49; Yohane 20:19-23; Gyumagyihe 1:6-8)

¹⁶ Akasípú dúɔkɔn ámu benatí yó Galilea ɔmátó, ibu amóú Yesu lósuná amó ɔbéé bufia mu mósú ámuσυ. ¹⁷ Bréá bowun mu a, beda akpawunu súm mu, táme imɔwankí amótó aku ání mu ni. ¹⁸ Múú Yesu lókpɔkpé ba amó wá, blí ɔbéé, “Bulu lapú ɔsú móa así túmi féé wá mí ibitɔ. ¹⁹ Mó su mlyɔ ɔyító féé, amlibwe ahá féé mí akasípú. Mlibɔ amó asú ɔsí, Obí pú ɔhe Wankíhé dátó. ²⁰ Mlisuna amó abɔgyi mbla amóú nɔwa há mli ámu féésó. Mlibi ání mbυ mli wá brégyíbré, yófun ɔyí ɔnómɔ.”

Asun Wankláán Aní Marko Lówanlín

*Asú Ɖbɔpú Yohane Bulu Asón Ɖkanda
(Mateo 3:1-12; Luka 3:1-18; Yohane 1:19-28)*

¹ Alí Bulu mu Bi Yesu Kristo iwɪ asun wankláán ámu ilotsuá asɪ ní. ² Iɛba mótó fɛ alíá Bulu ɔnósú ɔɔɪpú Yesaia lówanlín wá mu ɔwolótó ɔbéɛ,

“Kɪ, nde obí wa gya fu nkpa.

Mu ɔbéla ɔkpa há fú ní.

³ Ɖku dékplun dimbísú ɔbéɛ,

‘Mhla anɪ Wíe ɔkpa.

Mlɪtswii ɪkpa ha mu!’ ”

⁴ Asú Ɖbɔpú Yohane léba ɔde ahá asú bɔ, ɔde Bulu asón ɔkan da Yudea dimbísú ɔbéɛ, “Mlɪdamli klɔntɔ, amlɪsi lakpan bwe. Bulu osikie mlɪ, ambɔ mlɪ asú.” ⁵ Ahá botsu Yerusalem wúlutɔ pú Yudea ɔmátó fɛé bá mu wá. Beɛ amú lakpan blí, ɔɔbɔ amú asú Yordan ntsutso.

⁶ Yohane lówa kpósó-imi atadiɛ, ɔɔpɔ ɔwolú-kpákpá ɔfé klí mósó. Atsantsanku pú ɔkwén otegyi. ⁷ Oletsíá dá asún ɔkan, blí ɔbéɛ, “Ɖkuá ɔɔɔn mi bu ɔma ɔbá. Mmɔfɔn aní nógyonká sánkí mu ntɔkɔta ɔfé kóráá. ⁸ Mí mú á, ntsu ndepɔbó mlɪ asú, támɛ mu mú ɔbóɔ Ɖɣɛ Wankíhé bó mlɪ asú.”

*Yesu Asúɔ Pú Mu Isókɪ
(Mateo 3:13–4:11; Luka 3:21-22; 4:1-13)*

⁹ Nke ámutɔ á, Yesu lótsu Nasaret, wúlúá ɔbu Galilea ɔmátó ba Yohane wá, Yohane lóɔ mu asú Yordan ntsutso.

¹⁰ Yesu lénɪa dálɪ ntsu ámutɔ alɪ, olowun nwolótáa lefinkí, Ɖɣɛ Wankíhé dékplí dalɪ mótó fɛ abróɔma, ɔlobogyonká mɔsu.

¹¹ Inu ɔmɛ ku lótsu ɔsúsú ɔbéɛ, “Fógýí mí bíá ntɔdwé, mi ansí tehié gyí fú iwɪ ní.”

¹² Inɔnɔ Ɖɣɛ Wankíhé amu lékpa Yesu ya dimbísú. ¹³ Oletsíá inu nke adɔana, Satan létsíá bɔsɔ mu kɪ. Mɔa pututɔ-mbwi létsíá, Bulu-abɔpɔ beba beki mɔsu.

*Yesu Gyumagyihɛ Asítsuá
(Mateo 4:12-22; Luka 4:14-15; 5:1-11)*

¹⁴ Bekítá Yohane tswɪ obu ɔma a, Yesu lóyɔ Galilea ɔmátó, ɔde Bulu asun wankláán ámu ɔkan da. ¹⁵ Ɖbéɛ, “Bré ámu lafɔn. Bulu iwíegýí ámu lawíé wóyí tá. Mlɪdamli klɔntɔ ba Bulu wá, amlɪhɔ mu asun wankláán ámuɔsu gyi.”

¹⁶ Eke ɔku Yesu ná Galilea ɔpɔ ɔnó, olowun Simon mɔa mu gyama Andrea. Bude asawu tswí, tsúfɛ aye alɛpú bɔgyi. ¹⁷ Músú

ἄεβλάα ἀμὸ ᾄβέε, “Μῆβα bobuo m̄. Nóbwε m̄ anyánkpr̄osa aλερ̄ú.” ¹⁸ Ἰησοῦ bes̄i ἀμὸ asawu aná tsw̄i, kplá buo m̄.

¹⁹ Ὀλενατί γὸ nkpá kpalobí á, olowun Sebedeo abí, Yakobo m̄ba m̄ gyama Yohane é. Bubu ᾄk̄l̄nt̄o, b̄ude ἀμὸ asawu b̄ín. ²⁰ Ἰησοῦ Yesu lét̄i ἀμὸ é, benatí sí ἀμὸ sí móa m̄ apaf̄o wá ᾄk̄l̄n am̄t̄o ba bobuo m̄.

Yesu ὄηε Laláhe Gyáa
(Luka 4:31-37)

²¹ Yesu m̄ba m̄ akasíp̄o b̄oȳo Kapernaum wúl̄ut̄o. Ὀb̄oȳo Yudafo ofiakpa yósuna at̄o ᾄk̄p̄r̄n̄ú ᾄdaké. ²² M̄v atosunáhé lobwie ἀμὸ ᾄn̄ó, tsúfé olosuná ἀμὸ at̄o túmis̄u. Megyí fé Mose m̄bla asunáp̄o am̄v.

²³ Oyin ᾄku léba ofiakpa ἡv, ὄηε laláhe bu m̄vsv. ²⁴ Ὀᾄk̄pl̄n̄ blí ᾄβέε, “Yesu Nasaretyin, amans̄v b̄óv ania f̄vnȳo ns̄iné? An̄i ᾄh̄kpá febá lóó? Nyin ᾄhá oduá f̄gyi. F̄gyí Bulu ὄha Wankíhé am̄v n̄i!”

²⁵ Yesu l̄k̄pl̄n̄ wa ὄηé ámv ᾄβέε, “Kpa ᾄn̄ó bun, af̄vdaḷi m̄t̄o.”

²⁶ Ἰηv ὄηε laláhe am̄v l̄w̄vsv̄úv oyin ámv ᾄw̄vnl̄ns̄ó, sórá okitikiti k̄ókl̄k̄k̄ú, dáli m̄t̄o. ²⁷ ὄn̄ó lobwie ἀμὸ féé, befíté aba beε, “Nt̄o ofúla n̄i? Ἰηi m̄v á, atosunáhé p̄p̄wε n̄i. Oyin ánfi bu túmi, ᾄt̄k̄pl̄n̄ wa ὄηε laláhe, itobú m̄v.”

²⁸ Ἰηi sv Yesu idá lek̄léi wá Galilea ᾄmá ám̄t̄o féé.

Al̄pv Ts̄ots̄ots̄o Ts̄a
(Mateo 8:14-17; Luka 4:38-41)

²⁹ Yesu m̄ba m̄ akasíp̄o benya dáli Yudafo ofiakpa ἡv al̄i, b̄oȳo Simon m̄ba Andrea wóyít̄o. Yakobo m̄ba Yohane é b̄vsv am̄ót̄o. ³⁰ B̄oȳo á, owísó lakítá Simon m̄v sia tsíhé, ᾄda. Ἰηsv bebláa Yesu ᾄts̄i ámv ἡv̄i asón. ³¹ M̄v̄o ᾄb̄oȳo yékitá ᾄts̄i ámv ἡv̄i, tsú m̄v k̄s̄ú. Ἰηsv owísó ámv l̄k̄vsv̄o m̄vsv, ᾄb̄wε ἀμὸ af̄ó̄t̄o.

³² M̄v̄o nt̄óp̄wε f̄oan a, b̄pv̄v al̄pv̄v p̄v̄o ahá án̄i ὄηε laláhe de ἀμὸ háan féé ba Yesu. ³³ W̄úlu am̄v féé beba befia wóyí ámv ᾄn̄ó. ³⁴ Yesu lét̄sa ahá ts̄ots̄ots̄oá b̄ude ἡv̄o ᾄts̄an-ᾄts̄an l̄o, olegya ὄηε laláhe ts̄ots̄ots̄o é lé ahát̄o. ὄmeha ὄηε laláhe am̄v ab̄v̄t̄i, tsúfé ἀμὸ féé b̄v̄yin m̄v.

Bulu Asón ὄkanda Galilea ὄmát̄o
(Luka 4:42-44)

³⁵ M̄v̄o ὄyi kehe b̄ake a, Yesu lédaḷi w̄úlu am̄t̄o γ̄o itsét̄o ᾄde mpái b̄o. ³⁶ Táme Simon m̄ba m̄v aba b̄ob̄o mbód̄i d̄únká m̄v al̄i yóvun m̄v. ³⁷ Bréá bowun m̄v a, bebláa m̄v beε, “Ahá féé b̄v̄de f̄v̄o d̄unká.”

³⁸ M̄v̄o Yesu lébláa ἀμὸ ᾄβέε “M̄iha aȳo aw̄úlu b̄ámbás̄o, anyeda Bulu asón ámv ᾄkan ἡv̄o é, tsúfé ἡv̄i sv neba n̄i.”

³⁹ Ἰηv ᾄb̄oȳo yéki Galilea ᾄmát̄o féé, ᾄde asón ámv ᾄkan da Yudafo ofiakpa féé, ᾄde ὄηε laláhe é gyáa le ahát̄o.

Ilɔ Pɛpɛ Ɖɔpɔ Ɖkɔ Tsa
(Mateo 8:1-4; Luka 5:12-16)

⁴⁰ Ilɔ pɛpɛ Ɖɔpɔ Ɖkɔ lɛba bɛda akpawunu Yesu ayabitɔ, kɔkɔli mu ɔbɛɛ, “Owié! Ní fòtsulá á, fétali há mí iwɛ bɛpli.”

⁴¹ Mu asón lówa Yesu nwe. Mú su ɔletinkí ɔbi da mu, bláa mu ɔbɛɛ, “Natsúlá, fò iwɛ ɔplí!” ⁴² Inuɔnu ɔlɔ pɛpɛ amu ɔleta, mu iwɛ lɛpli. ⁴³⁻⁴⁴ Mú Yesu lɛda mu ɔlá ɔbɛɛ, “Mábla ɔhaa asón ánti. Natɪ laa afɔpɔ fò iwɛ yosuná Bulu igyí ɔhapó, afɔha mu iwɛgyɔráto amó Mose mbla lósuná tsú ɔlɔ pɛpɛtsa iwɛ ámu. Igyi adánsɛ suna ahá ánti fò iwɛ laplí.”

⁴⁵ Táme oyin ámu lénɔ dáli nu aɪ, ɔlɔwa mú ɔkan da bi. Ɖlɛda asón ámu ɔkan wúlu amɔto fɛé fiá. Mú su Yesu métra tali lɛ iwɛ ɔwan wíé wúlu kɔkɔto, ɪtsétó ɔletsíá tsíá. Táme mú ó á, ahá betsiá tsú ntíné-ntíné ba mu wá.

2

Tsukɔlɛ Osínpu Tsa
(Mateo 9:1-8; Luka 5:17-26)

¹ Nkɛ kpalobí kɔ ɔma a, Yesu léyinkí yó Kapernaum wúluto. Ahá bonu ánti alaba wóyí. ² Mú su ahá tsɔtsɔtsɔ beba bɔbulá wóyí ámu. Ɖkpa kóráá ɪtráa ma inuá fòtsun wie mótó. Yesu lɛda Bulu asón ámu ɔkan súná amó. ³ Ahá abaná bɔsurá tsukɔlɛ osínpu ɔku akpasu ba mu. ⁴ Ɖɔɔm amu su bumenya ɔkpa pú mu wíé Yesu wá. Inu su bɔyóɔɔ obu ámu awunso, dá mú ɔtɪnɛku tíí, bekplía akpa amu tsun ɔbó amɔto, pú mu tswɪ Yesu ansító. ⁵ Bréá Yesu lówun ánti bahɔ mu gyi a, ɔlebláa tsukɔlɛ osínpu amu ɔbɛɛ, “Mí bí, nasí fò lakpan kíé fò.”

⁶ Inu Mose mbla asunápó akvá bɔtsie nu, beblí wá nwuntɔ bɛɛ, ⁷ “Ntɔ asón oyin ánti déblí aɪ? Megyí mbusuo álabó á? Ma é ɔbétali sí lakpan kíé ahá ɔnu Bulu nkɔlɛ?”

⁸ Yesu lɛbi ánti buɔɔ nwéen gyí amó nwuntɔ. Mú su ɔlefíté amó ɔbɛɛ, “Ntogyi só mlidé inu odu gywíin? ⁹ Mɔmu bówa ablílɛ ánti nébláa tsukɔlɛ osínpu anfi? ‘Nasí fò lakpan kíé fò’ ntéɛ ‘Kusu tsu fò akpa afɔnatɪ?’ ¹⁰ Táme ndekléá mlíbú ánti mí, Nyankpɔsa-Mu-Bi ánti mbu túmí ɔyí ánti fò sí ahá lakpan kíé amó.” Inu ɔlebláa tsukɔlɛ osínpu amu ɔbɛɛ, ¹¹ “Nɔɔ fò bláa mbéɛ, kusu! Tsu fò akpa afɔnatɪ yɔ wóyítí!”

¹² Inuɔnuɔnu ɔlɔkɔsú, tsú mu akpa, náti amó ansító nu. Inu lówa amó fɛé wánwan, bekanfó Bulu blí bɛɛ, “Anumókówun ofúla anfi odu kɪ.”

Lewi Ti
(Mateo 9:9-13; Luka 5:27-32)

¹³ Yesu létrá yɔ Galilea ɔpu ɔnó. Ɖɔɔm kɔnɔkɔnɔkɔnɔntɪ beba mu wá, olosuná amó ató. ¹⁴ Bréá ɔlɔpu ɔyó á, olowun Alfeo mu bi Lewi tsie mu lampɔó ɔhókpa. Mú ɔlebláa mu ɔbɛɛ, “Bobuo mi.” Inuɔnu ɔlɔkɔsú buo mu.

¹⁵ Mú ɔma a, Lewi létí Yesu mva mu akasípú ató ogyíkpa mu wóyító. Lampóo ahópu pú lakpan abwepú tsɔtsɔtsɔ é bobuo mu ba ató ámu ogyíkpa. ¹⁶ Bréá Mose mbla asunápú amotɔ akvá bugyi Farisifɔ bowun ání Yesu mva lakpan abwepú pú lampóo ahópu buɔde ató gyí a, befité mu akasípú beɛ, “Ntogyi sɔ mva lakpan abwepú pú lampóo ahópu buɔde ibi wa gyi ató?”

¹⁷ Yesu lónu asón ánfí, ɔlebláa amú ɔbéɛ, “Alɔpu léhián ilo ɔtsapú, megyí ahá ání iwí bu amú ɔnlín. Mmɛba aha wankláán ɔtikpá, mbóún lakpan abwepú ɔtikpá nɛba.”

Ɔnókli Iwi Asun Fitéhé
(Mateo 9:14-17; Luka 5:33-39)

¹⁸ Asú Ɔbɔpú Yohane akasípú pú Farisifɔ butetsiá klí ɔnó. Eke ɔku aku beba befité Yesu beɛ, “Ntogyi sɔ Yohane akasípú pú Farisifɔ akasípú buteklí ɔnó, táme fú akasípú mú butamaklí ɔnó?”

¹⁹ Yesu léle mú ɔnó ɔbéɛ, “Ní ɔtsi ɔkpaínpu bu mu anyawíe wá á, béklí ɔnó? Ekekeke! Iníá ɔbu amú wá ánfí mú á, buméeklí ɔnó. ²⁰ Táme eke ku béba ání békpa ɔká otsiápu amu náti sí amú. Alí nkɛ ámutɔ béklí ɔnó ní.

²¹ “Ɔhaa tamapú tati pɔpwe tan tati dada. Tsúfé tati pɔpwe amu békpkpú tsií dáda amu iku lé, há ɔtánkpa inu bélatéi tsía. ²² Alí kén butamapú nta pɔpwe wá ɔwulú-kpákpá kente wuhétó ní. Nta pɔpwe amu ibófu fá kente amu tsítsá, yíntá kente amu é. Iní su ɔwulú-kpákpá kente pɔpweɔ bótɔpú nta pɔpwe wá.”

Ɔkpónú Ɔdaké Mu Wie
(Mateo 12:1-8; Luka 6:1-5)

²³ Yesu mva mu akasípú bɔtsun ayó ndɔ kɔtɔ ɔkpónú ɔdaké, mu akasípú bɔpusáa ayó ámu ku wí. ²⁴ Farisifɔ aku bowun amú, befité Yesu beɛ, “Kí, ntogyi sɔ buɔde tóá aní mbla meha ɔkpa bwe ɔkpónú ɔdaké?”

²⁵ Yesu léfité amú ɔbéɛ, “Mlímókókla nu tóá Owíe Dawid lóbwe bréá akón de mva mu abúopu, buma tɔtɔá bégyi kí? ²⁶ Olebitiwíe Bulu osúmka yótsu bodobodoá hapóhá Bulu igyí ba, mva mu abúopu amu begyi, Bulu igyí ɔhapú dehen Abi-ata bísó. Bulu igyí ahapó nkɔle bele ɔkpa bótegyi alí bodobodo amú.”

²⁷ Múú ɔletrá bláa amú ɔbéɛ, “Nyankpɔsa sɔ Bulu lóbwe ɔkpónú ɔdaké ámu. Megyí ɔkpónú ɔdaké ámu sɔ Bulu lóbwe nyankpɔsa. ²⁸ Mú su mí, Nyankpɔsa-Mu-Bi ánfí gyí ɔkpónú ɔdaké mu wie!”

3

Ilɔtsa Ɔkpónú Ɔdaké
(Mateo 12:9-14; Luka 6:6-11)

¹ Yesu létrá yɔ Yudafo ofiakpa inu á, oyin ɔku tsie inu, mu ibi kule lawú. ² Aha aku buɔde Yesu téɛ, abuki beɛ ɔbétsa mu ilo

okpónú odaké ámu, méní bénya mu iwí asón blí. ³ Yesu lébláa oyin ámúú mu ibi kule lawú ámu obéé, “Kusu belí amú ansító nfi.” ⁴ Múú olefté amú obéé, “Ntò aní mbla léha okpa ání abwéé okpónú odaké? Yilé lóó, ntéé lalahé. Ahóó oha nkpa lóó, ntéé amóó mu?”

Táme ohaa méle mú onó. ⁵ Yesu lópu oblé kí amú bómlí. Uòho mu asin, tsúfé klontò bu amú odwin. Múú olefté amú obéé, “Tinkí fú ibi amú.” Olenya tinki mú alí pé, oje lowie mútó. ⁶ Farisifó amú bedalí yò, amúa Owíe Herode ahá bekitá agywun inonv alíá bóbwe bómò Yesu.

Ahá Tsotsòtsò Ilò Tsa

⁷⁻⁸ Yesu mva mu akasípú benatí bọyó Galilea opu onó. Odòm kpònkpònkpònti bobuo mu tsú Galilea móa Yudea omátò, Yerusalem, Idumea, Yordan bònkpa obin pú Tiro móa Sidon nsáintò ba mu wá. ⁹ Ahá ámu bòdubi. Mú su olefté amú akasípú obéé, budúnka oklòn kú yai ha mu, méní bómóputá mu. ¹⁰ Tsúfé alatsá ahá tsotsòtsò ilò. Mú su alòpu amotò okugyíakú dékléá obópu ibi da mu. ¹¹ Ní ahá ání oje lalahé bu amósú benyá wun mu alí á, badida mu ayabiasí, sórà okitikíti blí beé, “Fúgyí Bulu mu Bi ámu ni!”

¹² Táme oleda oje lalahé amú olá kinkíinkín obéé, imáha ahá abubi mu.

Akasípú Amv Adá

(Mateo 10:1-4; Luka 6:12-16)

¹³ Yesu lódu yó busu, oleti ahá ání mu onutó odeklé, bọyótu mu. ¹⁴⁻¹⁵ Múú olee amótò ahá dúanyò, oleti amú mu sumbí ayòpú ání mva amónyò bétsiá, otsia wa amú abuyeda mu asón okan, abugya oje lalahé lé ahátò.

¹⁶ Ahá dúanyò ámu adá gyí, Simon ání oledinká mu Petro; ¹⁷ Sebedeo abí Yakobo mva mu pio Yohane (oledinká amú adá obéé, “Boanerges.” Mú así gyí, “Opráda abí.”); ¹⁸ Atráhe gyí, Andrea, Filipo, Bartolomeo, Mateo, Toma, Alfeo mu bi Yakobo, Tadeo mva Simon ání ogyi iwisòtsiá adunkápú opasuato oha; ¹⁹ pú Yuda Iskariot ání oleebe mu há.

Yesu Mva Beelsebul

(Mateo 12:22-32; Luka 11:14-23; 12:10)

²⁰ Bréá Yesu lóyò wóyítò a, odòm betrá ba inu. Mva mu akasípú bumenyá okpa ání bégýi atò kóráá. ²¹ Bréá mu wóyítò ahá bonu mu iwí asón á, bọyò beyékpa mu, tsúfé buki beé mu nwun layíntá.

²² Mose mbla asunápú akvá botsu Yerusalem ba inu beblí beé, “Oje lalahé owíe Beelsebul tsíe motò. Mu túmi odepugya oje lalahé lé ahátò.”

²³ Mú su Yesu létí amú ba mu iwí wá, olefté amú asón ayébito obéé, “Nkálí Obunsám obétalí gya mu iwí? ²⁴ Iwíe ogyíkpa ání

ilaye anyo, buɔe aba ko ibeɔɔda. ²⁵ Woyi oduá mótó atsiápó buɔe aba ko é itobwíé. ²⁶ Mú su ní ɔbunsám dé mu iwí gyáa a, ɔméetalí líí. Mu ɔnó ɔmɔkpá ní.

²⁷ “ɔhaa méetalí wíé ɔwɔnlínpró wóyító yókulá mu ató, nkéti alagyankpá kíkli mu tswi, asa ɔbétalí kólá mu ató féeé.

²⁸ “ɔnɔkwali nde mli bláa mbéé, Bulu ɔbétalí sí lakpan pú abususu kugyíku kíé nyankpɔsa. ²⁹ Táme ní ɔku ɔbli abususu ɔɣe Wankíhé amu iwí á, Bulu méesikíé mu ekekekeke, tsúfé alabwé lakpan ání sikíé ma mó iwí.” ³⁰ Aha aku bebli beé, ɔɣe laláhe bó Yesuto. Mó su ɔde íni bí ní.

Yesu Abusuanfɔ Onutó

(Mateo 12:46-50; Luka 8:19-21)

³¹ Yesu mu yin mva mu apio beba belí kpankpá, bɔwa ɔku beé, ɔtí mu ha amó. ³² ɔɔm botsie bomlí mu, bebláa mu beé, “Fó yín mva fó apió bulí kpankpá, buɔe fó dunká.”

³³ Múú Yesu léfité amú ɔbéé, “Amendi gyí mí yín mva mí apió?”

³⁴ Múú ɔleki ahá ámúú botsie bomlí mu amu, bí ɔbéé, “Mliki, mí yín mva mí apió gyí ahá ání á! ³⁵ ɔhagyíɔha ání ɔɔbwe Bulu apé a, mgyí mí pío pó mí yín ní.”

4

Ató-abí Owunyápu Iwi Yébi

(Mateo 13:1-9; Luka 8:4-8)

¹ Yesu létrá kusó yó ɔde ató suná Galilea ɔpu ɔnó eke ɔku. ɔɔm amu bobomlí mu. Mó su ɔɔdu wíé ɔklɔntɔ, yétsiá ɔpu amusu, ahá ámu é bulí ɔpu ɔnó mu. ² Inu olosuná amú ató tsɔtsɔtsɔ ayébitɔ ɔbéé,

³ “Mlinu! ɔɔtɔpu ɔku lóyo ató-abí owunyákpa. ⁴ Bréá ɔde mó wunyáa a, iku lɔwólí ɔkpatɔ, mbubwi beba bɔtswetswéé mó féeé. ⁵ Iku é lɔwólí abutású, ɔtínéá isi kpalobí dun. Ilɔwa ɔsa kwe,

⁶ táme bréá owí lelun a, lɔtɔ mó mó, tsúfé mó nlin mɔyo ɔtótó. ⁷ Abí ámu ku lobun awutɔ, awu ámu lɔbulá kítá mó, imedan. Mó su imoswie abí. ⁸ Táme abí ámu ku é lɔwólí ɔsulúw wankláánsú, lɔkwé, dan, swie abí, iku aduasa (30). Iku aduesie (60), iku é lafa (100).”

⁹ Inu ɔlɔmɔ mó ɔnó ɔbéé, “ɔhá ání ɔbu asu onúu!”

Tɔá Svá Yesu Lótɔí Ayébisv

(Mateo 13:10-17; Luka 8:9-10)

¹⁰ Bréá ilesi Yesu mva sumbí ayɔpó dúanyɔ ámu pú ahá kpalobí akvá bubuo mu a, bobwíí ipa há mu beé, ɔlé yébi anfi asi suna amó. ¹¹ Múú ɔlebláa amú ɔbéé, “Mli mó á, Bulu lahá mli ɔkpa ɔbéé, mlibú mu iwíegyi ámu iwí asun ɣáínhé. Táme nde aha bambá asún bláa ayébisv,

¹² ‘méni bówun láwun,

táme bóméebi mó.

Bónu lánú,

táme bómóonu mó así.

Ní megýí alí tekí bédamlí klóntò,

Bulu obési amó lakpan kíé amó.’ ”

Ató-abí Owunyápu Yébi Amu Así

(Mateo 13:18-23; Luka 8:11-15)

¹³ Móú Yesu léfité amó òbée, “Ní mlímónu yébi anfi así á, mó nkálí mlóbwe asa mlónu tráhe fée así? ¹⁴ Ató-abí ámúú owunyápu amu déwunyáa amu gyí Bulu asón amu. ¹⁵ Abí ámúú ìṣwólí òkpasu ámu gyí ahá ámúú benyá nú Bulu asón ámu alí Òbunsám labelé mó lé amúú klóntò náti ámu. ¹⁶ Abí ámúú ìṣwólí abutású amu gyí ahá amúú bonú asón ámu pé, bahò mó ansigyísú, ¹⁷ támé ìniá buma nlin sù á, asón ámu itamatsiá amótó yó. Mó sù ní budiin amúsú ntée iwíwosin ku itú amúú asón ámu sù á, inonv butedida. ¹⁸ Abí ámúú ìṣwólí awutò ámu gyí ahá amúú bonú asón ámu a, bahò mó, ¹⁹ támé oyí ánfító atò hiánhe iwí gywíin, pú mótó atonyahé iwí ònsípe tegyi asón ámu sù. Iní sù butamaswíé abí. ²⁰ Abí ámúú ìṣwólí òsulúw wankláánsú amu gyí ahá amúú bonú asón ámu a, butegyi mósú. Iní sù itehá butòbwé yilé fé alíá ató-abí ámu loswie, iku advasa (30), iku aduesie (60), iku é lafa (100) ámu.”

Òkandíe Iwí Yébi

(Luka 8:16-18)

²¹ Yesu léfité amó òbée, “Butonywé òkandíe pú òlò bun mósú, ntée pówá mpá ayasí? Megýí òfòákpa butòpòbian? ²² Tòtò ma inwá ibéñain, iméelun òwan. Asun ñainhé koku é uma inwá bóméebi mó. ²³ Òhagýíòha ání òbu asu onúu!”

²⁴ Móú òleblí òbée, “Mliyaa asu wankláán mli asón-nutó. Itóá mlópusúsu ha mli aba á, mó kén Bulu òbòpusúsu mó wankláán, lápú iku tsia mótó há mli ní. ²⁵ Tsúfè òhá ání odecléá obónu mí atosunáhé amu así á, Bulu òbòpu iku tsia mótó há mu. Támé òhá ání omedékléá obónu mó así á, Bulu òbòswí mu kpalobí ámúú alabí ámu kóráá.”

Oyí-ibíá Idédáan Iwí Asón

²⁶ Yesu létrá blí òbée, “Bulu iwíegýí amu igyi fé alíá òha todú oyí-ibí mu ndòtò. ²⁷ Ní owí itá á, òhá ámu tekledi. Ní oyí ike a, òtelákúsú, támé omeyín alíá itòbwé asa oyí-ibí ámu itòkwe dan. ²⁸ Òsulúw onutó tchá mó tòkwe. Itegyankpá lé ate, wá ntswíswí, asa itòbòbwe abí onutó. ²⁹ Támé ayó ámu inyá blí pé, òdòpu amu latsú mu òdayí oyétun mó, tsúfè mó tìnbí lafun.”

Takyí-akpin Ibi Yébi

(Mateo 13:31-32, 34; Luka 13:18-19)

³⁰ Inu Yesu léfité òbée, “Ntò Bulu iwíegýí ámu lèlian? Ntée yébi mòmú nòpusúná alíá igyi? ³¹ Igyi fé takyí-akpin ibí. Mógyí tükúríibi nyí-abító fée ní. ³² Támé ní idan a, itòbwé ifá fúáhé

dun ifá kugyíku. Mú abámbi tekpíkpli, mbubwi botogyónká mú asi.”

³³Oletsíá pú ayébi anfi odu tsotsotsó súná amú ató, yófun alíá ahá ámu bétalí nú mú asi. ³⁴Ἰμεβλάα amú asón kukvá imegyí ayébi olpótí. Táme ní isí mva mu akasípú nkole a, otelé tógyító asi.

Atsufú Asibá

(Mateo 8:23-27; Luka 8:22-25)

³⁵Alí eke ámu ntópwesu á, Yesu lébláa mu akasípú obéé, “Mliha afa Galilea opu yo mó obin!” ³⁶Móú bowie oklontó, akasípú amu beplá mú, benatí sí odom amu. Nklon bámbá ku é lobuo amú. ³⁷Afú kpɔnkpɔnkpɔnti ku lówa tsóon bi. Mú su ntsu deda wíé oklon amoto, ideklé ime. ³⁸Táme Yesu mó ηέλín sumuesu oklon amu oma odedidi. Akasípú amu betsinkí mu. Móú befité mu beé, “Osunápú, íniá anidé ntsu wie á, fomotsu kukú lé mótó?”

³⁹Inu Yesu lókusó lé onó wa afú ámu, olebláa opu amu obéé, “Kpa onó bun! Di díín!” Inu afú ámu lési tsóon, nu fée lolvá. ⁴⁰Móú olefité amú obéé, “Ntogyi só mlidé ifú nya ali? Mlumá hógyi?”

⁴¹Ifú lehie kítá amú, befité aba beé, “Nyankpusa omomu ni, afú móa ntsu kóráá tonú mu ome ali?”

5

Ἰηε Laláhe Gyá Le Ogbedéptó

(Mateo 8:28-34; Luka 8:26-39)

¹Bréá Yesu mva mu akasípú amu bowie Galilea opu amu obin Gerasefo* osulúsu á, ²olenya kplí dáli oklontó ali, oyin okvá oηe laláhe bu muto lédalí tsu afúli opulákpá befia mu. ³Oyin anfi lapó afúli opulákpá nu bwé mu otsiákpá. Ohíé obu iyin. Mú su ohaa tamatráa talí bwé mu otsia díín, ntée wá mu ikan. ⁴Tsúfé tekí betsiá wá mu ayabi pú mu ibi ikan, táme oletsíá tin mó, bíábía ikan amu tsálífwí. Ohaa é má owunlín aní obétalí pón mu. ⁵Ekekegyíeke opa móa onyé fée á, obu afúli opulákpá nu móa abusu, ode okitikítí, odepv abwi tsantsan iwí.

⁶Olenya wun Yesu sísí ali, olesrí yéda akpawunu mu ayabito. ⁷Móú olsoará okitikítí kóklókóú obéé, “Ἰsúsúsús Bulu mu Bi Yesu, amansu igyi? Tanu Bulu aní foméepití mí ató!” ⁸Oleblí asón anfi, tsúfé Yesu lébláa mu obéé, “Ἰηε laláhe, dali oyin anfitó.”

⁹Inu Yesu léfité mu obéé, “Nkálí butetí fú?”

Olele mó onó obéé, “Mí dá gyí, ‘Ἰdom’, tsúfé anihíé aní tsó.”

¹⁰Inu oηe laláhe amu behie kókóli mu beé, omágya amú lé Gerasefo osulúsu amusu.

¹¹Mprákuo tsotsotsó aku bodegyí okúku kusv nu fón. ¹²Oηe laláhe amu bokokóli mu beé, ohá amú abuyowie mprákuo

* 5:1 Gadarafo bu nwuló dada amu akoto.

ámuto. ¹³ Múú òleha amú òkpa. Bedali oyin ámutò yówie mprákuo ání bóbwe fé mpím-anyòto (2,000). Amú féé besrí kplí okúku ku wíé òpu amuto, wúwu.

¹⁴ Mprákuo ámu akpapó besrí yéblí asón ánfí òlaba anfi awúlusu pú nkudasí féé. Ahá bedali bee bebá beki tóá òlaba. ¹⁵ Bréá beba bowie Yesu wá á, bowun ání oyin ámúú òje laláhe betsiá mutò ámu ansító ladí, alawá atadié otsie. Òlawa amú ifú. ¹⁶ Ahá ámúú bowun tóá òlaba oyin ámúú teki òje laláhe tsie mutò ámu pú mprákuo ámusu ámu bebláa amú tóá òlaba féé.

¹⁷ Ìnu bokokóli Yesu bee, òdálí amú òsulósu.

¹⁸ Bréá olowie òklon amuto á, oyin ámúú teki òje laláhe tsie mutò ámu lókokóli mu òbéé, òhá amubuo mu nati.

¹⁹ Táme Yesu méha mu òkpa. Mbóún òlebláa mu òbéé, “Yínki yo fú apíó wá wóyító, afuyébláa amú itò yiléá aní Wíe Bulu labwé há fú, pú alíá alawun fu nwe.”

²⁰ Mú su oyin ámu lénatí tsontsun, òde itò yilé ámúú Yesu labwé há mu blí Dekapoli† awúlu amú féétó. Ònó lobwie ahá amú féé.

Ohande Oku Mu Bi Mva Otsi Oku Ilo Tsa
(Mateo 9:18-26; Luka 8:40-56)

²¹ Yesu léla fá òpu amú yó mú òbin. Bréá òbu òpu ònó ònu á, òdam kpònkpònkpòntí beba bobomlí mu. ²² Ìnu Yudafo ofiakpa òhande òkúá butetí mu Yairo léba ònu. Bréá olowun Yesu a, òleda akpawunu mu ayabito, ²³ kókóli mu òbéé, “Mí bí tsíhé déwu. Ba, afubòpu ibi òinka musu, mu awútó òwa mu ònlín, onya nkpa.”

²⁴ Múú muva Yesu benatí báyó á. Òdam kpònkpònkpòntí bekplá buo mu, kpá pútá mu.

²⁵ Otsi òku é bu ahá ámutò, obugya de mu wólí nfi dúanyò ní.

²⁶ Alahíé wun ipian òlò atsapú tsòtsòtsò ibitò, hólí mu òwisu ató féé, táme òlò ámu òmekálá bwé mu. Iyin òdewa tsía. ²⁷ Bréá òtsi ánfí lónu Yesu nka á, òlòtsun yo mu òma, fifitíwíe òdam amuto yópu ibi da Yesu atadié. ²⁸ Tsúfé òleblí wá mu nwuntò òbéé, “Ní nòpú ibi da mu atadié kpán á, òlò ámu ibési mí.”

²⁹ Olenya pú ibi da mu atadié ámu alí, obugya amú léka itin. Olonu mú nka mu awútó ání òlò ámu lasí mu. ³⁰ Ìnu Yesu lónu mú nka mu awútó mu é ání òjé ku ladálí mutò. Ìnunu òledamlí kí òdam amú, òlefíté amú òbéé, “Ma lápú ibi da mí atadié?”

³¹ Múú mu akasípú amú befité mu bee, “Fú onutó fawun ání òdam bakpá pútá fu. Múú fotráa fudefité féé, ‘Ma lápú ibi da mí?’”

³² Yesu lówa ansí kí amútó féé, òde òhá ání òlòpu ibi da mu dunká. ³³ Ifú lékitá òtsi ámu. Mú su òlòwa kpínkí kpakpakpakpa bí, tsúfé oyin itóá alanyá. Ìnu òleba beda akpawunu Yesu

† 5:20 Dekapoli así gyí awúlu dú.

ayabito, bláa mu onokwali amu féé. ³⁴ Yesu lébláa mu obéé, “Mí bí, fú hógyi laho fu nkpa. Nati iwilwiito. Fú ilo ámu ita.”

³⁵ Bréá Yesu bu músú odetoí á, aha aku botsu ofiakpa ohande amu wóyító ba bebláa mu beé, “Ohande, fú bí tsihé ámu odikpa mówa alé. Mátepi trá wa osunápú tó.”

³⁶ Yesu mékplá asón amú budeblí ámu. Mboun olebláa mu obéé, “Mánya ifú. Fú mú hogyi wule.” ³⁷ Yesu méha ohaa okpa obuo mu don Petro pú Yakobo mua mu pio Yohane nkule.

³⁸ Bréá bowie ohande amu wóyító á, Yesu lówun ání ahá babólá inu, budestú, bude okitikíti. ³⁹ Olowie inu fité amú obéé, “Ntogyi só mlidé ipian wúun, mlidé okitikíti alí? Otsibi amu mókówú, didí ode.”

⁴⁰ Ahá ámu bómási mu. Múú olegya amú féé dáli ba wunsiné, oekpa obí ámu akwíró pú mu akasíró amú búbuo mu amu bebitíwíé obu amú otsibi amu da mótó ámutó. ⁴¹ Inu oekitá kebi ámu ibi, bláa mu amú oblító obéé, “Talita Kuum!” (Mú asi gyí, “Obitebí, kusu!”)

⁴² Inu onu okusú ona. (Otsibi amu laho nfi dúanyo.) Ilobwie ahá ámu féé onó dáfá. ⁴³ Múú oleda amú olá kinkíinkín obéé, bumábláa ohaa asón ánti. Inu olebláa amú obéé, boháa kebi ámu ató ogyi.

6

Buməhə Yesu Mu Wuluto (Mateo 13:53-58; Luka 4:16-30)

¹ Yesu mua mu akasíró bedali omá ámutó yínkí yó mu wuluto. ² Okpónú odaké lenya fun ali, olayo ode ató suná Yudafó ofiakpa. Mu atosunáhé leha onó lobwie ahá tsotsotsóá bonu mú. Mú su befité aba beé, “Nkúnú olenya nyánsa móa ofúlábwe túmi ánti é tsú? ³ Megyí ató osrépú amu ni. Megyí mu yin gyí Maria, mu apio yinhé gyí Yakobo, Yosef, Yuda pú Simon? Yéé ania mu apio tsihé é tsie nfi á?” Benya obló musu.

⁴ Yesu lébláa amú obéé, “Ahá butobú Bulu onósú otóipú otínegyíotíne, táme mu wulutofo, mu abusuanfo pú mu wóyító ahá mú butamabú mu.”

⁵ Iníá buməhə mu gyi su ometali bwé ofúla kuku, don ahá kpalobí akusu oləpu ibi dínká, tsá amú ilo. ⁶ Iləwa mu ifú ánti buməhə mu gyi.

Akasíró Dúanyo Amu Sumbiwa (Mateo 10:5-15; Luka 9:1-6)

Yesu léki nkuda ánti ibu bomlí inu asi, ode ató suná. ⁷ Inu oleti akasíró dúanyo ámu ba mu iwí wá. Múú oləwa amú sumbí abanyó-abanyó. Oleha amú túmiá bəpugyi oje laláhesu.

⁸ Oleda amú olá obéé, “Mlumátsu tətə kítá yó okpa ámu, don mli oyi yíahé! Mlumátsu atogyihe ntée akpankogyo, ntée kóba kítá! ⁹ Mliwa ntokuta, táme mlumátsu atadie nyəəsí kítá!

¹⁰ Wóyígyíwóyíá mlɔswíí mótó á, mlɔtsia inu yófon bréá mlédali wúlu amotó. ¹¹ Ní mlɔyó wúlu kusu, buməhə mli, ntéé bumekleá bónu mli atosunáhé, mlídedali mótó mlɔyó á, mlíkpakpa mli ayabitə-isi woli inu, isuna ání bumebi bwé.”

¹² Mú su bəyɔ yéda asón ámu ɔkan bεε, ahá budámli klɔntə.

¹³ Begya ɔɛ laláhe tsətsəotso lé ahátə, bekpa aləpu tsətsəotso é ofobí, tsá amú ilə.

Asú Ɖəpú Yohane Lowu

(Mateo 14:1-12; Luka 9:7-9)

¹⁴ Galilea ɔmású ogyípú Herode lónu Yesu iwɪ asón ánfɪ, tsúfé mu idayilé de ɔtíneyíɔtíné. Aku budebli bεε, “Asú Ɖəpú Yohane lákúsú tsú afúlitə. Mú sù, ɔde ofúla anfi odu bwε ní.”

¹⁵ Táme aku é bεε, “Bulu ɔnósú ɔtəípú dada Elia ní.”

Aku é bεε, “Bulu ɔnósú atəípú dada amotə ɔku ní.”

¹⁶ Bréá Herode lónu asón ámu a, ɔlebli ɔbéε, “Yohane amóú nɛha betin amu látsínkí tsú afúlitə.” ¹⁷⁻¹⁸ Herode léha bekítá Yohane, wá mu ikan, pó mu wá obu. Tsúfé oletsiá bláa Herode ɔbéε, mbla mɛha ɔkpa ání obétsiá mu pio Filipino mu ka Herodia amóú otsia amu.

¹⁹ Mú su Herodia lóhə Yohane asón wá iwɪtə. Ɖəbwε agywun ání ɔbómə mu, támε ɔmetáli, tsúfé Herode méhá mú ɔkpa. ²⁰ Herode yin ání Yohane asón da ɔkpa, ogyi ɔha wankíhé. Mú su olenya mu ifú, ɔleki musu wankláán ání tətə móɔbwε mu. Ibu mótóá Yohane ason blihé tehan Herode, támε otekle mú nu.

²¹ Tóá Herodia dédunká léba ha mu. Ekε ɔkúá Herode dé mu ɔkwíké gyí a, ɔlətswi ɔpónú, tí ahandε pú isá akəpú dehen pú Galileafə ahandε ba ató ámu ogyíkpa. ²² Bréá Herodia mu bi tsíhé lóbowie ɔbuntə tsa a, iləwa Herode mva ahandε amu féé ansigyí. Herode lébláa mu ɔbéε, “Fite mí tógyítóá fudeklé, néha fú.” ²³ Inu ɔleka ntam há mu ɔbéε, “Néha fú tótógyítóá féfité mí. Ní igyi mí iwíε ogyíkpa ifon kóráá.”

²⁴ Otsibi amu lédalɪ yéfité mu yin ɔbéε, “Ntə nfite?”

Mu yin lébláa mu ɔbéε, “Fite Asú Ɖəpú Yohane nwun.”

²⁵ Ɖsasɔ otsibi amu léba bebláa Herode ɔbéε, “Ndekléá fupú Asú Ɖəpú Yohane nwun dínka ilínsú ha mi séséséí.”

²⁶ Asón ámu léhiε han owíε amu, támε mu ntam amóú ɔleka, pú ahá amóú bubu inu ámu su á, omekleá ɔbótun ntam amu.

²⁷ Inuɔ ɔləwa mu ahá ɔtínpu ɔbéε, ɔyétin Yohane nwun ba mu. Ɖəyɔ yétin Yohane nwun obu ɔdikpá inu. ²⁸ Mú ɔləpu nwun ámu dínká ilínsú ba otsibi amu, mu é ɔləpu yáa mu yin Herodia.

²⁹ Bréá Yohane akasípú bonu asón ánfɪ á, beba botsu mu satin yópulá.

Ahá Mpim-nu Atogyiε Ha

(Mateo 14:13-21; Luka 9:10-17; Yohane 6:1-14)

³⁰ Yesu sumbí ayɔpú ámu beyinkí bá bebláa mu atóá bayóbwε pú móa bayósuná féeé. ³¹ Mú ɔma a, ahá buɔna amú wá alu, buɔmenyá ɔkpa gyi ató kúrání. Mú su ɔlebláa amú ɔbée, “Mliha ayɔ itsétó fléén, ayeda ɔkpónó.” ³² Inu bowie ɔkluntɔ, pú ɔkpa bɔyó itsétó ɔtineku.

³³ Táme ahá tsɔtsɔtsɔ bowun amú, bí ɔtínéá bɔyó. Mú su botsu awúlu ámu féesú, tsíí ɔsríu gyankpá yówie ɔtíné amú Yesu aná bɔyó ámu. ³⁴ Bréá Yesu lékplí dáli ɔklɔn amutɔ, wun ɔɔm kpɔnkpɔnkpɔnti ámu a, amú asún lɔwa mu nwe, tsúfée bɔgyi fée akúfa ání buɔma ɔkparú. Mú su olosuná amú ató tsɔtsɔtsɔ. ³⁵ Owí lɔpɔn a, akasípú amú beba mu wá bebláa mu beε, “Itsétó nfi gyí, owí é latá. ³⁶ Ha amú abuyɔ nkuda móa awúlu ání ibu bomlí nfi asi yodunká tɔku gyi.”

³⁷ Táme Yesu léle mú ɔnó ɔbée, “Mliɔdunka ató ha amú abuyi.”

Mú bεfité mu beε, “Abétalí nyá sika* hɔ ató há ahá ání féeé béggyi?”

³⁸ Yesu léfité amú ɔbée, “Bodobodo apin afini mliɔ? Mliɔ amliyeiki!”

Beyinkí bebláa mu beε, “Bodobodo apin anu pú ntsutso iye bwáhé anyɔ bu inu.”

³⁹ Yesu lébláa amú ɔbée, “Mliha amú abutsiatsia ífá bɔbwε amɔsu.” ⁴⁰ Betsiá asi akúsú-akúsú, aku lafa (100), aku é aduenu (50). ⁴¹ Inu olotsu bodobodo anu pú ntsutso iye bwáhé anyɔ ámu. Mú olotsu ansí fúá ki ɔsúsú, ɔleda Bulu ipán. Inu olebiabía bodobodo amú há mu akasípú amú ɔbée, bɔyée ha amú. Oleye iye bwáhé anyɔ ámu é há amú, bɔpɔhá ahá ámu. ⁴² Amú féeé begyi mwe sian. ⁴³ Akasípú amú bɔtɔsí bodobodo móa iye sianhe amú a, ɔbɔlú alakpá dúanyɔ. ⁴⁴ Ayin ání begyi ató ámu nkole bɔgyi mpím-nu (5,000).

Opusu Natí

(Mateo 14:22-33; Yohane 6:15-21)

⁴⁵ Benya gyi ató ámu tá alu, Yesu lébláa akasípú amú ɔbée, buwíe ɔkluntɔ abɔgyankpa fa ɔpu amú yɔ Betsaida wúlutɔ. Mu mú olesin ɔma sí ɔɔm amú ɔkpa. ⁴⁶ Bréá olesi amú ɔkpa tá á, ɔlɔɔ yó buɔsu yóɔ mpái. ⁴⁷ Bréá owí leta, ɔklɔn amú lawíé ntsu nsiné á, ilesi Yesu nkole ibu amɔsu. ⁴⁸ Inu olowun ání ɔklɔn amú plá de ɔnlɔn wa wá akasípú amú, tsúfée afú kpɔnkpɔnti detsúɔn fia amú. Bake-bake a, Yesu lénatí ntsu amɔsu ayabitɔ buo amú, odeklé ɔtsɔn amúsú. ⁴⁹ Táme bréá bowun mu a, buki beε, fúli ogyi. Mú su bɔsɔrá okitikíti. ⁵⁰ Opúni letsíí amú féeé.

Táme ɔlɔwa ɔsa bláa amú ɔbée, “Mliwa klɔn. Mí ní. Mliɔmánya ifú.” ⁵¹ Mú ɔlɔɔ wíe ɔklɔn amutɔ, afú ámu leka itin á. Asún

* **6:37** Sika ání igyi sika futútú lafa-anyɔ (200), igyi ɔha nke lafa-anyɔ (200) ikɔká.

ánfi lówa amó wánwan. ⁵² Amó kluntə-odwin su buməkónyá nú bodobodo ɪwɪ asún ámv asi.

Genesaretfo Aləpυ Tsa
(Mateo 14:34-36)

⁵³ Yesu mva amónyɔ befa ɔpu amu yési Genesaret osubúno, bɔwa ɔfé kítá ɔklɔn amu. ⁵⁴ Benya kplí dálí ɔklɔn amoto alí ahá bowun Yesu, bí mv ɔtsáwule pé. ⁵⁵ Mú su besrí yótsu amó aləpυ sórá akpasu, tsú ntíné-ntíné bətv mu ɪv. ⁵⁶ Ɔtínegyíɔtínéá Yesu lóyɔ, igyi wúluto ntée akuda ó á, bəpu amó aləpυ bətswi brənsu, kókóli mv beɛ, ɔhá aləpυ amu abupυ ibi da mv atadie ɔdanú kpán. Amóá bəpu ibi da mú fée benya ɪlɔtsá.

7

Atɪfɔ Amándíé
(Mateo 15:1-9)

¹ Farisifo pó Mose mbla asunápó aku botsu Yerusalem ba befia Yesu wá. ² Múú bowun ání mv akasípó amu aku buməfwɪ ibi amándíé ɔkpasu asa buɔe ató gyí.

³ (Tsúfé Yudafo, títriu Farisifo buməkósí amó anáin amándíétó. Mú su ní buməkúfwí ibi amándíé ɔkpasu á, butamagyi ató. ⁴ Alí kén ní buməkúgyúra ɪwɪ á, butamagyi tóá bəpυtsúa bíásó ba ni. Amándíé bámbá kv aná é bu ɪv, butráa buɔe mótó tsú nwe núu ntsu, nló pó nlanka ɪwɪ.)

⁵ Mú su amóá Mose mbla asunápó befité Yesu beɛ, “Ntogyi só fú akasípó amu butamagyi aní anáin amándíésó, buməfwɪ ibi amándíé ɔkpasu asa abugyi ató?”

⁶ Yesu léle mú ɔnó ɔbée, “Ɔnəkwalí Bulu ɔnósú ɔtáipóYesaia léblí tswɪ tsú mlɪ apinabwebí abwepó ánfɪ ɪwɪ ɔbée,

‘Ahá ánfɪ buɔepυ amó ɔnó bú mí,
táme amó klɔn bu ɪfó mí wá.

⁷ Kpaali buɔe mí sum,
tsúfé basí Bulu mbla tswɪ,
yó buɔe anyánpósa mbla suná.’

⁸ “Mlɪlasí Bulu mbla ámv tswɪ, mlɪdé mlɪ anáin amándíétó.”

⁹ ɪv ɔlebláa amó ɔbée, “Mlɪlapina si Bulu mbla ámv tswɪ nyánsatə, ménɪ mlégyi mlɪ onutó amándíésú. ¹⁰ Tsúfé Mose lówanlín wá Bulu mbla ámv ɔbée, ‘Bu fú sí mva fú yin.’ Ɔletrá wanlín ɔbée, ‘Ní ɔku léblí asukpan tsú mv sɪ ntée mv yin ɪwɪ á, bumóɔ mv.’ ¹¹ Táme mlɪ mó mlɪaa, ɔha ɔbétalí bláa mv sɪ ntée mv yin ɔbée, ‘Tóá tekɪ nópυhá fú á, napúbwé Koban.’* ¹² Mlɪlahá ahá bumédé tətə bwe há amó akwípó. ¹³ Mlɪ anáin amándíé su mlɪtráa mlɪmédé Bulu mblasu gyí. Ntóbí tsətsətsə é bu ɪv ɪv mlɪtráa mlɪdébwe tsía ɪnɪtə.”

* 7:11 Koban asi gyí, napókíé Bulu.

Tóá Itákpóí Ōha Bulu Ansító
(Mateo 15:10-20)

¹⁴ Yesu létrá tí ɔ̀dɔ̀m amv ba mu iwí wá, ɔ̀lebláa amó ɔ̀béé, “Mli fée mliyaa asv amlinu ínì asì! ¹⁵⁻¹⁶ Megyí tóá Ōha tegyi tókpóí mu Bulu ansító. Mboún móá itedáli tsu mu ɔ̀nó.†”

¹⁷ Bréá ɔ̀lenatí sí ɔ̀dɔ̀m amv yó wóyító a, mu akasípó amv befité mu yébi anfi asi. ¹⁸ Ɔ̀lele mú ɔ̀nó ɔ̀béé, “Mli é mlitamanú asón asì? Mliméyín ání tóá itowíé Ōha ɔ̀nó tamakpóí mu Bulu ansító? ¹⁹ Tsúfé megyí mu klɔ̀ntɔ̀ itowíé, mboún mu iputo itowíé, ɔ̀teyéle mú wá ɔ̀kpɔ̀ntɔ̀.” (Yesu léle mótó púsúná ání atogyihe kugyíku iwí letin.)

²⁰ Inu ɔ̀lebláa amó ɔ̀béé, “Tóá itedáli tsu Ōha klɔ̀ntɔ̀ tókpóí mu Bulu ansító. ²¹ Tsúfé Ōha klɔ̀ntɔ̀ ágywun laláhe kugyíku tedáli tsu. Mótehá mu ɔ̀tɔ̀wá atsi múa ayin asún, otowí ató, ɔ̀tɔ̀mó Ōha, ɔ̀tɔ̀tɔ̀ mbua, ²² ɔ̀tɔ̀wá ɔ̀nsipe, ɔ̀tɔ̀bwé lalahé, ɔ̀temlé ahá, ɔ̀tɔ̀wá hakpan, ɔ̀tɔ̀wá olu, otetsii Ōha, ototsú iwí, ɔ̀tɔ̀bwé mimlála. ²³ Ōha klɔ̀ntɔ̀, atɔ̀ laláhe anfi fée itedáli tsu. Mótókpóí mu ni.”

Ɔ̀tsi Ɔ̀kúá Omegyí Yudayin Hógyi
(Mateo 15:21-28)

²⁴ Yesu lénatí inu yó Tiro nsáintɔ̀. Ɔ̀lɔ̀yóswú wóyí kɔ̀tɔ̀. Omedéklé ɔ̀béé ahá bobú ání maba inu, táme ɔ̀metalí nǎín mu iwí. ²⁵ Ōhe laláhe bu ɔ̀tsi ɔ̀ku mu bi tsíhétó. Olenya nú Yesu nka ali, ɔ̀lɔ̀wa ɔ̀sa beda akpawunu mu ayabitɔ̀. ²⁶ Griikiyintse ɔ̀tsi ání gyí. Bɔ̀kwú mu Siro Foenike ɔ̀solósv. Olokokóli Yesu ɔ̀béé, ogyáa ɔ̀he laláhe amv le mu bi ámutɔ̀. ²⁷ Táme Yesu lébláa mu ɔ̀béé, “Ha nyebí ámu abumwe asa, tsúfé uma aleá fóswú nyebí atogyihe púhá akíai.”

²⁸ Ɔ̀tsi ámu léle mú ɔ̀nó ɔ̀béé, “Owíé, ibu mótó ali, táme akíai ání buɔ̀ ɔ̀pónó ámu asì é butegyí nyebí atogyihe mpupubiá itekpákpa bun amó ɔ̀pónóasì.”

²⁹ Múy Yesu lébláa mu ɔ̀béé, “Fabi lé mú ɔ̀nó. Mú sv nati, ɔ̀he laláhe amv ladáli fú bí tsíhé ámutɔ̀.”

³⁰ Bréá ɔ̀tsi ámu lóyɔ̀ wóyító a, olowun ání ɔ̀he laláhe amv ladáli mu bi ámutɔ̀, alásì ɔ̀da mpású.

Yesu Létsa Isvtín Ɔ̀kúá Ɔ̀tamatóí Wankláán

³¹ Yesu lénatí Tiro inu yó Sidon yóbomlí kplí ba Dekapoli‡ awúlu amv nsáintɔ̀ asa ɔ̀leladó yó Galilea ɔ̀pu ɔ̀nó. ³² Bɔ̀pu isvtín ɔ̀ku ba mu, ɔ̀tamatáli tóí wankláán. Bokokóli mu beé, ɔ̀púv ibi dínka musv. ³³ Múy ɔ̀lekpa oyin ámu ya ifóntó, pú mu asrebi wá oyin ámu asvɔ̀, olotu atsvnó dínká mu osrebisv, púdá oyin ámu ɔ̀dandusv. ³⁴ Inu olotsu ansí fúá kí ɔ̀súsú, lún ɔ̀hé fú. Múy ɔ̀leblí ɔ̀béé, “Hefata.” Hebri ɔ̀blítɔ̀. Mú asì gyí, “Finki.”

† 7:15-16 Mótó yéé 16 bu nwló dada amv akɔ̀tɔ̀: ŌhagyíŌha ání ɔ̀bu asv, onúu!

‡ 7:31 Dekapoli asì gyí awúlu dú.

³⁵ Inuṅṅu mu asu lefinkí, mu ḡdandu é lesankí, ɔlɔtɔí wankláán. ³⁶ Múú Yesu léda ahá ámu ɔlá kpákpáákpa ɔbéε, bu mábláa ɔhaa. Táme tsé dódúódúá ɔleda amú ɔlá á, alí kén beda asún ámu ɔkan ni. ³⁷ Ɔnó lehiε bwíε amú, beblí beε, “Alabwé tógyító wankláán. Alahá asótín bude asún nu, amúmu é bude tɔí.”

8

Ahá Mpím-na Atogyihe Ha (Mateo 15:32-39)

¹ Nke ámu tɔ á, ɔdɔm kpɔnkpɔnkpɔnti be trá befiá Yesu wá. Amú atogyihe leta. Mú su Yesu létí mu akasípú, bláa amú ɔbéε, ² “Ahá ánfí asún de mí nwe wa. Nde eke sáásí ɔpá bubuo ni. Bu tráa bu ma tɔtɔá bégyi. ³ Ní nehá amú bɔpú akón náti bɔyó wóyí á, ansító béyébi amú ɔkpatɔ, tsúfé amútó aku ɔkpa bu ífó.”

⁴ Múú akasípú amu befité mu beε, “Nkónó abénya atogyihe há ahá ánfí féé bégyi mwe dimbí ánfisú.”

⁵ Yesu léfité amú ɔbéε, “Bodobodo afini mlibu?”

Bele mú ɔnó beε, “Asienó.”

⁶ Yesu léha ɔdɔm amu betsiá ɔsulótɔ. Múú olotsu bodobodo asienó ámu, dá Bulu ipán, olebiabía mútó há akasípú amu beye mú há amú. ⁷ Bubu ntsutso iye bwáhé kpalobi ku é. Yesu lóyulá mósó, ɔlɔpu mú é há akasípú amu, beye ha amú. ⁸ Amú féé begyi mwe. Akasípú amu bɔtɔsí isianhe bólá alakpá yilé asienó. ⁹ Ahá ámu bóbwe fé mpím-na (4,000), Yesu lési amú ɔkpa. ¹⁰ Inuṅṅu mu mu akasípú budu wíε ɔkluntɔ ba Dalmanutafɔ ɔsulósu.

Farisifɔ Bodunká Ofúla (Mateo 12:38-42; 16:1-4)

¹¹ Farisifɔ bonu ání Yesu laba inu, beba bude mu asún fité. Bebláa mu beε, ɔbwéε osúna pɔsuna amú ání lélé otsú Bulu wá. ¹² Yesu lólɔn ɔhé fú. Múú ɔlefíté amú ɔbéε, “Ntogyi só mli ndemba-abí mli dé osúna dunká amliwun? Mbláa mli ɔnɔkwali. Mmó ɔbwε osúna kuku súná mli!”

¹³ Inu ɔlenati sí amú, yó du wíε ɔkluntɔ, fá ɔpu ámu yó mú ɔbin.

Farisifɔ Pú Owíε Herode Bodobodotu-afá (Mateo 16:5-12)

¹⁴ Yesu akasípú amu bu mekaín tsú bodobodo kítá. Ipin kole pé bu ɔklun amu tɔ. ¹⁵ Bréá bu din ntsu ámu su bɔyó á, Yesu léda amú ɔlá ɔbéε, “Mli ki wankláán Farisifɔ pú ɔmású ogyípú Herode bodobodotu-afású.”

¹⁶ Akasípú amu befité aba beε, “Bodobodo amúú animédé ámu só ɔde asún ánfí blí lóó?”

¹⁷ Yesu lónu asún ání bu de blí. Múú ɔlefíté amú ɔbéε, “Ntogyi só mli dé blí mli aa, mli médé bodobodo? Mú su ɔkluntɔ bu mli odwin mli é? ¹⁸ Mli ansíbi tamawun ató, mli asu é tamanú asún? Mli tamakáín asónsú? ¹⁹ Bréá neye bodobodo apin anu ámu há ahá mpím-nu (5,000) á, isianhe alakpá afini mli lótɔsí?”

Bele mú onó beε, “Dúanyo.”

²⁰ “Bodobodo apin asienó ámú neye ha ahá mpím-na ámu é mé, isíanhe alakpá yilé afiní mlílótósí?”

Bele mú onó beε, “Asienó.”

²¹ Inu Yesu léfité amú obéε, “Iməkówánkí mlí kí?”

Ansibi Obwiepú Oku Ansibi Bwií

²² Yesu mva mu akasípú beba Betsaida wúluto. Aha aku bekpa ansibi obwiepú oku ba. Bobwií ipa há mu beε, oúú ibi da mu, otsa mu ilo. ²³ Yesu lékitá ansibi obwiepú ámu ibi, kpá mu dáli wúlu amuto. Inu olotu atsonó dínká oyin ámu ansíbísv, pú ibi dínká musu. Múú oleftité mu obéε, “Fude ató wúun?”

²⁴ Ansibi obwiepú ámu lótsu nwun fúá kí, oleftí obéε, “Nde anyánkpósa wúun, táme bogyi fé nyí buna.”

²⁵ Inu Yesu létrá pu mu ibi dínká mu ansíbísv. Oyín ámu lóbwíí ansibi kí a, mu ansibi lawá alé, ode tógyító wúun wankláán nya. ²⁶ Yesu léyinkía mu sísí wóyító obéε, “Nati laa yo wóyí. Mátepi wíé wúlu amuto kóráá.”

Ohá Aní Yesu Gyí

(Mateo 16:13-20; Luka 9:18-21)

²⁷ Yesu mva mu akasípú amu benatí inu boyo Kaesarea Filipi awulusu. Bréá buna okpató á, oleftité amú obéε, “Ma ahá beε ngyi?”

²⁸ Bele mú onó beε, “Aku beε, fógyí Asú Obopú Yohane. Aku beε, Bulu onósú otáipú Elia. Aku é beε, Bulu onósú atáipú amuto oku.”

²⁹ Múú oleftité amú obéε, “Mlí é mé? Mlía mígyí ma?”

Petro léle mú onó obéε, “Fógyí Kristo, (ohá ámúú Bulu ladá mu ofúli amu) ni.”

³⁰ Inu oleda amú olá obéε, “Mlumábláa ohaa mí iwí asón ánfí.”

Yesu Iwiasin Pó Mu Lowu Iwí Asón Blí

(Mateo 16:21-28; Luka 9:22-27)

³¹ Inu Yesu léfi asi ode asóntó le súná amú obéε, “Ilehían aní mí, Nyankpósa-Mu-Bi ánfí néhie wun iwiasin tsatsotsó. Yudafó ahande, Bulu igyí ahapó dehen pú Mose mbla asunápó féé bekiná mí beε, megyí mígyí Kristo amu. Bómó mí, táme Bulu obélakósóa mi tsú afúlitó nkensá oma.” ³² Omopu asón ánfí nájín amú. Mú sv Petro létí mu ya itsétó yéka mu itin obéε, omátrá blí alí. ³³ Inu oledamí kí akasípú amu, okplón wa Petro obéε, “Satan, nati tei mísó! Megyí tóá Bulu dégywíin fodegywíin, anyánkpósa klé fodegywíin.”

³⁴ Inu oleti odom amu pú mu akasípú ba mu iwí wá. Múú oleftí obéε, “Ní oku dékléá obóbuo mi á, osíi tóá otekle bwe, otsu mu oyikpalíhe bobuo mi. ³⁵ Tsufé ní oku lépri mu nkpa á, obóhólí mú. Ní oku é lóhólí mu nkpa mía Bulu ason wankláán ámusu á, Bulu obóhó mu nkpa. ³⁶ Ní oku onyá oyító ató féé, táme ohólí mu okláa a, labi momu ilowa há mu? ³⁷ Ntéε ntó oha

ɔbétalí pótse m̀v nkpa? ³⁸ Tsúfè ní ɔkv onyá mía mí atosunáhé pèlì ndemba-abí laláhéá badámli ɔma há Bulu ansító á, mí, Nyankpɔsa-Mv-Bi ánfì é nénya m̀v pèlì bréá mía Bulu-abɔpɔ wánkíhé am̀v anúná mí Sí numnyam̀tɔ abá.”

9

¹ Yesu lóyɔ m̀v tóisv ɔbéé, “Ɖnɔkwali nde m̀li bláa. Aku bvbv m̀lɔ nfi bvmóowu, yófvn bréá bawun ání Bulu iwíegyí am̀v ina túmísv íbá.”

Yesu lwitséé
(Mateo 17:1-13; Luka 9:28-36)

² Nkensié ɔma a, Yesu lékpa Petro, Yakobo m̀va Yohane, m̀va amónyɔ bɔdv yó íbv kusv amó nkule. Inu Yesu létse amó ansító.

³ M̀v atadié ledamli futúúútú, ide ogyá kpa. Tɔtɔ ma ɔsolóbv anfisvá íbétalí bwé m̀v íbófulí ali. ⁴ Inu Elia m̀va Mose beie iwí ɔwan, amóva Yesu bvdetóí. ⁵ M̀v Petro lébláa Yesu ɔbéé, “Osunápó, íbv aláá abétsiá nfi. Ha ada abú asa. Fú klé kule, Mose klé kule, Elia é klé kule.” ⁶ Ifú lehie kítá Petro m̀va m̀v aba ám̀v d̀vbi. M̀v sv omowun asón ání ɔblí.

⁷ Inu agyinde kv lobobun amósó, ɔme kv ledali tsu m̀tót ɔbéé, “Ɖni gyí mí Bì ɔdwepó ní! M̀híyaa asv amlinu m̀v asón!” ⁸ Inu belaki, táme bvmetrá wun ɔhaa d̀vn Yesu nkule.

⁹ Bréá bvdé íbv ám̀v kplí á, Yesu léda amó ɔlá ɔbéé, “Mábláa ɔhaa tóá bayówun, yófvn ekeá Bulu ɔbókvsúa mí, Nyankpɔsa-Mv-Bi ánfì tsú afúlitɔ.”

¹⁰ Asón ánfì lesin amó nwuntɔ, betsiá fité aba beé, “Kvsú tsú afúlitɔ ánfì así mé?” ¹¹ Inu befité Yesu beé, “Ntogyi sù Mose mbla asunápó am̀v beé, ilehián ání Elia obéyinkí bá asa Kristo am̀v ɔbéba?”

¹² Ɖlele m̀v ɔnó ɔbéé, “Ɖnɔkwali igyi, ání Elia obégyankpá bá bela tógyító yáí wankláán. M̀v ntogyi sù Bulu asvn wanlínhé am̀v kén léblí tsú mí iwí ɔbéé, mí, Nyankpɔsa-Mv-Bi ánfì néhie wun ipian, ahá bósopáa m̀v? ¹³ Nde m̀li bláa mbéé, Elia layínkí bá dodo. Ahá bɔbwe m̀v alíá bvdéklé, fé alíá bɔwanlín wá Bulu asón ám̀vɔ.”

Ilo Didahé Ɖlɔpó Tsa
(Mateo 17:14-21; Luka 9:37-43a)

¹⁴ Bréá beyínkí bowie akasípú atráhe am̀v wá á, bowun ání ɔdɔm k̀pɔnkpɔnkpɔnti bafia bomli amó, Mose mbla asunápó aku bvdé akasípú am̀v nwéen gyí. ¹⁵ Bréá ɔdɔm am̀v bowun Yesu a, ílwa amó wánwan, besrí yéfia m̀v, há m̀v aye. ¹⁶ Yesu léfité m̀v akasípú am̀v ɔbéé, “Amansv m̀lia amónyɔ mlidébítí?”

¹⁷ Ɖdɔm am̀vɔ ɔkv léle m̀v ɔnó ɔbéé, “Osunápó, nekpa mí bí yínhé ba fv mbéé afutsa m̀v ílɔ. Ɖhe laláhe lahá ɔtamatóí. ¹⁸ Brégyíbréá ɔhe laláhe am̀v íba m̀sv á, itwósv m̀v, fin m̀v

dá ɔsolúto. Mu ɔnó tɔbwé afu, ɔtɔwí ayín, ɔtesínsun. Nεbláa fú akasípú mbéε, bugyáa ɔhé ámu le mutɔ ha mi, táme bumetalí.”

¹⁹ Yesu lébláa amú ɔbéε, “Nɔemba-abíá mlímá hógyi, alí nétsiá mli wá yó ní? Yófun ɔmenke nnyá klɔn ha mli? Mlikpa kebi ámu ba mi!” ²⁰ Bekpa kebi ámu ba Yesu.

Ɔhe laláhe amu lénya wun Yesu alí, ilɔwɔsúu kebi ámu fin mu dá. Odemináa, mu ɔnó é ide afu. ²¹ Yesu léfité obí mu si ámu ɔbéε, “Tsu bré mɔmɔto ilo ánfí lefi asi?”

Ɔleε mú ɔnó ɔbéε, “Tsu mu nyebito ɔpá. ²² Itɔtswi mu wá ogyá móa ntsu aná féétó, itekleá íbómɔ mu, táme ní fétalí bwé tɔku tsú mú iwí á, wun aní nwe afogyi aní buale.”

²³ Yesu léfité mu ɔbéε, “Blí fɔde fεε, ní nétalí? Tógyító lɔpɔn ha ohógyipu.”

²⁴ Inu obí mu si ámu lókplɔn blí ɔbéε, “Nohogyi, táme mí hógyi mɔtsó. Gyí mi buale, mí hógyi imoní!”

²⁵ Bréá Yesu lówun ání ɔɔm amu butráa busrí bebá á, ɔlɔkplón wa ɔhe laláhe amu ɔbéε, “Fú ɔdandubiabía móa isɔtín ɔhé, dali kebi ámɔto. Mátrá wie mutɔ ekekeke!”

²⁶ Ɔhe laláhe amu lósɔrá okitikíti kóklókóú, iletrá wɔsúu mu nyányányányáa, ile dali mutɔ. Ɔhé leta mu. Mú su ahá ámɔto aku beblí bεε, “Alawú.” ²⁷ Táme Yesu lékitá mu ibi tsú mu fɔá, ɔlɔkɔsú líí.

²⁸ Mú ɔma, bréá Yesu mɔa mu akasípú amu nkɔle bubu wóyító a, befité mu bεε, “Ntogyi só aní mú anumetalí gya ɔhe laláhe amu dáli kebi ámɔto?”

²⁹ Múú ɔlebláa amú ɔbéε, “Iní odu mú á, nkéti mpái * pé mlétalí pógya mú.”

Yesu Lowu Iwi Asón Blí Otse Nyɔɔsi
(Mateo 17:22-23; Luka 9:43b-45)

³⁰ Bréá Yesu mɔa mu akasípú amu benatí inu á, bɔtsɔn Galilea ɔsolúsu, táme Yesu mékléá ɔhaa ɔbí ɔtínéá muɔ. ³¹ Tsúfé ɔde akasípú amu ató suná ɔbéε, “Béle mí, Nyankpɔsa-Mu-Bi ánfí há adón bómɔ mí, táme Bulu ɔbélakósúa mi eke sáásí.”

³² Akasípú amu bumonu mú asi, ifú é de amú ání befité mu.

Ma Ɔbóbwe Ɔhande?
(Mateo 18:1-5; Luka 9:46-48)

³³ Beba Kapernaum wúluto. Bréá bowie wóyító á, Yesu léfité amú ɔbéε, “Ntɔ nwéεn mlídégyí ɔkpatɔ?”

³⁴ Bekpa ɔnó bun músú, tsúfé ihande buɔeprií. ³⁵ Yesu létsiá asi, ɔleti akasípú dúanyɔ ámu, ɔlebláa amú ɔbéε, “Ní mli ɔku dékléá ɔbóbwe mli nkpá ogyápu a, ɔbwéε mu iwí ɔma ogyápu pú mli féé osúmpú.” ³⁶ Inu ɔlekpa kebi ɔku belí amú ansító, látá mu pútá, ɔlebláa amú ɔbéε, ³⁷ “Ɔhagyíɔha ání ɔlɔhɔ kebiá ogyi alí

* 9:29 Mpái móa ɔnókli bu nwóló dada amu akɔto.

mí dátó lahɔ mɪ. Ɔhagyíɔha ání ɔhɔ mɪ á, megyí mí ɔlɔhɔ, mboún ɔhá á múú ɔlɔwa mí ámu.”

Ani Obúopv

(Luka 9:49-50)

³⁸ Yohane lébláa Yesu ɔbéɛ, “Osunápó, anulówun oyin ɔku dépu fú dá gya ɔɛ laláhe, anuléka mu tin, tsúfé ɔma anito.”

³⁹ Táme Yesu lébláa amú ɔbéɛ, “Mlímáka mu itin! Tsúfé ɔhaa má inuá ɔbóbwe ofúla mí dátó, láblí mí iwɪ asɔn laláhe. ⁴⁰ Tsúfé ɔhá ání ɔmɔkɔsú lí anisɔ buo anɪ. ⁴¹ Ɔnɔkwali nde mli bláa mbéɛ, ní ɔku ɔhá mli ntsu-owebi mlonu, mí dá ání idɪn mliɔ sɔ á, ɔmóɔholú mu ipán.

Ɔha Kpa Wá Lakpantɔ

(Mateo 18:6-9; Luka 17:1-2)

⁴² “Ní ɔku léha ahá ání bɔmɔkúdan mísú hógyitɔ ánífitɔ ɔku lóbwe lakpan á, ní beda nfúókwebu síán mu ɔmetɔ, tswɪ mu wá ɔputɔ pó á, ibu alé dɔn. ⁴³⁻⁴⁴ Ní fú ibi kule téhá fúɔbɔwé lakpan á, ka mú le! Ibu aléá fópɔ ibi kule nyá nkpa ání itamatá, dɔn ání fópɔ ibi anyɔ wíé isɔbití ogyá ání itamaduntɔ.† ⁴⁵⁻⁴⁶ Ní fú yabi kule téhá fúɔbɔwé lakpan á, ka mú tswɪ tsalífwi! Ibu aléá fópɔ yabi kule nyá nkpa ání itamatá, dɔn ání fópɔ ayabi anyɔ wíé isɔbití ogyá ání itamaduntɔ.‡ ⁴⁷ Ní fú nsibi téhá fúɔbɔwé lakpan á, loti mú le. Ibu aléá fópɔ nsibi kule wíé Bulu iwíegyi ámutɔ, dɔn ání fópɔ ansibi anyɔ wíé isɔbití ogyá ání itamaduntɔ. ⁴⁸ Ɔtínéá inu anyambi butamawú, inu ogyá é itamadun.

⁴⁹ “Tsúfé bópɔ ogyá tin ɔhagyíɔha iwɪ, fé alíá butɔpú nfólɪ tin afɔdie iwɪ.

⁵⁰ “Nfólɪ bu ɔdwe, táme ní itá ɔdwe á, ntɔ bélapówá mú ɔdwe?”

“Mliha ɔdwe itsia mliɔ fé nfólɪ, iwílwii itsia mliha mli aba nsiné.”

10

Ɔkákíná Iwɪ Atosundhé

(Mateo 19:1-12; Luka 16:18)

¹ Yesu lókɔsú tsú inu yó Yudea ɔmátó, Yordan ntsu ɔbun. Ɔɔm beɔtrá befia bomlí mu, ɔleɔtrá suná amú ató fé alíá ɔbɔwé yáí.

² Farisifɔ akɔ beba mu wá, buɔdekléá bósɔ mu kɪ. Mú sɔ befité mu beɛ, “Anɪ Mbla leha ɔkpa ání oyin ɔbéɔtalí kíná mu ka?”

³ Yesu léfité amú ɔbéɛ, “Nkálɪ anɪ náin Mose lówa mbla há mli?”

⁴ Béle mu ɔnó beɛ, “Mose léha ɔkpa ání oyin ɔwánlɪn ɔkákíná ɔwoló pukina mu ka.”

⁵ Yesu lébláa amú ɔbéɛ, “Mli kluntɔ-odwin só Mose lówanlɪn mbla ání há mli. ⁶ Tsú bréá Bulu léle ɔyí á, ɔtsɪ múa oyin ɔlɔbwe.

† 9:43-44 Mótó yéɛ 44 móa 46 behan 48, táme uma nwóló dada amɔ akɔtɔ.

‡ 9:45-46 Mótó yéɛ 44 móa 46 behan 48, táme uma nwóló dada amɔ akɔtɔ.

⁷ Iní sù oyin obótu sí m̀ s̀ m̀v̀a m̀v̀ yin yémantá m̀v̀ kasu, ⁸ amó abanyó bóbwe ɔyulúv̀ kule nı. Bv̀tráa b̀v̀megyí abanyó, mbouın babwé ɔbakúle. ⁹ Iní sù ahá ání Bulu labwé amó ikule a, ɔhaa mámaın amó abasu.”

¹⁰ Bréá beyinkí ba wóyító a, Yesu akasípó amv̀ betrá fité m̀v̀ asón tsú asón ánfı ıwı. ¹¹ Yesu lébláa amó ɔbéé, “Nı oyin okíná m̀v̀ ka láyétsiá ɔtsı bámbá á, alató mbv̀a. ¹² Alı kén ní ɔtsı okíná m̀v̀ kulu láyétsiá oyin bámbá á, alató mbv̀a ní.”

Nyebí Yulá

(Mateo 19:13-15; Luka 18:15-17)

¹³ Aha akv̀ bekpa nyebí ba Yesu bev̀e, ɔpúv̀ ıbı dıv̀ka amóv̀sú, táme m̀v̀ akasípó amv̀ b̀v̀v̀a ıyin wá amó. ¹⁴ Bréá Yesu lówun a, ɔbló lekıtá m̀v̀. Múv̀ ɔlebláa akasípó amv̀ ɔbéé, “Mıha nyebí ámv̀ ɔkpa abv̀ba mí wá. Mlımátin amó ɔkpa, tsúfé ahá ánfı odu b́ Bulu iwíegyí ámv̀ nı. ¹⁵ Ɔnɔkwalı nde mlı bláa. Ɔhá ání ɔm̀ɔhɔ Bulu iwíegyí amv̀ fé kebi á, omóowıe mótó.” ¹⁶ Múv̀ ɔlelatá amó pútá, pú ıbı dındínka amóv̀sú, oloyulá amó á.

Atonyahé ıwı Atosundhé

(Mateo 19:16-30; Luka 18:18-30)

¹⁷ Bréá Yesu lópú ɔkpa ɔyó á, oyin ɔkv̀ lésrí ba bev̀da akpawunu m̀v̀ ayabıtó fité m̀v̀ ɔbéé, “Osunápó yilé, ntɔ nóbwe asa nénya nkpa ání ıtamatá?”

¹⁸ Yesu léfité m̀v̀ ɔbéé, “Ntogyi śv̀ fvdıe mí tı ɔha yilé? Ɔhaa mégyí ɔha yilé, nkéti Bulu nkule. ¹⁹ Yéé fvyin Bulu mbla ámv̀ dodo? Ɔbéé, mámv̀ ɔha, mátv̀ mbv̀a, máwi ató, máka asón dínká fú bású, másısii ɔha, bu fú sí m̀v̀a fú yın.”

²⁰ Oyın ámv̀ lébláa m̀v̀ ɔbéé, “Osunápó, tsú mí nyebıtó ɔpá nde ını féésú gyı.”

²¹ Yesu lékı m̀v̀ díın, m̀v̀ asón l̀v̀v̀a m̀v̀ ɔdwe. Múv̀ ɔlebláa m̀v̀ ɔbéé, “ılası tokukuleá fóbwe. Yefe fú ıwısv̀ ató féé, afv̀ye kóba amv̀ ha ahıánfɔ, ménı fénya sıadıe ɔsúsú. Fóbwé m̀v̀ tá á, ba afv̀bobuo mı.” ²² Bréá oyin ámv̀ lónu asón ánfı á, ıwı lowu m̀v̀. Mó sv̀ ɔlenatı díın, tsúfé ɔhıé ɔbv̀ ató.

²³ Yesu lékı bomlí, ɔlebláa m̀v̀ akasípó amv̀ ɔbéé, “ıbéhıe wá ɔnlın asa ıwı onyapú obówie Bulu iwíegyí ámv̀v̀tɔ!”

²⁴ Bréá akasípó amv̀ bonu asón ánfı á, ɔnó lobwie amó. Táme Yesu lélabláa amó ɔbéé, “Mı abı, Bulu iwíegyí ámv̀v̀tɔ wie ıbéhıe wá ɔnlın! ²⁵ ılɔpɔn ha kpósó ání ɔbótsv̀n ɔbın-atɔ ɔbótó, dón ánfı ıwı onyapú obówie Bulu iwíegyí ámv̀v̀tɔ.”

²⁶ Asón ánfı leha ɔnó lehıe bwıé amó. Mó sv̀ befité aba bev̀e, “Múmv̀ ma m̀v̀v̀ Bulu ɔb́hɔ nkpa?”

²⁷ Yesu lékı amó díın, ɔlebláa amó ɔbéé, “Tóá ıdvǹ nyankpusa bwe m̀dón Bulu, tsúfé Bulu mó tetalı bwé tógyıtó.”

²⁸ Múv̀ Petro lébláa m̀v̀ ɔbéé, “Yéé anı mó anılası tógyıtó tsv̀ı bobuo fú o!”

29 Yesu lébláa mu óbée, “Ọ̀nọ̀kwali nde mli bláa. Ọ̀hagyíọ̀ha ání olesi mu wóyí, mu apió, mu si muva mu yin, mu abí ntée mu ọ̀solúu ọ̀magyáa, mía mí asun wankláán ámu su á, ³⁰ ọ̀bélanya mu wóyí, mu apió, mu ayín, mu abí pọ̀ mu agyapadié ámu odu tsé lafa séi. Bédinká musu é séi, táme obénya nkpa ání itamatá bré ámuú ibá ámutọ̀. ³¹ Táme agyankpapu tsotsọ̀tsọ̀ bẹ̀ba bemli amapu, amapu é bẹ̀ba bemli agyankpapu.”

*Yesu Lowu Iwí Asón Bli Otse Saasi
(Mateo 20:17-19; Luka 18:31-34)*

32 Yesu muva mu akasípú amu ọ̀pọ̀ ọ̀kpa ọ̀yọ̀ Yerusalem wúluto, Yesu gyánpá. Uọ̀wa amú wánwan, ifú lekítá ahá ámuú ọ̀bubuo amú ámu. Múu ọ̀lekpa akasípú dúanyọ̀ ámu ya itsétọ̀, ọ̀letrá bláa amú tóá ibéba musu. ³³ Ọ̀bée, “Mlinu! Ní awíé Yerusalem a, bẹ̀e mí, Nyankpọ̀sa-Mu-Bi ánfí há Bulu igyí ahapọ̀ dehen pọ̀ Mose mbala asunápọ̀. Bẹ̀ha mí lowu ipón, pọ̀ mí wá ahá ání bomegyí Yudafo ibito. ³⁴ Bóbwẹ mí ahinlá, tú atsunó wólí mí, nwén mí mpli, mó mí, táme eke sáási a, Bulu ọ̀bókusúa mi tsú afúlitọ̀.”

*Ọ̀hande Osúm Mu Aba
(Mateo 20:20-28)*

35 Sebedeo abí Yakobo muva Yohane ọ̀kpọ̀kpé mantáa Yesu bláa mu bẹe, “Osunápọ̀, anidékéléá fọ̀bwée tọ̀ku ha anu.”

36 Múu Yesu léfité amú ọ̀bée, “Ntọ̀ mlidékélé mliia mbwée ha mli?”

37 Bẹ̀bláa mu bẹe, “Ha anito ọ̀kule otsia fọ̀ gyọ̀pısu, ọ̀kule é otsia fọ̀ bınasọ̀ bréá Bulu ọ̀wá fọ̀ numnyam.”

38 Táme Yesu lébláa amú ọ̀bée, “Mliméyín tóá mlidékulí! Mlétalí wun iwıwsın ámuú neba bowun amu, ntée mlétalí wú lowu ámuú nówu ámu?”*

39 Bẹ̀e mú ọ̀nọ̀ bẹe, “Ee abétalí.”

Múu ọ̀lebláa amú ọ̀bée, “Mlówun iwıwsın ámuú neba bowun amu, wú lowu ámuú nówu ámu é, ⁴⁰ táme mma túmi ání néle ọ̀há ání obétsiá mí gyọ̀pi ntée bınasọ̀. Alı otsiákpá anfi mú ida gyo ahá ámuú Bulu lalá inu yáí há ámu.”

41 Bréá akasípú idú atráhe amu bonu asún ánfí á, Yakobo muva Yohane iwı lówa amú ọ̀bl. ⁴² Yesu létı amú fée ba mu iwı wá, ọ̀lebláa amú ọ̀bée, “Mliyín ání ahá ání butobú amóá bugyí ọ̀mátọ̀fọ̀su agyípú butehíe amú ahá, amú ahande é butenyá túmi amósú. ⁴³ Táme mlito mú á, imába alı. Ọ̀há ání odekléá ọ̀bóbwẹ mlito ọ̀hande ọ̀bwée mli fée ọ̀kpábi. ⁴⁴ Ní mlito ọ̀ku é dékléá ọ̀bóbwẹ mli nkpa ogyápu a, ọ̀bwée mli fée ọ̀kpábi. ⁴⁵ Tsúfẹ mí, Nyankpọ̀sa-Mu-Bi ánfí é mmeba mbée, busúm mí. Ahá osúmkpá neba, ampu mí nkpa họ̀ ahá tsotsọ̀tsọ̀ nkpa.”

* **10:38** Mlétalí wun iwıwsın ... wú lowu ámuú nówu ámu? Ntée Mlétalí nu ntá neba bonu ntée há bọ̀bọ̀ mli asú ámuú neba bọ̀bọ̀ ámu?

Pɔntɔ Oyí Lwú
(Mateo 21:18-19)

¹² Ɔyi kehe bréá beyinkí tsú Betania bebá á, akón de Yesu. ¹³ Olowun pɔntɔ kvá dahíé pói sísí, ulí mantáa ɔkpa. Ɖlɔyɔ yéki beɛ obénya kv mótó. Táme olowie mú así á, afitáa sóón bu músó, tsúfé oyí ámu swiebí məkófun. ¹⁴ Inu ɔlebláa oyí ámu ɔbéé, “Tsú nde pɔya a, ɔhaa méétrá gyi fú abi swiehé.”

Mu akasípó amu é bonu asón áñfi.

Ibia Agyípú Gyda Le Bulu Ɖtswékpa Wunsinésú
(Mateo 21:12-17; Luka 19:45-48; Yohane 2:13-22)

¹⁵ Bréá bowie Yerusalem a, Yesu lóyɔ Bulu ɔtswékpa wunsinésú. Inuɔ ɔlɔwa ató afeɔpú pú ató ahópu amu aná fée gyáa dali nu bi. Olowuwíta kóba atsépu mpúnú dá, súnsunki abróɔma afeɔpú mbíá dá. ¹⁶ Ɖmeha ató afeɔpú ɔkuku ɔsura mu ató fehé ka tsun Ɖtswékpa wunsinésú nu kóráá. ¹⁷ Olosuná amú ató ɔbéé, “Bomɔwanlín wá Bulu ason wanlínhé amɔtɔ beɛ, ‘Béti mí ɔtswékpa beɛ, ɔmá fée mpái ɔɔkpá?’ Táme mlilapó nu mlí awikplu ɔhaínkpá.”

¹⁸ Bréá Bulu igyí ahapó dehen pú Mose mbia asunápó amu bonu tóá alabwé á, bodunká ɔkpa ání bótsun músó mó mu. Benya ifú, tsúfé mu atosunáhé amu leha ɔnó lobwie ɔɔm amu.

¹⁹ Bréá owí lɔpɔn a, Yesu mva mu akasípó bedali wúlu amɔtɔ.

Hógyi Iwi Atosundhé
(Mateo 21:20-22)

²⁰ Bréá buɔetsúɔn nyanki a, bowun ání pɔntɔ oyí ámu ilawú tsú mú ɔsú beyi así. ²¹ Inu Petro lékaín asón ání Yesu lébláa pɔntɔ oyí ámu. Mú ɔlebláa Yesu ɔbéé, “Osunápó, ki, pɔntɔ oyí ámuú folwí ámu ilawú!”

²² Yesu lébláa amú ɔbéé, “Mliho Bulu gyi. ²³ Ɖnɔkwali nde mli bláa, ɔhagyíɔha ání ɔbébláa ibu áñfi ɔbéé, ‘Púli yowie ɔputɔ’, omegyí nwéɛn mu klɔntɔ, olohogyi ání asón ámuú mablí ámu ibéba mótó á, ibópulí yó. ²⁴ Iní sv nde mli bláa mbéɛ, tógyítóá mləkólí Bulu á, mlihogyi ání mlilanyá mú dodo. Mli ibi béda mú. ²⁵⁻²⁶ Ní mlilí mlidé mpái bɔ, ɔkv asón bu mli klɔntɔ á, mli si ɔhá ámu lakpan kie mu, méni mli Sí ámuú ɔbu ɔsúsú ámu é obési mli klé kíé mli.†”

Yesu Túmi Iwi Asun Fitéhé
(Mateo 21:23-27; Luka 20:1-8)

²⁷ Yesu mva mu akasípó amu betrá yinkí ba Yerusalem. Bréá ɔna odeki Bulu ɔtswékpa wunsinésú nu á, Bulu igyí ahapó dehen, Mose mbia asunápó pú Yudafɔ ahande amu beba mu wá. ²⁸ Befité mu beɛ, “Túmi mɔmu fúdepubwé ntobí áñfi? Ma léha fú túmi ámu?”

† 11:25-26 Mótó yée 26 bu nwóló dada amu akɔtɔ: Táme ní mli mésikíé ahá a, mli Sí ámuú ɔbu ɔsúsú ámu é oméesikíé mli.

²⁹ Yesu lélé mú ònó òbée, “Nfite mli ason kua kole. Ní mmlé mú ònó há mí á, mí é nébláa mli túmi oduá ndepubwé ntobí ánfí.
³⁰ Bulu wá Asú Ọ̀bọ̀pú Yohane lénya túmi pòbò ahá asú lóó, ntée nyankpọ̀sa? Mlìbla mí!”

³¹ Amó wolewole bọ̀yọ̀ asún ánfító bẹ̀e, “Ní ablí aniaa itsú Bulu wá á, òbéfíté aní òbée, mú ntogyi sù mlimóhọ̀ mu gyi? ³² Ntée ablí aniaa itsú anyánkpọ̀sa wá?” Táme bọ̀de ahá ámu ifú nya, tsúfẹ̀ amó fée bohogyi aní lélé Bulu ònósú ọ̀tọ̀pú onutó Yohane gyi.
³³ Mú sù bẹ̀e mú ònó bẹ̀e, “Ohwée! Aníméyín ọ̀tínéá olenya mu túmi tsú.”

Mú Yesu é lébláa amó òbée, “Mómó mí é mméebláa mli túmi oduá ndepubwé ntobí ánfí.”

12

Apafọ̀ Laláhe Akv

(Mateo 21:33-46; Luka 20:9-19)

¹ Yesu lówa amó asún bláa ayébitọ̀ bí. Ọ̀bée, “Oyin ọ̀ku lódo wáin ndo. Olegyi iban bómlí mú. Olokwi wáin amu onyimékpá, ọ̀pọ̀we obu fọ́áhé ku há ndo ámu agyọ̀pọ̀. Múú ọ̀pọ̀pọ̀ ndo ámu wá apafọ̀ ibitọ̀, olotu ọ̀kpa. ² Bréá wáin-abí ámu kpọ̀tíbi lẹ̀fọ̀n a, ọ̀lọ̀wa mu osúmpú apafọ̀ ámu wá òbée, ọ̀yóhọ̀ mu ogyíkpa ba mu. ³ Táme apafọ̀ ámu bekítá mu, dá mu, gya mu sísí ibikpan. ⁴ Ndo mu wie amu létrá wa mu osúmpú nyọ̀ọ̀sí amó wá. Apafọ̀ ámu bẹ̀da mu é, pílan mu nwuntọ̀, sópa mu. ⁵ Ọ̀letrá lawá ọ̀bambá. Mu mú á, bọ̀mọ̀ mu. Alí kén bọ̀bwe atráhe é ní. Bẹ̀da akv, mọ̀ akv é. ⁶ Ilesi mu onutó mu bí ọ̀kule péá ọ̀tamatsúlá musu. Ọ̀kí òbée, bóbu mu mú. Mú sù ọ̀lọ̀wa mu é. ⁷ Táme apafọ̀ ámu bebí bẹ̀e, ‘Ọ̀nì obégyi mu sí atọ̀ ní. Mlìha amọ̀ mu, méní ndo ámu ibémlí aní klé.’ ⁸ Mú sù bekítá mu, mọ̀ mọ̀, tswi mu dálí ndo ámutọ̀.

⁹ “Èkéá ndo mu wie amu ọ̀bá á, ntọ̀ mlilahogyi mlíaa ọ̀bóbwe apafọ̀ ánfí? Ọ̀bẹ̀ha bọ̀mọ̀ amú. Ọ̀bẹ̀lapú ndo ámu wá apafọ̀ bámbá ibitọ̀. ¹⁰ Ntée mlimókókla Bulu ason wanlínhé amu kí? Bọ̀wanlín bẹ̀e,

‘Ibwi ámuú obu ayípu bekiná ámu lébemlí okonkísúbwi ní.

¹¹ Bulu lóbwe mú alí. Ibo wánwan.’”

¹² Inu Yudafo ámu bekleá békítá Yesu, tsúfẹ̀ bebí aní amó sù alahá yébi ánfí, táme bọ̀de ọ̀dọ̀m amu ifú nya. Mú sù benatí sí mu.

Lampóoka

(Mateo 22:15-22; Luka 20:20-26)

¹³ Ọ̀ma a, bọ̀wa Farisifo pú Owíe Herode ahá bẹ̀e, buyétetéé Yesu ọ̀nótọ̀ asún nu, abọ̀nya mu akítalé. ¹⁴ Bréá beba mu wá á, bebláa mu bẹ̀e, “Osunápú, aniyin aní ọ̀nọ̀kwalípu fúgyi. Fútamahá ọ̀haa ọ̀tse fú agywun, tsúfẹ̀ fútamakí ọ̀haa ansító.

Mbouñ Bulu asón á móó igyi ɔnɔkwali amu fodesuná. Mú su anidé fú fité anu. Aní mbla leha ɔkpa ání akáa lampóo ha Roma owie dehen Kaesare, ntée anímáka?”

¹⁵ Yesu lébi ání buki ansí. Mú su ɔlefité amó ɔbéé, “Apinabwebí abwepó, ntogyi só mlidé mí sóó kí? Mlitsu kóba amu ɔku ba mi anki.”

¹⁶ Bɔpɔba mu. Múó ɔlefité amó ɔbéé, “Ma nwun pú mu ɔdá dín mósú?”

Bele mú ɔnó beé, “Kaesare.”

¹⁷ Múó ɔlebláa amó ɔbéé, “Mómó mliɔu tóá igyi Kaesare klé ha Kaesare, amliɔu móa igyi Bulu klé é ha Bulu.”

Mu iwí lówa amó ifú.

Kusó Tsú Afúlitɔ Iwí Asɔn Fitéhé

(Mateo 22:23-33; Luka 20:27-40)

¹⁸ Ɔpasua kvá butetí mú Sadukifɔ aku beba Yesu wá. Bɔgyi ɔpasua kvá buteblí beé, kusó tsú afúlitɔ ma ɔnu. Befité mu beé,

¹⁹ “Osunápó, Mose lówanlín tswí aní ɔbéé, ‘Ní ɔku mva mu ka buɔkwí asa olowu sí mu ka ámu a, mu pio otsú mu ka ámu tsia, féki ɔkwu ha owupó ámu.’” ²⁰ Oyin ɔkule abí abasiénó aku betsiá. Amótó ogyankpawu létsiá ɔká, táme ɔmɔkwí asa olowu.

²¹ Mu gyama lótsu ɔsurapuka amu tsia, táme mu é ɔmɔkwí. Ɔsaasi lótsu ɔtsi ámu tsia. Mu é ɔmɔkwí. ²² Alu yótu osienósí amu. Amótó ɔkoku mɔkwí asa olowu. Ɔma-ɔma a, ɔsurawu amu é lóbowu. ²³ Afúli ɔkusóké a, amótó ɔmɔmu ɔbóbwe mu kulu? Tsúfé amó abasiénó ámu féé betsiá mu.”

²⁴ Múó Yesu léle mú ɔnó ɔbéé, “Megyí mli ológyi. Mliméyín Bulu asɔn wanlínhé amu ntée Bulu túmi. ²⁵ Tsúfé ní afúli bɔkúsó á, bóbwe fé Bulu-abɔpu. Buɔméetsiá aká mba akúlu.

²⁶ Táme afúlikusó iwí mú á, yéé mlilakla Mose ɔwulú, nú asón á móó Bulu lébláa mu dimbisú bréá olowun oyíbi ku de ogyá tsíí, táme imedéhóo amu? Ɔbéé, ‘Mígyí mli anáin Abraham mva Isak pú Yakob Bulu ámu ni.’” ²⁷ Inu ɔlebláa amó ɔbéé, “Megyí awupó Bulu ógyi, akiankpawu Bulu ógyi. Mli mú mlilafwí féé.”

Bulu Mbla Amúto Múa Idɔn

(Mateo 22:34-40; Luka 10:25-28)

²⁸ Mose mbla asunápó amúto ɔkule lóboɔ amó ɔnu, olonu asón ání budebití. Olowun ání Yesu lalé Sadukifɔ ámu asón ɔnó wankláán. Mú su ɔlefité Yesu ɔbéé, “Bulu mbla ámúto mɔmu dón?”

²⁹ Yesu léle mú ɔnó ɔbéé, “Bulu mbla ámúto múa idɔn ni. ‘Israelfɔ, mliɔu. Bulu ɔkule pé aní Wíe Bulu gyí. ³⁰ Mú su pu fú klɔn, fú ɔkláa, fú agywun pú fú ɔwɔnlín féé dwe fú Wíe Bulu.’” ³¹ Mú nyɔɔsi é gyí, ‘Dwe fú bá fé fú iwí.’ Mbla kuku ɔtráa ma ɔnu á idɔn íni.”

³² Mbla osunápó amu lébláa Yesu ɔbéé, “Osunápó, fablí ɔnɔkwali. Aní Wíe Bulu nkule pé bu ɔnu, ɔkoku trá ɔma ɔnu.

³³ Apúv anı klun, anı agywun pú anı ɔwɔnlın fée dwé mu, adwe anı aba fé anı ıwı. Idun mbwı tóhé pú afɔdıe kugyıkıv.”

³⁴ Yesu lówun ání alabı lé asún ámu ɔnó wankláán, ɔlebláa mu ɔbéε, “Foma ifó Bulu iwíegyı ámɔtɔ.”

Mó ɔma a, ɔhaa métrá wa klun fité mu asvansv.

Ma Gyı Kristo Amv?

(Mateo 22:41-46; Luka 20:41-44)

³⁵ Bréá Yesu dé ató suná Bulu ɔswékpa nwunsınésó ınu á, ɔlefıté ɔbéε, “Nkálı só Mose mbla asunápú amv betalı blı beε, Owıe Dawıd mu na gyı Kristo, (ɔhá ámúbı Bulu léda mu ofúlı amv)? ³⁶ Tsúfé Ɔɣε Wankıhé léha Owıe Dawıd onutó léblı ɔbéε, ‘Anı Wıe Bulu lébláa mı Wıe ɔbéε,

“Tsia mı gyɔpısv nfi

yɔfɔn bréá néha fétsatsáa fú alupúsú.” ’

³⁷ Owıe Dawıd onutó létı mu ɔbéε mu wıe. Nkálı sv ɔtráa ogyı mu na?”

Asún ánfı lówa ɔɔm kɔnkpɔnkpɔntı ámúbı befia bomlı mu amv ɔdwe, bɔpv ansıgyı nú mu asún.

Mose Mbla Asunápú Tsiátı

(Mateo 23:1-36; Luka 20:45-47)

³⁸ Yesu léblı mu atosunáhé amɔtɔ ɔbéε, “Mlıkı wankláán Mose mbla asunápúsıv. Butekle ligá wa nátı kı, butekle beε, ahá bɔbún ha amó itsıá dınsıv. ³⁹ Otsıákpá yılé butekle tsıá Yudafo ofiakpa pú nke ogyıkpá. ⁴⁰ Botesısi asvrapıv, swıı amó amó wóyı. Bıtepına bɔ mpáı tıntııntın aháto póbun amó lalahεsv. Bulu ɔbébıtı amó ısv kınkıınkın!”

Ɔsvrapıv Ɔkv Tswıtswı

(Luka 21:1-4)

⁴¹ Yesu létsıá mantáa tswıtswı dáka Bulu ɔswékpa ınu, ɔde ahá kı bɔɔepıv amó tswıtswı bɔwa móttı. Ahá ání amó ıbıtı bv odwın bɔɔepıv kóba akɔnkpɔntı bɔwa. ⁴² ınu ɔsvrapıv ɔkvá ɔma tɔtɔ é lópv mu kóba-ana bɔwa dáka ámɔtɔ. ⁴³ Múbı ɔletı mu akasıpú amv ba mu wá, ɔlebláa amó ɔbéε, “Ɔnɔkwalı nde mlı bláa, tswıtswıá ɔsvrapıv anfi ɔma tɔtɔ lawá á, ıdun ɔhagyıɔha klé. ⁴⁴ Tsúfé atráhe amv fée á, amó kóba tsɔtsɔtsɔtɔ balé kpalobı tsú bɔwa. Táme ınıá ɔsvrapıv anfi mú má tɔtɔ sv táa ɔbv fée alapú bɔwa á.”

13

Bulu Ɔswékpa Amv Bwıe

(Mateo 24:1-2; Luka 21:5-6)

¹ Bréá Yesu lédalı Bulu ɔswékpa wınsınésó ınu ɔyó á, mu akasıpú amɔtɔ ɔkule lébláa mu ɔbéε, “Osunápú, kı mbı wankláán pú abwı akɔnkpɔntı ánfı bɔpvıyı mú ánfı akıle!”

² Múú òlèbláa mu òbée, “Yée fawun mbu akpònkpònkpònti ánfí? Bóbwie mú fée bun. Ibwi kùle kùráá méesian dúnká mú bású.”

Iwiasin Múa Ikplán

(Mateo 24:3-14; Luka 21:7-19)

³ Bréá Yesu tsie Nfò-nyíbu ámuṣu, òde Bulu òtswékpa mbu ámu kí a, Petro, Yakobo, Yohane muṣa Andrea nkùle befíté mu bée, ⁴ “Bla aní, bré mòmúto ínì fée béba? Osúna mòmú é òbéba, ibósuná ání mú bré lafòn?”

⁵ Inu Yesu lébláa amú òbée, “Mlíki wankláán, ménì òhaa méemlé mlí. ⁶ Ahá tsòtsòtsò bópu mí dá ba bée, amúgyí Kristo amu ní. Bémlé ahá tsòtsòtsò bófwí òkpa. ⁷ Ní mlonúá ísá ladá mantáa mlí ntée òtneku á, opúni mátsíí mlí Tsúfè lehián ání ínì aná fée béba, táme imedésuná ání òyí ònómàké ámu lafòn. ⁸ Tsúfè òmá bóko aba. Awíe bókusú líí abasú. Òsulúú békpunkí ntíné-ntíné. Akón é béba. Iní fée igyi fè iwiasin ání òtsí towun bréá íkwí de mu dwiín.

⁹ “Mú su mlí mú mlíki mlí iwí wankláán. Tsúfè mí su bópu mlí há Yudafo asún agyípo, béda mlí amú ofiakpa awúlu-awúlusú. Békpa mlí ya òmású agyípo pú awíe ansító, ménì mlégyi mí iwí adánsíe. ¹⁰ Táme ilehián ání bégýankpá dá asun wankláán ámu òkan súná òyító ahá fée. ¹¹ Ní bekítá mlí ya a, mlímágywín asún ání mléblí. Mlíbli asúngýiasún ání Bulu òbópówá mlí ònó alí bré ámuṣo. Tsúfè megyí mlí onutó òbótáí, Òje Wankíhé òbótáí tson mlísu.

¹² “Apíó béle amú apíó há lowu. Abí así béle amú abí há. Abí é bókusú líí amú akwípúsu, há bómo amú. ¹³ Mí su ahá fée bólu mlí, táme ní mlétalí wá klòn líí kínkíinkín yófòn mú ònómá á, Bulu òbòho mlí nkpa.

Iwiasin Wíunbí

(Mateo 24:15-28; Luka 21:20-24)

¹⁴ “Táme ní mlowun akísítá itobwíe òmá, ida òtínéá mlímédín ansí ání íbéba a, (aklápú, mlinu mú así.) Mómú ahá ání búbu Yudea òmátó búsrí yò abúsu. ¹⁵ Òhá ání òdín obusu mákplí botsu tòto obuto! ¹⁶ Òhá ání òbu ndòto é máyinkí botsu mu tati. ¹⁷ Amenyapú pú abí-ayín ání búpia abí bóbwe alí bré ámuṣo, búgyòwí ní! ¹⁸ Mlíkokoli Bulu mlíaa, mlí òsríké amu imábwe nyankpu múa atsalíbí. ¹⁹ Tsúfè asun wunhe ání íbéba alí bré ámuṣo odu məkúba tsú bréá Bulu lóbwe òyí òpá kí. Mú odu kòku é iméetrá ba ekekéke. ²⁰ Ní Bulu médínkí nke ámuṣu á, tekí òhaa méesian òyító. Táme ahá ámuṣo alalé póbwe mu kle amu su aladínkí nke ámuṣu.

²¹ “Alí bré ámuṣo á, ní òku lébláa fu òbée, ‘Kí, Kristo, (òhá ámuṣo Bulu ladá mu ofúli amu) bu nfi ntée nána’ á, máhógyi. ²² Tsúfè ahá ání bée amúgyí Kristo amu pú ahá ání bówa afunu bée, Bulu ònósú atópú búgyi tsòtsòtsò béba òyító. Bóbwe ofúla pú osúna

púmlé ahá. Ní bétalí kórará á, bémlé ahá ámú Bulu lalé ámu é.
 23 Táme mlíkí wankláán! Nabláa mlí tógyító asa íbéba.

Nyankpɔsa-Mv-Bi Amu Ibábi
 (Mateo 24:29-31; Luka 21:25-28)

24 “Iwɔsɔn wúun amu ɔma a, owí ɔbéta, ɔtsra é ɔmétrá fɛí.
 25 Ntsrakpabi békpa tsú ɔsúsó beda. Nwulótáa múa mótó ató
 fɛé békpinkí. 26 Ɖhagyíɔha obówun ání mí, Nyankpɔsa-Mv-Bi
 ánfí napú túmi múa numnyam kpɔnkpɔnti mbu nwulótáatɔ tsú
 ɔsúsó nɛbá. 27 Inu Bulu ɔbówa mu abɔpu bɛyɛkpa mu ahá ámú
 alalé ámu tsú ɔyí afonka ana ámu fɛésó.

Ɖyí Ɖnómɔ Iwi Osúna
 (Mateo 24:32-35; Luka 21:29-33)

28 “Mlɔpukɔ pɔntɔ oyí. Ní mú abámbi dɛpɔí, ide atɛ pɔpwe lɛ á,
 mlɛbí ání awikpan bré lafon. 29 Alí kén, ní mlowun ání ntobí
 ánfí fɛé ide mótó bá a, mlɛbí ání mí, Nyankpɔsa-Mv-Bi ánfí íbábi
 lafon ta ní. Nawíé wóyí ámu ɔnó tá. 30 Ɖnɔkwali ndɛ mlí bláa.
 Ndɛmba-abí anfi fɛé bɔmóowu tá, asa íní fɛé bɛba mótó. 31 Ɖsɔ
 múa así fɛé bótɔn, táme mí asɔn blíhé mótɔn ekekekeke.

Nyankpɔsa-Mv-Bi Amu Ibábi
 (Mateo 24:36-44)

32 “Táme ɔhaa méyín eke ntée bréá ntobí ánfí fɛé íbéba. Bulu-
 abɔpu bɔmɛyín. Bulu mu Bi ámu é méyín, nkétí aní Sí ámú ɔbu
 ɔsúsó ámu nkɔlɛ pé yin. 33 Mlɔdinka ansí iwɔsɔ, tsúfɛ mlɔmɛyín
 ekeá bré ámu íbɔfon. 34 Igyí fɛ ɔkɔá ɔde ɔkpa tu, olesi mu wóyí
 wá mu asúmpú íbɔtɔ. Ɖleha okugyíɔku agyómá ɔbée ɔbwée.
 Ɖlebláa wóyí ámu ogyópu é ɔbée, ɔyíri iwɔ ogyo wóyí ámu
 wankláán. 35 Mú sɔ mlɔdinka ansí iwɔsɔ, tsúfɛ mlɔmɛyín bréá
 wóyí mu wie amu ɔbéba. Fíali ntópwe o, ɔyí-nɔnɛ o, bake o,
 ntée nyanki. 36 Mlɔdinka ansí iwɔsɔ, méní ɔbá bofwie mlɔtɔ á,
 ɔmɔbɔtu mlí ání mlɔladídi. 37 Asún ánfí ndɛ mlí bláa anfi kén
 ndɛ ɔyító ahá fɛé bláa. Mbée, ‘Mlɔdinka ansí iwɔsɔ.’ ”

14

Bekiklí Yesu Nwunsɔ
 (Mateo 26:1-5; Luka 22:1-2; Yohane 11:45-53)

1 Ilesi nkenyó Yudafo abɔgyi Israelfɔsɔ Katsɔn Nke pú
 Bodobodo MátúhɛNke. Alí bré ámɔtɔ Bulu igyí ahapú dɛhen pú
 Mose mbala asunápú bodunká ɔkpa ání bótɔn mósú kítá Yesu
 ɔáintɔ, mó mu kokooko. 2 Táme bebí bɛɛ, “Megyí Katsɔn Nke
 ánfítɔ abómɔ mu, méní kpokiti méeda ɔmá ámɔtɔ.”

Ofobi Fánfáánfán Pwólí Yesu
 (Mateo 26:6-13; Yohane 12:1-8)

3 Bréá Yesu bu Betania wúlutɔ, Simon ɔkɔá alaló ílɔ pɛpɛ kí
 wóyító ɔde ató gyí a, ɔtsɔ ɔkɔ léba inu; ɔde pɛntɔva wankláán kɔá

ofobí fánfán ání ibu ibiá bu mótó. Oletíí mú ònó, òletseí ofobí ámu wólí Yesu nwuntó. ⁴ Akw búbu inwá imowa amú òdwe. Befíté aba bée, “Ntogyi sù òde ofobí ání yintá? ⁵ Teki abétalí fé ofobí fánfán ání, mú ibiá bódun òbakóle ofi òkole ikaká ání, púhá ahíánfó.” Behie wá iyin wá òtsi ámu.

⁶ Táme Yesu léblí òbée, “Mlisi mu! Ntogyi sù mlidé mu háan? Ito yilé alabwé há mí. ⁷ Ahíánfó bétsiá mli wá ekekegyíeke. Brégyibréá mlidéklé a, mlétalí wá awitòle há amú, táme mí mú mméetsiá mlitò yó. ⁸ Alabwé múá òbétalí pólá mí òyolú yáí há mí opuláké. ⁹ Ònòkwali nde mli bláa. Jyító òtíngyíótínéá bédá Bulu asun wankláán ámu òkan a, béblí tó ání òtsi ání labwé ání pókáín musu.”

Yuda Iskariot Lótsulá Aní Òbèle Yesu Há
(Mateo 26:14-16; Luka 22:3-6)

¹⁰ Mú òma a, mu akasípó dúanyò ámutò òkoleá butetí mu Yuda Iskariot lóyówun Bulu igyí ahapó dehen amu, méní òbèle Yesu há amú. ¹¹ Bréá bonu asún ání á, ilehie wá amú òdwe. Behie mu asi ání béká mu ikò. Mú su olodunká òkpa ání òbòtsun mósú lé Yesu há amú.

Katsun Atogyihe Gyi

(Mateo 26:17-25; Luka 22:7-14, 21-23; Yohane 13:21-30)

¹² Bodobodo MátúhéNke ámutò eke gyankpapuá butómó Israelfòsu Katsun Nke akúfa lófún. Yesu akasípó befíté mu bée, “Osunápó, obu mòmútò ayela ha fu, afugyi Katsun Nketò atogyihe amu?”

¹³ Múò òowa amótó abanyó, bláa amú òbée, “Mliyo Yerusalem wúlutò, mléfia oyin òkúá òsu ntsu-òlò, mlibuo mu. ¹⁴ Wóyí oduátó obówie á, mlifite wóyí mu wie amu mlihaa, ‘Nkúnú afòò òswíkpa bu, ání mía mí akasípó abéba begyi Israelfòsu Katsun atogyihe amu?’ ¹⁵ Obósuná mli abansúrú yilé kwá balá mótó yáí. Mlibwe ató ámu yai inu.”

¹⁶ Yesu akasípó amu bəyo wúlu amutò á, bowun tógyító alí ámú Yesu lébláa amú ámu pépéépé, bəbwe Israelfòsu Katsun atogyihe amu yáí inu.

¹⁷ Bréá nsaintò deklúun a, Yesu mwa mu akasípó beba inu. ¹⁸ Ató ámu ogyíkpa a, Yesu lébláa amú òbée, “Ònòkwali nde mli bláa, mlitò òkoleá mía mnyò ibi da òlepetò òbèle mí há.”

¹⁹ Asún ání léhie han akasípó amu. Mú su befi asi bude mu fité ikole-kole bée, “Mí ní lóó?”

²⁰ Yesu lébláa amú òbée, “Mli ahá dúanyò ánífítò òkoleá mía mnyò ibi da òlepetò òbèle mí há ní. ²¹ Mí, Nyankpusa-Mu-Bi ání nówu fé alíá bəwanlín tswi, táme òhá ámú òbèle mí há ámu ogyówi ní. Ní bumetepí kwíí mu kúrää á, teki ibu alé há mu.”

Yesu Ntópwe Atogyihe Tráhe

(Mateo 26:26-30; Luka 22:14-20; 1 Korintofò 11:23-25)

22 Bréá bode ató ámu gyí a, Yesu léle bodobodo ipín, òleda Bulu ipán, bíábía mótó púhá amú, blí òbée, “Mlihá, mí òyólúò ní.”

23 Inu olotsu ntá-ewe, òleda Bulu ipán, púhá amú fée bonu. 24 Múò òlebláa amú òbée, “Mí obugya ní. Mú Bulu dépusí mu ntam* ání alaká há ahásu ní. Bétsei mó wólí así ahá tsotsòtsò lakpan su. 25 Ònòkwali nde mli bláa, mméetrá nu wáin-abí ntá ánfí alu yòfon ekeá nónu mú pópwe Bulu iwíegýí ámutò.”

26 Benya wá ìb dá Bulu ipán tá alí, benatí yó Nfò-nyíbu ámusu.

Petro Òbòswú Òbée Mvmeyín Yesu

(Mateo 26:31-35; Luka 22:31-34; Yohane 13:36-38)

27 Múò Yesu lébláa amú òbée, “Mli fée mléyinkí mí òma. Tsúfè Bulu ònósú atóipú amu bòwanlín wá Bulu asón ámutò bee, ‘Néda akúfa òkparú ámu lédá, mu akúfa bédasáin.’ 28 Táme ní Bulu òkósúa mi tsú afúlitò á, négya mli nkpará yó Galilea òmátó.”

29 Petro lébláa mu òbée, “Ní amú fée beyinkí fú òmá kóráá á, mí mú mméeyinkí ekekekeke.”

30 Yesu lébláa mu òbée, “Ònòkwali nde fú bláa. Onyenu, asa bate òbèle ònò tse nyò á, fòswú pú ìbì wá ogyá tse sa fèe fvmeyín mí.”

31 Inu Petro léfin yabi yi òbée, “Ní lowu igyi kóráá á, mméekíná fú ekekekeke.”

Alí kén atráhe amu é fée beblí ní.

Mpáibò Getsemane

(Mateo 26:36-46; Luka 22:39-46)

32 Boyówie òtnekúá bütetí inu Getsemane. Múò Yesu lébláa mu akasípú amu òbée, “Mlitsia nfi, nòyòbò mpái.” 33 Òlekpa Petro muva Yakobo pú Yohane buo iwí. Inu asón lehié han mu, mu ansí lepe. 34 Múò òlebláa amú òbée, “Asón ihíe de mí háan. Ideklé mò mí. Mlitsia nfi, amligyo.”

35 Inu òlenatí yó nkpará kpalóbí, òleda akpawunu kókóli Bulu òbée, “Ní ìbòwa alé á, ha bré ánfí itsòn misu.” 36 Múò òleblí òbée, “Abba† Mí Sí, fotetálí bwé tógyító. Ha ntá-ewe ánfí† itsòn misu! Táme megýí tóá ndeklé, mbóún múá fòdeklé ìbá mótó!”

37 Oleyinkí bá akasípú amu wá bowun ání bodedidí. Inu su òlefítè Petro òbée, “Simon, fòdedidí? Fumetalí gyo ònhwírí kùle kpán? 38 Mligyo amlíkokoli Bulu, méní mliómòwie isókítò. Tsúfè òhé ámu déklé, táme nyankpòsa lópòn.”

39 Òletrá yòbò mpái, bláa Bulu asòn kua kùle amu kén. 40 Òletrá yinkí ba bowun ání akasípú amu butráa bodedidí, tsúfè didí de amú bu. Bometalí bláa mu asòansu.

41 Bréá òleba otse saasí a, òlefítè amú òbée, “Mliatráa si mliða mliðé òkpónú da? Itsíia alí ngya! Bré ámu lafòn ání bòpu mí,

* 14:24 Ntam pópwe bu nwólú dada amu akotò. † 14:36 ‘Abba!’ así gyí, ‘Mí Sí!’

† 14:36 Ntá-ewe ánfí igyi iwíòsin ání Yesu obòwun.

Nyankpɔsa-Mv-Bi ánfɪ wá lakpan abwɛpó ibɪtɔ. ⁴² Mlikɔsu ayɔ. Mliki, ɔhá ámóú ɔde mí le há ámu ná á!”

Yesu Kitá

(Mateo 26:47-56; Luka 22:47-53; Yohane 18:3-12)

⁴³ Yesu ɔnó mesi asa akasípó dúanyɔ ámɔtɔ ɔkɔleá botetí mu Yuda lóbowie inu. Ɔɔm ání buɔde ndayí pú nkpotí búbuo mu. Bulu igyí ahapú dehen, Mose mbla asunápó pú Yudafɔ ahande amu lówa amó. ⁴⁴ Yuda amóú ɔlele Yesu há ámu lébláa ɔɔm amu yáí ɔbéɛ, “Ɔhá ámóú nélatá pútá ámu gyí ɔhá ámu ni. Mlikita mu kinkíinkín, amlíkpa mu natí.”

⁴⁵ Inu ɔlenatí laa yó Yesu wá, yókpolí mu ɔbéɛ, “Osunápó!” Ɔlelatá mu pútá. ⁴⁶ Inu ahá ámu benatí tó Yesu, kitá mu kinkíinkín. ⁴⁷ Táme inu alípu ámɔtɔ ɔkɔle lótswi mu ɔdayí kpá Bulu igyí ɔhapú dehen osúmbi ɔku isu lé. ⁴⁸ Inu Yesu léfité amó ɔbéɛ, “Ogyo otswapú ngyi, só mlilatsú nkpotí pú ndayí mlebá mí ɔkitákpá? ⁴⁹ Ntsie mli wá Bulu ɔtswékpa wunsínésó inu ekekegyíeke, nde mli ató suná, mlímékítá mí ekekeeke. Iní lahá Bulu asɔn wanlínhé amu ilaba mótt.”

⁵⁰ Inu mu akasípó amu féé besrí sí mu.

⁵¹ Plesi ɔyasubi ɔkúá ɔlɔwa ligá nkɔle. Bekítá mu, ⁵² táme ɔlɔkɔli, sí mu ligá ámu wá amó ibɪtɔ, pú yaya srí.

Yudafɔ Ahande Ansító Lú

(Mateo 26:57-68; Luka 22:54-55, 63-71; Yohane 18:13-14, 19-24)

⁵³ Bekpa Yesu ya Bulu igyí ɔhapú dehen wóyí. Igyí ahapú dehen, Mose mbla asunápó pú Yudafɔ ahande amu féé bafia inu. ⁵⁴ Petro lépetí buo amó ɔma tsútsúútsú, alu yówie wóyítɔ inu. Inu oleyétsiá inu asúmpó wá, ɔde ogyá núu. ⁵⁵ Inu Bulu igyí ahapú dehen pú Yudafɔ asón agyípu[§] atráhe féé bodunká ahá ání béka asón dínká Yesusu, méní bélí amó asɔn blíhésu mó mu, táme bumenya. ⁵⁶ Tsúfé ahá tsɔtsɔtsɔ ɔbɔwa afunu dínká musu, táme amó féé ɔnó lɔtsɔn ɔtsan.

⁵⁷ Inu aku ɔakɔsú ká asón dínká musu beɛ, ⁵⁸ “Anlónuá ɔleblí ɔbéɛ, ‘Nóbwie Bulu ɔtswékpa anfi bapó ibi yi anfi, táme nkensá ɔma a, nélayi pópweá megyí nyankpɔsa ɔbɔpu ibi yi mó.’ ” ⁵⁹ Táme amó é amó ɔnó ɔbwe kɔle.

⁶⁰ Inu Bulu igyí ɔhapú dehen amu lókɔsú líí amó féé ansító, ɔléfité Yesu ɔbéɛ, “Fɔma ɔnó lé? Fɔma asɔnsu blí pólé fú iwí?”

⁶¹ Táme Yesu méle asɔnsu ɔnó. Móbú Bulu igyí ɔhapú dehen amu létrá fité mu ɔbéɛ, “Bulu amóú botekánfó ámu mu Bi gyí fó? Fógýí Kristo, ɔhá ámóú Bulu léda mu ofúli amu) ni?”

⁶² Yesu léle mó ɔnó ɔbéɛ, “Ee! Mí ní! Mlówun ání mí, Nyankpɔsa-Mv-Bi ánfɪ ntsie Bulu Otúmípu gyɔpɪsu ánfɪ ndɪn nwlóttáasu tsú ɔsúsú nebá.”

[§] 14:55 Yudafɔ asón agyípu anfi botetí Sanhedrin Griiki ɔblíto.

⁶³ Bulu igyí ðhapú ðehen amv lékitá mv atadié bálí mú kĩaan.* Múv ðleblí ðbéé, “Adánsié mǝmv anitráa anigyó? ⁶⁴ Mlilanú abususu ání alablí. Nkálí gyí mli agywun?”

Amú fée botsulá ání olegyi pǝn, bǝmǝ mv.

⁶⁵ Amótó akv bǝwa atsonó tutúu wólí mv bl. Bǝpv ató tin mv ansíbi, bǝfulí mv atswé, bláa mv bée, “Bulu ðnǝsú ðǝípú, suna aní ðhá ání ðǝfulí fú itswé!” Inu agyópv amv é bedadáa mv asvǝ.

Petro Lǝswú ðbéé Mǝmeyín Yesu

(Mateo 26:69-75; Luka 22:56-62; Yohane 18:15-18, 25-27)

⁶⁶ Petro lési otsie wunsinésó inu, Bulu igyí ðhapú ðehen amv osúmbi tsíhé ðku léba. ⁶⁷ Bréá olowun Petro tsie ðde ogyá núu a, ðleki mv díín. Múv ðlefité Petro ðbéé, “Fúa Yesu Nasaretyin amv nyo ná.”

⁶⁸ Táme Petro lǝswú blí ðbéé, “Mǝmeyín tǝtǝ tsú asón áñfi fǝdeblí áñfi iwí!” ðlenatí yélí ðkpa ðnǝ, inu bate lǝbun.†

⁶⁹ Osúmbi tsíhé ámv létrá yótu mv inu, ðǝwa ahá ámvú bulí inu ámv bláa bi ðbéé, “Amótó ðkule gyí oyin áñfi.” ⁷⁰ Táme Petro létrá swí pú ibi wá ogyá.

Ilǝbwe kpalobí á, ahá ámvú bulí inu ámv bebláa Petro bée, “Lélé mú á, amótó ðkule fǝgyi, tsúfé Galileayin fú é fǝgyi?”

⁷¹ Inu Petro lǝwa ntam kakáa bi ðbéé, “Neká tǝgyító, mǝmeyín oyin áñfi mǝdé mv iwí asón blí áñfi.”

⁷² Inu bate lǝbǝn otse nyǝǝsi. Múv Petro lékain asón ámvú Yesu lébláa mv ðbéé, “Fǝswú tse sa fée fǝmeyín mí asa bate ðbéle ðnǝ tse nyo.” ámvsv. Múv ðlekpa isú yi, híé sú woo.

15

Yesu Pilato Ansító Lú

(Mateo 27:1-2, 11-14; Luka 23:1-5; Yohane 18:28-38)

¹ ðyi kehe nyanki-nyanki a, Yudafǝ ahandé-ahandé amv fée befia kitá agywun. Akv bǝgyi, Bulu igyí ahapú ðehen, Mose mbla asunápú pú Yudafǝ ahandé atráhe*. Inu beha beklí Yesu, pú mv yǝwa Pilato ibitǝ. ² Pilato léfité Yesu ðbéé, “Fǝgyí Yudafǝ owíe amv ni?”

Yesu léle mú ðnǝ ðbéé, “Ee, mú fablí á!”

³ Inu igyí ahapú ðehen amv beka asón tsǝtsǝtsǝ dínká Yesusu.

⁴ Mú sv Pilato léfité Yesu ðbéé, “Kí asón tsǝtsǝtsǝá baká dínká fǝsú, fǝma mú ðnǝ lé?”

⁵ Táme Yesu mǝle asvansu ðnǝ. Mv sv ilǝwa Pilato wánwan.

Yesu Lowu Ipǝn Ha

(Mateo 27:15-26; Luka 23:13-25; Yohane 18:39-19:16)

* **14:63** Ilosuná ání asón ámv lawíé mv iwitǝ ðubi. † **14:68** Inu bate lǝbun uma nwóló dada amv akotǝ. * **15:1** Ahandé atráhe anfi bǝtetí Sanhedrin Griiki ðblíto.

⁶ Katsun Nke kugyíkoto á, igyi omású ogyípú Pilato amándié ání obési obu adipótó okoleá amú onutó budeklé há amú. ⁷ Oyin okvá boteti mu Baraba muva mu aba buda obu ali bré ámutó. Bókusú líí omású, kpokiti léda, bomo oha mótó. ⁸ Odóm amú bogo Pilato wá yóbwií ipa há mu bee, osii obu odipú okole ha amú ali amú otetsiá bwé há amú ámu. ⁹ Múú Pilato léfité amú obée, “Mlídéklé mlíaa, nsii Yudafó Owíe anfi ha mlí lóó?” ¹⁰ Oléfité amú ali, tsufé olowun ání Yesu iwí olu sù Bulu igyi ahapó dehen amu bakítá mu ba mu.

¹¹ Igyi ahapó dehen amu beha odóm amu onó bee, bukókoli Pilato, osi Baraba mboún ha amú. ¹² Pilato létrá fité amú obée, “Ntó mbwée ohá amúú mlídéti mlíaa, Yudafó Owíe amú?”

¹³ Inu amú féé bósorá okitikíti bee, “Da mu manta oyikpalíhesu!”

¹⁴ Pilato léfité amú obée, “Tsitsa momo alabwé?”

Táme belasurá okitikiti kóklókúú bee “Da mu manta oyikpalíhesu!”

¹⁵ Pilato dékléá obóbwe odóm amu apé há amú. Mú su olesi Baraba há amú, oheha mu isá akópú bepítí Yesu mpli, olopu mu wá amú ibitá obée, buyéda mu manta oyikpalíhesu.

Yesu Ahinlá Bwe

(Mateo 27:27-31; Yohane 19:2-3)

¹⁶ Isá akópú ámu bekpá Yesu ya omású ogyípú amu wóyító. Beti amú aba isá akópú atráhe amu féé, beda Yesu obun. ¹⁷ Bopu ligá pepe ku wá mu, bəlu obungyo-awu, bwé mú owíepa bun mu nwun. ¹⁸ Inu bəbwe mu ahinlá, beti mu bee, “Yudafó Owíe, fú nkpasu onlinsu!” Bətswi opé! ¹⁹ Inu bəpu oyí sísi mu nwunto, tutúu atsunó wólí mu, dá akpawunu mu ansító. ²⁰ Bəbwe mu ahinlá tá á, bəwóí amú ligá pepe amu, yínkíá mu onutó atadié wá mu, bekpá mu dáli beyéda mu mántá oyikpalíhesu.

Yesu Da Mántá Oyikpalíhesu

(Mateo 27:32-44; Luka 23:26-43; Yohane 19:17-27)

²¹ Bafia Kireneyin okvá boteti mu Simon, ogyi Aleksandro muva Rufo osí. Otsú abú así obá, beka mu híé bee, osóra oyikpalíhe amu. ²² Múú bekpá Yesu ya otinekvá boteti mu Golgota. Mú así gyí, “Nwun Okokobi Otsiákpá.” ²³ Bopu afá kvá iteba iwəsin así wá ntátó tin Yesu onó bee onúu, táme omonu. ²⁴ Beda mu mántá oyikpalíhe amusu tá á, beye mu atadieto. Inu bətswi abi púki ohagyíoha ogyíkpá. ²⁵ Ibóbwe fé nyanki dokwebátó beda mu mántá oyikpalíhesu. ²⁶ Múú bəwanlín tóá svá bude mu da mántá oyikpalíhe amusu dínká mu awunso bee, “YUDAFÓ OWÍE.” ²⁷⁻²⁸ Beda awikplu abanyó aku é mántá

nyikpalihesu tsía motò. Okole bu mu gyapisu, okole é bu mu binasu.†

²⁹ Inu atsónpu bokpokpòu nwuntò, blí mu iwí abususu bee, “Yée fú fee, fétalí bwíé Bulu otswékpa amu, lápwe mu nkensá owítò ní? ³⁰ Hò fú iwí, afokpli tsu oyí ámusu aki!”

³¹ Bulu igyí ahapú dehen pú Mose mbla asunápú amu é bəbwe mu ahinlá bee, “Olohò ahá nkpa, táme emetalí hò mu iwí. ³² Ní mugyí Israelfò owíe, Kristo, (ohá ámúú Bulu léda mu ofúli) a, okplí tsu oyí ámusu awun, ahò mu gyí!”

Ahá ámúú beda mántá oyísú mu gyapisu móa binasu ámu é bəbwe mu ahinlá.

Yesu Lowu

(Mateo 27:45-56; Luka 23:44-49; Yohane 19:28-30)

³³ Bréá dódúanyò leda á, owí leta osulòu amusu féé alu yòfon ntópwe dəsata. ³⁴ Dosa ámutò a, Yesu lókpłun kóklókúú, blí obée, “Eloi, Eloi, Lama Sabaktani?” Mú asi gyí, “Mí Bulu, mí Bulu, ntogyi sù fakpá mí əma?”

³⁵ Ahá ámúú bulú inu ámutò aku bonu asón ánti, bebli bee, “Mlilu, əde Elia kpolí.” ³⁶ Inu amótò oku lésrí tsú osapo, púdá ntá odáitò, púyi oyísú, tsú mú fúa pótin mu onò obée, onúu. Múú obebli obée, “Mlilu aki bee, Elia obéba besiei mu lé oyí ámusu?”

³⁷ Inu Yesu lókpłun kóklókúú, əlele əh.

³⁸ Inunu Bulu lébalí tatiá bəpuká otswékpa obu ámutò anyò, tsú awunso beyi asi. ³⁹ Bréá isá akəpú əhandéá əlí Yesu ansítò ədekú lówun alá Yesu léle əh é tráhe a, əbebli obée “Lélé, Bulu mu Bi oyin ánti gyí!”

⁴⁰ Atsi aku é bulú ifóntò budekú sisí. Amótò aku gyí, Magdalayintse Maria, Salome pú Maria ánti ələkwí Yakobo muə mu gyama Yosef. ⁴¹ Amú é betsiá buo Yesu, tsíá kú musu bréá əbu Galilea. Atsi tsətsətsə akúá bobuo mu ba Yerusalem é bobu inu.

Yesu Pulá

(Mateo 27:57-61; Luka 23:50-56; Yohane 19:38-42)

⁴² Eke ámu igyí ekeá Yudafo butəpólá iwí asa butegyí amú əkpúnú ədaké. Bréá owí depon a, ⁴³ Arimateayin Yosef lówa ikłun yó Pilato wá yókolí mu obée, osii Yesu fúli ha mu amopula. Yudafo asón ogyípú ogyi, butobú mu. Mu é əde Bulu iwíegyí ámu əkpa kú. ⁴⁴ Ułwa Pilato wánwan ánti Yesu lawúna wu. Mú su əleti mu isá akəpú əhande, fité mu ní olowu ilawá əpá. ⁴⁵ Bréá isá akəpú əhande amu lótsulá mósú á, Pilato lési fúli amu há Yosef. ⁴⁶ Múú Yosef lóhə əhráda, ələyò yésiei Yesu lé oyí ámusu, kíkli mu wá əhráda ámutò, tsú mu yópulá obə kúá beda butátò, olemináa ibwi yíléyilé ku tin əbò ámu onò. ⁴⁷ Magdalayintse Maria muə Yosef mu yin Maria bowun Yesu opulákpá.

† 15:27-28 Mótò yée 28 bu nwólò dada amu akotò: Inu léha Bulu asón ámúú bəwanlín tswi amu léba mótò. Asón ámu gyí, “Bekla mu wá lakpan abwepótò.”

16

Yesu Kòsú Tsú Afúlitò

(Mateo 28:1-8; Luka 24:1-12; Yohane 20:1-10)

¹ Yudafo òkpónú òdaké ámu ìlòtṣun a, Magdalayintse Maria mu Yaakobo mu yin Maria pú Salome bḥḥo ofobí fánfán ku bεε, beyékpa Yesu fúli amu. ² Kwasiada nyanki, bréá owí lopwié a, bḥḥo Yesu opulákpá inu. ³ Bréá bḥna òkpatò á, amó wulewule bude aba fité bεε, “Ma abénya obémináa ibwi ámu lé òbó ámu ònó há aní?” ⁴ Botsu ansí ki a, bamína ibwi ámu lé òbó ámu ònó dodo. Ibwi ámu léhiε móní. ⁵ Bréá bebitiwíé òbó ámuṭò á, bowun aní òyasubi òku lówa ligá futúúúúú, otsie òbó ámu gyòpṣu. Ifú lekítá amó.

⁶ Òyasubi ámu lébláa amó òbéε, “Mlímányá ifú. Nawun aní Yesu Nasaretyin amóú bεda mántá oyikpalíhεsu ámu mlidédunká. Bulu lakósúa mu, òma nfi. Mlúki òtíné amóú bopulá mu amu. ⁷ Mliyεbláa mu akasípú amu pú Petro mliaa, alagya mli nkpa òyó Galilea òmátó. Inú mlówun mu fé alí amóú òlebláa mli ámu ni.”

⁸ Inu bεsrí dalí òbó ámuṭò, tsúfé opúni letsii amó, ònó é lobwie amó. Mú su bréá bḥḥo á, bḥmεbláa òhaa, tsúfé ifú de amó, budekprínki kprakpakpaka.

Yesu Iwíwanle Súná Magdalayintse Maria

(Mateo 28:9-10; Yohane 20:11-18)

⁹ [Kwasieda bakε, bréá Yesu lókusú tsú afúlitò á, olegyankpá lé iwí òwan súná Magdalayintse Maria amóú olegya òhε laláhe asienó lé muṭò ámu. ¹⁰ Mu é òleyébláa Yesu abúopu amóú bude mu sú, bude awiréhó gyí amu. ¹¹ Táme bréá òlebláa amó òbéε, Yesu lakósú, mawun mu a, bḥmohogyi.

Yesu Iwíwanle Súná Mu Abúopu Abanyó

(Luka 24:13-35)

¹² Iní òma a, Yesu léle iwí òwan òkpa bámbású súná mu abúopu abanyó bréá bḥna bḥḥo akuda, táme bḥmòkòsí bí mu. ¹³ Amó é beyínki yébláa atráhe amu, táme amó é bḥmohogyi.

Yesu Iwíwanle Súná Mu Akasípú

(Mateo 28:16-20; Luka 24:36-49; Yohane 20:19-23; Gyumagyihe 1:6-8)

¹⁴ Iní féé òma a, Yesu léle iwí òwan súná mu akasípú dúòkun ámu bréá bude ató gyí. Amó klòntò-odwin pú amó máhógyi su òlòwa iyin wá amó. Tsúfé bḥmòhḥo ahá amóú bowun mu mu kusú tsú afúlitò òma amu gyi. ¹⁵ Múú òlebláa amó òbéε, “Mlyò òyító féé, amlyεda Bulu asun wankláan ámu òkan ha ahá féé. ¹⁶ Òha aní olohogyi, bḥḥo mu asú á, Bulu òbḥḥo mu nkpa, táme òhá aní omohogyi obégyi pón. ¹⁷ Osúna anfi obóbuo ahá aní bohogyi ni. Bégya òhε laláhe mí idátó, béblí òblíu bámbá, ¹⁸ békítá awó

ibitɔ, bónu afá aní itámó kugyíku, táme imóɔbwe amó tɔtɔ. Bópu ibi dínká alɔpɔsu, iwí bówa amó ɔnlɔn.”

Yesu Ɔsósú Yɔ

(Luka 24:50-53; Gyumagyihɛ 1:9-11)

¹⁹ Bréá aní Wíe Yesu lébláa amó asón tá á, Bulu lótsu mu ya ɔsósú, oleyétsiá mu gyɔpɔsu. ²⁰ Mu akasípú amu befi así buɔɔ asón ámu ɔkan da ɔtínegyíɔtíné. Aní Wíe Yesu lélí amó ɔma bɔyɔ agyómá. Ɔlɔtsɔn osúna aní bɔbweɔsu, wá asón ámu ɔwɔnlín.]*

* **16:20** Mótó yée 9-20 ima nwɔlɔ dáda amu akɔtɔ.

Asun Wankláán Aní Luka Lówanlín

¹ Onumnyampu Tiofilo:

Ahá tsətsətsə babó mbódí wanlín tóá ɔlɛba anɪtə tswɪ.
² Bəwanlín tóá ahá á múú bəbɪ ɪnɪ tsú mó nfiasí, bɪgyi mó asúmpú amɪ bowun, dá mó ɔkan amɪ bebláa anɪ pépéépé.
³ Onumnyampu Tiofilo, mí é nabó mbódí kwí mótó wankláán tsú mó nfiasí. Mó sɪ ndekléá nówanlín mó pépéépé há fú, ⁴ ménɪ fébíá ató á múú basúná fú á mɪ ɔnəkwalɪ.

Asú Ɔbəpú Yohane Kwí Asón

⁵ Bréá Herode dé iwíe gyí Yudea ɔmátó á, Bulu igyí ɔhapú ɔku létsiá, bɪtɛtɪ mɪ Sakaria. Otsú Bulu igyí ahapú ɔpasua kɪá bɪtɛtɪ mó Abiatə. Mɪ ka gyí Elisabet, otsú Bulu igyí ɔhapú Aaron abí-anátó. ⁶ Mɪa mɪ ka asón da ɔkpa Bulu ansító. Bɪtegyi anɪ Wíe Bulu mbla pú mɪ nhɪhé féésú pépéépé. ⁷ Bɪma obí, tsúfé Elisabet mégyí ɔtsɪ kwíípú. Mɪa mɪ kulu féé bahié dan.

⁸ Ɛke ɔku ɪlɔtɪ Sakaria aná ɔpasua aní amú ɔbéha Bulu igyí. Sakaria lóyɔ ɔbɪ Bulu ansító ɔde mɪ agyómá yɔ. ⁹ Abi bɪtətswɪ pulé ɔhá aní obébitíwíe Ɔwankíkpa ɪnɪ yówa ɔhíén ogyá, igyí ahapú á mɪ amándíé ɔnó. Bətswɪ a, ɪleyi Sakariasɪ. ¹⁰ Bréá ɔde ɔhíén á mɪ ogyá wa á, ɔdəm aní bəyɔ ɔtswékpa ɪnɪ féé bulí kpankpa bɪde mpá bə.

¹¹ Bulu-ɔbəpɪ ɔku lébelí afədiɛ-asubwɪ á mɪ gyəpɪsɪ, lé ɪwɪ ɔwan súná Sakaria. ¹² Bréá olowun Bulu-ɔbəpɪ amɪ a, ɔləwan, ifú lowie mɪ ayetə. ¹³ ɪnɪ Bulu-ɔbəpɪ amɪ lébláa mɪ ɔbéɛ, “Sakaria, mánya ifú! Bulu lanú fú isú. Fú ká obénya ɔmé kwí obi yinhé há fú. Dɪnka mɪ dá ‘Yohane.’” ¹⁴ Obí ánfɪ kwí bówa mɪ ɔdwe, wá mɪ ansigyí. Ibówa ahá tsətsətsə é ansigyí. ¹⁵ Tsúfé kebi á mɪ ɔbóbwe ɔha kɔnkpɔntɪ Bulu ansító. Nta bɪhé kɔkɪ máda mɪ ɔnó ekekeke. Ɔɲe Wankíhé ɔbóbúlá mɪtə tsú bréá ɔbɪ mɪ yin ɪwɪtə. ¹⁶ Ɔbéha Israelfɔ tsətsətsə bédamlí klɔntə ba amú Wíe Bulu wá. ¹⁷ Bulu ɔnósú ɔtáípúElia túmɪ pú mɪ ɔɲé bətsiá mɪtə. Obégya anɪ Wíe nkpa bá. Ɔbéha abí así bódwe amú abí, ɔbédamlí ahá aní bɪtəkósú lí Bulusɪ agywɪn, ɪbwe fé yilé abwepú klé, ménɪ ɔbéla ahá yáí wankláán há anɪ Wíe.”

¹⁸ Sakaria léfité Bulu-ɔbəpɪ amɪ ɔbéɛ, “Ntə nópɪbí aní asón ánfɪ ɪbéba mótó? Tsúfé mía mí ká anɪlapɔn.”

¹⁹ ɪnɪ Bulu-ɔbəpɪ amɪ lébláa mɪ ɔbéɛ, “Mí dá gyí Gabriel. Bulu ansító ɔlípú ngɪ. Mɪlává mí ɔbéɛ, mbébláa fɪ asun wankláán ánfɪ. ²⁰ Tsú nde póya ekeá asón ánfɪ ɪbéba mótó á, fótə

omúmu, tsúfě fóməhə mí asún blíhé anfi íbéba mó brétó anfisv gyi.”

²¹ Ụ́b̀wẹ́ alí á, ụ́wáńkí ahá ámú́ b̀lú́ b̀gyo Sakaria amu t́á s̀á alawá ọ́pá ọ́swékpá obutótó ụ́w alí. ²² Bréá ọ́edali ba a, alat́ omúmu. Mó sv bowun áńí alawun t́k̀v obutótó ụ́w. Iníá ọ́metáńlí t́ń sv á, ọ́p̀v mu ị́b ị́ḿa mu nwun bláa amú asún.

²³ Sakaria létsiá ọ́swékpá ụ́w ýf̀v̀n ekeá ọ́leha Bulu igyí tá, oleyinkí yó wóyí. ²⁴ Nke ámu ọ́ma a, Elisabet lénya ọ́mé, tsíá ńáń ị́w ị́ alu tsra anu kéké. ²⁵ Elisabet léblí ọ́bée, “Iní mí Wíe Bulu labwé há mí ní. Alawun mí nwẹ, dínkí nsúpa lé mísó ahátó.”

Yesu Kwí Ịwí Asún

²⁶ Bréá Elisabet ọ́mé l̀hə tsra asie á, Bulu ĺwa mu ọ́p̀v Gabriel wúlu kvá ị́b Galilea ọ́mátó, b̀tətí mó Nasaret. ²⁷ Bulu ĺwa mu obitebí ọ́kvá ọ́mákwódí oyin wá k, b̀tətí mu Maria wá. Alí bré ám̀tə b̀dεp̀v obitebí ámu há oyin ọ́kvá b̀tətí mu Yosef, ogyi owíe Dawid mu na bεε otsiá. ²⁸ Bulu-ọ́p̀v amu léba Maria wóyítə beha mu itsiá, bláa mu ọ́bée, “Bulu lagyi f̀v b̀vəle, alahíe yúlá f́!”

²⁹ Asún anfi ləha Maria légyigyáa, ọ́lefíté mu ị́w ọ́bée, “Ngya ntə itsiá odu ọ́há anfi lahá mí alí?” ³⁰ Bulu-ọ́p̀v amu lébláa mu ọ́bée, “Maria, mánya ifú. Bulu lahíe yúlá f́! ³¹ K, fénya ọ́mé kwí obi yinhé. Dinka mu dá ‘Yesu.’ ³² Ọ́b̀b̀wẹ́ ọ́ha yílé. Bétí mu Ọ́súsúsú Bulu mu Bi. Aní Wíe Bulu ọ́b́yáí mu mu nain Owíe Dawid obíasó. ³³ Obégyi iwíe Yakob* wóyísó bré f́éé́t. Mu iwíegyi móəmə ọ́nə ekekekeke.”

³⁴ Maria léfíté Bulu-ọ́p̀v amu ọ́bée, “Nkálí ị́b̀b̀wẹ́ asa ị́n ị́béba mótó, tsúfě mmeyín oyin.”

³⁵ Bulu-ọ́p̀v amu léle mó ọ́nə ọ́bée, “Ọ́hε Wankíhé ọ́béba f̀sv. Ọ́súsúsú Bulu ámu túmí b̀bun f̀sv. Iní sv ahá bétí Obi wankíhé amú́ f́kwí ámu bεε, ‘Bulu mu Bi.’ ³⁶ K, f́ obusuanyin Elisabet kóráá ọ́b́ b̀kwí obi yinhé mu tsídεhεn anfitə. Ahá bεε, megyí ọ́tsi kwí́p̀v ogyi, táme mu ọ́mé lahə tsra asie dodo. ³⁷ Tsúfě t́tə m̀dón Bulu bwe!”

³⁸ Ị́w Maria lébláa Bulu-ọ́p̀v amu ọ́bée, “Bulu osúmbi ngyi. Ị́b́a mótó ha m ị́ f́e alíá fablí.” Ị́w á, Bulu-ọ́p̀v amu lénatí sí mu.

Maria Léyesíndá Elisabet

³⁹ Nke ám̀tə á, Maria ĺkólá ató, wa ọ́sa yó Yudea abusu wúlu kvətə. ⁴⁰ Múú olowie Sakaria wóyító há Elisabet itsiá. ⁴¹ Elisabet lénya nú itsiá ámu alí kebi ámu lékan ị́w mu ị́wıtə, Ọ́hε Wankíhé l̀búlá m̀tə. ⁴² Ị́w ọ́l̀kplón blí ọ́bée, “Bulu layúlá f́ ọ́tsi f́éé́t. Alayúlá f́ ị́wıtə obí ámu é. ⁴³ Iyé! Mí Wíe mu yin onutó lába mí wá á? Ntogyi ś Bulu lawá mí numnyam anfi odu? ⁴⁴ K, nenyánú f́ itsiá ámu alí obí ámú́ ọ́b ị́ wíwıtə ámu lékan ị́w

* 1:33 Israelfə gyí Yakob abí-aná.

ansigyísó. ⁴⁵ Bulu layúlá fú, tsúfé fahogyi ání tóá alahíé há fú íbèba mótó.”

Maria Bulu Kanfò Ilv

⁴⁶ Inu Maria lówa ìv òbée,

“Mí òkláa dé mí Wíe Bulu kanfó.

⁴⁷ Mí Nkpa Òhópù Bulu lahá ansí de mí gyí.

⁴⁸ Tsúfé alakáín mí mv osúmbi ání òma tótò bwetósó, wun mī nwe.

Tsú séí póya a, abí-aná fée bébli bee, Bulu layúlá mí.

⁴⁹ Bulu Otúmípu amv labwé ató kpònkpònti há mí.

Òlòwankí.

⁵⁰ Otowun ìlín kugyíkòtò

ahá ání bvtényá mv ifú nwe.

⁵¹ Alapú mv túmi bwé ató akpònkpònti,

pódá iwí atsupó nwuntò asón sáín.

⁵² Alakplí awíe mbíásó,

tsú ahá ání buma tótò bwetó fúá.

⁵³ Alahá ahíánfò bamlí iwí anyapó,

há iwí anyapó banátí íbíkpan.

⁵⁴⁻⁵⁵ Alakpá mv asúmpó Israelfò.

Òmetan ání òleblí òbée, mówun aní anáín Abraham

mva mv abí-aná nwe bré fée,

fé alá òlebláa amó.”

Alí Maria lómò mv ìv ámv ònó ní. ⁵⁶ Oletsíá Elisabet wá fé tsra asa asa oleyinkí yó wóyí.

Asú Òbapó Yohane Kwí

⁵⁷ Bréá Elisabet lóbòkwí á, òlòkwí obi yinhé. ⁵⁸ Mv abusuanfò pú mv aba bonu ání aní Wíe Bulu lahié wun mv nwe. Mó sv ansí légyi amó fée.

⁵⁹ Obí ámv lénya ndawótswí á, mv iwísv ahá beba mv obuto òlekpa, abvtn mv keté, dínka mv dá. Tekí bee abvpu mv sí dá Sakaria dínka mv, ⁶⁰ táme mv yin lébláa amó òbée, “O-o! Mlídínka mv Yohane.”

⁶¹ Ahá ámv bebláa mv bee, “Anímókónú abvti fú obusuanyin òkòkò alí kí.” ⁶² Inu bòbwe mv sí íbì, fité mv alá bvú kebi ámv.

⁶³ Sakaria lóbwe íbì òbée bvtsúu tòkú ha mv amòwanlín mó dínka mósó, òlòwanlín òbée, “Mv dá gyí ‘Yohane.’ ” Ilofwie amó fée. ⁶⁴ Inuvu mv òdandv lesankí, òlòtòí kánfú Bulu. ⁶⁵ Ifú lekítá apíó aba ámv fée. Alí asón ánfí lekí wá Yudea abvsv awúlu amv fée. ⁶⁶ Òhagyícha ání olonu asón ánfí léfité mv iwí òbée, “Ntò obí kebi ánfí òbòbwe ekekú?” Tsúfé òlòwankí amó ání Bulu íbì dín mvsv.

Sakaria Bulu Kanfò Ilv

⁶⁷ Inu á, Òge Wankíhé lòbolá Sakariatò, òlòwa asón ání Bulu lapóhá mv blí bì.

⁶⁸ Òbée,

“Mliha akanfu anı Wíe Israel Bulu.

Tsúfẹ alabelẹ mu ahá, há anilagyi iwı.

69 Alalé Ọhọpọ Ọwọnlínró ọkọ

tsú mu osúmpọ Owíe Dawid abusuantọ há anı.

70 (Fẹ alíá ọlẹbí tson mu ọńsọ atọ́pọ wankíhé amọsu tswı dodoodo.)

71 Ọbée, méle anı tsú anı alupọ

pú ahá áńı butamafia anı ıbitọ.

72-73 Ọbée, mówun anı anáın nwe.

Ọmẹetan mu ntam wankíhé amúú ọleka há anı náın Abraham amọsu.

74 Ọbée, méle anı tsú anı alupọ ıbitọ,

méńı abétalí súm mu, anımẹenya adón ifú.

75 Ọbéha abóbwe mu ahá,

bwé yilé mu ansísú anı nkpatọ fẹé.

76 Mí bí, fọ mú á, ahá bétı fọ beẹ, ‘Ọsúsúú Bulu ámu ọńsọ ọtọ́pọ.’

Tsúfẹ fégya anı Wíe nkpa,

lá ọkpa há mu.

77 Fẹ́bláa mu ahá fẹẹ, Bulu ọbétalí họ amú nkpa

tson lakpansikiésú.

78 Anı Wíe Bulu nwewúun su

Kristo amọ ọbédalı fé owı tsú ọsúsú ba anı wá.

79 Ọbówankı wólı ahá amúú bọtsie oklúntọ pú lowu ọkpasu ámu fẹésú.

Ọbékpa anı tson iwılwii ọkpasu.”

Inı Sakaria lópumọ mu asún ọńó ní. ⁸⁰ Kebi ámu lédan, nya Ọhétọ ọwọnlın. Oletsíá dimbísú alı yófọn ekeá ọlele iwı ọwan súná Israelfọ.

2

Yesu Kristo Kwı
(Mateo 1:18-25)

¹ Alı bré ámutọ á, Roma owíe dehen Augusto lówa mbla ọbée, bukłáa ahá áńı bọbọ Romafọ ası fẹé, abọwanlın amú adá.

² Múgyı ahákla gyankpapọ ní. Alı bré ámutọ á, oyin ọkọá bọtetı mu Kirenio dé Siria ọmású gyı. ³ Inı su ọhagyıọha lóyọ dá ọwanlınkpá mu onutọ wúlutọ.

⁴ Yosef é lókusú tsú Nasaret wúlu áńı ıbu Galilea ọmátọ dú yó Yudea ọmátọ, Owíe Dawid wúlutọ Betlehem. Tsúfẹ Owíe Dawid mu na ógyı. ⁵ Mva Maria amúú bapóhá mu beẹ otsía, ọna odwinsu ámu nyo lóyọ dá ámu ọwanlınkpá. ⁶ Bréá bọbọ Betlehem inọ á, ikwı lẹkan Maria, ⁷ ọlkwı mu bitı, ogyı oyin. Ọlẹkıklı mu wá tatidatọ, pú mu tswı mbwı atogyihe dákato, tsúfẹ bọmenya otsiákpá afọ́ ọswıkpá.

Akúfa Akpapú Pọ Bulu-abọpọ

⁸ Alí bré ámtǝ á, akúfa akpapú aku bubu inu fón dimbítǝ, buǝe amú akúfa iwí gyo onyé. ⁹ Bulu-abǝpu léle iwí ōwan súná amó, Bulu numnyam lówankí wólí amósó. Mó su ifú lehie kítá amó. ¹⁰ Inu á, Bulu-abǝpu amu lébláa amó abéé, “Mlimánya ifú! Mliki, napú asún wankláán ání íbówa mliá oyítǝ ahá féé ansigyí ba mli. ¹¹ Nǝe bakwíí nkpa Ǟhǝpu, aní Wíe Kristo, (Ǟhá amóú Bulu ladá mu ofúli amu) há mli Owíe Dawid wúlutǝ! ¹² Tǝá mlǝpúbí mu gyí, mlówun kebi bǝbwe akúá bapú tatida kíkli mu iwí, ōda mbwí atogyihé dákatǝ.”

¹³ Ǟtsáwule pé á, Bulu-abǝpu tsǝtsǝtsǝ beba bǝtsiá Bulu-abǝpu amǝtǝ, buǝe Bulu kanfó bǝe,

¹⁴ “Mliha apu numnyam ha Buluá abu asúsúsó!

Iwí ilwii ahá ání Bulu ansí tegyi amó iwí asólósú.”

¹⁵ Bréá Bulu-abǝpu amu beyinkí yó asúsú á, akúfa akpapú ámu bebláa aba bǝe, “Mliha ayǝ Betlehem, ayekí itó ánfí ilaba, Bulu lalé súná aní ánfí.”

¹⁶ Inu su bǝwa asa yó. Lélé á, bowun Maria muá Yosef pú kebi bǝbwe amu, ōda mbwí atogyihé dákatǝ. ¹⁷ Bréá bowun kebi ámu a, bele mu iwí asún amóú bonu ámu blí. ¹⁸ Akúfa akpapú asún ánfí lówa ahá ání bonu mó féé wánwan. ¹⁹ Táme Maria mó lékítá asún ámu féé wá nwuntǝ, tsíá gywíín mó iwí. ²⁰ Bréá akúfa akpapú ámu beyinkí bǝyó á, buna buǝe Bulu adábi da, kánfó mu, asún amóú bonu pú itó amóú bayówun fé alí amóú Bulu-abǝpu amu lébláa amó ámu su.

Yesu Idá Dinká

²¹ Kebi ámu obuto akéké á, betin mu keté, dinká mu dá Yesu. Idá ánfí Bulu-abǝpu amu léha mu asa mu yin lénya mu omé ní.

Yesu Puya Bulu Ǟtswékpa

²² Bréá mu akwíípú bǝgyuráa iwí Mose Mbla onó lǝfun a, bǝpu mu dú yó Yerusalem, pú mu yǝpu wá Bulu íbitǝ. ²³ (Tsúfé bǝwanlín wá Mose Mbla ámtǝ bǝe, “Ilehián ání Israelfǝ bǝpu amó bití okugyíakko há Bulu.”) ²⁴ Mó su bǝyǝbǝ afǝǝie ámu Mbla ámu onó. Abrǝǝuma anyǝ ntéé aklobi anyǝ bǝpubó alí afǝǝie ánfí há Bulu.

²⁵ Alí bré ámtǝ á, oyin dehen akú bu Yerusalem, butetí mu Simeon. Yilé abwepú ógyi, otenyá Bulu ifú. Ǟhe Wankíhé bu mǝsu, otsie ogyo bréá Bulu abǝpu Ǟlepú ba mu ahá Israelfǝ. ²⁶ Ǟhe Wankíhé amu léle súná mu ání omóowu, yǝfun bréá alawun Kristo, (Ǟhá amóú Bulu ladá mu ofúli amu) asa. ²⁷ Ǟhe Wankíhé amu léha Simeon lóyǝ Bulu ǝtswékpa wunsínésó. Alí bré ámtǝ á, Yesu akwíípú baba mu amándíé ánfí abwepá fé alí Mose Mbla ámu leblí. ²⁸ Inu Simeon lǝhǝ kebi bǝbwe amu, akékanfó Bulu abéé,

²⁹ “Mí Wíé! Asún amóú feblí tswí amu ilaba mótǝ.

Séi mó á, mí fǝ osúmbe anfi nétalí wú iwílwíitǝ गया.

30 Tsúfẹ mí onutó napú mí ansíbi wun Ɔlepú ámu.

31 Fú onutó falá mu bwé ahá fẹ́é ansító.

32 Wanki ogyi, ɔbéle fú súná ahá ání bumegyí Israelfo, pú numnyam ba fú ahá Israelfo.”

33 Asún ánfí Simeon léblí tsú kebi bɔbwe anfi iwí leha onó lobwie mu akwíró. 34 Simeon lóyulá amú, ɔlebláa obí mu yin Maria ɔbéé, “Ina kebi ánfí sɔ Israelfo ɔfan bédida, ɔfan é béli. Osúna ogyi tsú Bulusu, ahá bókusú líi musu. 35 Iní sɔ Bulu ɔbéha ahá tsɔtsɔtsɔ klɔnsu asún bélin ɔwan. Fú é á, awirehɔ béhie kítá fú klɔn. Ibóhɔ fú ɔsin fé ɔdayí iya anyɔ bakpié yi fu.”

36 Ɔtsi dehen ɔkúá ogyi Bulu onósó ɔtáíró é bu mu. Mu dá gyí Hana. Mu sɔ gyí Fanuel, otsú Asa abusuantɔ. Ɔtsi dehen anfi muɔa mu kulu betsiá aba nfinsienó, mu kulu lówu. 37 Olosu isura alu bɔfɔn bréá ɔlɔhɔ nfi adukwe-na (84). Ɔlɔpɔ Bulu ɔtswékpa wunsínésú mu mlí mu ɔdikpa, ɔde Bulu súm, klí onó, b́ mpái ɔpa múa onyé. 38 Mu é ɔledali ba bekanfú Bulu, blí kebi bɔbwe amu iwí asún súná ahá ámúbú bɔde Yerusalemfo iwígyí ɔkpa kí amu.

Yesu Yinkia Ya Nasaret Wuluto

39 Bréá Yesu akwíró bɔbwe amándíé ámu tá Bulu mbla ámu onó á, beyinkí kplí yó amó wúluto Nasaret, Galilea ɔsulúsu.

40 Kebi ámu lédan, nyá ɔwonlín, nyá nyánsa, Bulu é lóyulá mu.

Yesu Bu Bulu Ɔtswékpa

41 Yesu akwíró butetsiá yó Yerusalem yégyi Israelfosɔ Katsɔn Nke offigyíofi. 42 Bréá Yesu lóhɔ nfi dúanyɔ á, muɔa amónyɔ bɔyɔ nke ámu ogyíkpa fé aliá butɔyó yáí. 43 Bréá begyi nke ámu tá beyinkí á, Yesu akwíró bumebi ání alasin mu. 44 Buki beɛ muɔa mu abanyɔ ná. Mú sɔ benatí ekewóle owító asa bɔwa mu dunká apió abato bi. 45 Bréá bodunká mu kásián á, beyinkí yó Yerusalem, yódunká mu. 46 Eke saási a, boyówotíí musu Bulu ɔtswékpa wunsínésú mu. Otsie Mose mbla asunápú wá, ɔde asu yáa amó asóntó, ɔde amó asún fité. 47 Onó lobwie ahá ání bubu mu fẹ́é, tsú aliá ɔde asún ámu así nu pú aliá ɔde mú onó le. 48 Onó lobwie mu akwíró bréá bowun mu. Mu yin léfité mu ɔbéé, “Mí bí, ntogyi sɔ fabwé aní alí? Mía fú sínyɔ ansí lapé anidé fú dunká.”

49 Inu Yesu léfité amó ɔbéé, “Ntogyi sɔ mlidé mí dunká? Ilehían ání mlébi ání mí Sí wóyító nétsiá.” 50 Táme mu akwíró bumonu asún ání ɔde amó bláa asi.

51 Muɔa amónyɔ beyinkí yó Nasaret, ɔleba iwiasí há amó. Maria lékítá asún ámu fẹ́é wá kpawunuto, tsíá gywíín mú iwí. 52 Yesu lédan, wa ɔwonlín, nyá nyánsa, Bulu múa anyánkpa fẹ́é ansí legyi mu iwí.

3

Asú Ọ̀bọ̀pọ̀ Yohane Bulu Asón Ọ̀kanda
(Mateo 3:1-12; Marko 1:1-8; Yohane 1:19-28)

¹⁻² Roma owíe dehen Tiberio iwíegyi ofi dúanusitọ́ á, Bulu lébláa mu igyi ọ́hapọ́ Sakaria mu bi Yohane dimbísú ọ́bée, ọ́dáa mu asón ọ́kan. (Alí bré ámutọ́ á, Pontio Pilato dé Yudea ọ́mású gyí. Herode dé Galilea ọ́mású gyí. Herode mu dehen Filipino é dé Iturea pọ́ Trakoniti ọ́mású gyí, Lisania é dé Abilene ọ́mású gyí. Bulu igyi ahapọ́ dehen aní bọ́bu inu alí bré ámutọ́ é gyí Hana muwa Kaiafa.) ³ Mú sọ́ Yohane léki Yordan bọ́nkpa ọ́nọ́, ọ́de ọ́kan da bí ọ́bée, “Mlídamlí klọ́ntọ́, amlísi lakpan bwe. Bulu osikie mlí, ambọ́ mlí asú.”

⁴ Bulu ọ́nọ́sú ọ́tọ́pọ́ Yesaia lówanlín Yohane iwí asón wá mu ọ́wulótọ́ ọ́bée,

“Ọ́kọ́ dékplọ́n dimbísú ọ́bée,

‘Mlílá aní Wíe ọ́kpa.

Mlítswii ikpa ha mu!

⁵ Mlítin bọ́nkpa kugyíku,
amlíbwiebwie abụ́ mọ́a nkúku fée.

Mlítswii ikpa,

amlílá mósú wankláán.

⁶ Ahá fée bówun Bulu nkpahọ́.’ ”

⁷ Ọ́dọ́m beba Yohane wá be, ọ́bọ́ amú asú. Ọ́lẹ́fité amu ọ́bée, “Abé abí-aná, ntọ́ gyá mlí, mlísrí Bulu isọ́bití amúú ibá amú?”

⁸ Mómó mlíswie abí oduá ibósuná aní lélé mlíládamlí klọ́ntọ́. Mlímáki mlíaa, mlí náin gyí Abraham. Nde mlí bláa mbée, Bulu ọ́bétalí há abwi ánfí ibédamlí Abraham abí-aná. ⁹ Séi á, Bulu lapọ́ efé yi nyí-atsitsitọ́. Oyígyíoyí aní imoswie abí wankláán á, bókun mú dá, wá mú fée ogyá.”

¹⁰ Ọ́dọ́m amu befité Yohane be, “Ntọ́ mee abwée?”

¹¹ Yohane lébláa amú ọ́bée, “Fúá fubụ́ atadié anyọ́ á, pọ́ kule ha ọ́há aní ọ́ma kọ́kọ́. Fúá fubụ́ atogyihe é bwe mú alí.”

¹² Lampọ́o ahọ́pọ́ aku é beba asú ọ́bọ́kpá. Befité Yohane be, “Osuná pọ́, ntọ́ ilehián aní abóbwe?”

¹³ Yohane lébláa amú ọ́bée, “Mlímátswí dínká ahá. Mlílọ́ tọ́a be mlílọ́.”

¹⁴ Isá akọ́pọ́ aku é befité Yohane be, “Aní é mé, ntọ́ abwée?”

Yohane lébláa amú ọ́bée, “Mlímá pọ́ ọ́wọ́nlín swíi ọ́haa kọ́ba, ntée wá afunu dínká ọ́haasọ́. Mlí akatua igyi mlí ansí.”

¹⁵ Iníá amú ansí dín Kristo amusọ́, bude mu ọ́kpa kú sọ́ á, inwánkí amú ní Yohane gyí Kristo amu. ¹⁶ Mú sọ́ Yohane lébláa amú ọ́bée, “Ọ́kọ́ ọ́dọ́n mi bọ́ ọ́ma ọ́bá. Mmọ́fun aní nésankí mu ntọ́kọ́ta ọ́fẹ́ kóráá. Mí mú á, ntsu ndepọ́bọ́ mlí asú. Mu ọ́bọ́pọ́ Ọ́je Wankíhé pọ́ ogyá bó mlí asú ní. ¹⁷ Ọ́de mu lín, ọ́bọ́pọ́fúní ntéte lé ayọ́ ámutọ́. Ọ́békpa ayọ́ ámu wá mu odudutọ́. Táme ọ́bẹ́fẹ́ ofuníkpa inu wankláán, kpá ntéte amu wá ogyá aní

itamaduntə.”¹⁸ Yohane léda asɔn wankláán ámu ɔkan, bláa ahá ámu asón tsətsəətsə ɔbéε, buɔámli klɔntə.

¹⁹ Iɔv ogyípo Herode laswí mu dɛhɛn Filipino mu ka Herodia tsía, trá bwe lalahɛ tsətsəətsə tsía mútó. Mú sɔ Yohane lékiná há mu.²⁰ Múá idun kóráá gyí, Herode léha bekítá Yohane wá obu.

Yesu Asúbə

(Mateo 3:13-17; Marko 1:9-11)

²¹ Bréá Yohane dé ahá ámu asú bə á, Yesu é léba, Yohane lɔbɔ mu asú. Bréá Yesu dé mpái bə á, nɔwɔlútáa lefinkí,²² ɔɲɛ Wankíhé lédamli fé abróduma, kplí bogyonká musɔ. ɔme ku lotsu ɔsúsú ɔbéε, “Fúgyí mí bíá ntədwé, mi ansí tɛhíé gyi fú iwí ní.”

Yesu Andin Ilintə

(Mateo 1:1-17)

²³ Bréá Yesu lóhə fé nfi adɔvasa á, olefi Bulu asón ɔkanda así. Ahá mú buyin ání Yosef mu bi ní. Yosef mu sɪ gyí Eli.²⁴ Eli mu sɪ gyí Martat. Martat mu sɪ gyí Lewi. Lewi mu sɪ gyí Melki. Melki mu sɪ gyí Yanai. Yanai mu sɪ gyí Yosef.²⁵ Yosef mu sɪ gyí Martatia. Martatia mu sɪ gyí Amos. Amos mu sɪ gyí Nahum. Nahum mu sɪ gyí Hesli. Hesli mu sɪ gyí Nagai.²⁶ Nagai mu sɪ gyí Mahat. Mahat mu sɪ gyí Martatia. Martatia mu sɪ gyí Semein. Semein mu sɪ gyí Yosek. Yosek mu sɪ gyí Yoda.²⁷ Yoda mu sɪ gyí Yohanan. Yohanan mu sɪ gyí Resa. Resa mu sɪ gyí Serubabel. Serubabel mu sɪ gyí Sealtiel. Sealtiel mu sɪ gyí Neri.²⁸ Neri mu sɪ gyí Melki. Melki mu sɪ gyí Adi. Adi mu sɪ gyí Kosam. Kosam mu sɪ gyí Elmadam. Elmadam mu sɪ gyí Er.²⁹ Er mu sɪ gyí Yosua. Yosua mu sɪ gyí Elieser. Elieser mu sɪ gyí Yorim. Yorim mu sɪ gyí Martat. Martat mu sɪ gyí Lewi.³⁰ Lewi mu sɪ gyí Simeon. Simeon mu sɪ gyí Yuda. Yuda mu sɪ gyí Yosef. Yosef mu sɪ gyí Yonam. Yonam mu sɪ gyí Eliakim.³¹ Eliakim mu sɪ gyí Melea. Melea mu sɪ gyí Mena. Mena mu sɪ gyí Martata. Martata mu sɪ gyí Natan. Natan mu sɪ gyí Owíe Dawid.³² Owíe Dawid mu sɪ gyí Yisai. Yisai mu sɪ gyí Obed. Obed mu sɪ gyí Boas. Boas mu sɪ gyí Salmon. Salmon mu sɪ gyí Nahson.³³ Nahson mu sɪ gyí Aminadab. Aminadab mu sɪ gyí Admin. Admin mu sɪ gyí Arni. Arni mu sɪ gyí Hesron. Hesron mu sɪ gyí Peres. Peres mu sɪ gyí Yuda.³⁴ Yuda mu sɪ gyí Yakob. Yakob mu sɪ gyí Isak. Isak mu sɪ gyí Abraham. Abraham mu sɪ gyí Tera. Tera mu sɪ gyí Nahor.³⁵ Nahor mu sɪ gyí Serug. Serug mu sɪ gyí Reu. Reu mu sɪ gyí Peleg. Peleg mu sɪ gyí Eber. Eber mu sɪ gyí Sala.³⁶ Sala mu sɪ gyí Kainan. Kainan mu sɪ gyí Arfaksad. Arfaksad mu sɪ gyí Sem. Sem mu sɪ gyí Noa, Noa é mu sɪ gyí Lamek.³⁷ Lamek mu sɪ gyí Metusela. Metusela mu sɪ gyí Enok. Enok mu sɪ gyí Yared. Yared mu sɪ gyí Mehalaleel.

Mehalaleel mu si gyi Kenan. ³⁸ Kenan mu si gyi Enos. Enos mu si gyi Set. Set mu si gyi Adam. Adam e mu si gyi Bulu.

4

Yesu Isoki

(Mateo 4:1-11; Marko 1:12-13)

¹ Bréa Yesu léyinkí tsú Yordan ntsu onó á, Dje Wankíhé ləbulá muto, lekpa mu ya dimbísó. ² Bréa obu unu á, Obunsám létsiá bəso mu ki nke advana kéké. Yesu mégyii tətə nke ámuto féé. Mú su bréa nke ámu ɔmə onó á, akón híé de mu.

³ Inu Obunsám lébláa mu obée, “Ní Bulu mu Bi fuyi á, múmó ha ibwi ánfɪ ɪdamli bodobodo.”

⁴ Yesu léle mú onó obée, “Bəwanlín wá Bulu asón ámuto bée, ‘Megyi atogyiɛ wule nyankpɔsa ogyii tsia nkpa.’ ”

⁵ Obunsám lɔpu mu ya ɪbɔ fúáhé kusu. Olosuná mu ogyító iwíe ogyikpá féé ɔtsáwule pé. ⁶ Múú ɔlebláa mu obée, “Nɔpu ɔmá ánfɪ féé túmi pú amú numnyam há fú, tsúfé mí ɪbitə bapówá. Dhá ání ndeklə a, mu nɔpuhá. ⁷ Mú su ní fosúm mí á, nɔpu mú féé há fú.”

⁸ Yesu lébláa mu obée, “Bəwanlín wá Bulu asón ámuto bée, ‘Da akpawunu ha fú Wíe Bulu. Mu nkole fu súm.’ ”

⁹ Obunsám lékpa mu ya Yerusalem, ɔlɔpu mu yélu Bulu ɔtswékpa obu ámu ɔántra. Inu ɔlebláa Yesu obée, “Ní Bulu mu Bi fúgyi lélé á, tu kpayi. ¹⁰ Tsúfé bəwanlín wá Bulu asón ámuto bée, ‘Bulu obéha mu abəpu békɪ fusu. ¹¹ Békpatá fú ɪbitə, ménɪ fú yabi méeda ibwi kəkusu.’ ”

¹² Yesu léle mú onó obée, “Betrá wanlín bée, ‘Mákapó fú Wíe Bulu ki.’ ”

¹³ Bréa Obunsám lómə isókɪ anfi féé onó á, ɔlɔko náti sí mu asa.

Yesu Gyumagyiɛ Asitsúa Galilea ɔmátó

(Mateo 4:12-17; Marko 1:14-15)

¹⁴ Dje Wankíhé túmi lekpa Yesu, oleyinkí yó Galilea ɔmátó. Mu ɪwi asón leklei wa ɔmá ámu féétó. ¹⁵ Oletsíá súná ató Yudafo ofiakpa, ahá ámu féé bekanfó mu.

Buməho Yesu Mu Wuluto

(Mateo 13:53-58; Marko 6:1-6)

¹⁶ Inu Yesu léyinkí bá Nasaret, ɔtínéá oletsíá dan. Fé alíá otetsíá bwé á, ɔlɔyo Yudafo ofiakpa ɔkpónú ɔdaké. Bréa ɔlɔkusu yélu amú ansító obékla Bulu asón á, ¹⁷ botsu Bulu ɔnósú ɔtɔipú Yesaia ɔwolú há mu. ɔlesankí mú á, olowun ɔtnekúá bəwanlín wá bée,

¹⁸ “Anɪ Wíe Bulu ladá mí ofúli.

Inɪ su mu Dje bu misu.

Alalé mí obée, ndáa asun wankláán ámu ɔkan suna ahá ání buma tətə.

Obée, mbébláa nkpábi mbée, masí amú ɪwi há amú.

Mí ambla ansibi abwiepó mbée, mabwíí amú ansibi.

Ɖbée mbébláa ahá ání bɔde amú ipiantɔ wa é mbée, malé amú ipiantɔ.

¹⁹ Fówun mí ambli mbée, aní Wíe ahá nwewúunbi lafun.”

²⁰ Inu olokuntá ɔwɔlú ámu, yínkíá ha mósú ɔkírɔ, ɔlɔwɔ tía asi. Ahá amú bɔbu ofiakpa inu ámu fée besi bɔde mu kí dín.

²¹ Inu Yesu lébláa amú ɔbée, “Nde, Bulu asun wanlínhé anfi laba mótɔ. Mú mlilanú á.”

²² Ahá ámu fée bonu asun wankláán amú ɔlɔdali mu ɔnɔ ámu. Ɖnɔ lobwie amú, befité bee, “Megyí Yosef mu bi ámu ni?”

²³ Yesu lébláa amú ɔbée, “Nyin ání mléha mí yébi anfi mlíaa, ‘Uɔ ɔsapó, tsa fɔ iwí!’ Mlélabláa mí mlíaa, ‘Bwe ató amú ɔ anlanú ání fɔdebwe Kapernaum amú fɔ wúlutɔ nfi é.’ ” ²⁴ Inu oleyinkí bláa amú ɔbée, “Ɖnɔkwali nde mlí bláa. Botamaha Bulu ɔnɔsú ɔtɔírú ɔkɔku asún mu wúlutɔ.

²⁵ “Mlinu, Bulu ɔnɔsú ɔtɔírú Elia bísú á, nyankpɔ mótswíe nfinsa múa ifun kéké. Akún lehie ba Israel ɔmátɔ fée. Iɔ mótɔ ání asurapɔ tsɔtsɔtsɔ betsiá Israel ɔmátɔ alí bré ámɔtɔ,

²⁶ táme Bulu méha Elia ɔyɔ amótɔ ɔkɔku wá. Ɖsurapɔ ɔkɔá ɔbu Sarefat wúlutɔ, Sidon ɔmátɔ nkɔle wá ɔleha mu ɔlɔyɔ. ²⁷ Uɔ pepe alɔpú tsɔtsɔtsɔ é betsiá Israel ɔmátɔ Bulu ɔnɔsú ɔtɔírú Elisa bísú. Táme ɔmeha ɔkɔku iwí meplí, dɔn Naaman ání otsú Siria nkɔle.”

²⁸ Ɖblɔ lehie kítá ahá amú bɔbu ofiakpa inu ámu, bréá bonu Yesu asun blíhé anfi. ²⁹ Bɔkɔsú gya mu dáli amú wúlutɔ. Wúlu amú idin bɔsu. Begya mu alu yówie wúlu amú ɔnɔ, bee abɔwuta mu wa tsonkolitɔ. ³⁰ Yesu lénatí tsun amótɔ yó ɔtínéá ɔyɔ.

Yesu Ɖhe Laláhe Gyáa (Marko 1:21-28)

³¹ Inu Yesu lékplí yó Kapernaum, Galilea wúlu kɔtɔ. Olosuná amú ató amú ofiakpa ɔkprónú ɔdaké. ³² Mu atosunáhé lobwie amú ɔnɔ, tsúfé olosuná amú ató túmisu. ³³ Oyin ɔku bu ofiakpa inu, ɔhe laláhe bu musu. Ɖɔkplón blí ɔbée, ³⁴ “Kí mí! Yesu Nasaretyin, amansu bu ania fɔnyɔ nsiné? Ntée aní ɔhíkpa fɔbá lóó? Nyin ɔhá oduá fúgyi. Fúgyí Bulu Ɖha Wankíhé amu ni!”

³⁵ Yesu lókpɔlɔn wa ɔhé ámu ɔbée, “Kpa ɔnɔ bun, afɔdali mɔtɔ.” Inu ɔhe laláhe amú léfin oyin ámu dá ahá ámɔtɔ inu, dáli mɔtɔ. Tɔtɔ mɔbwe mu.

³⁶ Ɖnɔ lobwie amú fée, befité aba bee, “Amansu ni? Oyin anfi bu túmi, ɔdekplón wa ɔhe laláhe, ide mu bu, dáli ahátɔ?” ³⁷ Mu iwí asún lekklé wá ɔmá ámu féeótɔ.

Alɔpɔ Tsɔtsɔtsɔ Tsa (Mateo 8:14-17; Marko 1:29-34)

³⁸ Yesu lédali Yudafo ofiakpa inu yó Simon wóyítɔ. Ɖlɔyɔ á, owísó lakítá Simon mu sia tsíhé, ɔda kínkíinkín. Bebláa Yesu bee, ogyí mu buale. ³⁹ Yesu lókpukpé tó ɔtsí ámu, ɔlɔkplón wa

owísó ámu ɔ́bée, ikúsu mɔ́su. Inuɔu ulokúsu mɔ́su, ɔtsi ámu lókúsu bwe amú afóto.

⁴⁰ Bréá owí deta á, ahá bɔ́surá amú ahá ání buɔe ulo ɔtsan-ɔtsan lo ba, Yesu lópu ibi dínká amúsú tsá amótó okugyíaku ulo.

⁴¹ Ɔ́he laláhe bu amótó akuto. Yesu lókpɔ́ɔn wa ɔ́he laláhe amu. Bedali, buɔe okitikíti bee, “Fúgyí Bulu mu Bi ámu ni.”

Táme Yesu lówa mbala wá ɔ́he laláhe amu ání bumátóí, tsúfé buyin ání mugyí Kristo, (ɔ́há amóú Bulu ladá mu ofúli amu) ni.

Bulu Asón Ɔkanda Yudafo Ofiakpa

(Marko 1:35-39)

⁴² Mó ɔ́yi kehe bake a, Yesu léɔ́ɔli wúlu amoto yó itsétó ɔ́tineku. Ahá bodunká mu alu yótu mu, bokokóli mu bee ɔ́mánatí sí amú.

⁴³ Táme ɔ́lebláa amú ɔ́bée, “Ilehían ání néda Bulu iwíegyí iwí ason wankláán ámu ɔ́kan awúlu atráhe amu ésú. Tsúfé mó ɔ́bwekpá Bulu lówa mí ní.”

⁴⁴ Iní su oleki Yudea ɔ́mátó fée, dá Bulu ason wankláán amu ɔ́kan amú ofiakpa.

5

Yesu Akasípú Gyankpawu Ti

(Mateo 4:18-22; Marko 1:16-20)

¹ Eke oku Yesu líi Genesaret paati* ɔ́nó, ahá tsɔ́tsɔ́tsɔ́ beba boputá mu ání bónu Bulu asón. ² Olowun nklɔ́n anyɔ́ paati ámu ɔ́nó. Aye alepó ámu bakplí yó buɔe amú asawuto da. ³ Yesu lódu wíe koleá igyi Simon kléto. Múú ɔ́lebláa Simon ɔ́bée, osún mó kpalobí dinka ntsusu. Inu oletsia mótó súná ahá ámu ató.

⁴ Bréá ɔ́ɔtoí tá á, ɔ́lebláa Simon ɔ́bée, “Mlɔ́pla ɔ́klɔ́n amu ya okluklúkpá, amlɔ́yɔ́tswi asawu le aye.”

⁵ Múú Simon lébláa mu ɔ́bée, “Owíé, anulóbwe kásían ígye onyé fée, anuménya toto. Táme iniá fee ayó, su nɔ́yɔ́tswi asawu amu.”

⁶ Bréá ɔ́yótswi asawu amu a, bele aye tsɔ́tsɔ́tsɔ́. Mú su asawu amu lówa tití bi. ⁷ Inu bɔ́bwe ibi tí amú agyómá ayɔ́bá amóú bubu ɔ́klɔ́n nyɔ́ɔ́sɔ́to ámu bee bubétsa amú. Beba beɔ́tsa amú, bele aye amu bólá nklɔ́n anyɔ́ ámu dédéédé, ideklé me.

⁸ Bréá Simon Petro lówun mó alí á, ɔ́ɔda akpawunu Yesu ayabitɔ́, bláa mu ɔ́bée, “Mí Wíé, mákpɔ́kpé mantáa mi! Lakpan ɔ́bwepó gyi.”

⁹ Tsúfé aye amóú balé ámu lówa mu mu aba ámu wánwan. ¹⁰ Alí kén ulówa Sebedeo abí Yakobo mu Yohane, bugyi Simon agyómá ayɔ́bá ámu é wánwan ní.

Múú Yesu lébláa Simon ɔ́bée, “Mánya ifú! Tsú nde púya a, anyánkúsa féle.” ¹¹ Simon mu mu aba ámu benya plá nklɔ́n amu besi osubúnɔ́ alí, besi tógyító tswí, kplá buo Yesu.

* 5:1 Genesaret paati: Mó kén gyí Galilea ɔ́pu ni.

*Ilo Pɛpɛ ɔlɔpɔ ɔku Tsa**(Mateo 8:1-4; Marko 1:40-45)*

¹² Eke ɔku Yesu bu wɔlu kusu, ilo pɛpɛ ɔlɔpɔ ɔku lɔwun mu. Inu ɔlebede akpawunu, pɔ ɔsɔkpi yi ɔsolɔto, kɔkɔli mu ɔbɛɛ, “Owíe, ní fòtsulá á, fétali há mí iwí béli.”

¹³ Yesu létinkí ibi da mu, bláa mu ɔbɛɛ, “Natsúlá, fú iwí iplí.” Inu bu ilo ámu lɛɲa le mu iwí. ¹⁴ Inu Yesu léda mu ɔlá ɔbɛɛ, “Mábla ɔhaa. Nati laa afɔpu fú iwí yosuná Bulu igyí ɔhapó, afɔha mu iwígyɔráto amú Mose mbla losuná tsú ilo pɛpɛtsa iwí ámu. Igyí adánsiɛ suna ahá ání fú iwí iplí.”

¹⁵ Táme Yesu iwí asún létrá kléi yó ntíné dínká músú. ɔɔm beba mu atosunáhé onukpá, ɔtsa amótó alɔpu é ilo. ¹⁶ Táme oletsíá dáli amótó bré ku yó dimbísó ɔtineku mu nkule yóbo mpái.

*Tsukule Osinpu Tsa**(Mateo 9:1-8; Marko 2:1-12)*

¹⁷ Eke ɔku Yesu dé ató suná. Farisifo, Mose mbla asunápó akvá botsú Galilea pɔ Yudea ɔmátó pɔ Yerusalem beba betsiá asi inu. Bulu túmi bu Yesuto há iltsa. ¹⁸ Inu á, ayin aku bɔsurá tsukule osinpu akpasu ba. Bekleá bɔpu mu wíe wóyító, pɔ mu tswi Yesu ansító. ¹⁹ ɔɔm amu su buɔmenya ɔkpa. Inu su bɔyódu obu ámu awunso, dá mú ɔtineku tíi, beklíá akpa amu tswi ahá ámu to Yesu ansító inu. ²⁰ Bréá Yesu lɔwun ání bahɔ mu gyí a, ɔlebláa tsukule osinpu amu ɔbɛɛ, “Opíó, nasí fú lakpan kíe fú.”

²¹ Mose mbla asunápó pɔ Farisifo ámu beblí wá nwunto beɛ, “Ma gyí oyin ání ɔde abususu blí ání? Ma ɔbétali sí lakpan kíe ahá don Bulu nkule?”

²² Yesu lébi amú agywun. Mú su ɔlefíté amú ɔbɛɛ, “Ntogyi só mlidé inu odu gywún? ²³ Mɔm lɔpɔn ha blí? ‘Nasí fú lakpan kíe fú.’ Ióó, ntée ‘Kusu tsu fú akpa afonati?’ ²⁴ Táme ndekléá mlíbú ání mí, Nyankpusa-Mu-Bi ání mbu túmi ɔyí áníto sí ahá lakpan kíe amú.” Inu ɔlebláa tsukule osinpu amu ɔbɛɛ, “Nde fú bláa mbéɛ, kusu. Tsu fú akpa afonati yo wóyí!”

²⁵ Inu bu bu tsukule osinpu amu lókusú líi amú féé ansító, tsú mu akpa, ɔlɔpu ɔkpa ɔyó wóyí ɔde Bulu kanfú. ²⁶ ɔnó lobwie ahá ámu féé. Ifú lowie amú féétó, bekanfú Bulu beɛ, “Nde anilawun ofúla!”

*Lewi Ti**(Mateo 9:9-13; Marko 2:13-17)*

²⁷ Mú ɔma bréá Yesu léda inu á, olowun lampóo ɔhɔpu ɔkvá buteti mu Lewi, tsie mu lampóo ɔhókpa. Yesu lébláa mu ɔbɛɛ, “Bobuo mi.” ²⁸ Inu Lewi lókusú, sí mu tógyító ɔmagyáa, yóbuo mu.

²⁹ Mú ɔma a, Lewi lótswi ɔpónó mu wóyító há Yesu. Lampóo ahɔpu tsɔtsɔtsɔ pɔ aha bambá é beba ató ámu ogyíkpa.

³⁰ Farisifo pú Mose mbla asunápú ání búbu Farisifo ámọtò befíté Yesu akasípú amu bεε, “Ntogyi sù mliá lampóo ahópú pú lakpan abwεpú mlídé íbì wa gyi ató, mlídé ntá nú?”

³¹ Yesu léle mó onó obée, “Alópú léhián ìlò ọtsapó, megýí ahá ání iwí bú amó onlin. ³² Mmεba aha wankláán ọtkpá. Mbóún lakpan abwεpú ọtkpá nεba, ménì bédamlí klòntò.”

Ọnókí Iwí Asun Fítéhé
(Mateo 9:14-17; Marko 2:18-22)

³³ Aha aku bebláa Yesu bεε, “Asú Ọbópú Yohane akasípú bútetsiá klí onó bó mpái. Farisifo akasípú é bútobwé alí, táme fú akasípú mó búdegyí, búdenúu.”

³⁴ Yesu léfíté amó obée, “Ọtsi ọkpáínú anyawíe békli onó bréá ọbú amó wá? Ekekeke! ³⁵ Táme eke ọkú béba ání békpa mu náti sí amó. Alí nke ámọtò békli onó ní.”

³⁶ Inu ọleha amó yébi obée, “Ọhaa tamapó tati pọpwe tan tati dada. Ní obwé mó alí á, alayintá pọpwe amu, pọpwe amu pú dada amu ansíe ímékkanáa aba. ³⁷ Alí kén bútamapó nta pọpwe wá ọwuló-kpákpá kente wuhétó ní. Nta pọpwe amu íbófu fá kente amu tsítsá, yintá kente amu é. ³⁸ Iní sù ọwuló-kpákpá kente pọpwe to búto pú nta pọpwe wá. ³⁹ Ọhaa tamafíté nta pọpwe sù bréá alanu dánhe. Tsúfẹ ọteblí obée, ‘Ídánhe amu bú alé dún.’”

6

Ọkpúnú Ọdaké Mu Wie
(Mateo 12:1-8; Marko 2:23-28)

¹ Yesu mva mu akasípú bọtsun ayó ndò koto ọkpúnú ọdaké. Mu akasípú amu bọpróun ató-abí ámu kú, bọpusáa mó wí. ² Farisifo ámu aku befíté amó bεε, “Ntogyi sù mlídé tóá aní mbla meha ọkpa ání búbwée ọkpúnú ọdaké bwe?”

³ Yesu léfíté amó obée, “Mlímókúkla nu tóá Owíe Dawid lóbwe bréá akón de mva mu abúopu kí? ⁴ Olebitiwíe Bulu osúmka yótsu bodobodoá bapóhá Bulu igyí ba, mva mu abúopu amu begyi. Bulu igyí ahapó nkule bele ọkpa bútegyi alí bodobodo amu.”

⁵ Mú Yesu ọlómò mu asún onó obée, “Mí, Nyankpusa-Mu-Bi ánfí gyí ọkpúnú ọdaké mu wie.”

Ilọtsa Ọkpúnú Ọdaké
(Mateo 12:9-14; Marko 3:1-6)

⁶ Yesu lóyò ató osunákpá Yudafó ofiakpaokpúnú ọdaké bámbá. Oyín ọkúá mu gyọpí íbì lawú bú inu. ⁷ Mose mbla asunápú pú Farisifo aku beεe Yesu kí bεε, obétsa ìlò ọkpúnú ọdaké, ménì bénya mu iwí asún, púyénatí mvsu súná ahande. ⁸ Yesu yin amó nwuntò asún. Mó sù ọlebláa oyin á múú mu íbì kule lawú ámu obée, “Kusu belí amó ansító nfi.” Inu oyin ámu

lókusó belí amú ansító. ⁹ Mú Yesu lébláa amú óbée, “Nde mli fité, ntò mbala ámu léha òkpa ání abwée òkpónú òdaké? Yilé lóó, ntée lalahé? Ahóó òha nkpa lóó, ntée amóó mu?” ¹⁰ Inu òledamlí kí amú fée fiá. Mú òlebláa oyin ámu óbée, “Tínki fú ibi amú.” Olenya tínki ibi amú ali pé, òjé lowie mútò.

¹¹ Óblé lèkítá amú, befíté aba bée, “Ntò kóún abéhié bwé Yesu anfi?”

Akasípó Amu Adá

(Mateo 10:1-4; Marko 3:13-19)

¹² Èké òku Yesu lódu yó ibusu yóbo mpái há Bulu tsú onyé yéha òyi kéhe. ¹³ Mú òyi kéhe a, òletí mu akasípó, òlele amótó dúanyó, òletí amú mu sumbí ayòpú. ¹⁴ Amógyí, Simon ání òledínká mu Petro mba mu pio Andrea; Yakobo mba Yohane; Filipino, Bartolomeo, ¹⁵ Mateo, Toma, Alfeo mu bi Yakobo, Simon ání ogyi iwíusúsiá adunkápú òpasuatò òha; ¹⁶ Yakobo òku mu bi Yuda pú Yuda Iskariot ání òlebele Yesu há.

Yesu Atósundá Múba Ilo Tsa

(Mateo 4:23-25)

¹⁷ Yesu mba sumbí ayòpú ámu bekpí tsú ibu ámusu ba òsulúu tantasu. Mu abúòpú tsòtsòtsò pú òdam kpònkpònkpòntiá botsú Yudea òmátó, Yerusalem pú òpu ònó awúlu Tiro múba Sidonsu beba inu. ¹⁸ Beba bée bebá bonu mu asun blíhé, òtsa amú ilo. Ahá ání òjé lalahé de amú háan é beba, olegya òjé lalahé lé amótó. ¹⁹ Amú fée bekleá bòpú ibi da mu, tsúfé òjé òledali mutò, òletsa amú fée ilo.

Oyula Asón

(Mateo 5:1-12)

²⁰ Yesu lótsu ansí kí mu akasípó, òlebláa amú óbée,

“Bulu layúlá mliá mliamá tòtò,
tsúfé mlibó mu iwíegyí amu ní.

²¹ Bulu layúlá mliá akón de mli séi,
tsúfé mléba begyi mwe.

Bulu layúlá mliá mliésú séi,
tsúfé mléba bòmási.

²² “Bulu layúlá mliá bude mli lu, bude mli gyáa le amótó, síá mli, tí mli ida lalahé mí, Nyankpòsa-Mu-Bi ání su. ²³ Ansí igyí mli èké ámu, amlifuli kpayi ansigyísú, tsúfé mli ikòká tsò òsúsú. Alí amú anáin bòbwe Bulu ònósú atóipú amu ní.

²⁴ Táme mli ání mliányá iwí séi, mligyòwí ní.

Tsúfé mli ansigyí fée mliányá á.

²⁵ Mli ání mliamwé séi, mligyòwí ní.

Tsúfé akón béba bekítá mli.

Mli ání mliémási séi, mligyòwí ní.

Tsúfé mléba begyi awírehò, su.

26 “Mli ání ahá fée bude mli kanfó, mli gyɔwi, tsúfé alí mli anáin bekanfó Bulu ɔ́nsó atáípu afunupu amu é ní.

Alupódwe

(Mateo 5:38-48; 7:12a)

27 “Táme nde mli ání mlónu bláa mbée, Mli dwe mli alupó, amlibwe yilé ha amó. 28 Mli yula ahá ání butɔ́lwíi mli, amlibo mpái ha ahá ání butesiá mli. 29 Ní ɔ́ha ɔ́dá fú isɔ́tɔ́ a, damli nyɔ́ɔsi é ha mu ɔ́da. Ní ɔ́ku ɔ́swíi fú tati á, wɔ́i fú atadié é ha mu. 30 Ní ɔ́ku ɔ́kólí fú ató á, ha mu. Ní ɔ́ku é otsú fú ató á, máyɔ́hɔ́ mó. 31 Bwe ha ahá alíá fúdeklé fée bubwée ha fu.

32 “Ní fú adwepú nkole futɔ́dwé á, ipán mɔ́mu fénya? Lakpan abwepú kóráá butɔ́dwé amó adwepú. 33 Ní ɔ́há ání ɔ́tɔ́bwé yilé há fú nkole fú tɔ́bwé yilé há á, ntogyi sù Bulu ɔ́dáa fú ipán? Lakpan abwepú é butɔ́bwé alí. 34 Ní ɔ́há ání fuyin ání obénya há fú nkole futɔ́há ipán a, ntogyi sù Bulu ɔ́dáa fú ipán? Lakpan abwepú óó butɔ́pu ató pan amó aba, yínkí hɔ́ mó alí. 35 Mú sù mli dwe mli alupó, mli bwe yilé ha amó, mli pan amó ató, mli máti amó akɔ́, méní Bulu ɔ́béka mli ikɔ́ tsɔ́tsɔ́tsɔ́. Fówun mli labwé ɔ́sósúsú Bulu ámu abí. Tsúfé ɔ́bu awítɔ́le há ahá ání ató tamagyi amó ansí pú aha laláhe fée. 36 Mli bwe nwe awúnpu fé alíá mli Sí Bulu gyí nwe owúnpu.

Ilále

(Mateo 7:1-5)

37 “Mli mále ahá ilá, méní Bulu méele mli ilá. Mli máha ɔ́haa ipón, méní Bulu é ɔ́méeha mli pón. Mli si mli aba ilá kie amó, Bulu osi mli klé kie mli. 38 Mli ha ahá tóá de amó hián, Bulu ɔ́bélahá mli. ɔ́bɔ́pu ató susúhe wankláán wá mó, wósúu mó, silá mó, ibóbulá tsítsá há mli. Tsúfé tóá fɔ́púsúsu ha fú bá á, mó kén Bulu ɔ́bɔ́púsúsu ha fu ní.”

39 Yesu létrá ha amó yébi ɔ́béé, “Nsibi obwiepú ɔ́bétalí kpá nsibi obwiepú? Amó fée buméekpa wíé ɔ́bótó? 40 ɔ́kasípu tamadun mu wie, táme ɔ́kasípu ɔ́kásí bí á, ɔ́tɔ́bwé fé mu wie.

41 “Ntogyi sù fúde ipí túkúríibi wúun fú bá nsíbisu, táme fomédé ogyakpatín ání idun fú klésu mó wúun? 42 Ntée ntogyi sù fúde fú bá bláa fée, ‘Mí píó, ha mí andínki ipí fú nsíbisu’, táme fomédé ogyakpatín ání idun fú klésu mó wun? Apin-abwebí ɔ́bwepú, gyankpa dínki ogyakpatín ámu fú nsíbisu, méní fówun ató wankláán, tálí dínki ipí ámu fú bá klésu.

Oyi Pú Mú Abi Swiehé

(Mateo 7:6-20; 12:33-35)

43 “Oyi wankláán méetalí swíé abi laláhe. Alí kén oyi laláhe é méetalí swíé abi wankláán ní. 44 Tsúfé oyi-ibi butɔ́póbí mó. Butamakpótí kankaba okplóto oyísú, butamakpótí tsɔ́kpun é tunkpa iflasu. 45 ɔ́ha wankláán telé tsiátó wankláán ɔ́wan tsú

mu klvnto, oha laláhe é telé tsiátó laláhe owan tsú mu klvnto. Tsúfé tóá idon oha klvnt a, mótédálí tsu mu onó.

Butásó pú Osublútó Obuyi

(Mateo 7:24-27)

⁴⁶ “Ntogyi só mlidé mí tí mliaa, ‘Mí Wíé! Mí Wíé!’ táme mli tamagyi mí asvnt blíhésv? ⁴⁷ Nósuná mli alíá ohá ání oeba mí wá bonu mí asvnt, gyi dínká mósó gyí. ⁴⁸ Ogyi fé ohá ání obá beyi obu á, olegyankpá kwí mú ntswiasí obó yótv butá, ołwa ntswiasí ámv dínká mósó. Bréá ntsu lóbulá kítá mú á, imetalí kpínkí obu ámv, tsúfé oleyi mú wankláán. ⁴⁹ Táme ohagyí oha ání olonu mí asvnt blíhé, omegyí mósó gyí fé ohá ání oleyi mu obu osulúsv keke, omowa mú ntswiasí. Bréá ntsu lóbulá wa mú á, ilobwie dá gbloo unvnt, yíntá féé!”

7

Romafó Isá Akópó Ohande Osúmpú Okv Ilo Tsa

(Mateo 8:5-13; Yohane 4:43-54)

¹ Bréá Yesu lébláa ahá ámv asvnt ánfí féé tá á, ołwo Kaper-naum wúluto. ² Romafó isá akópó ohande okv bu unv. Ovu osúmpú okvá otehié kle mu asvnt. Osúmpú amv délo, odeklé owu. ³ Bréá isá akópó ohande amv lónu Yesu nka á, ołwa Yudafó ahande akv sísí Yesu obéé, buyókokóli mu obetsa mu osúmpú amv ilo ha mu. ⁴ Ahande amv behie kókóli Yesu bee, “Abwíí ipa, ní okv léhián fú mbwa á, mómó oyin ánfí ní! ⁵ Tsúfé otodwé aní pi. Mvleyi aní ofiakpa kóráá há aní ní.”

⁶ Mú sv Yesu mva amúnvvo bopv okpa. Bréá beta wóyí ámvto wie tá á, isá akópó ohande amv lówa mu anyawíe obéé buyéfiá Yesu, abvbla mu bee, mbéé, “Owíé! Máhan fú iwí, tsúfé mmofvnt ání féba mí wóyító. ⁷ Nawun ání mí é mmofvnt ání néba fú wá. Fú mú bli asvankv, iwí bówa mí osúmpú amv onlvnt. ⁸ Tsúfé mí é mbv ahande akv asi. Isá akópó akv é bvbv mí asi. Nelé onó mbéé amótó okv onátí á, otenátí. Ní mbéé obá é á, oteba. Tógyítóá nebláa mí osúmpú mbéé obwéé á, otobwé.”

⁹ Bréá Yesu lónu asvnt ánfí á, onó lobwie mu, oledamlí bláa otom amvú bvbvuo mu amv obéé, “Onokwali asvnt, nde mli bláa, mmakóvwun ohá ání obv hógyi kpónkpóntí ánfí odu Israelfoto kóráá kv!”

¹⁰ Bréá abopv amvú isá akópó ohande amv lówa ámv beyínkí yó wóyító a, bowun ání osúmpú amv iwí lawá mu onlvnt.

Osrapv Okv Mv Bi Tsinkí

¹¹ Imowa opá koku Yesu lóyo Nain wúluto. Otom bvbvuo mva mu akasípú. ¹² Bréá olowie wúlu onó á, ołtv akv, busvnt fúli akpasv bebá. Obi yinhé okvle pé ogyi há osrapv okv. Otom kpónkpónkpóntíá botsú wúlu amvto é bvbvuo otv ámv. ¹³ Bréá aní Wíé lóvwun otv ámv a, mu asvnt lówa mu nwe, ołebláa mu

ᾠβέε, “Másu!” ¹⁴ Μύú ᾠβύόρῃ ἰβὶ da akpa amv, asvrápú amv besi lí. Inu ᾠεβλάα fúli amv ᾠβέε, “Oyasubi, nde fú bláa mbéε, kvsu!” ¹⁵ Inu fúli amv lókvsó tsíá, wá τᾱί bι. Yesu lóρῃ mu wá mu yin ibtᾱ.

¹⁶ Ifú lekítá ahá ámu fέέ, bekanfú Bulu beε, “Bulu labᾱbᾱá mu ahá! Mu ᾱnósú ᾱτᾱίρῃ kρᾱnkρᾱntι ᾱku lalin anitᾱ!”

¹⁷ Yesu ιwι asón ánfi lekλεί wá Yudea ᾱmá pᾱ awúlu ání ἰbᾱ nsíné inu fέέτᾱ.

*Yesu Mva Asú ᾉᾱpᾱ Yohane
(Mateo 11:2-19)*

¹⁸ Asú ᾉᾱpᾱ Yohane akasípᾱ beyébláa mu asón ánfi fέέ. Mᾱ su ᾱᾱwa amótᾱ abanyó sísi Yesu ᾠβέε, ¹⁹ bᾱyéfité mu beε, “Fúgyí ᾱhá ámᾱú ᾱβέba amv ni, ntέε akú ᾱha bambá ᾱkpa?”

²⁰ Bréá ahá ámu beba bowie Yesu wá á, bebláa mu beε, “Asú ᾉᾱpᾱ Yohane ᾱβέε abéfité fᾱ aníaa, ‘Fúgyí ᾱhá ámᾱú ᾱβέba amv ni, ntέε akú ᾱha bambá ᾱkpa?’ ”

²¹ Yesu létsa ᾱᾱpῃ pᾱ ahá ání ιwι dé amó ᾱsin tsᾱtsᾱᾱtsᾱ ᾱli bré ámᾱtᾱ. Olegya ᾱᾱε laláhe lé ahátᾱ, bwíi ansibi abwiepᾱ tsᾱtsᾱᾱtsᾱ é ansibi. ²² Inu ᾱλεε Yohane akasípᾱ asón ámu ᾱnó ᾱβέε, “Mliγínki yebláa Yohane tᾱá mliᾱbowun pᾱ mᾱa mliᾱbonu. Mliᾱbowun ání ansibi abwiepᾱ bᾱde atᾱ wúun, abᾱ bᾱna. Iᾱ pεpe ᾱᾱpᾱ ιwι deplí, ιsv atínρῃ bᾱde asón nu. Afúli bᾱdetsinkí, ahíánfᾱ é bᾱde asᾱn wankláán ámu nu. ²³ Bulu obóyulá ᾱhá ání mí bwεhé mᾱkvsú lí mᾱsv.”

²⁴ Bréá abí ámᾱú Yohane lᾱwa sumbí ámu beyínki bᾱyᾱ á, Yesu lᾱwa τᾱί tsú Yohane ιwι súná ᾱᾱm amv bι. ᾉβέε, “Bréá mliᾱédali γᾱ dimbísú inᾱ á, ntᾱ ᾱkíkpa mliᾱýᾱ? Fitáa ání afú de mú tsᾱᾱn lóó? Ekekekeke! ²⁵ Ní megyí mú á, ntᾱ kóúin ᾱkíkpa mliᾱýᾱ? ᾉhá ání ᾱdidí ntsrim. Ekekekeke! Ahá ání bᾱtedídá tati ámu odu gyi ᾱdwe á, awíε wóyí bᾱtetsíá. ²⁶ Mliᾱla m! Bulu ᾱnósú ᾱτᾱίρῃ mliᾱédali yέki? Ee, Yohane ni. ᾉᾱn Bulu ᾱnósú ᾱτᾱίρῃ. ²⁷ Mu ιwι asón Bulu lébli bᾱwanlín mú tswi beε, ‘Kι, nde obí wa gya fᾱ nkpa. Mu ᾱβέla ᾱkpa há fᾱ ní.’ ” ²⁸ Yesu lᾱyᾱ mu asónsú ᾱβέε, “Nde mli bláa mbéε, ᾱhagyíᾱha ání ᾱha tsihé laken kwíi mᾱfᾱn mu, támε mu é ᾱmᾱfᾱn Bulu iwíεgyí ámᾱtᾱ ᾱkvsu kᾱráa.”

²⁹ Aha ání bonu Yesu asón ánfi pᾱ lampᾱo ahᾱpῃ kᾱráa bowun ání Bulu asón da ᾱkpa. Botsulá há Asú ᾉᾱpᾱ Yohane lᾱbᾱ amó asú. ³⁰ Támε Farisifᾱ pᾱ Mose mbla asunápᾱ amv mú bᾱmeha Yohane ᾱbᾱ amó asú. Bekiná tᾱá Bulu léhihíε ha amó bwε.

³¹ Yesu lᾱyᾱ mu asónsú ᾱβέε, “Séi ánfi á, amendι nᾱpᾱkápᾱ ndemba-abí ánfi? Ntᾱ belian? ³² Bᾱgyi fé nyebíá botsie dᾱsv bᾱde aba kpolí, blí beε, ‘Anilapléi ansigyísú, mliᾱmétsa. Mú sv anilawá awíreᾱ ἰb, támε mliᾱmósú.’ ³³ Mliγyí fé nyebí ánfi, tsúfé Yohane léba á, oletsíá klí ᾱnó, omonu ntá, támε mliaa,

‘Oṅe laláhe bu mṓtə!’³⁴ Mí, Nyankpṓsa-Mv-Bi ánfí mṓ naba nde ató gyí, nde ntá núu. Mṓ é mliaa, ‘Mlíki opotsuapu pṓ nta əbṓpṓ. Lakpan abwepṓ pṓ lampṓo ahṓpṓ onyawíe.’³⁵ Táme əhá ání əbṓ Bulu nyánsa á, mu tsíátó telé mṓ əwan.”

Ọtsi Lakpan Əbwepṓ Ọkṓ

³⁶ Farisiyin əkṓ létí Yesu ató ogyíkpa mṓ wóyító. Bréá Yesu tsie əpónó ámu así á,³⁷ ọtsi əkṓá əbṓ wúlu amṓtə, ogyi lakpan əbwepṓ lónu Yesu nka ání batswí əpónó há mu Farisiyin amṓ wóyító. Inu olotsu mṓ ofobí fánfán ání ɪbṓ bíá prentva wan-kláán əbṓ ba inu. ³⁸ Əlebɛda akpawunu Yesu ayabiasí, əlekpa isú yi woo. Ọṓpṓ mṓ ntsú fwí Yesu ayabiasí, pṓ mṓ nwunso-imi tsítsi mṓ. Ọṓkṓlá Yesu ayabi pṓtá, tséí ofobí fánfán ámu wólí mṓ ayabisu. ³⁹ Bréá Farisiyin amṓbṓ ọletí Yesu amṓ lówun ɪní á, əleblí wá nwuntə əbé, “Ní Bulu ənṓsṓ ọtəpṓ oyin ánfí gyí lélé á, tɛkí alawun əhá oduá ọtsi ánfí gyí asa ədɛpṓ ɪbṓ da mu, tsúfɛ lakpan əbwepṓ ogyi.”

⁴⁰ Yesu lébláa oyin ámu əbé, “Simon, mbṓ asvankṓ bláa fu.”

Simon léfité mṓ əbé, “Osunápṓ, amansu igyi? Bla mṓ.”

⁴¹ Yesu lébláa mṓ əbé, “Ahá abanyó akṓ bɛpan sika oyin əkṓ wá. Ọkṓlɛ lépan blɪba-anu (5,000,000), əkṓlɛ é lépan mpím lafanu (500,000)*. ⁴² Bṓmenyá kṓba amṓ ká. Mṓ sv oyin ámu lésikíé amṓ abanyó fɛé. Bla mṓ, amótó əmṓmṓ əbṓdwe oyin ámu dṓn?”

⁴³ Simon lébláa mṓ əbé, “Nahogyiá əmṓamṓbṓ mṓ ɪkṓ tsə dṓn amṓ.”

Yesu lébláa mṓ əbé, “Ọnəkwali igyi.” ⁴⁴ Inu Yesu léyinkí kṓ ọtsi ámu, əlebláa Simon əbé, “Fawun ọtsi ánfí? Nɛba fú wóyító a, fṓmɛha mí ntsu anfwí ayabiasí. Táme ọtsi ánfí mṓ lapó mu ntsú fwí mí ayabiasí, pṓ mṓ nwunso-imi tsítsi mṓ. ⁴⁵ Fṓmɛlatá mí pṓtá, táme tsú bréá nɛba nfí ọpá á, ọtsi ánfí mṓkṓsí mí ayabi kṓlá pṓtá. ⁴⁶ Fṓmɛtsɛí ofobí wólí mí nwuntə, táme mu mṓ alatséí ofobí fánfán wólí mí ayabisu. ⁴⁷ Mṓ sv nde fú bláa mbé, ədwe tsətsətsə ánfí alalé súná mí ánfí idesuná ání Bulu lasí mu lakpan tsətsətsə ámu fɛé kíé mu. Táme əhá ání Bulu osii lakpan kpalobí kíé á, ədwe kpalobí ọtelé súná.”

⁴⁸ Inu Yesu lébláa ọtsi ámu əbé, “Nasí fú lakpan fɛé kíé fú.”

⁴⁹ Ahá amṓbṓ amṓa Yesu bṓtsie əpónṓasí ámu, bɛblí wá nwuntə bɛ, “Ma gyí oyin ánfí əbé mṓna mṓdɛ ahá lakpan sikíé amṓ.”

⁵⁰ Mṓbṓ Yesu lébláa ọtsi ámu əbé, “Fú hógyi laho fu nkpa. Natí iwilwiito.”

* 7:41 Sika ánfí igyi sika futútú lafanu (500) mṓa aduenu (50), igyi əha nke lafanu (500) mṓa aduenu (50) ɪkṓká.

8

Atsiá Bobuo Yesu

¹⁻² Imowa ɔpá kuku, Yesu léki awúlu móa nkuda asi, ɔde Bulu iwíegyi ámu iwi asun wankláán ɔkan da. Mu akasípú dúanyo ámu pú atsi akóá olegya ɔɣe laláhe lé amótó, tsá amó ilo bobuo mu. Atsi ámu gyí, Magdalayintse Maria ání Yesu légya ɔɣe laláhe asienó lé mutɔ. ³ Owie Herode wóyísó ɔkírú Kusa mu ka Yohana. Ɔtsi ɔkúá butetí mu Susana pú atsi tsɔtsɔɔtsɔá betsiá pú amó ató kí Yesu mwa mu akasípúsu.

Ató-abí Owunyápu Iwi Yébi

(Mateo 13:1-9; Marko 4:1-9)

⁴ Bréá ɔdɔm kpɔnkpɔɔnkpɔnti botsu awúlu-awúlusɔ ba befia Yesu wá á, ɔleha amó yébi ɔbéé,

⁵ “Ɔdɔtɔpu ɔku lýɔ ató-abí owunyákpa. Bréá ɔde mú wunyáa a, iku lówólí ɔkpatɔ, ahá betsatsáa mósú, mbubwi é bɔtsweɔtsweé mú féé. ⁶ Iku lówólí abutású, ɔtínéá isi kpalobí dín. Ilowa ɔsa kwe, táme bréá owí lelun a, iloɔ mú m, tsúfé imenya ntsu. ⁷ Abí ámu ku lówólí awutɔ, awu ámu lɔbulá kítá mú, imedan. ⁸ Abí ámu ku lówólí ɔsulúw wankláánsú, dan. Iloswie abí tsɔtsɔɔtsɔ fé mú amó olodu ámu odu tsé lafa.”

Yesu lómɔ mu asún ɔnó ɔbéé, “Ɔhá ání ɔbu asu onúu.”

Táá Svá Yesu Lótóí Ayébisv

(Mateo 13:10-17; Marko 4:10-12)

⁹ Yesu akasípú befité mu yébi anfi asi. ¹⁰ Ɔlebláa amó ɔbéé, “Bulu lahá mli ɔkpa ɔbéé, mlibí mu iwíegyi ámu iwi asun ɣáinhé. Táme nde aha bambá asún bláa ayébisv, méní bówun, táme buméebi. Bónu, táme bumóonu mú asi.

Ató-abí Owunyápu Yébi Amv Asi

(Mateo 13:18-23; Marko 4:13-20)

¹¹ “Yébi amv asi ní. Ató-abí ámu gyí Bulu asún. ¹² Abí amóú iloɔwólí ɔkpatɔ ámu gyí ahá ání butonú asún ámu, táme Ɔbunsám teba bele mú lé amó klɔntɔ, méní bumóɔhɔ mósú gyi, fówun bénya nkpa ání itamatá. ¹³ Abí amóú iloɔwólí abutású amv gyí ahá amóú bonú asún ámu pé, bahɔ mú ansigyísú, táme buma nlin. Mú sv butamahogyi wa ɔpá. Ní isóki ku inyá tó amó pé, badida. ¹⁴ Abí amóú iloɔwólí awutɔ ámu gyí ahá ání bonú asún ámu a, bahɔ mú, táme ɔyi ánfɔ atɔ hiánhe iwi gywín, pú mótó atonyahé iwi ansigyí tegyi asún ámu sv. Iní sv butamaswíé abí dan. ¹⁵ Abí amóú iloɔwólí ɔsulúw wankláánsú ámu gyí ahá amóú bonú asún ámu a, butɔhɔ mu wá klɔn wankláán ání itonú asún, gyi mósótó. Iní sv butotomi swíé abí tsɔtsɔɔtsɔ.

Ɔkandíe Iwi Yébi

(Marko 4:21-25)

16 “Ọhaa tamanywé ọkandíe pú ató bun mósú, ntée pówá mpá ayasi. Ọfúákpá ọtọpọbian, ménì ẹbówankí há ahá ání bẹba wóyí ámọtọ.

17 “Tsúfẹ tọtọ má ọnọ ibẹnjáin, ọmẹelun ọwan. Asun njáinhé kọkọ é ma ọnọ bọmẹẹbi mú.

18 “Mlìkì wankláán mlì asún-nutó. Tsúfẹ ọhá ání odekléá obónu mí atosunáhé amọ asi á, Bulu ọbọpọ ọkọ tsía mótó há mọ. Táme ọhá ání omedékléá obónu mú asi á, Bulu ọbọswí mọ kpalóbí ámọ ọlosusú ání alabí ámọ kóráá.”

Yesu Abusuanfọ Onutó

(Mateo 12:46-50; Marko 3:31-35)

19 Yesu mọ yin mọa mọ apíọ bẹba mọ wá, táme ọdọm amọ sọ bọmetalí wíé ba mọ wá. 20 Ahá ámọtọ ọkọ lébláa Yesu ọbẹe, “Fú yin mọa fú apíọ bulí kpankpá, bọdekléá bówun fọ.”

21 Yesu lébláa amọ ọbẹe, “Mí yin mọa mí apíọ gyí ahá ání bọtonú Bulu asún ámọ, gyí mósú.”

Atsufú Asibá

(Mateo 8:23-27; Marko 4:35-41)

22 Ẹkẹ ọkọ Yesu lébláa mọ akasípú ọbẹe, “Mlìha afa Galilea ọpọ yọ mú ọbun.” Mú sọ bọpọ ọkpa bọyó. 23 Bréá bọyó á, Yesu lédídí. Inu afú kpankpọnkpankọnti kọ lówa tsọun bi. Ntsu ámọ ideda wíé ọklun amọtọ, ideklé ọmẹ. Ọlọtọ amọ ansí pẹpẹ. 24 Mú sọ betsinkí Yesu, bláa mọ bẹe, “Anì Wíe! Anidé ntsu wie!”

Yesu lókusú lé ọnọ wa afú mọa ntsu ámọ, ọnọ fẹé lólá. 25 Inu ọlẹfité amọ ọbẹe, “Mlì hógyi mẹ?”

Ifú lẹkítá amọ, ọnọ lobwie amọ, bẹfité aba bẹe, “Nyankpọsa ọmọmọ nì, alalé ọnọ wa afú mọa ntsu kóráá, banú mọ ọmẹ alì?”

Ọjẹ Laláhe Gyá Lẹ Ogbedéptó

(Mateo 8:28-34; Marko 5:1-20)

26 Yesu mọa mọ akasípú bẹfa ọpọ tsú Galilea yówie Gerasefọ* ọsolúsu. 27 Bréá Yesu dédalì ọklun amọtọ á, oyin ọkọá otsú wúlu amọtọ, ọjẹ laláhe bọ mọtọ lébefia mọ. Oyin ánfì lẹkpa ató, tú dálì wóyító, yó otsie afúli opulákpá ilawá ọpá. 28 Bréá olowun Yesu a, ọlọsọrá okitikítì, dá akpawunu Yesu ayabítọ, kplón blí ọbẹe, “Ọsúsúsú Bulu mọ Bi Yesu, amansu igyi? Kókoli, mápítì mí ató.” 29 Alì bré ámọtọ á, Yesu lakplón wa ọjẹ laláhe amọ ọbẹe, idálì mọtọ dodo. Mú sọ oyin ámọ léblí alì ní. Ọjẹ laláhe amọ itowíé mọtọ brégyibré. Mú sọ bọtọwá mọ ibi pọ mọ ayabi ọkan, gyo mọ iwí. Mú óó á, otebíá ọkan amọ, ọjẹ laláhe amọ itehá mọ ọtesrí wíé aputu.

30 Inu Yesu lẹfité mọ ọbẹe, “Nkálì bọtetí fọ?”

* 8:26 Gadarafọ bọ nwóló dada amọ akọtọ.

Oyin ámu lélé mú ònó òbée, “Mí dá gyí ‘Òdòm.’ ” Tsúfẹ òḡe laláḡe tsòtsòtsò bu mutò. ³¹ ḡḡe laláḡe amu bokokóli Yesu òbée, òmágya amú yówa ilán klúklúúklúá ima òkato.†

³² Mprákuo tsòtsòtsò aku budegýí okúku kusu inu fón. Mú su òḡe laláḡe amu bokokóli Yesu bee, òhá abuyowie mprákuo ámutò. Ḳḡḡa amú òkpa òbée buyó. ³³ Inonu bedali oyin ámutò yówie mprákuo ámutò, amú fée besrí kpákplí okúku amu wíe òputò, wúwu.

³⁴ Bréá mprákuo akpapú ámu bowun tóá ilaba a, besrí yéblí asón ánfí wúlutò pú òmá ámutò. ³⁵ Inu ahá beba beki tóá ilaba. Bowun ání oyin ámutú teki òḡe laláḡe bubu mutò ámu ansító ladí, alawá atadi e otsie Yesu wá. Ilawa amú ifú. ³⁶ Ahá ámutú bowun itó ámutú iléba amu bebláa amú aliá oyín ámutú òḡe laláḡe bubu mutò ámu lénya mu ilòtsá. ³⁷ Ḳmá ámutò ahá fée bokokóli Yesu bee, òdálí amú òmátó, tsúfẹ ifú leḡḡe kítá amú. Mú su Yesu lówie òklun amutò òbée amunati. ³⁸ Oyin ámutú teki òḡe laláḡe tsie mutò ámu lókokóli mu òbée, “Ha mí ambuo fu yò.” Táme Yesu méha mu òkpa.

³⁹ Mboún òlebláa mu òbée, “Yinki yò wóyí, afuyebháa mli pi toyiléa Bulu labwé há fú.”

Mú su oyin ámu léki wúlu amu fée fiá, òde toyilé ámutú Yesu labwé há mu amu blí wúlu amutò fée.

Ḳhande Ḳu Mu Bi Mva Ḳtsi Ḳku Ilo Tsa
(Mateo 9:18-26; Marko 5:21-43)

⁴⁰ Bréá Yesu léyinkí yówie òpu amu òbin a, òdòm bòḡo mu atúu, tsúfẹ bude mu òkpa kí. ⁴¹ Inu oyin òkúá butetí mu Yairo, ogyi Yudafò ofiakpa òhande léba beda akpawunu mu ayabito, kókóli mu òbée, òhá abuyò mu wóyító. ⁴² Mu bi tsíḡe òkule péá òbu, alahò nfi dúanyò da odewu.

Bréá Yesu lópu oyó inu á, òdòm ámutú bubuo mu amu bekpa buo mu ye. ⁴³ Ḳtsi òkúá obugya de mu wolí nfi dúanyò ní, òhaa mókótálí tsá mu, alayíntá mú iwísu ató fée ilò atsapú ibitò bu ahá ámutò. ⁴⁴ Ḳtsi ánfí lótsun yò Yesu òma, pú ibi da mu tati osiebí. Inonu obugya amu leka itin. ⁴⁵ Múú Yesu léfité òbée “Ma lápú ibi da mi?”

Bréá ahá ámu fée bee bumòkúpú ibi da mu a, Petro léfité Yesu òbée, “Mí Wíé, òdòm ánfí bopu fú ánfí á, mú fúde asón ánfí fité?”

⁴⁶ Táme Yesu léblí òbée, “Ḳku lapú ibi da mi. Nawun ání òḡe ku ladálí mitò.” ⁴⁷ Bréá Ḳtsi ámu lówun ání itó ámutú mabwé ámu lalin òwan á, òledali ba. Ḳdekpinkí kpakpakpa, òleyéda akpawunu Yesu ayabito, bláa mu ahá ámu fée ansító tóá svá mòpu ibi da mu, pú aliá manyá ilòtsá. ⁴⁸ Inu Yesu lébláa mu òbée, “Mí bí, fú hògyi latsá fú ilò. Nati iwilwiito.”

† 8:31 Ilán klúklúúklúá ima òka gyí òḡe laláḡe isu òbitíkpa.

49 Bréá Yesu bu mu tói anfiṣu á, oku lésrí tsú Yairo wóyító ba bebláa Yairo obéé, “Fú bí ámu okpka mowa alé. Mátepi trá wa osunápó tói.”

50 Bréá Yesu lónu asún áfi á, obelbláa Yairo obéé, “Mánya ifú. Fú mú hogyi wole, obénya nkpa.”

51 Bréá Yesu lówie wóyító inu á, omeha ohaa obuo mu yo obuá kebi ámu da mótó, don Petro, Yohane, Yakobo pú kebi ámu akwíró. 52 Alí bré ámuṭo á, ahá ámu fée buḍesú, buḍe okitikíti. Yesu lébláa amó obéé, “Mlisi okitikíti sora. Omakowú, didi ode.”

53 Ahá ámu fée buyin áni otsibi amu lawú. Mú su bomaṣi Yesu. 54 Inu Yesu lékitá otsibi amu ibi, kpóli mu obéé, “Obí, kusu!”

55 Oné lelawíe mu, okusú líi otsawole pé. Mú Yesu lébláa amó obéé, “Mlidunka taku ha mu ogyi.” 56 Onó lobwie otsibi amu akwíró, táme Yesu léda amó olá obéé, “Mlumábláa ohaa asún áfi.”

9

Akasípó Dúanyo Amu Sumbiwa (Mateo 10:5-15; Marko 6:7-13)

1 Yesu léti akasípó dúanyo ámu fia, ohaa amó túmi, há amó okpka obéé, buyáa ohe laláhe fée, abutsa ilo. 2 Olowa amó obéé, buyéda Bulu iwíegyi ámu okan, abutsa alaru. 3 Obelbláa amó obéé, “Ní mláyó á, mlumátsu toto. Mlumátsu oyi yíahé, akpankogyo, atogyihe, kóba ntée atadie nyosi. 4 Wóyígyíwóyítóá bóho mli á, mlisia inu yofon ekeá mlédali wúlu amoto. 5 Ní bumaho mli wúlu kusu, mlidédali mláyó á, mlíkpa mli ayabito-isi woli wúlu amoto, isuna áni bumebi bwé.”

6 Benatí kí nsiné inu awúlu féesú, buḍe asun wankláán ámu okan da, tsá ilo.

Herode Légyigyáa (Mateo 14:1-12; Marko 6:14-29)

7 Bréá Galilea omású ogyíró Herode lónu tóá ide mósú yo á, olegigyáa. Tsufé aku buḍebli beé, “Asú Oború Yohane lakósú tsú afúlitó.” 8 Aku é beé, “Bulu onósú otáipú dada Elia lálé iwí owan.” Aku é beé, “Bulu onósú atáipú dada amoto oku lákósú tsú afúlitó.” 9 Herode lébli obéé, “Nahá batin Yohane. Ngaya oyin omamu iwí asún ntráa ndenu ali?” Mú su obobo mbódi áni mówun Yesu.

Ahá Mpim-nu Atogyihe Ha (Mateo 14:13-21; Marko 6:30-44; Yohane 6:1-14)

10 Yesu sumbí ayorú amu beyinkí bá bebláa mu tóá bayóbwe. Okpka amó buo iwí, amó nkule boyo Betsaida wúluto. 11 Bréá okom amu bebi áni obu inu á, begya mu okpa yó inu. Yesu lóho amó atúu, obelbláa amó Bulu iwíegyi amu iwí asún, oletsá amúá buḍelo.

¹² Bréá owí deṛóon a, sumbí ayọpú dúanyo ámu beba bebláa Yesu bee, “Ha amó abonati, méni bétali yó awúlu ání ibu mantáa nṣisú yódunká atogyihe múa odikpa, tsúfé aníméenya toto há amó dimbí ánfító.”

¹³ Táme Yesu léle mú onó obéé, “Mludunka ató ha amó abugyi.”

Akasípó amu bebláa mu bee, “Tóá anibu féé gyí bodobodo apin anu pú ntsutso iye bwáhé anyo. Nkétí anlayóhó atogyihe ba ahá áñfi féé.” ¹⁴ (Ayin ání bubu unu bóbwe fé mpím-nu (5,000).)

Yesu lébláa akasípó amu obéé, “Mliha amó abotsia okútó. Iku kule ibwéé fé ahá aduenu (50).”

¹⁵ Akasípó amu bóbwe dínká músú, ohagyíoha létsiá asi. ¹⁶ Inu olotsu bodobodo anu pú ntsutso iye bwáhé anyo ámu. Inu olotsu ansí fúá kí osúsú, oleda Bulu ipán. Múú olebiabía mótó púhá akasípó amu obéé, buyée mú ha ahá ámu féé abugyi. ¹⁷ Amu féé begyi mwe sian. Bréá akasípó amu botósi isíanhe amu a, idobulá alakpá dúanyo.

Ohá Aní Yesu Gyí

(Mateo 16:13-19; Marko 8:27-29)

¹⁸ Eke oku Yesu nkule dé mpáí bə, mu akasípó amu bubu unu. Múú olefté amú obéé, “Ma ahá bee ngyi?”

¹⁹ Bele mú onó bee, “Ako bee, fúgyí Asú Obọpú Yohane. Ako bee, Bulu Onósú Otóipú Elia. Ako é bee, Bulu onósú otóipú dada oku lákósú tsú afúlitó.”

²⁰ Múú olefté amú obéé, “Mli é mé? Mliha mígyí ma?” Petro léle mú onó obéé, “Fúgyí Kristo, (ohá ámúú Bulu ladá mu ofúli amu) ni.”

Yesu Iwiasin Pú Mu Lowu Iwi Asón Blí

(Mateo 16:20-28; Marko 8:30-9:1)

²¹ Inu Yesu léda amú olá kpákpáákpá obéé, bumábláa ohaa mu iwi asón áñfi. ²² Oletrá bláa amú obéé, “Ilehián ání mí, Nyankpusa-Mu-Bi áñfi néhie wun iwiasin tsotsotsó Yudafo ahande, Bulu igyí ahapú dehen pú Mose mbala asunápú ibito; amú féé békiná mí, há bómó mí, táme Bulu obélakósúa mi tsú afúlitó eke sáásí.”

²³ Inu olebláa ahá ámu obéé, “Ní oku dékléa obóbuo mi á, osii tóá otekle bwe, otsu mu oyikpalíhe ekekegyíeke bobuo mi.

²⁴ Tsúfé ní oku lépri mu nkpa á, obóhólú mú. Ní oku é lési mu nkpa há mí su é á, Bulu obóhó mu nkpa. ²⁵ Ní oku onyá oyító ató féé, táme ohólú mu okláa a, labi mómú idowa há mu? ²⁶ Ní oku onyá mía mí atosunáhé péli a, mí, Nyankpusa-Mu-Bi áñfi é nénya mu péli bréá nna mía mí Sí pú mu abọpú wánkíhé numnyamtó nebá. ²⁷ Onokwali nde mli bláa. Ako bubu mlitó nfi bumóowu asa bówun Bulu iwíegyí amu.”

Yesu Iwitsée

(Mateo 17:1-8; Marko 9:2-8)

28 Yesu léblí asón ánfí ndawótswí ɔma a, ɔlekpa Petro muv Yohane pú Yakobo buo iwí, bɔɔv yó mpái ɔbɔkpá ibv kusv. 29 Bréá ɔde mpái ámv bɔ á, mv ansító letse. Mv atadiɛ lofulí húnánáná, ide ogyá kpa. 30-31 Inu á, ahá abanyó ání batsiá kí, bogyi Mose muv Elia béle iwí ɔwan ɔsúsú numnyamtɔ. Amúv Yesu bɔtáí tsú mv lowuá Bulu léhie tswí mv ání imóɔwa ɔpá obówu Yerusalem iwí. 32 Petro muv mv aba ámv beɔidi. Bréá bɔwan tsinkí á, bowun Yesu numnyam, ahá abanyó ámv é bulí mv wá. 33 Bréá ahá abanyó ámv buɔenatí á, Petro lébláa Yesu ɔbéɛ, “Mí Wíé, ibv alá abétsiá nfi. Ha ada abú asa. Fú klé kule, Mose klé kule, Elia é klé kule.” (Ɔmebi tɔ́á ɔdeblí).

34 Bréá ɔde asón ánfí blí á, agyinde kv lobobun amó féesó. Inu ifu lekítá amó abasá ámv. 35 Inu á, ɔme kv ledalí tsu agyinde amvɔtɔ ɔbéɛ, “Ɔni gyí mí Bía nalé ní. Mliyaa asv amlinu mv ɔme.”

36 Ɔme amv lótsutsúa ibeka tin á, lasí Yesu nkole inv. Akasípó amv bekpa ɔnó bun asón ánfisv nke ámvɔtɔ. Bvmebláa ɔhaa itáá bayówun.

Ɔlɔ Didahɛ Ɔlɔpú Tsa

(Mateo 17:14-18; Marko 9:14-27)

37 Mú ɔyi kehe a, Yesu muv akasípó abasá ámv bekpí tsú ibv ámvsv, ɔɔm amv befia mv. 38 Inu amótó ɔkv lókplvɔn ɔbéɛ, “Osunápú, kókoli, damli kí mí bí ha m. Obi yinhé ɔkule pé ogyi mí. 39 Ɔhe laláhe kv towíé mvɔtɔ, ɔtɔkplón. Ɔteɔɔɔ gbla, ɔdeko tsikitsiki, mv ɔnó tɔbwé afu. Ipiantɔ asa itesí mv, ide mv yintá. 40 Nobobwií ipa há fú akasípó amv mbéɛ, bogyáa mú le mvɔtɔ, támɛ bvmetalí.”

41 Yesu léle mú ɔnó ɔbéɛ, “Nɔemba-abiá mlvá hógyi, mli tsiátó ma ale. Alí nétsiá mli wá, nyá klvɔn há mli ekekegyíeke ní?”

Inu ɔlebláa oyin ámv ɔbéɛ, “Kpa fú bí ámv ba m.” 42 Bréá ɔlekpa kebi ámv ɔbá á, ɔhe laláhe amv léfin mv dá, ɔdeko tsikitsiki. Támɛ Yesu lókplvɔn wa ɔhe laláhe amv, tsá kebi ámv. Inu oleyinkía mv há mv sv. 43 Bulu túmi kpɔnkpɔntí ámv leha ɔnó lobwie ahá ámv fée.

Yesu Lowu Iwí Asón Blí Otse Nyɔɔsi

(Mateo 17:22-23; Marko 9:30-32)

Bréá mv bwehé ide ɔhagyíɔha wánwan wa á, Yesu lébláa mv akasípó ɔbéɛ, 44 “Mlihie yaa asv amlinu. Béle mí, Nyankpɔsa-Mv-Bi ánfí há adón bómɔ mí.” 45 Támɛ akasípó amv bomonu mú asv. Bulu lópɔv mú asv nu náín amó. Mú sv imɔwankí amó asón ání ɔdeblí. Ifú é de amó ání béfité mv.

Ma Ɔbóbwe Ɔhandɛ?

(Mateo 18:1-5; Marko 9:33-37)

46 Nwéɛn kv léba akasípó amv nsiné, tsú amótó ɔhá ání ɔbóbwe ɔhandɛ iwí. 47 Yesu lébi amó agywun. Mú sv ɔlekpa

kebi ɔku belí mu iwí wá. ⁴⁸ Múú ɔlebláa amú ɔbéé, “Ɖhagyíɔha ání ɔlɔhɔ kebi ání mí dátó lahɔ mi. Ɖhagyíɔha ání ɔhɔ mi é lahɔ ɔhá á múú ɔlɔwa mí ámu. Tsúfé ɔhá ání ogyi ɔtráhe mlíto féé gyí ɔdéhɛn.”

Aní Obúopv

(Marko 9:38-40)

⁴⁹ Yohane lébláa Yesu ɔbéé, “Mí Wíé, anilówun oyin ɔku dépu fú dá gya ɔɲe laláhe, aniléka mu tin, tsúfé ɔma anító.”

⁵⁰ Táme Yesu lébláa amú ɔbéé, “Mlímáka mu tin! Tsúfé ɔhá ání ɔmɔkɔsú líí mlísv buo mlí.”

Samariafɔ Bvɔmɔhɔ Yesu

⁵¹ Bréá nkéá Bulu obótsu Yesu ya ɔsúsú dekpukpé ba a, ɔlɔbwe agywun ání ɔbóyɔ Yerusalem kokooko. ⁵² Ɖlɔwa abí gyankpá yó Samaria wúlu kɔsv ɔbéé, buyéla inu yaí ha mu. ⁵³ Táme bvɔmɔhɔ mu wúlu amotɔ, tsúfé Yerusalem ɔyó. ⁵⁴ Bréá mu akasípú Yakobo mva Yohane bowun alí á, befíté mu beɛ, “Aní Wíé, fudeklé féɛ ahá ogyá itsu ɔsúsú bɔhɔ amú mó?”

⁵⁵ Táme Yesu lédamlí, wá inu wá amú.* ⁵⁶ Múú bɔpu ɔkpa yó wúlu bámbású a.

Ahá Aní Bɛɛ Bɔbwe Yesu Abúopv

(Mateo 8:18-22)

⁵⁷ Bréá bvuna ɔkpatɔ bɔyó á, oyin ɔku lébláa Yesu ɔbéé, “Nóbuo fú yó ɔtínegyíɔtínéá fɔyó.”

⁵⁸ Yesu lébláa oyin ámu ɔbéé, “Awíá bubv mbó, mbubwi é bubv asia, táme mí, Nyankpɔsa-Mv-Bi ání mí mó á, mma ɔtínéá nɔpu mí nwnun tswí.”

⁵⁹ Yesu lébláa ɔha bambá é ɔbéé, “Bobuo mlí.”

Táme oyin ámu lébláa mu ɔbéé “Owíé, ha mí anyopulá mí sí asa ambobuo fú.”

⁶⁰ Múú Yesu lébláa mu ɔbéé, “Si awupú† abɔpula amú afúli. Táme fú mó yɔ afuyɛda Bulu iwíegyi ámu ɔkan.”

⁶¹ Ɖku é lébláa mu ɔbéé, “Mí Wíé, nóbuo fú, táme ha mí anyinki ye klá mí wóyító ahá asa.”

⁶² Yesu lébláa mu ɔbéé, “Ɖhá ání ɔtesrí dámlí kí ɔma mófun ha Bulu iwíegyi ámutɔ agyómá yɔ.”

10

Akasípú Aduesienó-nyɔ Sumbi Wa

(Mateo 10:7-16)

¹ Inu ɔma a, Yesu léle mu akasípú aduesienó-nyɔ (72)* aku é, ɔlɔwa amú abanyó-abanyó ɔbéé bugyánkpa yó wúlugyíwúluá

* **9:55** Inu bu nwló dada amú akotɔ: Ɖbéé, “Mlíméyín ɔɲé oduá ide mlí kpa. Tsúfé Nyankpɔsa-Mv-Bi ámu méba ahá ɔmɔkpá, nkpa ɔhákpa ɔleba.” † **9:60** Awupú gyí ahá ání bawú ɔɲétó.

* **10:1** Aduesienó-nyɔ (72): Aduesienó (70) bu nwló ámu akotɔ.

mu onutó mýɔ mósú. ² Ɔlebláa amú ɔbéɛ, “Atɔ kpɔtíhé amu itso, táme mú akpɔtípɔ bumɔtsó. Mú su mlíkɔkɔli ndɔ mu wie, ɔwa akpɔtípɔ tsɔtsɔ abuba bɔkpɔtí mu ató ámu. ³ Mlínati, mlibi ání nde mli wa fé akúfabi ɔyó adúndutɔ. ⁴ Mlímátsu sika kente, akpankogyo ntée ntɔkɔta kítá. Ní mliná ɔkpatɔ á, mlimálí tóntɔn ahá. ⁵ Ní mlowíé wóyígyíwóyítá a, mligyankpa bla amú mliaa, ‘Bulu ɔhá mli iwilwii.’ ⁶ Ní wóyí mu wie amu tekle iwilwii a, mli iwilwii bésin wóyí ámusu. Táme ní ɔtamakle iwilwii a, ibésankí bá mli wá. ⁷ Mlitsia wóyí ámú bɔhɔ mli mótsó ámutɔ. Mligyi ató, amlinu tógyítá béha mli, tsúfé agyómá ɔɔpɔ buteká ikɔ. Mlímátu láyétsiá wóyí bámbátó. ⁸ Ní mlowíé wúlu kusɔ, bɔhɔ mli á, mligyi tóá béha mli. ⁹ Mlitsa alɔpu ání bobu wúlu amutɔ, amlibli wúlu amutɔ ahá mliaa, ‘Bulu iwíegyí lawíé wóyí tá.’ ¹⁰ Táme ní mlowíé wúlu kusɔ, bumɔhɔ mli á, mlidalí yelí brɔnusu, amlibli mliaa, ¹¹ ‘Anidé mli wúluto otútúu amú ɔlawólí ani ayabiasí amu kóráá kpakpáa wolí. Táme mlibi ání Bulu iwíegyí ámu lawíé wóyí tá.’ ¹² Nde mli bláa mbéɛ, Bulu ɔbébití wúlu amutɔ ahá isu don Sodomfɔ mu asón ogyíké amu.

*Ahá Aní Bumɛdamlí Klɔntɔ Asóngyí
(Mateo 11:20-24)*

¹³ “Korasinfɔ, mligyɔwi. Betsaidafɔ, mligyɔwi ní. Ní Tiro pú Sidon awúlu laláhe amutɔ nɔbwe ofúla akpɔnkpɔnti ání nɔbwe mlitɔ ání á, teki buda akpekpetɔ, bakpá nsúó wá nwuntɔ púsúná ání badámlí klɔntɔ. ¹⁴ Táme mlibi ání Bulu ɔbébití mli isu mu asón ogyíké don Tiro móá Sidonfɔ. ¹⁵ Mli Kapernaumfɔ, mlidéklé mliaa mlótsu iwí fúá alu yówa ɔsúsú? Ekékeké! Bulu ɔbéba mli asi yówie afúlitɔ.”

¹⁶ Yesu lébláa mu akasípɔ amu ɔbéɛ, “Ɔhá ání ɔhɔ mli asón lahɔ mli. Ɔhá ání olekiná mli asón hɔ lakíná mí asón hɔ. Ɔhá ání olekiná mí asón hɔ é lakíná mí Sí ámú ɔɔwa mí ámu asón hɔ.”

Akasípɔ Aduesienó-nyɔ Amu Yinkí Ba

¹⁷ Akasípɔ aduesienó-nyɔ ámu beyinkí ba ansigyísú. Bebláa Yesu beɛ, “Ani Wíé, ní akplón wa ɔhe laláhe kóráá fú dátɔ a, butobú ani.”

¹⁸ Yesu lébláa amú ɔbéɛ, “Nowun ání Satan lékpa tsú ɔsúsú fé alíá nsaintɔ tɔfwí ibi beda ɔsolótɔ pɔ. ¹⁹ Mlinu! Nahá mli túmi ání mlitsatsa awɔ pú nyankpɔkpíesu tsɔn, amligyí Ɔbunsám túmi féesú. Tɔtɔtɔ móɔbwe mli. ²⁰ Táme ansí mágyi mli ání ɔhe laláhe labú mli. Mboún ansí igyi mli ání Bulu lawánlín mli adá tswi ɔsúsú.”

*Ansí Legyi Yesu
(Mateo 11:25-27; 13:16-17)*

²¹ Alí bré ámtò á, Òje Wankíhé léha ansí lèhíe gyi Yesu. Múbò òlèblí òbée, “Mí Sí, òsú mva así Owíé! Nèdá fú ipán ání falé tóá fòpòhàín anyansapò pú asún abipú òwan súná ahá ání bómeyín òlala, bogyi fè nyebí. Ee, Mí Sí! Alí fudeklé fèe ibá mótó ní.”

²² Múbò òlèbláa mu akasípú amu òbée, “Mí Sí lapú tógyító wá mí ibítò. Òhaa méyín òhá ání Obí ámu gyí, nkéti Òsí ámu nkòlè. Òhaa méyín Òsí ámu é, nkéti Obí ámu, pú òhá ání Obí ámu latsúlá ání òbéle mu súná mu.”

²³ Bréá òhaa má amú wá á, òledamlí kí amú, bláa amú òbée, “Mí mú á, Bulu layúlá mlí, mlídé ató ánfí wúun. ²⁴ Nde mlí bláa mbée, Bulu ònósú atópú pú awíe tsòtsòtsò bekle ání bówun ató ánfí, abònu asún ánfí mlídenu, táme bumenya mú alí.”

Samariayin Awítàlèpò Òkò

²⁵ Mose mbla osunápú òkò lókòsú líí fítè Yesu asún ánfí pòsò mu kí. Òlèfítè mu òbée, “Osunápú, ntò mbwée asa anya nkpa ání itamatá?”

²⁶ Yesu lébláa mu òbée, “Nkálí Mose Mbla léblí? Nkálí fonu mú así?”

²⁷ Oyin ámu lébláa mu òbée, “Pò fú klòn, fú òkláa, fú òwònlín pú fú agywun fée dwe fú Wíe Bulu, afòdwe fú bá fè fú iwí.”

²⁸ Yesu lébláa mu òbée, “Mú fablí á. Bwe mú, fénya nkpa ání itamatá.”

²⁹ Táme oyin ámu lékléá obòsuná ání mú asún da òkpa. Mú sò òlèfítè Yesu òbée, “Ma gyí mí bá?”

³⁰ Yesu lébláa mu òbée, “Bré kòsò oyin òkò lékplí tsú Yerusalem oyó Yeriko. Bréá òna òkpatò á, oleyéfià ogyo atswapú akò. Ahá ánfí bekpa mu tati, swíí mu ató fée, dá mu sian mu mò, náti sí mu tswí. ³¹ Bulu igyí òhapú òkò ná òkpa ámu kénsú. Bréá olowun mu sísí á, òlebaí tsòn ifóntó náti sí mu. ³² Alí kén Lewiyin òkò é lóbòtu mu, báí tsòn ifóntó náti ní. ³³ Táme Samariayin òkòá òná òkpa ámusò mú léba bowotíí musò. Bréá olowun oyin ámu a, òlòwa mu nwe. ³⁴ Òlenatí yótu mu. Òlètsei nta kpekplé wólí mu nòsò, yí ofobí wá mú, kí mú, tsú mu dínká mu afrímúsú, pú mu ya afòó òswíkpá yéki musò. ³⁵ Mú oyí kèhè a, Samariayin amu léle sika futútú anyò há afòó òswíkpá inusò òkípú òbée, ‘Kí musò ha mí. Ní feyintá tòkò tsíá a, neyínkí néka fú.’”

³⁶ Yesu lómò mú ònò òbée, “Fú atò kíhètò á, ahá abasá ánfíto òmòmu gyí oyin ámúbò òlèfià ogyo atswapú ámu mu ba?”

³⁷ Mose mbla osunápú amu lébláa mu òbée, “Oyin ámúbò olowun mu nwe ámu.” Yesu lébláa mu òbée, “Mómú yò afyòbwe mú odu.”

Marta Mva Maria Wá Yò

³⁸ Bréá Yesu mva mu akasípú buna òkpatò bòyó Yerusalem a, bowie wúlu kòsò. Òtsi òkòá bütetí mu Marta lóhò mu òfòó, òlekpa mu ya mu wóyító. ³⁹ Mu pio tsihé gyí Maria. Maria anfi

lébetsiá Yesu ayabiasí, òde mu atosunáhé nu. ⁴⁰ Marta nkòlè dédamlí tsvn mótó, alá íbòbwe òbòbwe amú afòótò. Iòdvn mu. Múbò òlenatí yó Yesu wá, yéfité mu òbée, “Mí Wíé, fawun ání mí píó lasí agyómá ámu fée tswi mi nkòlesu? Bla mu òbetsa mí.”

⁴¹ Yesu lébláa mu òbée, “Òo Marta, Marta! Fvdè fú iwí háan ntobí tsòtsòtsò iwí. ⁴² Toku kulè pé déhián, Maria lalé múá íbu alá dvn. Jhaa méetalí swíí mu.”

11

Mpáibò Iwí Atosunáhé

(Mateo 6:9-13; 7:7-11)

¹ Èké òku Yesu bu òtinekú òde mpáí bò. Bréá òlòbò mpáí ámu tá á, mu akasípú amútò òkulè lébláa mu òbée, “Mí Wíé, suna aní mpáí bò fé alá Asú Òbòpú Yohane lósuná mu akasípú.”

² Yesu lébláa amú òbée, “Ní mlòbò mpáí á, mlibò mú alá. ‘Aní Sí,

ahá bubúu fú dá.

Ba begyi iwíé.

³ Ha aní atogyihéá íbòfòn aní ekekegyíèké.

⁴ Si aní lakpan kie aní,

fé alá anitesikíé ahá ání butòpú ílá gyi aní.

Mákpa aní wá ísókítò.’ ”

⁵ Inu òlèbláa amú òbée, “Ní mlítò òku bu onyawíe a, òbòkúsú yó mu wá òyínsuné yébláa mu òbée, ‘Mí nyáwíé, pan mi bodobodo apin asa. ⁶ Mí nyáwíé òku labòswíí mí sésésésí. Mma tòtòá néha mu obégyi.’

⁷ “Mu nyawíe amú òbébláa mu sísí òbée, ‘Máwa mí tóí. Mía mí abí aníladí. Nafin obu, mméetalí kúsú beha fú tòtò.’ ⁸ Nde mli bláa mbée, fiálí onyawíe òkpasu á, òmòòkúsú há mu. Táme alá òde mu kokólí kótóó su á, òbòkúsú há mu alá odeklé.

⁹ “Mú su nde mli bláa mbée, mlikvli Bulu, òbéha mli. Mliidunka, mlówun. Mliida mu klònsu, obéfinkí mú há mli.

¹⁰ Tsúfé òhá ání òtòkólí ató tenyá. Òhá ání otodúnká ató towun.

Òhá ání òtedá klònsu bótèfinkí há. ¹¹ Òsí òmòmu bu inu, mu bi

òkólí mu iye a, òbékítá iwò wá mu íbitò? ¹² Ntée ní òkólí mu bònò

a, òbékítá nyankpòkpíe wá mu íbitò? ¹³ Mli lakpan abwepú

kóráá mliyin alá butòpú atò wankláán há mli abí. Ntogyi sù

mli Sí ámúò òbu òsúsó ámu mú mòòpú Òjhe Wankíhé há ahá ání

bvde mu kolí?”

Yesu Mva Beelsebul

(Mateo 12:22-30; Marko 3:20-27)

¹⁴ Yesu légya òjhe laláhe lé oyin òkúá alató omúmutò. Bréá òjhe

laláhe amú lédalí a, oyin ámu lówa tóí bi. Mú su ònò lobwíe òdòm

amú. ¹⁵ Táme amútó aku beblí beé, “Òjhe laláhe owíe Beelsebul

túmi òdepugya òjhe laláhe lé ahátò.”

¹⁶ Amótó akú é bekleá bósó Yesu kí. Mú sù bebláa mú beé, òbwéé osúna pòsuna ání lélé otsú Bulu wá. ¹⁷ Táme Yesu lébi amó agywun. Mú sù òlebláa amó òbéé, “Iwíe ogyíkpa ání ilaye anyò, búde aba kò tédida. Wóyí oduá mótó atsiápú búde aba kò é tobwíé. ¹⁸ Ní Satan iwíe ogyíkpa labóí anyò, búde aba kò á, mú iwíegyi bédida. Táme mlidéblí mliáa, Beelsebul dátó nde òje laláhe gyáa le ahátò. ¹⁹ Ní Beelsebul túmi ndepugya òje laláhe lé ahátò á, mómú ma túmi mlí abí é búdepugya òje laláhe lé ahátò? Mlí abí ámù onutó obégyi mlí asón. ²⁰ Táme íniá Bulu túmi ndepugya òje laláhe sù á, mli bí ání Bulu iwíegyi ámù laba mlí wá dodo.

²¹ “Tsúfé ní òwònlín pù bú akótó, òde mú wóyí gyo a, mú tótò tamafwí. ²² Táme ní òhá ání òbù òwònlín dùn mú òbá begyi musù á, òtòswí mú bú akótó ámù mú ansí dùn mósú ámù, yéé mú atóá olenya étó.

²³ “Òhá ání omobuo mí dé mí lu. Òhá ání òmedé mí tsa akpa ahá ba Bulu é dé amó gyáa teía mí.

Òje Laláhe Yinkí Ba Òhato
(Mateo 12:43-45)

²⁴ “Ní òje laláhe idáli òhatò á, iteyéki dimbísó dúnká ot-siákpá, táme itamanyá. Inu iteblí ání ibéyinkí yó mú wóyí dadatò. ²⁵ Ní isánkí yó á, itowun ání baféí mótó, lá mótó wankláán. ²⁶ Iteyínkí yékpá mú aba asienó ání bütòbwé lalahe dùn mú, bütèba betsiá inu. Inu òhá ámù tsiátó teyíntá dùn alá igyi yáí.”

Oyúla Onutó

²⁷ Bréá Yesu dé asón ánfí blí á, òtsi òkù bú òdòm amùtò. Òtsi ámù lótsu òme fúá blí òbéé, “Bulu layúlá opúni amó fèdì mótó pù nyópù amó fònyópù ámù.”

²⁸ Táme Yesu lébláa mú òbéé, “Ahá ání bútonú Bulu asón, gyí mósó mbóun Bulu layúlá!”

Bodunká Ofúla
(Mateo 12:38-42)

²⁹ Bréá òdòm amù búdemoní tsía a, Yesu léblí òbéé, “Ndèmba-abí laláhe, mlidé osúna dúnká amliwun, táme mli mósowun kòkòkò dùn Bulu ònósó òtáipú Yona osúna amù. ³⁰ Tsúfé ahí amó Yona lóbwe osúna há Niniwefó ámù a, ahí mí, Nyankpòsa-Mù-Bi ánfí é nóbwe osúna há ndèmba-abí ní. ³¹ Seba owíe tsihé òbòkúsó líí Bulu asón ogyíké, há mlí ndèmba-abí ánfí ipón. Tsúfé olotsu òsaasí òmá kùtò kéin gya òkpa ba, bonu Salomo nyánsa atosunáhé. Mlíki, òhá ání òdùn Salomo líí nfi á. ³² Niniwefó é bókúsó líí Bulu asón ogyíké amù, há mlí ndèmba-abí ánfí ipón. Tsúfé bréá Yona léda Bulu asón òkan súná amó á, bédamlí klùntò ba Bulu wá. Mlíki, òhá ání òdùn Yona onutó líí nfi á.

Nyankpɔsa-oyi Ɔkandie
(Mateo 5:15; 6:22-23)

³³ “Ɔhaa tamanywé ɔkandie pɔnɔ́áin, ntée pú ɔ́lɔ bun mósó. Ɔfɔ́ákpá ɔ́tɔ́pɔ́bian, ménɔ́ ɔ́bɔ́wankí há ahá ání bɛ́ba wóyí ámɔ́tɔ́. ³⁴ Fú ansibi igyi ɔkandie há fú nyankpɔsa-oyí. Ní fú ansibi bu alé á, fú nyankpɔsa-oyí ámɔ́ fɛ́é bɔ́wankí. Táme ní fú ansibi ma alé a, fú nyankpɔsa-oyí ámɔ́ fɛ́é ɔ́bɔ́klun. ³⁵ Mú sɔ́ mlíkí ání wankí onutó bú mlítɔ́, megyí oklún. ³⁶ Ní fú nyankpɔsa-oyí ámɔ́ lɔ́wankí, oklún ma ɔ́tɔ́nɛtɔ́nɛ a, fú ɔ́wɔ́ fɛ́é bɔ́wankí fɛ́ alíá ɔ́kandie tɔ́wánkí wólí fósó.”

Mose Mbla Asunápo Pó Farisifo Tsiátó
(Mateo 23:1-36; Marko 12:38-40)

³⁷ Bréá Yesu lótoí tá á, Farisiyin ɔ́kɔ́ létɔ́ mɔ́ ató ogyíkpá mɔ́ wóyító. Mú sɔ́ Yesu lóyɔ́ yétsiá ɔ́pónú ámɔ́ asɔ́. ³⁸ Ɔ́wɔ́a Farisiyin amɔ́ wánwan ání Yesu mófɔ́wɔ́ ɔ́bɔ́ pógýóra ɔ́wɔ́ asa ɔ́de ató ámɔ́ gyí. ³⁹ Ɔ́nɔ́ sɔ́ Yesu lébláa mɔ́ ɔ́bɛ́e, “Mlɔ́ Farisifo mlítɔ́fɔ́wí mlɔ́ nwe pú mlɔ́ ablanwé wankláán, táme ɔ́nsípe mɔ́a ɔ́wuntɔ́lɔ́n sósɔ́n lábóla mlɔ́. ⁴⁰ Mlɔ́ aha mimláhe, megyí mótó mɔ́a mɔ́ ɔ́ma fɛ́é Bulu lóbwe? ⁴¹ Mlɔ́pɔ́ mlɔ́ atonyahé ámɔ́ ha ahíánfɔ́, tógyító ɔ́wɔ́ bétɔ́n ha mlɔ́.

⁴² “Farisifo, mlɔ́gyɔ́wɔ́ ní! Mlɔ́teye mlɔ́ ɔ́tsɔ́tsó pú kpántánkplámá aná fɛ́étó idú, pú idúsí amɔ́ há Bulu. Táme mlɔ́médé Bulu mbla ámúú ihé dehián, igyi asúngyí ɔ́nɔ́kwálɔ́sɔ́ pú Buludwe ámɔ́sɔ́ gyí. Módéhián nɔ́, táme mlɔ́mákiná iyétó dúsí amɔ́ é ha.

⁴³ “Farisifo, mlɔ́gyɔ́wɔ́ ní! Mlɔ́tekle ɔ́tsiákpá yílé tsiá Yudafo ofiakpa. Mlɔ́tekle mlɔ́aa, ahá bɔ́bún ha mlɔ́ itsiá dɔ́nsɔ́. ⁴⁴ Mlɔ́gyɔ́wɔ́ ní! Mlɔ́labwé fɛ́ ntsán ání bɔ́mehie mú nsɔ́*, ahá bɔ́tɔ́tsɔ́n mósú bɔ́meyín ání ntsán igyi.”

⁴⁵ Mose mbla asunápo amɔ́tɔ́ ɔ́kɔ́le lébláa Yesu ɔ́bɛ́e, “Os-unápo, ní feblí alí á, fásíá aní é o.”

⁴⁶ Yesu léblí ɔ́bɛ́e, “Mose mbla asunápo, mlɔ́ é mlɔ́gyɔ́wɔ́ ní! Tsúfɛ́ mlítɔ́pó ató dwindwín sórá ahá, táme mlítamapó ɔ́srebi ɔ́kɔ́le kóráá tsá amú sórá. ⁴⁷ Mlɔ́gyɔ́wɔ́ ní! Tsúfɛ́ mlítɔ́pwé Bulu ɔ́nósó atóipó amúú mlɔ́ anáin bɔ́mɔ́ ámɔ́ ntsán wankláán. ⁴⁸ Ɔ́nɔ́ dɛ́suná ání mlɔ́latsúlá dínká mlɔ́ anáin bwehé ámɔ́sɔ́ ní. Tsúfɛ́ mlɔ́ anáin bɔ́mɔ́ amú, mlɔ́ é mlɔ́lapwé amú ntsán. ⁴⁹ Mú sɔ́ Bulu lópo mɔ́ nyánsa blí ɔ́bɛ́e, ‘Nówa mí ɔ́nósó atóipó pú mí sumbí ayɔ́pó amótó. Bómɔ́ aku, dínká aku ésú.’ ⁵⁰ Bulu ɔ́béfité mlɔ́ ndɛ́mba-abí ání mɔ́ ɔ́nósó atóipó ámɔ́ obugya amúú ɔ́wɔ́lɔ́ asɔ́ tsú bréá ɔ́yí lelɔ́n ɔ́pá ámɔ́. ⁵¹ Ɔ́béfité tsú Habel obugyasɔ́ alɔ́ bɔ́fɔ́n Sakaria klésɔ́. Mɔ́ bɔ́mɔ́ afɔ́die-asubwi mɔ́a Bulu ɔ́tswékpá amɔ́ nsúné ní. Ee! Nde mlɔ́ bláa mbéé, Bulu ɔ́béfité mɔ́ tsú mlɔ́ ndɛ́mba-abí ání wá.

* **11:44** Yudafo amándié ɔ́nó á, ní fetsá ntsánsú a, ifin lada fɔ́. Mú sɔ́ bɔ́tekpá mɔ́ afá futútú, póhíe mɔ́ nsɔ́.

⁵² “Mose mbla asunápó, mligyɔwɪ ní! Tsúfɛ mlídé asónbɪ sáafi amu. Mlíméfínkí wíé, mlíméhá ahá ɔkpa é abuwie.”

⁵³ Bréá Yesu lénatí ɪwɪ ɔyó á, Mose mbla asunápó pú Farisifɔ ámu bɔpu mu ɪwɪ ɔbló, yó bɔde mu asón tsɔtsɔtsɔ fité pófini mu yibi, ⁵⁴ kí bɛɛ bénya mu ɔnótó asvanku pókítá mu.

12

Apinabwɛbíwɛ Iwɪ Ɔláda (Mateo 10:26-27)

¹ Igyi ali, bréá ahá mpím-mpím beba befia ɪwɪ, bɔde aba ayabiasɪ tsatsáa a, Yesu légyankpá dá mu akasípó amu ɔlá ɔbéɛ, “Mlikɪ wankláán Farisifɔ Bodobodotu-afású,* tsúfɛ apinabwɛbí abwɛpó bɔgyi. ² Tɔtɔ má ɪwá babun ató mósú ání bɔmóobwíí mósú. Tógyító é ma ɪwá ilenjaín ání ɪméɛɪɪn ɔwan. ³ Bédá asón ání mlíléblí nklobító ɔkan. Kugyíkúá igyi, ɪpló bóbon.

Ɔhá Aní Abénya Ifú (Mateo 10:28-31)

⁴ “Apíó aba, ndɛ mlí bláa mbéɛ, mlímánýa nyankpɔsa ifú. Ɔbétalí mó mlí ɔyɔlɔbɔ, táme ɔméɛtalí bwé mlí tɔtɔ mó ɔma. ⁵ Nósuná mlí ɔhá ání mlínýá ifú. Mɔgyí Bulu. Mu ɔmó mlí ɔma a, ɔbu túmi tswɪ mlí ɔkláa é wá ɪsubití ogyá ání ɪtamaduntɔ. Ee! Mu mlínýá ifú ní!

⁶ “Afini bɔtɔkɔku fɛ akénsire anu kéké? Megyí kóba ana? Amó kóráá á, Bulu tamatan ɔkɔkɔsu, ⁷ ménɪ bɛɛ mlíá Bulu yin mlí nwunsu imi kóráá klátɔ. Mó su mlímánýa ifú. Mlɪbu ibiá dɔn akénsire tsɔtsɔtsɔ!

Adánsɛgyí Pó Asónkiná (Mateo 10:32-33; 12:32; 10:19-20)

⁸ “Nde mlí bláa mbéɛ, ní ɔku létalí gyi mí ɪwɪ adánsɛ ahátɔ á, mí, Nyankpɔsa-Mu-Bi ánfɪ é négyi mu ɪwɪ adánsɛ Bulu-abɔpu ansító. ⁹ Táme ní ɔku lékiná mí ahátɔ á, mí é nékiná mu Bulu-abɔpu ansító.

¹⁰ “Ɔhagyíɔha ání ɔleblí mí, Nyankpɔsa-Mu-Bi ánfɪ ɪwɪ asɔn laláhe a, Bulu ɔbétalí sikíé mu. Táme ní ɔku léblí Ɔhe Wankíhé amu ɪwɪ abususu a, Bulu méesikíé ndɛ, oméesikíé mu ɔke.

¹¹ “Ní bekpá mlí ya Yudafɔ ofiakpa, ntée ɔmású agyípó pú awíé ansító á, mlímágywíun asón ání mléblí póká ɪwɪ lé ntée alhá mléle mó ɔnó. ¹² Tsúfɛ Ɔhe Wankíhé amu obósuná mlí alhá mléblí alí bré ámutɔ.”

Osikani Mimláhe Ɔku Iwɪ Yébi

¹³ Ɔdom amɔtɔ ɔku lébláa Yesu ɔbéɛ, “Osunápó, bla mí déhen, ɔha mía mɔnyɔ aye atóá anɪ sí lési yáí anɪtɔ.”

* 12:1 Farisifɔ Bodobodotu-afá gyí amó afunu atosunáhé. Kí Mateo 16:12.

¹⁴ Táme Yesu léfité mu óbée, “Agya, ma léyaí mí asón ogyípó ntée atótó oyépu há mli?” ¹⁵ Múú òlebláa ahá ámu fée óbée, “Mlíki wankláán ònsípewasu, tsúfè nyankpusa nkpa ima atonyahé tsòtsòtsòto.”

¹⁶ Inu òleha amú yébi óbée, “Osikani òku ndòto ató lehie wá alé ofi òku. ¹⁷ Múú òlefíté mu iwí óbée, ‘Nkálí nóbwe mí ató-abí? Mma òtínéá nópoyáí.’ ¹⁸ Inu òleblí óbée, ‘Nyin tóá nóbwe. Nóbwie mí idan, láwá akpònkpòntí. Mútó nópú mí atíkò pú mí ntobí ámu wá ní. ¹⁹ Fówun nabláa mí òkláa mbée, “Mí òkláa, iklon idí fú asi. Kí, fubv ató tsòtsòtsòá ida ha fú nfi-nfi. Gyí, afonu, ansí igyi fu.” ²⁰ Inu Bulu lébláa mu óbée, ‘Òha mimláhe! Onyeni nde fú òkláa hòò le fú ibitò. Ma obégyi ató ánfí fakle yáí ánfí fée?’ ”

²¹ Yesu lómò mú ònó óbée, “Alí bóbwe òhá ání olekle ató yáí há mu iwí òsulòv anfisv, támè òma tòto Bulu wá ní.”

Ansí Pvdínká Bulusv (Mateo 6:25-34)

²² Inu Yesu lébláa mu akasípó óbée, “Mú sv nde mli bláa mbée, mlimáhan iwí tóá mlégyí, tóá mlónu pú tóá mlédídá sv. ²³ Nyankpusa nkpa dehián òun atogyiye. Mu òsulòv é idon ató didáhé. ²⁴ Mlíki aklankpa. Butamadú, butamasíétí wá idantò. Buma idan ntée ifa, támè Bulu tehá amú atogyiye. Mlimá labi òun mbubwí? ²⁵ Mlitò ma óbétalí han iwí pú bré kpalobí tsía mu nketo? ²⁶ Ní mliméetalí bwé itó tókúrííbi ánfí kóráá á, ntogyi só mlídé iwí háan tráhe amusu? ²⁷ Mlíki alíá pututò-oyí ntswítswí tedan. Itamayó agyómá ntée ló atati. Táme nde mli bláa mbée, Owíe Salomo, mu inya féeótó a, òmetalí híhie iwí wá akíle fé oyí ntswítswí anfitò kòkv. ²⁸ Ní Bulu dé ifá ání nde ilí, òke ilawú, bawá mú ogyá tati didá á, òméetalí didá mli atati òun mú? Ntogyi só mli hógyi mòtsó ahí?

²⁹ “Mú sv mlimágywún tóá mlégyi ntée tóá mlónu iwí, íha mli ansí ípe. ³⁰ Tsúfè íni aná òmá-òmá butesrí gya ni. Mli Sí ámu yin ání ide mli hián. ³¹ Itóá mligyánkpa dunka gyí Bulu iwíegyi, Bulu óbòpu íni tsía mútò há mli.

Atonyahé Pvyáí Osósú (Mateo 6:19-21)

³² “Òpasua tókúrííbi, mlimánya ifú. Tsúfè ibv mli Sí ámu òdwe ání óbòpu iwíe ogyíkpá amv há mli. ³³ Mlífe mli iwísv ató, amlípv kóba amv kie ahá ání buma tòto. Mlíbun akenteá iméeyintá ha mli iwí. Múgyí, mliyaí mli siadie òsósú. Inu mú á, kòkv méedali mútò, tsúfè awikplu buma inu, atéple é butamawí ató inu. ³⁴ Tsúfè òtínéá fú siadie bv a, inó fú agywún tetsiá.

Asúmpóá Bvtoogyo

³⁵ “Mlíwa atadie, amlínywe mli nkandíe. ³⁶ Mlíbwe iwí fé asúmpóá bude amú wíe òkpa kí, obòtsu òká otsiákpá ba. Féki

ní ɔ́bá bɛda klɔnsɔ á, bɛ́finkí há mu. ³⁷ Ansí bégýi asúmpú oduá amú wíe ɔ́bɛba bɔtu amú bɔtsie bugyo mu. Ɖɔ̀nkwalɔ nde mli bláa. Amú wíe amu ɔ́bɛsabáa tati, há amú bɛtsiá ɔ́pónúasi, mu onutó ɔ́bákankí atogyihe amu há amú. ³⁸ Ansí bégýi amú, ní ɔ́bá bɔtu amú bɔtsie bugyo mu, ɔ́yínsiné ntée baka. ³⁹ Táme mlinu asón ánfɔ. Ní wóyí mu wie yin bréá owikplu ɔ́bɛba mu wóyító a, teki omesi wóyí ámu tswi, owikplu móbwie wíe wí mu ató. ⁴⁰ Mli é mligyo, tsúfé mí, Nyankpɔsa-Mu-Bi ánfɔ néba bréá mli ansí mɛdín mísú.”

Osúmpú Wankláán Pó Ɖaláhe
(Mateo 24:45-51)

⁴¹ Petro léfité mu ɔ́bɛɛ, “Anɔ nkɔle fɔde yébi anfi ha lóó, ntée ania ahá ánfɔ fɛé?”

⁴² Yesu léblí ɔ́bɛɛ, “Ma mɛɛ gyí osúmpúá ɔletɔn ansí, ɔbu ɔ̀nkwalɔ? Mu ɔ́bitɔ mu wie tɔpú mu aba atráhe wá, ɔ́bɛɛ ɔ́há amú atogyihe dɔnka brésú. ⁴³ Ansí bégýi osúmpú amu ní mu wie amu ɔ́bá bowun ání lélé ɔde mú bwe. ⁴⁴ Ɖɔ̀nkwalɔ nde mli bláa. Mu wie amu ɔ́bɔpu mu ató fɛé wá mu ɔ́bitɔ. ⁴⁵ Táme ní osúmpú amu léblí wá nwuntɔ ɔ́bɛɛ, ‘Mí wíe ɔ́bábi m̀akófun, ɔ́bówa ɔ́pá.’ Inu su olefi asɔ ɔde mu aba asúmpú atsi múa ayin da, ɔde ató gyí si amú, ɔde ntá núu bu á, ⁴⁶ mu wie amu ɔ́bɛba bofwie mutɔ ekeá ɔmɛdín ansí. Mu wie amu ɔ́bɛhie títi mutɔ, trá bití mu a ahá ání bɔmɔhɔ mu gyi su kékɛɛ.

⁴⁷ “Osúmpú oduá oyin tóá igyi mu wie apé, táme ɔmɛla iwɔ bwé yáí á, mu wie ɔ́bɛhie pítí mu ató wankláán. ⁴⁸ Táme osúmpúá omeyín mu wie apé, ɔ́bɔbwe tóá ilehián ha ató pítí á, mu wie ɔ́bɛpítí mu kpalóbí. Bulu tɛfité tsɔtsɔ tsú ɔ́há ání ɔ́leha mu tsɔtsɔ wá, ɔ́tɛfité tsɔtsɔtsɔ é tsú ɔ́há ání ɔ́leha tsɔtsɔtsɔ wá.

Ipián Yesu Lópɔba, Megýi Iwilwii
(Mateo 10:34-36)

⁴⁹ “Ogyá ɔ́ɔvdákpá neba ɔ́solúv anfisɔ. Ní mí nkɔle su mú á, teki idetsií dodoodo. ⁵⁰ Asúbɔ ku ida misúá bóbɔ mí. Mí klɔn mɛɛdɔ mí asɔ yófun bréá ilamó ɔ̀nó. ⁵¹ Imábwe mli fɛ iwilwii nɔpɔba ɔ́solúv anfisɔ. Megýi iwilwii, ahá nsiné yintá nɔpɔba. ⁵² Tsúfé tsú séi púya a, wóyí ání ahá abanú bɔbu mótó á, abasá bókusú líi abanyósú. Abanyó é bókusú líi abasású. ⁵³ Abi yinhé múa amú asɔ nsiné báyintá. Abi tsihé múa amú ayín é nsiné báyintá. Osia tsihé múa mu sia tsihé nsiné é báyintá.”

Brétó Asón Asɔnu
(Mateo 16:2-3)

⁵⁴ Yesu létrá bláa ahá ámu ɔ́bɛɛ, “Ní nyankpu obílá busu á, mliɛblí mliaa, nde nyankpu obótswie, lélé ototswie. ⁵⁵ Ní nsaintɔ itsú fúá á, mliɛblí mliaa, nde owí ɔ́bélun, lélé itɛlun. ⁵⁶ Apinabwebí abwepú! Mliyin alhá butelé ɔ́solúsvu pú

nwólótáasv ató así. Ntogyi só m̀m̀m̀tálí nú itó ánfí ̀debá séí ánfí mó así?

Anyabá Nsinéla
(Mateo 5:25-26)

⁵⁷“Ntogyi só m̀l̀tamatálí gyí asón wankláán há m̀l̀l̀wí? ⁵⁸Ní ̀k̀v ̀sáma fú á, wa ̀sa ha aml̀bl̀l̀ mó wóyító, m̀ǹl̀ fú onyabá móp̀v fú ya asón ogyíkpá. Fówun asón ogyípú méegyi fú asón, pú fú wá prósiyin ̀b̀t̀t̀, ̀wa fú obu. ⁵⁹Ní megýí alí á, mm̀éml̀é fú, nkéti faká tógyító tá asa fédalí unu.”

13

M̀l̀damli Ikl̀nt̀, M̀ǹl̀ M̀l̀m̀s̀owu

¹Ahá ámúv b̀v̀v̀ unu alí bré ám̀t̀t̀ akv bebláa Yesu b̀e, Pilato lámó Galileaf̀ akv bréá b̀d̀e af̀d̀ie b̀ há Bulu, Yerusalem Bulu ̀t̀swékpá unu, há obugya lada af̀d̀ie ámv. ²Yesu léfité amó ̀b̀éé, “M̀l̀k̀í m̀l̀l̀aa, Galileaf̀ ánfí b̀gyi lakpan abwep̀v d̀v̀n Galileaf̀ atráhe, só bowun ̀ẁl̀ẁs̀in ánfí odu? ³Nde m̀l̀ bláa mbéé, megýí alí ígyi! Ní m̀l̀ é m̀l̀m̀édamli k̀l̀nt̀t̀ á, m̀l̀ féé mlówu fé amó. ⁴Ntéé ahá dúkwe ámúv abansúrv lobwie dá mó Siloam ̀m̀anti ání ̀b̀v Yerusalemt̀t̀ ámv mé, m̀l̀k̀í m̀l̀l̀aa, lakpan abwep̀v b̀gyi d̀v̀n aha atráhe ání betsiá Yerusalem alí bré ám̀t̀t̀ féé? ⁵Nde m̀l̀ bláa mbéé, megýí alí ígyi. Ní m̀l̀m̀édamli k̀l̀nt̀t̀ á, m̀l̀ é mlówu fé amó.”

P̀nt̀t̀ M̀áswiéhé

⁶Múv ̀l̀eha amó yébi ̀b̀éé, “Oyin ̀k̀v lótswie p̀nt̀t̀ mv nd̀t̀t̀. Eke ̀k̀v ̀l̀ỳỳ yéki b̀e, abí kv ̀id̀n m̀t̀t̀. ̀l̀ỳỳ á, k̀vkv m̀edín m̀t̀t̀. ⁷Inu sv ̀l̀ebláa mv ̀payin ̀b̀éé, ‘Nfinsa ní, nna oyí ánfí así. Mm̀k̀wun k̀vkvkv m̀t̀t̀. Ntogyi só ̀b̀étrá lí yíntá ̀s̀l̀l̀v? Kun mó da!’ ⁸Támé ̀payin amv lébláa mv ̀b̀éé, ‘Mí wíé, fú mó sí mó itra lu ofi ̀k̀vle, ampulipuli mó así, kpa wúna wa mó así. ⁹Ní ofiébá iloswie á, ̀b̀v alé, támé ní imoswie á, nakun mó dá.’”

̀t̀s̀i ̀k̀v ̀l̀l̀ Tsa ̀k̀p̀ǹv ̀d̀aké

¹⁰Yesu lóỳt̀ ̀d̀e ató suná Yudaf̀ ofiakpa ̀k̀p̀ǹv ̀d̀aké ̀k̀v. ¹¹̀t̀s̀i ̀k̀v á ̀j̀e laláhe lówa mv ̀l̀ nfi dúkwe ní, ilahá mv alaklo, ̀m̀etálí b̀wíí náti b̀v unu. ¹²Bréá Yesu lówwun mv á, ̀l̀eti mv bláa mv ̀b̀éé, “Ani yín, ̀ẁl̀ ̀ẁá fú ̀nl̀n!” ¹³Inu ̀l̀p̀v ̀b̀i da ̀t̀s̀i ámv. Inuv olotswíí lí kánfú Bulu.

¹⁴Ofiakpa ̀hande amv lénya ̀b̀l̀ ání Yesu latsá ̀ha ̀k̀p̀ǹv ̀d̀aké. Mó sv ̀l̀ebláa ahá ámv ̀b̀éé, “Nkensié b̀v unu há agyómá ỳ. M̀l̀ba nke ám̀t̀t̀, abutsa m̀l̀ ̀l̀. Megýí ̀k̀p̀ǹv ̀d̀aké!”

¹⁵Ani Wíe Yesu léle mó ̀ǹt̀ ̀b̀éé, “Apinabwébi abwep̀v! M̀l̀t̀ okugyí ̀k̀v t̀ẁí mv nnantswie ntéé afrímú lé ̀bant̀, pú amó ya ntsu onúkpa ̀k̀p̀ǹv ̀d̀aké. ¹⁶Mó ̀ma aleá mí mó nésankí Abraham mv na ánfí ̀b̀vnsám lakíkl̀ mv nfi dúkwe kéké ánfí ̀k̀p̀ǹv ̀d̀aké?” ¹⁷Mv asv blíhé anfi léha péli lékítá mv alupú

ámv, ansí légyi atráhe amv fée, ofúla kpánkpronti ámúú òdebwé ámv sv.

Takyi-akpin Ibi Yébi

(Mateo 13:31-32; Marko 4:30-32)

¹⁸ Inu Yesu léfité òbée, “Ntò Bulu iwíegyi ámv lèlian? Ntée ntò nópukápó mv? ¹⁹ Igyi fé takyi-akpin ibi, oyin òkv lódu wá mv ndòtò. Iledan mlí oyi yilé, mbubwi butogyónká mú abámbitò.”

Bodobodotu-afá Yébi

(Mateo 13:33)

²⁰ Yesu létrá blí òbée, “Ntò mpókavv Bulu iwíegyi ámv? ²¹ Igyi fé Bodobodotu-afá ání òtsi òkv lópútsiá bodobodo nfúó kente kvé, ìlèha mú ilotu.”

Obu-òné Kplánhe

(Mateo 7:13-14, 21-23)

²² Bréá Yesu oyó Yerusalem a, òlòtsv nkudasí pú awúlusu. Òna òde amú ató suná. ²³ Òha òkv léfité mv òbée, “Owíé, ahá kpalobí kv obénya nkpa?”

Yesu lébláa ahá ámv òbée, ²⁴ “Mlìbò mbódí amlìtsv obu-òné kplánhe amvò. Tsúfé ahá tsòtsòtsò bóbò mbódí ání bótsv wie unv, táme bvméetalí. ²⁵ Táme ní wóyí mv wie òkúsú fin obu ámv, mlèbá belí klv òma, dá klv amvsv mlíaa, ‘Owíé, finki ha aní!’ á, òbébláa mlí òbée, ‘Mmeyín mlí, mmeyín òtínéá mlòtsú.’ ²⁶ Inú mléblí mlíaa, ‘Ania fonvò létsiá gyi ató, nú ntá, fetsiá súná ató aní dunsu!’ ²⁷ Táme òbéle mú òné òbée, ‘Mmeyín mlí. Mmeyín òtínéá mlòtsú. Mlínatí teli mísó, mlí lalahé abwepó fée!’ ²⁸ Ní mlowun Abraham, Isak, Yakob pú Bulu ònósú atóipú amv fée bvbv Bulu iwíe ogyíkpá, táme bvmèha mlí mú òkpa amlíwie unv á, unv mlòsu kpisii ní. ²⁹ Ahá bótsu owí òdalíkpa pú owí òkplíwíékpá, bínasv mva gyvpsv ba betsiá ató ogyíkpá Bulu iwíegyi ámvò. ³⁰ Ònòkwali, amavv akv bémlí agyankpapv. Agyankpapv akv é bémlí amavv.”

Yesu Lósú Ha Yerusalem

(Mateo 23:37-39)

³¹ Inu Farisifò akv beba Yesu wá bebláa mv beé, “Dalí Galilea òmátó nfi, tsúfé òmású ogyípó Herode dékléá òbómò fú.”

³² Yesu lébláa amú òbée, “Mlìyèbláa òkpataku ámv mlíaa, ‘Négya òhe lalahé lé ahátò, tsá ahá ìlò nde, gya le òke, mó mú òné klái.’ ³³ Táme ìlèhián ání nývò mí ònátí amvsv nde, òke mva klái. Tsúfé òkpa má unvá bómò Bulu ònósú òtóipú òkvkv òtinetine, òv Yerusalem!

³⁴ “Òo Yerusalemfò, Yerusalemfò! Mlító mó Bulu ònósú atóipú, dá abí ání Bulu lawá sísí mlí abwi mó ní. Ntekleá nóvun mlí abísú brégyíbré, fé alíá bate tobun mv abísú, táme mlítamahá mí òkpa. ³⁵ Mlìkí, Bulu obési mlí òtswékpa tsvi mlí. Nde

mli bláa mbéé, mliméetrá wun mi ekekeeke, yófon ekeá mléblí mliaa, ‘Bulu oyúla óhá ámú óbá mu dátó’ ámu.”

14

Ɔɔpɔ Ɔku Tsa

¹ Farisifó óhande óku léti Yesu ató ogyíkpá mu wóyító ókpónú ódaké. Ahá ɔpɔ ansí yi Yesusu, buɔe mu téé. ² Inu oyin ókúá alapúnyá léba Yesu wá. ³ Yesu léfité Mose mbla asunápu pú Farisifó ámu óbéé, “Ani mbla léha ókpa áni butsáa ɔ ókpónú ódaké lóó, ntéé imeha ókpa?”

⁴ Amótó ókuku móbwíí ónó. Mú Yesu lékitá oyin ámu, tsá mu ɔ, olesi mu ólenatí. ⁵ Inu ólefíté ahá ámu óbéé, “Mlito ma mu bi ntéé mu ónantswie óbékpadá wíé ibúntó ókpónú ódaké, ómóókási lé mu?”

⁶ Bwmetalí lé mó ónó.

Iwiasibá

⁷ Inu Yesu lówun áni ahá ámú beɔi ató ogyíkpá mu ámuɔ aku buɔe otsiákpá yilé dunká bétsiá. Mú óleha amú yébi óbéé, ⁸ “Ní óku ótí fú óká otsiákpá a, máyétsiá ófuákpá. Fíali óleti óhande ókúá óɔɔn fu. ⁹ Inu óhá ámú óleti mli ámu óbebláa fu óbéé, ‘Mí wíé, kusɔ pu obíá ha óhá áni.’ Inu péli békítá fú, fépetí yóɔdunká ótineku tsíá. ¹⁰ Mú su ní óha ótí fú ató ogyíkpá a, yetsiá obíá kusubisɔ mboún, óhá ámu óbebláa fu óbéé, ‘Mí wíé, betsiá ófuákpá nfi.’ Inu obótsu fú ansító fúá ahá ámu féé ansító. ¹¹ Tsúfé óhagyíóha áni ototsú iwí á, Bulu tɔba mu asi. Óhagyíóha áni ótɔba iwiasí é á, Bulu totsú mu fúá.”

¹² Yesu lébláa óhá ámú óleti mu ató ogyíkpá amú é óbéé, “Ní fɔtswi ópónú ópa onyé á, máti fú anyawíé, fú apíó, fú abusuanfó ntéé iwí anyapúá butsie mantáa fú. Ní fɔbwé mú ali á, amú é bélatí fú amú kle asi ká ikó. ¹³ Mboún ti ahíánfó, tsukule asinpu, abubúpu pú ansibi abwiepú. ¹⁴ Bulu obóyulá fú, tsúfé buma tɔtɔá bópóká fú ikó. Bulu óbéka fú ikó ekeá óbókusúa aha yilé tsú afúlitó.”

Nke Kpɔnkpɔnti Kɔ Yébi

(Mateo 22:1-10)

¹⁵ Ahá ámú amúá Yesu butsie ópónúasi ámuɔ ókule lónu mu asɔn blíhé anfi, óleblí óbéé, “Ansí bégyi ahá áni bégyi ató Bulu ópónú ótswíke mu iwíegyí ámuɔ!”

¹⁶ Táme Yesu lébláa mu óbéé, “Oyin óku lótswi ópónú kpɔnkpɔnkpɔnti ku, óleti ahá tɔɔtsɔtɔ. ¹⁷ Bréá beníná atogyihe amu tá á, ólɔwa mu asúmpú óbéé bwyébláa ahá ámú óleti ámu beé, ‘Babwé tá!’ ¹⁸ Táme amú féé beblí beé amú ibi de. Ogyankpapu óbéé, ‘Nahó ósulúu ku. Ilehíán áni néyéki mú. Mú su mlíkita mótó ha mi.’ ¹⁹ Onyóɔɔsi é óbéé, ‘Nahó nnantswie yínhé idú, bópulipúli mí ndɔtɔ há mí. Neyékapó amú ki. Mú su mlíkita

mótó ha mi.’²⁰ Ɔbambá é ɔbéé, ‘Nwéén kótóó netsiá ɔká. Mú sɔ mméetalí ba.’

²¹ “Inu osúmpú amu léyinkí bebláa mu wie. Ɔbló lɛkitá mu wie amu, ɔlebláa mu ɔbéé, ‘Wa ɔsa sri yeki dinsu pú brɔnusu, afukpa ahíánfɔ, tsukule asínpu, ansibi abwiepú pú abubúpu ba.’²² Imɔwa ɔpá osúmpú amu léba bebláa mu ɔbéé, ‘Mí wíé, nayó sumbí ámu, táme otsiákpá trá da.’²³ Mu wie amu lébláa mu ɔbéé, ‘Tsɔn mmuátse múa nkpakwí féé. Tí ɔhagyíɔha ání fówun féé ɔbá, méní ahá bóbɔlá mí wóyító.’²⁴ Nɛkásɛ, ahá ámúó nɛhie tí ámúto ɔkuku méeda mí ató ánfí ɔnó!’ ”

Yesu Búoto Ipian

(Mateo 10:37-38)

²⁵ Yesu múa ɔɔm kɔɔnkɔɔnkɔɔntí ámu ná bɔyó. Múó ɔledamlí bláa amú ɔbéé,²⁶ “Ɔhagyíɔha ání ɔleba mí wá, táme ɔde mu si, mu yin, mu otsiába, mu abí, mu apíó, mu onutó kúráá iwí dwe dɔn mí á, ɔméetalí bwé mí ɔkasípú.²⁷ Ɔhá ání omotsu mu oyikpalíhe bobuo mí mófɔn ání ɔbóbwe mí ɔkasípú.

²⁸ “Mlito ɔmɔmu bú inu, ní obéyi obu kɔɔnkɔɔntí á, ɔméetsiá así kí tóá obéyintá, wun ání mu kóba bófɔn?²⁹ Ní ɔmeki mú ali, asa ɔlɔkɔsú wá obu ámu ntsɔwasi, pwé mú fɔn ɔkpatɔ, ɔmetalí mó mó ɔnó á, obu ámu awúnpu féé bómɔsí mu.³⁰ Bébli bee, ‘Oyin ánfí lɔkɔsú ɔde obu yíi, ɔmetalí mó mó ɔnó.’

³¹ “Ntée owíe ɔmɔmu bu inu ná ní owíe ɔku dé akɔpú mpím-adɔvanyɔ (20,000) ɔbá bɔkɔ mu a, ɔméetsiá así kí aliá ɔbóbwe ɔbópu mu isá akɔpú mpím-dú (10,000) yéfia amú?³² Ní owun ání ɔméetalí á, ɔbówa abí ɔsasɔ bɔyókókóli mu há ikulebwe, bréá bómɔkúnýá kpókpe ba.³³ Inu sɔ mlito ɔhá ání omesi mu tógyító ɔmagyáa ɔméetalí bwé mí ɔkasípú.

Nfólí Ima Labi

(Mateo 5:13; Marko 9:50)

³⁴ “Nfólí bu alé, táme ní itá ɔdwe á, ntɔ bélépúwá mú ɔdwe?³⁵ Itráa ma ale há tɔtɔtɔ bwe. Tsei butetséi mú tsítsá wúnasɔ. Ɔhá ání ɔbu asɔ onúu asón ánfí.”

15

Kufa Fwihé

(Mateo 18:12-14)

¹ Eke ɔku lampóo ahópu pú lakpan abwepú beba Yesu asɔn blíhé onukpá.² Farisíɔ pú Mose mbla asunápú amu bowuntí mu bee, “Oyin ánfí múa lakpan abwepú ténátí, butɔwá ibi gyi ató kúráá.”³ Mú sɔ Yesu léha yébi pósúná amú ató ɔbéé,

⁴ “Mlito ma bú akúfa lafakule (100), ɔkule ɔfwí á, omesi adukwebá-kwebá (99) tráhe wá dimbító inu, yódunká mu alu kpéfɔn bréá obówun mu?⁵ Nahogyi mbéé, ní owun mu a, ansí bégyi mu, obótsu mu wá nkɔnkɔ,⁶ pú mu ya wóyító. Ɔbétí

mu anyawie pu mu aba, blaa amu obee, 'Mliha anya ansigyí. Nawun mí kufa amú obfwí ámu!' ⁷ Alí kén nde mli blaa mbée, ní lakpan obwepú okule pé odámlí klontó á, ansí béhie gyi ahá osósú inu don alíá ibégyi amú aha wankláán adukwebá-kwebá (99) ání bumetrá hián klontódamlí iwí.

Kóba Fwihé

⁸ "Ntée ní otí oku bu sika futútú dú, mótó kule lafwí á, omóonywe okandíe kiki mu wóyító wankláán, kpákpá ntobító kí, féi wóyí ámutó wankláán yófun bréá alawun mú? ⁹ Ní owun mú á, obéti mu apíó aba, blaa amu obee, 'Mliha anya ansigyí. Nawun mí sika futútú amú obfwí ámu. ¹⁰ Nde mli blaa mbée, alí ansí béhie gyi Bulu-abopu ní lakpan obwepú okule odámlí klontó ní.' "

Obi Fwihé Oku

¹¹ Yesu létrá ha amú yébi obee, "Oyin oku létsiá, obu abi yinhé anyo. ¹² Okusu amu léblaa mu si obee, 'Mí sí, ye fó atótó, afupu mí klé ha mi.' Inu mu si lékitá mu atótó ye há amú. ¹³ Imegyí nke kuku okusu amu lókulá mu ató féé, olotu okpa yó tsútsúútsú omá kutó. Inu oleyétsiá nkpa láláhe yintá mu ató ámu féé. ¹⁴ Bréá oleyintá ató ámu tá á, akón kpónkpónti ku léba omá ámutó, obwa akón di bi. ¹⁵ Mú su obapu iwí yémantá inuyin okusu, oyin ámu lékpa mu yáa mu ibúasi obee, oyéki mu mprákuosu ha mu. ¹⁶ Teki olekleá obétsiá gyi mprákuo atogyihe amu ku, táme ohaa méha mu mú iwí okpa. ¹⁷ Bréá mu ansí leyinkí ba mu iwísu á, olefíté mu iwí obee, 'Apafó amomu kóráá má mí sí wóyító, bumédé ató gyí sian ekekegyíeke? Mú ntsie nfi, akón de mí m? ¹⁸ Nókusú yínki yó mí sí wá, yéblaa mu mbée, mí sí, napú ilá gyí Bulu, pógyi fú é. ¹⁹ Mmekanáa ání fétrá ti mí fú bí. Pu mí bwée fú apafó ámutó okule.' ²⁰ Mú su obokusú pu okpa obá mu si wá.

"Bréá olowotií, mu si lówun mu sísi á, obwa mu nwe, olesrí yéfia mu, látá mu pútá. ²¹ Inu mu bi ámu léblaa mu obee, 'Mí sí, napú ilá gyí Bulu, pógyi fú é. Mmekanáa ání fétrá ti mí fú bí.' ²² Táme mu si létí mu asúmpú, blaa amu obee, 'Mliwa oša yotsu atadié wankláán ámu bowa mu. Mliwa mu opetia, amlíwa mu ntokota. ²³ Mliyele onantswie yínhé kánáhe amú alawá nfo ámu ba, amlibomo mu, apogyi nke ha mu. ²⁴ Tsúfé mí bí ánti lawú tsínki. Obfwí, anilawun mu.' Inu bowa nke gyí bi.

²⁵ "Alí bré ámutó á, obi dehen amu bu ndoto. Bréá olotsu ndo ámutó obá, alatá wóyító wie tá á, olonu ání pléi de wóyító inu. ²⁶ Mú su oleti mu si asúmpú amutó okule, fité obee, 'Amansu lába?' ²⁷ Osúmpú amu léle mú onó obee, 'Fú píó laba. Mú su fú sí lahá bamó onantswie kánáhe amu, tsúfé alayínki botu mu, obu nkpa, obu onlu.'

²⁸ "Obí lékitá odéhen amu. Mú su olesin mmuáa. Mu si lédali ba bokokóli mu obee, obá wóyító. ²⁹ Táme olee mú onó obee, 'Mí

sí, kɪ nfi dódúódóbá napótsiá fú wá sùm fú. Mmækúbwé mábúla kúkú kɪ. Táme fóməkóhá mí ɔkpalábi fɛɛ mía mí aba apówa iwɪ ansigyí kɪ. ³⁰ Táme fú bí ánfɪ alayintá fú tógyító, muva akípó bayégyi nkpa ánfɪ mú laba a, famó ɔnantswie yinhé kánáhe amóú alawá nfo ámu há mu!’ ³¹ Inu mu sɪ lébláa mu ɔbéɛ, ‘Mí bí, yéɛ fú mú fóbú mí wá brégyibré. Fóbú mí ató fɛé. ³² Fú píó ánfɪ lawú tsínkí. Ɔlɔfwɪ, anɪlawun mu. Mú su lehián ání abégyi mú nke, nyá ansigyí.’ ”

16

Agyómásó Ɔkípú Ansítínpu Ɔku

¹ Yesu lébláa mu akasípó ɔbéɛ, “Iwɪ onyapó ɔku létsiá, ɔbu agyómásó ɔkípú. Ahá bowi tsá mu wie amusu bɛɛ ɔde mu gyí. ² Inɪ su ɔletɪ oyin ámu, fité mu ɔbéɛ, ‘Ntɔ asón ndenu tsú fú iwɪ alɪ? Bobu akúnta ha mi, tsúfé fóméetrá kɪ mí agyómásó.’ ³ Agyómásó ɔkípú amu léfité mu iwɪ ɔbéɛ, ‘Nkáli nóbwe? Mí wie ɔbá begya mi. Mma ɔwonlín ání nénatí dɔ ha ahá. Ibu mi péli ání nénatí kúlí ató é. ⁴ Ibu alé! Nyin tóá nóbwe, ménɪ ní osí mí á, nénya ahá ání bóhɔ mi wá amú wóyító.’

⁵ “Mú su ɔletɪ ahá ání buɔɔ mu wie ikɔ kulɛkulɛ. Ɔlefíté ogyankpapu ɔbéɛ, ‘Ikɔ afɪnɪ fúde mí wíe?’ ⁶ Ikɔ ɔkitápó amu léle mú ɔnó ɔbéɛ, ‘Nfo agbɔngbó lafa-anyɔ (200).’ Agyómásó ɔkípú amu lébláa mu ɔbéɛ, ‘Tsan fú adánsɛ ɔwolú ámutɔ, afɔwanlɪn lafakulɛ (100).’ ⁷ Ɔlefíté ɔku é ɔbéɛ, ‘Ikɔ afɪnɪ fúde?’ Ikɔ ɔkitápó amu lébláa mu ɔbéɛ, ‘Bodobodo nfúó akente ɔpím-ɔkulɛ (1,000).’ Agyómásó ɔkípú amu lébláa mu ɔbéɛ, ‘Tsan fú adánsɛ ɔwolú ámutɔ afɔwanlɪn lafakwe (800).’

⁸ “Osikani ámu lékanfó agyómásó ɔkípú anfi ɔma ɔnɔkwali ánfɪ ání alatalí tun ansí alɪ.” Yesu lómɔ mú ɔnó ɔbéɛ, “Nɔɛmba-abí ání búbuo ɔyító ató ansítún ání bɔpu butsie amú abato idɔn amóá buyin Bulu klé.

⁹ “Nɔɛ mlɪ bláa mbéɛ, mlɪpu ɔyító ató bwe apíó, ménɪ ní itá á, Bulu ɔbóhɔ mlɪ wá mu wóyíá ibu unu bré fɛétó. ¹⁰ Ɔhá ání ɔletalí kítá ató túkúrífibi, olegyi ɔnɔkwali mósú á, mu kén obégyi ɔnɔkwali ató kpɔnkpɔntɪ é sú nɪ. Táme ɔhá ání ɔmɔwa ɔnɔkwali ató túkúrífibisu ɔmóɔwa ɔnɔkwali ató kpɔnkpɔntɪsu. ¹¹ Mú su ní mlɪmá ɔnɔkwali ɔyító atósú a, ma mɛɛ ɔbóhɔ mlɪsu gyi, pú ɔsúsú ató onutó wá mlɪ ibitɔ? ¹² Ntée ní fuma ɔnɔkwali ɔku klésu á, ma mɛɛ ɔbópu fú klé há fú?

¹³ “Osúmpú ɔkuku méetalí sùm awie anyɔ. Ɔbódwe ɔkulɛ, lú ɔkulɛ. Ntée obóbu ɔkulɛ, omóobu ɔkulɛ. Fóméetalí sùm Bulu, sùm Kóba.”

Yesu Asɔn Blíhé Kɔ

(Mateo 11:12-13; 5:31-32; Marko 10:11-12)

¹⁴ Farisifo butɔdwé kóba. Mú su bréá bonu Yesu asɔn blíhé anfi á, bɔbwe mu ahinlá. ¹⁵ Inu Yesu lébláa amú ɔbéɛ, “Mlɪtelé

iwí súná ání aha yilé mligyí ahá ansító, táme Bulu mó yin mli klontó. Tsúfě tśá nyankpusa tekíá ibu labi igyi Bulu akisító.

¹⁶ “Mose Mbla ámu pú Bulu ɔ́nśú atóipú amu asun wanlínhé lɔ́ɔ agyómá alu bɔ́fun Asú Ɖɔ́pú Yohane brésó. Tsú musu bude Bulu iwíegyi ámu iwí asun wankláán ɔ́kan da, ahá é budeprú wie mótó. ¹⁷ Ɖsú móa así bétalí mó ɔ́nó, táme itoduáhé ntée asúnbi ikule kóráá móowu Mose Mbla ámutó.

¹⁸ “Oyin okíná mu ka láyétsiá ɔ́tsi bámbá á, alató mbua. Oyingyíoyin ání otsiá ɔ́tsi ánfí mu kulu lakíná mu é lató mbua.”

Iwí Onyapú Ɖku Mva Lasaro

¹⁹ Yesu lébláa amú ɔ́béé, “Iwí onyapú ɔ́ku létsiá. Atati wulhe ɔ́tedídá, otegyi nkpa wankláán ekekegyíeke. ²⁰ Ató ɔ́kólípú ɔ́kuá mu iwí letsitsíí nlo é létsiá. Butetí mu Lasaro. Betsiá pú ohíáni ánfí yéyaí iwí onyapú ámu ɔ́kpa ɔ́nó. ²¹ Ɖkíá obénya atogyihe mpupubiá íbékpa kpáa bun oyin ámu ɔ́pónúasí gyi. Akíai létsiá beyintá mu nlo ámu kóráátó.

²² “Bréá ohíáni ánfí lówu á, Bulu-abɔ́pu botsu mu ya, ol-eyétsiá aní náin Abraham wá ɔ́súsú. Iwí onyapú ánfí é lóbowu, bopolá mu. ²³ Ɖlɔ́ɔ ɔ́bu ísubití ogyá ání itamaduntó, ɔ́de iwíɔ́sin wúun. Olotsu ansí fúá, olowun ání Lasaro tsie Abraham wá tsútsúútsú. ²⁴ Inu ɔ́lɔ́klón ɔ́béé, ‘Aní sí Abraham-ée! Wun mi nwe, afuha Lasaro ɔ́ɔ́pu mu osrebi da ntsutso pɔ́bɔ́da mí ɔ́dandusu, ilwii kpalobí. Nde iwíɔ́sin wúun ogyá ánfíto dɔ́bí!’

²⁵ “Táme Abraham lébláa mu ɔ́béé, ‘Obí, kain, fú nkpatiátó a, fegyí ɔ́dwe, Lasaro é letsiá ɔ́sintó. Séi á, ɔ́bu ɔ́dwetó, fú é fúbu ɔ́sintó. ²⁶ Ɖma a, ilán kpɔ́nkpa ɔ́nkpa nti ku da ania funyó nsuné. Mú su ɔ́haa méetalí fá tsú nfi ba fú wá inu, ɔ́haa é méetalí fá tsú inu ba aní wá nfi.’ ²⁷ Oyin ámu lébláa Abraham ɔ́béé, ‘Mómó nobwíí ipa, aní sí Abraham, wa Lasaro sisi mí sí wóyító. ²⁸ Mbu apio yinhé abanú aku inu, ɔ́yɔ́da amú ɔ́lá, méní bowú á, buméeba bowun iwíɔ́sin ánfí odu.’

²⁹ “Abraham léle mó ɔ́nó ɔ́béé, ‘Mose mva Bulu ɔ́nśú atóipú amu nwuló bu amú wá, ide amú ɔ́lá da. Bunúu mó, abogyi músú.’

³⁰ Oyin ámu léle mó ɔ́nó ɔ́béé, ‘Aní sí Abraham, asún ámu nu keke mééha amú abudamli klontó. Mboun ní ɔ́ku ɔ́kúsú tsú afúlito yó amú wá á, bédamli klontó.’ ³¹ Táme Abraham lébláa mu ɔ́béé, ‘Ní bumegyí Mose mva Bulu ɔ́nśú atóipú amu nwulótó asún ámusu á, ɔ́ku ɔ́kúsú tsú afúlito yó inu kóráá á, bumóonu ɔ́há ámu asún.’ ”

17

Lakpanbwe

(Mateo 18:6-7, 21-22; Marko 9:42)

¹ Yesu lébláa mu akasípú amu ɔ́béé, “Ibwébwéébwé á, tɔ́ku béha nyankpusa ɔ́bóbwé lakpan, táme ɔ́há ání ina musu mu ba

lóbwe lakpan agyówí ní. ² Ní òkú léha ahá ánfí bómòkódan mísú hógyitò ánfítò òkú lóbwe lakpan á, ní bèda nfúòkwèbù síán mu òmètò, tswí mu wá òpù oklúkúkápá pò á, ibù alé dùn. ³ Mú sù mlíkí mlí iwí wankláán.

“Ní fú bá òpù ilá gyí fù á, wa iyin wa mu. Ní òledamlí klòntò á, sikie mu. ⁴ Ní òlòpù ilá gyí fù tse sienó* ekewóle owítò, òlèla bobwíí ipa há fú á, sikie mu.”

Hógyi

⁵ Yesu sumbí ayòpò ámu bebláa mu bée, “Ha aní hógyi imoni tsiá.”

⁶ Yesu léle mú ònò òbée, “Ní mlí hógyi lómoní fè takyí-akpin ibí á, mlétalí bláa kelí ánfí mlíaa, ‘Pulí yelí òpùtò.’ Ibóbwe dínká músó.

Osúmpú Gyumagyihe

⁷ “Ní mlítò òkú bù osúmpúá òtáyó agyómá mu ndàtò ntée òteki mu akúfasù, otsú agyómátò ba a, bláa mu wie tēbláa mu òbée, ‘Wa òsa bwe afogyi atò?’ Ekēkēkē! ⁸ Bláa òtēbláa mu òbée, ‘Tsu tati saba, afubòtswí òpónó ha mi. Belí mí angyi atò. Negyi ta á, fayégyi fú klé.’ ⁹ Òtédá osúmpú amù ipán òbée, alabwé tóá mōwa mu bwe? Ekēkēkē! ¹⁰ Iní sù ní mlí é mlòbwe tóá bōwa mlí bwe tá á, mlíblí mlíaa, ‘Asúmpú kēkē anigyí. Tóá igyi aní bwehé anlabwé á.’ ”

Ilò Pèpè Alòpú Dú Tsa

¹¹ Yesu ná Samaria pú Galileafò òkasù ayó Yerusalem. ¹² Bréá òlèta wélu kùsù wie tá á, ilò pèpè alòpú dú akù bōna bēbá befia mu, besi lí tsútsú. ¹³ Inù bòkplón blí bée, “Yesu! Owíé! Wun aní nwé.”

¹⁴ Yesu lótsu ansí kí amú, òlèbláa amú òbée, “Mlìpù mlí iwí yosuná Bulu igyí òhapù.†”

Bréá bòpù òkpa bōyó á, amú iwí léplí. ¹⁵ Òkòlè mú lówun ání mu iwí laplí a, oleyinkí òdekplón kanfú Bulu kóklókú. ¹⁶ Olèbemlí bún Yesu ayabitò, òdè mu ipán da. Samariayin oyin ánfí gyí. ¹⁷ Inù Yesu léfité òbée, “Megyí ahá idú natsá? Mú kwèbá atráhe mé? ¹⁸ Mú sù amótò òkòkù méba bèkanfú Bulu dùn Samariayin òfòó ánfí nkòlè?” ¹⁹ Inù òlèbláa oyin ámu òbée, “Kùsù natí. Fú hógyi latsá fú ilò.”

Bulu Iwíegyi Amù Ibá

(Mateo 24:23-28, 37-41)

²⁰ Farisifò akù befíté Yesu bée, “Òmènke Bulu iwíegyi ámu ibéba?” Yesu lébláa amú òbée, “Megyí tóá òha òbòpù ansíbi wun Bulu iwíegyi ámu igyi. ²¹ Òhaa méetalí blí òbée, ‘Kí, múbù nfi.’ Ntée ‘Múbù nána á.’ Tsúfè mlí klòntò Bulu iwíegyi amù bù.”

* **17:4** Idesuná ání tsé dódóá òlòpù ilá gyí fù. † **17:14** Abùbí ání mlí iwí laplí Mose mblá òkpasù.

22 Inu Yesu lébláa mu akasípú òbée, “Èke òku íbá, mlódunká ání mlówun mí, Nyankpɔsa-Mu-Bi ání ekewóle pé, táme mlímóowun mú. 23 Ahá bébláa mli bée, ‘Òbu nfi.’ ntée ‘Òbu nána,’ táme mlímásrí buo amó yéki. 24 Tsúfè mí, Nyankpɔsa-Mu-Bi ání òbáke bóbwe fè alí ámú nyankpɔ tɔfwí ibi, butowun mó nsaintò fèé ámu. 25 Táme négyankpá wun iwɔsin tsɔtsɔtsɔ, ndemba-abí ání é békiná mí. 26 Alí ámú ilegyi Noa brésú amu a, alí íbégyi mí, Nyankpɔsa-Mu-Bi ání é íbábi ni. 27 Ahá betsiá, bude ató gyí, bude ntá núu; bude aká tsiá, bude atsi kítá há akúlu alu yófun ekeá Noa lówie mu dáka kpɔnkpɔnti ámúto, ntsu lóbúlá bɔmɔ amó fèé. 28 Alí kén ìlɛba Lot é brésú ni. Ahá betsiá, bude ató gyí, bude ntá núu, bude ató hɔɔ, bude ató fɛ; bude ató du, bude ibu yíi, 29 yófun ekeá Lot lédali Sodom wúluto, ogyá móa atonkodu lotswie tsu ɔsúsú behi amó fèé. 30 Alí kén mí, Nyankpɔsa-Mu-Bi ání iwɔwanlɛké bɔfwie ahátò ní.

31 “Èke ámu a, òhá ání ɔdin obusu, mu ató ibu obuto ɔmákplí botsu tɔto. Alí kén òhá ání ɔbu ndɔto é máyinkí botsu tɔto ni. 32 Mlikain Lot mu ka asónsú!† 33 Tsúfè ní òku lódunká ání òbépri mu nkpa á, òbóhulí mú. Táme ní òku lóhulí mu nkpa á, òbélanyá mú. 34 Nde mli bláa mbée, alí eke ámu onyé á, ní ahá abanyó buɔa oklan kɔlɛsɔ á, Bulu obótsu ɔkɔle sí ɔkɔle.

35-36 “Ní atsi abanyó bude nfúó kwe á, Bulu obótsu ɔkɔle sí ɔkɔle.Š” 37 Yesu akasípú amu befíté mu bée, “Ani Wíe, nkónú íbèba?”

Yesu lébláa amó òbée, “Òtínéá ito wuhé da a, inó alása butefia ni.”

18

Ɔsɔrapu Mva Asón Ogyípú Ɔku

1 Inu Yesu léha yébi ku púsúná ání bubóo mpái brégyíbré, imákpɔn amó. 2 Ɔlɛbláa amó òbée, “Asón ogyípú ɔku létsiá wúlu kusu. Ɔtamanyá Bulu ifú, ɔtamanyá ɔhaa é péli. 3 Ɔsɔrapu ɔku é létsiá wúlu amúto. Oletsíá bokokóli mu òbée, ogyíi mu asón ɔnɔkwalisu ha mu, òle mu tsu mu olupú ibito! 4 Teki olekle okina, táme ɔma-ɔma a, ɔlɛbláa mu iwɔ òbée, ‘Ibu mótóá ntamanyá Bulu ifú, ntamanyá ɔhaa é péli. 5 Táme alí ání ɔsɔrapu anfi ná ɔde mí háan anfi su á, négyi mu asón ɔnɔkwalisu. Ní megyí alí á, oméesi mí tó wa. Ɔméɛha mméenya ɔkpa bwé tɔto.’ ”

6 Yesu lóyɔ músú òbée, “Mlikí alíá asón ogyípú anfi ɔtamagyí asón ɔnɔkwalisu ání lablí. 7 Mómó nkáli Bulu mó méegyí mu ahá ámú alalé, buɔesú kpolí mu ɔpa-onyé ámu asón ɔnɔkwalisu? Obési amó asón wá obiátó? Èkɛkɛkɛ! 8 Nde mli bláa mbée, obégyi mú ɔnɔkwalisu há amó ɔsasú. Táme ndefíté

† 17:32 Bréá omobu Bulu, ɔlɛdamlí ki ɔma a, olemlí nfólísín. Kí Genesis 19:26.

Š 17:35-36 Mótó yée 36 bu nwóló dada amu akoto: Ní ayin abanyó buɔe agyómá yɔ ndɔ kɔlɛto á, Bulu obótsu ɔkɔle sí ɔkɔle.

mbéé, ní mí, Nyankpɔsa-Mv-Bi ánfí neyínkí bá a, nówun ahógyipɔ aku ɔsɔlɔv anfisv?”

Lampóo Ɔhɔpɔ Mva Farisiyin

⁹ Yesu létrá ha yébi kv púsúná amú ató tsú ahá ání bɔteki amú iwí yilé abwepú dɔn amú aba. ¹⁰ Ɖleha yébi amv ɔbéé, “Ayin abanyó aku bɔdɔ yó mpáí ɔbɔkpá Bulu ɔtswékpa. Amótó ɔkɔle gyí Farisiyin, ɔkɔle é gyí lampóo ɔhɔpɔ.

¹¹ “Farisiyin amv lókɔsú líí, bó mpáí wá nwuntɔ ɔbéé, ‘Bulu, nedá fú ipán ání mmegyí fé aku. Mí mó mma ɔnsípe, ntamasísi ɔha, ntamató mbua, mmegyí fé Lampóo ɔhɔpɔ anfi é. ¹² Nteklí ɔnó tse nyo ndawótswí ikɔletɔ. Nteye mí ató fěétó dú, lé idúsi há fú.’

¹³ “Támɛ lampóo ɔhɔpɔ amv mó léyelí tsútsú, oloko nwuntɔ wá. Omotsulá tsú ansí kóráá fúá ki ɔsúsú. Ɖɔpɔ ɔbimáa dá ibitɔ, kókóli Bulu ɔbéé, ‘Oo Bulu, wun mi nwe, lakpan ɔbwepú ngyi.’” ¹⁴ Yesu lómɔ mó ɔnó ɔbéé, “Nde mli bláa mbéé, asa beyínkí yó wóyí á, Bulu ansí légyi lampóo ɔhɔpɔ amv iwí dɔn Farisiyin amv. Tsúfé ɔhá ání ototsú iwí á, Bulu ɔbéba mv asi. Ɖhá ání ɔteba iwiasí é á, Bulu obótsu mv fúá.”

Nyebi Yulá

(Mateo 19:13-15; Marko 10:13-16)

¹⁵ Aha aku bɔpɔ amú abí ba Yesu bɛɛ, ɔpɔv ibi dínka amúsú, oyula amú. Mv akasípú bowun amú. Mó sv bɔwa iyin wá amú. ¹⁶ Támɛ Yesu létí nyebi ámv ba mv iwí wá, ɔlebláa akasípú amv ɔbéé, “Mliha nyebi ámv abuba mí wá. Mlumátin amú ɔkpa, tsúfé ahá ánfí odu bó Bulu iwíegyi amv ni. ¹⁷ Ɖnɔkwalí nde mli bláa. Ɖhá ání ɔmɔhɔ Bulu iwíegyi ámv fé kebi á, omóowie mótó.”

Atonyahé Iwí Atosunáhé

(Mateo 19:16-30; Marko 10:17-31)

¹⁸ Eke ɔkv Yudafɔ ɔhande ɔkv lébefíté Yesu ɔbéé, “Osunápú yilé, ntɔ nóbwe asa nénya nkpa ání itamatá?”

¹⁹ Yesu léfité mv ɔbéé, “Ntogyi sú fude mí ti ɔha yilé? Ɖhaa mégyi ɔha yilé, nkéti Bulu nkɔle. ²⁰ Yéɛ fuyin Bulu mbla ámv o. Múgyí, máto mbua, mámmɔ ɔha, máwi ató, máka asón dínká fú bású, bu fú sí mvua fú yín.”

²¹ Ɖhande amv lébláa mv ɔbéé, “Tsú mí nyebitɔ ɔpá nde mó fěésú gyí.”

²² Yesu lónu mv asv blíhé anfi á, ɔlebláa mv ɔbéé, “Toku kɔle ilasí ání fóbwe. Yefe fú iwísv ató fěé, afoye kóba amv ha ahíánfɔ, méní fénya siadie ɔsúsú. Fɔbwé mó tá á, ba afubobuo mi.” ²³ Bréá oyin ámv lónu asón ánfí á, ɔlɔtɔ mv klɔn, tsúfé ɔhíé ɔbv ató.

²⁴ Yesu lówun ání ilahan mv. Mó sv ɔleblí ɔbéé, “Ibv ɔnlun asa iwí onyapó obówie Bulu iwíegyi ámvɔtɔ. ²⁵ Lélé mó á, ɔlɔpɔn ha

kpósó ání òbòtsun òbun-atò òbótó, òn ání ɪwɪ onyapó obówie Bulu iwíegyi ámutò.”

²⁶ Ahá ání bonu asón ánfí befíté bεε, “Mómó ma mεε Bulu òbòhò nkpa?”

²⁷ Táme Yesu lébláa amó òbéε, “Tóá nyankpusa méetalí bwé mǎdón Bulu bwε.”

²⁸ Inu Petro lébláa Yesu òbéε, “Mí Wíε, kí, anlasí aní wóyí tswi bobuo fu.”

²⁹ Yesu lébláa amó òbéε, “Ònòkwali ndε mli bláa. Ọhaa má ɪnɔvǎ obési mu wóyí, mu ka, mu apíó, mu akwíúpó ntée mu abí tswi Bulu iwíegyi ámu sv, ³⁰ Bulu méelawá mú otsiákpá há mu tsé dú tsé lafa séi, láha mu nkpa ání itamatá bré ámúú ɪbá ámutò.”

*Yesu Lowu ɪwɪ Asón Blí Otse Saasi
(Mateo 20:17-19; Marko 10:32-34)*

³¹ Yesu léti akasípó dúanyò ámu ya itsétó, òlebláa amó òbéε, “Ayó Yerusalem. Inó asón ámúú Bulu ònósó atóipó amu bɔwanlín tsú mí, Nyankpusa-Mu-Bi ánfí ɪwɪ ámu fée béba mótó ní. ³² Béle mí há ahá ání bomegyí Yudafò. Bóbwe mí ahinlá, síá mí, tú atsunó wólí mí. ³³ Bépítí mí ató, mó mí. Mú eke sáásí a, nókúú tsú afúlítò.”

³⁴ Akasípó amu bomonu ɪni asi, tsúfé Bulu lópuhǎin amó. Bumebi tóá òdeblí é.

*Ansibi Obwiepó Okv Ilo Tsa
(Mateo 20:29-34; Marko 10:46-52)*

³⁵ Yesu léta Yeriko wúlutò wie tá á, ansibi obwiepó òku tsie òkpa ònó, òde ató kulí. ³⁶ Ansibi obwiepó ámu lónu ání òdòm buðetsún. Múú òlefíté òbéε, “Amansu igyi?”

³⁷ Ahá bebláa mu bεε, “Yesu Nasaretyin amu détsún.”

³⁸ Inu ansibi obwiepó ámu lóklɔn bí òbéε, “Aní wíε Dawid mu na Yesu, wun mi nwe!”

³⁹ Ahá ámúú bugya Yesu nkpa ámu bòklɔn wa ansibi obwiepó ámu bεε, òwáa ọsa kpa ònó bun. Ọlelaklɔn òn alí òbéε, “Aní wíε Dawid mu na, wun mi nwe!”

⁴⁰ Yesu lési lí, òleha òbéε bukpá mu ba mu. Bréá bekpá mu ba a, Yesu léfité mu òbéε, ⁴¹ “Ntò fùdeklé fεε mbwée ha fu?” Ọleε mú ònó òbéε, “Owíε, ha mí anwun ató!”

⁴² Yesu lébláa mu òbéε, “Fú hógyi latsá fú ɪlò. Wun ató.”

⁴³ Inunv mu ansibi lobwíí, òlekplá buo Yesu, òde Bulu kanfó. Ọdòm amu fée bowun ɪni, amó é bekanfó Bulu.

19

Yesu Mva Sakeo

¹ Yesu déka tsun Yeriko wúlutò. ² Lampóo ahópɔv ọhandε òkúv òbu kóba bu wúlu amutò, butetí mu Sakeo. ³ Oyín ánfí dékléá òbópɔv ansibi wun Yesu, támε ọma ɪswí, ahá é bòdubi. ⁴ Mú sv òlesrí yódu pǎntò-oyí kúv Yesu òbòtsun mú asi, méní obówun mu.

⁵ Bréá Yesu lówie oyí ámu así á, olotsu ansí fúá, wun Sakeo, ðlebláa mu ðéé, “Sakeo, wa ðsa kpli ba. Nde, fú wóyí nówí ní.”

⁶ Sakeo lówa ðsa kpli, pú ansigyí kpá mu ya wóyító. ⁷ Ahá ání bowun mú fээ bowuntí bæe, “Oyin ánfí layóswí lakpan ðwepó wóyító.”

⁸ Sakeo lókusó líí wóyító unu, bláa aní Wie Yesu ðéé, “Mí Wíé, kí, néye mí atótó anyo, pú ifon kíé ahíánfó. Ní nasísi ðku é á, nélahá mu mú aku ana.”

⁹ Yesu lébláa mu ðéé, “Nde Bulu laho wóyí ánfí nkpa, tsúfé Abraham mu na óní ánfí é gyí. ¹⁰ Ahá ání bafwí odunkákpá mí, Nyankpusa-Mu-Bi ánfí neba, anho amó nkpa.”

Asúmpó Kóba Ha
(Mateo 25:14-30)

¹¹ Ahá ámu bude asón amóú Yesu déblí ámu nu. Alí bré ámuto á, Yesu latá Yerusalem wie tá. Mú su ðleha amó yébi pótswíí amó, tsúfé buesusúu bæe Bulu iwíegyí béfi así inunu.

¹² ðleha yébi amu ðéé, “Iwi onyapú ðku lóbwæ agywun ðéé, mótu ðkpa yó amó owíe dehen wá, ðyai mu owíe, oyinki begyi iwíe mu ómátó. ¹³ Asa ðbóyo á, ðleti mu asúmpó idú, oleye pónu kulekule há amó fээ. ðlebláa amó ðéé buþýyo agyómá yófon ekeá méba. ¹⁴ Táme mu wúluto ahá bolu mu, wá abí buo mu bæe, bumedékléá ðwæe amó owíe.

¹⁵ “Táme mú óó á, owíe dehen amu léyai mu iwíe amu, ðlesankí ba wóyí. Olenya wíe pé ðleha beti mu asúmpó amu, ðkí tóá banyá dínká kóba amusu. ¹⁶ Ogyankpawu léba bebláa mu ðéé, ‘Mí wíé, nanyá pónu dú tsía fú klé amoto.’ ¹⁷ Múó ðlebláa osúmpó amu ðéé, ‘Fabwé ató. Osúmpó wankláán fógyi. Iníá fawá ðokwali itó túkúrííbi ánfí iwi su á, nópu awúlu idú wá fú ubito, féki mósú.’ ¹⁸ Onyosú léba bebláa mu ðéé, ‘Mí wíé, nanyá pónu anu tsía fú klé amoto.’ ¹⁹ Owíe amu lébláa mu ðéé, ‘Fú é féki awúlu anusu.’

²⁰ “Obambá é léba bebláa mu ðéé, ‘Mí wíé, fú sika ámu ní. Neda mú wá dúkubi onó yáí. ²¹ Nyin fu. Nde fú ifú nya, tsúfé fú asón bu onlun. Futotsú ató ótínéá fomapu toto yáí, fútokpótí ató é ótínéá fmodu toto.’ ²² Mu wie amu lébláa mu ðéé, ‘Osúmpó laláhe. Fú onótó asón nópu gyi fu asón. Yéé fuyin ání mí asón ihíé bu onlun, ntotsú ató ótínéá mmapu toto tswi, kpótí ató ótínéá mmodu toto a? ²³ Mú ntogyi só fomapu mí kóba amu yótswi sika ðyai kpá. Féki ní neyínki ba a, nóyohó múa mósú abí?’

²⁴ “Iwu owíe amu lébláa ahá ání bubu unu ðéé, ‘Mlswu osúmpó anfi kóba amu ha omvamóó olenya idú ámu.’ ²⁵ Táme ahá ámu bebláa mu bæe, ‘Nanáin, ðbu pónu dú dodo o!’ ²⁶ Owíe amu lébláa amó ðéé, ‘Nde mli bláa mbéé, ohá ání odekléá obónu mí atosunáhé amu así á, Bulu ðópu iku tsía mótó há mu. Táme ohá ání omedékléá obónu mí atosunáhé amu así á, Bulu

ɔbɔswí mu kpalobí ámuɔ alabí ámu kóráá. ²⁷ Séi á, mlíkpa ahá ámuɔ bɔkɔsú líi mísú bɛɛ mmágyi iwíe amu ba, amlibɔmɔmós amó mí ansító nfi! ”

Bɔhɔ Yesu Fé Owie Yerusalem

(Mateo 21:1-11; Marko 11:1-11; Yohane 12:12-19)

²⁸ Yesu léha amó yébi anfi tá á, ɔlɔtsɔn gyankpá pú ɔyó Yerusalem. ²⁹ Ɖleta Betfage múa Betania awúluá idin Nfɔ-nyíbu* ámuɔw wie tá á, ɔlɔwa mu akasípú abanyó gyankpá, ³⁰ bláa amó ɔbéɛ, “Mlɔyɔ wúlu anfi ida mli ansító ánfisɔ. Ní mlówíe wúlu ɔnó á, mlówun afrímú kánáhe ɔku da ɔfétó, ɔhaa mókótsiá muɔw kɪ. Mlisankɪ mu ba mɪ. ³¹ Ní ɔku ɔfíté mli ɔbéɛ, ‘Ntogyi só mlidé mu sankí?’ á, mlibla mu mlíaa, ‘Ani Wíe dé mu hián.’ ”

³² Akasípú abanyó ámu bɔyówun afrímú kánáhe ámu fé aliá Yesu lébláa amó. ³³ Bréá buɔɔe mu sankí á, mu awíe befité amó bɛɛ, “Ntogyi só mlidé mu sankí?”

³⁴ Bele mú ɔnó bɛɛ, “Ani Wíe dé mu hián.” ³⁵ Besi bekpa afrímú kánáhe amu ba Yesu, beyaí amó atati dínká muɔw, tsú Yesu bian muɔw. ³⁶ Bréá Yesu tsie muɔw ɔyó á, ahá ámu bekpa amó atati yáí tswi ɔkpatɔ, ɔlenatí mósú tsun.

³⁷ Bréá Yesu lówa Nfɔ-nyíbu ámu kplí ɔyó Yerusalem wúluto bi a, mu abúopu amu féé bɔtswi opé kánfú Bulu kúklókú, ofúla amó ɔlɔbwe, bowun amu féé su. ³⁸ Bɛɛ, “Bulu oyúla owíe anfi ɔbá mu dátó anfi! Iwilwii bu ɔsúsú. Numnyam íbwéɛ Bulu klé ɔsúsúsú unu.”

³⁹ Farisifɔ aku buɔbu ɔɔm amɔtɔ. Inu bebláa Yesu bɛɛ, “Os-unápú, ka fú abúopu anfi itin!”

⁴⁰ Yesu lébláa amó ɔbéɛ, “Nɔɔ mli bláa mbéɛ, ní ahá anfi behíé kpa ɔnó bun kóráá á, abwi anfi bókplɔn kanfú Bulu.”

Yesu Lósú Yerusalem Su

⁴¹ Bréá Yesu léta Yerusalem wie tá, olowun wúlu amu sísi á, olosu ha mú. ⁴² Ɖbéɛ, “Yerusalemfɔ, teki ilehián ání mlébi tóá itɔpó iwilwii ba nɔɔ, táme mlumétálí bí mú. ⁴³ Bré ku íbá, mli alupó békafia mli abuntii, pwé okpó wá mli, sá mli tin ɔkpagyíɔkpasu. ⁴⁴ Béhi wúlu anfi pú mótó atsiápú. Buméesi íbwi kɔɔɔe dínká mú bású, tsúfé mlumébi bréá Bulu léba mli nkpa ɔhókpa!”

Ibíá Agyípú Gyáa Le Bulu Ɖtswékpa Wunsinésú

(Mateo 21:12-17; Marko 11:15-19; Yohane 2:13-22)

⁴⁵ Bréá Yesu lówie Yerusalem a, ɔlɔyɔ Bulu ɔtswékpa wunsinésú. Olenya wíe unu ali, ɔlɔwa íbíá agyípú gyáa bi. ⁴⁶ Ɖlebláa amó ɔbéɛ, “Bɔwanlín wá Bulu asón ámuɔtɔ bɛɛ, ‘Béti mí ɔtswékpa bɛɛ, mpái ɔbɔkpá.’ Táme mlílapú unu mlí awikplu ɔhainkpa.”

* 19:29 Nfɔ-nyíbu igyi obubwí kóá íbu mantáa Yerusalem, bɔtɔtí mú Olifbu.

⁴⁷ Oletsia súná ató Bulu ɔtswékpa inu ekekegyíeke. Bulu igyí ahapú dehen, Mose mbla asunápú pú Yudafɔ ahande amu bodunká ɔkpa ání bótsɔn mósó mó mu. ⁴⁸ Táme bumenya, tsúfé ahá ámu féé bobuo mu ason blíhé.

20

Yesu Túmi Iwɩ Asɔn Fitéhé
(Mateo 21:23-27; Marko 11:27-33)

¹ Eke ɔku Yesu bu Bulu ɔtswékpa wunsinésú inu ɔde Bulu asón wankláán ámu ɔkan da, ɔde ató suná. Inu Bulu igyí ahapú dehen, Mose mbla asunápú pú Yudafɔ ahande beba bɔtu mu. ² Befité mu beɛ, “Ma léha fú ɔkpa fúde ntobí ánfɩ bwe? Ma léha fú túmi?”

³ Yesu léle mú ɔnó ɔbéɛ, “Mí é nfité mli ason kua kule. ⁴ Bulu wá Asú Ɔbɔpú Yohane lénya túmi póbó ahá asú lóó, ntée nyankpɔsa? Mlibla mi.”

⁵ Amú wɔlewɔle bɔyɔ asón ánfɩto beɛ, “Ní abli aniaa itsú Bulu wá á, ɔbéfité anɩ ɔbéɛ, mú ntogyi sɔ anumóhɔ mu gyi? ⁶ Ní abli aniaa nyankpɔsa wá é á, ɔɔm anfi béda anɩ abwi mó, tsúfé bohogyi ání Bulu ɔnósú ɔɔípú Yohane gyi.” ⁷ Mú su beɛ mú ɔnó beɛ, “Ohwée! Anuméyín ɔtínéá olenya mu túmi tsú.”

⁸ Yesu lébláa amú ɔbéɛ, “Mómú mí é mméɛbláa mli túmi oduá ndepɔbwé ntobí ánfɩ.”

Apafo Laláhe Aku
(Mateo 21:33-46; Marko 12:1-12)

⁹ Inu Yesu létrá ha amú yébi ɔbéɛ, “Ɔɔɔɔpɔ ɔku lóɔ wáin ndɔ, ɔɔpɔ ndɔ ámu wá apafɔ ibitɔ, tú ɔkpa yó ɔmá kutɔ yétsiá inu nfi-nfi. ¹⁰ Bréá wáin-abí ámu kpotíbi lɔfun a, ɔlɔwa mu osúmpú apafɔ ámu wá ɔbéɛ, ɔyóhɔ mu ogyíkpa ba mu. Táme apafɔ ámu beɛda obí ámu, gya mu sísí ibikpan. ¹¹ Ɔɔɔɔpɔ amu lélawá mu osúmpú nyɔɔsi amú wá. Apafɔ ámu beɛda mu, sópa mu, gya mu é sísí ibikpan. ¹² Ɔletrá lawá ɔba sáásí. Apafɔ ámu bepilán mu, gya mu lé ndɔ ámuɔ. ¹³ Mú ndɔ mu wie amu lébli ɔbéɛ, ‘Nkáli kúráá nóbwe? Nówa mí onutó mí bí ɔdwepú amú wá. Fiali bóbu mu mú.’ ¹⁴ Táme bréá apafɔ ámu bowun mu bi ámu sísí á, bebláa aba beɛ, ‘Ɔni obégyi mu si ató ní. Mliha amɔ mu, ménɩ ndɔ ámu ibémli anɩ klé.’ ¹⁵ Inu bekitá mu, bítia mu dáli ndɔ ámuɔ yómɔ mu.

“Ntɔ mlilahogyi mliaa ndɔ mu wie amu ɔbóbwe apafɔ ánfɩ? ¹⁶ Ɔbéba bɔmɔ amú, pú ndɔ ámu wá apafɔ bámbá ibitɔ.”

Bréá ahá ámu bonu asón ánfɩ á, bebli beɛ, “Inɩ mú itsɔun anɩsu!”

¹⁷ Yesu léki amú ansító díin, ɔlefíté amú ɔbéɛ, “Bulu asón ánfɩ asɩ mé?”

‘Ibwi ámuó obu ayípu bekiná ámu
lébemli okonkísúbwi ní.’

18 Ɔhagyíŋha ání ɔledida ibwi ámuvsu obébiabía blúblúblúblú. Ní ibwi ámu isúnkí dá ɔkusu é á, íbókwe mu fíkófikófikó fé nfúó.”

Lampóoka

(Mateo 22:15-22; Marko 12:13-17)

19 Iᵛwankí Mose mbla asunápo pú Bulu igyí ahapó amu ání amó iwí yébi alahá. Inu bekleá békítá mu, táme benya ahá ámu ifú. 20 Mú su bodunká ɔkpa ání bótsun músú kítá Yesu. Inu bele ahá bee bupína bwe iwí fé aha wankláán, abute mu ki bee bónu asvanku tsú mu ɔnó, méní belú músú kítá mu ya ɔmású ogyípú. Mubúu túmi gyi mu asún. 21 Yesu atépu amu befité mu bee, “Osunápo, anyin ání ɔnɔkwali pu fgyi, fótosúná mó é. Futamakí ɔhaa ansító. Mboún fótosúná Bulu ɔkpa ámu ɔnɔkwali su. 22 Afite fó! Aní mbla leha ɔkpa ání akáa lampóo ha Roma owie dehen Kaesare, ntée animáka?”

23 Táme Yesu lówwun amó agywun. Mú su ɔlebláa amó ɔbéé, 24 “Mlpu kóba amu ku ba mí anki.” Bɔpoba mu. Mú ɔlefite amó ɔbéé, “Ma nwun pú mu idá dín músú?”

Bele mú ɔnó bee, “Kaesare.”

25 Mú ɔlebláa amó ɔbéé, “Mómú mlpu tóá igyi Kaesare klé ha Kaesare, amlpu móa igyi Bulu klé é ha Bulu.”

26 Mú su bumetalí líi Yesu asun blíhé anfisv kítá mu ahá ámu ansító. Ɔnó é lobwie amó, bumetalí trá bwíi ɔnó.

Kusú Tsú Afúlitɔ Iwí Asun Fitéhé

(Mateo 22:23-33; Marko 12:18-27)

27 Sadukifo ɔpasua buteblí bee, kusú tsú afúlitɔ ma inu. Amótó aku beba Yesu wá, 28 befité mu bee, “Osunápo, Mose lówanlín tswi aní ɔbéé, ‘Ní ɔku mva mu ka bumɔkwíi asa olowu sí mu ka ámu a, mu pio otsú mu ka ámu tsia, féki ɔkwu ha owupó ámu.’” 29 Oyin ɔkule abí abasiénó aku betsiá. Amótó ogyankpavu létsiá ɔká, táme ɔmɔkwíi asa olowu. 30 Mu gyama lótsu ɔsvrapuka amu tsia, táme mu é ɔmɔkwíi. 31 Ɔsaasi é lótsu ɔtsi ámu tsia. Mu é ɔmɔkwíi. Alu yótu osienósi ámu. Amótó ɔkuku mókwíi asa olowu. 32 Ɔma-ɔma a, ɔsvrapu amu é lóbowu. 33 Afúli ɔkusóké a, amótó ɔmɔmu ɔbóbwe mu kulu? Tsúfé amó abasiénó ámu féé betsiá mu.”

34 Mú Yesu léle mú ɔnó ɔbéé, “Ɔyi ánfito ahá tétsiá aká múa akúlu. 35 Táme iméeba alí bré ámúú íbá ámúú. Ahá ámúú bɔfun ání bókusú tsú afúlitɔ, tsíá nkpa ɔyi ámúú íbéba amúú ámu mú buméetsiá akúlu, buméetsiá aká. 36 Buméétrá wu, tsúfé bóbwe fé Bulu-abɔpu. Bulu ahá bgyi, tsúfé bakósú tsú afúlitɔ. 37 Aní náin Mose kóráá lówanlín ató tsú afúlikusú iwí. Tsúfé ɔlwanlín ɔbéé, eke ámúú olowun oyíbi ku de ogyá tsíi, táme imedéhóo amu a, ɔleti Bulu ɔbéé, ‘Abraham mva Isak pú Yakob Bulu.’ 38 Megyí awupó Bulu ógyi, akiankpavu Bulu ógyi, tsúfé mu ansító mú á, amó féé bubu nkpa.”

³⁹ Inu Mose mbla asunápó amv akv beblí beε, “Osunápó, fabí lé mú onó!” ⁴⁰ Mú sv amútó okukukv métrá wa klvñ fité mv asvansv.

Ma Gyí Kristo Amv?

(Mateo 22:41-46; Marko 12:35-37)

⁴¹ Inu Yesu léfité mbla asunápó amv obéε, “Nkálí ðobwe asa ahá beε, Owíε Dawid mv na gyí Kristo amv? ⁴² Tsúfé owíε Dawid onutó léblí Israelfo ðv ámutó obéε,

‘Aní Wíε Bulu lébláa mí Wíε obéε,

Tsia mí gyovsv,

⁴³ yofvñ bréá nópv fú alupó bwé fú ayabi oyíkpa.’

⁴⁴ Owíε Dawid létí Kristo amv obéε, mv wie. Mú nkálí sv otráa ogvi mv na?”

Mose Mbla Asunápó Tsiátó

(Mateo 23:1-36; Marko 12:38-40)

⁴⁵ Inu ðlebláa mv akasípó ahá ámv ansító obéε, ⁴⁶ “Mlíki Mose mbla asunápó anví wankláán. Bvtekle ligá wa náti kí. Bvtekle beε ahá bubún ha amú itsiá ðvsv. Otsiákpá yilé bvtekle tsiá Yudafó ofiakpa pv nke ogyíkpa. ⁴⁷ Bvtošwí asvrapv amú wóyí, bvtepvina bə mpáí tíntíntín ahátó pvbun amú lalahεsv. Bulu obébití amú sv kínkínkín!”

21

Osrapv Okv Tswitswí

(Marko 12:41-44)

¹ Bréá Yesu tsie mantáa tswitswí dáka ámv Bulu otswékpa mv á, olowun alíá ahá aní amú ðvto bv odwin bvðεpv kóba akpənkpəntí bəwa dáka ámutó. ² Inu osrapv ohíáni okv é lópv mv kóba ana bəwa mótó. ³ Múv Yesu léblí obéε, “Onəkwali ndε mlí bláa, tswitswíá osrapv anví, əma tətə anví lawá á, ðvñ əhagyíəha klé. ⁴ Tsúfé atráε amv féé á, amú kóba tsətsəətsə balé kpəlobí tsú bəwa. Táme osrapv anví mú ínía əma tətə sv tśá əbv féé alapú bəwa á.”

Bulu Otswékpa Amv Bwíε

(Mateo 24:1-2; Marko 13:1-2)

⁵ Yesu akasípó akv bvðεtói tsú alíá bəpv abwí aní ðv bíá yi Bulu otswékpa amv, pv atokiehé wankláán lá mótó. Táme Yesu lébláa amú obéε, ⁶ “Bré kv ðbá, bóbwie mú féé bun. Ibwi kvle kóráa méesian ðvnká mú bású.”

Iwəsin Múa Ikplán

(Mateo 24:3-14; Marko 13:3-13)

⁷ Múv mv akasípó amv befité mv beε, “Osunápó, bré məmto ínı féé béba? Osúna məmv abəpvbíá bré ámv ðlafvñ?”

⁸ Inu Yesu lébláa amú obéε, “Mlíki wankláán, ménı əhaa méemlé mlí. Tsúfé ahá tsətsəətsə bəpv mí dá ba beε, amúgyí

Kristo amu ni. Mú bré lafon ta, táme mlimábuo amó. ⁹ Ní mlonúá isá móa kpokiti ladá á, opúni mátsií mli. Tsúfé ilehián ání iní aná bégyankpá bá, táme òyí ònómaké iméeba inonv.”

¹⁰ Inu òlebláa amó òbéé, “Òmá bókò aba. Awíe bókusú líí abasu. ¹¹ Òsolóv ibékpinkí ntíné-ntíné. Akón móa ilo tsánkíhé é béba ntíné-ntíné. Ntobíá ihíé bu ifú pò osúna akpònkpònti béba tsú òsósó. ¹² Táme asa mú fée béba a, békítá mli, béhié dínká mli, pú mli ya Yudafo ofiakpa yégyí mli asón, wá mli obu. Mí su békpa mli ya awíe pú òmású agyíyú ansító. ¹³ Iní òbéha mli òkpa mlétalí gyi mí iwí adánsié súná amó ní. ¹⁴ Táme mlimáhan mli iwí susúu alíá mléle iwí ònó. ¹⁵ Tsúfé néha mli nyánsa móa ònòwanki, mli anyabá ámòtò òkòkò méetalí gyi mli nwéén. ¹⁶ Mli akwíyí, mli apíó, mli wóyító ahá pú mli anyawíe kóráá béle mli há, bómò mlitò aku. ¹⁷ Mí su ahá fée bólu mli. ¹⁸ Táme mli nwunso-imi kòle kóráá mófwi. ¹⁹ Ní mlétalí líí kínkín á, mlénya nkpa ání itamatá.

Yerusalem Bwie Iwí Asón Bli
(Mateo 24:15-21; Marko 13:14-19)

²⁰ “Ní mlowun ání isá akòpò bakáfia Yerusalem wúlu a, mlibiá wúlu amu íbá obwiekpá. ²¹ Mómú ahá ání búbv Yudea òmátò busríi yò abusu. Ahá ání búbv Yerusalem wúlutò budáli. Amóá buma wúlu amòtò é bumáyinkí ba. ²² Tsúfé alí nke ámu íbóbwe Israelfò ísòbití nke fé alíá Bulu ònósó atòíyú amu bòwanlín tswi. ²³ Amenyapó pú abí ayín ání búpia abí bóbwe alí bré ámòtò, bogyówi ní. Tsúfé ason wunhe amu ònó bówa ònlun. Ikplán kpònkpònti béba òsolósv, ísòbití kpònkpònti é íbéba mósó atsiápósv. ²⁴ Amótò aku bésin òdayí ònó. Békítá amó aku é ndoun ya òmá-òmátò. Yerusalem wúlu bétsiá òmá bámbásófò asi, alí yófòn bréá amó òmá ámu asitsiábí lamó ònó.

Nyankpusa-Mv-Bi Amu Ibábi
(Mateo 24:29-31; Marko 13:24-27)

²⁵ “Bówun osúna owí, òtsra pú ntsrakpabisu. Òpò béda ifúsó. Òsolósv atsiápó bénya ifú, buméebi tóá búbwée. ²⁶ Nwólótáa móa mótó ató fée békpinkí. Mú su ahá bénya ifú, tún ñé tóá ídebá sv. ²⁷ Alí bré ámòtò á, òhagyíòha obówun ání mí, Nyankpusa-Mv-Bi ánfí napó túmi móa numnyam kpònkpònti mbv nwólótáatò tsú òsósó nebá. ²⁸ Ní ntobí ánfí íde mósó yò á, mlíkòsv lí, amlitsu ansí fòa kí, tsúfé mli nkpahóbí lafon.”

Òyí Ònómò Iwí Osúna
(Mateo 24:32-35; Marko 13:28-31)

²⁹ Yesu léha amó yébi òbéé, “Mlipòki pòntò móa nyí atráhe. ³⁰ Ní íde ate pòpwe le á, mlítowun mú, bí ání awikpan bré lafon ta. ³¹ Alí kén, ní mlowun ání ntobí ánfí fée íde mótó bá a, mlibi ání Bulu iwígyí ámu ílawíé wóyí tá.

³² “Ɔnɔkwali nde mli blaa. Ndemba-abí ánfí fée bómóowu tá, asa íní fée béba mótó. ³³ Ɔsó móa así fée bótsɔn, táme mí asɔn blíhé mótsɔn ekekekeke.

Iwisuda

³⁴ “Mlíki wankláán, méní opotsuawa, ntábu pú ɔyító ató ɔmagyáa méegyí mli agywíunsu, méní mí, Nyankpɔsa-Mu-Bi ánfí ɔbáke amu méebekítá mli fě yibi. ³⁵ Tsúfě íbēba ɔyító ahá féesú. ³⁶ Iní su mligyo, amlíwɔ mpái, méní mlénya ɔwɔnlín tálí tsɔn ofúla amu féesótó, belí mí, Nyankpɔsa-Mu-Bi ánfí ansító.”

³⁷ Nke ámɔtɔ á, Yesu létsiá yósuná ató Bulu ɔtswékpa inu ɔpa. Onyé á, alanátí yó Nfɔ-nyíbu ámɔsu. ³⁸ Ahá tsɔtsɔtsɔ butákúsɔ ba Ɔtswékpa inu bake, bonu mu asɔn blíhé.

22

Bekiklí Yesu Nwunsu

(Mateo 26:1-5; Marko 14:1-2; Yohane 11:45-53)

¹ Israelfɔ Bodobodo MátúhéNke, igyi amósú Katsɔn Nke ámu gyí íbá bɔfɔn. ² Bulu igyi ahapó dehen pú Mose mbala asunápó amu bodunká ɔkpa ání bótsɔn mósú kítá Yesu njaintɔ, mó mu, tsúfě bɔde ahá ámu ifú nya.

Yuda Iskariot Lótsulá Aní Ɔbéle Yesu Há

(Mateo 26:14-16; Marko 14:10-11)

³ Inu Ɔbɔnsám lówie Yuda Iskariot, ogyi Yesu akasípú dúanyɔ ámɔtɔ ɔkɔletɔ. ⁴ Mú su ɔbɔɔ Bulu igyi ahapó dehen pú Bulu ɔtswékpa agyóɔɔ dehen wá, bekítá agywíun alíá ɔbéle Yesu há amó. ⁵ Ansí légyi amó. Mú su bɔtsulá ání béka mu íkɔ. ⁶ Yuda lótsulá. Mú su olodunká ɔkpa ání ɔbótsɔn mósú híéé lé Yesu há amó, bréá ahá tsɔtsɔtsɔ ámu boma inu.

Katsɔn Atogyihe Gyí

(Mateo 26:17-19; Marko 14:12-21; Yohane 13:21-30)

⁷ Bodobodo MátúhéNke ámɔtɔ ekeá butámó Israelfɔsu Katsɔn Nke akúfa ɔfɔn. ⁸ Yesu lówa Petro mva Yohane ɔbéé, bɔyóɔbwe Israelfɔsu Katsɔn atogyihe amu yai ha amó.

⁹ Petro mva Yohane befíté mu beé, “Aní Wíé, nkónu ayóɔbwe mó yai?”

¹⁰ Múú ɔlebláa amó ɔbéé, “Ní mlowíé wúlu ɔnó á, mléfia oyin ɔkɔá ɔsu ntsu-ɔló. Mlibuo mu yɔ wóyító. ¹¹ Mlowíé á, mlífite wóyí mu wie amu mlíaa, ‘Osunápó ɔbéé, afíte fú, nkónu afóó ɔswíkpa bu, ání mía mí akasípú abéba begyi Katsɔn atogyihe amu?’ ¹² Obósuná mli abansóru yílé kɔá balá mótó yái. Mlibwe ató ámu yai inu.”

¹³ Petro mva Yohane bɔɔɔ ɔkpa. Boyóɔwun tógyító alí amóú Yesu lébláa amó ámu pépéépé, bɔbwe Katsɔn atogyihe amu yai inu.

*Yesu Ntópwe Atogyihe Tráhe**(Mateo 26:26-30; Marko 14:22-26; 1 Korintofō 11:23-25)*

¹⁴ Ató ámu gyíbi lɔfon, Yesu muva mu sumbí ayɔpó beba betsiá ɔpónú ámu asi. ¹⁵ Yesu lébláa amú ɔbéé, “Nhíé ndeklé mbée, mía mlɔnyɔ abégyi Katsun Nketɔ atogyihe anfi asa mí anwun iwɔsin. ¹⁶ Tsúfé nde mli bláa mbée, mméetrá gyi mú ekekeke yófon ekeá itó amú atogyihe anfi ulí há ámu laba mótó Bulu iwíegyí amú.”

¹⁷ Inu olotsu ntá-ewe, dá Bulu ipán, ɔlebláa amú ɔbéé, “Mliho amlinu ha aba. ¹⁸ Tsúfé nde mli bláa mbée, mméetrá nu wáun-abí ntá ánti ekekeke yófon bréá Bulu iwíegyí ámu ibéba.”

¹⁹ Inu ɔlele bodobodo ipín, ɔleda Bulu ipán, bíábía mótó póhá amú, blí ɔbéé, “Mí ɔyuláa mli so nasí há ní. Mlitsia bwe ínu pɔkain mísó.” ²⁰ Alí kén, bréá begyi ató ámu tá á, olotsu ntá-ewe ámu há amú, blí ɔbéé, “Ntá-ewe ánti gyí Bulu ntam pɔpwe ánti nétseí mí obugya wólí púsí mósú há mli ní.

²¹ “Iníá ndeblí á, mía ɔhá amú ɔbéle mí há ámu ibi da ɔlepe ɔkuletɔ. ²² Mí, Nyankpɔsa-Mu-Bi ánti nówu fé alíá Bulu léhie yáí, táme ɔhá amú ɔbéle mí há ámu ogyówi.”

²³ Inu befi asi buɔe aba fité beɔ, “Ngya anitɔ ma ɔbóbwe íni?”

Ma ɔbóbwe ɔhande?

²⁴ Nwéengyi léba sumbí ayɔpó amú, amútó ɔmuá ɔbóbwe ɔhande so. ²⁵ Yesu lébláa amú ɔbéé, “Ɔmátófɔ awíe bubu túmi amú ahásu. Ahá ámu butetí amú ahande beɔ, ‘Buale agyípu.’ ²⁶ Táme mliɔ mú á, umába alí. ɔhá ánti odekléá ɔbóbwe mliɔ ɔhande ɔbwée mu iwí ɔtráhe. ɔhá ánti odeklé ɔbéé, móbwe mli nkɔpá ogyápu é ɔbwée mu iwí fé osúmpú. ²⁷ Ma dón mu ba? ɔhá ánti otsie ɔpónúasi lóó, ntée ɔhá ánti odesúm ɔpónú ámu asi? Megyi ɔhá amú otsie mú asi ámu don? Táme mbu mliɔ fé osúmpú.

²⁸ “Mliłwa klun buo mi mí isóki féétó ni. ²⁹ Alí amú mí Sí layáí mí owíe amú a, alí mí é nde mli yaí ní, ³⁰ méní mlétsiá mí ɔpónúasi, gyi ató, nú ntá mí iwíe ogyíkpá inu. Mlétsiá awíe mbíásó, gyi Israel abusuan dúanyɔ ámu asún.”

*Petro ɔbóswú ɔbéɔ Mvmeyín Yesu**(Mateo 26:31-35; Marko 14:27-31; Yohane 13:36-38)*

³¹ Yesu lébláa Simon Petro ɔbéé, “Simon, Simon! Kí, ɔbunsám dé ɔkpa kulí ɔbéé, obófuní mli fé ayó. ³² Táme nakókóli Bulu há fú mbée, fómádida hógyitɔ. Ní feyínkí ba mí wá á, wa fú aba ámu é ɔwɔnlín.”

³³ Petro lébláa mu ɔbéé, “Mí Wíé natsúlá, ní obu igyi kóráa mía fonyɔ abédi. Ní lowu ígyi é á, mía fonyɔ abówu.”

³⁴ Yesu lébláa mu ɔbéé, “Petro, nde fú bláa mbée, nde, asa bate ɔbéle ɔnó á, fósúwí pó ibi wá ogyá tse sa fee fvmeyín mí.”

³⁵ Inu Yesu léfité akasípó amu òbée, “Bréá nòwa mli sumbí, mlimédé sika akente, mlimédé akpankogyo ntée ntokota nyòsò a, t̀̀ku lehián mli?”

Bele mú ònó bée, “Èkekèkè! T̀̀t̀̀to mehián anì.”

³⁶ Múó òlebláa amú òbée, “Támè séi mú á, fúá fúbu sika kente, ntée akpankogyo a, tsu kita. Ní mli t̀̀to òku má òdayí iya anyò á, òfé mu tati p̀̀hò kù! ³⁷ Tsúfè ilehián ánì mí iwí asón á múú ibu Bulu asun wanlínhétò ámu íbèba mútò. B̀̀wanlín bée, ‘Bekla mu wá lakpan abwep̀̀t̀̀t̀̀.’ Tsúfè asón á múú b̀̀wanlín tsú mí iwí ámu íbá lafon ta.”

³⁸ Akasípó amu bebláa mu bée, “Anì Wíe, kí, ndayí anyò ní.”

Múó Yesu lébláa amú òbée, “It̀̀sò.”

Mpáibò Nf̀̀-nyíbu

(Mateo 26:36-46; Marko 14:32-42)

³⁹ Yesu lédalí wúlutò yó Nf̀̀-nyíbu ámu sù, fé aliá otetsiá yó inu yái. Mu akasípó é bobuo mu. ⁴⁰ Bréá bowie inu á, òlebláa amú òbée, “M̀̀likokoli Bulu, ménì mlimóowíe isókítò.”

⁴¹ Múó òledalí amútó yó nkpa kpalobí fé nfi múa nfi, yéda akpawunu bó mpái òbée, ⁴² “Mí Sí, ní f̀̀t̀̀sulá á, ha ntá-ewé ánfì* itsun misu. Támè megyí t̀̀sá ndeklé, múa f̀̀deklé íbá mútò.”

⁴³ Inu Bulu-òbòpu lótsu òsúsú bá bele iwí òwan súná mu, wá mu òwonlín. ⁴⁴ Asón ihíe de mu háan. Mú sù òlòbò mpái kínkíínkín. Ieha mu apípi lemlí fé obugya, ídetíun da òsolútò ta-ta-ta.

⁴⁵ Bréá òlòkúsú tsú mpái ámu òbòkpá, yínkí ba akasípó amu wá á, olowun ánì búdedídì. Awírehò de amú. Mú sù iwí lawú amú. ⁴⁶ Múó òléfité amú òbée, “Ntogyí sù m̀̀lídédídì? M̀̀likusù amlíkokoli Bulu, ménì mlimóowíe isókítò.”

Yesu Kítá

(Mateo 26:47-56; Marko 14:43-50; Yohane 18:1-11)

⁴⁷ Yesu ònó mesi, òd̀̀m bowotíí amósú. Akasípó dúanyò ámu t̀̀to òkoleá bútetí mu Yuda gyá amú nkpa. Inu òlenatí t̀̀to Yesu òbée, amulata mu puta, ⁴⁸ támè Yesu léfité mu òbée, “Yuda, latá f̀̀latá mí, Nyankpòsa-Mu-Bi ánfì p̀̀t̀̀t̀̀, p̀̀l̀̀é mí há?”

⁴⁹ Akasípó amúú búbu Yesu wá ámu bowun t̀̀sá íbá. Mú sù befité Yesu bée, “Akòó amú? Aníbu ndayí.” ⁵⁰ Inu amútó òkole lótsu mu òdayí kpá Bulu igyí òhapú d̀̀hèh osúmpú òku gyòpí-ísu lé.

⁵¹ Yesu lébláa òkasípó amu òbée, “Mábwe! Isii mli òka!” Inu òbòpu íbì da osúmpú amu ísu ámu, ileyínkí tsá.

⁵² Múó Yesu léfité Bulu igyí ahapú d̀̀hèh, Bulu òtswékpa agyópù ahande p̀̀o Yudafo ahande amúú beba mu òkítákpá amu òbée, “Ogyo otswapú ngyi, sù m̀̀lilatsú nkpotí p̀̀o ndayí m̀̀lébá mí òkítákpá? ⁵³ Ntsie mli wá Bulu òtswékpa wunsínésú

* 22:42 Ntá-ewé ánfì igyí iwíòsin ánì Yesu obówun.

ekekegyíeke, mlímópu ibi da mi ekekeeke. Táme mli bré ní, oklún túmi dé iwíe gyí.”

Petro Lóswí Obée Mmemyín Yesu

(Mateo 26:57-58, 69-75; Marko 14:53-54, 66-72; Yohane 18:12-18, 25-27)

⁵⁴ Inu ahá ámu bekitá Yesu, kpá mu ya Bulu igyí ahapú dehen wóyító. Petro lépeti obuo amú oma tsútsúútsú. ⁵⁵ Táme bréá bosun agyabi wunsínésú inu, butsie mú asi á, Petro léyétsiá amú wá. ⁵⁶ Otsibi okuá ogyi osúmpú inu lówun ání Petro tsie ogyá ámu asi, okéki mu díín, blí obée, “Oyin áñfi é buo Yesu!”

⁵⁷ Táme Petro lópu onólí blí obée, “Otsi, mmeyín mu otinetine!”

⁵⁸ Ilóbwe kpalobí á, oha oku é lówun Petro, okébláa Petro obée, “Fú é fóbú amótó.”

Táme Petro lébláa mu obée, “Owíé, megyí mí ní!”

⁵⁹ Fé dānhwírí kule oma a, oha bambá é léba botsulá músó obée, “Lélé, oyin áñfi é létsiá mu wá, tsúfé Galileayin ogyi.”

⁶⁰ Táme Petro léle mú onó obée, “Agya! Kí, mmeyín asún áñfi iwí kuku.”

Petro onó mesi, bate lóbōn. ⁶¹ Aní Wíe Yesu lédamlí kí Petro. Inu Petro lékaín asún amú aní Wíe lébláa mu obée, “Fóswí tse sa fée fūmeyín mí asa bate obéle onó onyeni.” ámuṣu. ⁶² Inu okédaí yó kpankpá híe yósu.

Yesu Ahinlá Bwe

(Mateo 26:67-68; Marko 14:65)

⁶³ Yesu akípu befi asi bude mu ahinlá bwe, bude mu da. ⁶⁴ Bōpu ató klí mu ansíbi, fité mu bee, “Bulu onósú otóipú, maláda fú? Bla aní.” ⁶⁵ Bekpa mu asiabí, bláa mu nyányála.

Yudafō Asún Agyípó Ansító Lú

(Mateo 26:59-66; Marko 14:55-64; Yohane 18:19-24)

⁶⁶ Yudafō ahande, Bulu igyí ahapú dehen pú Mose mbla asunápó amu befia oyi kehe nyanki-nyanki, bebitia Yesu belú amú ansító. ⁶⁷ Bebláa Yesu bee, “Ní fōgyí Kristo, (ohá amú Bulu ladá mu ofúli amu) a, bla aní.”

Yesu lébláa amú obée, “Ní nebláa mli kóráá, mlímóohogyi. ⁶⁸ Ní nefité mli asvanku é á, mlíméle mú onó. ⁶⁹ Táme tsú séi púya a, mí, Nyankpusa-Mu-Bi áñfi nétsiá Bulu Otúmípu amu gyopisu.”

⁷⁰ Amú féé befité Yesu bee, “Mú su fōgyí Bulu mu Bi ámu ni?”

Yesu lébláa amú obée, “Ee, onokwalí amu mlilablí á.”

⁷¹ Inu befité aba bee, “Ntogyi sú abétrá dunká adansifō bámbá? Mú anlanú tsú mu onutó onó á.”

23

Yesu Kpa Ya Pilato

(Mateo 27:1-2, 11-14; Marko 15:1-5; Yohane 18:28-38)

¹ Inu ahá á múb bafia unu ámu bókusú kpá Yesu ya omású ogyípú Pilato. ² Beka asún dínká musu bee, “Anlawun ání oyin ánfí dé omá ánfítá ahá yintá. Òde amú bláa obée, bumátra ka lampóo há Roma owíe dehen. Òdeblí é obée, mugyí Kristo, (ohá ání Bulu ladá mu ofúli amu), idesuná ání owíe ogyí.”

³ Pilato léfité Yesu obée, “Fúgyí Yudafá owíe amu ni?”

Yesu léle mú onó obée, “Ee, mú fablí á.”

⁴ Pilato lébláa Bulu igyí ahapú dehen pú odom amu obée, “Mmókówun tsitsa kókúá oyin ánfí labwé.”

⁵ Táme amú mú bude mótó kótóó bee, “Ódepu mu atosunáhé tí ítré móa ikó wá Yudea omá ánfítá. Olefi mú así tsú Galilea, alapú bowie nfi.”

Yesu Lú Herode Ansító

⁶ Bréá Pilato lónu asún ánfí á, òlefíté obée, “Galileayin oyin ánfí gyí?” ⁷ Bréá òlebi ání Yesu otsú Galilea, otínéá owíe Herode dé iwíe gyí a, òleha bekpa mu ya Herode. Alí bré ámutá á, Herode bu Yerusalem wúlutá unu. ⁸ Bréá owíe Herode lówun Yesu a, ansí lehie gyí mu. Tsúfé olodunká ání obówun mu dodoodo, mu iwí asún ání alanú su. Odeklé ání Yesu obwée osúna ku suna mu. ⁹ Mú su òlefíté Yesu asún tsotsòtsò, táme Yesu méle kóku onó. ¹⁰ Bulu igyí ahapú dehen amu pú Mose mbla asunápú amu bulí unu, budekplón ka asún dínká musu. ¹¹ Owíe Herode mva mu isá akópú ámu é bósopáa mu, bwé mu ahinlá. Bapu sríkí ligá ku wá mu, beyinkía mu ya Pilato. ¹² Owíe Herode mva Pilato bemlí anyawíe tsú eke ámu. Teki amú nsiné ima ale yái.

Yesu Lowu Ipón Ha

(Mateo 27:15-26; Marko 15:6-15; Yohane 18:39-19:16)

¹³ Pilato létí Bulu igyí ahapú dehen, Yudafá ahande pú omá ámu fée bafia. ¹⁴ Mú òlebláa amú obée, “Mlúlékpa oyin ánfí ba mi mlíaa, òde omá ámu agywun yintá. Nafíté mu onótó asún mlí ansító, nawun ání asún á múb mlúléka dínká musu ámu ima mótó. ¹⁵ Owíe Herode é lawun mú alí. Mú sù alayínkía mu sísí aní ní. Oyin ánfí mókóbwé tótá bómá mu. ¹⁶ Iní su néha bépítí mu ató, mí ansi mu onati.”

¹⁷⁻¹⁸ Inu odom amu fée bókplón blí bee, “Le mu unu, afusi Baraba ha aní!”* ¹⁹ (Baraba ánfí da obu, tsúfé òlókusú líí wúlu amusu, òlómá oha é mótó.)

²⁰ Pilato lékléá obési Yesu. Mú su òletrá tóí kplá odom amu. ²¹ Táme bókplón kóklókóú bláa mu bee, “Da mu manta oyikpalíhesu! Da mu manta oyikpalíhesu!”

* **23:17-18** Mótó yée 17 bu nwoóló dada amu akotó: Katsun Nke kugyíkótá á, lehián ání Pilato obési obu odupú òkole ání Yudafá ámu budekklé há amú.

²² Pilato lébláa amú otse saasi ɔ́bée, “Tsitsa m̀omv alabwé? M̀m̀akówun t́á alabwé, śó néha b́óm̀o mv. Néha ab̀upiti mv at́o, ɔ́nati.”

²³ Táme bobu m̀osú budekplón k̀uklókóú b̀ee, ɔ́háa abuda mv manta oyikpalíhesu. Inu b̀adun mv ɔ́nolí. ²⁴ Mú sv Pilato lóbwe dínká t́o á múú bu dedunká á m̀usu. ²⁵ Olesi oyin á múú ɔ́akusú líi ɔ́má á m̀usu, ḿo ɔ́ha m̀út śo ɔ́da obu á m̀u, olesi Yesu há mv isá ak̀opú ɔ́bée b̀obwée mv alá ahá á m̀u bu deklé.

Yesu Da Mántá Oyikpalíhesu

(Mateo 27:32-44; Marko 15:21-32; Yohane 19:17-27)

²⁶ Bréá bekpa Yesu b̀oyó á, befia Kireneyin ɔ́kuá butetí mv Simon. Otsú abúasi. Isá ak̀opú á m̀u beka mv híe b̀ee ɔ́súra oyikpalíhe amv buo Yesu.

²⁷ Ɔ́dam bobuo Yesu. Atsiá bobu amótó b̀upu amú anyópu, buhíe bu desú ha Yesu. ²⁸ Yesu lédamli, ɔ́lebláa amú ɔ́bée, “Yerusalemf̀o atsi, m̀lumásu m̀i. M̀isu m̀i iwí p̀o m̀i abí. ²⁹ Tsúf́e nke kv íbá mléblí m̀liaa, ‘Bulu layúlá atsiá b̀om̀akókúwí k̀i, obí m̀ókódí amú opúnit́o k̀i, obí m̀ókónyópu amú é k̀i.’ ³⁰ Ahí bré á m̀ut́o á, ahá bébláa abv b̀ee, ‘M̀ibwie bun anisu. Nkúku, m̀lípula aní.’ ³¹ Tsúf́e ní bu de oyi b̀obwe ogyá wa alá á, nkáli b́óbwe oyi wólíhe?”†

³² Isá ak̀opú á m̀u bekpa lalahé abweṕo abanyó é mántá Yesusu, b̀oyó m̀o amú. ³³ Bréá bowie ɔ́tinekuá butetí inu “Nwun Okokobi” a, befa Yesu mántá oyikpalíhesu. Beda amú abanyó á m̀u é mántá nyikpalíhesu. Ɔ́kule bu Yesu gyɔ́pisu, ɔ́kule é bu mv b́inasu. ³⁴ Inu Yesu léblí ɔ́bée, “Mí Sí, sikie amú, tsúf́e b̀umeyín t́á bu debwe.”‡

Isá ak̀opú á m̀u b̀atswi abi ye Yesu atadiet́o. ³⁵ Ahá tsotsɔ́tsɔ́ amú bobuo amú ýo inu á m̀u besi bulí inu bu de mv kíi. Yudafo ahande amv b̀obwe mv ahinlá b̀ee, “Ɔ́lho ahá nkpa. Ní lélé m̀ogyí Kristo, (ɔ́há amú Bulu ladá mv ofúli), mv Bulu lalé ní á, ɔ́hó mv iwí nkpa!”

³⁶⁻³⁷ Isá ak̀opú á m̀u é b̀upu ntá ɔ́dái tin mv ɔ́nó, bwé mv ahinlá b̀ee, “Ní f́ogyí Yudafo owíe amv ní á, le f́o iwí!”

³⁸ B̀owanlín at́o mántá oyikpalíhe amv awunso b̀ee, “YUDAF̀O OWÍE AMV NÍ.”

³⁹ Lalahé abweṕo amú befa mántá oyikpalíhesu á m̀ut́o ɔ́kule léblí Yesu iwí abususu ɔ́bée, “Megyí f́ogyí Kristo amv ní? Le f́o iwí, afule aní mee!”

⁴⁰ Táme onyɔ́ɔ́si amv lówa iyin wá mv ɔ́bée, “F̀umede Bulu ifú nya! F́oa m̀onyo f́éé dé isubítí kole h́o. ⁴¹ Aní mú á, aní isubítí ida ɔ́kpa, aní lakpan á ní anilóbwe sv. Táme oyin á nfi mú m̀ókóbwé

† **23:31** Ní mí á nfi mí asón da ɔ́kpa á nfi kóráá bu debwe alá á, nkáli Bulu ɔ́bóbwe ahá á ní b́egyí p̀on mv ansító? ‡ **23:34** M̀út ýe 34 ima nwóló dada amv akotó.

laláhe kuvu.” ⁴² Múú ðlebláa Yesu ðbéé, “Yesu, ní febá fú iwíe ogyíkpa a, kain mísú!”

⁴³ Yesu lébláa mu ðbéé, “Ɔnɔkwali nde fú bláa. Nde, mía fonyo abétsiá Paradiso.”

Yesu Lowu

(*Mateo 27:45-56; Marko 15:33-41; Yohane 19:28-30*)

⁴⁴⁻⁴⁵ Ali bré ánfí íbóbwe fé ɔpa dóúanyo. Owí leta ɔsolúo amusu féé alu yófon ntópwe ɔsatɔ. Owí metrá lun e. Inu á, tati ámúú bɔpuká Bulu Ɔtswékpa obu ámúú ðlebalí anyo. ⁴⁶ Yesu lókpɔn kóklókúú blí ðbéé, “Mí Sí, napú mí ɔhé wá fú íbitɔ.” Olenya blí ali tá pé, ðlele ɔhé.

⁴⁷ Bréá ísá akɔpú ɔhande amu lówun tóá ðaba a, ðlekanfó Bulu ðbéé, “Lélé, ɔha yilé oyin ánfí gyí.”

⁴⁸ Ahá ámúú bulí inu ámu féé bowun tóá ðaba, bɔpu awireho náti bɔyó wóyí. ⁴⁹ Táme amúú bɔyin Yesu pú atsi ámúú bobuo mu tsú Galilea ɔmátó ámu besi bulí tsútsúútsú buɔe itóá ide mósó yɔ kí.

Yesu Pulá

(*Mateo 27:57-61; Marko 15:42-47; Yohane 19:38-42*)

⁵⁰⁻⁵¹ Oyín ɔku létsiá, bɔteti mu Yosef. Otsú Yuda wúlu kvá bɔteti mú Arimateatɔ. Ɔha yilé ogyi, obú é bu musu. Ibo mótóá ɔbu ɔmá ámu asún agyípótɔ, táme omotsulá dínká amú agywun pú amú bwehé ánfísu. Otsie ogyo Bulu iwíegyí ámu. ⁵² Oyín ánfí lóyɔ Pilato wá, yókulí mu ɔkpa ðbéé, osíi Yesu fúli amu ha mu. Pilato léha mu ɔkpa. ⁵³ Inu Yosef léyesíeí Yesu fúli, ɔɔpu ɔhráda kíklí mu iwí, pú mu yówa ɔbó kvá mu onutó ðleha beɔa bɔtátó há mu iwí, bɔmɔkúpúlá ɔhaa mótó kí. ⁵⁴ Eke ámu igyi Fieda. Eke ámu igyi ogyá ɔɔɔɔáké. Owí inyá tá pé, ɔkpónú ɔɔɔɔáké ámu lafi asi.

⁵⁵ Atsi ámúú bobuo mu tsú Galilea amu bobuo Yosef yéki Yesu opulákpá pú alíá ɔɔpu fúli amu tswi ɔbó ámúú. ⁵⁶ Beyínkí yó wóyí yókwé ohuam, ɔhíén pú ofobí fánfán ání bɔpu yékpa Yesu. Botsutsúa abɔbwe ta á, owí latá, beɔa ɔkpónú ɔkpónú ɔɔɔɔáké ámu fé alíá Mose Mbla leblí.

24

Yesu Kvsó Tsú Afúlitɔ

(*Mateo 28:1-10; Marko 16:1-8; Yohane 20:1-10*)

¹ Kwasiéda, igyi ndawótswító eke gyankpawu bake a, atsi ámu bɔkvsó tsú afá ámúú bɔkwe yáí ámu yó Yesu ntsán ámu asi.

² Bowun ání bamína íbwi ámúú bɔputin ɔbó ámu ɔnó ámu lé inu. ³ Mú so bebitíwíé ɔbó ámúú, táme bɔmowun Yesu fúli amu.

⁴ Besi bulí, buɔe nwuntɔ bu. Beki a, ayin abanyó ako líí amú wá inu á. Amú atadié ðe ogyá kpa. ⁵ Ifú lékitá atsi ámu, beɔa akpawunu pú ansító bun ɔsolúto. Táme ayin ámu befité amú beé, “Ntogyi só mlíðé ɔkiankpawu dunká afúlitɔ? ⁶ Ɔma nfi, alakósú!

Mlikaun asón á múb ɔlebláa mli bréá mliá mɔnyɔ mliɔ Galilea ɔmátɔ ámuɔ. ⁷ Ɔbéé, 'Ilehián ání béle mí, Nyankpɔsa-Mu-Bi ání há lakpan abwepú. Béda mí mántá oyikpalíhesu. Mú eke sáásí a, nókusú tsú afúlitá.' ⁸ Inu atsi ámu bekáin Yesu asón ánífisú. ⁹ Beyinkí tsú ntsán ámu asi bebláa sumbí ayɔpú dúɔkun ámu pú aha atráhe amúú búbu inu ámu féé t́á bayówun.

¹⁰ Atsiá bɔyɔ ntsán ámu asi gyí, Magdalayintse Maria, Yohana pú Yakobo mu yin Maria. Amúa atsi akvá búbu amótɔ lékla asón ání suná sumbí ayɔpú ámu. ¹¹ Asón ámu lɔbwe sumbí ayɔpú ámu fé mimlála. Mú su bɔmɔhɔ mósú gyi. ¹² Táme Petro mú lókusú, tsíí ɔsri yó ntsán ámu asi. Olobun kpéléki ɔbɔ ámɔtɔ. Tati amúú bɔpɔpúlá Yesu nkole olowun ání ida ifóntɔ. Oleyinkí yó wóyítá, ɔde nwuntɔ bu tsú asón ání ilaba anfi iwí.*

Emaus Wúlutɔ Yɔ
(Marko 16:12-13)

¹³ Eke ámu kén á, abúopu amu abanyó benatí bɔyɔ wúlu kvá bútetí mú Emaustɔ. Tsú Yerusalem ya inu bɔbwe fé máli asienó. ¹⁴ Amú nkole búna búde nkɔmbɔ gyí tsu asón amúú ilaba amu iwí. ¹⁵ Bréá búde mótɔ yɔ á, Yesu onutó é lɔbɔtu amú, muva amónyɔ búna. ¹⁶ Bulu létin amú ansí. Mú su bɔmɛbi mu. ¹⁷ Yesu léfité amú ɔbéé, "Amansu iwí nkɔmbɔ mliná mlidégýi alí?"

Besi lí tikpa, awirehɔ lekítá amú. ¹⁸ Amótɔ ɔkuleá bútetí mu Kleopa léfité ɔbéé, "Fú nkole gyí ɔfó Yerusalem wúlutɔ, fómeyín asón ání ilaba inu nke ánífitɔ?"

¹⁹ Yesu léfité mu ɔbéé, "Amansu igyi?"

Bebláa mu beé, "Yesu, Nasaretyin amu iwí asón igyi. Bulu ɔnósú ɔtáipú ogyi. Ɔlɔbwe ofúla akpɔnkpɔnti, blí Bulu asón tímísu, Bulu muva anyánpɔsa féé ansítɔ. ²⁰ Aní Bulu igyi ahapú dehen pú wúlu ahande bapú mu há ahá, bahá mu lowu ipón, dá mu mántá oyikpalíhesu. ²¹ Teki mugyí ɔhá ání aniléki ɔkpa aníaa, ɔbéha aní Israelfɔ abégýi iwí ní. Nde eke sáásí ɔpá asón ání lébá. ²²⁻²³ Ḿá idɔn kóráá á, anitɔ atsi aku bayó mu ntsán ámu asi bakiení, táme bɔmowun mu fúli amu. Beé, bayówun Bulu-abɔpu aku babĺaa amú beé, ɔbu nkpa. T́á beyinkí bebĺaa aní lawá aní wánwan. ²⁴ Iní su anitɔ aku é basrí yó ntsán ámu asi, bayówun mú fé alíá atsi ámu beba beblí. Amú é bɔmowun fúli amu."

²⁵ Yesu lébláa amú ɔbéé, "Mlímimĺa ó! Mli agywun tamayó agyómá ɔsasú. Nkálí igyi só mlímóhɔ asón amúú Bulu ɔnósú atáipú amu beblí tswi amu féésú gyi? ²⁶ Mlíméyín mliaa, ilehián ání Kristo, (ɔhá ání Bulu ladá mu ofúli amu) obówun iwíɔsin, asa obénya mu numnyam?" ²⁷ Inu Yesu léle mu iwí asón ání bɔwanlín wá Bulu asón wanlínhé amutɔ, tsú Mosesu bɔtu Bulu ɔnósú atáipú amu féésú asi súná amú.

* **24:12** Mótɔ yée 12 uma nwóló dada amu akutɔ.

28 Bréá bowie wúlu amvto bəyó á, Yesu lóbwε fé ədetsúvun əyó ətine bambá. 29 Táme abúopv amv bebláa mv beε, “Ani sí, owi lapən, di ani wá ndε.” Mú sv Yesu lébaí yó amó wá. 30 Bréá bude ató gyí a, Yesu léle bodobodo ipin, dá Bulu ipán. Múó olebiabía móttó póhá amó. 31 Inuvu amó ansísú letítú amó, bebi mv, táme ələfwí sí amó. 32 Inu befité aba beε, “Ansí mehie gyí ani bré ámúú ania mɔnyə aniná, əde ani asón bláa, əde Bulu asvɔn wanlínhé amv así le súná ani ámú?”

33 Bəkusú inuvu yínki ba Yerusalem. Beba a, sumbí ayəpó dúəkvɔn ámv pú aha tráhe bafia, 34 búdeblí beε, “Lélé, ani Wíe lakúsó. Alalé iwí əwan súná Simon!”

35 Mú sv ahá abanyó ámv é beblí tóá bayóvun əkpatə. Tóá bəpυbí mv gyí bodobodo amóú oleye ha amó ámv.

Yesu Iwíəwanle Súná Mv Akasípó

(Mateo 28:16-20; Marko 16:14-18; Yohane 20:19-23; Gyumagyihe 1:6-8)

36 Ahá abanyó ámv bubv músó budeətáí alí á, Yesu onutó léba belí amó nsiné. Əleblí əbéε, “Iwí ilwíi mli.”†

37 Opúni letsíí amó, bəwan. Iəbwε amó fé fúli budewúun. 38 Inu Yesu léfité amó əbéε, “Ntogyi só mlidé ifú nya, mlidé nwéεn gyí mli klvntə alí? 39 Mlikí mí ibi, amlíkí mí ayabiasí. Megyí mí onutó ní? Mlikita mí amlíkí. Fúli má əyυlúv móa awú fé alíá mbv.”

40 Bréá əleblí asón ánfí tá á, əlpv mv ibi pú mv ayabi súná amó. 41 Ansí lehie gyi amó, asón ámv é lówa amó wánwan. Mú sv bvmohogyi ání lélé mv ni. Inu əlefíté amó əbéε, “Mlvb atogyihe kv nfi?” 42 Beha mv iye təhé itin kv, 43 əlho mó, wí mó amó ansító inu.

44 Inu əlebláa amó əbéε, “Iní gyí asón ání nebláa mli bréá mbv mli wá ní. Nebláa mli mbéε, ilehián ání mí iwí asón kugyíkúv bəwanlín wá Mose Mbla, Bulu ənósó atəípó nwló pú Israelfə ilv əwυlótó féé béba móttó.”

45 Inu olobwíí amó agywun, méní bónu Bulu asvɔn wanlínhé amv así. 46 Əlebláa amó əbéε, “Bəwanlín tswi beε, Kristo, (əhá ámúú Bulu ladá mv ofúli amv) amv obóvun iwíəsvɔn, wú. Bulu əbókúsvá mv mú eke sáásí tsú afúlitə. 47 Mú əma a, ahá béda Bulu asvɔn wankláán ámv əkan mí idátó há əmá féé beε budámli klvntə, féki Bulu obési amó lakpan kíé amó. Béfi mó así tsú Yerusalem. 48 Mligyí mí adansífə há asón ánfí ní. 49 Nópυ Əhe Wankíhé amóú mí Sí lehie yáí há mli ámv sísí mli. Mú sv mltsia wúlu anfitə alu yófvɔn ekeá Əhe Wankíhé amv obótsu əsósó bá beha mli túmi.”

Yesu Əsósó Yə

(Marko 16:19-20; Gyumagyihe 1:9-11)

† 24:36 Əleblí əbéε, “Iwí ilwíi mli.” uma nwló dada amv akotə.

⁵⁰ Bréá Yesu lébli asón ánfí tá á, òlekpa amó dáli, bəyɔ Betania wúlutɔ. Inu olotsu ɔbi fúá, yúlá amó. ⁵¹ Bréá ɔde amó yulá á, mɔa amónyɔ nsiné lówa ifó wa bi, Bulu lótsu mu ya ɔsósó. ⁵² Inu beda akpawunu súm mu, bəpu ansigyí kpɔnkpɔntɪ yínkí yétsiá Yerusalem. ⁵³ Betsiá yó Bulu ɔtswékpa inu brégyibré, yékanfó Bulu.

Asun Wanklaán Aní Yohane Lówanlín

¹ Asa ɔ́yí lebelin a, Asón ámu bu inu. Asón ámu mwa Bulu bu inu. Asón ámu gyí Bulu.

Asón Aní Itehá Nkpa

² Asón ámu mwa Bulu bu inu asa ɔ́yí lebelin. ³ Músú Bulu lótsun bwe tógyító. Tótóto má inuá Bulu lóbwe tsun mu ɔma. ⁴ Muto nkpa itsú. Nkpa ámu tópo wanki ba ahá fée ní. ⁵ Wanki anfi tawánkí oklúntó, táme oklún mákógyi músú kí.

⁶ Bulu lówa oyin okuá butetí mu Yohane* sísí. ⁷ Ɔleba bebláa ahá wanki amu iwí asón, méní ahá fée bóhó asón ámu su gyí. ⁸ Megyí Yohane onutó gyí wanki amu. Mu mó wanki amu iwí asón ɔleba bebláa ahá. ⁹ Ɔhá ámuó ogyi wanki onutó, ɔtawánkí há ɔhagyíha amu ɔbá ɔyító.

¹⁰ Ɔbu ɔyí ánfito. Músú Bulu lótsun bwe ɔyí, táme ɔyí ánfito atsiápo bumebi mu. ¹¹ Ɔleba mu onutó ɔmátó, táme mu pi buməhə mu. ¹² Táme ɔleha ahá aní bəhə mu, hə mu gyi fée ɔkpa aní bubwée Bulu abí. ¹³ Amú Bulu abí bwe motsú ilíntó, ntée nyankpɔsa apébwetó, ntée oyin ɔwólí ɔkpasu. Mboun Bulu onutó lóbwe amú mu abí.

¹⁴ Asón ámu lébemlí nyankpɔsa, oletsia anito. Awitale pu ɔnəkwali sósón létsia muto. Anilowun mu numnyam. Mu Si lówa mu numnyam amu, tsúfé Obí ɔkəkónú ɔkule pé ogyi há mu.

¹⁵ Yohane léle mu súná, tói tsú mu iwí ɔbéé, “Ɔni iwí asón neblí mbée, ‘Ɔhá ámuó obuo mi ɔbá ámu dun mi, tsúfé ɔbu inu asa bəkwí mí’ ” ní.

¹⁶ Mu awitale itsó. Iní só ɔde awitale tsətsətsə ánfí wa há aní fée ní. ¹⁷ Mosesu Bulu mbala ámu ná ileba, táme ɔnəkwali móa awitale mó ina aní Wíe Yesu Kristosu ileba. ¹⁸ Ɔhaa mákówun Bulu kí. Obí ɔkəkónú ɔkule pé, mu onutó ogyi Bulu, otsie Ɔsí ámu gyɔpɔsu, Ɔsí ámu tehié kle mu asón ámu, nkule labláa aní ahá Bulu gyí.

Asú Ɔbapó Yohane Bulu Asón Ɔkanda

(Mateo 3:1-12; Marko 1:1-8; Luka 3:1-18)

¹⁹⁻²⁰ Yudafə ahande aní bubu Yerusalem bəwa Bulu igyí ahapó pu Lewifə Yohane wá beɛ buyéfité mu beɛ, ma ogyi? Yohane mési asvansu njan amú. Ɔlele bláa amú ɔbéé, “Megyí mígyí Kristo, (ɔhá ámuó Bulu ladá mu ofúli amu).” ²¹ Befité mu beɛ, “Mómó fúgyí ma? Fúgyí Elia?”

Ɔlele mó ɔnó ɔbéé, “Megyí mígyí Elia.”

Betrá fité mu beɛ, “Fúgyí Bulu ɔnású ɔtáipó amú ɔbéba amu?”

* 1:6 Asú Ɔbapó Yohane

Ɔlele mú ɔnó ɔbée, “O-o.”

²² Múú befité mu beɛ, “Ma fuhíé fɔgyi? Bla anɪ, méni abéyébláa ahá á múú bɔwa anɪ á mu. Nkálɪ fúdeblɪ tsú fó onutó iwɪ?”

²³ Yohane lɔpu asún áni Bulu ɔnósú ɔtɔ́ipú Yesaia léblɪ tswɪ lé mú ɔnó ɔbée,

“Mígyi ɔhá á múú ɔdekplón dimbísú ɔbée,

‘Mlɪtswii anɪ Wíe ikpa á mu ha mu’ amu ni.”

²⁴⁻²⁵ Inu Farisifo akvá bɔwa Yohane wá é befité mu beɛ, “Ní megyi fúgyi Kristo amu, megyi fúgyi Elia ntée Bulu Ɔnósú Ɔtɔ́ipú amúú ɔbéba amu é á, ntogyi sù fude ahá asú bɔ?” ²⁶ Yohane léle mú ɔnó ɔbée, “Ntsu ndepubó ahá asú, táme ɔha ɔku bu mlɪtɔ nfi, mlɪméyín mu. ²⁷ Múgyi ɔhá áni obuo mi ɔbá ní. Mmɔfon áni nésankí mu ntukuta ɔfé kpán.”

²⁸ Asún áni fée léba Yordan ntsu ɔbin Betania wúlutɔ. Inú Yohane létsiá bó ahá asú ní.

Bulu Okúfabi

²⁹ Ɔyi kehe a, Yohane lówun áni Yesu ná ɔbá mu wá. Múú ɔlebláa ahá á mu ɔbée, “Mlɪkɪ, Bulu Okúfabi amu ɔbá á. Músú Bulu tɔtsɔn sí ɔyító ahá lakpan kíé amú ní! ³⁰ Mu iwɪ asún neblɪ mbée, ‘Ɔku buo mi ɔbá. Ɔɔɔn mi, tsúfé ɔbu inu asa bɔkwíí mí ní. ³¹ Mí onutó mmeyín mu, táme neba nde ahá asú bɔ, méni Israelfɔ bébi ɔhá áni ogyi.”

³² Yohane léblɪ ɔbée, “Nowun Ɔye Wankíhé amu, ɔlekplɪ tsú ɔsúsú fé abróɔɔma bogyonká músu. ³³ Mí onutó mmeyín mu, táme Bulu lówa mí ɔbée mbá bɔpu ntsu bɔ ahá asú. Mólébláa mi ɔbée, ‘Ɔhá á múú fówun Ɔye Wankíhé amu ɔbékplɪ tsú ɔsúsú bogyonká músu á mu ɔbɔpu Ɔye Wankíhé amu bó ahá asú ní.’

³⁴ Nawun áni ilaba mútó. Mú su nde mu iwɪ adánsɪe gyí mbée, múgyi Bulu mu Bi á mu ni.”

Yesu Akasípú Agyankpapu

³⁵ Mú ɔyi kehe a, Yohane muva mu akasípú abanyó besankí ba inu. ³⁶ Bréá Yohane lówun Yesu détsúɔn a, ɔleblɪ ɔbée, “Mlɪkɪ, Bulu Okúfabi amu ná inu á.”

³⁷ Akasípú abanyó á mu bonu asún áni. Mú su bekplá buo Yesu. ³⁸ Yesu lédamlɪ kɪ wun áni bobuo mu. Múú ɔlefité amú ɔbée, “Ntɔ mlɪdédunká?”

Befté mu beɛ, “Osunápú, nkónu futsie?”

³⁹ Yesu léle mú ɔnó ɔbée, “Mlɪba beki.” Mú su ayin abanyó á mu bobuo Yesu yéki mu otsiákpá. Ibóbwe fé ntópwe ɔnato. Betsiá mu wá tá owí.

⁴⁰ Ayin á múú bonu asún áni Yohane léblɪ tsú Yesu iwɪ, bekplá buo Yesu amutɔ ɔkule gyí Simon Petro mu pio Andrea. ⁴¹ Mú ɔma a, itɔ gyankpapúá Andrea lóbwe gyí, oloyódunká mu pio Simon, bláa mu ɔbée, “Anɪlawun Mesia.” (Mú asɪ gyí, “Kristo”,

ᾠhá ámóú Bulu ladá mu ofúli amu.)† 42 Inu ɔlekpa Simon ba Yesu wá.

Yesu léki mu díin, ɔleblí ɔbéε, “Fúgyí Yohane mu bi Simon ni. Tsú nde púya a, bétí fú Kefa.” (Griiki ɔblítɔ “Petro.” Mó asi gyí, “Bútá.”)

Filipo Mva Nataniel Ti

43 Gyí kehe a, Yesu lóbwε ɔbéε móyo Galilea ɔmátó, olowun Filipo. Mú ɔlebláa Filipo ɔbéε, “Buo ni.” 44 Filipo otsú Betsaida, Andrea mva Petro wúlutɔ. 45 Filipo lówun Nataniel, ɔlebláa mu ɔbéε, “Anlawun oyin ámóú Mose lówanlín mu iwí asón wá Bulu mbla ámɔtɔ, Bulu ɔnósú atɔ́pó amu é bɔwanlín mu iwí asón ámu. Mu dá gyí Yesu. Mu si gyí Yosef, otsú Nasaret wúlutɔ.”

46 Nataniel léfité mu ɔbéε, “Itɔ yilé kv bétalí dalí tsu Nasaret wúlutɔ?”

Filipo lébláa mu ɔbéε, “Ba afubeki.”

47 Bréá Yesu lówun Nataniel ɔbá mu wá á, ɔleblí ɔbéε, “Israe-lyin onutónutó ní. Afunu kɔkɔ ma mɔtɔ.”

48 Nataniel léfité Yesu ɔbéε, “Nkálí ɔbwε febi mí?”

Yesu léle mú ɔnó ɔbéε, “Nowun fu bréá fubu pɔntɔ-oyí ámu asi unu, asa Filipo lébeti fú.”

49 Nataniel lébláa mu ɔbéε, “Osunápó, fúgyí Bulu mu Bi Israel Owíe amu ni.”

50 Yesu lébláa mu ɔbéε, “Alí ámóú nabláa fu mbéε, nowun fu pɔntɔ-oyí ámu asi ámu sv fahogyi? Fówun ofúla ání idon íni.”

51 Yesu létrá bláa mu ɔbéε, “Ɔnɔkwali nde mli bláa, mlówun ání ɔsúsú lafinkí, Bulu-abɔpu buɔde ɔsúsú yo yínkí bá Nyankpɔsa-Mu-Bi ámu sv.”

2

Ɔkátsiá Kana Wúlutɔ

1 Eke sáási a, betsiá ɔká Kana wúlu ání ibu Galilea ɔmátó. Yesu mu yin bu unu. 2 Beti Yesu mva mu akasípó é mú asi. 3 Bréá amó ntá leta á, Yesu mu yin lébláa mu ɔbéε, “Butráa buma ntá.”

4 Yesu lébláa mu ɔbéε, “Amó yín, yéε megyí mí asón igyi o! Mí bré mɔkónyá fun.”

5 Mu yin lébláa wóyí ámɔtɔ asúmpú ɔbéε, “Mlibwε dínka asóngyiasón ání ɔbébláa mli sv.”

6 Yudafɔ butɔfwí iwí amó amándié ɔkpasu. Mú sv bɔpu awɔndi akpɔnkpɔnkpɔnti asie yáí wóyí ámɔtɔ. 7 Yesu lébláa unu asúmpú amu ɔbéε, “Mli sa ntsu bula awɔndi ámu féé.” Lélé besa.

8 Inu ɔlebláa amó ɔbéε, “Mli sa iku ya nkesu ɔkípu amu.” Besa ya mu. 9 Ɔleda mú ɔnó á, iladámli bwé ntá. Omeyín ɔtínéá benya ntá ámu tsú. (Táme asúmpú amu mú buyin.) Inu ɔleti

ɔká otsiápu amu ya itsétó, 10 ɔlebláa mu ɔbéε, “Nta wankláán

† 1:41 Kristo igyi Griiki ɔblí, Mesia é igyi Hebri ɔblí.

ɔhagyíɔha tegyankpá yáí. Ní bonu mó tá asa butɔpú múá una ale ba. Táme fú mó fapú wankláán ámu yáí bɔfun séi.”

¹¹ Iní gyí osúna gyankpapu ání Yesu lóbwe ní. Ɖlɔbwe mó Kana ání ibu Galilea ɔmátó, pólé mu numnyam ɔwan. Ueha mu akasípó bɔhɔ mu gyi.

¹² Iní ɔma a, Yesu mva mu yin, mu apíó pú mu akasípó bɔyɔ Kapernaum wúluto, yétsiá mu nke kpalobí.

Yesu Bulu Ɖtswékpa Yɔ

(Mateo 21:12-13; Marko 11:15-17; Luka 19:45-46)

¹³ Bréá nkeá Yudafɔ bɔpɔgyi Israelfɔsu Katsun Nke lowie wóyí tá á, Yesu lódu yó Yerusalem. ¹⁴ Ɖlɔyɔ Bulu ɔtswékpa amu wunsinésú yówun ání ahá buɔde nnantswie, akúfa pú abróduma fe. Olowun aku é butsie mpónóasi buɔde kóba tsée.

¹⁵ Inu ɔlɔbwe mpli, wíé amótó, gyáa amóa mbwi ámu fée dáli. Olowutá kóba atsépu amu mpónú dá, dá amó kóba sáin. ¹⁶ Múú ɔlebláa abróduma afeɔpú ámu ɔbéé, “Mlile amó nfi! Mlumápu mí Sí wóyító bwé mli ibiá ogyíkpá.” ¹⁷ Iniá ueba ali su á, mu akasípó amu bekaín Bulu asun wanlínhé anfisɔ. “Fú osúmkpá amu asún ihíé igyi mí asonbogya.”

¹⁸ Yudafɔ ahande amu beba Yesu wá befité mu beɔ, “Osúna mɔmu fɔbwe pɔsúná aní ání Bulu túmitɔ fòde iní bwé?”

¹⁹ Yesu lébláa amó ɔbéé, “Mlibwie Bulu ɔtswékpa anfi, nópu nkensá yí mó.”

²⁰ Yudafɔ ahande amu bebláa mu beɔ, “Nfi aduana-sie kéké bɔpɔyi obu anfi. Mú fú mó feɔ, fɔpu nkensá yí mó?”

²¹ Táme mu nyankpɔsa-oyí iwí asún ɔdeblí, megyí Bulu ɔtswékpa amu. ²² Bréá Bulu lókusóa mu tsú afúlitɔ ɔma a, mu akasípó amu bekaín ání ɔleblí asún anfi. Mú su bɔhɔ Bulu asún pú Yesu asun blíhé amusu gyi.

Yesu Yin Nyankpɔsa Klɔntɔ

²³ Yesu lóbwe osúna tsɔtsɔtsɔ Israelfɔsu Katsun Nke ámotɔ bréá ɔbu Yerusalem, ahá tsɔtsɔtsɔ bowun. Mú su bɔhɔ mu gyi.

²⁴ Táme Yesu mɔpu ansí dínká amósú, tsúfé oyin alíá amó fée bɔgyi. ²⁵ Mehián ání ɔhaa ɔbébláa mu ɔha iwí asún, tsúfé mu onutó oyin asún ání ibu nyankpɔsa klɔntɔ.

3

Yesu Mva Nikodemo

¹ Yudafɔ ɔhande ɔku létsiá, butetí mu Nikodemo. Farisiyin ogyi. ² Ɖleba Yesu wá eke ɔku onyé bebláa mu ɔbéé, “Osunápó, aniyin ání Bulu lówa fú sísí fé ató osunápó. Tsúfé ɔhaa méetalí bwé osúna anfi fòdebwé anfi, ní Bulu móbúo mu.”

³ Yesu léle mó ɔnó ɔbéé, “Ɖnɔkwali nde fú bláa, ɔhaa méetalí nyá Bulu ogyi iwíe musu, nkéti balákwíi mu.”

⁴ Nikodemo léfité mu obée, “Nkálí bélakwíi óhá ání aladan? Óbétalí sánkí wíé mu yin iputò, obélakwíi mu?”

⁵ Yesu léle mú onó obée, “Onòkwali nde fú bláa. Ní bumelakwíi oku tson ntsu móa Dje Wankihétò á, oméetalí wíé Bulu iwíegyi ámuto. ⁶ Dzulúv nkpa itsú nyankpúsato, òhétò klé é itsú Bulu Djetó. ⁷ Mú su máha mú iwa fú wánwan ání nabláa fu mbée, ilehián ání bélakwíi mli. ⁸ Afú tòtsun yo otínéá ideklé. Fotonú mó nka, táme fómeyín otínéá itsú pò otínéá iyó. Alí kén igyi há ohagyióha ání bakwíi mu tsú Dje ámuto ní.”*

⁹ Nikodemo léfité mu obée, “Ngya ntò asón ní?”

¹⁰ Yesu léle mú onó obée, “Israelfò osunápó yilé fúgyi, mú fée fómakónú asón ánfí asi? ¹¹ Onòkwali nde fú bláa. Tóá anyin iwi anidétóí tsú, tóá anilawun é iwi anidé adánsie gyí, táme mlitamahò aní asón ámu. ¹² Ní nebláa mli tóá ide músó yo oyi ánfíto, mlimóhogyi a, nkálí íbóbwe nebláa mli tóá ide músó yo osósú mboun mlóhogyi? ¹³ Ohaa mókódú yó osósú unu kí, nkéti Nyankpúsa-Mu-Bi ámú olotsu unu ba amu.

¹⁴ “Alí ámú Mose lópu kóbri iwo sián oyísó, tsú mó líi dimbísó unu ámu a, alí kén ilehián ání bédá Nyankpúsa-Mu-Bi ámu mántá oyísó, tsú mó líí,† ¹⁵ méní ohagyióha ání olòhò mu gyi obénya nkpa ání itamatá ní. ¹⁶ Tsúfè dwé Bulu léhie dwé anyánpúsa. Mú su olapu mu Bi okokónú okule pé ámu há, méní ohagyióha ání olòhò mu gyi omóowu, mboun obénya nkpa ání itamatá. ¹⁷ Bulu mópú mu Bi ámu sísí oyi ánfíto obée, obá begyi ahá asón, oha ahá ipón, mboun obée, obá bòhò ahá nkpa.

¹⁸ “Óhá ání olòhò mu Bi ámu gyi lagi asu. Óhá ání omòhò mu Bi ámu gyi a, Bulu lahá mu ipón dodo, tsúfè omòhò mu Bi okule pé ámu gyi. ¹⁹ Alí obéha ipón ámu gyí, wanki amu laba oyító, táme ahá bódwe oklún don wanki amu, tsúfè lalahé abwepú bogyi. ²⁰ Ohagyióha ání otóbwé lalahé tolú wanki amu. Otamakpókpe mantáa mó, tsúfè ode ifú nya ání mu bwehé bélun owan. ²¹ Táme óhá ání otóbwé yilé tchá wanki amu tówánkí wólí musu, méní ahá bówun ání Bulu apé odebwe.”

Yesu Mva Asú Obópó Yohane

²² Inu oma a, Yesu mva mu akasípó bedalí Yerusalem yó Yudea omátó. Betsiá unu kpalobí, oletsíá bò ahá asú. ²³ Alí bré ámuto á, Yohane é dé ahá asú bò Aenon nsáintò, mantáa Salim wúlu. Tsúfè ntsu dada nsiné unu. Ahá betsiá yó mu wá, oletsíá bó amú asú. ²⁴ (Bumakónyá kítá Yohane tswi obu alí bré ámuto.)

²⁵ Iwígyuráa iwi nwéengyi ku leba Yohane akasípó pú Yudeyin oku nsiné. ²⁶ Inu Yohane akasípó bogyo mu wá yébláa mu bée, “Osunápó, yéé fakáin oyin ámú fúa mounyo mlílétsiá

* **3:8** Dje móa afú lehan aba Griiki oblító. † **3:14** Mu oyikpalíhesu sián iwi asón odeblí.

Yordan bunƙpa ɔ̀bɪn, fegyi mu iwɪ adánsiε wankláán ámusu? Ɔ̀de ahá asú bɔ̀, ahá fée bυde mu wá yɔ̀.”

²⁷ Yohane léle mú ɔ̀nɔ̀ ɔ̀béε, “Ɔ̀haa méetalí bwé tɔ̀tɔ̀, nkéti Bulu lahá mu ɔ̀kpa. ²⁸ Mli onutó mlétalí gyi mi adánsiε aní nebláa mli mbée, ‘Megyí mígyí Kristo amu, táme Bulu lówa mí gya mu nkpa.’ ” ²⁹ Inu ɔ̀leha amú yébi ɔ̀béε, “Ɔ̀ká otsiápu bú mu ka. Ɔ̀ká otsiápu amu mu nyawie é tetsiá ɔ̀ká otsiákpá inu, méni ansí bégyi mu ní onú mu nyawie amu ɔ̀me. Alí kén ansí de mí gyi séi ní. ³⁰ Mí atumabi béta wíε mu kletɔ̀.”

Ɔ̀há Aní Olotsu Ɔ̀sósú Ba

³¹ Ɔ̀há á mú ɔ̀tsú ɔ̀sósú ámu dun ɔ̀hagyíɔ̀ha. Ɔ̀há aní ɔ̀tsú ɔ̀sulúsu é gyí ɔ̀sulúsu ɔ̀ha. Ɔ̀sulúsu asón ɔ̀teblí, táme ɔ̀há aní ɔ̀tsú ɔ̀sósú dun ɔ̀hagyíɔ̀ha. ³² Otegyi tóá alawun pú tóá alanú iwɪ adánsiε, ɔ̀haa tamahɔ̀ mu asun blíhé. ³³ Táme ɔ̀hagyíɔ̀ha aní ɔ̀lɔ̀hɔ̀ mu asun blíhésu gyi dé mósó si aní Bulu asón igyi ɔ̀nɔ̀kwali. ³⁴ Ɔ̀há á mú Bulu lówa ámu telé Bulu asón blí, tsúfé Bulu tɔ̀pú Ɔ̀hɔ̀ ámu búlá mɔ̀tɔ̀. ³⁵ Ɔ̀sí ámu tɔ̀dwé mu Bi ámu, alapú túmi fée wá mu ɪbitɔ̀. ³⁶ Ɔ̀hagyíɔ̀ha aní ɔ̀lɔ̀hɔ̀ mu Bi ámu gyi bu nkpa aní itamatá. Ɔ̀hagyíɔ̀ha aní ɔ̀mɔ̀hɔ̀ mu gyi má nkpa aní itamatá. Bulu ɪsubití é ɪdin musu.

4

Yesu Mva Samariayintse Ɔ̀ku

¹ Farisifo bonu aní Yesu dé abúopu nya, bó amú asú dun Yohane. ² (Táme megyí Yesu onutó dé amú bɔ̀. Mu akasípó dé amú bɔ̀.) ³ Bréá Yesu lébi aní Farisifo ámu banú asón ánfɪ á, ɔ̀ledali Yudea ɔ̀mátó yínkí yó Galilea ɔ̀mátó. ⁴ Táme lehián aní ɔ̀bɔ̀tsun Samariafo ɔ̀sulúsu.

⁵ Yesu lóyówie Sikar aní igyi Samaria wúlu kɔ̀tɔ̀. Wúlu anfi bu mantáa ɔ̀sulúsu kuá Yakob lópuhá mu bi Yosef bímbí ámu. ⁶ Inú Yakob ibún bu ni. Ɔ̀kpa ámu bu ífó. Mú su Yesu lótsutsúa obowie inu á, ɪlapíán mu. Mú su oletsiá ibún ámu asi. Alí bré ámɔ̀tɔ̀ á, ɪlabwé fε ɔ̀pawísú.

⁷ Inu á, Samariayintse ɔ̀ku léba ntsu ɔ̀sakpá. Yesu lókolí mu ɔ̀béε, “Nobwíi ipa, ha mí ntsu annu.” ⁸ Alí bré ámɔ̀tɔ̀ á, Yesu akasípó bɔ̀yó wúlutɔ̀ yóhɔ̀ atogyihε.

⁹ Yudafo butamapú ɪbi da Samariafo nwe núu ntsu. Mú su ɔ̀tsi ámu léfité Yesu ɔ̀béε, “Yudayin fɔ̀gyi, mí é Samariayintse ngyi. Nkálɪ igyi só fɔ̀de mí ntsu kolí?”

¹⁰ Yesu léle mú ɔ̀nɔ̀ ɔ̀béε, “Ní foyin Bulu atokiehé pú ɔ̀há aní ɔ̀de fú ntsu kolí á, teki fókulí mu, ɔ̀béha fú ntsu aní itehá nkpa.”

¹¹ Ɔ̀tsi ámu lébláa mu ɔ̀béε, “Ani sí, fɔ̀medé ɔ̀fé, ibún ánfɪtɔ̀ é bu oklú. Nkónu fénya ntsu aní itehá nkpa? ¹² Fúduɪn anɪ náin Yakob aní olokwi ibún ánfɪ há anɪ, mva mu abí pú amú mbwi bonu ntsu mótó?”

13 Yesu léle mú ònó òbée, “Òmewóli bélakítá òhagyíòha ání otonu ibún ánfító ntsu. 14 Táme òhagyíòha ání obónu ntsuá néha mu a, òmewóli méetrá kitá mu ekekekeke. Ntsu ámúó néha mu amu íbédamlí ntsu òwíkpa mutò ání íbélín ha nkpa ání itamatá.”

15 Òtsi ámu lébláa mu òbée, “Ani sí, ha mí ntsu áñfi kv, méni òmewóli méetrá kitá mí, mméetrá ba nfi é besa ntsu.”

16 Yesu lébláa mu òbée, “Yeti fú kúlu amliba.”

17 Òtsi ámu léle mú ònó òbée, “Mma okúlu.”

Yesu lébláa mu òbée, “Ònòkwali igyi fablí ání foma okúlu.

18 Tsúfè fatsía akúlu tse nu ki. Mégyí fú kúlu gyí oyin ámúó fúa mnyò mliná séi ámu é. Fawá ònòkwali.”

19 Múó òtsi ámu lébláa mu òbée, “Ani sí, nawun ání Bulu ònósú òtópó fgyi. 20 Ani anáin Samariafò bosúm Bulu íbu áñfisu, táme mli Yudafò mú mliaa Yerusalem kóun lehián ání òhagyíòha obósum Bulu.”

21 Yesu lébláa mu òbée, “Òtsi, hò mí asún áñfisu gyi. Bré kv béba ání ahá boméetrá súm Òsí ámu íbu áñfisu ntée Yerusalem.

22 Mli Samariafò mliméyín òhá ání mlidésu. Ani Yudafò mú aniyin òhá ání anidésu, tsúfè Yudafòsu ina nkpahóò leba òyító. 23 Bré íbá, ìlafun ta ání Bulu asúmpó anòkwaliṗo bósum Òsí ámu òjéto pú ònòkwalisu. Tsúfè ahá áñfi odu Òsí ámu dédunká òbée bosúm mu ni. 24 Òjé Bulu gyí. Mú su ilehián ání ahá ání butosúm mu bósum mu òjéto pú ònòkwalisu.”

25 Òtsi ámu lébláa mu òbée, “Nyin ání Mesia*, (òhá ámúó Bulu ladá mu ofúli amu) òbéba. Ní òbá á, òbéle asóngyiasún asi súná aní.”

26 Múó Yesu lébláa mu òbée, “Mí áñfi nde fú asún bláa anfi gyí Kristo amu ni.”

27 Inu akasípó amu besankí tsú wúluto ba bətu amó. Uwa amó wánwan ání bawun Yesu mu a òtsi bulí budetói. Táme amótó òkoku métalí fité òbée, “Ntò fodedunká tsú mu wá, ntée ntogyi só fúa òtsi ámu mlidétói?”

28 Òtsi ámu lési mu òlò yáí inu, yínki yó wúluto yébláa ahá òbée, 29 “Mliba amlibeke oyin òkúá alabláa mi tóá nabwé ki féé. Mlilahogyi mliaa, megyí Kristo amu ni?” 30 Mú su ahá bedali tsu wúlu amuto beke Yesu.

31 Ali bré ámuto á, mu akasípó ámu bude mu kokóli beé, ogyii ató.

32 Táme òlebláa amó òbée, “Mbu tóá négyi, mliméyín mú iwí kvkvkv.”

33 Mú su akasípó amu befité aba beé, “Ntée òku labeha mu tóku alagyí?”

34 Yesu lébláa amó òbée, “Mí atogyihe gyí ání nóbwe tóá òhá ámúó òlwa mí sísi ámu òbée mbwée, ammu mú ònó. 35 Yéé mliteblí mliaa, “Tsra ana pé lasí ayó tίνbi bófun?” Táme nde mli

* 4:25 Griikifò tétí Mesia beé Kristo.

bláa mbéé, mlĩtsu ansí kí adǎbúu amotǎ, ayó ámu ilabli fon tĩn. ³⁶ Bude mu atĩnpu akǎ ka dodo. Bude mú tĩn yaí há nkpa ání itamatá. Mú su ansí bégyi adupó múa atĩnpu amu fée ekewóle. ³⁷ Mú su ǎnǎkwali igyi buteblí bée, ‘ǉku todú, ǎku é tetin.’ ³⁸ Nǎwa mli mbéé mliyétin ayóá mlimóyǎ mú odukpá. Aha bambá lóyǎ mú iwĩ agyómá, ilawá labi há mli.”

³⁹ Samariafǎ bubu wúlu amotǎ tsǎtsǎtsǎ bǎhǎ Yesu gyi, adánsi ámuú ǎtsi ámu légyi suná amú ǎbéé, “Alabláa mi tǎgyitǎ nabwé mí nkpatǎ fée” ámu su. ⁴⁰ Inĩ su bréá beba Yesu wá á, bokokóli mu bée, otsiá amú wá. Yesu létsiá inu nkenyó.

⁴¹ Yesu ason blíhé su Samariafǎ ámu tsǎtsǎtsǎ é belahǎ mu gyi. ⁴² Bebláa ǎtsi ámu bée, “Megyí fú asón ámu sǎ anilétrá hǎ mu gyi ngya o. Anĩ onutó anlanú, anilawun ání lélé oyin ání gyí ǎyítǎ Nkpa ǉhǎpũ amu ni.”

ǉhande ǉku Mu Bi Ilo Tsa

⁴³ Nkenyó ámu ǎma a, Yesu lénatí yó Galilea ǎmátǎ. ⁴⁴ (Tsúfée mu onutó olowun blí ǎbéé, “Butamabú Bulu ǎnǎsú ǎǎipó mu onutó ǎmátǎ.”) ⁴⁵ Bréá olowie Galilea a, inufǎ bǎhǎ mu atíu, tsúfée amú onutó bǎyǎ Yerusalem Yudafǎsu Katsun Nke ámu ogyíkpá. Mú su bowun tǎá ǎlǎbwe inu fée.

⁴⁶ Yesu létrá yinkí yó Galilea ǎmátǎ, Kana wúlutǎ, ǎtíné ámuú ǎledamli ntsu bwé ntá ámu. ǉmá ǎhande ǎku tsie Kapernaum wúlutǎ. ǉbu obi yinhé ǎkúá ǎda ǎdelǎ. ⁴⁷ Bréá ǎhande amu lónu ání Yesu latsú Yudea ba Galilea a, olegya mu ǎkpa yókokóli mu ǎbéé, mu bi yínhé lawú tǎ, ǎkplí ba Kapernaum, ǎbetsa mu ilǎ ha mu. ⁴⁸ Yesu lébláa mu ǎbéé, “Mú su ní mlimókówun osúna a, mlimóhǎ mi gyi ekekeke?”

⁴⁹ ǉmá ǎhande amu lébláa mu ǎbéé, “Owíé! Ní anĩ ayabi mǎwa ǎsa á, kebi ámu obówu.”

⁵⁰ Yesu lébláa mu ǎbéé, “Yǎ! Fú bí ámu obénya nkpa!”

Oyin ámu lǎhǎ asón ámuú Yesu lébláa mu amusu gyi, oleyinkí ǎyó wóyí. ⁵¹ Bréá ǎyó á, mu asúmpú beba befia mu, bláa mu bée, “Fú bí ámu lanyá nkpa.”

⁵² Inu ǎlefíté amú bréá iwĩ lówa mu bi ámu ǎnlin. Bebláa mu bée, “Owísó ámu lési mu igye ǎpa ǎdǎ-kuleto.” ⁵³ Inu á, ǎlekaín ání alĩ bré ámutǎ kén Yesu lébláa mu ǎbéé, mu bi ámu obénya nkpa ní. Inĩ su mu a mu wóyítǎfǎ fée bǎhǎ Yesu gyi.

⁵⁴ Inĩ gyí osúna nyǎǎsiá Yesu lǎbwe bréá olotsu Yudea ba Galilea ni.

5

Tsukle Osĩnpu ǉku Ilo Tsa

¹ Asón ání ǎma a, Yesu lǎdu yó Yerusalem Yudafǎ Bulusúm nke ku ogyíkpá. ² Bǎpwe buntíi wá wúlu amu. Bokwi ibún ku mantáa buntíi amu ǎkpa ǎnǎ kúá butetí mú Akúfa ǉtsúnkpa.

Butetí ibún ámu Betesda Hebri òblító. Beyi mbu anu bómlí mó. ³⁻⁴ Alápu tsòtsòtsò bubun ibún ámu asi mbu ánfító. Amótó aku bogyi ansibi abwiepó, abò pú tsukule asínpu.* ⁵ Oyin òkúá alasin tsukule nfi aduasa-kwe (38) kéké da inu. ⁶ Bréá Yesu lówun mu a, olowun ání alaló, dí inu wá òpá. Mú su òlefíté mu òbéé, “Fudeklé fée iwí iwá fú ònlín?”

⁷ Tsukule osínpu amu léle mó ònò òbéé, “Owíé, ní bowulí ntsu ámòtò á, mma òhá ání obótsu mí wá mótó. Nótsutsúa ambòbwe á, òku lagyankpá wíé mótó dodo.”

⁸ Yesu lébláa mu òbéé, “Kòsu! Tsu fú òklan, afunatí!”

⁹ Inuònuònu oyin ámu iwí lówa mu ònlín, òòkòsú tsú mu òklan, wá natí bí.

Alí èké ámu igyi Yudafò Òkpúnú Òdaké. ¹⁰ Mú su Yudafò ahande bèka oyin ámúú Yesu latsá mu òlò ámu ansító, bí bée, “Nde igyi Òkpúnú Òdaké. Aní mbla meha òkpa ání fòsòrá fú òklan.”

¹¹ Òlebláa amú òbéé, “Òhá ámúú òletsa mí òlò ámu lébláa mí òbéé, ‘Tsu fú òklan, afunatí.’ ”

¹² Mú su bèfíté mu bée, “Ma lébláa fú òbéé, fòtsúú fú òklan afunatí?”

¹³ Oyin ámu mébí òhá ání òletsa mu òlò, tsúfè ahá bohíé bòtsò inu, Yesu lófwí wá amótó.

¹⁴ Òma a, Yesu lóyówun mu Bulu òtswékpa inu. Múú òlebláa mu òbéé, “Yéé fawun ání iwí lawá fú ònlín. Mátrá bwe lakpan, méní múá idun ínì méeba fòsu.”

¹⁵ Oyin ámu léyélbláa Yudafò ahande amu òbéé, Yesu létso mu òlò. ¹⁶ Iníá Yesu dé ntóbí ánfí odu bwe òkpúnú òdaké su á, Yudafò ahande amu bowa mu kpekpeé bí. ¹⁷ Táme Yesu lébláa amú òbéé, “Mí Sí mókòsí agyómá yò. Mú su mí é mmókòsí.”

¹⁸ Mu asun blihé anfi su á, Yudafò ahande amu bekle ání bómo mu òkpagyíòkpasu. Tsúfè megyí òkpúnú òdaké mbla ámu nkule tóun su, mbouín òleblí òbéé, mu sí gyí Bulu, ilosuná ání muà Bulunyò bogyi kékéé.

Bulu Téhá Mu Bi Amu Túmí

¹⁹ Yesu léle mó ònò òbéé, “Ònòkwali nde mlí bláa. Mí Bulu mu Bí ánfí onutó mméetalí bwé tòtò mí iwísu. Tóá nowun ání mí Sí débwe á, mó ntòbwé. ²⁰ Tsúfè mí Sí tòdwé mí, otosúná mí itóá mu onutó òdebwe fée. Inn! Ibówa mlí wánwan ání obòsuná mí múá idun alí. ²¹ Alí ámúú mí Sí tókòsúá ahá tsú afúlitò, há amú nkpa ámu a, alí mí é ntehá ahá ání ndeklé nkpa ní. ²² Mí Sí tamagyi asún há ipón, táme alapú asúngyí fée wá mí ibító, ²³ méní òhagyíòha obóbu mí fè alíá otobú mí Sí ámu. Òhá ání òtamabú mí tamabú mí Sí ámúú òlòpu mí sísí ámu é.

²⁴ “Ònòkwali nde mlí bláa mbéé, òhagyíòha ání otónú mí asún, òtòhò òhá ámúú òlòwa mí sísí ámu gyí, bu nkpa ání

* **5:3-4** Mótó yéé 4 bu nwóló dada amu akoto: Ibo nu bu inu á, Bulu-òbòpu tobowulí ntsu ámòtò. Inu su bòtsie inu bogyo mu. Tsúfè ní òhá bowulí mó á, fòá fegyankpá wíé mótó á, futenyá ilòtsá.

itamata. Bulu meegyí mu asón, há mu pón, tsúfé aladali lowuto ba nkpatò dodo. ²⁵ Onakwali nde mli bláa. Bré ku íbá. Bré ámu ilawúna fun ání ahá ání bogyi fé aha wuhé† bónu Bulu mu Bi ámu òme. Amúá bonu mú bénya nkpa. ²⁶ Tsúfé mí Sí búu túmi, òtchá nkpa. Alí kén alahá mí áñfi ngyi mu Bi áñfi túmi, òbéé nháa ahá nkpa ní. ²⁷ Alahá mí túmi òbéé, ngyii ahá asón, tsúfé mígyi Nyankpósa-Mu-Bi ámu ni. ²⁸ Asón áñfi imáwa mli wánwan. Bré ku íbá, afúli féé bónu mí òme, ²⁹ kúsú. Amúá bóbwe yilé bélakúsú, nyá nkpa ání itamatá. Amúá bóbwe laláhe a, négyi amó asón, há amó ipón.”

³⁰ “Mméetalí bwé tótòtò mí iwísu. Asón ání nonú tsú mí Sí wá á, mó ntápógyí asón. Mó sù ntegyi asón onakwalísu ní. Tsúfé ntamabwé tóá mí onutó ndeklé, mbóun tóá òhá amúú òlwa mí sísí ámu tekle.”

Yesu Iwi Adánsie Wankláán Agyipó

³¹ Yesu lóyo músó blí òbéé, “Ní mí onutó negyi mí iwí adánsie á, mlimóhò mó ání onakwali igyi.† ³² Bulu é tegyi mí iwí adánsie. Nyin ání mí iwí adánsie amúú odegýí amu igyi onakwali. ³³ Mlilawá abí sísí Yohane. Alabláa mli onakwali amu. ³⁴ Mí mó á, mmehián anyánkpósa adánsie. Mbóun nde mli asón áñfi bláa, méní Bulu òbóhò mli nkpa. ³⁵ Yohane ason blíhé lóbwe fé òkandíe ání idewankí. Mó su mlilótsulá gyi mó òdwe kpalobí. ³⁶ Mbu tóá itegyí mí iwí adánsie, idon Yohane klé amu. Agyómá amúú mí Sí lawá òbéé mbwéé mò mó ònò, nde mó bwe ámu dé adánsie gyí ání mulówa mí sísí. ³⁷ Mí Sí amúú òlwa mí ámu onutó lagyi mí iwí adánsie. Mlimókónu mu òme, mlimókówun mu é ki. ³⁸ Mlimóhò mu asón wá mli klòntò, tsúfé mlimóhò mí amúú òlwa sísí ámu gyi. ³⁹ Mlikíá mlénýa nkpa ání itamatá tsú Bulu ason wanlínhé amotò. Mó sù mli ansí lapé, mlidé mó kasí ní. Mí iwí adánsie Bulu ason wanlínhé amu idegyí. ⁴⁰ Táme mlilakíná mí wá bá, méní mlénýa nkpa ámu.

⁴¹ “Mmedédunká mbéé, ahá bukánfu mí, ⁴² tsúfé nyin mli dodo. Nyin ání mlitamadwé Bulu tsú mli klòntò. ⁴³ Naba mí Sí dátó, mlimóhò mí. Táme ní òha bambá òbá mu onutó iwísu á, mlóhò mu. ⁴⁴ Mlitekleá mlékanfú aba, támé mlitamabó mbódí ání Bulu òkòle pé ámu òkánfu mli. Nkálí íbóbwe mlóhò mí gyi? ⁴⁵ Mlimákí mlíaa, néle mli ilá mí Sí ansító. Mose amúú mli ansí idin musu mlíaa òbóhò mli nkpa ámu mbóun òbéle mli ilá Bulu ansító ní. ⁴⁶ Ní lélé mlilóhò Mose asónsú gyi a, teki mlóhò mí asónsú gyi, tsúfé mí iwí asón òlwanlín tswí. ⁴⁷ Táme íniá mlimóhò tóá òlwanlín tswísu gyi a, nkálí íbóbwe mlóhò mí ason blíhésu gyi?”

† 5:25 Ahá ání bawú òhétó.

† 5:31 Mose mbla lósuná ání ahá abanyó ogyí adánsie.

6

*Ahá Mpím-nu Atogyihe Ha**(Mateo 14:13-21; Marko 6:30-44; Luka 9:10-17)*

¹ Inu ŋama a, Yesu muva mu akasípú befa Galilea ɔpɔ́a butetí mọ́ Tiberia amu yó mọ́ ɔbin. ² Ɖɔɔm betsiá buo mu, tsúfɛ ɔde alɔpu tsa wánwansu. ³ Mva mu akasípú bɔɔv yó okúku kusv, yétsiá asu inu. ⁴ (Alí bré ámutɔ á, Yudafɔ nkeá bópɔgyi Israelfɔsv Katsun Nke ámu ɔlafun ta.) ⁵ Inu Yesu lótsu ansí fúá wun ání ɔɔm kpɔnkpɔnkpɔnti bebá mu wá. Múú ɔlefíté Filipo ɔbéɛ, “Nkónú abénya atogyihe hɔ ha ahá ánfí bégyi?” ⁶ (Yesu léblí asún ánfí púsɔ Filipo kɪ, tsúfɛ oyin tɔ́a ɔbɔ́wɛ dodo.)

⁷ Filipo léle mọ́ ɔnɔ ɔbéɛ, “Ní apú tsra kwe ikáká hɔ atogyihe kóráá á, imɔ́ɔfun ání okugyíɔku obénya kpalobí gyí!”

⁸ Simon Petro mu pio Andrea, ogyi akasípú amutɔ ɔkɔle lébláa Yesu ɔbéɛ, ⁹ “Oyimbi ɔku dé bodobodo apín pútúpútú anu pú ntsutso iye bwáhé anyɔ. Táme ntɔ inu bɔ́bwe ahá tsɔtsɔtsɔ ánfí?”

¹⁰ Yesu lébláa mu akasípú amu ɔbéɛ, “Mliha amú abutsiatsia asi.” Ahá ámu fée betsiá ifású. Ayin ání buɔv amútɔ bɔ́bwe fé mpím-nu (5,000). ¹¹ Múú Yesu lóhɔ bodobodo amu, dá Bulu ipán, ɔleha beye mú há ahá ámuú butsie inu ámu. Alí kén ɔbbwe ntsabi buáhé amu é ní. Amútɔ okugyíɔku lénya aliá odeklé. ¹² Begyi mwe sian. Yesu lébláa akasípú amu ɔbéɛ, “Mlikola síanhe amu, méní imɔ́ɔbwe atɔ yintáhé.” ¹³ Lélé, bɔ́tɔsí síanhe amú benya tsú bodobodo anu ámutɔ ámu. Iɔ́bolá alakpá dúanyɔ kéké.

¹⁴ Ahá ámu bowun osúna anfi Yesu labwé ánfí. Mú sv beblí beɛ, “Lélé, oyin ánfí gyí Bulu ɔnɔ́sú ɔtɔ́ípú amúú bɔ́wanlín mu iwí asún wá Bulu asóntɔ́ beɛ, ɔbéba ɔyítɔ́ ámu ní.” ¹⁵ Yesu lówun ání ahá ámu babwé agywun beɛ, béba bekítá mu ɔwɔnlíntɔ́ yáí mu iwíe. Mú sv mu nkɔle ɔleladú yó nkpá sí amú.

*Ɖpɔsv Natí**(Mateo 14:22-33; Marko 6:45-52)*

¹⁶ Bréá owí lɔpɔn a, Yesu akasípú bekplí ba Galilea ɔpu ɔnɔ. ¹⁷ Owí latá, táme Yesu mókóyínkí bɔ́v amú. Mú sv bɔ́ɔv wíe ɔklɔntɔ́, budefa bɔ́yɔ́ Kapernaum. ¹⁸ Afú kpɔnkpɔnti ku léba ɔdetsúɔn, ɔpu amu lówa dabi. ¹⁹ Alí bré ámutɔ á, akasípú amu baplá ɔklɔn amu yó fé máli asa ntée ana. Inu bowun ání Yesu ná ɔpu amusv ɔbá amú wá. Mú sv ifú lekítá amú. ²⁰ Táme Yesu lébláa amú ɔbéɛ, “Mí ní, mli mánya ifú!” ²¹ Inu bɔ́tsu mu wá ɔklɔn amutɔ ansigyísú. Iɔ́tsutsúa iwanki amú á, ɔklɔn amu lawíe osubúna, ɔtíné amúú bɔ́yɔ́ ámu.

Yesu Dunká

²² Ɖyí kehe a, ɔɔm amúú besi buɔv ɔpu amu ɔbin inu ámu bowun ání ɔklɔn kɔku itráa melí inu. Múá tekí ilí inutɔ akasípú

amv bowie náti ní. Bowun ání Yesu mówie mótó asa benatí. ²³ Mú oma a, nklun akv lótsu Tiberia wúluto belí mantáa otíné ámúv begyi bodobodo amúv Yesu léda Bulu ipán púhá amúv ámúv. ²⁴ Odóm amv bowun ání Yesu lanatí inu, mv akasípú amv é buma inu. Mú sv bōdv wíé nklun amōtv yó Kapernaum, bōde Yesu dunká.

Bodoboda Itehá Nkpa

²⁵ Bréá odóm amv boyówun Yesu ntsu obin inu á, befité mv beε, “Osunápú, bré mōmv fobowie nfi?”

²⁶ Yesu lébláa amúv obéε, “Onokwali nde mli bláa. Megyi osúna amúv ndebwe mlidéwúun amv sv mligyá mí okpa. Mboún bodobodo amúv neha mli, mliégýí mwe ámúv sv. ²⁷ Mlumáwun ipian atogyihe ání iteyíntá sv. Mboún mlwun ipian móá íbétsiá yó, íbéha nkpa ání itamatá, ání mí, Nyankpusa-Mv-Bi ánfi néha mli sv. Tsúfé mí mí Sí Bulu lahe nsv ání mbv okpa há mó.”

²⁸ Befité Yesu beε, “Gyuma mōmv abwée isuna ání anidé tóá Bulu tekle bwε?”

²⁹ Yesu léle múv onó obéε, “Tóá Bulu déklé obéε mliwée gyi, mliho mí ánfi olōwa sísí ánfi gyi.”

³⁰ Inu befité Yesu beε, “Osúna mōmv fōbwe abówun, méní abóho fv gyi? Ntō fōbwe? ³¹ Aní anáin begyi mana dimbí ámúsv. Bōwanlín múv wá Bulu asún ámōtv beε, ‘Mose léha amúv atáá ilotsu osúsú bá begyi.’ ”

³² Múv Yesu lébláa amúv obéε, “Onokwali nde mli bláa. Megyi Mose léha mli atogyihe amv tsúv osúsú. Mí Sí léha mli bodobodo onutónutó ámúv tsúv osúsú. ³³ Tsúfé bodobodo ání Bulu tehá gyi mí ánfi natsúv osúsú bá, nebá beha oyító ahá nkpa ánfi.”

³⁴ Ahá ámúv bebláa mv beε, “Owíé, tsia ha aní bodobodo anfi brégyíbré, tsúv séi poya.”

³⁵ Yesu lébláa amúv obéε, “Mígyi bodobodo amúv itehá nkpa ámúv ni. Akón méekitá ohá ání olēba mí wá ekekekeke. Omewóli méekitá ohá ání olōho mli gyi é ekekekeke. ³⁶ Fé aliá nebláa mli á, mliawun mli, táme mliwókúho mli gyi bōfon séi. ³⁷ Ohagyíoha ání Osí ámúv léha mí obéba mí wá. Mméegya ohagyíoha ání olēba mí wá. ³⁸ Tsúfé mmotsu osúsú ba mbéε, nebá bōbwe tóá ndeklé. Mboún tóá ohá amúv olōwa mí sísí ámúv déklé obwekpá neba. ³⁹ Tóá ohá amúv olōwa mí sísí ámúv déklé gyi, ahá amúv olpvhá mí ámōtv okokv mádali mí ibi. Mboún nkósva amúv féé tsu afúlitō eke tráhe amv. ⁴⁰ Tóá mí Sí ámúv tekle gyi, ohagyíoha ání olowun mí, mv Bi ánfi, ho mli gyi obénya nkpa ání itamatá. Nókúsua mv tsúv afúlitō eke tráhe amv.”

⁴¹⁻⁴² Iníá Yesu lébli obéε, “Mígyi bodobodo amúv ntsu osúsú ba amv ni” sv á, Yudafo ámúv bōwa mv wuntí bi. Beε, “Megyi Yosef mv bi Yesu amv ni? Aníméyín mv si mva mv yin? Okpa mōmv sōv odebli obéε, ‘Osúsú ntsu neba?’ ”

43 Yesu lébláa amó ɔbéε, “Mlisi wuntí mli wɔlɛwɔlɛ. 44 Ɖhaa méetalí ba mí wá, nkétí mí Sí amóú ɔlɔwa mí sísí amɔ lakpá mu ba mi. Mí é nókɔsúba mu tsú afúlitɔ ɛke tráhe amɔ. 45 Bulu ɔnósú atɔipú amɔtɔ ɔku lówanlín tswi ɔbéε, ‘Bulu obósuná ahá fée átó.’ Ɖhagyíɔha ání alanú mí Sí asún, kásí mú tsú mu wá teba mí wá. 46 Ɖhaa mókówun Ɖsí amɔ ki. Mí ánfí notsu Bulu wá bá anfi nkɔlɛ láwun mu ki. 47 Ɖnɔkwali nde mli bláa. Ɖhagyíɔha ání ɔlɔhɔ mi gyi bu nkpa ání itamatá. 48 Mígyí bodobodoá itehá nkpa ní. 49 Iníá mli anáin begyi mana dimbísú óó á, amó fée bowu. 50 Táme bodobodo anfi gyí móa ɔlatsú ɔsúsú bá, méní ɔhagyíɔha ání obégyi mú móowu ní. 51 Mígyí bodobodo amóú ntehá nkpa, natsú ɔsúsú ba amɔ ni. Ɖhagyíɔha ání ogyi bodobodo anfi obétsiá nkpa, omóowu ɛkekekeke. Mí ɔyɔlúv gyí bodobodo amɔ. Mú nési há, méní ɔyítɔfɔ bénya nkpa ní.”

52 Inɔ Yudafɔ amɔ benya asún anfi Yesu lablí anfi iwí ɔbló. Amó wɔlɛwɔlɛ begyi aba nwéεn beε, “Nkálí oyin ánfí ɔbétalí pú mu ɔyɔlúv há aní ɔbéε agyíi?”

53 Yesu lébláa amó ɔbéε, “Ɖnɔkwali nde mli bláa. Ní mli mégyi mí, Nyankpɔsa-Mu-Bi ánfí ɔyɔlúv, nu mí obugya a, mli má nkpa ání itamatá kɔkɔkɔ mli tɔ. 54 Ɖhá ání olegyi mí ɔyɔlúv, nu mí obugya bu nkpa ání itamatá. Nókɔsúba mu tsú afúlitɔ ɛke tráhe amɔ. 55 Tsúfée mí ɔyɔlúv igyi atogyihe onutó, mí obugya é igyi atonuhe onutó. 56 Ɖhá ání ogyi mí ɔyɔlúv, nu mí obugya tsie mitɔ, mí é ntsie mɔtɔ. 57 Mí Sí Ɖkiankpapɔ amɔ lówa mí sísí. Mu só mbu nkpa. Mú su fúá fegyí mi a, mí su fú é fubu nkpa. 58 Mígyí bodobodo onutóá notsu ɔsúsú ba ni. Mli anáin begyi mána, táme bowu. Ɖhá ání ogyi bodobodo anfi mú obétsiá nkpa ání itamatá.”

59 Yesu léblí asún ánfí bréá ɔde átó suná Kapernaum, Yudafɔ ofiakpa.

Nkpa Aní Itamatá Asún

60 Yesu abúopɔ tsɔtsɔtsɔ amɔtɔ akɔ bonu asún ánfí á, beblí beε, “Atosunáhé ánfí mú bu ɔnlun o! Ma ɔbétalí hɔ mó?”

61 Yesu lówwun ání mu abúopɔ amɔtɔ akɔ buɔde wunti ání alablí alí su á, ɔlefíté amó ɔbéε, “Asún ánfí ɔlahan mli? 62 Mómó ní mlowun Nyankpɔsa-Mu-Bi amɔ ɔyó ɔtínéá olotsu ba me, nkálí mlóbwe? 63 Bulu Ɖhé amɔ téhá nkpa. Nyankpɔsa ɔwɔnlín mú á, kpaali igyi. Asún ánfí nde mli bláa anfi itsú Ɖhé amóú ɔtehá nkpa amɔ wá, 64 táme mli tɔ akɔ bu mɔhɔ mósú gyi.” Yesu lówwun amóú bu mɔhɔ mósú gyi pú ɔhá ání ɔbéle mu há yáí dodoodo. 65 Ɖletrá bláa amó ɔbéε, “Iní só nebláa mli mbée, ɔhaa méetalí ba mí wá, nkétí mí Sí lakpá mu ba mi” ní.

66 Tsú ɛke amɔ a, Yesu abúopɔ amɔ tsɔtsɔtsɔ beyinkí mu ɔma, bu metrá buo mu. 67 Mú su Yesu léfíté mu akasípú dúanyɔ amɔ ɔbéε, “Mli é mli dékléá mleyinkí mí ɔma lóó?”

68 Simon Petro lébláa mu obéé, “Owíé, ma wá abóyo? Fú wá asón ání itehá nkpá ání itamatá bu. 69 Anilahogyi, anilabí ání fógýí Jha Wankíhé amúú fotsú Bulu wá ámu ni.”

70 Inu Yesu lébláa amú obéé, “Mli ahá dúanyo nele, táme mlito oku gyí obunsám!” 71 (Simon Iskariot mu bi Yuda ode á. Tsúfé ogyi akasípú dúanyo ámutò okule. Mu obéle mu há ní.)

7

Yesu Mva Mu Apio Yinhé

1 Mú oma a, Yesu létsiá kí Galilea omátó. Omekleá obóyo Yudea omátó, tsúfé Yudafò ahande amu bude mu tée abumò mu. 2 Táme Yudafò Kantankpatòtsiá Nkegyí lafun. 3 Mú su mu apio yinhé bebláa mu bee, “Nati yo Yudea nke ámu ogyíkpá, méni fú abúopu amúú bobu inu ámu é bówun ofúla ání fudebwe. 4 Jhá ání odekléá ahá bobú mu gymagyihe tamanjain iwi. Iníá fúde ntobíá igyi ali bwe á, wuna le mú suna, oyi féé abowun.” 5 (Mu apíó ámu kóráá bumòho mu gyi. Mú su bebláa mu ali ní.)

6 Inu su Yesu lébláa amú obéé, “Bréá nóyo inu məkónyá fun. Mli mú mlétali yó inu brégyíbré. 7 Oyítòfò buméetalí lú mli, táme mí mú bude mí lu, tsúfé nde amú dá le. 8 Mliyo nke ámutò. Mí mú mməkónyá yó, tsúfé mí bré məkófòn.” 9 Yesu lébli asón ánfí tá á, olesi tsiá Galilea omátó.

Yesu Kantankpatòtsiá Nke Amu Ogyíkpá Yo

10 Táme bréá Yesu apíó ámu benatí yó nke ámu ogyíkpá a, mu é olenjain iwi yó inu. 11 Yudafò ahande amu bodunká mu nke ámu ogyíkpá, bude ahá fité bee, “Oyin ámu me?”

12 Odòm amu bebli asón tsòtsòtsò nklobítò tsú Yesu iwi. Aku bee, “Jha wankláán ogyi.” Aku é bee, “Ekekekeke, ode ahá mlé.” 13 Táme amútó jhaa métalí blí mu iwi asón kókló ahá abunu, tsúfé bude Yudafò ahande amu ifú nya.

14 Bréá bowie nke ámu nsiné á, Yesu lódu wíé Bulu otswékpa wunsinésú inu yéfi ató suná asi. 15 Mu atosunáhé lobwie Yudafò ahande amu onó. Mú su befité aba bee, “Oyin ánfí mókókási owulò yó nkpá. Nkálí lobwe asa oledi owulò ali?”

16 Yesu léle mú onò obéé, “Megyí mí wá atosunáhé anfi itsú. Itsú Bulu wá. Mólówa mí sísí. 17 Ní oku dékléá obóbwe Bulu apé á, obówun ní atosunáhé anfi itsú mí wá ntéé Bulu wá. 18 Jhá ání ode mu onutó asón blí dé mu numnyam dunká. Táme ní oku todunká numnyam há ohá ání obwa mu sísí á, onəkwaliyo ohá ámu gyí. Otamawá afunu. 19 Yéé Mose lópu mbla ámu ba mli a? Táme mlito okuku médé músú gyi. Ntogyi su mlídekléá mlómò mí?”

20 Inu odòm amu bebláa mu bee, “Oje laláhe bu futò! Ma dékléá obómò fú?”

21 Yesu lébláa amó òbée, “Ofúla kule pé nòbwe òkpónú òdaké, mli fée ònó lobwie mli. 22 Mose lówa mbla há mli òbée, mliṭin keté. (Ibu mótó ání megyí Mose lótsò keté t́in, mli anáin léfi mó asi.) Yée mó sù mliṭetin ahá keté òkpónú òdaké ní a? 23 Ní mliṭé keté t́in òkpónú òdaké, ménì mliṃóòkòsù líí Mose mbla ámòsù á, ntogyi sù mliṃanyá òbló míso mliáa, natsá nyankpòsa ḱéin òkpónú òdaké? 24 Mliyo asóntó wankláán, asa amlìha ipón. Mliṃò ònòkwali gyi asón.”

Yesu Iwi Nwéengyi

25 Yerusalemfò akò befité amó iwí bée, “Megyí oyin ánfì Yudafo ahande b̀òdedunká abòmò ní? 26 Megyí mò líí ahátò òdetáí, amótó òkòkò mékplà mò a? Nt́ée ìlawánkí amó ání mogyí Kristo, (òhá ámóú Bulu ladá mò ofúli amò) ní? 27 Oyin ánfì mó a, aní f́ée aniyin òt́ínéá otsú, táme ní Kristo ámò òbá á, òhaa méébi òt́ínéá otsú.”

28 Bréá Yesu bu mósú òde ató ámò suná Bulu òtswékpa wunsínésù inu á, olotsu ònó f́úá blí òbée, “Mliyin mi, mliyin òt́ínéá notsú, táme megyí mí onutó túmisò n̄eba. Ònòkwaliṃò òhá ámóú òlòwa mí sísí ámò gyí. Mliṃéyín mò. 29 Táme mí mó nyin mò, tsúf́e m̀lòwa mí sísí. Mò wá notsu ba.”

30 Inu bekle abukita mò, táme b̀òmòṃò ibi da mò, tsúf́e mò bré m̀òkòf̀òn. 31 Táme amótó ahá tsòtsòtsò b̀òhò mò gyi. Mó sù befité bée “Ní Kristo amò òbá á, òbétalí b̀wé osúna òn mò ánfì oyin ánfì débwe?”

B̀òwa Bée B̀ukíta Yesu

32 Bréá Farisifò ámò bonu ání òdòm amò b̀òde Yesu iwí asón blí nklobítò á, amóá Bulu igyí ahapó òdehen amò b̀òwa Bulu òtswékpa agyóṃò bée bukíta Yesu. 33 Inu sù Yesu lébláa amó òbée, “Ilasí nke kpalòbí pé nétsiá mli wá. Mó òma a, néyinkí yó òhá ámóú òlòwa mí sísí ámò wá. 34 Mlódunká mí, táme mliṃóowun mi. Mliṃéetalí ba òt́ínéá mb̀ò é ekekeke.”

35 Yudafo ahande amò befité aba bée, “Nkónú oyin ánfì obótu òkpa yó, sù abódunká mò animóowun mò? Nt́ée odekléá òb̀òyò Griikifò awúlu amóú aní pí badásáin yó mósú ámòsù, nt́ée obóyòsuná Griikifò ámò ató? 36 Asón ánfì òdeblí é asi mé? Òbée, ‘Mlódunká mí, táme mliṃóowun mi. Mliṃéetalí ba òt́ínéá mb̀ò é.’ ”

Nkpa Ntsu

37 Nke ámò eke tráheá ígyi eke títriu á, Yesu lókusú líí kpl̀òn blí òbée, “Ní òmewóli òde òkò á, òbá mí wá obonu ntsu. 38 Òhagyíòha ání òb̀òhò mi gyi a, ‘Nkpa ntsu b̀òwí òalí m̀òtò.’ Alí b̀òwanlín wá Bulu asón ámòtò ní.” 39 (Òṃe Wankíhé amóú Bulu òbéha ahá ání b̀òhò mò gyi amò iwí asón òdeblí. Alí bré ámòtò á, Òṃe Wankíhé amò m̀òkónyá ba, tsúf́e Bulu m̀òkónyá wá Yesu numnyam.)

Ahá Ámòtò Leye

⁴⁰ Bréá ɔdɔm amv bonu Yesu asɔn blíhé anfi á, amótó akv beblí bεε, “Lélé, Bulu ɔnósú ɔtáípu amúú anidé mv ɔkpa kí amv nɪ.”

⁴¹ Akv é bεε, “Kristo amv nɪ!” Táme amótó akv é beblí bεε, “Yéε megyí Galilea ɔmátó Kristo amv obótsu o. ⁴² Bɔwanlín wá Bulu asón ámυtɔ bεε, Owíe Dawid abusuantɔ Kristo amv ɔbédalɪ tsu. Bókwií mv Betlehem, Dawid wúlutɔ.” ⁴³ Ina Yesu iwɪ asón ánfɪ sv ikulebwe metsiá amótó. ⁴⁴ Amótó akv bekle abukita Yesu, táme ɔhaa mɔpu ibɪ da mv.

Yesu Máhogyi

⁴⁵ ɔma-ɔma a, Bulu ɔtswékpa agyópu amúú bɔwa sumbí ámv besankí ba Bulu igyí ahapú dehen pú Farisifɔ ámv wá. Befíté agyópu amv bεε, “Ntogyi sv mlímékítá mv ba?”

⁴⁶ Bele mú ɔnɔ bεε, “ɔhaa mókótóí fé oyin ánfɪ kí!”

⁴⁷ Farisifɔ ámv befíté amú bεε, “Mú sv oyin ámv lamlé mlí é. ⁴⁸ Mlilawun ɔhande ntéε Farisiyin ɔkv lahɔ mv gyi kí? ⁴⁹ Ekekeke! ɔdɔm anfi bɔmeyín Mose mbla ámv iwɪ tɔtɔ. Mú sv Bulu ɔlwí amú.”

⁵⁰ Inu Farisifɔ ámυtɔ ɔkule, ogyi Nikodemo amúú ɔlɔɔ Yesu wá onyé ámv léfíté amú ɔbéε, ⁵¹ “Anɪ mbla leha ɔkpa ání abéha ɔkv ipón asa abéfíté mv ɔnótó asón nú?”

⁵² Befíté mv bεε, “Galileayin fú é fógyi? Kɪ Bulu asón ámυtɔ wankláán. Fówun ání Bulu ɔnósú ɔtáípu ɔkokυkυ móotsu Galilea ɔmátó.” ⁵³ [Inu amú féé benatí yó wóyító.

8

ɔtsɪ ɔkv Mvɔtɔ Pú Mv Kítá

¹ Bréá ahá amv bedasáin á, Yesu lódu yó Nfɔ-nyíbu ámυsv* . ² Mú ɔyi kehe bake a, oleyinkí ba Bulu ɔtswékpa wunsinésú inu. Ahá ámv féé beba mv wá. Mú sv oletsiá asi, olefi asi ɔde amú ató suná. ³ Bréá ɔdetáí á, Farisifɔ pú Mose mbla asunápú amv bekpa ɔtsɪ ɔkvá bakítá mv, ɔde mɔvɔtɔ ba belí amú ansító. ⁴ Múú bebláa Yesu bεε, “Osunápú, bakítá ɔtsɪ ánfɪ mbua ɔtákpá. ⁵ Mose Mbla ámv léblí ɔbéε, adáa atsi ánfɪ odu abwi mɔ. Nkálɪ fudeblí tsú asón ánfɪ iwɪ?” ⁶ Asónklé sú befíté mv asón ánfɪ, abuyɔtɔ mv ha ahandε. Inu Yesu lóbun, pú osrebi ɔde ató wanlín ɔsulótɔ.

⁷ Bréá butráa bode asón ámv fité plá á, olobwií tsíá, bláa amú ɔbéε, “Mlɪtɔ ɔhá ání ɔmókóbwé lakpan kí ogyánkpa da ɔtsɪ ánfɪ ibwí.” ⁸ ɔleblí mú alɪ á, oleyinkí bun ɔde mv ató wanlín ɔsulótɔ. ⁹ Bréá ahá ámv bonu mv asón ánfɪ á, bɔwa natí ikule-kule bɪ, tsú ahandεsv bɔtv nyebísú. Ilebesi Yesu mva ɔtsɪ ámv nkule ɔbun nsiné inu. ¹⁰ Yesu lóbwií tsíá, ɔlefíté ɔtsɪ ámv ɔbéε, “ɔtsɪ, nkú ahá ámv mε? ɔkvkυ mésián ání ɔbéha fú ipón?”

* **8:1** Nfɔ-nyíbu igyi obubwí kvá ibu mantáa Yerusalem, butetí mú Olifbu.

11 Ɔtsi ámu lélé mú ɔnó ɔbéé, “Owíé! Ɔkuku méha mí pón o!” Múy Yesu lébláa mu ɔbéé, “Ɖbu alá! Mí é mméeha fú ipón! Nati, mátrá bwe lakpan.”†

Ɔyító Wanki

12 Inu ɔma a, Yesu léyinki bláa Farisifo ámu ɔbéé, “Mígyí ɔyító wanki ni. Ɖhagyíɔha ání obuo mi obénya wanki ání íbéha mu nkpa, oméesin oklúnto ekekeke.”

13 Inu á, Farisifo ámu bebláa mu beé, “Nfóli tamakánfó mu iwí. Fumakóblí tɔtɔ.”

14 Yesu lébláa amó ɔbéé, “Ní mí onutó nde mí iwí adánsie gyí ó á, ɔnɔkwali igyi. Tsúfé mí mú nyin ɔtínéá notsú pú ɔtínéá nɔyó. Táme mliméyín ɔtínéá notsú pú ɔtínéá nɔyó. 15 Anyánkpusa asóngyí ɔkpasu mlitegyi asón tsun, táme mí mú ntamagyi ɔhaa asón. 16 Ní negyi asón ó á, ɔnɔkwali ɔkpasu negyi mú tsun. Tsúfé megyí mí nkule tegyi mú. Mía mí Sí amú ɔlɔwa mí sísí ámu nɔy tegyi mú. 17 Bɔwanlín wá mli onutó Mbla ámotɔ beé, ‘Ní adansifo abanyó beblí asun kua kule a, amó asón ibu mútɔ.’ 18 Mí onutó ntegyi mí iwí adánsie. Mí Sí lɔwa mí sísí. Mu é otegyi mí iwí adánsie.”

19 Befité mu beé, “Nkónú fú sí bu?”

Yesu lélé mú ɔnó ɔbéé, “Mliméyín mí wankláán, mliméyín mí Sí ámu é. Ní mliyin mi wankláán á, tekí mlébi mí Sí ámu é.”

20 Yesu léblí asón ánfí bréá ɔde ató suná Bulu ɔtswékpa tswitswi adáka otsiákpá. Táme ɔhaa mékítá mu, tsúfé mu bré makónyá fun.

Yesu Ɔsúsóyɔ

21 Yesu létrá bláa amó ɔbéé, “Mí mú nɔyó. Mlódunká mí. Mlówu wá mli lakpantɔ. Mliméetalí ba ɔtínéá nɔyó.”

22 Yudafo ahande amu befité beé, “Mó ɔbómɔ mu iwí, sú ɔdeblí ɔbéé, mliméetalí ba ɔtínéá nɔyó?”

23 Yesu lélé mú ɔnó ɔbéé, “Mli mú mlotsú ɔyí ánfítɔ, táme mí mú notsú ɔsúsú. Ɔyí ánfítɔfo mli gyí. Mmegyí ɔyí ánfítɔyin mí mú ngyi. 24 Mú sú nde mli bláa mbée, mlówu wá mli lakpantɔ ní. Mlówu wá mli lakpantɔ, ní mlimóhógyi ání ‘Mígyí ɔhá amú mbée ngyi ámu.’ ”

25 Befité mu beé, “Fógyi ma?”

Yesu lébláa amó ɔbéé, “Ɖhá amú ntebláa mli yái mbée, ngyi ámu kén ntráa nde mli bláa a. 26 Mbu asón tsɔtsɔtsɔá néblí tsú mli iwí póhá mli pón. Táme ɔnɔkwali pu ɔhá amú ɔlɔwa mí sísí ámu gyí. Asón ání nonu tsú mu wá nde mli ɔyítófo bláa.”

27 Imɔwankí amó ání mu Si amú ɔbu ɔsúsú ámu iwí asón ɔde amó bláa. 28 Mú so Yesu lébláa amó ɔbéé, “Ní mledá Nyankpusa-Mu-Bi ámu mántá oyikpalíhesu, tsú mú líí á, mlówun ání ‘Mígyí ɔhá amú mbée ngyi’ ámu. Mlébi ání ntamabwé tɔtɔtɔ mí

† 8:11 Ima Griikifo nwóló dada amu akotɔ.

onutó túmito. Múá mí Sí lópowa mi onó á, mó nteblí. ²⁹ Ohá ámúó òlwa mí sísí ámu buo mi. Omakóyínkí mí oma, tsúfé tóá itegyí mu ansí ntóbwé brégyíbré.”

³⁰ Inu ahá ámúó bonu mu asón ánfito tsotsotsò bəhə mu gyi.

Abraham Abi-aná

³¹ Yesu lébláa Yudafə ámúó bəhə mu gyi amu obéé, “Ní mlobuo mí atosunáhé a, mligyí mí akasípó lélé. ³² Mlébi onəkwalí amu. Onəkwalí amu ibéha mlégyí iwí.”

³³ Beblí bεε, “Abraham abí-aná anigyí. Animókóbwé ohaa nkpábi kí. Mú ntogyi só fódε aní bláa fεε, ‘Mlégyí iwí?’ ”

³⁴ Yesu lélé mó onó obéé, “Onəkwalí ndε mlí bláa. Ohagyíoha aní otóbwé lakpan á, ogyi lakpan okpábi. ³⁵ Okpábi tamatsíá mu wie wóyí yó, obí tetsíá mu sí wóyí yó. ³⁶ Mú sɔ ní Bulu mu Bi ámu ohá mlegyí iwí á, mómmó mlilagyí iwí féé. ³⁷ Nyin aní Abraham abí-aná mligyí, táme mlidékléá mlómə mí, tsúfé mlimóhə mí atosunáhé. ³⁸ Tóá nowun tsu mí Sí wá ndeblí. Mlí é asón aní mlílonu tsú mlí sí wású mlidégyí.”

³⁹ Bebláa mu bεε, “Aní sí gyí Abraham.”

Yesu lébláa amó obéé, “Ní Abraham abí mligyí á, tekí mlí bwehé lelian Abraham. ⁴⁰ Mlidékléá mlómə mí, tsúfé ndε mlí onəkwalíá nonu tsú Bulu wá bláa. Abraham móbwe alí! ⁴¹ Mlí sí bwehé mlidébwe.”

Bebláa Yesu bεε, “Megyí mbua bəto kwíí aní. Bulu onutó gyí aní Sí. Animá osí okoku tsía mutə.”

⁴² Yesu lébláa amó obéé, “Ní mlí Sí gyí Bulu á, tekí mlítədwe mí, tsúfé mu wá notsu ba. Mulówa mí sísí. Megyí mí onutó túmito neba. ⁴³ Ntogyi só mlimédé mí ason blíhé así nu? Mlimédé mó así nu, tsúfé mí asón de mlí asoto wóó. ⁴⁴ Obunsám gyí mlí sí. Mó sɔ mliteklean mlóbwe tóá mlí sí tekle. Ahá oməpó ogyi tsú nfiasí. Otamabuo onəkwalí. Mó sɔ onəkwalí kuku ima mutə. Ní owá afunu a, mu tsiátó owan odelé, tsúfé ofunupu ogyi. Múgyí afunupu féé osí ní. ⁴⁵ Táme nteblí onəkwalí. Mó sɔ mlítamahə mí asónsú gyi ní. ⁴⁶ Mlító ma obétalí súná aní lakpan obwepó ngyi? Ní ndε onəkwalí blí á, mó ntogyi mlimóhə mi gyi? ⁴⁷ Ohá aní otsú Bulu wá teyáá asu nú mu asón. Mlí mó mlimótsú mu wá. Mó sɔ mlítamayáá asu nú mu asón ní.”

Yesu Mva Nandín Abraham

⁴⁸ Yudafə ámu bebláa mu bεε, “Ní ablí aníaa Samariayin fgyi, ohe laláhe bu futo á, anlawá afunu?”

⁴⁹ Yesu lébláa amó obéé, “Ohe laláhe ma mító. Ntobú mí Sí, táme mlí mó mlítamahú mí. ⁵⁰ Mmedé mí iwí numnyam wa. Oha oku bu inová ode mó dunká há mí. Múgyí asón ogyípó wankláán ámu ní. ⁵¹ Onəkwalí ndε mlí bláa. Ohagyíoha aní otegyi mí atosunáhésu omóowu ekekεεkeε.”

⁵² Inu Yudafɔ ámu bebláa mu beɛ, “Séi ánfɔ mú á, anilawun ání lélé ɔɛ laláɛ bu futɔ! Abraham muɔa Bulu ɔ́nósú atɔ́ipó amu bawú. Táme fú mú fudeblí fɛɛ, ɔhagyíɔha ání otegyi fú atosunáhésu omóowu ekekekeke. ⁵³ Anɔ náin Abraham lówu. Fúki fɛɛ fudɔn mu? Bulu ɔ́nósú atɔ́ipó amu é bowu. Nkálɔ́ fúde fú iwɔ́ kí?”

⁵⁴ Yesu lélé mú ɔ́nó ɔ́béɛ, “Ní nɔwá mí iwɔ́ numnyam a, kpaali ígyi. Mí Sí gyí ɔhá ání ɔ́ɔwá mí numnyam. Mu mlidéblí mliaa ogyi mli Bulu ní. ⁵⁵ Ibu mútɔ́ ání mlíméyín mu, táme mí mú nyin mu. Ní neblí mbéɛ mmeyín mu a, nabwé ofunupu fé mli. Mí mú nyin mu, ntegyi mu asónsú. ⁵⁶ Mli náin Abraham lénya ansigyí ání mówun mí bábi. Olowun mú é, ansí legyi mu.”

⁵⁷ Yudafɔ ámu bebláa mu beɛ, “Fumákóhɔ nfi aduenu (50) kóráá, mú fɛɛ fɔtu Abraham?”

⁵⁸ Yesu lébláa amú ɔ́béɛ, “Ɔ́nɔkwali nde mli bláa. Mbu inu asa bɔkwí Abraham.”

⁵⁹ Yesu lénya blí alɔ́ pé, ahá ámu bɔkulá abwi beɛ abutswi da mu mɔ. Táme Yesu lóbwɛ híéé, dáli Bulu ɔ́tswékpa wunsínésú inu.

9

Ansibi Obwiepó Ɔku Tsa

¹ Eke ɔku Yesu muɔa mu akasípó buɔna ɔkpatɔ, bowun oyin ɔkuá bɔkwí mu ansibi obwiepó. ² Yesu akasípó amu befité mu beɛ, “Osunápó, ma lakpan só bɔkwí oyin ánfɔ ansibi obwiepó? Mu onutó lakpan su lóó, ntée mu akwíúpó?”

³ Yesu lélé mú ɔ́nó ɔ́béɛ, “Megyí mu ntée mu akwíúpó lakpan su bɔkwí mu ansibi obwiepó. Mboún alíá Bulu ɔ́béle mu túmi súná tsɔn mu ilo ámɔtɔ su. ⁴ Ila sí kpalobí owí ɔ́béta. Ɔhaa méetalí trá yɔ agyómá. Mú su ilehián ání abóyɔ agyómá ámúú ɔhá ámúú ɔ́lɔwa mí sísí ámu lówa mí ɔ́béɛ nyɔ́ɔ amu. ⁵ Iníá nanya mbu ɔ́yí ánfɔtɔ á, mígyí ɔ́yí ánfɔtɔ wankɔ.”

⁶ Bréá Yesu lébláa amú asón ánfɔ tá á, olotu atsonó tswi ɔsolótɔ, ɔ́lɔpu osrebi tsíá isi, títi mú tan ansibi obwiepó ámu ansíbisu. ⁷ Múú ɔ́lebláa ansibi obwiepó ámu ɔ́béɛ, “Natɔ yɔfwɔ ansító Siloam paatɔ.” (Siloam asɔ gyí, “Bɔwa mu sísí.”) Oyin ámu lóyɔfwɔ ansító yínkí ɔ́bá wóyí á, ɔ́de ató wúun.

⁸ Mu aba pú ahá ání butowun mu ɔ́de ató kulí befité beɛ, “Megyí oyin ánfɔ tetsíá kólí ató bré ámu ní?”

⁹ Amútɔ akɔ beɛ, “Mu ní!” Akɔ é beɛ, “O-o, lían ɔ́lelián mu.”

Inu oyin ámu onutó léblí ɔ́béɛ, “Mí ní.”

¹⁰ Befité mu beɛ, “Nkálɔ́ ilɔbwɛ asa fude ató wúun nya?”

¹¹ Ɔ́lele mú ɔ́nó ɔ́béɛ, “Oyin ámúú butetɔ́ mu Yesu amu lóbwɛ ɔ́diba tan mí ansíbisu. Múú ɔ́lebláa mi ɔ́béɛ, nnátɔ yɔfwɔ ansító Siloam paatɔ. Nɔyɔfwɔ, múú nde ató wúun a.”

¹² Befité mu βεε, “Nkónó ðbu?” Múú ðele mú ðnó ðβέε, “Ohwée.”

Farisifó Ansibi Obwiepó Amu Asón Fité

¹³ Inu bekpa oyin á múú tekí ogyi ansibi obwiepó á mu yáa Farisifó wá. ¹⁴ Eke á múú Yesu lóbwe ðdiba póbwií mu ansibi amu igyi ðkpónú ðdaké. ¹⁵ Mú su Farisifó á mu belafité oyin á mu alá ðlbwe asa ðde ató wúun. ðlebláa amú ðβέε, “ðdiba ðlputan mí ansibisu, ngyófwí ansító. Múú nde ató wúun ngya a.”

¹⁶ Farisifó á mu aku beblí βεε, “Megyí Bulu ðha oyin á múú olobwií mu ansibi amu gyí, tsúfé ðtamagyi ðkpónú ðdaké mbla á mu su.”

Táme aku é befité βεε, “Nkáli lakpan ðwepú ðbétaí bwe osúna anfi odu? Asón anfi su bometrá bwe kole.”

¹⁷ Mú su belafité oyin á mu βεε, “Fεε mulóbwií fú ansibi. Amansu fubu blí tsú mu iwí?”

Oyin á mu léle mú ðnó ðβέε, “Bulu ðnósú ðtáipú ogyi.”

¹⁸ Yudafó ahande amu bómohogyi á ní lélé, bákwií mu ansibi obwiepó asa séi ðde ató wúun, kpéfun bréa beti mu akwíupú ba. ¹⁹ Befité amú βεε, “Mlí bí á múú mlíaa, mu ansibi lobwie asa mlúókwí mu amu ní? Nkáli ðlbwe asa ðde ató wúun ngya?”

²⁰ Mu akwíupú amu bele mú ðnó βεε, “Aniyin á ní aní bí ní. Aniyin á ní anúókwí mu ansibi obwiepú. ²¹ Táme alá ðlbwe asa ðde ató wúun pú ðhá á ní olobwií mu ansibi mú á, anímeyín. Kókoli mlí, mlífite mu onutó. Megyí kebi ógyi, aladan. ðbétaí lé mú ðnó.” ²² Mu akwíupú amu bude Yudafó ahande amu ifú nya. Mú su beblí alí ní. Tsúfé ahande amu bablí tswi βεε, ðhagyíðha á ní ðbébli ðβέε, Yesu gyí Kristo, (ðhá á múú Bulu ladá mu ofúli amu) a, bégya mu lé Yudafó ofiakpa inu. ²³ Mú su mu akwíupú amu βεε, “Megyí kebi ógyi, aladan, mlífite mu onutó!” ní.

²⁴ Belatí oyin á múú bákwií mu ansibi obwiepó á mu otse nyóosi, bláa mu βεε, “Ka ntam Bulu ansító á ní fébli ðnákwalí. Aniyin á ní lakpan ðwepú oyin á múú olobwií fú ansibi amu gyí.”

²⁵ Múú oyin á mu léle mú ðnó ðβέε, “Ní lakpan ðwepú ogyi o, yilé ðwepú ogyi o, mí mú mmeyín. Toku kole pé nyin. Múgyí, tekí bré á mu ntamawun ató, táme séi mú ndewúun.”

²⁶ Múú befité mu βεε, “Nkáli ðlbwe fú? Nkáli olobwií fú ansibi amu?”

²⁷ Múú ðele mú ðnó ðβέε, “Nabláa mlí dodoodo, táme mlímónu. Ntogyi sú ntráa bla mlí? Mlí é mlídékléa mlóbwe mu akasípú lóó?”

²⁸ Besia mu, bláa mu βεε, “Fúgyí mu ákasípú. Aní náin Mose akasípú aní mú anigyí. ²⁹ Aniyin á ní Bulu lótoí bláa Mose asón, táme anímeyín ðtínéa oyin á ní mú otsú.”

³⁰ Oyin á mu lébláa amú ðβέε, “Ngya ntó asón ní? Mlímmeyín ðtínéa otsú, táme mulábwií mí ansibi ní o. ³¹ Aní féé aniyin

ání Bulu tamanú lakpan abwεpó isu. Ɔhá ání otobú mó, otegyi mu mblassu isu otonú. ³² Tsú bréá Bulu lóbwε ɔyí ɔpá á, ɔhaa mókónú ání ɔku labwíí ɔhá ání bɔkwíí mu ansibi obwiepó ansibi ki. ³³ Ní megyí Bulu ɔha oyin ání gyí á, tɛki ɔmɛtali bwé tɔtɔtɔ.”

³⁴ Ahandε amu beɛ mó ɔnó beε, “Fú ání fɔgyi lakpan ɔbwεpó tsú bréá bɔkwíí fú ání dékléá fósuná aní asón?” Inuɔu begya mu lé ofiakpa inu.

Ɔhétó Ansibi Bwie

³⁵ Yesu lónu ání bagya oyin ámu lé ofiakpa inu. Mó su bréá olowun mu a, ɔɛfité mu ɔbéε, “Fɔhɔ Nyankpɔsa-Mu-Bi ámu gyi?”

³⁶ Oyin ámu lébláa mu ɔbéε, “Owíé, suna mí ɔhá ání ogyi, mí anhɔ mu gyi!”

³⁷ Yesu lébláa mu ɔbéε, “Fawun mu dodo. Mɔgyí ɔhá ání ɔde fú asón bláa séí ání á.”

³⁸ Móbó oyin ámu lébláa mu ɔbéε, “Mí Wíé, nahɔ fu gyi.” Inu olosúm Yesu.

³⁹ Yesu lébli ɔbéε, “Asón ogyíkpa neba ɔyí ánífɔ, méní ahá ání bɔmɛdé ató wúun bówun ató. Ahá ání bɔdewúun é ansibi ibwie.”

⁴⁰ Farisifɔ akvá bɔbu Yesu wá inu bonu asón ání. Móbó befité mu beε, “Mó su fɔdebli fεε aní é angyí ansibi abwiepó?”

⁴¹ Yesu léɛ mó ɔnó ɔbéε, “Ní ansibi abwiepó mɔgyí á, tɛki Bulu méεha mli ipón. Táme ínía mliaa mliɔdé ató wúun su á, mli lakpan lasin mliɔv.”

10

Akúfa Ɔkparú Mva Mu Akúfa

¹ Yesu lébli ɔbéε, “Ɔnɔkwali nde mli bláa. Ɔhá ání ɔdú tsun akúfa ibanɔ wíé mótó, ɔmɔtsun ɔkpa ɔnó á, owikplu pú ogyo otswapó ogyi. ² Tsúfé iban ɔnó akúfa ɔkparú tɔtsun wie mótó.

³ Iban ámuɔv ɔkípu tefinkí mó há akúfa ɔkparú ámu tebitíwíé. Ɔtɔpó akúfa amu dá tí amó, bɔtonú mu ɔme, ɔtekpá amó dáli.

⁴ Ní ɔkpá akúfa amu féé dáli a, otegya amó nkpá, bɔtobuo mu, tsúfé buyin mu ɔme. ⁵ Bɔtamabuo ɔfɔ. Srí bɔtesrí sí mu, tsúfé bɔmeyín mu ɔme.”

⁶ Yesu léha amó yébi anfi, táme bɔmonu mó así.

Akúfa Ɔkparú Wankláán Amu

⁷ Yesu létrá bláa amó ɔbéε, “Ɔnɔkwali nde mli bláa. Mígyí akúfa iban ámu ɔnó ní. ⁸ Awikplu pú ogyo atswapó ahá ání begyankpá ba féé bɔgyi. Akúfa amu bɔmɛbi amó ɔme. ⁹ Mígyí akúfa iban ámu ɔnó ní. Ní ɔku ɔtsun mitɔ wíé dáli a, tɔtɔ móɔbwε mó. Obéyénýa ató gyí mwε. ¹⁰ Owikplu agywun gyí, ɔbá bowi, ɔmɔ, oyinta ató. Mí mó neba, méní ahá bénya nkpá ání ilɔfɔn.

11 “Mígyí akúfa ɔkpapú wankláán ámu ni. Akúfa ɔkpapú wankláán totsúlá húlí mu nkpa há mu akúfa. 12 Táme akúfa ɔkpapú ání ɔde ipa gyí, megyí mu onutó bó akúfa amu tesrí ní owun ɔkpataku ɔbá bekítá amú. ɔkpataku ámu tekítá akúfa amuto ɔku, atráhe butedásáin. 13 Oyin ámu tesrí, tsúfé ipa keke odegýí. Akúfa amu nkpa tamahían mu. 14 Mígyí akúfa ɔkpapú wankláán ámu ni. Nyin mí akúfa, mí akúfa é bɔyin mi, 15 fé alíá mí Sí ámu yin mi á, alí mí é nyin mu ni. Ntòhólí mí nkpa há mí akúfa. 16 Mbu akúfa bámbá aku é. Buma akúfa iban ánfító. Ilehían ání nékpa amú é ba. Amú é bónu mí ɔme. Amú féé bóbwe akúfa iku kule pú ɔkpapú ɔkule.

17 “Iní só mí Sí tekle mi asón ní. Tsúfé natsúlá ání nòhólí mí nkpa há ahá, méní nélanyá mú. 18 ɔhaa méetalí swíí mí. Mí onutó latsúlá ání nòhólí mú. Mbu ɔkpa húlí mí nkpa, mbu ɔkpa lánýá mú é. Iní mí Sí lébláa mi ɔbéé mbwée ní.”

19 Mbu ason blíhé anfi su Yudafo ahande amu bometrá bwe kule. 20 Amútó aku beblí bee, “ɔhe laláhe bu mutó. Mu nwun ideyintá. ɔhaa mátrá nu mu ason blíhé.”

21 Aku é bee, “ɔhá ání ɔhe laláhe bu mutó méetalí blí asón anfi odu. ɔhe laláhe ɔbétalí bwíí ansibi obwiepú ansibi?”

Yesu Kind

22 Ekeá butópókáin Bulu ɔtswékpa gyuráso Yerusalem lofon. Alí bré ámu igyi lilitó. 23 Yesu lóyo odeki Bulu ɔtswékpato ɔtinekúá butetí inu “Salomo Abrándáásó.” 24 Yudafo ahande amu aku befia bomlí mu. Befité mu bee, “ɔmenke kéní asa fébláa aní ɔnɔkwali amu? Ní fógýí Kristo, (ɔhá amú Bulu ladá mu ofúli amu) a, wuna le mó tii aní.”

25 Yesu lébláa amú ɔbéé, “Nébláa mli bɔtsun, táme mlimédéhogyi. Ofúla amú ndebwe mí Sí dátó ámu dé mí iwí adánsie gyí. 26 Táme mlimédéhogyi, tsúfé mlimá mí akúfato. 27 Mí akúfa butonú mí ɔme. Nyin amú, butobuo mi. 28 Ntehá amú nkpa ání itamatá. Bumoowu ekekekeke. ɔhaa méetalí swíí mí amú. 29 Mí Sí amú ɔlɔpu amú há mí ámu don tógýító. ɔhaa méetalí swíí amú lé mí Sí ibitó. 30 Mía mí Sí anigýí kole.”

31 Inu á, Yudafo ahande amu betrá kulá abwi bee abotswi da Yesu mo. 32 Táme Yesu léfité amú ɔbéé, “Nabwé ofúla tsotsɔtsɔá itsú mí Sí wá súná mli. Mútó mɔmu só mli dékléá mléda mí abwi?”

33 Bebláa mu bee, “Megýí ofúla ání fabwé kukukuku só aníaa abéda fú abwi. Alí amú fablí abususu pókósú líí Bulusu ámu su. Nyankpusa fɔgyi, táme fee Bulu fógýí.”

34 Yesu léfité amú ɔbéé, “Bomowanlín wá mli Mbla ɔwoló ámutó bee, Bulu ɔbéé, ‘Mligýí fé Bulu?’ 35 Aniyin ání ɔnɔkwali Bulu asón igyi. Mó su ní Bulu létí ahá amú ɔlɔpu mu asón há ámu ɔbéé, bɔgyi fé mu a, ntogyi só mli dé ɔbló nya? 36 Mí mó á, mí Sí léle mí yáí, ngyi mu kle, ɔlwa mí sísí ɔyí ánfító.

Ntogyi sù mliḁéblí mliḁa nablí mbéé, ‘Bulu mu Bi ngyi’ su nablí abususu púkúsú líi musu? ³⁷ Ní megyí mí Sí agyómá ndebwe mó á, mlimáho mi gyi. ³⁸ Táme ní mí Sí agyómá ndebwe, asa mlimáho mi gyi kóráá á, múmú mliho ofúla amóú ndebwe ámu mó gyi, amlibi ání Mí Sí ámu bu mito, mí é mbu mito.”

³⁹ Betrá bwe ání békítá mu, táme oledali amó ibi, náti sí amó.

⁴⁰ Yesu léyinkí fá Yordan obón ba otiné amóú Yohane létsiá bó ahá asú ámu, olesi tsiá inu. ⁴¹ Ahá tsotsotsò beba mu wá, buḁe aba bláa beé, “Yohane móbwe osúna kukukuku, táme asún ání Yohane léblí tsú oyin ánti iwí féé laba mótó pépéépé.” ⁴² Ahá tsotsotsò bəho mu gyi inu.

11

Lasaro Lowu

¹ Oyin okvá butetí mu Lasaro muḁa mu apio tshé Maria pú Marta betsiá Betania wúluto. Oyin ámu loló. ² Maria ánti létsei mu ofobí fánfáánfán wólí aní Wíe Yesu ayabisu, pú mu imi tsítsi mó ni. Mu pio yínhé gyí Lasaro ánti oda oḁelo á.* ³ Mú su mu apio tshé ánti bəwa abí sísí Yesu beé, “Owíé, fú oḁwepó dḁlo.”

⁴ Yesu lónu asún ámu a, oḁéblí obéé, “Megyí ilo ánti obómə mu, mbouin ibéle Bulu numnyam owan. Ibəwa mí Bulu mu Bi ánti é numnyam.”

⁵ Yesu tekle Marta muḁa Maria pú Lasaro féé asún. ⁶ Táme bréá olonu ání Lasaro dḁlo á, oḁetrá si tsiá otinéá obu nkenyó kéké. ⁷ Mú oḁma a, oḁebláa mu akasípú obéé, “Mliha ayinki yo Yudea.”

⁸ Mu akasípú amu befité mu beé, “Osunápú, nwén nfi Yudafo ahande bakle abuda fú abwi mə. Mó feé fétrá yinkí yó inu?”

⁹ Yesu lópu yébi lé mó onó obéé, “Megyí dənhwiri dúanyo bu ekewóletə? Ní oḁha ná oyi kehetə á, otamasúti, tsúfé nsainto lówankí, su odewúun. ¹⁰ Táme ní oku ná oklúntə á, otosúti, tsúfé oḁedé ató wúun.” ¹¹ Asún ánti oḁma a, oḁetrá blí obéé, “Ani nyáwíe Lasaro ladídi, táme nəyó anyetsinkí mu.”

¹² Akasípú amu bebláa mu beé, “Ani Wíe, ní oḁedidi mó á, iwí bəwa mu onlin!”

¹³ Lasaro lowu iwí asún Yesu dḁblí, táme akasípú amu mó buki beé mu didi keke iwí asún oḁeblí. ¹⁴ Inu Yesu lówunáa kpa mó opulu obéé, “Lasaro lawú. ¹⁵ Mli su ilawá mí ansigyí ánti mma inu asa olowu, mēni mlóho mi gyi. Mliḁa ayeki mu.”

¹⁶ Inu Toma ání ogyi Tabí† lébláa mu aba ámu obéé, “Mliha ania munyo féé ayə, mēni ní lowu ígyi kóráá á, ania munyo awu!”

Ọhá Aní Ọtəkúsə Ahá Tsú Afúlitə, Há Amó Nkpa

* **11:2** Iní kén bu 12:1-8to. † **11:16** Didimus móa Toma asú gyí Tabí Griiki móa Hebrí oḁlító.

17 Yesu lówie Betania wúluto á, bebláa mu bee bopulá Lasaro idagyi nkená. 18 Tsú Betania ya Yerusalem mafon máli anyo. 19 Mú su Yudafá tsotsátsá beba Maria mu Marta gyawi ahakpá, amó píó lowu su.

20 Benya bláa Marta ání Yesu obá alí, obokusu yéfia mu okpa. Maria mú lésin wóyító. 21 Mú Marta lébláa Yesu obéé, “Mí Wíe, teki ní fubu nfi á, teki mí píó mówu sí mí. 22 Táme séi kóráá nyin ání tógyítá fókoli Bulu á, obéha fú.”

23 Yesu lébláa mu obéé, “Fú píó ámu obélakúsú.”

24 Marta lébláa mu obéé, “Nyin ání obókusu eke tráhe amú afúli bókusu ámu.”

25 Yesu lébláa mu obéé, “Mígyí ohá ání ntakúsúa ahá tsú afúlitó, há amú nkpa. Ohá ání osho mi gyi owú kóráá á, obétrá tsiá nkpa. 26 Ohá ání otsie nkpa, osho mi gyi é móowu ekekeke. Faho mósú gyi?”

27 Marta lótsulá mósú obéé, “Ee! Mí Wíe, nahogyi ání fógyí Kristo, (ohá amú Bulu ladá mu ofúli), Bulu mu Bi amú bee obéba oyító ámu ni.”

Yesu Lósú

28 Bréa Marta lébli alí tá á, oleyinkí ba wóyító beti Maria ya itsétó, bláa mu obéé, “Osunápó laba, ode fú ti.” 29 Maria lénya nú mú alí, obokusu yó Yesu wá. 30 (Alí bré ámutó á, Yesu mókónyá wíe wúluto. Olí otíné amú Marta lóyótu mu amu.) 31 Bréa ahá amú butsie Maria wá wóyító, bude mu klun yíá ámu bowun ání alakúsú otsáwule pé oyó á, bokusu buo mu. Buki bee oyó opulákpá mu yósu.

32 Bréa Maria lówie Yesu wá á, oleda akpawunu, bláa Yesu obéé, “Mí Wíe, ní fubu nfi á, teki mí píó mówu sí mí!”

33 Bréa Yesu lówwun ání Maria mu ahá amú bubuo mu amu fée bodesú a, ilehie han mu. Mú su mu ansí lepe. 34 Olefíté amú obéé, “Nkónú mlilópulá mu.”

Inu bebláa mu bee, “Aní Wíe, beki.”

35 Inu Yesu lósú. 36 Mú su Yudafá ámu bebli bee, “Kí alíá otehié dwé Lasaro!”

37 Táme amótó aku bebli bee, “Megyi oyin ánfí lóbwíi ansibi obwiepó ámu ansibi ni. Ntogyi só ometali kítá Lasaro yáí, alawú?”

Lasaro Kusú

38 Yesu ansí létrá pé, olenatí yó opulákpá inu. Ibwi alato bopulá mu, bemináa ibwi tin mú onó. 39 Inu oledláa amú obéé, “Mlúmina ibwi ámu le obó ámu onó.”

Táme owupó ámu mu pio tsíhé Marta lébláa mu obéé, “Mí Wíe, nde aná mú á, alayintá. Nde eke náási opá bopulá mu.”

40 Yesu lébláa mu obéé, “Mmebláa fu mbéé ní fohogyi a, fówun alíá Bulu iwí bu ifú?” 41 Inu bemináa ibwi ámu lé obó ámu onó. Yesu lótsu ansí fúá kí osúsú, bí obéé, “Mí Sí, nedá fú

ipán ání fanú mí òmè. ⁴² Nyin ání fotonú mí mpái ekekegyíeke. Táme ahá ánfí búlí nfi ánfí só nablí alí, méní bóhogyi ání fólówa mí.” ⁴³ Bréá òlòbò mpái ánfí tá á, òlòkplón blí òbée, “Lasaro, dalí ba!” ⁴⁴ Lasaro lédalí a, tati klí mu ìbí pò mu ayabí. Dúku é klí mu ansító. Yesu lébláa amú òbée, “Mlísankí mu ònatí.”

Bekikí Yesu Nwunsu

⁴⁵ Yudafò amú bobuo Maria ba mu amú bowun tóá Yesu labwé. Mó su amú tsòtsòtsò bəhə mu gyí. ⁴⁶ Táme amótó aku bəyə yébláa Farisifò amú tóá Yesu labwé. ⁴⁷ Inunv Bulu igyí ahapó dehen pú Farisifò amú betí aba asón agyípú fia. Mú bəfité aba bəe, “Nkálí abóbwe? Lélé mó á, oyin ánfí dé osúna tsòtsòtsò bwe. ⁴⁸ Ní animéka mu itin á, òhagyíòha òbòhə mu gyí. Ibéha Romafò béba bobwie aní Bulu òtswékpa amú, yíntá aní òmá!”

⁴⁹ Táme amótó òkòlèá bətətí mu Kaiafa, ogyi Bulu igyí òhapó dehen ofi ámutò lébláa amú òbée, “Mlí mó mlíméyín òlala! ⁵⁰ Mlímókóbí ání ìbú aléá òbakóle obówu ahá fée nwunsu, dún ání òmá ámutò ahá fée béhí?” ⁵¹ Megyí Kaiafa onutó agywun òlòpublí asón ánfí. Táme iníá ofi ámutò mugyí Bulu igyí òhapó dehen su á, igyí asón ání òleblí tswí ání ìlehián ání Yesu obówu há Yudafò òmá. ⁵² Megyí bəe òmá ámu nkòle pé su obówu, mbóun alíá òbékpa Bulu ahá ání badásáin fée bəwa abato, bóbwe ikòle su.

⁵³ Tsú eke amú bəwa agywun bwe ání bómə Yesu bí. ⁵⁴ Iní su Yesu métrá tsiá lé iwí òwan Yudafòtò. Mbóun òlenatí yó wúlu kvá bətətí mó Efraim, ání ìbú òimbísú. Mva mu akasípú amú betsiá mu.

⁵⁵ Bré ámutò á, Yudafò nkeá bópogyi Israelfòsu Katsun Nke amú lawíé wóyí tá. Ahá tsòtsòtsò botsu awúlusu dú yó Yerusalem ání bəyógyuráa iwí asa nke amú ifun. ⁵⁶ Bréá bəyə Bulu òtswékpa wunsínésó mu á, bodunká ání bówun Yesu. Mó su bəfité aba bəe, “Nkálí mlídékí? Mlilahogyi mlíaa, òbéba nke ánfítò lóó?” ⁵⁷ Táme bré ámutò á, Bulu igyí ahapó dehen pú Farisifò amú babláa ahá bəe, ní òku owun òtínéá Yesu bu a, òhá amú ìbí, méní bəyékitá mu.

12

Ofobí Fánfáánfán Pòwólí Yesu

(Mateo 26:6-13; Marko 14:3-9)

¹ Ilesí nkensíé abugyí Israelfòsu Katsun Nke a, Yesu lóyò Lasaro amú òlòkúsúba tsu afúlító amú wúlutò Betania. ² Mó ntópwesu bətswí òpónú há mu. Marta léye atogyihe òpónú amú así. Lasaro mva ahá amú betí amú bəwa ìbí gyí ató Yesu wá. ³ Inu Maria lópú ofobí fánfáánfán ání ìbú ìbíá prəntva yílé òbò bətséí wólí Yesu ayabisu, òlòpú mu nwunsu-imi tsítsi mó.

Ofobí ámu ofan lɔhɔ wóyí ámutɔ fée.* ⁴ Táme Yuda Iskariot, ogyi Yesu akasípó amutɔ akɔle, ɔbéle Yesu há ámu mú léblí ɔbé, ⁵ “Ofobí ánfí bu bíá. Ntogyi sú bɔmfefe mú, pú kɔba amu há ahíánfɔ? Mú bíá bóbwe ɔbakóle ofi akɔle akatua.” ⁶ Megyí ahíánfɔ nwewúun su Yuda dé asón ánfí blí. Owikplu ógyi su. Mu wá sika okentebi bu, otetsiá wí ku lé mótó.

⁷ Yesu léblí ɔbé, “Mlisi mu ɔpu ofobí ánfí woli mí ha mí opuláké. ⁸ Ahíánfɔ mú bétsiá mli wá ekekegyíeke, táme mí mú mméetsiá mli wá yó.”

Bekiklí Lasaro Nwunsu

⁹ Yudafo tsɔtsɔtsɔ bonu ání Yesu laba Betania. Mú su begya akpa yó mu akíkpa. Megyí mu nkɔle su bɔyó un. Beyéki Lasaro amú Yesu lókúsá tsu afúlito ámu é. ¹⁰ Mú su Bulu igyí ahapú dehen amu bóbwe agywun bee bómɔ Lasaro é. ¹¹ Tsúfé mu kúsá tsu afúlito su Yudafo tsɔtsɔtsɔ buɔde ɔma yinkí bɔhɔ Yesu gyi.

Bɔhɔ Yesu Fé Owie Yerusalem

(Mateo 21:1-11; Marko 11:1-11; Luka 19:28-40)

¹² Ɔyi kehe a, ɔɔm amú baba nke ogyíkpa amu bonu ání Yesu ɔbá Yerusalem. ¹³ Mú su beka mbláa, bɔpu akpa beyéfia mu. Buɔde okitikíti bee, “Hosiána! Bulu oyúla ɔhá anfi ɔna aní Wíe Bulu dátó ɔbá ánfí! Bulu oyúla Israel Owíe amú!”

¹⁴ Yesu lénya afrímú akɔ, ɔɔɔɔ bian musu, fé alá bɔwanlín wá Bulu asóntó bee,

¹⁵ “Sionfɔ, mlumánya ifú!

Mli Wíe dín afrímú ibísó ɔbá á!”

¹⁶ Yesu akasípó amu bɔmákɔsí nú asón ánfí asi. Táme bréa Bulu lókúsá Yesu tsú afúlito, wá mu numnyam ɔma a, bekaín ání bɔwanlín asón ánfí tsú mu iwi. Mú bóbwe há mu a.

¹⁷ Aha ání bobuo Yesu bréa ɔleti Lasaro fúli-ɔbótó, kúsá mu tsú afúlito bɔyɔ mósú dá asón ánfí akan. ¹⁸ Iní su ɔɔm amu beyéfia mu ni. Bonu ání alabwé osúna anfi. ¹⁹ Farisifo amu bebláa aba bee, “Mlilawun ání anlabwé kásián. Mliki, ahá fee bayó bobuo mu o!”

Griikifɔ Aku Bodunká Yesu

²⁰ Griikifɔ aku bɔbu ahá amú beba Bulu osúmkrá Yerusalem Israelfɔsu Katsun Nke ámutɔ. ²¹ Bɔyɔ Filipo ání otsu Betsaida ání ibu Galilea ɔmátó wá yébláa mu bee, “Owíe, anidékléa abówun Yesu.”

²² Filipo lébláa Andrea, muva munyɔ beyébláa Yesu. ²³ Yesu lébláa amú ɔbé, “Bré lafun ání bówa Nyankpɔsa-Mu-Bi ámu numnyam. ²⁴ Ɔnɔkwali nde mli bláa. Ní kpolibí mákówíe ɔbótó, ikwe, pló á, kpoli ibi-kuɔle amu kén igyi. Táme ní ikwe, pló á, itɔbwé abí tsɔtsɔtsɔ. ²⁵ Ní akɔ tɔɔwé mu nkpa ɔyí ánfíto á, ɔbóhulí mú. Ní akɔ é tamadwé mu nkpa á, obénya nkpa ání

* 12:3 Oyí kuá butéti Naadi nlin butɔpúbwé ofobí ámu.

itamata. ²⁶ Ní mlíto oku obéé mósum mí á, ilehián ání obóbwo mí, méní obétsiá otínéá mbu. Ní oku dé mí sum á, mí Sí obówa mu numnyam.”

Yesu Lowu Iwí Asón Blí

²⁷ Yesu lóyo mósó obéé, “Séi á, asón dé mí klun háan! Amansu nébli? Blí ntebli mbéé, Mí Sí, le mí tsu ason wunhe anfito lóó? O-o, mó su neba ni. ²⁸ Mí Sí, wa fú iwí numnyam!”

Iwí á, ome oku lótsu osúsú ba obéé, “Nawá mí iwí numnyam dodo. Nétrá wa mó.”

²⁹ Bréá odam amú búlí iwí ámu bonu ome amu a, bebli beé “Opráda lapótí.” Aku é beé, “Bulu-obopu lábláa mu asón!”

³⁰ Iwí Yesu lébláa amú obéé, “Mí su ome anfi lalin, megyí mí. ³¹ Bréá Bulu obégyi oyítófo asón ní. Bréá Bulu obékpíli Obonsám, oyísú ogyípó amu obiású ní. ³² Táme mí mó á, ní bedá mí mántá oyikpalíhesu, tsú mó líí á, nékpa ahá fée ba mí iwí wá.” ³³ (Yesu lébli asón anfi pósúná lowu oduá mówu.)

³⁴ Iwí odam amu befité mu beé, “Aní mó anilónu tsú aní Mbla owulú ámuto ání Kristo, (ohá ámúú Bulu ladá mu ofúli amu) obétsiá bré fée. Mó ntogyi su fódebli fée, ilehián ání bedá Nyankpusa-Mu-Bi ámu mántá oyísú, tsú mó líí? Ma gyí Nyankpusa-Mu-Bi ámu?”

³⁵ Yesu lébláa amú obéé, “Bré kpalobí ku pé ilasí ání Wanki amu obétrá tsiá mlí wá. Iníá Wanki amu trá obu mlí wá á, mlínati wanki amuto, méní owí méeta wá mlí. Tsúfé ohá ání ona oklúnto tamabí otínéá oyó. ³⁶ Bré anfi wanki† amu trá obu mlí wá á, mlího mu gyi, méní mlóbwe wanki amu abí.”

Yudafó Yesu Mahogyi

Bréá Yesu lébláa amú ason anfi tá á, olenatí yénaín. ³⁷ Iníá obobwe osúna tsotsotsó amú ansító ó á, bumohó mu gyi. ³⁸ Iní léha Bulu onósú otóipú Yesaia asón ámúú obébli tswi dodo amu léba móto. Obéé,

“Aní Wíe, ma láho asón ámúú anilébli ámu su gyi?

Ma aní Wíe lalé mu túmi súná?”

³⁹ Mó su bumetalí ho Yesu gyi, tsúfé Yesaia létrá bí obéé,

⁴⁰ “Aní Wíe Bulu lahá bumedéwúun,

bómédé asón nu,

Mó su bumóowun ató,

bumóonu asón, méní bédamlí ba mí wá,

nétsa amú ilo.”

⁴¹ Yesaia lówun Yesu numnyam. Mó su obébli asón anfi tsú mu iwí ní.

⁴² Mó ó á, Yudafó ahande amu tsotsotsó bohó mu gyi, táme bumele amú hógyi owan. Tsúfé benya ifú ání Farisifo ámu bébi amú, gya amú lé amú ofiakpa. ⁴³ Tsúfé butekle beé ahá bukánfo amú dun ání Bulu obékanfó amú.

† 12:36 Yesu gyí Wanki amu.

Yesu Asón Bulu Ọ́bọ̀pọ̀gyi Ahá Asón

⁴⁴ Yesu lókplon bí ọ́bẹ́e, “Megyí mí nkule ọ́hagyiọ́ha ání ọ́lọ́họ́ mí gyi déhógyi. Ọ́há ámuú ọ́lọ́wa mí sísí ámu é. ⁴⁵ Ọ́hagyiọ́ha ání ọ́dẹ́ mí wúun dé ọ́há ámuú ọ́lọ́wa mí sísí ámu é wúun. ⁴⁶ Naba ọ́yí ánfító fẹ́ wanki, fẹ́kí ọ́sulúu anfisú iwanki, méní ọ́hagyiọ́ha ání ọ́lọ́họ́ mí gyi méesin oklúntá. ⁴⁷ Ní ọ́ku onú mí asón, táme omegyí mósó á, megyí mí ọ́béha mu ipón. Tsúfẹ́ mmẹ́ba asón ogyíkpa. Ahá nkpa ọ́hókpa neba. ⁴⁸ Ọ́há ání okíná mí, ọ́mọ́họ́ mí asón é bu asón ání bọ́pọ́há mu ipón. Mí ason bíhẹ́ amu ọ́béha mu ipón eke tráhe amu. ⁴⁹ Tsúfẹ́ megyí mí onutó túmi nọ́pọt́í. Mí Sí lówa mí sísí. Múlẹ́ha mí asón ání mblí, pọ́ alá mblí mó. ⁵⁰ Nyin ání mu asón ámu itehá nkpa ání itamatá. Mú su asón ání ọ́tọ́wá mí bí kóún nteblí.”

13

Akasípó Amu Ayabiasí Fwí

¹ Asa befí Israelfọ́su Katsun Nke ámu gyi así á, Yesu lébí ání mu bré lafọ́n ání médalí ọ́yí ánfító yó mu Sí wá. Ọ́dọ́dwe ahá ámuú bọ́gyi mu kẹ́ ọ́sulọ́sú nfi ámu alu yọ́fọ́n mu owuké.

² Mba mu akasípó amu befia ntọ́pwe ató ogyíkpa. Alí bré ámutọ́ á, ọ́bunsám lawúna wie Simon Iskariot mu bi Yuda klontá ání ọ́yéle Yesu ha. ³ Yesu yin ání mu Sí lópu tógyító wá mu ibitọ́. Oyin ání Bulu wá motsu ba, mu wá méyinkí yó ní. ⁴ Mú su ọ́lẹ́le ibi ọ́lẹ́pe ámutọ́, ọ́lọ́kúsu wóí mu atadié tswi, tsú ọ́san sába. ⁵ Ọ́lẹ́tséi ntsu wá onuwétó, olefi así ọ́dẹ́ mu akasípó amu ayabiasí fwí. Ọ́fwí ọ́máýín a, alapó mu osiétó ọ́san ámu tsítisi mu ayabiasí. ⁶ Bréá ilọ́tu Simon Petro a, ọ́lefíté Yesu ọ́bẹ́e, “Mí Wíé, fú ọ́bọ́fwí mí ayabiasí?”

⁷ Yesu léle mú ọ́nó ọ́bẹ́e, “Fumóonu tó ánfí ndẹ́bwe ánfí así séi. Ọ́ma asa fọ́bonu mú así.”

⁸ Mú Petro lébláa mu ọ́bẹ́e, “O-o! Mméesi, afufwí mí ayabiasí ekekekeke.”

Yesu lébláa mu ọ́bẹ́e, “Ní mmọ́fwí fú ayabiasí á, fuméenya ogyíkpa mí wá.”

⁹ Simon Petro lébláa mu ọ́bẹ́e, “Mí Wíé, megyí mí ayabi nkule. Wuna fwí mí ibi pọ́ mí nwuntá é.”

¹⁰ Yesu lébláa mu ọ́bẹ́e, “Ọ́há ání alabie ntsu métrá hián nsubié. Mboún mu ayabiasí fwí pé, tsúfẹ́ alalín dodo. Mli iwí lalín, táme megyí mli fẹ́é.” ¹¹ (Yesu lébláa mu alí, tsúfẹ́ oyin ọ́há ání ọ́béle mu há. Mú su ọ́leblí ọ́bẹ́e, “Megyí mli fẹ́é lalín” ní.)

¹² Bréá ọ́bọ́fwí amó ayabiasí tá á, ọ́lẹ́latsú mu atadié wá, yínkí yétsiá ọ́pónú ámu así. Mú ọ́lefíté amó ọ́bẹ́e, “Mlilanú itó ánfí nabwé há mli ánfí así? ¹³ Mlitetí mí ‘Osunápó,’ mlitetí mí ‘Owíé.’ Mú ọ́kpa ní, tsúfẹ́ mó ngyi ní. ¹⁴ Ní mí ání ngyi mli osunápó pọ́ mli Wíé, nafwí mli ayabiasí á, múmú ilehián ání mli é mlọ́fwí mli aba ayabiasí. ¹⁵ Nabwé súná mli, méní mló́bwe

mó alí á múú nabwé mó há mlí ámu. ¹⁶ Ɔnɔkwali nde mlí bláa. Osúmpú ɔkuku módun mu wie. Alí kén sumbí ɔyɔpú módun ɔhá ání ɔlɔwa mu ní. ¹⁷ Iníá mlílábí ɔnɔkwali anfi á, Bulu obóyulá mlí ní mlegyi mósó.

¹⁸ “Megyí mlí fée iwí asón ndeblí. Tsúfée nyin ahá ání nalé. Táme lehián ání Bulu asón anfi íbéba mótó. Asón ámu ɔbée, ‘Ɔhá á múú mía mɔnyɔ anidé íbí wa ɔlepɛtɔ ámu lakósú líí mísú.’” ¹⁹ Nde mlí bláa séi asa íba, méní ní íbá á, mlíhɔ mu gyi ání mígyí ɔhá á múú mbée ngyi ámu ní. ²⁰ Ɔnɔkwali nde mlí bláa. Ɔhagyíɔha ání ɔlɔhɔ ɔhá ání nɔwa sumbí lahɔ mu. Alí kén ɔhagyíɔha ání ɔlɔhɔ mí lahɔ mí Sí ámu ɔlɔwa mí sísí ámu é ní.”

Yesu Le Há

(Mateo 26:20-25; Marko 14:17-21; Luka 22:21-23)

²¹ Bréá Yesu léblí asón anfi tá á, asón ihíe de mu háan mu klɔntɔ. Mó su olowunáa kpa mó tati ɔbée, “Ɔnɔkwali nde mlí bláa, mlíto ɔkule ɔbéle mí há.”

²² Akasípú amu bekpélé kí aba ansító, tsúfée bɔmeyín amótó ɔmɔá ɔde. ²³ Akasípú amɔto ɔkuleá otsie mantáa Yesu, gyí ɔmɔá Yesu tɛhíe dwé ní. ²⁴ Mó su Simon Petro lóbun mu ansíbi ɔbée, ɔfite mu ɔhá ání ɔbéle mu há.

²⁵ Múú ɔkasípú amu léyinkí kpísá Yesusu, fíte mu ɔbée, “Mí Wíé, ma ɔbéle fú há?”

²⁶ Yesu lébláa mu ɔbée, “Ɔhá á múú nébia bodobodo, púdá oputsútó há ámu gyí mu ní.” Inu olebia bodobodo púdá oputsútó há Yuda, ogyi Simon Iskariot mu bí. ²⁷ Olenya hɔ mó alí, Ɔbunsám lówie mɔtɔ. Mó su Yesu lébláa mu ɔbée, “Bwe tóá fɔdekléá fóbwe sasa!” ²⁸ Ahá á múú bɔtsie ɔpónú ámu asi ámɔto ɔkuku mébí tóá svá Yesu lébláa mu asón anfi. ²⁹ Amótó aku bukí bee, Yuda gyí amó sikasu ɔkípu. Fíalí Yesu dé mu bláa ɔbée, ɔyóhɔ atóá bópɔgyi nke ámu, ntée ɔpúu tɔku ya ahiánfɔ.

³⁰ Yuda lénya hɔ bodobodo amu alí, ɔledali. Owí latá alí bré ámu.

Mbla Pɔpwe

³¹ Yuda lénya dáli obuto inu alí Yesu léblí ɔbée, “Bréá Mí, Nyankpɔsa-Mu-Bí anfi numnyam béln ɔwan ní. Bulu ɔbótsun misu lé mu numnyam ɔwan. ³² Ní ɔtsun misu lé mu numnyam ɔwan á, alí kén ɔbótsun mu iwísu lé mí numnyam ɔwan ní. Ɔbówa mí numnyam inuɔnu. ³³ Mí abí, mméetrá tsiá mlí wá, wá ɔpá. Mlódunká mí. Alí á múú nebláa Yudafo ahande amu mbée, ‘Mlíméetalí ba ɔtínéá nɔyó ámu’ a, alí kén nde mlí bláa mlí é ní. ³⁴ Mbla pɔpwe ndewa há mlí mbée, mlídwɛ aba. Alí á múú nɔdwe mlí ámu a, alí kén mlípú ɔdwe ámu dwe mlí aba ní. ³⁵ Ní mlídé aba dwe á, íbósuná ahá fée ání mí akasípú mlígyí.”

Petro Ɔbóswí Ɔbée Mɔmeyín Yesu

(Mateo 26:31-35; Marko 14:27-31; Luka 22:31-34)

³⁶ Simon Petro léfité Yesu ɔ́bée, “Mí Wíé, nkónu fɔ́yó?”

Yesu léle mú ɔ́nɔ́ ɔ́bée, “Ɖ́tíné á múú nɔ́yɔ́ á mu a, fóméetali buo mi yó unu séi. Táme ɔ́ma a, fóbobuo mi.”

³⁷ Petro léfité mu ɔ́bée, “Mí Wíé, ntogyi só mméetali buo fu séi. Nówu fú sù!”

³⁸ Yesu léfité mu ɔ́bée, “Fówu mí sù? Ɖ́nɔ́kwali nde fú bláa. Fósuwí pú ibi wá ogyá tse sa fée fómeyín mí asa bate ɔ́bée ɔ́nɔ́.”

14

Ɖ́sí Amu Wá Ɖ́kpa

¹ Yesu lébláa mu akasípú amu ɔ́bée, “Opúni mátsií mli. Mliho Bulu gyi, amlihɔ́ mi gyi. ² Otsiákpá tsɔ́tsɔ́tsɔ́ bu mí Sí wóyító. Ní otsiákpá ma unu á, teki mmebláa mli mbée neyéla unu yáí mli. ³ Ní nɔ́yɔ́ yéla otsiákpá amu yáí mli tá á, néyinkí bá bekpa mli yáa mí unu wá, méní mlétsiá ɔ́tínéá mbu. ⁴ Mliyin ɔ́kpa ání ida yɔ́ ɔ́tíné á múú nɔ́yɔ́.”

⁵ Inu Toma léfité mu ɔ́bée, “Mí Wíé, anímeyín ɔ́tínéá fɔ́yó, nkáli abóbwe abébi ɔ́kpa ámu?”

⁶ Yesu léle mú ɔ́nɔ́ ɔ́bée, “Mígyí ɔ́kpa ámu, ɔ́nɔ́kwali amu pú nkpa ámu. Ɖ́haa méetali yó mí Sí ámu wá, nkéti alatsun misu. ⁷ Ní mliyin mi lélé á, teki mlilabí mí Sí ámu é. Táme séi mú mlilawun mu, mlilabí mu é.”

⁸ Filipo lébláa mu ɔ́bée, “Ani Wíé, suna ani fú Sí ámu. Mú kpán tsɔ́ ani.”

⁹ Yesu léfité mu ɔ́bée, “Filipo! Mbu mli wá dododo. Mú sù fómókóbí mí? Ɖ́hagyíha ání alawun mi ki lawun mí Sí ámu. Ntogyi só fúdeblí fée, nsúna mli Ɖ́sí ámu? ¹⁰ Fómohogyi ání mbu mí Sí ámutɔ́, mu é ɔ́bu mitɔ́? Asún ánfí nde mli bláa anfi motsú mí onutó wá. Mboun mí Sí á múú ɔ́bu mitɔ́ ámu dé mu agyómá yɔ́. ¹¹ Ní nde mli bláa mbée, mbu mí Sí ámutɔ́, mu é ɔ́bu mitɔ́ á, mliho mi gyi. Ní mlímóhɔ́ asún ámussu gyi óó á, ofúla amúú ndebwe ámu sù mliho mi gyi. ¹² Ɖ́nɔ́kwali nde mli bláa. Ɖ́hagyíha ání ɔ́hɔ́ mi gyi a, ɔ́bóbwe itáá ndebwe. Ɖ́bóbwe mú dun mí klé, tsúfé mí mú nɔ́yɔ́ mí Sí ámu wá. ¹³ Nóbwe tógyítá mlókólí mí idátó há mli, méní nówa mí Sí ámu numnyam. ¹⁴ Ní mlókólí tógyító mí idátó á, nóbwe mú.

Ɖ́he Wankíhé Amu Ibá

¹⁵ “Ní mlitɔ́dwé mí á, mlégyi mí mblasu. ¹⁶ Nókólí mí Sí, ɔ́bópu Ɖ́ma Ɖ́lípú bambá sísí mli, ɔ́béba betsiá mli wá bré fée. ¹⁷ Mogyí Ɖ́he Wankíhé. Mutósúná ɔ́nɔ́kwali ání ibu Bulutɔ́. Ɖ́yító ahá buméetali hɔ́ mu, tsúfé bumédé mu dunká. Buméebi mu é, táme mli mú mliyin mu, tsúfé ɔ́bu mli wá, obétsiá mlitɔ́.

¹⁸ “Mméesi mli tswi fé awumbi. Néyinkí bá mli wá. ¹⁹ Ilasi kpalobí ɔ́yító ahá buméetrá wun mi, táme mli mú mlówwun mi. Iníá mbu nkpa sù á, mli é mlétsiá nkpa. ²⁰ Ní eke ámu ifun a,

mlébi ání mbu mí Sí ámutò. Mli é mlibu mitò fé alí ámúú mí é mbu mlitò ámu.

²¹ “Ahá ání bude mí mblasu gyí a, amógyi mí adwepú ní. Ohagyíoha ání otòdwé mí á, mí Sí obòdwe mu. Mí é nòdwe mu, lé mí iwí owan súná mu.”

²² Múb Yuda (megyí Yuda Iskariot) léfite mu obéé, “Mí Wíe, ntogyi sù aní nkòle pé féle iwí owan súná, megyí oyítò ahá féé?”

²³ Yesu léle mú onò obéé, “Ní oku dé mí dwe á, obóbwe dínká mí atosunáhésu. Mí Sí obòdwe mu. Mía mí Sí ámu nyò abéba betsiá mu wá. ²⁴ Ohá ání otamadwé mí omóbwe dínká mí atosunáhésu. Asón ání ndéblí mlidenu ání motsú mí onutò wá. Mí Sí lówa mí, mu wá itsú.

²⁵ “Nde mli asón ání bláa, séi ání mbu mli wá. ²⁶ Táme Oma Ohípó, ogyi Ohe Wankíhé amúú mí Sí obòpòsisi mí idátò ámu obòsuná mli tógyítò. Obékaín mli asóngyiasón ání nebláa mli.

²⁷ “Iwilwii nde mli ha! Napó mí iwilwii há mli. Megyí mú amúú oyítòfò butehá ámu odu. Mlumáha opúni itsii mli. Ifú é mákitá mli. ²⁸ Nabláa mli bətsun mbéé, ndenati, táme néyinkí bá mli wá. Ní mlitòdwé mí á, tekí mlénya ansigyí ání ngyó mí Sí wá, tsufé odun mu. ²⁹ Nde mli ínì féé bláa yaí, ménì ní íbá mótò á, mlóhogyi. ³⁰ Mmétrá tói yó nkpa, tsufé oyísú ogyípú ámu obá. Oma túmì mísó. ³¹ Ntonú mí Sí omé, ménì oyítòfò bébi ání ntòdwé mu.

“Mlikusu anati.”

15

Wáin Oyi Onutó

¹ Yesu léblí obéé, “Mígyí wáin ifla onutò. Mí Sí gyí mú odòpu. ² Bámbigyíbambiá ibu mí iwí, itamaswíé á, otèkpálí mú tsítsá. Táme kugyíkwa itoswíé á, otelá mú wankláán, ménì íbòswie tsòtsòtsò dun. ³ Mí atosunáhé anfi mlánú ání su mli iwí latin dodo. ⁴ Mlitsia mítò, mí é antsia mlitò. Bámbi kukukuku méetalí swíé abí, nkéti itsa mú oyísú brégyíbré. Alí kén mli é mliméetalí swíé abí, nkéti mlibu mitò ní.

⁵ “Mígyí wáin ifla ámu. Mligyí mú abámbi. Ohá ání obu mitò, mí é mbu mutò obòswie abí tsòtsòtsò, tsufé mliméetalí bwé tətətə tsun mí oma. ⁶ Ohagyíoha ání ometsie mitò gyí fé bambia bakpálí mú bun, íbòwoli, békpa mú wá ogyá. ⁷ Ní mlitsie mitò, mí asón é ibu mlitò á, mléfite mí Sí tógyítòá mlidéklé, obéha mli. ⁸ Ní mloswíé abí tsòtsòtsò á, íbòwa mí Sí numnyam. Mú obòsuná ání mí akasípó mligyí ní. ⁹ Alí amúú mí Sí tòdwé mí ámu a, alí kén mí é ntòdwé mli ní. Mlitsia mítò, ménì nòdwe mli yó. ¹⁰ Ní mlegyi mí mblasu á, nòdwe mli yó, fé alí amúú mí é ntegyi mí Sí mblasu, otòdwé mí yó ámu.

¹¹ “Nabláa mli asón ání féé, ménì ansigyí amúú ibu mitò ámu bétsiá mlitò. Fówun ansí bégyi mli wankláán. ¹² Mbla ání ndepuhá mli gyí; mlidwe aba fé alíá ntòdwé mli. ¹³ Odwe kuku

mədón aní oku obówu mu nyawie nwunsu. ¹⁴ Ní mlegyi mí mblasu á, mí anyawie mligyí. ¹⁵ Mmétrá ti mli mí asúmpó. Tsúfé osúmpó méyín tóá mu wie dēbwe. Nde mli mí anyawie, tsúfé nabláa mli tógyítá nonu tsú mí Sí wá. ¹⁶ Megyi mli léle mí. Míléle mli yáí mbéé, mliyóo amliyoswie abía ibétsiá bré féé, méní mí Sí obéha mli tógyítá mlókulí mu mí idátó. ¹⁷ Mbla aní ndewa há mli gyí, ‘Mlidwe aba.’

Ahá Bólu Mli

¹⁸ “Ní oyító ahá bode mli lu á, mlikaín aní mí begyankpá lú. ¹⁹ Ní oyító ahá mligyí a, teki oyító ahá bódwe mli fé amú abí. Táme nalé mli tsú oyítófóto, su mli má amótó. Iní su oyítófó botolú mli ní. ²⁰ Mlikaín asón amú nabláa mli mbéé, ‘Osúmpó okuku módon mu wie’ amusu. Ní ahá budi mí sù a, mli é bédinká mli su. Ní begyi mí asónsù á, mli é bégyi mli asónsù. ²¹ Táme míbú mli, su bópu iní féé gyi mli, tsúfé bumeyín ohá amú olwa mí amú. ²² Ní mməkóbláa amú asuansu á, teki buma ipón kuku gyí. Táme séi anfi mú buma onó lé. ²³ Ohagyíha aní otolú mí tolú mí Sí é. ²⁴ Nabobwe agyómá aní ohaa mókóbwé mú odu ki amótó. Ní bumapu amú ansíbi wun mú á, teki Bulu mééha amú ipón. Bowun tóá nobwe asa bode mía mí Sí lu. ²⁵ Ilehían aní ibéba ali, méní asón amú bowanlín wá amú Mblato beé, ‘Bolu mí kpaali’ amú ibéba mótó.

²⁶ “Nówa Oma Olípó obótsu mí Sí wá bá. Mogyí Ohe Wankíhé amú. Mutósúná onokwali aní ibu Bulutó. Obégyi mí iwí adánsie. ²⁷ Mli é mlégyi mí iwí adánsie, tsúfé mlilatsiá mí wá tsú bréá nefi ató suná asi.

16

¹ “Nabláa mli asón anfi féé, méní mli méedida hógyito. ² Yudafo ahande bégya mli lé amú ofiakpa. Bré ku kúráá ibéba aní ahá bómó mli, súsú beé Bulu agyómá bodeyo. ³ Bópu iní gyi mli, tsúfé buməkóbí mí ntée mí Sí amú. ⁴ Táme nabláa mli asón anfi, méní ní ibá á, mlékain aní nabláa mli yáí.

Ohe Wankíhé Gyumagyihe

“Mməkási bláa mli asón anfi, tsúfé mbu mli wá. ⁵ Táme séi nde mli bláa, tsúfé nayo ohá amú olwa mí sí sí amú wá. Táme mli to okuku méfité mí obéé, ‘Nkónú fayó.’ ⁶ Iní nabláa mli asón anfi su á, awireho lahié kítá mli. ⁷ Táme nde mli onokwali bláa. Okláa lawá mli ogyá aní nayo. Tsúfé ní mməyo á, Oma Olípó amú améeba mli wá. Táme ní nayo á, nópu mu sí sí mli. ⁸ Ní obá á, obéle súná oyító ahá aní lakpanbwe su bafwí, obéle tóá igyi Bulu yilébwe pó mu asóngyí é súná amú. ⁹ Bébi aní mí sù máhogyi igyi lakpan. ¹⁰ Bébi tóá igyi Bulu yilébwe, tsúfé nayo mí Sí wá, mli méétrá wun mi ekekeke. ¹¹ Bébi tóá igyi Bulu asóngyí, tsúfé Bulu lahá obunsám, ogyi oyísú ogyípó amú ipón dodo.

12 “Mbụ asón tsòtsòtsò ání nébláa mị, táme míméetalí nú mó fée asị séi. 13 Ọhẹ Wankíhé amụ tósúná ọ̀nkwali ání ịbụ Bulutò. Ní ọ́bá á, ọ̀b́éle asón ání igyi ọ̀nkwali fée súná mị. Tsúf́é megyí mụ onutó túmitò ọ̀b́ótáí, mbóun ọ̀b́éblí asón kugyíkwa ólonu. Ọ̀b́ébláa mị ḿá ịb́éba é. 14 Ọhẹ ámụ ọ̀b́owa mí numnyam, tsúf́é ọ̀b́ébláa mị asón ání nteblí. 15 Tógyítá mí Sí b́u a, mí bú. Mó sụ nabláa mị mb́éé, Ọhẹ ámụ ọ̀b́ébláa mị asón ání nteblí ní.

Akasípó Amụ Awirehọ Pó Ansigyí

16 “Ịlasi kpalobí míméetrá wun mị, táme imóowa ọ́pá kuku mlélawun mị.”

17 Akasípó amụtò akụ befíté aba b́éé, “Ngya ntò asón ní? Ọ̀b́éé, Ịlasi kpalobí, aníméetrá wun mụ, táme imóowa ọ́pá kuku, abélawun mụ. Ọ̀b́éblí é ọ̀b́éé, ‘Nọ́yó mí Sí wá?’ 18 ‘Ịlasi kpalobí’ ánfí asị mé? Anímédé asón ánfí ọ̀b́éblí ánfí asị nu.”

19 Yesu lébì ání akasípó amụ b́udeklé abufite mụ asón ámụtò. Mó sụ ọ̀b́ébláa amó ọ̀b́éé, “Blí ndeblí mb́éé, Ịlasi kpalobí míméetrá wun mị. Táme imóowa ọ́pá kuku mlélawun mị. Ịnị mlídé aba fité ní? 20 Ọ̀nkwali nde mị bláa. Mlósu kpisíí, táme ọ́yító ahá mó b́enya ansigyí. Mlégyi awirehọ, táme mị awirehọgyí amụ ịb́éba bemlí ansigyí. 21 Ní ikwú de ọ́tsi dwiín á, ahụmití tekítá mụ, tsúf́é mụ iwiasin wúunbì lafón. Táme onyákwwí tá pé ọ́tetan mụ iwiasin ámụsụ, tsúf́é ansí de mụ gyí ání makwíí obí wá ọ́yító. 22 Alí kén igyi há mị ní. Ahụmití de mị séi, táme nélawun mị. Mó sụ mléhié nyá ansigyí ání ọ́haa méetalí ká mị itin.

23 “Alí eke ámụ a, míméetrá kulí mí tótòtò. Ọ̀nkwali nde mị bláa. Tógyítá mlókulí mí Sí mí ịdátó a, ọ̀b́éha mị. 24 B́otù nde mímókófité tótòtò mí ịdátó. Mlufite, ọ̀b́éha mị, méní ịb́éhié wá mị ansigyí.

Yesu Ọ́yísó Gyí

25 “Nde mị asón ánfí bláa ayébisu, táme bré kù b́éba, mméetrá t́í ayébisu. Nówuná kpa mí Sí asón tati súná mị. 26 Tsú bré ámụsụ ṕya a, mlókulí mí Sí ámụ ató mí ịdátó. Mmedéblí mb́éé, mí ọ̀b́ókulí mụ ató há mị. 27 Tsúf́é mí Sí ámụ onutó t́d́wé mị. Ọ́t́d́wé mị, tsúf́é mlít́d́wé mí, mlilahogyi ání notsú mụ wá. 28 Mí Sí wá notsu ba ọ́yító. Séi á, ndeyinkí tsú ọ́yító nọ́yó mí Sí ámụ wá.”

29 Ịnụ akasípó amụ bebláa mụ b́éé, “Eh́één! Séi mó á, fotŕáa fomédétóí ayébisu. 30 Séi mó anílabí ání foyin tógyító. Mó sụ mehián ání ọ́haa ọ̀b́étrá fité f́ó asụansu. Ịnị lahá anilahogyi ání lélé fotsú Bulu wá.”

31 Yesu léfité amó ọ̀b́éé, “Séi mó mlilahogyi? 32 Bré kù ịb́á. Ịlafón ta, mlédasáín. Mlító okugyíokù ọ̀b́óyó mụ otsukpá sí mí. Táme iméesi mí nkòle, tsúf́é mí Sí ámụ bụ mí wá. 33 Nabláa mị

asón ánfí féeé, méní mlótsun misu nyá iwílwii. Mlówun ιωιουδιν ογι ánfíto, táme mliwa klun, tsúfé nagyí ογισό dodo!”

17

Yesu Lóbò Mpáí Mv Akasípú Nwunsv

¹ Yesu lébli asón ánfí tá, olotsu ansí fóa kí οσόςú bó mpáí οβέε, “Oo mí Sí, bré lafòn. Wa mí numnyam, méní mí é nówa fú numnyam. ² Tsúfé feha mí túmi ahá féeésú, ání nháa ahá ání feha mí féeé nkpa ání itamatá. ³ Nkpa ání itamatá ámu gyí, bubú fú Bulu Onakwalipu okokónú okole pé ánfí, abubu mí Yesu Kristo anfi fəpəsísí ογító ánfí. ⁴ Nawá fú numnyam οsolóu anfisú, tsúfé namó agyómá ámóú fəpυhá mí ámu féeé onó. ⁵ Mí Sí! Wa mí numnyam fú ansító nya, fé alí ámóú mbu mó fú wá yáí asa fəbwe ογι ámu.

⁶ “Nalé fú súná ahá ámóú fele ογító há mí ámu. Fóbú amó, fəpu amó há mí, bagyi fú asónsú. ⁷ Séi babí ání tógyítóá mbu itsú fú wá. ⁸ Tsúfé nabláa amó asón ání fəpυhá mí féeé, banú. Babí ání lélé fú wá notsú, bahogyí ání fólówa mí.

⁹ “Nde fú kokóli ha amó. Megyí ογító ahá féeé nde mpáí bə há. Mboun ahá ámóú fəpυhá mí ámu, tsúfé fóbú amó. ¹⁰ Mí klé igyi fú klé, fú klé é igyi mí klé. Fatsun amósó lé mí numnyam οwan. ¹¹ Nebá fú wá séi. Mmétrá tsiá ογító, táme amó mó bubu ογító. Mí Sí Wankihé, pu fú ida ámóú fəpυhá mí ámu túmi kí amósó, méní bóbwe kole fé alí ámóú mía fonyo anigyí kole amu. ¹² Bréá mbu amó wá á, nekitá amó wankláán, ida ámóú fəpυhá mí ámu túmitə. Nele ansí kítá amó wankláán. Mmeha amótó okoku mófwí, dun οmυamóú ida yai ání οβéhi ámu, féki Bulu ason wanlínhé amu ibéba mótó. ¹³ Nebá fú wá séi. Táme bré ánfí ntráa mbu ογító nfi nde asón ánfí blí, méní bénya ansigyí fé alí ámóú mí é mbu ansigyító amu. ¹⁴ Nabláa amó asón ámóú febláa mi ámu. Mó su ογító ahá bude amó lu, tsúfé butráa bomegyí ογítófo, fé alí ámóú mí é mmegyí ογítóyín amu. ¹⁵ Mmedébli mbée, fulée amó le ογító. Mboun mbée fokú amósú wankláán, méní bumóowie lalahe οbwepó* ámu ibitə. ¹⁶ Alí ámóú mmegyí ογítóyín ngyi ámu a, alí amó é bomegyí ογítófo ní. ¹⁷ Fú asón ámu gyí onakwali. Tsun mósú afəpu amó bwe fú klé. ¹⁸ Alí ámóú fəwa mí sísi ογító ámu a, alí mí é nawá amó sísi ní. ¹⁹ Amó su nəpu iwí há fú, méní amó é bótsun onakwali amusu mlí fú klé.

²⁰ “Megyí mí akasípú amu nkole nde mpáí bə há. Mboun ahá ání bótsun amó atosunáhésu hə mi gyi féeé ndebə há. ²¹ Nde mpáí bə mbée, amó féeé bubwée kole. Mí Sí, alí ámóú fəbu mitə, mí é mbu foto ámu a, ha amó é abutsia anitə alí kén, fówun ογító ahá bóhogyi ání fólówa mí sísi ογító. ²² Nawá ahá ánfí numnyam amóú fəwa mí ámu, méní bóbwe kole fé alíá ntsu tamatsun mía

* 17:15 Obunsám gyi lalahe οbwepó.

fonyo nsiné. ²³ Mbu amótó fé alíá fubu mito, méní bóbwe kole, ntsu móatsun amó nsiné. Ní íbá alí á, oyító ahá bébì aní fólówa mí, fótádwé amó fé alí ámúó fótádwé mí ámu.

²⁴ “Mí Sí! Ndeklé mbéé ahá ámúó fəpohá mí ámu bétsiá mí wá otíné ámúó mbu amu. Fówun bówun numnyam amúó fowa mí ámu. Tsúfé fótádwé mí asa fəbwe oyí. ²⁵ Mí Sí Yilé obwepó! Oyítófə bumebi fú, táme mí mu nyin fu. Ahá ánfí é boyin aní fólówa mí sísí oyító. ²⁶ Nele fú súná amó. Nétrá le fú súná amó. Fówun odwe amúó fótádwé mí ámu itsia amótó, méní mí é nétsiá amótó.”

18

Yesu Kitá

(Mateo 26:47-56; Marko 14:43-50; Luka 22:47-53)

¹ Yesu lóbo mpái ánfí tá á, mva mu akasípú amu benatí yótsun Kidron tsonkolitə wíé ndobii koto. ² Yuda amúó olele Yesu há ámu é yin ndobii amoto, tsúfé Yesu mva mu akasípú butetsiá yéfia unu. ³ Mó su Yuda lékpa Romafə isá akəpú pú Bulu otswékpa agyópu akúá Bulu igyí ahapó dehen pú Farisifə bəwa, bəyo unu. Bude mbia, nkandíe pú akotó. ⁴ Iníá Yesu yin tóá íbá musu su á, əledali fia amó, fité amó obéé, “Ma mlidédunká?”

⁵ Bele mó onó beé, “Yesu Nasaretyin amu.”

Yesu lébláa amó obéé, “Mí ní.”

(Yuda amúó ode mu le há ámu é líí amó wá unu.) ⁶ Bréá Yesu lébláa amó obéé, “Mí ní!” á, besankí yédida lalá kpla. ⁷ Yesu ləlafité amó obéé, “Mbéé, ma mlidédunká?”

Bebláa mu beé, “Yesu Nasaretyin amu.”

⁸ Yesu lébláa amó obéé, “Nakú bláa mli mbéé, mí ní. Mó su ní mí mlidédunká mó á, mliha ahá ánfí abonati.” ⁹ (Olebláa amó alí, méní asón ámúó əleblí ámu íbéba móttó. Obéé, “Ahá ámúó fəpohá mí ámuto əkoku mófwi.”)

¹⁰ Inu á, Simon Petro dé odayí iya anyo, əlebití mó lé, kpá Bulu igyí əhapó dehen osúmpú gyəpi isu. Osúmpú amu ídá gyí Malkus. ¹¹ Yesu lébláa Petro obéé, “Sankia fú odayí wa mó əfletə! Imehián aní nówun iwəsin aní mí Sí lahá mí obéé nwúun lóó?”

Yesu Kpa Ya Hana

(Mateo 26:57-58; Marko 14:53-54; Luka 22:54)

¹² Inu isá akəpú ámu, amó əhande pú Bulu otswékpa agyópu amu bekítá Yesu, klí mu íbì. ¹³ Begyankpá kpá mu ya Kaiafa mu sia Hana. Kaiafa gyí Bulu igyí əhapó dehen ofi ámuto ní. ¹⁴ Mólébláa Yudafə ahande amu obéé, íbu aléá əbakóle obówu ahá féé nwunsu ní.

Petro Lékiná Yesu

(Mateo 26:69-70; Marko 14:66-68; Luka 22:55-57)

15 Simon Petro muwa akasípú bambá bobuo Yesu. Bulu igyí ðhapú dehen amu yin akasípú bambá ánfí wankláán. Mú su olobuo Yesu bitíwíé Bulu igyí ðhapú dehen amu wóyító. 16 Táme Petro mú lési ðlú wóyí ámu ðnó. Akasípú bambá ánfí óyin Bulu igyí ðhapú dehen anfi lédalí yébláa otsibi ðkuá ðde wóyí ámu ðnó gyo, ðlekpa Petro ba wóyí ámu. 17 Otsibi amu léfité Petro ðbéé, “Megyí oyin ámu akasípú amu ðku fógýi?”

Petro léle mú ðnó ðbéé, “Èkekèeke. Mma amótó.”

18 Atsalí bu inu. Mú su asúmpú pú agyópu amu bòdudá ogyá, bulí mú asi. Petro é léyelí amú wá, ðde ogyá ámu núu.

Bulu Igyí ðhapú Dehen Léfité Yesu Asón

(Mateo 26:59-66; Marko 14:55-64; Luka 22:66-71)

19 Bulu igyí ðhapú dehen amu léfité Yesu asón, tsú mu akasípú pú mú atosunáhé iwí. 20 Yesu léle mú ðnó ðbéé, “Ahá ansító nelí blí mí asón fée. Netsiá súná ató Yudafo ofiakpa pú Bulu ðtswékpa, ðtínéá ahá fée butefia. Mmèblí aswansu nájinto. 21 Ntogyi sù fòde mí asón ánfí fité. Fite ahá ání bonu asón ání nèblí. Amú yín asón ání nèblí.”

22 Bréá Yesu léblí asón ánfí á, inu agyópu amu ðku alá ðlú mantáa mu léda mu isu, fité mu ðbéé, “Alí féle Bulu igyí ðhapú dehen asón ðnó ní?”

23 Yesu lébláa mu ðbéé, “Ní nablí asukpan á, le mú blí ðhagyí ðha onu. Táme ní ðnòkwali nablí á, ntogyi su fòde mí da?”

24 Yesu trá ðda ðfétó ðhande Hana lópu mu sísi Bulu igyí ðhapú dehen Kaiafa.

Petro Létrá Kiná Yesu

(Mateo 26:71-75; Marko 14:69-72; Luka 22:58-62)

25 Simon Petro trá ðlú ogyá ámu asi, ðku léfité mu ðbéé, “Megyí oyin ánfí akasípú amu ðku ðkule fógýi?”

Petro lóswí ðbéé, “Èkekèeke. Mma amótó!”

26 Bulu igyí ðhapú dehen amu osúmpú ðku, ogyi ðhá amú Petro lékpa mu isu kule amu mu pio léfité Petro ðbéé, “Megyí fúa mu nyò nowun ndobii amu ní?”

27 Petro létrá swí pú ibi wá ogyá. Inonu bate lóbòn.

Yesu Kpa Ya Pilato

(Mateo 27:1-2, 11-14; Marko 15:1-5; Luka 23:1-5)

28 Jyi kèhe bakè-bakè a, bekpa Yesu tsú Kaiafa wóyító ya Roma ðhande ání ðde Yudea ðmáso gyí wóyító. Yudafo ahandè amu bu medékléá bópu ifin da iwí. Mú su bu mebitiwíé wóyító inu. Tsúfé bu dekléá béki ání amú iwí letin, méni bétalí gyi Israelfòsu Katsòn Nké ámu.* 29 Mú alí su Pilato lédalí ba kpankpá befíté amú ðbéé, “Amansu mlibu blí tsú oyin ánfí iwí?”

* 18:28 Ní fowíé ðhá ání omegýi Yudayin wóyító a, ifin lada fu.

³⁰ Bebláa mu bee, “Ní ohá ánfí mókóbwé lakpan á, teki animékpa mu ba fu.”

³¹ Pilato lébláa amú obéé, “Mómú mlíkpa mu ya, amliyegyi mu asún mli mbala onó.”

Yudafó ahande amu bele mú onó bee, “Animá okpa mó oha.”
³² (Asún ánfí léba mótó, méní asún amúú Yesu léblí tsú mu lowu ání obówu iwí ámu íbéba mótó.)

³³ Inu Pilato léyinkí wíé wóyító. Múú oleti Yesu, fité mu obéé, “Fógýí Yudafó owíe amu ni?”

³⁴ Yesu léle mú onó obéé, “Fú onutó ason fitéhé igyi, ntée aku lábláa fu mí iwí asún?”

³⁵ Pilato léle mú onó obéé, “Yudayin ngyi? Fú onutó ahá pú Bulu igyi ahapú dehen lékpa fú ba mi. Ntó fabwé?”

³⁶ Yesu lébláa mu obéé, “Megyí oyi ánfíto nde iwíe gyí. Ní oyi ánfíto á, teki mí abúopu bókó ho mi. Búmécha bumóopu mí wá Yudafó ahande íbitó, táme megyí oyi ánfíto nde iwíe gyí!”

³⁷ Pilato léfité mu obéé, “Mómú yéé owíe fuyi á?”

Yesu léle mú onó obéé, “Onokwali fablí fee Owíe ngyi. Mí á, bókwi mí neba oyi ánfíto ání mbá ambegyi onokwali amu iwí adánsie. Ohagyíoha ání ogyi Onokwali amu klé teyaa asu nú mí ome.”

³⁸ Pilato léfité mu obéé, “Ntó gyí onokwali amu?”

Pilato Léha Okpa Obéé Búmóú Yesu

(Mateo 27:15-31; Marko 15:6-20; Luka 23:13-25)

Pilato léblí asún ánfí tá á, oletrá dali yó Yudafó ámu wá wóyí onó inu. Obebláa amú obéé, “Mmókówun lalahé kókukvá nópohá oyin ánfí ipón. ³⁹ Táme mli amándíé onó á, ntesí obu odipó okule há mli Katsun Nke kugyíkoto. Mhídéklé mlíaa, nsii Yudafó Owíe anfi ha mli?”

⁴⁰ Bókplón le mú onó bee, “Ekekeke! Megyí mu. Si Baraba ha ani.” (Ogyo otswapú Baraba é gyí).

19

¹ Inu Pilato léha bekpa Yesu ya, yépití mu ató wankláán. ² Isá akópú ámu bəb obungyo-awu, bwé mú owíepa bun mu nwun, bəwa mu ligá pepe ku. ³ Inu benatí bwé mu ahinlá bee, “Yudafó Owíe, fú nkpasu onlinsu!” Fówun badá mu isoto kpa.

⁴ Pilato letrá dali yó wóyí onó inu yébláa amú obéé, “Nakpá mu neba mli, amliwun ání mmókówun lalahé koku mu iwí.” ⁵ Bréá Yesu lédali ba a, obungyo-awu ipa ámu bun mu nwun, əbwa ligá pepe amu. Pilato lébláa amú obéé, “Mu ni!”

⁶ Bulu igyi ahapú dehen pú Bulu otswékpa agyópu amu benya wun mu pé, bəsurá okitikíti blí bee, “Da mu manta oyikpalíhesu! Da mu manta oyikpalíhesu!”

Pilato lébláa amú òbée, “Mli onutó mlikpa mu ya, amliyeda mu manta oyikpalíhesu. Mí mú mmákówwun lalaha koku mu iwíá nópuhá mu ipón.”

⁷ Yudafo ámu bebláa mu bee, “Ani mbla onó á, ilehián aní obówu. Tsúfé òleblí òbée, Bulu mu Bi mugyi.”

⁸ Bréá Pilato lónu asón ánfí á, ifú létrá kitá mu tsía mótó.

⁹ Oleyinkí yó mu wóyító yéfité Yesu òbée, “Nkónó fotsú?”

Táme Yesu mékpala mu. ¹⁰ Mú su Pilato léfité mu òbée, “Fóméekplá mí? Fómeyín aní mbu túmiá nétalí sí fú ntée nétalí há beda fú mántá oyikpalíhesu mó fú?”

¹¹ Yesu léle mú onó òbée, “Ní megyí Bulu léha fú òkpa á, teki foma túmi koku mísú. Iní su òhá amú òlòpu mí wá fú ibitò ámu lakpan òn fú klé.”

¹² Pilato lónu asón ánfí á, olekle osi Yesu. Táme Yudafo ámu bósorá okitikítí kóklókúú blí bee, “Ní fesi òhá ánfí á, múmú megyí Roma owíe dehen* mu nyawie fògyi. Tsúfé òhagyíòha aní òblí òbée owíe mugyi á, alakósú líí Roma owíe dehensu!”

¹³ Bréá Pilato lónu asón ánfí á, òlekpa Yesu dáli ba krankpá, tsía mu asóngyí obíá aní itsie òtinekuá bopu abwi bwé inu, butetí inu “Abwito” su. (Butetí inu “Gabata” Hebri òblítò.) ¹⁴ Eke ámu igyí ogyá òdudáké há Israelfòsu Katsun Nke. Ibóbwe fè òpa dódúanyòtò á, Pilato lébláa Yudafo ámu òbée, “Mli Owíe amu ni!”

¹⁵ Bósorá okitikítí bee, “Kpa mu ya, kpa mu ya, afoyeda mu manta oyikpalíhesu.”

Pilato léfité amú òbée, “Ndáa mli owíe manta oyikpalíhesu?”

Bulu igyí ahapú dehen amu bebláa mu bee, “Animá owíe òkoku òn Roma owíe dehen!”

¹⁶ Inu Pilato lési Yesu há amú òbée buyéda mu manta oyikpalíhesu.

Yesu Da Mántá Oyikpalíhesu

(Mateo 27:32-44; Marko 15:21-32; Luka 23:26-43)

Isá akópó ámu bekpa Yesu náti. ¹⁷ Mu onutó olotsu mu oyikpalíhe dínká mu nkanta alu yéwie òtinekuá butetí inu “Nwun Okokobi Otsiákpá.” (Butetí inu “Golgota” Hebri òblítò.) ¹⁸ Beda Yesu mántá oyikpalíhesu inu, beda ayin abanyó aku é mántá nyikpalíhesu mu wá inu. Òkule bu Yesu binasu, òkule é bu mu gyòpisu, Yesu bu amú nsiné. ¹⁹ Pilato lówanlín asón mántá oyikpalíhe amu awunso. Asón ámu gyí, “YESU NASARETYIN, YUDAFÒ OWÍE.” ²⁰ Yudafo tsòtsòtsò bekla asun wanlínhé anfi. Tsúfé òtíné amú ò beda Yesu mántá oyikpalíhesu ámu ibu mantáa Yerusalem. Òleha bòwanlín asón ámu Hebri òblíí, Roma òblíí pú Griiki òblítò. ²¹ Bulu igyí ahapú dehen amu bebláa Pilato bee, “Máwanlín fée, ‘Yudafo Owíe.’ Mboún wanlín fée, ‘Oyin ánfí òbée, mígyí Yudafo Owíe.’ ”

* 19:12 Roma Owíe dehen gyí Kaesare.

22 Pilato lébláa amó ɔ́bée, “Múá nawánlín á, nawánlín mú dodo.”

23 Isá akɔ́pú ámu beɗa Yesu mántá oyikpalíhe amusu tá á, botsu mu atadiɛ, beye mútɔ́ aku ana. Okugyíaku klé kule. Botsu mu ligá ání bɔ́lu mú tsú ɔ́súsú beyi asi. 24 Inu bebláa aba beɛ, “Mlímáha abali atadiɛ ánfí mútɔ́. Mliha atswi abi kí beɛ, ma obénya mú.” Asón ánfí léba, méní Bulu asón ámúú bɔ́wanlín tswi beɛ,

“Beye mí atadiɛtɔ́,

bɔ́tswi abi mí ligású” amu íbɛba mútɔ́.

Isá akɔ́pú ámu bɔ́bwe dínká músó.

25 Yesu mu yin, mu yin mu pio tsíhé Maria, ogyi Klopa mu ka pú Magdalayintse Maria bulí oyikpalíhe amu asi. 26 Bréá Yesu lówun mu yin pú mu ɔ́kasípú ámúú ɔ́tehié dwé ámu, bulí mantáa inu á, ɔ́lebláa mu yin ɔ́bée, “Amó yín, fɔ́ bí ní.”

27 Múú ɔ́lebláa ɔ́kasípú amu é ɔ́bée, “Fú yín ní.” Tsú eke ámu a, ɔ́kasípú amu lékpa mu ya mu wóyítɔ́.

Yesu Lowu

(Mateo 27:45-56; Marko 15:33-41; Luka 23:44-49)

28 Inu ɔ́ma a, Yesu lówun ání mu agyómá lamó ɔ́nó. Múú ɔ́leblí ɔ́bée, “Ɔ́mewóli de mí.” Inu léha Bulu asón ámúú bɔ́wanlín tswi amu íbɛba mútɔ́.

29 Onuwé ku tsie inu, ntá ɔ́dái íbɔ́ mú. Isá akɔ́pú ámu bɔ́pu ɔ́sapɔ́ dá ntá ámúú púsíán oyísó, tsú mú fɔ́á yétin mu ɔ́nó.

30 Yesu lékpikpí mú mé. Inu ɔ́leblí ɔ́bée, “Ílatá!”

Múú oloko nwuntɔ́ wá, ɔ́lele ɔ́jé á.

Yesu Abintɔ́ Ató Wɔ́

31 Eke ámu igyi Fieda. Mú ɔ́yi kehe igyi ɔ́kpónú ɔ́daké kpɔ́nkpɔ́ntí há Yudafɔ́. Mú su bumekle ání ahá ámu busíán nyikpalíhe amusu yófun owi tahé.† Mú su bɔ́kulí Pilato ɔ́kpa beɛ ɔ́háa mu isá akɔ́pú abuyebiabía amú ayabi, méní bókɔ́sí wú, fówun béle amó tsu nyikpalíhe amusu asa owí ɔ́ta. 32 Mú su bɔ́yɔ́ yébiabía ayin abanyó ámu ayabi. 33 Táme bréá bowie Yesu wá á, bowun ání alawú dodo. Mú su bumebia mu ayabi. 34 Táme isá akɔ́pú ámúú ɔ́kule lópu mu pía wɔ́ Yesu abintɔ́, ntsu múa obugya lefen dali. 35 (Ɔ́há ámúú olowun mú ámu légyi mú iwí adánsiɛ, fówun mli é mlóhogyi. Megyí afunu igyi. Oyin ání ɔ́nɔ́kwali asón múdeblí.) 36 Inu f́éé léba mútɔ́, méní Bulu asón ámúú bɔ́wanlín tswi beɛ, “Buméebia mu iwú kókukú” ámu íbɛba mútɔ́. 37 Bulu asón wanlínhé amu kén leblí ɔ́bée, “Béki ɔ́há ámúú bɔ́wɔ́ mu abintɔ́ píá ámu.”

Yesu Pulá

(Mateo 27:57-61; Marko 15:42-47; Luka 23:50-56)

† 19:31 Yudafɔ́ ɔ́kpónú ɔ́daké tefi asi tsú owi tahé.

³⁸ Iní fée ɔma a, Arimateayin Yosef léba bokokóli Pilato ɔbée, ɔpúv Yesu fúli amv ha mv. (Yosef anfi buo Yesu ɣáintɔ, tsúfée ɔde Yudafo ahande amv ifú nya.) Pilato léha mv ɔkpa. Mú sv Yosef léyele Yesu fúli amv oyópulá. ³⁹ Nikodemo amúv ɔleba Yesu wá eke ɔkv onyé ámv é léba. Ɔɔpɔv afá fánfáánfán aku anyɔ† aní bɔkwε mú wá abatɔ tsɔtsɔɔtsɔ ba. Mú odwin bóbwe kilo advasa (30). ⁴⁰ Ayin anfi bɔpú ɔhráda kíklí afá ámv mántá fúli amv iwí fée alíá Yudafo bɔtɔbwé amú afúli asa bɔtopúlá amú. ⁴¹ Ndobii kv ɔbv mantáa ɔtíné ámvú beda Yesu mántá oyikpalíhesv ámv. Bolotí bɔtát bwe mú fúli-ɔbɔ ɔmv. Bvmɔkópulá ɔhaa mótɔ kv. ⁴² Iná eke ámv igyi ogyá ɔdudáké, fúli ɔbɔ ámv é ɔbv mantáa ɔmv sv á, bopulá Yesu mótɔ.

20

Yesu Kɔsú Tsú Afúlitɔ

(Mateo 28:1-8; Marko 16:1-8; Luka 24:1-12)

¹ Ndawótswítɔ eke gyankpapv, igyi Kwasiada bake-bake, bréa nsaintɔ mákótítí a, Magdalayintse Maria lóyɔ Yesu opulákpá ɔmv. Olenya wíe ɔmv alí olowun aní bamína ibwi ámv lé ɔbɔ ámv ɔnɔ. ² Mú sv oleyinkí srí ba ɔkasípú amúv Yesu tehié dwé mv amv mva Simon Petro wá, bebláa amú ɔbée, “Balé Yesu ɔbɔ ámvɔ. Aníméyín ɔtínéá bapú mv yówa!”

³ Múv Petro mva mɔnyɔ bɔpɔv ɔkpa bɔyɔ opulákpá ɔmv. ⁴ Amú abanyɔ ámv fée betsií ɔsrí, táme ɔlesrí sí Petro gyankpá yówie opulákpá ɔmv. ⁵ Bréa olobun kv ntsán ámvɔ á, olowun aní ɔhráda ámv kpán dá, táme omebitíwíé mótɔ. ⁶ Simon Petro lɔbɔtv mv, ɔɔtsun bitíwíé ntsán ámvɔ, olowun ɔhráda amv da. ⁷ Olowun ɔhráda amúv bɔpɔtɔ mv nwun ámv é, ilokuntá ida ifóntɔ. ⁸ Ɔkasípú amúv olegyankpá wíe ɔmv ámv é lébitíwíé mótɔ, wun ɔhráda ámv pú mú amúv bɔpɔtɔ mv nwun ámv alí olohogyi. ⁹ Bré ámvɔ á, Bulu asɔn wanlínhé amúv ɔleblí ɔbée, ilehián aní Yesu ɔbɔkɔsúv tsú afúlitɔ ámv mɔkónyá wánkí amú. ¹⁰ Beyinkí yó wóyí.

Yesu Iwɔɔwanle Súná Magdalayintse Maria

(Mateo 28:9-10; Marko 16:9-11)

¹¹ Táme Maria lési ɔlí opulákpá ɔmv odesú. Bréa odesú a, olobun kv ɔbɔ ámvɔ. ¹² Inv olowun Bulu-abɔpɔv abanyɔ aní bɔwa atadie futútúútú, bɔtsie ɔtíné amúv bɔpɔv Yesu fúli tswí amv. Ɔkɔle tsie mv adianwun, ɔkɔle tsie ayabiasí. ¹³ Befíté mv beε, “Amú yín, nkálí igyi sú fudesú?”

Ɔlele mú ɔnɔ ɔbée, “Balé mí Wíe náti. Mmeyín ɔtínéá bapú mv yótswí!”

† 19:39 Afá aku anyɔ ámv adá gyí mire móa aloε.

¹⁴ Ɖleblí tá á, ɔledamlí kí ɔma. Ɖkí a, Yesu líí mu ɔma, táme ɔmebiá Yesu ni. ¹⁵ Yesu léfité mu ɔbéé, “Amó yín, nkálí ígyi sò fodesú? Ma fɔdedunká?”

Mu mú ɔkí aní ndobíi amɔto agyómá ɔyɔpú ní. Mú su ɔlebláa Yesu ɔbéé, “Aní sí, ní fòlatsú mu yótswi ɔtineku á, suna mí, anyetsu mu nati.”

¹⁶ Yesu lókpólí mu ɔbéé, “Maria.”

Ɖledamlí kí, kpólí Yesu Hebri ɔblító ɔbéé, “Rabuni!” (Mú asi gyí, “Osunápó.”)

¹⁷ Yesu lébláa mu ɔbéé, “Mápu ibi da mi, tsúfé mməkónyá yó ɔsósó mí Sí wá. Mboun nati yebláa mí apíó ámu fee, nɔyó mí Sí aní ogyi mli Sí wá. Nɔyó mí Bulu aní ogyi mli Bulu wá.”

¹⁸ Magdalayintse Maria léyebláa akasípó amu ɔbéé, “Nawun aní Wíe!” Ɖlebláa amó asún aní Yesu lébláa mu.

Yesu Iwiɔwanle Súná Mu Akasípó

(Mateo 28:16-20; Marko 16:14-18; Luka 24:36-49)

¹⁹ Kwasiada ámu ntópwesu á, akasípó amu befia. Befin obu wá iwi, tsúfé buɔe Yudafá ahande amu ifú nya. Inu á, Yesu lébelí amó nsiné, ɔlebláa amó ɔbéé, “Iwi ilwíi mli.” ²⁰ Ɖlebláa amó alí tá á, ɔɔpu mu ibito pú mu abinto súná amó. Ansí légyi amó, tsúfé bawun amó Wíe. ²¹ Yesu létrá bláa amó ɔbéé, “Iwi ilwíi mli. Alí ámú mí Sí lawá mí ámu a, alí nde mli wa ní.” ²² Inu ɔblon ɔhé fú wólí amósó, bláa amó ɔbéé, “Mliho Ɖhe Wankíhé amu. ²³ Ní mlesí ahá lakpan kíe amó á, Bulu lasikíe amó. Táme ní mli mesikíe amó á, Bulu méesikíe amó.”

Yesu Iwiɔwanle Súná Toma

²⁴ Bréá Yesu léba a, amótó ɔkuleá buɔetí mu Toma, buɔelátí mu Tabí má inu. ²⁵ Mú su akasípó atráhe amu bebláa mu beé, “Anilawun aní Wíe!”

Táme Toma lébláa amó ɔbéé, “Ní mməkówwun mu ibito nda-tobi nlo ámu, kpíe osrebi wá mótó, kpíe ibi wá mu abinto ɔlo ámu ɔ, mmóohogyi ekekekeke.”

²⁶ Nkekwe ɔma a, akasípó amu betrá fia obu ámu. Alí eke ámu mú á, Toma bú amótó. Befin obu ámu, táme Yesu lébelí amó nsiné, bláa amó ɔbéé, “Iwi ilwíi mli.” ²⁷ Mú ɔlebláa Toma ɔbéé, “Kí mí ibito, kpíe osrebi wa nfi. Kpíe fú ibi wa mí abinto. Si nwéen gyí, afohogyi!”

²⁸ Toma léle mú ɔnó ɔbéé, “Mí Wíe pú mí Bulu!”

²⁹ Yesu lébláa mu ɔbéé, “Alí ámú mí fawun mi ámu su fahogyi lóó? Ansí bégyi ahá ámú mí bɔmɔpu amó ansíbi wun, asa bohogyi amu!”

Tá Súd Bəwanlín Ɖwóló Anfi

³⁰ Yesu létrá bwe osúna tsɔtsɔtsɔ mu akasípó amu ansító aní bɔmɔwanlín wá ɔwóló ánfito. ³¹ Táme bawánlín íni, méni

mlóhogyi ání Yesu gyí Bulu mu Bi Kristo amv. Asón ánfisu hógyi óbéha mlénya nkpa ání utamatá mu idátó ní.

21

Yesu Iwiowanle Súná Akasípú Abasiénó

¹ Ini óma a, Yesu létrá le iwio wan súná mu akasípú Tiberia opu* ónó tsun okpa ánfisu. ² Simon Petro muva Toma ání buteláti mu Tabí, Nataniel, otsú Kana wúluá ibu Galilea ómátó, Sebedeo abí ámu pú akasípú abanyó é befia. ³ Simon Petro lékla amú óbéé, “N’oyó opu su yéle aye.”

Bebláa mu beé, “Ani é abóbuo fu yó.” Ini su boyówie okluntó náti. Táme betsiá ntsusu onyé ámu féé, bumenya tótó. ⁴ Bréá oyí íbá beke a, bowun oku líi opu amv ónó. Bumebi ání Yesu ni. ⁵ Mú Yesu léfité amú óbéé, “Mí anyawíe, mlíménya tótó?”

Bele mú ónó beé, “Ee!”

⁶ Yesu lébláa amú óbéé, “Mlitswi asawu amv wa gyopisu fón, mléle aye.” Mú su bōtswi wa inu. Aye lobulá asawu amv, bumetalí bití mú lé.

⁷ Mú akasípú amú Yesu tēhié dwé ámu lébláa Petro óbéé, “Ani Wíe Yesu ni!” Bréá Petro lónu ání aní Wíe Yesu ni á, olotsu mu atadié mla iwí. (Tsúfé ólwoí mu atadié tswi), olotu wíe ntsu ámutó gyuaa, ódepií oyó Yesu wá. ⁸ Táme akasípú atráhe amú búbu okluntó ámu bebitia asawu amú aklemetí búbu mú ámu ba otsubúno, tsúfé buma ífó opu ónó inu. Mú ífótó bóbwe fé ayabi lafasa (300). ⁹ Bréá bowie opu ónó á, bowun áni bawá agyawunu ogyá, bude iye tó músú, bodobodo é da mú asi. ¹⁰ Mú Yesu lébláa amú óbéé, “Mlile aklemetí amú mlilalé ámu ku ba.”

¹¹ Mú su Simon Petro léyinkí dú wíe oklun amutó, óleyébitia asawu amú aklemetí akpónkpóni búbu mú ámu bōtswi opu ónó. Aklemetí ámu bogyi lafakule aduenu-sa (153). Iníá bōtsó ó á, asawu amv metití. ¹² Yesu léti amú óbéé, “Mlibegyí ató.” Amútó okuku metalí wá klun fité mu óbéé, “Ma fūgyi?” Tsúfé bebi áni amú Wíe ni. ¹³ Yesu lótsu bodobodo amv há amú, olotsu aye amv é há amú.

¹⁴ Bulu lókusúa Yesu tsú afúlitó óma a, iní gyí otse saasi áni ólele iwio wan súná mu akasípú amv ni.

Yesu Mva Petro

¹⁵ Bréá begyi nyanki atogyihe amv tá á, Yesu léfité Simon Petro óbéé, “Yohane mu bi Simon, futódwé mí dvn fú aba áni lóó?”

Petro léle mú ónó óbéé, “Ee, mí Wíé, fuyin áni ntódwé fú.”

Yesu lébláa mu óbéé, “Kí mí akúfabi amusu.” ¹⁶ Óletrá fité Petro otse nyóosi óbéé, “Yohane mu bi Simon, futódwé mí?”

Petro léle mú ónó óbéé, “Ee, mí Wíé, fuyin áni ntódwé fú.”

* 21:1 Bōtetráa ti mú Galilea opu.

Yesu lébláa mv ɔbéε, “Kpa mí akúfa amv.” ¹⁷ Yesu léfité mv otse saasi ɔbéε, “Yohane mv bi Simon, fvtɔdwé mí lélé?”

Ilehan Petro, tsúfɛ otse saasi Yesu lafité mv ɔbéε, “Fvtɔdwé mí?” á. Mó sv ɔlele mó ɔnɔ ɔbéε, “Mí Wíé, fú onutó fuyin tógyító. Yéε fuyin ání ntehié dwé fól!”

Yesu lébláa mv ɔbéε, “Kí mí akúfa amvsv. ¹⁸ Ɔnɔkwali nde mli bláa. Bréá fúgyi ɔyasubi á, fú onutó fotetáli tsú fú atadie híhie iwí, kúsó yó ɔtínegyíɔtíneá fɔdeklé. Táme ní ɔɔbwé oyin dehen a, fétínkí ibi, há ɔku ɔbédidá fú ató, kpá fú ya ɔtíneá fumedékle.” ¹⁹ (Yesu lébli asón ánfí, púsúná ɔkpa ání Petro ɔbótsv núsú wú pówá Bulu numnyam.) Inv ɔlebláa Petro ɔbéε, “Buo mí!”

Yesu Mva Ɔkasípá Ɔtehié Dwé

²⁰ Petro lédamli kí a, Yesu ɔkasípó amóv ɔtehié dwé ámv buo amó. (Mvgyí ɔhá amóv oleyinkí kpísá Yesusu ntópwe ató ogyíkpa, fité mv ɔbéε, “Owíé, ma ɔbéle fú há?” ámv ni.) ²¹ Bréá Petro lówun mv a, ɔlefíté Yesu ɔbéε, “Mí Wíé, ntɔ ɔbéba oyin ánfí éso?”

²² Yesu léle mó ɔnɔ ɔbéε, “Ní ndeklé mbéε otsía nkpa yófvn bréá néyinkí ba a, fú asón igyi? Fú mó buo mí wole!”

²³ Asón ánfí dekléí wá Yesu abúovv amotɔ, ání alí ɔkasípó amv mó móowu. Táme Yesu mébli ɔbéε, omóowu. Blí ɔlebli ɔbéε, “Ní ndeklé mbéε, otsía nkpa yófvn bréá néyinkí ba a, fú asón igyi?”

²⁴ Mvgyí ɔkasípá olowun ínı féé, ɔɔwanlín mó tswı ni. Anıyin ání mv ason blíhé anfi igyi ɔnɔkwali.

Ɔnómɔ

²⁵ Ató tsɔtsɔtsɔ itráa bu invá Yesu lóbwε tsía ínı. Ní ɔɔwanlín mó féé wá nwlótó ikole-kole a, teki buméenya nwló ámv ɔyaíkpa ɔsulóv anfisv. Natóí tá.

Sumbí Ayɔpú Amu Gyumagyihe

¹ Mí wíé Tiofilo,

Mí Luka dé ɔwóló ánfí wanlín sísí fò. Mí ɔwóló gyankpapu amɔtɔ á, nɔwanlín Yesu atɔ bwehé pú mu atosunáhé f́éé; tsú bréá olefi mu agyómá asi, ² bɔfun ekeá Bulu lótsu mu ya ɔsúsú. Asa Bulu lótsu mu náti á, ɔlɔtsun Ɔɣe Wankíhé túmitɔ bláa ahá ámúú ɔlele ɔbéé, bɔbwee mu sumbí ayɔpú ámu t́áá bɔbwee. ³ Mu iwiasin wúun pú mu lowu ɔma a, oletsíá lé iwí ɔwan ɔkpa ɔtsan-ɔtsansu súná amó, ṕsúná ání lélé ɔtsie nkpa nke advana ání ɔlelatsíá ɔsulúsu f́éé; ɔde Bulu iwíegyi iwí asón blí. ⁴ Bré kuá muva amónyɔ befia a, ɔleda amú ɔlá ɔbéé, “Mlumanatí Yerusalem. Mlitsia inu gyo mí Sí atokiehé ámúú ɔlehie yáí ɔbéé méha mli, nebláa mli mú iwí asón ámu. ⁵ Asú Ɔbɔpú Yohane lópu ntsu bó ahá asú, táme nke kútúklú ku ɔma a, Bulu ɔbópu Ɔɣe Wankíhé amu bó mli asú.”

Yesu Ɔsúsú Yɔ

⁶ Mú su bréá muva amónyɔ belafia a, befité mu bee, “Aní Wíé, bré ánfítɔ féyinkía iwíegyi amu há Israelfɔ ní?”

⁷ Yesu lébláa amú ɔbéé, “Imehián ání mlébi nke ntée bréá mí Sí nkɔle lahíé mu onutó túmitɔ. ⁸ Mboun ní Ɔɣe Wankíhé amu owíé mlitɔ á, mlénya túmi tálí gyi mí iwí adánsie tsú Yerusalem wúlutɔ, Yudea pú Samaria ɔmátó f́éé yófun ɔyí ɔka.” ⁹ Bréá ɔleblí asón ánfí tá á, amú ansítɔ inu Bulu lótsu mu ya ɔsúsú, ɔlɔfwí wíé nwolótáatɔ.

¹⁰ Besi bɔde nwolótáa kíu alí. Beláki a, ayin abanyó akvá bɔwa atadie futútú líí amú wá á. ¹¹ Ayin ámu befité amú bee, “Oo Galileafɔ ayin, ntɔ mlidékí nwolótáasɔ alí? Alí ánfí mlilawun Bulu latsú Yesu ɔya ɔsúsú ánfí á, alí kén obéyinkía mu ba ní.”

*Matias Yuda Otsiakpá Tsiaí
(Mateo 27:3-10)*

¹² Inu beyinkí kplí tsú Nfɔ-nyíbu ámu^{sú}* ba Yerusalem. Ɔkpa ámu íbɔbwe máli fon. ¹³ Bowie wúlutɔ á, bɔdu yó abansúrɔtɔ, ɔt́íné ámúú bɔtsie yáí ámu. Sumbí ayɔpúá bɔyɔ inu gyí: Petro, Yohane, Yakobo muva Andrea, Filipino muva Toma, Bartolomeo muva Mateo, Alfeo mu bi Yakobo, Simon ání ogyi iwí ɔtsiá adunkápú ɔpasuatɔ ɔha pú oyin ɔkuá bɔtetí mu Yakobo mu bi Yuda. ¹⁴ Ahá ání be trá du yó inu gyí, atsi aku, Yesu mu yin Maria pú Yesu apíó. Ahá ánfí f́éé létsiá bwé ikɔle bó mpái.

* **1:12** Nfɔ-nyíbu igyi obubwí kuá íbu mantáa Yerusalem, bɔtetí mú Olifbu.

¹⁵ Nke ámvto á, ahógyipv bóbwe fé lafakule-advanyo (120) befia. Inu Petro lókusó líí amó nsiné bláa amó obéé, ¹⁶ “Mí apíó ahógyipv, Jhe Wankihé asón amóú olebli tson Owie Dawidsu, ibv Bulu ason wanlinhé amvto, tsú Yuda Iskariot amóú olekpa ahá beyékítá Yesu iwí amv ilaba mótó. ¹⁷ Yuda Iskariot anfi létsiá anitv. Ania mnyo lóyo osum agyómá ánfí.”

¹⁸ Yuda lópv mu lalaha ání obbwe iká beka mu yóho osulúv kv. Olekpa tsú osúsó beda osulúv amvsv p, mu ipu lefa po, mu mpúni é lefen dalí wvrvdo. ¹⁹ Ohagyíoha ání obv Yerusalem lónu asón ánfí. Bedinká osulúv amv dá amó oblitó bee, “Hakeldama.” Mú así gyí, “Osulúvá obugya lawólí mósó.”

²⁰ Petro lóyo mu asónsú obéé, “Tsúfé bwanlín wá Israelfo lv osulúv ámvto bee, ‘Mu wóyí idí kpan.

‘Jhaa mátsiá mótó.’
Betrá wanlín tswi bee,
‘Jha bambá otsiá mu otsiákpá.’

²¹⁻²² “Mú sv ilehián ání okv obétsa aní Yesu afúlitokvsó ánfí iwí adánsie gyí. Ilehián ání ohá amv obótsu ayin amóú betsiá anitv bré amóú anidobuo aní Wíe Yesu, náti kí ntíné-ntíné amvto. Ohá ání olobuo aní tsú bréá Asú Obvóv Yohane lébli asúbv asón alí bvfvn eke amóú Bulu lótsu Yesu ya osúsó sí aní amv.”

²³ Iní sv bele ahá abanyó, bugyi Yosef ání butetí mu Barsaba, butetráa tí mu Yustus mva Matia. ²⁴ Múú bvbv mpái bee, “Aní Wíe, fuyin ohagyíoha kvntv asón. Suna aní ahá ánfíto omv fále, ²⁵ otsia Yuda amóú alakíná agyómá ánfí, nyá mu isvbití amv otsiákpá, oyo fú osum agyómá amv.” ²⁶ Múú bekapú ató amó abanyó nwunsv. Ileyi Matiasv. Mú sv bvrv mu wá sumbí ayvóv dúokv on ámvto, belabwé dúanyo.

2

Jhe Wankihé Ibátv

¹ Pentekoste Eke, igyi Israelfo atv pwpwe onó odaké amv lófvn a, ahógyipv amv féé beba befia amó ofiakpa. ² Otsáwvle pé á, olú kvá igyi fé afú kvonkvontí ilotsu osúsó bvbv wóyí amóú bvbv mótó amv. ³ Inu bowun tókúv igyi fé ogya plenplen, ilehan odandv. Uedasáin dínká amótó okugyíokvsu. ⁴ Jhe Wankihé lóbulá okugyíokvto, ileha okugyíokv léfi así odev oblív bambá blí.

⁵ Bré ámvto á, Yudafáv butenyá Bulu ifú, bvbv ndító féé baba butsie Yerusalem. ⁶ Bréá odv onfi bonu okitikítí amv a, besrí befia inu. Amótó okugyíokv lónu mu wúluto oblív. Mú sv onó lobwie amó. ⁷ Uvwa amó ifú, wá amó wánwan. Mú sv befité bee, “Ahá ánfí butetó á, megýí Galileafv sónv bugyi? ⁸ Mú nkáli obbwe asa anidenuá budev anitv okugyíokv wúluto oblív blí? ⁹ Anitv akv atsú Partia, Media, Elam, Mesopotamia, Yudea,

Kapadokia, Ponto, Asia, ¹⁰ Frigia, Pamfilia, Egipte omátó pú Libia awúlu ání ibu mantáa Kirene wúluto. Aku é botsú Roma wúluto, ¹¹ bógyi Yudafo pú amóá bomegyi Yudafo bawíe Yudafo Bulusúmtó aná féé bobu anito. Kretafó pú Arabifó é bobu anito. Táme anidenuá bude Bulu ató kpɔnkpɔnti ání alabwé blí anito okugyíokw oblíto.” ¹² Alí amóú asún amu ilobwie amú onó amu su bəbwe yoo, sí bude amó aba fité bee, “Ngya amansu é ní?”

¹³ Táme amótó aku bəbwe ahógyipu amu ahinlá bee, “Ntá banu bu.”

Petro Asóntóle Súná Ahá Amu

¹⁴ Ibu Petro muva mu aba dúokun amu bəkusó líí. Mú Petro lótsu ome fóbá bláa odəm amu obéé, “Apíó aba Yudafo pú mli fééá mlibu Yerusalem, mlihié yaa asu, anle asóntó suna mli.

¹⁵ Mlimáki mliaa ahá ání babú, tsúfé oyi məkóke. Bréá dokwebá ladá ní. ¹⁶ Mboún asón ání lɔba nde ání Bulu onósó otóipú Yoel léblí yáí ní. Obéé,

¹⁷ ‘Bulu obéé, “Nke tráhe amuto á,
nópu mí Ọhé wá anyánkpósa féétó.

Mli abi yinhé pú mli abi tshé béblí asón ání nópuwá amú onó.

Mli nyasubi bówun ató.

Mli ayin dehen bókun nkude.

¹⁸ Nke amuto á, nópu mí Ọhé wá mí asúmpú
atsi múa ayin féétó.

Mó su béblí asón ání nópuwá amú onó.

¹⁹ Nóbwe ofúla nwulótáasu,
bwé osúna osulósu.

Ogyá, obugya pú ogyási tuun béba oyító.

²⁰ Owí obéta opá.

Ọtsra é obépe koo fé obugya,

asa aní Wíe numnyam eke kpɔnkpɔnti ámu ɔbɔfun.

²¹ Ibéba ání ohagyíoha ání okpólí aní Wíe a, obéha mu obénya nkpa.” ’ ’ ”

²² Petro lóyo mósó obéé, “Mí apíó Israelfó, mliyaa asu amlinu asón ání. Bulu lóbwe ofúla múa ató kpɔnkpɔnti pú osúna tsotsotsó tson Yesu Nasaretyin amusu, púsúná ání mulówa mu.

Mli féé mlilówun mú, tsúfé mli ansísó iní féé leba. ²³ Igyi tóá Bulu yin yáí dodo, igyi mu apé ání béle Yesu há mli. Mlíéha ahá ání butamagyi mblasu beda mu mántá oyikpalíhesu, mó mu. ²⁴ Táme Bulu léle mu lowu sínsínsíntó, kósóa mu tsú afúlito. Tsúfé lowu méetalí gyi musu, osin afúlito. ²⁵ Iní só Owíe Dawid léblí mu iwí asón obéé,
‘Brégyíbré á, ntowun aní Wíe mí ansísó.

Tsúfé olí mí gyɔpɔsu, su tɔtɔ móowa mí ifú.

²⁶ Mó su ansí tegyi mi,
ntótóí ansigyísó.

Nyankpɔsa ngyi. Lowu da gyo mí,

táme nde Bulu okpa kí.

²⁷ Tsúfè foméesi mí okláa wá afúlitò.

Fóméeha mí fò osúmpò wankíhé mmóòpló.

²⁸ Fólósuná mí okpa ání ntsòun mósó, mí anya nkpa ání itamatá.

Ní fòbò mí wá á, ansí bégyi mí ekekegyíeke.’ ”

²⁹ Petro létrá bláa amó obéé, “Mí apíó Israelfò, mbóa hie bla mlí amlínú. Aní náin Owíe Dawid lówu, bopolá m̀. Bóto nde m̀ ntsán da aní wá nfi. ³⁰ Bulu onósó otáipú ogyi, oyin ání ntam ání Bulu léka há m̀ béba mótó. Bulu léka ntam há m̀ obéé, méha m̀ natína oku obétsiá m̀ obíású eke kú. ³¹ Iníá aní náin Owíe Dawid lówun m̀ yáí sù á, otótó tsú Kristo, (ohá amúó Bulu ladá m̀ ofúli am̀) kusó tsú afúlitò iwí obéé,

‘Bulu méesi m̀ wá afúlitò.

Mó sù m̀ oyulób m̀óòpló.’ ”

³² Petro lóyo mósó obéé, “Yesu gyí ohá ání Bulu lókusóa tsu afúlitò, aní fée anígyí mó adansífo. ³³ Bulu lótsu Yesu ya osúsó, há m̀ otsiákpá yilé m̀ gyopisù. Aní Sí Bulu lópu Jhe Wankíhé ání olehie yáí obéé, m̀pohá m̀ ahógyipu há m̀. Jhé ámu Yesu lapóhá aní á. Mó gumagyihe mlidéwúun, mlidénu á. ³⁴ Megyí Owíe Dawid Bulu lótsu ya osúsó, támé mléblí yáí obéé,

‘Aní Wíe Bulu lébláa mí Wíe obéé,

Tsia mí gyopisù,

³⁵ yófun bréá nòpu fò alupó bwé fò ayabi oyíkpa.’ ”

³⁶ “Mó sù mlí Israelfò fée mlínú. Ibo mótóá mliléda Yesu mántá oyikpalíhesù. Támé mlíhíe bí ání Bulu ladá m̀ ofúli, bwé m̀ Kristo pò aní Wíe.”

³⁷ Bréá Israelfò ámu bonu asón ání á, ilehie han amó. Mó sù befíté Petro m̀ba m̀ aba sumbí ayópó atráhe am̀ beé, “Apíó, nto abwéé?”

³⁸ Móbó Petro léle mó onó obéé, “Mlító okugyíokú otámli klntò, abò mlí asú Yesu Kristo dátó, méní Bulu obési mlí lakpan kíe mlí, há mlí Jhe Wankíhé am̀. ³⁹ Tsúfè mlía mlí abí-aná pò ahá ání bóbù tsútsúútsú ání Bulu obéti fée olehie Jhe Wankíhé anfi há.”

⁴⁰ Petro léblí asón tsòtsòtsò, pútóí kplá amó obéé, “Mlile mlí iwí tsu ndemba-abí laláhe anfitò.” ⁴¹ Amótó ahá tsòtsòtsò bòho Petro asón ámu. Mó sù bóbò amó asú. Eke ámu a, ahá bóbwe fè mpím-sa (3,000) betsiá ahógyipu am̀to. ⁴² Ahógyipu am̀ beke ansí kítá sumbí ayópó ámu atosunáhé, amó ikulebwe tógyítótó, opasua ám̀to atogyiheto yée pò mpáibótó.

Ahógyipu Am̀ Tsiátó

⁴³ Sumbí ayópó ámu bóbwe ofúla pò osúna tsòtsòtsò, onó lobwie ohagyíoha. ⁴⁴ Ahógyipu am̀ fée bóbwe tógyító kule. Betsiá ye amó ató há aba. ⁴⁵ Betsiá fè amó ató, ye kóba ání benyatò há amótó okugyíokúá oma. ⁴⁶ Amó fée betsiá fia Bulu

otswékpa wunsinésú ekekegyíeke. Bopu amú klontò-òdwe tsíá gyi ató opasuato amú aba wóyító. ⁴⁷ Betsiá kánfú Bulu, ahá fée bekle amú asún, aní Wíe Bulu létsiá pú ahá aní òdele betsiá amótó ekekegyíeke.

3

Petro Mva Yohane Ibo Oku Tsa

¹ Eke oku ntópwe dosato mpáibo bré á, Petro mva Yohane boyo Bulu otswékpa amu wunsinésú. ² Oyin okuá bokwí mu ibo tetsiá Bulu otswékpa amu okpa onó kuá butetí mú “Okpa onó Wankláán.” Ahá butotsú mu ba beyai inu ekekegyíeke, otakóli ahá aní bówie Otswékpa inu kóba. ³ Bréá ibo amu lówun aní Petro mva Yohane bodebitiwíé Otswékpa inu á, otakóli amú kóba. ⁴ Petro mva Yohane besi líi bude mu kí díín. Mú Petro lébláa mu obéé, “Fú mú kí aní wole.” ⁵ Ibo amu kí obéé, béha mu taku. Mú su olotsu ansí fóa òde amú kí. ⁶ Táme Petro lébláa mu obéé, “Mma sika futútú ntée pépe, táme néha fú tóá mbu. Kusu lu, afonati Yesu Kristo Nasaretyin amu dátó!” ⁷ Inu Petro lékitá mu gyari bi, tsú mu líi, inonu owonlín lowie mu ayabi pú mu ntsakpátó. ⁸ Olofulí kpáyí otawole pé, wá natí bi. Mú su otékplá buo Petro aná wíe Bulu otswékpa wunsinésú inu; ona odefulí kpáyí; òde Bulu kanfú. ⁹ Ahá aní bobu inu fée bowun mu aní ona òde Bulu kanfú. ¹⁰ Mú su bréá ilowankí amú aní ibo amú otetsiá Okpa Onó Wankláán inu kóli ató ámu ni á, ilowa amú wánwan, bwíé amú onó.

Petro Tóí Bulu Otswékpa Wunsinésú

¹¹ Oyin ámu pú Petro mva Yohane kinkínkín Bulu otswékpa wunsinésú, otinekuá butetí inu Salomo Abrándáású. Mu ilotsa lówa amú wánwan. Mú su besrí ba amú wá inu. ¹² Bréá Petro lówun amú á, otelité amú obéé, “Mí apíó Israelfo, ntogyi só asún anfi lawá mli wánwan ali? Ntogyi só mlilaba mlidé aní kí ali? Mlíki mliaa, aní onutó túmi ntée aní Bulusúm wankláán láhá su oyin anfi lakúsú ona? ¹³ Bulu ámú aní anáin Abraham, Isak pú Yakob bosúm ámu lówa mu osúmpú Yesu numnyam. Táme mlilópu mu há mliaa bumóo mu. Mlilékiná ohá anfi teki Pilato lóbwe agywun aní mesi mu onati anfi. ¹⁴ Mlilékiná Oha Wankihé pú Yilé Obwepó anfiá bowanlín mu iwí asún wá Bulu asún owolótó anfi, bláa Pilato mliaa, osi ahá omopú ámu mboún ha mli. ¹⁵ Mliléha bomò nkpa ohapó anfi, táme Bulu lókusóa mu tsú afúlito. Anigyí mú iwí adansifo ní. ¹⁶ Yesu túmi láhá ibo anfi mliyin yai, mlidékí anfi iwí lawá mu onlín. Aní Yesu hógyi látsá mu, mli fée mlidéwúun a.

¹⁷ “Iní su mí apíó, nyin aní mábí léha mli mli ahande mlilópu iní fée gyi Yesu. ¹⁸ Táme a, Bulu léblí tson mu onósú atóipú amu féesú yáí obéé, ‘Kristo, (ohá ámú neda mu ofúli amu) obówun iwiasin.’ Mú su otéha ileba ali ní. ¹⁹ Mú su mlidamli klontò,

amlyinki ba Bulu wá, ménì obési mli lakpan fée kíe mli, wá mli ɔwɔnlín pɔpwe, ²⁰ lápú Yesu sísí mli. Mv Bulu léda ofúli yáí há mli ní. ²¹ Ilehíán ání Yesu obétsiá ɔsúsú inu yófun bréá Bulu ɔbéla tógyító bwé, fé aliá ɔleha mv ɔnósú ɔtáípú wankíhé amv beblí tswi. ²² Anì náin Mose léblí ɔbéé, ‘Mli Wíe Bulu ɔbéha mv ɔnósú ɔtáípú ɔkúá ogyi fé mí ɔbédalú tsú mli tó há mli. Mlgyí mv asɔn blíhé féesú. ²³ Ɔhagyíɔha ání omobu ɔnósú ɔtáípú anfi á, Bulu ɔbéle mv lé mv ahátó, mó mv.’

²⁴ “Tsú Samuelsu á, Bulu ɔnósú ɔtáípúá beba fée bɔtáí tsú asón anfi idebá nke ánfító iwí. ²⁵ Mlgyí Bulu ɔnósú ɔtáípú amv abí-aná. Mlibú itó ámúú Bulu léhíe yáí há anì anáin amv. Tsúfé Bulu lébláa Abraham ɔbéé, ‘Nótson fú abí-anású yúlá ɔyító ahá fée.’ ²⁶ Inì sù bréá Bulu léle mv osúmpú Yesu a, olegyankpá pú mv sísí mli Israelfó, ɔbéé obóyulá mli, amlisi lakpan bwe ní.”

4

Petro Mva Yohane Ɔnóle Yudafó Asón Ogyikpá

¹ Bréá Petro mva Yohane bɔbɔ mósú bɔdetoí kplá ahá ámv a, Bulu igyí ahapú mva Bulu ɔtswékpa agyópu ɔhande pú Sadukifó akv beba bɔtɔ amú. ² Ɔblí lekítá ahande anfi. Tsúfé sumbí ayɔpú ámv bɔde ahá ámv ató suná bee, Yesu lawú kósú tsú afúlitó. Mú sv wukósú bv inu há ɔhagyíɔha. ³ Ahande amv bekítá Petro mva Yohane. Owí deta sv bɔpu amú yówa obu yéha ɔyi kehe. ⁴ Táme ahá ámúú bonu amú atosunáhé amɔtɔ ahá tsɔtsɔtsɔ bohogyi, betsiá ahógyipu amɔtɔ. Mú sv ahógyipu amɔtɔ ayin bɔbwe fé mpím-nu (5,000).

⁵ Ɔyi kehe nyanki a, Yudafó awíe, amú ahande pú Mose mbla asunápú beba befia Yerusalem. ⁶ Ahá anfi pú ahande ání befia asón ámv así gyí; Bulu igyí ɔhapú dehen Hana, mv wóyító ahande Kaiafa, Yohane, Aleksandro pú wóyí ámɔtɔ ahá fée. ⁷ Beha bɔpu Petro mva Yohane belí amú ansító, befité amú bee, “Ma túmító ntée ma dátó mlilétsa oyin anfi?”

⁸ Inu á, Ɔhe Wankíhé lɔbulá Petrotɔ. Mú sv ileha mv túmi ɔlebláa Yudafó awíe pú amú ahande amv ɔbéé, ⁹ “Nde mú mlidé anì fité tóá svá anilawá awítale há ibɔ anfi, tsá mv ilo? ¹⁰ Mómú tsú nde mliá Israelfó fée mlibi ání Yesu Kristo, Nasaretyin amv túmi pú mv dátó oyin anfi ɔlí mli ansító anfi lanyá ilótsá. Mvgyí ɔhá ámúú mliléda mántá oyikpalíhesu mó mv asa Bulu lókúsúá mv tsú afúlitó ámv ní. ¹¹ Yesu anfi iwí asón bɔwanlín wá Bulu asón ámɔtɔ bee,

‘Ibwi ámúú mli obu ayípu mlilékiná ámv

lábɔbwe okonkísúbwi ní.’

¹² Yesu anfi nkole pé gyí ɔhá ání Bulu lópohá anì ɔyí ánfító ɔbéé, atsóvn musu nya nkpa. Ɔhaa trá ɔma inuá ɔdɔn mv.”

¹³ Iníá Yudafó ahande amv bɔyin ání Petro mva Yohane bɔmɔkókásí ɔwulú kí, táme ifú medé amú sv á, ɔnó lobwie amú.

lɔwankí amó ání babuo Yesu kí. ¹⁴ Ahande amu bumenya asvansu blí. Tsúfè bowun ání ibo amú alanya lɔtsá ámu líí Petro mva Yohane wá. ¹⁵ Mó su bebláa Petro aná bee, budáli asón ogyíkpa inu kpalobí, abukita agywun. Múú ahande amu befité aba bee, ¹⁶ “Nkálí abóbwe ahá ánfí? Ohagýícha labí Yerusalem wúlutɔ ání amó labwé osúna kpɔnkpɔntí ánfí. Anuméetalí gyi mó nwéen. ¹⁷ Táme alíá ibóbwe asón ánfí méetrá kléí á, mliha ada amó olá kinkíinkín aníaa bumátra bláa ohaa asvansu Yesu dátó é.”

¹⁸ Inu belatí Petro mva Yohane ba obuto inu, beda amó olá bee, bumátra bláa ohaa asóngyíasón ntée súná ató Yesu dátó ekekeke. ¹⁹ Múú Petro mva Yohane bebláa amó bee, “Mli onutó mliki. Mɔmu bu alé Bulu ansító, ání abónu mli asón lóó, ntée Bulu klé? ²⁰ Tsúfè aní mó anuméetalí sí tóá anlawun pó asón ání anílanú blí.” ²¹ Bumetalí bití amó isu, tsúfè ahá ámu fée bude Bulu kanfó ofúla kpɔnkpɔntí amúú alabwé ámu su. Mó su ahande amu betrá da amó olá kinkíinkín, besi amó benatí. ²² Oyin ámu lɔtsá lówa ifú, tsúfè alahɔ dɔn nfi advana (40) alí bré ámutɔ.

Ahógyipu Amu Atɔ Kvlíhé

²³ Yudafɔ ahande amu benya sí amó alí, Petro mva Yohane beyinkí ba amó aba ahógyipu amu wá. Bebláa amó asón ání Bulu igyí ahapó dehen pó Yudafɔ ahande amu beblí fée. ²⁴ Bréá ahógyipu amu bonu asón ámu a, amó fée bɔpu ome kule kólí Bulu bee, “Aní Wíe Bulu Otúmípu, fúlóbwe osú fɔbwe asi, opu móa ntsu pó mótó ató fée. ²⁵ Fɔtsɔn Ohé Wankíhésu há aní náin Dawid, ogyi fú osúmpú lébli obée, ‘Ntogyi sɔ o-má-o-má banyá obló?’

Ntogyi sɔ ahá fée babwé agywun koku kpaali?

²⁶ Osólósu awíe badídá ató.

Wúlu ahande batí aba fia,

kítá agywun laláhe aní Wíe Bulu mva Kristo, (ohá amúú oleda mu ofúli) amusu.’ ”

²⁷ Petro lóyo mu asónsú obée, “Lélé á, asón ánfí laba mótó. Owíe Herode mva Pontio Pilatoá bumegyí Yudafɔ pó Israelfɔ babwé kule wúlu anfitɔ, kósú líí Yesusu. Mbugyí fú osúmpú wankíhéá féda mu ofúli ní. ²⁸ Táme bumebi ání tóá fehíhé yaí fee íbɛba mótó fú apé pó fú túmitɔ dodo babwé á. ²⁹ Aní Wíe Bulu, kí alíá baká anisu, afokpa fú asúmpú, méní abétalí blí fú asón ámu, anuméenya ifú. ³⁰ Tsa ahá lɔ fú túmitɔ, afoha abwe ofúla pó osúna fú osúmpú wankíhé Yesu dátó.”

³¹ Bréá bɔbɔ mpái ánfí tá á, amó ofiakpa inu fée lɔkpiní. Ohé Wankíhé lóbulá amótó. Mó su bɔwa klɔn dá Bulu asón ámu okan.

Ahógyipu Amu Atótó Yée

³² Ahógyipu amu fée bəpu klun kule móa agywun kule tsía. Ɔkuku mébli ɔbéé tóá muvu igyi mu nkule klé. Mboún okugyáko ató ləbwe amú fée klé. ³³ Sumbí ayəpú ámu bəpu túmi kpənkpənkpənti gyi anı Wíe Yesu iwı adánsie bəe, Bulu lakósóa mu tsú afúlitə. Bulu léhie wá awıtəle há ahógyipu amu fée. ³⁴ Amótə ɔkuku mégyi ohian, tsúfé amóá buvu ɔsulúvú pú wóyí betsiá fé mú, pú mú ɔnó kóba ba ³⁵ sumbí ayəpú ámu, betsiá ye mú há ɔhagyíɔha alı́ ilehián mu.

³⁶⁻³⁷ Mú sv alı kén Lewiyin ɔkúá bətətí mu Yosef léfe ɔsulúvú, ɔləpu kóba amu ba sumbí ayəpú ámu ni. Yosef anfi otsú Kipro ɔmátə, sumbí ayəpú bəha mu ıdá Barnaba, (mú ası gyı, “Ahá atətə-ɔnlın ɔwapú.”)

5

Anania Mva Safira

¹ Inu oyin ɔkúá bətətí mu Anania mva mu ka Safira é befe amú siadie ku. ² Táme Anania léle kóba amu ku ɲáın, mu ka é yin mú iwı. Ɔləpu kóba amu tráhe ba sumbí ayəpú ámu. ³ Mú Petro léfité mu ɔbéé, “Anania, ntogyi sú fahá Ɔbunsám lagyi fusu, fapú kóba amú fenyá ámu ku ɲáın, bówa afunu suná Ɖɲe Wankíhé? ⁴ Fúbú fú ɔsulúvú asa fefe mú. Inı́a fefe mú é á, fúbú fú kóba. Ntə láhan fu sú fabwé ıtáá igyi alı́? Bulu fawá afunu súná o, megyı anyánkpósa.” ⁵ Anania lénya nú asón ánfı alı́ á, ɔletın da wú. Mú sv ifú lehie kítá ahá ání bonu asón ánfı fée. ⁶ Inu nyasubi aku bəksú tsú tati kıklı mu iwı, tsú mu yópulá.

⁷ Ilegyi fé dənhwırı asa ɔma asa mu ka Safira é lóbowie mu. Alı́ bré ámu tə á, omeyın tóá ılaba mu kulusu. ⁸ Petro léfité mu ɔbéé, “Safira, bla mı. Kóba anfi gyı tóá fúa fú kulu mlılénya bréá mlıléfe ɔsulúvú amu ni?”

Safira léle mú ɔnó ɔbéé, “Ee, alı́ anılénya ní.”

⁹ Mú sv Petro léfité mu ɔbéé, “Ntogyi sv fúa fú kulu mlılabwé ɔnə-ɔkule mlıaa mlósə Anı Wíe Ɖɲé kı? Kı, nyasubi ání bayópulá fú kulu yínkı lawıé obu-ɔnó inu á. Bósuvá fú é ya.” ¹⁰ Inu sv ɔtsı ámu é létın da Petro ayabitə inu wú. Bréá nyasubi ámu bobowie inu á, bowun ání Safira é lawú, sv botsu mu yópulá mu mantáa mu kulu. ¹¹ Ifú lehie wıé ɔpasua ámu pú ahá ání bonu asón ánfı fée tó.

Sumbí Ayəpú Amu Ofúla Pó Osúna Bwe

¹² Bulu lótsun sumbí ayəpú ámu sv bwé ofúla pú osúna tsətsətsə wúlu amutə. Ahógyipu amu fée bəbwe kule tsía fia ɔtınəkúá bətətí inu Salomo Abrándaású. ¹³ Ahá ání bomegyı ahógyipu kóráá betı ahógyipu amu ıdayilé. Táme ɔkuku móbwe agywun ɔbéé, mébetiá ahógyipu amutə. ¹⁴ Igyi alı́ óó á, atsı móa ayın tsətsətsə bəhə anı Wíe Yesu gyi. Bulu létsiá pú amú tsía ahógyipu amutə. ¹⁵ Sumbí ayəpú ámu ofúlábwe sv wúlu amutə

ahá betsiá tsú amó aləpu ba brənsu, beyai nklaŋ tswi pú amó tswi mósó. Fówun ní Petro əbá bətsən iŋu á, mu yiyí bówóli amósó. ¹⁶ Ɔdəm ání botsú awúluá iŋu bomlí Yerusalemto é bəpu amó aləpu pú ahá ání ŋe laláhe dé amó háan ba, sumbí ayəpó ámu bətsa amó iŋo.

Sumbi Ayəpó Amu Lu

¹⁷ Sumbí ayəpó ámu iŋu lówa Bulu igyí əhapó dehen amu muə mu aba ání bubu Saduki əpasuato olu. ¹⁸ Inu su bekitá sumbí ayəpó ámu wá obu. ¹⁹ Táme onyé, Bulu-əbəpu əku léba befinkí obu ámu, kpá sumbí ayəpó ámu dáli. ²⁰ Bulu-əbəpu amu lébláa amó əbée, “Mliyo amliyelií Bulu ətswékpa wunsinésó iŋu, amlibla ahá nkpa pəpwe amu iŋu asón fée.” ²¹ Sumbí ayəpó ámu begyi Bulu-əbəpu amu asónsú. Mú su benati yó wunsinésó iŋu bəke, bude ahá ató suná.

Ɔma-əma a, Bulu igyí əhapó dehen amu léti Yudafə asón agyípo amu fée fia. Mú bəwa abí beə buyéle sumbí ayəpó ámu ba. ²² Táme bəyo á, sumbí ayəpó ámu buəma iŋu. Inu su beyinkí bebláa ahande amu beə, ²³ “Anlóyo iŋu á, anlówun áni aklən amu fin wankláán. Obu adipósú akípu amu bulí bude aklən amu ənó gyo. Táme bréá anléfinkí aklən amu a, anumówun əhaa obu ámutə.” ²⁴ Bulu ətswékpa agyópu əhande muə Bulu igyí ahapó dehen amu bonu asón áni a, bəbwe yo, sí bude asón áni iŋeba mú əma gywín. ²⁵ Inu əha əku lébebláa amó əbée, “Mliki, ahá amú mliłwa obu ámu bulí Bulu ətswékpa wunsinésó iŋu, bude ahá ató suná.” ²⁶ Mú su Bulu ətswékpa agyópu əhande amu muə mu aba bəyo yékpa sumbí ayəpó ámu ba. Bekpa amó díin pú amó ba, tsúfé benya ifú áni ní bəpó iŋu da amó á, ahá bəda amó abwi.

²⁷ Bəpu amó ba belí Yudafə asón agyípo amu ansító. Mú Bulu igyí əhapó dehen amu léfité amó əbée, ²⁸ “Animéda mli əlá aniaa, mliəatrá ti oyin áni dá súná ató? Táme mliki tóá mliəabwé. Mliəahá mli atosunáhé labóla Yerusalem wúluto fée. Mliəkléa mliəpu mu lowu sóra ani.”

²⁹ Petro muə sumbí ayəpó atráhe amu beə mú ənó beə, “Bulu asónsú lehián áni abəgyi, megyí anyánkpoəsa. ³⁰ Mliəda Yesu mántá oyikpalíheə mú mu. Táme aní anáin Bulu lókusóa mú tsú afúliə. ³¹ Olotsu mu ya əsósó, pú mu yéyaí mu gyəpəsu, bwé mu ahá Ɔkpəpú pú Nkpa Ɔhəpu. Fówun əkpa iŋu ha Israelfə abudamli kləntə, Bulu osi amó lakpan kie amó. ³² Anigyí aŋ asón áni iŋu adansifə ní. Ŋe Wankíhé amú Bulu lópokíé ahá áni butegyi mu asónsú amu é dé mú iŋu adansie gyi.”

³³ Bréa Yudafə ahande amu bonu asón áni a, iŋwa amó əbló. Mú su bəbwe agywun beə, bómə sumbí ayəpó ámu. ³⁴ Táme Yudafə ahande amuto əkuá ogyi Farisiyin, mu dá gyí Gamaliel, ogyi Mose mbəla osunəpú áni ahá fée butobú mu lókusó lí, bli

aku bɔkɔsú líi mɔsɔ. Ahá ánfí bɔtsú ofiakpa kvá bɔtɛtí mɔ “Nkpábiá Bahɔ Iwɛsɔtsiá.” Amó aku bɔgyi Yudafoá bɔtsú Kirene pú Aleksandria awúlusɔ. Aku é bɔtsú Kilikia pú Asia ɔmátó. ¹⁰ Táme Ɔhe Wankíhé léha Stefano nyánsa ɔlɔpɔtói. Mú sɔ bɔmɛtalí gyí mɔ nwéén. ¹¹ Iní sɔ beha aku ɔnó beɛ bublí beɛ, bonu ání Stefano dɛtɔí wɔ Mose mɔa Bulu. ¹² Iní léha ahá ání bubu inɔ pú Yudafo ahandɛ pú Mose mbla asunápú amɔ benya ɔbló Stefanosɔ. Inɔ benatí yótɔ mɔ, kítá mɔ, kpá mɔ ya Yudafo Asón Agyípú amɔ ansító. ¹³ Belahá aku bɔwa afunu dínká mɔsɔ beɛ, “Oyin ánfí tɔtói wɔ Bulu ɔtswékpa wankíhé pú Mose mbla ámɔ ekekegyíeke. ¹⁴ Anilónu ání ɔdebli ɔbéɛ, ‘Yesu Nasaretyin amɔ obóbwie Bulu ɔtswékpa amɔ, tse amándíé ání Mose lósuná aní fée.’ ” ¹⁵ Yudafo Asón Agyípú amɔ fée besi bɔde Stefano kí díín. Inɔ beki a, mɔ ansító de ogyá kpa fé Bulu-ɔbɔpɔ ansító.

7

Stefano Iwɛ Ɔnóle

¹ Bulu igyi ɔhapú dehen amɔ léfité Stefano ɔbéɛ, “Asón ánfí bablí tsú fú iwɛ ánfí fée bu mótó?”

² Stefano léle mɔ ɔnó ɔbéɛ, “Mí apió pú mí así, mliyaa asɔ amlɛnu! Bulu Onumnyampɔ amɔ léle iwɛ ɔwan súná aní náín Abraham bréá otsie Mesopotamia ɔmátó, Kaldeafɔtɔ asa olotu yétsiá Haran wúlutɔ. ³⁻⁴ Inɔ Bulu lébláa mɔ ɔbéɛ, ‘Tu dalí fú ɔmátó si fú abusuan, afɔyɔ ɔsólúv kvá nósuná fúsú.’ Mú sɔ Abraham lótu tsú Kaldeafɔ ɔsólúv yétsiá Haran wúlutɔ. Mú si lowu ɔma a, Bulu léha mɔ olotu ba ɔtíné ánfí mlɛtsie ndɛ ánfí. ⁵ Bré ámɔtɔ á, Bulu mókónyá há Abraham ɔsólúv anfi yabi oyíkpa kɔle kóráá. Táme Bulu léhie mɔ así yaí ɔbéɛ, mɔa mɔ abí-aná obégyi ɔsólúv anfi ekekó. Alí bré ámɔtɔ á, Abraham mókókwí obí. ⁶ Asón ání Bulu lébláa mɔ gyí, ‘Fú abí-aná bóbwe afɔɔ ɔsólúv kɔsɔ. Bɔpɔ amó bwé nkpábi, wá amó amɔmɔyɔ nfi lafana (400). ⁷ Táme négyi ɔmá ámúv fú abí-aná béyetsiá amó así ámɔ asón, bíti amó isɔ. Mú ɔma a, néle amó lé amó ibitɔ, fówun béba bosúm mí nfi.’ ⁸ Bulu léka ntam há Abraham. Ntam amɔ ɔnó á, Abraham ɔbétɛn mɔ abí-aná keté. Mú sɔ mɔ bi Isak lóhɔ nkekwe á, Abraham létɛn mɔ keté. Isak é létɛn mɔ bi Yakob keté. Yakob é létɛn mɔ abí, bɔgyi aní anáín dúanyɔ ámɔ keté amó nyebitɔ.

⁹ “Aní anáín anfi befe amó gyama Yosef, mɔ iwɛ olu sɔ. Mú sɔ ɔlɔyɔ yébwɛ ɔkpábi Egypte ɔmátó. Táme Bulu lélí mɔ ɔma, ¹⁰ lé mɔ lé mɔ asɔn wunhe féeétó. Bulu léha mɔ nyánsa, há Egypte owíe lénya mɔ iwɛ ansigyí. Mú sɔ ɔlɔbwɛ Yosef mɔ ɔmá pú mɔ wóyí féeésú ɔkípɔ. ¹¹ Akón kɔ lébá Egypte pú Kanaan ɔsólúv fée. Ilɔpɔ ikplán ba ɔmá ámɔtɔ. Aní anáín amɔ bɔmenyá ató gyi. ¹² Mú sɔ bréá Yakob lónu ání atogyihe bu Egypte a, ɔlɔwa

aní anáin anfi sísi. Bɔyɔ inu eke gyankpapu yénya atogyihe ba. ¹³ Beyinkí yó otse nyɔɔsi a, Yosef léle iwɔi ɔwan súná amó ɔbéé, mɔgyí amó gyama Yosef ni. Iní su Egypte owie é lébi Yosef abusan. ¹⁴ Mú ɔma a, Yosef lówa mu apíó sísi ɔbéé, buyékpá mu si Yakob pú mu abusanfɔ, bóbwé fé ahá aduesienó-nu (75) ba, abubetsiá Egypte ɔmátó. ¹⁵ Inu Yakob lóyɔ Egypte. Inú mva aní anáin amu bowu ní. ¹⁶ Nfi tsɔtsɔtsɔ ɔma a, bɔpu amótó akɔ afúli ya Sekem. Wúlu anfitɔ Abraham légyankpá tsíá ní. Bopulá amó ilán kuá Abraham lópu kóba hɔ tsu oyin ɔkuá butetí mu Hamor abí wátó.

¹⁷ “Nke ámúb Bulu léhie Abraham amu lotsutsúa ibɔfun a, aní anáin amu bakléí wá Egypte ɔmátó. ¹⁸ ɔma a, Egypte owie ɔkuá ɔmebi Yosef lébetsiá obiá ámuɔsu. ¹⁹ Owie anfi lówa owuntɔlun aní anáin amuɔsu. ɔleka amó híé ɔbéé, butswí amó abi bɔbwé tsalífwi abuwu. ²⁰ Alí bré ámuto bɔkwí Mose ni. Ogyi obi áni ɔhíé ɔbu akíle, Bulu ansí legyi mu iwɔi. Mu yin léyai mu tsra asa mu si wóyító. ²¹ Bréá bele mu mu wóyító a, Farao mu bi tsíhé lótsu mu, pó mu bwé mu bi alí, ɔledan. ²² Egyptefɔ bosuná Mose amó amándié kugyíku. ɔbɔbwé ɔha kɔnkɔnti mu itó pú mu bwehétó.

²³ “Bréá Mose lóhɔ nfi adwana (40) á, ɔbɔbwé agywun ɔbéé, mýyɔ yéki alíá Egyptefɔ bɔpu buɔde mu apíó Israelfɔ kpa. ²⁴ Inu á, olowun áni Egypteyin dé mu apíó Israelfɔ ámuto ɔku da. Mú su ɔyɔ ɔyóhɔ mu pio ámúb ide mu dóɔn amu, ilemlí mva Egypteyin amu nyɔ. Inu ɔleda Egypteyin ámu mó. ²⁵ Mose mú kí ɔbéé, ibówankí mu apíó Israelfɔ áni Bulu dépu mu hɔ amó nkpa, táme imɔwankí amó. ²⁶ Mú ɔyi kehe a, olowun Israelfɔ abanyó buɔdeko. ɔyɔ ɔyékpátá amó, ɔlebláa amó ɔbéé, ‘Mlíki, apíó mligyí. Ntogyi sɔ mli wulewule mlidé aba amumyɔ wa?’ ²⁷ Táme ɔmɔamúb ɔde mu ba da ámu lówutá Mose sísi, fité mu ɔbéé, ‘Ma lówa fú ɔbéé fubégyi anísu, afugyi aní nsiné asún?’ ²⁸ Fɔdekléá fómɔ mí, fé alí ámúb ígye fómɔ Egypteyin amu lóó?’ ²⁹ Mose lénya nú asún ánfi alí, ɔlesrí dalí Egypte ɔmátó yó Midiafɔ ɔsolósu. Oletsíá inu kwíí abi anyɔ.

³⁰ “Nfi adwana ɔma a, Bulu-ɔbɔpu léle iwɔi ɔwan súná Mose dimbísú oyíbi kuá ibu awu, ogyá detsíí mótótó, mantáa Sinaibu. ³¹ Mose lówun mú á, ilówa mu ifú. Bréá ɔlɔkpɔkpé ɔyó yéki mú wankláán á, Bulu lébláa mu ɔbéé, ³² ‘Mígyí fú anáin Abraham, Isak pú Yakob Bulu.’ Mose lénya ifú, ɔdekpínkí kpakpakpa. Mú su ɔmetalí kí mú. ³³ Aní Wíe Bulu lébláa mu ɔbéé, ‘Wɔi fú ntɔkɔta tswi, tsúfé ɔtíné ánfi fúlí ánfi igyi ɔtine wankíhé. ³⁴ Nawun áni mí ahá buɔde iwɔisɔn wúun Egypte ɔsolósu. Nanú amó isú. Mú su nakplí neba bóhɔ amó. Ba, anwa fú Egypte.’

³⁵ “Mose anfi Israelfɔ bekiná Egypte ɔmátó, fité mu beé, ‘Ma lówa fú ɔbéé fubégyi anísu, afugyi aní nsiné asún?’ ní. Mose anfi kén Bulu léha ɔbéé, ɔbwéé aní anáin amúsú ogyípú pú amó ɔlepú

ní. Bulu lówa mu sumbí ánfí tson Bulu-əbəpu amóú əlele iwí súná mu ogya plənpləntə ámuşu. ³⁶ Mu kén gyí əhá aní əlekpa amú dalí Egipte, bwé ofúla pú osúna tsətsətsə Egipte əsulúsu, Ɔpu Pəpə amu ənó pú dimbí ámuşu nfi advana (40) kéké ní. ³⁷ Mu kén lébláa Israelfə ámu əbé, ‘Bulu əbéle mu ənósú ətəipú əkuvá ogyi fé mí tsú mlitə há mli’ ní. ³⁸ Bréá muə Israelfə ámu befia dimbí ámuşu á, Mose anfişu Bulu-əbəpu amu lótaí tson Sinaibu ámuşu há aní anáin amu ni. Mu kénsú Bulu lópu mu nkpa asón ámu tson, ide aní é tu ní.

³⁹ “Táme aní anáin bəmobu mu. Bekiná mu asón nu. Amú nkule su mú á, teki butráa buşu Egipte əmátó. ⁴⁰ Iní su bebláa Aaron bə, əyái ikpi aní békpa amú ha amú. Tsúfé bəmeyín tśá ilabwé Mose amúú əlekpa amú tsú Egipte amu. ⁴¹ Alí bré ámuşu á, beblí sika pəpə ənantswiebí púbwé əkpi, tsíá há mú igyí. Amú ansí legyi amú ibi ənó itə bwəhé ánfí iwí. ⁴² Bulu lési amú asón, bəyə bude owí muə ətsra pú ntsrakpabi tswé. Fé aliá bəwanlín wá Bulu ənósú atəipú amu əwulótó bə,

‘Israelfə! Megyí mí mliləmə mbwí bó afədie há
nfi advana (40) amúú mlilətsíá dimbí ámuşu.

⁴³ Mbouín əkpi Molok tati-obu
pú Refan ntsrakpabi əkpi
mliləbwe súra, náti tswə.

Iní su négya mli yówa Babilonfə əsulúşu əma ətineku.’

⁴⁴ “Tati-obu amúú itosúná amú aní Bulu bu amú wá ámu é letsíá aní anáin amu wá dimbí ámuşu. Mose ləbwe mú aliá Bulu lósuná mu əbé, əbwéé mú pəpəpə. ⁴⁵ Aní anáin amu bowu sí Bulu tati-obu ámu há aní así, Yosua légya amú nkpa bəpuə əsulúşu anfişu. Amú onutó ansító Bulu légya əmá-əmə lé əsulúşu anfişu púhá amú. Bulu tati-obu ámu letsíá amú wá alí bətu Owí Dawid brésú. ⁴⁶ Bulu ansí legyi Owí Dawid iwí. Mú su Dawid ləkúli mu əbé, muşii obu ha mu, mənı aní Yakob abí-aná féé abósum mu inu. ⁴⁷ Táme Owí Salomo mbouín lébeyi obu ámu.

⁴⁸ “Táme Ɔsúsúşú Bulu tamatsíá nyankpuşu obu yihətu. Fé aliá Bulu ənósú ətəipú əku léblí əbé,

⁴⁹ ‘Aní Wíe Bulu əbé, “Ɔsúsú gyí mí owí obíá,
əsulúşu é igyi mí ayabi oyíkpa.

Ntu obu mlíaa mléyi ha mí?

Nkónu gyí mí əkpónú ədakpá?

⁵⁰ Megyí mí ləbwe ntobí ánfí féé?” ’ ”

⁵¹ Stefano ləmə mu asón ənó əbé, “Asutə-ənlın awíé, kluntə bu mli odwin. Mlilakíná Bulu asón ámu nu. Mli é mlitəkúşú lí Ɔŋe Wankíhé amu asónşu brégyíbré, fé aliá mli anáin amu betsíá bwé. ⁵² Bulu ənósú ətəipú əməmuşú mli anáin bəmedinká? Bəmə Bulu ənósú atəipú amúú beblí yái bə, Yilé Ɔbwepú ámu əbéba amu é. Mliléle Yilé Ɔbwepú ámu há, bəmə mu. ⁵³ Mliləhə

Mose mbla ámu tsú Bulu-abəpu ámu wá ní, táme mlumégýi mósó.”

Stefano Abwi Da Mós

⁵⁴ Bréá Yudafə ahande amu bonu Stefano asun blíhé anfi á, əblə lehié kítá amó, beda ansító kpun. ⁵⁵ Táme Ŋhe Wankíhé lóbulá Stefanotə, olotsu ansí fúá, əde əsúsó kí. Olowun Bulu numnyam, Yesu líí Bulu gyəpísu. ⁵⁶ Mós əlebláa amó əbé, “Mlíki, nawun ání əsúsó lafinkí, Nyankpusa-Mu-Bi ámu líí Bulu gyəpísu.”

⁵⁷ Bréá bonu ínı á, bəpu ıbı tin asu. Inu amó fée bəsurá okitikítı tú bun musu, ⁵⁸ bebitía mu dalı wúlu amutə beýéda mu abwi mós. Adansífə ámu bəwəı amó awunso atadié tswı əyasubı əkwá bütetı mu Saulo wá. ⁵⁹ Bude mu abwi da alı, olokpólı anı Wíe əbé, “Mı Wíe Yesu, hə mí əhé.” ⁶⁰ Inu á, əleda akpawunu, kplón kəkłókúó əbé, “Mı Wíe, si lakpan ání kie amó.” Olenya blı ah pé, olomu ənós.

8

¹ Saulo é lótsulá dínká Stefano məsu.

Saulo Əpasua Amusu Dínká

Tsú eke ámusu á, bedínká əpasua ámuı ıbu Yerusalem amusu, wá amó mə bı. Mú su əpasua ámu fée bedasáın wá Yudea pú Samaria əmátó, sí sumbí ayəpú ámu nkule pé wá inu. ² Táme Bulu asúmpú akv bosu Stefano, bın mu.

³ Saulo mú léfi əpasua ámu bwie asi. Oletsıá kí ahá wóyıtó, bítıa ahógyıpu atı móa ayin fée yówa obu.

Filipo Bulu Asón Okanda Samaria Wúlu

⁴ Ahógyıpu amu beda Bulu asun wankláán ámu əkan ətınegýıətıné ání bedasáın yó. ⁵ Mú su Filipo lóyo Samaria wúlu yilé kutə yébláa amó Kristo, (əhá ámuı Bulu ladá mu ofúli amu) ıwı asun wankláán ámu. ⁶ Afiapı amu fée bonu mu asun blíhé, bowun osúna ání ələbwe é. Mú su bəhə mu asún ámu. ⁷ Ŋhe laláhe ləsurá okitikítı dalı ahá tsətsəətsə. Ahá ání amó ifón lawú pú tsukule asınpu tsətsəətsə é benya ılətsá. ⁸ Mú su ansı lehié gyı Samariafə ámu.

⁹ Alı bré ámutə á, əfápú kpənkpəntı əkwá bütetı mu Simon bu wúlu amutə. Bréá Filipo mókúba inu á, ələbwé túmila súná mu pı amu, ıtəwá amó ifú. Ətəpú ıbı sí kántó blı əbé, otúmıpu kpənkpəntı mugyi. ¹⁰ Nyebı ahande fée bütobú mu, blı be, “Oyin ání dé Bulu túmi kpənkpəntı ámu.” ¹¹ Inıá ədepu mu asuma bwé ofúla suná amó, ılawá əpá su á, amó fée bəhə mu gyı. ¹² Táme bréá Filipo léba beda Bulu iwıegýı pú Yesu Kristo ıwı asun wankláán ámu əkan a, atı móa ayin bəhə mu asún ámusu gyı, ələbə amó asú. ¹³ Simon onutó é lóhogyı, əleha Filipo lóbə

mu asú. Mu asúbo oma a, abapu iwí mantáa Filipino. Bréa olowun alíá Filipino dé ofúla múa osúna bwe á, onó lobwie mu.

14 Sumbí ayapó ámú bubu Yerusalem amu bonu ání Samariafo bahó Bulu asón ámu. Mú su bowa Petro muva Yohane amú wá. 15 Bréa boyówie iwu á, babo mpái há Samariafo ahógyipu amu bée, bonyáa Jhe Wankíhé. 16 Tsúfé asú keke babó amú aní Wíe Yesu dátó, táme amótó okuku mókónyá Jhe Wankíhé amu. 17 Iwu Petro muva Yohane bapu ibi dínká amú nwunso, Bulu léha amú Jhe Wankíhé amu.

18 Simon lówun ání ibi keke sumbí ayapó amu bapú dínká ahógyipu amu nwunso, Bulu lahá amú Jhe Wankíhé. Mú su elele kóba há Petro muva Yohane, 19 elebláa amú abée, “Mliha mí túmi ánfí ku, méní ní mí é nópó ibi dínká oku nwunso á, Bulu abéha mu Jhe Wankíhé.”

20 Táme Petro lébláa mu abée, “Fúa fú kóba ámu nyó fée mlihi. Tsúfé fuki fée, fétalí pú kóba hó Bulu itokiehé ánfí. 21 Fuma ogyíkpa ntée olúkpa aní gyumagyihe anfito, tsúfé fú klonto metun Bulu ansító. 22 Damli klonto tsu fú lakpan ánfíto, afukuli aní Wíe Bulu. Fíali obési agywun laláhe anfi fabwé anfi kíe fú. 23 Tsúfé nawun ání fohíe fóbu onsiye, lakpan lagyi fusu.”

24 Simon lébláa Petro muva Yohane abée, “Nobwíí ipa, mlíkoli mlí Wíe Bulu ha mi, méní oméeha asón ánfí fablí ánfíto kuku méeba misu.”

25 Bréa Petro muva Yohane begyi adánsiye, dá Yesu iwí asón ámu okan tá á, beyinkí yó Yerusalem. Bréa bona boyó á, beda ason wankláán ámu okan Samaria nkuda tsotsotsó asi.

Etiopia Owie Sikasu Okipu Klontadamli

26 Alí bré ámutó á, Bulu-abapu lébláa Filipino abée, “Kusu pu asaasi dimbísú okpa ámú idá tsu Yerusalem iyó Gasa amu.” 27 Múú Filipino lókusu pú okpa. Bréa ayó á, abotu Etiopia omá ohande okvá baflo mu. Ohande amu gyí Etiopia owie tsihé Kandake sikasu okipu. Oyin ánfí layó Yerusalem yósum Bulu, 28 yínkí ayó wóyí, otsie mu kekétó, mpónkó bude mu bití. Ode Bulu onósó otáipú Yesaia owuló ámu kláa. 29 Múú Jhe Wankíhé lébláa Filipino abée, “Kpukpe manta keké ánfí.” 30 Filipino lésrí tó keké ámu wun ání Bulu onósó otáipú Yesaia owuló ámu oyin ámu dé kláa. Mú su defité mu abée, “Ohande, fude asón ámú fudekláa amu asi nu?”

31 Ohande amu léle mú onó abée, “Nkálí íbóbwe nónu mú asi ní oku méle mú asi súná mí?” Mú su elebláa Filipino abée, “Du tsia mí wá ayó.” 32 Bulu asón ání adekláa owuló ámutó gyí:

“Olobwe díín fé kufa ání bapú beya omákpá. Omobwíí mu nnonyo.

Olobwe díín fé alíá kufa tóbwé ní bude mu iwí imi dínkí.

33 Bókpaí mu, bumegyí mu asón onakwalisu.

Ɔhaa méetalí súná mu abí-aná,
tsúfě beka mu nkpa tin ɔsulóv anfisv.”

³⁴ Múv ɔmá ɔhande amv léfité Filipo ɔbéé, “Ma iwí asún Bulu ɔnósó ɔtɔpú anfi déblí, mu onutó ntée ɔha bambá?” ³⁵ Inu Filipo lélí Yesaia asv wanlínhé anfisv bláa mu Yesu iwí asv wanlkláán ámv. ³⁶⁻³⁷ Bɔpv bɔyɔ á, bɔtv ntsu kv. Múv ɔmá ɔhande amv léfité Filipo ɔbéé, “Ntsu dá a, ntó létin mí asúbɔ ɔkpa?”*

³⁸ Mú sv ɔmá ɔhande amv léha mu keké ámv ɔbitípú lélí. Mva Filipo bekplí wíé ntsu ámvɔ, Filipo lóbɔ mu asú. ³⁹ Bréá bedali ntsu ámvɔ á, aní Wíe Ɔhě lotsu Filipo náti. Ɔmá ɔhande amv métrá wun mu, táme ɔlɔpv ansigyí náti ɔyó wóyí. ⁴⁰ Filipo é léyedalí Asoto wúlutɔ. Ɔlenatí kí inu awúlusv dá asv wanlkláán ámv ɔkan alí, oloyówie Kaesarea wúlutɔ.

9

Saulo Klɔntɔdamli (Gyumagyihe 22:6-16; 26:12-18)

¹⁻² Alí bré ánfító fěé á, Saulo mókúsí Yesu akasípú amv bláa ɔbéé, mómɔ amú. Mú sv ɔlɔyɔ Bulu igyí ɔhapú dehen wá yókvlí mu ɔbéé, ɔwánlín ɔwóló pvle mu suna Damasko Yudafɔ ofiakpa ahande, méní ní mu ibí da oyin ntée ɔtsí ɔkv, ɔna aní Wíe ɔkpa ámvsv a, mékutá mu, kpá mu ba Yerusalem.

³ Saulo lópv ɔkpa ɔyó Damasko. Ɔleta wie tá á, nsantɔ lekpa ogyá wa mu. ⁴ Ɔledída ɔsulótɔ kpá. Inu olonu ɔme kv. Ɔme amv léfité mu ɔbéé, “Saulo, Saulo, ntogyi só fúdin mísú alí?”

⁵ Saulo léfité ɔbéé, “Fú ma ní, mí Wíé?” Múv ɔme amv lébláa mu ɔbéé, “Mí Yesu ní. Mísú fúdin ní. ⁶ Kvsu, afuyɔ wúlutɔ inu. Ɔkv obósuná fú tásá lehián aní fóbwe.”

⁷ Saulo aba aní mva amónyɔ bvna besi lí díin. Bonu ɔme amv, táme bɔmowun ɔhaa. ⁸ Saulo lókvsú líí. Olobwíí ansíbi, táme ɔmedé ató wúun. Mú sv bekítá mu ibí, kpá mu ya Damasko wúlutɔ. ⁹ Oletsiá nkensá owító omowun ató. Omegyí ató, omonu tɔtɔ é alí bré ámvɔ.

¹⁰ Alí bré ámvɔ á, Yesu ɔkasípú ɔkv bv Damasko, bvetéí mu Anania. Olowun ató. Mótó á, aní Wíe Yesu lókpólí mu ɔbéé, “Anania!”

Olotsulá ɔbéé, “Mí Wíé, mí ní.”

¹¹ Múv aní Wíe lébláa mu ɔbéé, “Kvsu, yɔ brɔnv amúv bvetéí mú ‘Ɔkpa Tswííhé’ amvsv. Wie Yuda wóyító, afófite oyin amúv otsú Tarso, bvetéí mu Saulo amvsv. Alaba, ɔbv inu ɔde mpáí bɔ. ¹² Alawun aní oyin ɔkvá bvetéí mu Anania laba bɔpv ibí dínká mvsv, mu ansíbi labwíí.”

* **8:36-37** Mótó yéé 37 bv nwló dada amv akotɔ: Filipo lebláa mu ɔbéé “Ní fahɔ Kristo gyi tsú fú iklon fěétó a, nétalí bó fú asú.” Ɔlebláa Filipo ɔbéé, “Ee, nahogyí mbéé Yesu Kristo gyi Bulu mu Bì.”

¹³ Múu Anania lébláa aní Wíe ɔ́bée, “Mí Wíé, nanú oyin ánfí iwí asón. Alíá ɔ́depu lalahé gyi fú ahá ání búbu Yerusalem. ¹⁴ Igyi ahapó dehen amú é bahá mu túmi bée, ɔ́bá Damasko bekítá ahá ání bútbó mpáí fú dátó fée.”

¹⁵ Aní Wíe lébláa mu ɔ́bée, “Yó, mílálé mu mbée, ɔ́bwée mí osúmpú, ɔ́ha ɔ́má bámbátófó, amú awíe pú Israelfó fée abubu mí. ¹⁶ Mí onutó nósuná mu alíá ɔ́bókuku wun ipian mí su.”

¹⁷ Mú su Anania lóyo Yuda wóyító, yópu ibi dínká Saulosu, bláa mu ɔ́bée “Opíó Saulo, aní Wíe Yesu amóu ɔ́lele iwí ɔ́wan súná fú bré amóu febá nfi ámu lává mí fú wá. ɔ́bée, mbeha fú afulawun ató, ɔ́he Wankíhé ɔ́bula fótó.” ¹⁸ Tókúá igyi fé klemetí afwí lémain lé mu ansibisu kpádá inunu. Mú su ɔ́lela ɔ́de ató wúun. Inu ɔ́lokúsó, bóbó mu asú. ¹⁹ Beha mu ató olegyi, ɔ́wonlín lelawíe mu.

Saulo Bulu Asón ɔ́kanda Damasko

Saulo létsiá akasípú amú wá nke kpalobí. ²⁰ Inunu ɔ́lenatí yó amú ofiakpa, yéfi Yesu iwí asón ɔ́kan da asi ɔ́bée, “Yesu gyí Bulu mu bi ámu ní.”

²¹ Ahá ání bonu mu asun blíhé anfi fée ɔ́nó lobwie amó. Mú su befíté bée, “Megyí mudé Yesu asúmpú mɔ́ Yerusalem ní? Megyí amú ɔ́kitákpá ɔ́leba nfi, ɔ́kpa amú ya igyi ahapó dehen amú?”

²² Táme Saulo lélanyá túmi blí asón ámu ɔ́wonlínsú ɔ́bée, lélé Yesu gyí Kristo, (ɔ́há amóu Bulu ladá mu ofúli amú). Alíá ɔ́lehe lé asón ámutó leha Yudafó ání búbu Damasko inu bóbwe basaa. Bumowun múá bótso.

²³ Nke tsotsɔ́tsɔ́ ɔ́ma a, Yudafó ámu befia kítá agywun bée bómɔ́ Saulo. ²⁴ Mú su betsiá gyo wúlu amú ɔ́nó ɔ́pa onyé, méní bénya mu mó mu. Táme aku bowi tsá Saulosu bée, alí Yudafó ámu babwé agywun ní. ²⁵ Mú su eke ɔ́ku onyé á, Saulo abúopu amútu aku botsu mu wá lakpátó, pú mu tson ikwitó kplí mu yi iban ɔ́ma, ɔ́lesrí náti.

Saulo Yerusalem Yo

²⁶ Bréá Saulo lówie Yerusalem a, ɔ́lɔ́tsun ɔ́kpa kugyíkusu ání obówie Yesu akasípú amútu. Táme bumohogyi ání alabwé ɔ́kasípú. Mú su benya mu ifú. ²⁷ Inu Barnaba lékpa mu ya, yéle mu súná sumbí ayɔ́pú amú. ɔ́lebláa amú alíá aní Wíe léle iwí ɔ́wan súná Saulo Damasko ɔ́kpató, mba Yesunyó batóí; pú alíá Saulo lówa klɔ́n dá Bulu asón ámu ɔ́kan ɔ́wonlínsú Yesu dátó Damasko wúlutó. ²⁸ Mú su Saulo lówie amótó, beki Yerusalem wúlutó. ɔ́lɔ́wa klɔ́n blí Bulu asón ámu Yesu dátó. ²⁹ Mba Yudafó amóu búteblí Griiki ɔ́blí amú betsiá tóí, gyi aba nwéen. Táme alí bré amútu fée á, búde agywun bwe ání bómɔ́ mu. ³⁰ Bréá mú afú lɔ́wólí ahógyipu amú a, bekpa mu yáa Kaesarea, há mu ɔ́lenatí yó Tarso.

³¹ Mú sɔ ɪwɪ lolwií ɔpasua ání bɔ Yudea, Galilea pú Samaria ɔmátɔ. Ɔɲe Wankíhé lékpa amú bekleí, dan hógyitɔ, betsiá tsiátáá ilegyi anɪ Wíe Yesu ansí.

Aha Aku Ilo Tsa

³² Petro lénatí kɪ Samaria nkudasɪ. Eke ɔku ɔleyéki Bulu ahá ání bɔbɔ Lida wúlutɔ. ³³ Inu á, oleyéfia oyin ɔkuá butetí mu Enea, olesin tsukule nfikwe ní. ³⁴ Petro lébláa mu ɔbé, “Enea, Yesu Kristo latsá fú ilo. Kusu kunta fú oklan.” Inu Enea lókusú. ³⁵ Ahá ání butsie Lida wúlutɔ pú Saron nsáinto féé bowun oyin ámu. Mú sɔ bohogyi, bobuo anɪ Wíe.

³⁶ Ɔtsɪ ɔku bɔ Yopa wúlutɔ, ogyi ɔkasípó. Butetí mu Tabita. Mu dá ámu asɪ Griiki ɔblítɔ gyí, “Dorka.” Mú asɪ gyí, “Abre.” Yilé ɔbwepú ogyi. Ɔbu awitole há ahíanfɔ. ³⁷ Bréá Petro bɔ Lida a, ilo léda Tabitasɔ. Olowu, bebie mu ntsu, sí mu tswɪ abansóru kutɔ. ³⁸ Yopa móa Lida awúlu imafó aba wá. Mú sɔ bréá akasípó amú bɔbɔ Yopa amu bonu lowu ánfɪ á, bɔwa abi anyɔ sísí Petro bɛɛ, bobwíí ipa há mu, ɔwáa ɔsa tu amú. ³⁹ Inu Petro lówa ɔsa bwé, móa amúnyɔ benatí. Bréá olobowie inu á, bekpa mu ya abansóru amutɔ. Wúlu amutɔ asurapu féé bɔbɔ fúli amu asɪ. Bekpa pútá Petro budesú, buɔe atadiéá Dorka lóbwɛ bréá otsie nkpa pɔsúná mu. ⁴⁰ Petro légya asurapu amu féé lé obu ámutɔ. Mú ɔléda akpawunu bó mpái, asa ɔledamlí kɪ fúli amu blí ɔbé, “Tabita, kusu.” Inu Tabita lóbwíí ansíbi. Bréá olowun Petro a, ɔlokusú tsíá. ⁴¹ Inu Petro lékitá mu bi, ɔlokusú líí. Petro létɪ asurapu amu pú ahógyipu atráhe amu. Mú ɔlɔpu Tabita súná amú ání alatsínkí. ⁴² Asún ánfɪ lekí wá Yopa wúlutɔ. Mú sɔ ahá tsɔtsɔtsɔ bɔhɔ anɪ Wíe gyi. ⁴³ Petro létsiá Simon ání ɔtɔyɔ ɔwulú-kpákpá ɪwɪ agyómá wá Yopa inu wá ɔpá.

10

Konelio Abi Wa Petro Wá

¹ Oyin ɔku létsiá Kaesarea inu, butetí mu Konelio. Ogyi Romafó isá akɔpú ɔpasua kuá butetí mú Italia ɔhandɛ. ² Ɔbu nsi Bulusúm ɪwɪ. Mba mu wóyítófé féé butosúm Bulu. Konelio tekié Yudafɔ ahíanfɔ ató. Ɔtɔbó mpái há Bulu brégyíbré. ³ Eke ɔku Konelio lówwun ató ntúpwɛ ɔsatɔ. Mu atowunhe amutɔ á, olowun Bulu-ɔbɔpu ansí káín, Bulu-ɔbɔpu amu lókpólí mu ɔbé, “Konelio!”

⁴ Ifú lékitá mu. Mú sɔ olesi ɔɔɛ Bulu-ɔbɔpu amu kí. Mú ɔlefítɛ Bulu-ɔbɔpu amu ɔbé, “Mí Wíé, nkálí igyi?”

Bulu-ɔbɔpu amu lébláa mu ɔbé, “Bulu laho fú mpái. Fú ahá ató kie é lagyi mu ansí. ⁵ Wa abí abuyɔ Yopa yetɪ Simon Petro ba. ⁶ Ɔlɔyóswí ɔwulú-kpákpá ɪwɪ agyómá ɔyɔpú Simon wóyító, mantáa ɔpu ɔn.” ⁷ Bréá Bulu-ɔbɔpu amu lénatí á, Konelio létɪ mu asúmpú abanyó ání bɔbɔ mu wóyító pú mu ɔbisufe ání ogyi

isá akápú, otenyá Bulu ifú. ⁸ Oebláa amú asón aní laba féé, olwa amú sísi Yopa.

⁹ Mú oyi kehe bokúsó báyó Yopa. Beta inu wie tá á, lbóbwe fé opa dódúanyotó. Petro é dédu oyó obu awunso mpái obokpá. ¹⁰ Akón ihíe de mu. Mú su olekle aní obénya taku wá onó. Bréá bude ató ámu niná há mu a, Petro lówun ató. ¹¹ Atowunhe amoto á, olowun aní osúsó lafinkí, tákúá igyi fé ohráda téihé, bude mu nsiebí ana, idekplí íbá osólósu. ¹² Oyító mbwí otsan-otsan, mbwíá bobu ayín, táme buteká abonó pú oyító mbubwi féé bobu ohráda ámoto. ¹³ Múú olonu ome ku lédali obéé, “Petro, kusu mo mbwí anfi afowi.”

¹⁴ Táme Petro léle mú onó obéé, “O-o! Mí Wíé, bokwí mí opa á, mmakógyi tóá Yudafó amándíé lekisi ntée mú iwí metin kí.”

¹⁵ Ome amu léla bláa mu obéé, “Máti tóá Bulu latin mú iwí atokisíhé.” ¹⁶ Atowunhe amu pú ome amu léba tse sa. Mu ansító inu á, botsu ohráda ámu ya osúsó otsáwole pé.

¹⁷ Bréá Petro dé nwuntó bu tsú atowunhe anfi iwí á, Konelio abí ámu é bafité wun Simon wóyító, ba bulí okpa onó. ¹⁸ Konelio abí ámu bokpolí fité bee, “Ofoó oku tsie nfi, butetí mu Simon Petro?”

¹⁹ Petro trá ode nwuntó bu tsú atowunhe amu iwí, Oje Wankíhé lébláa mu obéé, “Simon, ahá abasá aku baba bude fú dunká. ²⁰ Kusu bwe, afukpli yefia amú amlinatu. Mágyi nwéen, tsúfé mílawá amú fú wá.” ²¹ Inu Petro lékplí yótu amú, bláa amú obéé, “Mígyi ohá ámúú mlidédunká ámu ni. Ntogyi sú mliná?”

²² Ahá ámu bele mú onó bee, “Anumédé tsitsa. Isá akápú ohande Konelio aní otenyá Bulu ifú, Yudafó féé butetí mu idayilé lówa aní fú wá. Bulu-obopu oku labelbláa mu obéé, obá beti fú afuba mu wóyító, méní obónu asón aní fúbu blí.” ²³ Múú Petro lékpa amú wá wóyító, oleha amú odikpa.

Oyi kehe a, Petro mva amúnyó bokúsó pú okpa báyó Kaesarea. Bréá báyó á, ahógyipu akúá bobu Yopa inu é bobuo amú yó. ²⁴ Mú oyi kehe a, boyówie Kaesarea wúlutó. Botsutsúa abowie inu á, Konelio latí mu wóyító ahá pú mu anyawíe kláklá befia, ode amú okpa kí. ²⁵ Bréá Petro lówie wóyí ámu onó á, Konelio lókusó yéfia mu, dá akpawunu mu ayabitó súm mu. ²⁶ Táme Petro léha mu olókúsó. Oebláa Konelio obéé, “Kusu, máda akpawunu há mí. Nyankpusa mí é ngyi.” ²⁷ Petro mva mnyó buna budetái alu olowie wóyító. Inu olowun aní ahá tsotsotso bafia. ²⁸ Múú olebláa amú obéé, “Mli onutó mlyin aní Yudafó mbla meha okpa aní Yudayin mva omá bámbátóyin bobwéé anyawíe ntée obóyo mu wá kpán. Táme Bulu lahá mí nabí aní mmáki mbéé oku iwí metin ntée omofon amándíé okpasu. ²⁹ Mú sú bréá fowa abí féé bubéti mí á, mmakpukpúu nwuntó ní. Amansu igyi? Bla mi.”

³⁰ Múú Konelio lébláa mu ðéé, “Nde eke náásí, ntópwe ðasato mbu wóyító nde mpái ba. Òtsáwule pé á, nowun oyin ðku líí mí ansító. Oyin ámu lówa atadie futútú. ³¹ Oyin ámu lébláa mu ðéé, ‘Konelio, Bulu lanú fú mpái. Fú ahá ató kie é lagyi mu ansi. ³² Mú su wa abí abuyò Yopa wúluto yeti Simon Petro ba. Òwúlòkpákpá iwi agyómá ðyòpú Simon wóyí ðoswí. Otsie mantáa ðpu ðnó.’ ³³ Mú su inuñu nòwa abí sísí fú. Ibu aláá faba. Séi á, aní fée anilafia Bulu dátó. Anigyó aní Wíe asón aní alapóhá fú ðéé, fubláa aní.”

Petro Asun Blíhé

³⁴ Múú Petro lótsu ðnó blí ðéé, “Nawun aní lélé Bulu tamaki ðhaa ansító. ³⁵ Mboún ðhá aní otenyá mu ifú, ðabwé yilé asón otekle ðmágyíomátó. ³⁶ Mliyin asun wankláán aní Bulu lópuhá Israelfó. Asón ámu gyí, Bulu lapú iwilwii ba tsun Yesu Kristo, ahá fée Owíe amusu. ³⁷ Mliyin asón kpòkpònti aní iléba Yudea ðmátó fée. Ilotsu así tsú Galilea ðmátó, bréá Asú Òbòpú Yohane léda asúbò ðkan ðma. ³⁸ Mliyin aní Wíe Yesu Nasaretyin amu. Mliyin aní Bulu lópu mu Òhe Wankíhé pú túmi wá muò, oleki ðínegyíatíné bwé yilé, tsá ahá aní bobu ðbunsám túmi así ilò, tsúfé Bulu buo mu. ³⁹ Anigyí ahá aní anilówun mu bwéhé aní ðabwé Yudea pú Yerusalem ðmátó fée ní. Beda mu mántá oyikpalíhesu mó mu. ⁴⁰ Táme mó eke saásí a, Bulu lókusóa mu, lé mu ðwan, ahá bowun mu. ⁴¹ Megyí ðyító ahá fée lówun mu, táme aní ahá ámuú Bulu léle yáí ðéé, abwée mu adansifó ámu mó anilówun mu. Mu kúsú tsú afúlitó ðma a, ania munyò légyi, anilówi ní. ⁴² Òlehie aní ðéé, adáa mu asun wankláán ámu ðkan suna ahá, agyi mu iwi adánsie aní mugyí ðhá aní Bulu laléá obégyi akiankpapu pú awupú fée asón ní. ⁴³ Bulu ðnósú atóipú amu fée beblí beé lélé, ðhagyíðha aní ðlòhò Kristo gyi a, Bulu obési mu lakpan fée kíe mu Kristo dátó.”

Òmá Bámbásífo Òhe Wankíhé Nya

⁴⁴ Bréá Petro dé asón aní blí á, Òhe Wankíhé lébá ahá ámuú bude mu asón ámu nu ámu féeésú. ⁴⁵ Ònó lobwie Yudafó ahógyipu amú bobuo Petro ba inu ámu aní Bulu lapú mu Òhe Wankíhé amu kíe ahá aní bumegyí Yudafó. ⁴⁶ Tsúfé bowun aní ahá ámu bude ðblí bámbá blí, buhíe bude Bulu kanfó. Mú su Petro lébláa amú ðéé, ⁴⁷ “Bulu lahá ahá aní é Òhe Wankíhé fé aní. Òku ðbétalí tin amú ðkpa ðéé bumábò amú asú?” ⁴⁸ Mú su ðleblí ðéé, bubó amú asú Yesu Kristo dátó. Mú ðma a, bokokóli Petro beé, otsía amú wá kpalobí.

11

Petro Iwi Asón Ònóle Yerusalem

¹ Yesu sumbí ayòpú ámu pú ahógyipu amú bobu Yudea ðmátó ámu bonu aní ðmá bámbátófo é bahò Bulu asón ámu.

² Mú sɔ bréá Petro lóyɔ Yerusalem wúlutɔ á, mɔa ahógyipɔ akɔvá butekléa ahá butiun keté asa abɔwie ɔpasua ámutɔ bebití asón. Befíté mɔ bɛɛ, ³ “Ntogyi sɔ fayó ahá ání bɔmetɔn keté wóyí, fɔa amónyɔ mlilawá ibi gyi ató?” ⁴ Mú sɔ Petro léle asón ání ɔlebatɔ súná amó ikole-kole ɔbéɛ,

⁵ “Mbɔ Yopa wúlutɔ nde mpáí bɔ nowun ató. Mótɔ á, nowun ání tɔkɔvá igyi fé ɔhráda téihé, bɔde mú nsiebí ana lékplí tsú ɔsósó bá mí wá. ⁶ Nowun pututɔ-mbwi pú wúlutɔ mbwi, mbwiá bɔbɔ ayín, táme buteká abɔnɔ pú ɔyítɔ mbubwi féé ɔhráda ámutɔ. ⁷ Inɔ nonu ɔme kɔ ledali bláa mi ɔbéɛ, ‘Petro, kɔsɔ mɔ mbwi ání afɔwí.’

⁸ “Mú ɔ neblí mbéɛ, ‘Mí Wíe, ekekekeke. Bɔkwí mí ɔpá á, mmákogyi tɔá Yudafɔ amándíé lekisi ntéɛ mú iwí metɔn ki.’

⁹ “Mú ɔme amɔ lótsu ɔsósó lábláa mi ɔbéɛ, ‘Máti tɔá Bulu latin mú iwí atokisíhé.’ ¹⁰ Tsesa són nowun atowunhe anfi. Mú ɔma a, ɔlelayínkí yó ɔsósó.

¹¹ “Alí bré ámutɔ kén á, ayin abasá akɔvá bɔwa mí wá tsú Kaesarea baba bulí wóyí ámutɔ ntsie mótɔ ámutɔ ɔnó. ¹² Ɔhe Wankíhé lébláa mi ɔbéɛ, mbúo amó yɔ, mmágyi nwéɛn. Apíó abasíé ání bɔtsú Yopa anfi é bobuo mi yó Kaesarea, aní féé anilóyɔ Konelio wóyítɔ. ¹³ Konelio lébláa aní ɔbéɛ, mowun Bulu-ɔbɔpɔ ɔku mɔ wóyítɔ, ɔlebláa mɔ ɔbéɛ, ‘Wa abí abuyɔ Yopa yeti oyin ɔkɔvá butetí mɔ Simon Petro ba. ¹⁴ Ɔbébláa fɔ asón ání fɔa fú wóyítɔ ahá féé mlótsɔn músú nyá nkpa.’

¹⁵ “Nenya tsú ɔnó ndetɔí alí, Ɔhe Wankíhé léba amósó fé alíá ɔleba anisɔ eke gyankpapɔ amɔ. ¹⁶ Inɔ nekáin aní Wíe asɔn blíhésɔ. Ɔbéɛ, ‘Yohane lópɔ ntsu bó ahá asú. Táme mli mú á, Bulu ɔbɔpɔ Ɔhe Wankíhé bó mli asú.’ ¹⁷ Mú sɔ ní Bulu lapó mɔ atokiehé ámutɔ kíé amó, fé alíá ɔbɔpkíé aní ahá ámutɔ anilóhɔ aní Wíe Yesu Kristo gyi amɔ a, mígyí ma ání nétin Bulu ɔkpa?”

¹⁸ Bréá sumbí ayɔpú ámutɔ bonu asón ání á, besi Petro tɔí wa, bekánfó Bulu bɛɛ, “Mómó Bulu lahá ahá ání bɔmegyí Yudafɔ ɔkpa ɔbéɛ, amó é bɔdámli klɔntɔ, abɔnya nkpa.”

Kristo Ɔpasua Aní Iɔv Antiokia

¹⁹ Stefano lowu ɔma a, bɛdunká ahógyipɔ amɔsɔ. Mú sɔ bɛdasáin yó Foinike móa Kipro ɔsulósɔ pú Antiokia wúlutɔ. Yudafɔ nkɔle bebláa Bulu asɔn wankláán ámutɔ. ²⁰ Táme amótɔ akɔ mú bɔtsu Kipro pú Kirene ɔmátɔ ba Antiokia bebláa Gri-ikifɔ ámutɔ aní Wíe iwí asɔn wankláán ámutɔ. ²¹ Aní Wíe Bulu lélí amó ɔma. Mú sɔ amótɔ ahá tsɔtsɔtsɔ bohogyí, dámli klɔntɔ ba aní Wíe Yesu wá.

²² Yerusalem ɔpasua ámutɔ bonu asón ání. Mú sɔ bɔwa Barnaba sísí Antiokia. ²³⁻²⁴ Barnaba gyí ɔha wankláán, Ɔhe Wankíhé pú hógyí é itsɔ mutɔ. Bréá olowie Antiokia, olowun alíá Bulu lagyi amó bɔale a, ansí legyi mɔ. Mú ɔlɔtɔí kplá amó ɔbéɛ, bɔpɔbɔ amó klɔn féé dinka aní Wíe Yesu sɔ, abuyi mɔ

mblasu. Inu su ahá tsotsotsó bətsun mu asón amusu ho anu Wie gyi. ²⁵ Mú oma a, Barnaba lóyo Tarso wúluto yódunká Saulo. ²⁶ Bréá olowun mu a, əlekpa mu ba Antiokia. Betsiá inu ofi əkule, tsíá fia əpasua ámu, súná amó ató. Antiokia begyankpá tí akasípú amu beə “Akristofə” ní.

²⁷ Bulu ənsó atáipú aku bətsu Yerusalem ba Antiokia alí bré ámutə kén. ²⁸ Amótə əkule dá gyi Agabo. Ələkusú líí, blí ŋhe Wankihé túmitə tswi əbée, “Akón kpənkpənti ku béba Roma əmátə fée.” Ueba mótə bréá Roma Owíe Klaudio tsie obíású. ²⁹ Akasípú amu bəbwe agywun beə, amótə okugyíəku obódunká t́á obénya, abupu yekie apíó ahógyipu áni bəbu Yudea əmátə. ³⁰ Begyi dunká mósú, bəpuhá Barnaba muə Saulo bəpuya əpasua ámu ahande.

12

Petro Obudi

¹ Alí bré ámutə á, Owíe Herode lédinká əpasua ámutə akusu, wá amó amumuyo. ² Əleha betun Yohane mu pio Yakobo ədayítə. ³ Herode lówun áni ibu Yudafə ámu ədwe. Mú su omesi, əleyékítá Petro é. Alí bré ámutə bude Israelfə Bodobodo MátúhəNke gyi. ⁴ Mú su bréá əlekítá Petro a, əlpu mu tswi obu, əlele isá akəpú dúasie əbée, bətsiá gyo mu iwí abaná-abaná. Ələbwe agywun əbée, begyi Nke ámu tá á, mégyi Petro asón dinsu. ⁵ Bəwa Petro obu, táme əpasua ámu bəbə mpá kinkíinkín há mu.

Petro Obule

⁶ Onyé asa əyí əbéeke Owíe Herode əbéle Petro ba dinsu begyi mu asón á, bəwa Petro ikan anyə kéké, əda ədeidi isá akəpú abanyó nsiné. Isá akəpú aku é bulí bude obu ámu ənó gyo. ⁷ ŋsáwule pé á, Bulu-əbəpu əku lébelí amó wá obuto inu, inu fée lówankí. Bulu-əbəpu amu lópu ibi da Petro abintə, oletsinkí. Əlebláa Petro əbée, “Wa əsa kusu.” Inu ikan amu lówóí lé mu ibi. ⁸ Mú Bulu-əbəpu amu lébláa mu əbée, “Kusu pu əfé klí osiétə, afotsu fú ntokota wa.” Petro lóbwe. Mú əletrá bláa Petro əbée, “Tsu fú ligá wa afuba ayo.” ⁹ Petro lóbuo Bulu-əbəpu amu dálí obu ámutə. Iməwankí Petro ní akiankpatə ntée atowunhetə Bulu-əbəpu amu dé mu asón bláa. ¹⁰ Muə Bulu-əbəpu amu bətsun obu-ənó gyankpəpu pú nyəəsi agyópusu. Beba bətu dátə uklon áni fópudálí wie wúluto. Iklon amu onutó lefinkí há amó bətsun. Bəpətsun brənu kusu bəyó á, Bulu-əbəpu amu lófwí sí Petro.

¹¹ Bréá Petro ansítə letítí mu a, əleblí əbée, “Séi mú nawun áni lélé Bulu lawá mu əbəpu, alabele mí Owíe Herode ibi pú t́á Yudafə bude əkpa kítə.”

¹² Inúá Petro lówun mú alí su á, əlenatí yó Yohane áni bətetráa tí mu Marko mu yin Maria wóyí. Alí bré ámutə á, ahá tsotsotsó

bafia mu bude mpái bɔ. ¹³ Petro léda amú iklonsu, osúmbi tshé okvá butetí mu Rode lébeki ohá aní ogyi. ¹⁴ Bréá Rode lébi aní Petro omé ni á, ansí lɛhɛ gyi mu. Mú su oletan obu ámu finkí. Mboún oleyinkí srí yébláa amú obéé, “Petro laba olí obu-onó.” ¹⁵ Ahá ámu bebláa mu beé, “Fó nwun layíntá.” Táme olɔɔ mósú, obéblí obéé, “Lélé a.” Mú su bebláa mu beé, “Mómó fiali Bulu-obɔpu otéki Petrosu ní.”

¹⁶ Alí bré ámutɔ féé á, Petro trá ode iklon amusu da. Bréá bɔɔ yéfinkí mú, bowun Petro a, onó lobwie amú. ¹⁷ Petro lóbwe ibi súná amú obéé bokásu, oébláa amú aliá aní Wíe lalé mu obu. Oébláa amú obéé, “Mlibla Yakobo mua apíó ahógyipu atráhe amu asún ánfí.” Múú olenatí amú wá yó otine bambá á.

¹⁸ Bréá oyi lɛke a, isá akɔpú ámu féé begyigyáa, fité aba beé, “Nkú Petro me?” ¹⁹ Owíe Herode léha bodunká Petro otínegyíotíné, támé bomowun mu. Mú su oleti obu adipúsú akípu amu, fité amú asún, oéha bɔmɔ amú.

Mú oma a, olenatí Yudea omátó yétsiá Kaesarea wúluto nkensá ku.

Owíe Herode Lowu

²⁰ Bré kutɔ á, obló lɛhɛ kítá Owíe Herode Tiro móa Sidonfo su. Mú su awúlu anyɔ ánfí bele abí beé buyókokóli mu, iwilwii itsia amú nsiné. Tsúfé Owíe Herode omátó butenyá atogyihe tsú. Ahá ámu begyankpá yéle asóntó súná Owíe Herode wóyísú okípu okvá butetí mu Blasto, olotsulá gya amú nkpá bɔɔ Owíe Herode wá yókokóli mu.

²¹ Owíe Herode léhɛ amú eke. Eke ámu lófɔn a, oéhɛhíe iwí dáli betsiá mu obiású, bláa amú asún. ²² Ahá ámu bokplón bí beé, “Megyí nyankpɔsa détoí, mboún okpi détoí o!” ²³ Inusu Bulu-obɔpu léda Herode, anyambi bɔwi mu, olowu. Tsúfé omɔpu numnyam há Bulu.

²⁴ Bulu asún lɔɔ mósú, kléi yó tsútsúútsú.

²⁵ Barnaba mua Saulo bɔɔ amú agyómá tá Yerusalem, bekpa Yohane aní butetráa ti mu Marko buo iwí yínkí yó Antiokia.

13

Barnaba Mua Saulo Sumbi Wa

¹ Bulu onósú atáipú pú ató asunápú aku betsiá Antiokia opasua ámutɔ. Amógyí: Barnaba, Simeon aní butetí mu Obibi, Lukio aní otsú Kirene omátó, Manaen aní beyaí mua Galilea omású ogyípú Herodenyɔ tsukɔle pú Saulo. ² Bréá beklí onó, bude aní Wíe súm á, Oje Wankíhé lébláa amú obéé, “Mlibe Barnaba mua Saulo ha mi, abuyɔ agyómá amú neti amú mbéé bubóɔ amú.”

³ Mú su bréá beklí onó ámu bó mpái tá á, bɔpu ibi dínká amú nwunsu, sí amú okpa.

Barnaba Mva Saulo Kipro Ὀσολύσν Υῶ

⁴ Ὁγε Wankihé lówa Barnaba mva Saulo sumbí. Bɔɔ Se-leukia wúluto yótsu ntsusu-yibi fá yó Ὀσολύσν kuá ibu ntsu nsíné, butetí mú Kiprosv. ⁵ Bréá bowie wúlu kuá ibu inu, butetí mú Salamisu á, bɔɔ Yudafɔ ofiakpa yéda Bulu asón ámu okan. Yohane ámuó butetráa ti mu Marko amu é lóbuo amó yétsa amó agyómá yɔ.

⁶ Bedali Salami wúluto, benatí alu bowie Ὀσολύσν kuá butetí mú Pafosu. Inu befia ofápú kpɔnkpɔnti okuá butetí mu Bar-Yesu. Ogyi Yudayin, otɔwá afunu obée Bulu onósú otɔípú mugyi. ⁷ Mu nyawie gyí inu omású ogyípú Sergio Paulo. Omású ogyípú anfi létin ansí. Olɔwa beyéti Barnaba mva Saulo ba mu wóyító. Tsúfé odekléá mónu Bulu asón. ⁸ Táme ofápú Bar-Yesu anfi mu dá así gyí, Elima Griiki oblító anfi méha amó okpa abubla omású ogyípú amu Bulu asón ámu. Olɔbɔ mbódí ání omású ogyípú amu mánu Yesu iwí asón ámu, fówun omóohɔ mósú gyi. ⁹ Inu Ὁγε Wankihé lóbulá Saulo amóó bude mu ti Paulo amuto, olesi olí ode ofápú amu ansító kí. ¹⁰ Múú olebláa ofápú amu obée, “Obunsám mu bi, futekísí itɔ wankláán kugyíko. Fapú ahámlé pú lalahegyí bwé fú agyómá. Mú sv fuméesi Bulu onokwal amu afunuto wa? ¹¹ Kí, Bulu obébití fú isv. Fú ansíbi bóbwie. Fumétrá wun oyi keheto owí alu yófun bré ku.”

Inonu Elima ansító loklun mu. Mú sv olɔwa tatápu bi, ode oku dunká okita mu oyító. ¹² Bréá omású ogyípú amu lówun tásá ilaba a, olɔhɔ aní Wíe gyi. Aní Wíe iwí asón ámuó bude mu suná ámu leha onó lobwie mu.

Barnaba Mva Paulo Antiokia Aní Ibu Pisidia Omátó Υῶ

¹³ Paulo mva mu aba ámu botsu ntsusu-yibi tsú Pafɔ wúluto yó Perge ání ibu Pamfilia Ὀσολύσν. Táme Yohane Marko mú léyinkí amó oma tsú inu yó Yerusalem. ¹⁴ Bɔkvsú tsú Perge yó Antiokia ání ibu Pisidia Ὀσολύσν. Okpónú odaké á, bɔɔ inu Yudafɔ ofiakpa yétsiá asi. ¹⁵ Bekla ató tsú Mose Mbla pú Bulu onósú atɔípú nwulótó ta á, ofiakpa amu ahande bɔwa abí beyébláa Paulo aná bee, “Apíó, ní mlidé asvankuá mléblí pówá ahá anfi owonlín á, okpa da.” ¹⁶ Múú Paulo lókvsú líí, olɔbwe amó ibu obée bukásu. Múú olebláa amó obée,

“Apíó Israelfɔ pú omá bámbásófɔá mlitenyá Bulu ifú, mlyaa asv amlinu. ¹⁷ Israel Bulu léle aní anáin bwé mu ahá. Olɔha bekleí bréá bugyi afɔó Egyipte Ὀσολύσν. Olɔpu mu túmi kpɔnkpɔnkpɔnti kpá amó dali omá ámuó. ¹⁸ Olenya klɔn kpá amó nfi advana (40) kéké dimbí ámuó. ¹⁹ Oleyintá omá asienó kéké Kanaan Ὀσολύσν, oleye amó Ὀσολύσν amu púbwé siadie há aní anáin. ²⁰ Nfi lafana aduenu (450), olɔpɔbwé iní fée há amó.

“Mú oma a, olɔha asón agyípú bekpa amó alu botu Bulu onósú otɔípú Samuel. ²¹ Bréá bebláa Bulu bee oyi awíe ha amó á,

Bulu léyaí Kis mu bi Saulo owíe há amó. Saulo otsú Benyamin abusuantó. Olegyi iwíe nfi adwana (40). ²² Bréá Bulu lékplí mu a, ðleha beyaí Dawid obíásó há amó. Asón ánfí Bulu léblí tsú mu iwí ní. ðbéé, ‘Yisai mu bi Dawid gyí ðhá ání mí klun ðin musu, tsúfé ðbóbwe tógyítá nébláa mu mbéé ðbwéé.’

²³ “Dawid anfi abí-anátó Bulu labelé Yesu tsú há Israelfó ðbéé, ðbwéé amó ðlepú fé alíá ðlehié yáí. ²⁴ Asa Yesu lébá a, Asú ðbopú Yohane légyankpá dá ðkan súná Israelfó féé ðbéé, budámli kluntó, abuha mu ðbo amó asú. ²⁵ Bréá Yohane ðbá bómó mu agyómá ðnó á, ðlefíté ahá ámu ðbéé, ‘Ma mlíðesusúu mlíaa ngyi? Megyí mígyí ðhá ámóú mlíðé ðkpa kí amu. Mu mó ðbéba mí ðma. Mmáfun ání nówóí mu ntókota.’

²⁶ “Mí apíó, Abraham abí-aná pú ðmá bámbásúfóá mlítenyá Bulu ifú, mlíyaa asu amlínu. Anígyí ahá ání Bulu lópu nkpahóó asón ámu sísí. ²⁷ Yerusalem atsiápú pú amó ahande bómébi ání Yesu gyí ðlepú. Bomonu Bulu ðnósó atáípú amu asón ání bówanlín tswí asi. Botekla mó ðkpónú ðdaké kugyíku. Táme begyi Yesu asón, há mu ipón, mó mu; ðleha Bulu ðnósó atáípú amu asón ánfí leba mótó. ²⁸ Bumenya Yesu iwí asón kókóá béli mósó mó mu, táme bebláa Pilato beé ðhá abómó mu. ²⁹ Mó su bréá ðbóbwe tóá bówanlín tsú mu iwí féé tá á, beé mu tsú oyikpalíhe amusu yópulá mu. ³⁰ Táme Bulu lókúsóa Yesu tsú afúlító. ³¹ Mó ðma a, oletsíá le iwí súná ahá ámóú mu amónyó benatí tsú Galilea yó Yerusalem amu bré tsótsótsó. Ahá ánfí gyí ahá ání búde mu iwí adánsíe gyí suná Israelfó ní.

³²⁻³³ “Aní mó aníðé mlí asun wankláán ámu bláa. Mógyí, Bulu labwé tó ámóú ðlehié aní anáin amu há amó abí-aná. Amógyí aní á. Tsúfé alakúsóa Yesu tsú afúlító há aní, fé alíá bówanlín wá Israelfó ðu nyótsó beé, ‘Mí Bí gyí fó.

Nde nabwé fó Sí.’

³⁴ Bulu létrá tóí tsú Yesu kusó tsú afúlító pú mu oyólúv amóú imóopló wá ðbótó ekekekeke ámu iwí ðbéé,

‘Nópu mí oyúla wankíhé amóú nehié mbéé, ðbwé alíagyíalíá nópohá Dawid amu há mlí.’

³⁵ Owíe Dawid é létrá lawánlín wá Israelfó ðu bámbátó ðbéé, ‘Fóméha fó osúmpú wankíhé móopló wá fúli ðbótó.’

³⁶ Owíe Dawid lósum Bulu mu nkpató, bwé Bulu apé tá á, olowu, bopulá mu mu anáintó, ðopló. ³⁷ Táme Yesu anfi Bulu lókúsóa tsu afúlító ánfí mó mópló. ³⁸⁻³⁹ Mó su apíó, mlínu asón ánfí aníðé mlí bláa anfi asi. Yesu anfi nkulesu mlótsun nya lakpansikíé. Mose mbla métalí há amlígyi asu Bulu ansító. Táme ðhagyíðha ání alahó Yesu anfi gyi obégyi asu Bulu ansító. ⁴⁰ Mó su mlíki wankláán, méní asón ámóú Bulu ðnósó atáípú beblí tswí amu mééba mlísu. ⁴¹ Asón ámu gyí,

‘Asón ámu iwá mlí

ahá ání ml̄tōwá Bulu asón nyányáa ifú, aml̄iwu. Tsúfé ní nde ǝk̄u ǝbli gyoma ání ndegyí ml̄tō kóráá á, ml̄lm̄óohogyi.’ ”

42 Bréá Paulo m̄va Barnaba buǝǝdali Yudaǝ ofiakpa inu á, ahá ám̄v bǝk̄vli am̄v b̄e b̄vǝbá ǝkp̄ónú ǝdaké am̄v b̄vǝbá ám̄v, ab̄utra b̄vǝt̄oi tsu asón am̄v iw̄i suna am̄v. 43 Bréá ahá ám̄v b̄vǝdali Yudaǝ ofiakpa inu á, Yudaǝ ts̄ots̄ots̄o p̄ú ǝm̄á bámbátó abí ání bawíé Yudaǝ osúmt̄ó bekplá buo Paulo m̄va Barnaba. Mú sv sumbí ayǝp̄ú ánf̄i b̄vǝt̄oi kplá am̄v b̄e, buǝp̄úv ansí d̄nka Bulu aw̄it̄oǝsv.

44 ǝkp̄ónú ǝdaké am̄v b̄ebláa am̄v b̄e b̄vǝbá am̄v l̄ǝv̄n a, ilesi kpalobí tek̄i ahá b̄vǝta w̄ulu am̄vǝ. Am̄v féé b̄vǝba Bulu asón onukpá Yudaǝ ofiakpa inu. 45 Bréá Yudaǝ bowun ǝǝm̄ am̄v a, Paulo aná iw̄i l̄ówa am̄v olu. In̄i sv begyi Paulo as̄v̄n bl̄ihé am̄v n̄w̄éen, síá m̄v. 46 Táme Paulo m̄va Barnaba b̄vǝwa kl̄v̄n bláa ahá ám̄v b̄e, “Tek̄i ml̄ lehián ání abégyankpá bláa Bulu asón ánf̄i. Táme ín̄iá ml̄lékiná m̄v nu, ml̄idé ml̄ iw̄i kí ml̄iaa, ml̄im̄éhián nkpa ání itamatá am̄v sv á, anlayínkí ayó ǝm̄á bámbásóǝwá. 47 Tsúfé alí Bulu l̄ówa an̄i ní. ǝb̄éé, ‘Napú fú b̄wé ǝkandíe há ǝm̄á bámbásóǝwá.

Jyító ahá féé b̄vǝts̄v̄n f̄v̄sv nyá nkpa ání itamatá.’ ”

48 Bréá ǝm̄á bámbásóǝwá ám̄v bonu asón ánf̄i á, ansí legyi am̄v, b̄ékánfú an̄i Wíe asón am̄v. Inu ahá ání Bulu lalé ǝb̄éé, b̄v̄nyáa nkpa ání itamatá b̄v̄h̄o asón am̄vsv gyi.

49 An̄i Wíe asón am̄v il̄ekléi wíé ǝm̄á am̄vǝ ǝt̄inegyiǝt̄iné. 50 Táme Yudaǝ ám̄v p̄ú atsíá b̄v̄bv̄ Yudaǝ osúmt̄ó, obú bu am̄vós p̄ú w̄ulu ahande b̄v̄k̄v̄sú líi Paulo m̄va Barnabasv, gya am̄v lé ǝm̄á am̄vǝ. 51 Sumbí ayǝp̄ú ám̄v bekp̄akpáa am̄v ayabit̄o-isi w̄ólí am̄v n̄w̄unsv, b̄enatí yó Ikonion w̄ulut̄o. 52 Táme ǝhe Wankíhé p̄ú ansigyí l̄obulá Antiokia akasípú am̄vǝ.

14

Paulo M̄va Barnaba Bulu Asón Bl̄i Ikonion W̄ulut̄o

1 Ikonion w̄ulut̄o é á, al̄i kén Paulo m̄va Barnaba b̄v̄ȳo Yudaǝ ofiakpa ni. B̄v̄blí Bulu asón inu wankl̄áán. Mú sv Yudaǝ p̄ú Griikif̄o ts̄ots̄ots̄o b̄v̄h̄o Yesu gyi. 2 Táme Yudaǝ am̄vós b̄v̄mohogyi am̄v b̄v̄t̄oi wá ǝm̄átóǝwá am̄v as̄v̄t̄o, há am̄v b̄v̄k̄v̄sú líi ahógyip̄v̄ am̄vsv. 3 Ifú m̄ekitá Paulo m̄va Barnaba. B̄v̄tsiá inu wá ǝpá bl̄i an̄i Wíe Yesu asón am̄v wankl̄áán. Yesu é lélí am̄v ǝma, sv b̄v̄b̄w̄e ofúla p̄ú osúna p̄ósúná ání m̄v aw̄it̄oǝ asón am̄vós buǝǝbl̄i am̄v igyi ǝnkwalí. 4 Mú sv w̄ulu am̄vǝ il̄ob̄oi anyo. Aku bobuo Yudaǝ ám̄v, aku é bobuo sumbí ayǝp̄ú ám̄v.

5 Mú ǝma a, Yudaǝ, ǝm̄átóǝwá p̄ú am̄v ahande b̄v̄b̄w̄e agywun b̄e, b̄v̄wa sumbí ayǝp̄ú ám̄v iw̄iǝs̄int̄o, dá am̄v abwi m̄o.

6 Sumbí ayǝp̄ú ám̄v bonu asón ánf̄i. Mú sv b̄esr̄i yó Likaonia

awúlu yilé Lистра móa Derbe pú awúluá ɪbu mantáa ɪnusu.
 7 Beda ason wankláán ámu ɔkan ɪnu é.

Paulo Mva Barnaba Gyumagyihe Lистра Mva Derbe

8 Oyin ɔku létsiá Lистра wúluta, bɔkwí mu ɪbɔ. Ɔmɔkókósú líi mu ayabisu ki. 9 ɪbɔ anfi tsie ɔde Paulo ason blíhé nu. Paulo lési líi ki mu alu, olowun ání alahogyiá Bulu ɔbétalí tsá mu. 10 Mó su ɔɔkplón koklókúú blí ɔbée, “Kusu lu fú ayabi anyɔsu.” ɪnu oyin ámu lókusú ɔtsáwole pé, wá natí bi. 11 Bréá ɔdam amu bowun tóá Paulo labwé á, bɔkplón blí Likaonia ɔblítɔ bée, “Ɔkpi ámu badámlí anyánkpúsa kplí ba aní wá.” 12 Mó su bɔpu amú ɔkpi kɔnkɔntí dá tí Barnaba bée, “Seus.” Bɔpu mu ɔtsíámu dá tí Paulo bée, “Hermes,” tsúfé Paulo líi amú ɔnó, ɔdetó ní. 13 Ɔkpi Seus ɔtswékpa bu wúlu ɔnó. Seus igyí ɔhapú lýɔpu nnantswie pú oyí ntswítswí ba wúlu ɔnó ɪnu. Tsúfé mva ɔdam amu budekléá bótswe sumbí ayɔpú ámu.

14 Bréá Barnaba mva Paulo bonu tóá bebá bɔbwe á, bekítá amú atadié bálí. ɪlosuná ání bɔmotsulá dínká itó amúú bebá bɔbwe ámusu. Besrí wíé ɔdam amutɔ blí bée, 15 “Ntogyi mlídé ɪní bwe? Aní é anyánkpúsa anigyí fé mli. Bulu ason wankláán abá bebláa mli, amlisi atɔkpan áni ɔmagyáa bobuo aní Wíe Bulu Ɔkiankpapu. Múlbwé ɔsú móa asi, ɔpu pú mútɔ ató féé. 16 Bímí ámu a, olesi ɔkpa há ɔmágyíomá ání bɔbwéé tóá budeklé. 17 Táme mú ó á, Bulu mókúsi atɔ wankláán tsɔtsɔtsɔ bwe, púsúná ání mubu ɪnu. Mutéhá nyankpu totswie, mli ndɔtɔ ató tɔwá alé. Mutéhá mli atogyihe, ɔtehá ansí tegyi mli.” 18 Paulo aná ason blíhé anfi féé ɔma a, ɪlwa ɔnlɪn asa betalí ká ɔdam amu tin bée, bɔmátɪn mbwí wólí amú ayabiasí tswé amú.

19 Mó ɔma a, Yudafo akɔ botsu Antiokia áni ɪbu Pisidia ɔmátɔ pú Ikonion wúluta ba beblí asún pútse ɔdam amu agywɪn, bɔkusú líi Paulosu. Beda Paulo abwí, bítia mu dáli wúlu amutɔ. Buki bée alawú, su besi mu tswí. 20 Táme bréá akasípú amu beba bobomlí Paulo a, ɔɔkusú yínki yó wúlu amutɔ. Mó ɔyi kehe a, mva Barnaba benatí yó Derbe wúluta.

Antiokia Aní ɪbu Siria Ɔmátɔ Yínki Bá

21 Paulo mva Barnaba beba ason wankláán ámu ɔkan Derbe. Ahá tsɔtsɔtsɔ bedámlí klɔntɔ mlí Yesu akasípú. Móú belayínki yó Lистра, tsɔn yɔ Ikonion alu bebedali Antiokia áni ɪbu Pisidia ɔmátɔ. 22 ɪnu Paulo mva Barnaba bɔwa akasípú amu atetɔ-ɔnlɪn bée, bukíta hógyi amutɔ. Bebláa amú bée, “ɪlehían áni abótsɔn ipian tsɔtsɔtsɔtɔ asa abówie Bulu iwíegyí ámutɔ.” 23 Bɔtú ɔpasua kugyíku á, buteklí ɔnó bó mpái, yái ahande há amú, pú amú wá aní Wíe amúú amú ansí dɪn musu ámu ɪbitɔ.

24 Beki Pisidia ɔmátɔ ɔpasua ámusu tá á, beba Pamfilia ɔmátɔ. 25 Beda Bulu ason wankláán ámu ɔkan Perge wúluta. Bɔkusú tsú ɪnu yó Atalia wúluta. 26 Paulo mva Barnaba belatsiá ntsusu-yibitɔ tsú ɪnu bowie Antiokia. ɪnu gyí ɔtínéá ahógyipu

amu begyankpá klí ɔ́nó bó mpáí, ání Bulu ɔ́wáa awítɔle ha amó, méní bóyɔ agyómá ánfí bamó mó ɔ́nó ánfí ní.

²⁷ Bréá bowie Antiokia a, betí ɔpasua ámu fée fia. Bebláa amó alíá Bulu lapó amó gyi gyoma, pú alíá Bulu lahá ahá ání bomegyí Yudafɔ é bahɔ mu gyi. ²⁸ Betsiá akasípú amu wá nke tsɔtsɔtsɔ.

15

Sumbí Ayɔpú Pó ɔpasua Amu Ifia Yerusalem

¹ Bréá Paulo mva Barnaba bɔbɔ Antiokia a, ayin aku botsu Yudea ɔmátó ba inu. Bosuná ahógyipu ámúú bomegyí Yudafɔ ámu ató bee, ní bɔmɔkótín keté Mose mbla ɔ́nó á, Bulu móɔho amó nkpa. ² Paulo mva Barnaba bɔkɔsú líí asón ánfisu. Mó su amóa ató asunápó amu begyi mó nwéén kinkíínkín. Iní su beblí bee, bówa Paulo mva Barnaba pú Antiokia ahógyipu amu aku Yerusalem, abuyowun Yesu sumbí ayɔpú pú inu ɔpasua ahande amu tsú asón ánfí iwí.

³ ɔpasua ámu besi ahá ámu ɔkpa benatí. Bréá bɔyɔ á, bona Foenike pú Samaria ɔmátó. Bebláa inufo ámu bee, ahá ání bomegyí Yudafɔ é badámlí klɔntɔ ba Bulu wá. Asón ánfí lehie wá ahógyipu amu fée ansigyí. ⁴ Bréá bowie Yerusalem a, ɔpasua ámu, amó ahande pú sumbí ayɔpú ámu bɔho amó atúu. Paulo aná bebláa amó t́á Bulu labwé tsɔn amósú fée. ⁵ Táme ahógyipu amu akvá botsú Farisifɔtɔ bɔkɔsú líí blí bee, “Ilehian ání ɔmá bámbásúfɔ ámu bétin keté, gyi Mose mbla ésú.”

⁶ Sumbí ayɔpú ámu pú ɔpasua ahande amu befia yɔ asón ánfítɔ. ⁷ Bebití asón ánfí wá ɔpá. Mó ɔma a, Petro lókɔsú líí, bláa amó ɔbée, “Mí apíó, mliyín ání tsú bré kɔtɔ á, Bulu léle mí tsú mlítɔ ɔbée, mbláa ahá ání bomegyí Yudafɔ mu asɔn wankláán ámu, méní amó é bónu, hɔ mósú gyí. ⁸ Bulu yín nyankpɔsa klɔntɔ. ɔɔpɔ ɔɔhe Wankíhé amu há amó, fé alá ɔɔpɔhá aní púsúná ání alahɔ amó. ⁹ Olosuná ání bomegyí ɔtsan há aní, tsúfé ɔleha amó klɔntɔ letin bréá amó é bohogyi. ¹⁰ Ntogyi su mlidé Bulu sɔ́ kɔ? Ntogyi sɔ́ mlidépu Mose mbla ánfí ania aní anáin anímétalí gyi mósú ánfí han akasípú anfi? ¹¹ Ekekekeke! Anulahogyi ání Bulu ɔbótɔn aní Wíe Yesu awítɔlesu hɔ aní nkpa fé amó.”

¹² Bréá Petro lótoí tá á, afiapu amu fée bɔbwe díín. Múú Paulo mva Barnaba bebláa amó alíá Bulu lótsɔn amósú bwé ofúla pú osúna tsɔtsɔtsɔ ahá ámúú bomegyí Yudafɔ ámɔtɔ. ¹³ Bréá Paulo mva Barnaba bɔtɔí tá á, Yakobo lóyɔ mósú ɔbée, “Apíó, mliyaa asu amlínu. ¹⁴ Simon Petro labláa aní ɔbée, Bulu légyankpá lé súná ání otekle ahá ámúú bomegyí Yudafɔ ámu asón. Mó su ɔlele amótó aku bwé mu ahá. ¹⁵ Asón ánfí pú Bulu ɔ́nósú atɔ́pú amu asɔn blíhé labwé kɔle. Tsúfé bɔwanlín wá Bulu asón ámɔtɔ bee,

16 ‘Bulu ὄβεε. Inı ὁμα a, nélatsú Dawid iwíegyi
amú iladıda ámu kósó.

Nélayi mó abuntíi fée,
há mó béli wankláán,

17 ménı aha tráhe amu pú amúá bomegyí Yudafó,
mí dá dın amúsú fée bódunká míá ngıi amó Wıe, wun mı.

18 Alı mí, mlı Wıe Buluá
nele inı súná tsú bímbı ndeblı ní.’

19 “Inı su tásá mí Yakobo ndeblı gyı, mlımáha apu asvansu kıkli ahá ánfı bomegyí Yudafó, badámlı klontó ba Bulu wá ánfı. 20 Mboun mlıha awanlın ὡwló bláa amó anıaa, bomágyi atogyiheá bapóhá ikpi, tsúfé mó iwı metın. Bomáwa atsı móa ayın asón. Bomágyi ὄbwıá bopúsáa mu mó pú obugya. 21 Tsúfé bímbı ὡpá á, butedá Mose mbla ámu ὡkan wúlugyiwúluto, butekla mó Yudafó ofiakpa kugyıkı ὡkpónó ὡdaké é.”

Ὠwló Pvsısı Ahógyipvá Bomegyı Yudafó

22 Mó su sumbí ayὡpú ámu, ὡpasua ahande amu pú ὡpasua ámu bὡbwe agywun bee, bele ayın aku tsú amótó abubuo Paulo mva Barnaba yὡ Antiokia. Bele Yuda ání butetı mu Barsaba mva Silas. Amó fée bugyi akpapó há ahógyipı amu. 23 Ὠwló ání bὡpυhá amó bὡpυátó asón gyı:

“Ahógyipvá mlımégıyı Yudafó, mlıbu Antiokia, Siria pú Kilkia ὡmátó. Mlı apıó sumbí ayὡpú pú ὡpasua ahande dé ὡwló ánfı wanlın sísi mlı.

“Anıdé mlı itsıá ha.

24 “Anılónu ání anı apıó aku botsu anıtó ba mlı wá inu, bὡpu asvankı kıkli mlı, pıyıntá mlı agywun. Anımókúwá amó. 25 Inı su anıafia, tsúlá ání abéle aha aku abukpa anı apıó adwepó Barnaba mva Paulo ba mlı wá. 26 Ahá ánfı lásı amó nkpa há anı Wıe Yesu Kristo agyómá ámu su ní. 27 Mó su anıdé Yuda mva Silas wa anıaa, bupú ὡnó bebláa mlı asón amúú anılawánlın wá ὡwló ámıtó ámu kén. 28 Ὠhe Wankıhé lalé súná anı, anı é anılahó mó ání ima aleá abὡpu ató dwindwın kıkı sórá mlı, dıv mbla ánfı mó iwı dehián anfi. 29 Mbla ámu gyı, ‘Mlımágyi atogyiheá bapóhá ikpi. Mlımágyi ὄbwıá bopúsáa mu mó pú obugya. Mlımáwa atsı móa ayın asón.’

“Nı mlıdé mbla ánfısu gyı a, ıbówa alé há mlı. Anılafıvı nfı.”

30 Bὡwanlın ὡwló ánfı há amó tá á, besi amúa sumbí ayὡpú ámu ὡkpa bὡpυya Antiokia. Boyówie inu tí ahógyipı amu fée fıa, pú ὡwló ámu wá amó ıbıtó. 31 Bekla ὡwló ámu a, ansı lehe gyı amó, tsúfé móótó asón leha klın lédı amó ası. 32 Yuda mva Silas, bugyi Bulu ὡnósú atὡıpú amu bὡtὡı kplá amó wankláán púwá amó ὡwınlın, wá amó atetó-ὡnlın. 33-34 Betsıá amó wá

nke kpalobí, ɔpasua ámu lési amú ɔkpa iwilwiitɔ, beyinkí yó ahá ámuó bɔwa amú sumbí ámu wá.*

³⁵ Paulo mva Barnaba é betsiá Antiokia inu yófun bré ku. Amúa inu ahógyipu amu aku betsiá súná ató, tsíá dá aní Wie ason wankláán ámu ɔkan.

Paulo Mva Barnaba Abasomaín

³⁶ Bré ku ɔma a, Paulo lébláa Barnaba ɔbéε, “Ha ayinki yɔ awúluá aniladá aní Wie ason wankláán ámu ɔkan féesú, ayeki alíá bɔtsie.” ³⁷ Barnaba lékléá békpa Yohane ání bɔtetí mu Marko buo iwí. ³⁸ Táme Paulo léblí ɔbéε, ima aláá Marko obóbuo amú, tsúfé ɔmetrá buo amú abuyɔ Bulu agyómá ámu. Oleyinkí amú ɔma tsú Pamfilia wúlutɔ ɔpá. ³⁹ Paulo mva Barnaba beprí asón ánfí kínkíínkín, íleha bemaín abasu. Barnaba lékpa Marko buo iwí, botsu ntsusu-yibi yó Kipro ɔmátó. ⁴⁰ Paulo é lékpa Silas buo iwí, Antiokia ahógyipu amu bɔpu amú wá Bulu íbitɔ, bɔpu ɔkpa. ⁴¹ Paulo lóyɔtsun Siria mva Kilikia ɔmátó; ɔlɔwa ɔpasua ámuó íbubu inu ámu ɔwɔnlín.

16

Timoteo Léyétsiá Paulo Mva Silastɔ

¹ Paulo mva Silas benatí yó Derbe pú Listra. Ohógyipu ɔkuá bɔtetí mu Timoteo bu Listra wúlutɔ inu. Mu yin gyí Yudayin ání ɔlɔhɔ Yesu gyi, táme mu sí gyí Griikiyin. ² Apíó ání bubu Listra pú Ikonion betí Timoteo ídayilé. ³ Paulo lékléá ɔbékpa Timoteo natí. Mú su ɔleha betun Timoteo keté, tsúfé Yudafo ámuó bubu inu ámu féesú buyin ání Griikiyin Timoteo mu sí gyí. ⁴ Bréá bɔyó á, bowíé wúlugyíwúlusu bɔtosúná inu ahógyipu mbala oduá Yesu sumbí ayɔpú ámu pú ɔpasua ahande amúó bubu Yerusalem amu bawá beε bɔgyíi músú. ⁵ Iní su ɔpasua ámu benya ɔwɔnlín hógyitɔ, kléí ekekegyíεke.

Paulo Makedonia ɔmátó Yɔ

⁶ Paulo mva mu aba ámu bɔtsun Frigia pú Galatia ɔmású. Tsúfé ɔhe Wankíhé méha amú ɔkpa ɔbéε, budáa Bulu asón ámu ɔkan Asia ɔmátó. ⁷ Bréá bowie Misia ɔsulúu ɔka á, bɔbwe agywun beε béyinkí tsun yɔ Bitinia ɔmátó, táme Yesu ɔhé meha amú ɔkpa. ⁸ Mú su bɔtsun Misia ɔsulúusu kplí yó Troa wúlutɔ. ⁹ Mú onyé á, Paulo lówun ató. Olowun ání Makedoniayin ɔku líí mu ansító, ɔde mu kokóli ɔbéε, “Fa ɔpu amu ba Makedonia, afubegyí aní buale.” ¹⁰ Paulo lénya wun ató ámu alí, ílɔwankí mu ání Bulu dé aní wa ɔbéε, ayó yeda ason wankláán ámu ɔkan inu. Mú su anílɔpu ɔkpa yó Makedonia.

Lidia Klɔntɔdamlí Filipi Wúlutɔ

* 15:33-34 15:34 Mótó yée 34 bu nwóló dada amu akɔto: Táme Silas mú lóbwe agywun ání obésin Antiokia inu.

¹¹ Anilówie ntsusu-yibitō tsú Troa, fá ɔpu yó Samotrake ɔsulósu. Mú ɔyi kehe a, anilélatiá yó Neapoli wúlutō. ¹² Anilópu ayabitō tsú Neapoli yó Filipi wúlutō. Filipi gyí Makedonia wúlu yilé ní. Romafō bów wúlu anfitō. Anilétiá inu nke kpalobí. ¹³ Ɔkpónú ɔdaké á, anilédalí wúlutō yó ɔpu ɔnó ɔtinekúá aníkí aníaa, abówun ɔtínéá Yudafō butefia bō mpái. Anilétiá inu bláa atsi akvá bebefia inu Bulu asón. ¹⁴ Atsiá bonu asón ámuto ɔkole gyí Lidia. Tiatirayin ogyi, ɔtefé tatiá mú ntsu lepe, ibu bíá. Bulu osúmpó ogyi. Aní Wíe léha mu olonu Paulo asun blíhé amuto. ¹⁵ Mú su bréá anilóbō mva mu wóyítō ahá asú á, olobwií ipa há aní, blí ɔbéé, “Ní mlilahogyi aní nahō Yesu gyi a, mlíbetsiá mí wóyítō.” Ɔtsi ánfí bu anisu alu anilóbūo mu yó mu wóyítō.

Paulo Mva Silas Obudí Filipi

¹⁶ Eke ɔku ayó Yudafō mpái ɔbɔkpá inu á, anilótū otsibi ɔkúá ogyi ɔkpábi inu. Atóla ɔhé bu musu, ɔtelá ató, blí asón aní íbēba. Ɔtɔbwé kóba tsɔtsɔtsɔ há mu awíe tsú mótō. ¹⁷ Otsibi anfi lékplá buo ania Paulonyo. Ɔna ɔdekplón blí ɔbéé, “Ahá ánfí gyí Ɔsúsúsú Bulu ámu asúmpó ní. Amódé mlí nkpahó ɔkpa suná ní.” ¹⁸ Ɔlɔbwe mú nke tsɔtsɔtsɔ. Iní lehan Paulo. Mú su ɔledamlí bláa otsibi amu ɔbéé, “Atóla ɔhé, nde mbla wa há fú Yesu Kristo dátō, dali mutō!” Inu ɔhé ámu lédalí mutō.

¹⁹ Ɔkpábi amu awíe bowun aní amó kóba ɔkpa latin. Mú su bekítá Paulo mva Silas, bítia amó ya wúlu ahande ansítō. ²⁰ Bɔpu amó ya Romafō asón agyípu béé, “Yudafō ahá ánfí bugyi, bude asón klée wa aní wúlu anfitō. ²¹ Bude amándíé laláhe aní aní mbla meha mú iwí ɔkpa suná. Romafō aní mú anigyí. Anumétalí hō amó amándíé ámu gyi mósó.” ²² Inu ɔdɔm amu botu bun Paulo mva Silasu.

Asón agyípu amu beha béé buwáí amó atadié, abunwen amó mpli. ²³ Bepítí Paulo mva Silas ató wankláán tá á, beha bɔpu amó tswí obu. Bebláa obu adípúsú ɔkípu béé, ogyóo amó wankláán. ²⁴ Asón amúú bebláa obu adípúsú ɔkípu amu su ɔbɔpu amó yétswí obutótó, wá amó ayabi kplakitsi.

Obu Adípúsú Ɔkípu Yesu Hógyi

²⁵ Mú ɔyí-nsiné á, Paulo mva Silas bude mpái bō, bude ilu wa kánfú Bulu. Obu adípú atráhe amu é buɔa buɔenu. ²⁶ Ɔtsáwule pé á, ɔsulóu lékpínkí ɔwɔnlínsú, ilekpínkí obu ámu ntswíasi. Mú aklon féé lefinkí. Obu adípú ámu ikan pú amó kplakitsi amu féé lɔwáí. ²⁷ Obu adípúsú ɔkípu amu létsinkí, wun aní aklon amu féé lafinkí. Inu ɔlele ɔdayí iya anyo ɔbéé amowó iwí, tsúfé ɔkí ɔbéé obu adípú ámu féé badálí srí. ²⁸ Táme Paulo lóklon kóklókúó bláa mu ɔbéé, “Mábwe iwí tɔtō. Aní féé aníbu inu.”

²⁹ Obu adípúsú ɔkípu amu léha botsu ɔkandíe ba mu, ɔlwa ɔsa wíe obu ámuto. Ifú de mu, su ɔdekpínkí kpakpakpaka.

Ḑleyéda akpawunu Paulo mva Silas ayabitɔ. ³⁰ Inu ɔlekpa amú dali yéfíté amú ɔbéé, “Mí awié, ntɔ mbwée asa Bulu ɔhɔ m nkpa?”

³¹ Mú Paulo mva Silas bebláa mu beé, “Hɔ Yesu gyi, ménu Bulu ɔbóhɔ fúa fú wóyítɔ ahá fée nkpa.” ³² Mú bebláa mva mu wóyítɔ ahá fée aní Wíe Yesu asɔn wankláán ámu. ³³ Onyé-onyé ámu a, oyin ámu léyiá amú iwɪ nɔ ámuú benya bré ámuú bepítí amú ató ámu. ɔleha amú bɔbɔ mva mu wóyítɔ ahá ámu asú inu. ³⁴ Obu adípúsú ɔkípu anfi lópu amú ya mu wóyítɔ, ɔleyéha beniná ató há amú begyi. Iníá mva mu wóyítɔ ahá fée bahɔ Bulu gyi su á, ansí lehié gyi amú.

³⁵ Mú ɔyi kéhe a, asón agyípu amu bɔwa ahá akítápú aku beé buyébláa obu adípúsú ɔkípu amu beé, osíi ahá ámu abɔnati.

³⁶ Mú su oyin ámu lébláa Paulo ɔbéé, “Asón agyípu amu bapú ɔme sísí mí beé, nsíi fúa Silas amlinatu. Mú su mlinatu iwilwiitɔ.”

³⁷ Táme Paulo lébláa ahá akítápú amu aku ɔbéé, “Bomegyi aní asón, táme banwén aní ató ɔbɔntɔ. Romafɔ anigyí, táme bawá aní obu. Ntogyi su budekléá bési aní nǵaintɔ? Ekekeke! Asón agyípu amu onutó bubá bele aní.”

³⁸ Ahá akítápú amu beyinkí yó yébláa asón agyípu amu. Bréá bonu aní Romafɔ Paulo mva Silas bugyi á, ifú lehié kítá amú. ³⁹ Mú su boyóbwií ipa há Paulo aná, bekpa amú dali yókokóli amú beé budáli wúlu amɔtɔ. ⁴⁰ Inu Paulo mva Silas benatí yó Lidia wóyítɔ. Bafia apíó ahógyipu amu inu, tɔi kplá amú, wá amú ɔwonlín asa benatí.

17

Paulo Tesalonika Yɔ

¹ Bréá Paulo mva Silas benatí tsú inu bɔyɔ á, bɔna Amfipoli pú Apolonia awúlusu beba Tesalonika. Yudafɔ ofiakpa ku bu inu. ² Fé alíá Paulo tɔbwé brégyibré á, ɔlɔɔ ofiakpa inu ɔkpónú ɔdaké, mva amónyɔ bɔyɔ Bulu asɔn wanlínhé amɔtɔ. ɔlɔbwe mú ahi tse sa són. ³ ɔlele Bulu asón ámu tɔ súná amú, dínká ibwi músú ɔbéé, “Ilehián aní Kristo, (ɔhá ámuú Bulu ladá mu ofúli amú), obówun iwɪɔsun wú, lákúsú tsú afúlitɔ.” ɔlɔɔ mu asón ámu ɔbéé, “Yesu anfi nde mu iwɪ asón blí anfi gyí Kristo amu ní.” ⁴ Paulo asón anfi lɔwankí Yudafɔ ámu tɔ aku. Mú su bobuo mva Silas. Ahí kén Griikifɔ Bulu asúmpú pú atsiá obú bu amúsú tsɔtsɔtsɔ é bobuo amú ní.

⁵ Iní léha Paulo mva Silas iwɪ lɔwa Yudafɔ ámu olu. Mú su bekpa aha laláhe aku buo iwɪ tsú brɔnusu, bɔpu ahá tsɔtsɔtsɔ yéhan agywun wúlu amɔtɔ. Betsíi yó oyin ɔkuá buetí mu Yason wóyítɔ, bude Paulo mva Silas dunká abubútia amú ba ɔɔm amu ansítɔ. ⁶ Táme bɔmowun Paulo mva Silas. Mú su bebitia Yason mva ahógyipu amu aku ya wúlu ahande ansítɔ, bude okitikíti beé, “Ahá anfi ná bude agywun háan ɔyítɔ fée ní. Bawíé nfi,

⁷ Yason laho amó yái mu wóyító. Amó fée budekusu líi Roma Owie Dehen mbasu. Tsúfée bude ahá bláa bee, owie bambá oku bu inu, mu dá gyí Yesu.” ⁸ Bréá wúlu ahande pú odom amu bonu asón ánfí á, ilehie han amó. ⁹ Táme bebítí Yason muva mu aba ámu isu, beka ikó, ká ntam bee bumétrá han agywun, besi amó benatí.

Paulo Mva Silas Beroia Yo

¹⁰ Besi owí leta, ahógyipu amu beha Paulo muva Silas benatí yó Beroia wúluto. Benya wíé inu alí, boyo Yudafó ofiakpa. ¹¹ Yudafóá bubu wúlu anfitó botsulá ho asón ámu dun amóá bubu Tesalonika. Bopu ansigyí ho Bulu asón ámu, tsíá yó Bulu ason wanlínhé amoto ekekegyieke ki bee, onokwalí Paulo dé amó bláa. ¹² Yudafó tsotsotso pú Griikifó atsi móa ayin aní obú bu amósú é boho asón ámu su gyi. ¹³ Yudafó amóó bubu Tesalonika amu bonu aní Paulo layó ode Bulu asón ámu okan da Beroia. Inu su begya okpa yó inu bude inufó ámu agywun yintá. ¹⁴ Osasu, ahógyipu amu bele Paulo lé wúlu amoto ya opu onó, támé Silas muva Timoteo mú besi bubu inu. ¹⁵ Ahá amóó beyési Paulo okpa ámu bekpa mu alu yówie Atene wúluto. Bréá budeyinkí á, Paulo lópu ome sísí Silas muva Timoteo obée, buwáa osa botu mu.

Paulo Atene Yo

¹⁶ Bréá Paulo lési otsie ogyo Silas muva Timoteo Atene wúluto á, inu tsíá lehie han mu. Tsúfée olowun aní ikpi sóón bu wúlu amoto. ¹⁷ Mú su ní oyo Yudafó ofiakpa inu á, muva Yudafó pú Griikifó amóó bude Bulu süm ámu botetsíá lé asóntó há aba. Alí kén muva dinsu atsiápú é betsiá tóí tsú mú iwí ní. ¹⁸ Mva atiansipu akvá botsu Epikuro pú Stoak opasuató* ba inu é betsiá bití asón ánfí. Amótó aku befité bee, “Nto okan onótó okapú ánfí dèda?”

Aha aku bele mú onó bee, “Idebwe fé ikpi aku iwí odetóí tsú.” Tsúfée Paulo dé Yesu muva afúlikusu iwí asón okan da. ¹⁹ Múó bekítá Paulo, kpá mu ya Areopago, igyi amó wúlu ahande ofiakpa. Ahande amu bebláa Paulo bee, “Anidéklé aniaa, futóí tsu fó atosunáhé popwe amu iwí suna aní. ²⁰ Animókónú asón ánfí ki. Mú su anidéklé aniaa, fuléé mótó suna aní.” ²¹ Tsúfée Atenefó pú afóá bubu inu fée butamabwé toto dun asón aní ilaba nu pú mú blí.

²² Inu Paulo lókusú líi afiapu amu ansító obée, “Atenefó, nawun aní mlitehíé tswé ikpi. ²³ Tsúfée ínía ndeki wúlu anfitó fée á, nawun ntobí oduá mlitotswé. Nawun afódie-asubwí kwá bowanlín dínká mósú bee, ‘BULUÁ ANIMÉYÍN MU.’ Mú su Bulu amóó mlidésu, mlíméyín mu dá ámu iwí okan ndeda súná mlí á. ²⁴ Bulu lóbwe oyi pú mótó ató fée. Mogyí osó

* **17:18** Epikuro opasuatófo bugyi aha akvá buteblí bee, ilehián aní ansí bégyi aní. Fowú á, idatá. Stoak opasuatófo é bee, mehián aní ansí bégyi aní dubidubi, awireho é mákítá aní dubi.

móa así Owíe. Otamatsiá otswékpa ání anyánkpósa íbì léyi mótó. ²⁵ Otamadúnká tótó tsú ohaa wá, ménì íbwe fè tóku tehian mu. Tsúfè mótéhá ahá fée nkpa, oñé pú tógyító itehian amó. ²⁶ Móléha su ahá fée belin tsu obakóle pètó, oheha bekleí wá oytó fée. Móléha omá kugyíku otínéá buntsie pú bréá bétsiá yófon. ²⁷ Oobwe mú alì, ménì nyankpósa obódunká mu wun mu. Táme teki oma ífó anito okuku wá. ²⁸ Tsúfè oku léblí obée, ‘Bulu su anitsie nkpa. Mu sù anitekán iwí, anigyí alíá anigyí.’ Fé alíá mlì íb awapú aku beblí be, ‘Bulu ahá aní é anigyí.’

²⁹ “Iníá Bulu ahá anigyí su á, animáki aníaa, Bulu gyí fè tunkuá nyankpósa lapú sika pepe, sika futútú ntée íbwi pwé mú alíá odeklé. ³⁰ Bímbí ámu a, ahá bumebí alíá Bulu gyí. Bulu lóbun ansibi mósú, támé séi mú á, alabláa anyánkpósa fée obée, budámli kluntó. ³¹ Bulu lalé eke yáí ání obótson ohá ámúb alalé yáí ámu su gyi oytó ohagyíoha asón onokwalisu. Odeklé obée ahá bobú ání onokwalí igyi. Mú sù okusúa ohá ámu tsú afúlitó ní.”

³² Iníá Paulo lótó tsú afúlikusú iwí su á, aku bómási mu. Táme amótó aku beblí be, “Anídeklé aníaa, fútráa ba afobebláa aní asón ání ku é.” ³³ Inu Paulo lókusú dáli ofiakpa inu. ³⁴ Táme ahá kpalobí ku bōhō Paulo asón ámu su gyi, bobuo mu. Amótó okule dá gyí Dionisio, oletsíá wúlu ahande amutó. Mwa otisi okvá butetí mu Damari pú aha aku é.

18

Paulo Korinto Yó

¹ Iní oma a, Paulo lókusú tsú Atene yó Korinto wúluto. ² Oloyótó Yudayin okvá butetí mu Akwila, bokwí mu Italia omanti kvá butetí mú Pontotó. Akwila mwa mu ka Priskila beba Korinto inu mākówá o pá. Tsúfè alì bré ámutó á, Roma Owíe Klaudio lagya Yudafó fée lé Roma wúluto. Paulo lóyo amó wá. ³ Tati-obubí abwepú amó é bogyi. Mú su Paulo létsiá amó wá, mwa mōnyo betsiá bwé tati-obubí ámu fè. ⁴ Okpónó odaké kugyíku á, Paulo tōyó Yudafó ofiakpa yéle Bulu asón ámutó wankláán súná Yudafó pú Griikifó ámu, ménì bōhō Yesu gyi.

⁵ Bréá Silas mwa Timoteo botsu Makedonia botu Paulo a, olesi agyómá ámu yo, pú Bulu asón ámu okanda kóún bwé mu gyumagyihe. Oletsíá gyi adánsie súná Yudafó ámu obée, Yesu gyí Kristo, (ohá ámúb Bulu ladá mu ofúli amu) ní. ⁶ Táme bōmōhō mu asón ámu. Bókusú líi mu su, síá mu. Mú su Paulo lófwí íbì lé amó asóntó, bláa amó obée, “Tsú nde púya a, nalé íbì mlì asóntó. Ní lowu mlídeklé a, íbá mlisu. Néyébláa ahá ání bomegyí Yudafó mboún Bulu asón.” ⁷ Iní su Paulo lédali Yudafó ofiakpa inu yétsiá oyin okvá butetí mu Tito Yustus wóyító. Megyí Yudayin oyin ámu gyí, támé ogyi Bulu osúmpó. Mu wóyí íbù mantáa Yudafó ofiakpa inu. ⁸ Táme Krispu ání

ogyi Yudafɔ ofiakpa ɪnɔ ɔhandɛ mva mu wɔyítɔfɔ fée mú bɔhɔ anɪ Wie Yesu gyi. Korintofɔ ámu tsɔtsɔtsɔ é bohogyi, bɔbɔ amú asú.

⁹ Εκε ɔku onyé á, Paulo lówun ató. Mótó á, anɪ Wie lébláa mu ɔbéɛ, “Mánya ifú. Yɔ mósú afɔda asún ámu ɔkan wɔle. Mákpa ɔnó bun. ¹⁰ Tsúfé mía funyɔ ná. Ɔhaa méetalí bwé fú tɔtɔ. Mí ahá bɔtsɔ wúlu anfitɔ.” ¹¹ Mú sɔ Paulo létsiá Korinto ɪnɔ súná ahá ámu Bulu asún ofi ɔkɔle mɔa ifɔn.

¹² Bréá Galio létsiá Roma owíe otsiákpá, ɔde Griikifɔ ɔsaasi ɔmanti kvá bɔtɛtí mú Akaiasɔ kí a, Yudafɔ ámu bɔbwe ɔnɔ-ɔkɔle, kítá Paulo, pú mu ya mu ansító. ¹³ Βεε, “Oyin ánfɪ dé ahá asokpan suná ɔbéɛ busúm Bulu tsɔn ɔkpa ání ɔkɔsú líí anɪ mblasɔsɔ.”

¹⁴ Paulo lénya bwíí ɔnó ɔbéɛ amɔtɔ alɪ Galio lébláa Yudafɔ ámu ɔbéɛ, “Ní tsitsa ntée lakpan ku oyin ánfɪ labwé á, tɛkɪ ɪbɔ aléá néyaa asɔ nú mlɪ asún. ¹⁵ Táme ɪníá adá pú mlɪ onutó mbla ɪwɪ asún ɪwɪ nwéen mlɪdégyí sɔ á, mlɪyɔ amlɪyɛblí mú. Mméegyí asún ánfɪ odu.” ¹⁶ Múú ɔleha begya amú lé asún ogyíkpá ɪnɔ á. ¹⁷ Ahá ámu fée bowunáa kítá Sostene ání ogyi Yudafɔ ofiakpa ɪnɔ ɔhandɛ, dá mu ɪnɔ. Táme Galio mótsu kɔku lé mótó.

Paulo Yínkí Yɔ Antiokia

¹⁸ Paulo létsiá ahógyipɔ amɔ wá Korinto yɔfɔn bré ku. Múú ɔleklá amú, mva Priskila pú Akwila benatí yɔ Kenkrea wúlutɔ. Paulo lékpa mu nwun Kenkrea ɪnɔ, pɔsúná ání alamó ntam kvá ɔleka ɔnó. Múú bɔtsu ntsusɔ-yibi pú bɔyɔ Siria ɔmátó á. ¹⁹ Bréá bowie Efeso wúlutɔ á, Paulo lénatí sí Priskila mva Akwila, yɔ Yudafɔ ofiakpa, mva Yudafɔ ámu bɔde asóntó le há aba. ²⁰ Bokokóli mu βεε, ɔtráa tsia amú wá kpalobí, omotsulá. ²¹ Táme bréá ɔdedalɪ ɔyɔ á, ɔlebláa amú ɔbéɛ, “Ní Bulu lótsulá á, néyínkí ba mlɪ wá.” ɪnɔ olowie ntsusɔ-yibitɔ tsú Efeso ɪnɔ náti.

²² Bréá ɔlekplí Kaesarea a, ɔɔɔv yɔ Yerusalem yéha ɔpasua ámu tsia. Múú oleyínkí kplí yɔ Antiokia a. ²³ Oletsia Antiokia ɪnɔ kpalobí. Mú ɔma a, ɔlenatí ɪnɔ beki Galatia pú Frigia ɔsulɔsɔ, ɔde akasípú amɔ Bulu asún bláa, pówá amú ɔwonlín.

Apolo Bulu Asún Ɔkanda Efeso Mɔa Korinto

²⁴ Alɪ bré ámuɔ á, Yudayin ɔkvá bɔtɛtí mu Apolo laba ɔbɔ Efeso wúlutɔ. Bɔkwíí mu Aleksandria, wúlu ání ɪbɔ Egypte ɔmátó. Oyin tɔí, oyin Bulu asɔn wanlínhé amɔ é wankláán. ²⁵ Bosuná mu anɪ Wie ɔkpa ámu. Mú sɔ Yesu ɪwɪ ɔnɔkwali amɔ blí tɛhíé wá mu ansigyí. Táme Asú Ɔbɔpú Yohane asúɔbɔ ámu pé oyin. ²⁶ Apolo ménya ifú. Ɔɔwɔ klɔn súná ató Yudafɔ ofiakpa ɪnɔ wankláán. Bréá Priskila mva Akwila bonu mu asɔn blíhé a, bekpa mu yáa wɔyító yɔsuná mu Bulu ɔkpa ámu wankláán ɔnɔn alíá oyin yaí. ²⁷ Bréá Apolo lóbwe agywun ɔbéɛ, ɔbɔyɔ Akaia ɔsulɔsɔ á, ahógyipɔ amɔ bɔwa mu atɛtɔ-ɔnlɪn. Bɔwanlín ɔwóló

sísí unv ahógyipv bæe, buhóo mu wankláán. Bréá oloyówie unv á, ðelehie búa ahá aní una Bulu awitalesu bahó Yesu gyi. ²⁸ Apolo muv Yudafó ámu begyi Bulu asun wanlínhé amv iwí nwéen, ðlotóí lé asóntó túmisv pógyi amósú. ðlɔpv Bulu asun wanlínhé amv súná amó aní Yesu gyí Kristo, (ðhá amóú Bulu ladá mu ofúli amv).

19

Paulo Bulu Asón Okanda Efeso

¹ Bréá Apolo bu Korinto a, Paulo lódu yótsun asósú awúlusu bædalí tíí Efeso. ðlotv akasípú akv unv. ² Múó ðlefité amó ðbée, “Mlilénv ðhe Wankíhé bréá mlilóhogyi?”

Bele mú ónó bæe, “Animókónú kí aní ðhe Wankíhé kv bu unv.”

³ Paulo létrá fité amó ðbée, “Asú məmuv bəbə mlí?”

Bele mú ónó bæe, “Yohane asú ámu bəbə aní.”

⁴ Paulo lébláa amó ðbée, “Yohane lóbo ahá aní badámlí klontó asú. ðlebláa amó ðbée buhóo ðhá amóú obuo mu ðbá ámuv gyi. Mvgyí Yesu.”

⁵ Bréá ahá ámu bonu asón ánfi á, beha bəbə amó asú aní Wíe Yesu dátó. ⁶ Mú óma a, Paulo lópv ibi dínká amó nwunsu, ðhe Wankíhé léba amósú. Bəblí ðblí bábábá, blí Bulu ónó asón é. ⁷ Amó féé bóbwe ayin dúanyə.

⁸ Paulo lélatiá yó Yudafó ofiakpa unv. ðlɔwa klɔn tóí lé asóntó súná amó tsra asa kéké. Omenya ifú, méní bóho asón amóú ðdeblí tsú Bulu iwíegyí iwí ámuv gyi. ⁹ Táme amó akv bəwa klontó odwin, buməho mu asónsú gyi. Bətóí wə aní Wíe Okpa amóú Paulo dé amó súná ámu ahátə unv. Mú sv Paulo lékpa akasípú amv náti, oletsíá súná amó ató oyin ókvá butetí mu Tirano ató ókasíkpá. ¹⁰ Paulo lósuná amó ató nfinyə kéké. Mú sv Yudafó pú Griikifó aní bubv Asia ómátó féé bonu aní Wíe asón ámu.

Skewa Abi Asón

¹¹ Bulu lótsun Paulosu bwé ofúla akpənkpənti kv. ¹² Ahá bəkvlá mu adúkubi pú mu iwísv ató yédinká aləpvsv, benya ilətsá, ðhe laláhe é ledalí ahátə. ¹³ Yudafó akv é bubv nsiné unv buvna budeki gya ðhe laláhe lé ahátə. Bəwa klɔn bæe, bópv aní Wíe Yesu dá gya ðhe laláhe lé ahátə. Mú sv bəkvplón wa ðhe laláhe bæe, “Dalí Yesu amóú Paulo dé mu iwí asón ókan da ámu dátó.” ¹⁴ Igyí ahapú ðhande ókvá butetí mu Skewa abi yinhé abasiénó létsíá bwé ínı.

¹⁵ Eke ókv ðhe laláhe léfité amó ðbée, “Nyin Yesu, nabí Paulo, mlí é mé, aməndı mlıgyí?” ¹⁶ ðhá amóú ðhe laláhe bu mutə ámu lótu wíe amótó, dá amó, títi amó atadié féé. Inu amó féé bəpv amó yayá pú amó iwí nlə srí dalí wóyí ámutə. ¹⁷ Yudafó pú Griikifóá bubv Efeso unv féé bonu asón ánfi. Ifú lekítá amó. Mú sv bəpv obu há aní Wíe Yesu. ¹⁸ Ahá amóú bohogyi amutə tsətsətsə bele

ámú lakpan blí. ¹⁹ Amótó akú bɔgyi okó alepó. Botsu okó ámu nwló ba bɔwa mú fée ogyá ahá ansító inu. Bobu ámú nwló ámu ibiá á, ɔbwe sika futútú mpím-aduenu (50,000)*. ²⁰ Ina aní Wíe Yesu túmisu mu asón ámu lenya ɔkpa kléi wankláán.

Demetrio Mva Mv Aba Ikó Le Wá Efeso

²¹ Asón ánfí fée ɔma a, Bulu ɔhé ámu léha Paulo lóbwé agywun ání ɔbɔɔ Makedonia pú Akaia ɔsolósu, fówun ɔyɔ Yerusalem. Mú Paulo léblí ɔbée, “Ní nowíe inu á, ilehián ání néyéki Roma wúluto é.” ²² Mú su ɔbwa mu abúápu abanyó, bɔgyi Timoteo mva Erasto sísi Makedonia. Mu onutó olesi tsia Asia ɔmátó kpalobí.

²³ Alí bré ámutó á, aní Wíe ɔkpa ámutó buɔe ahá suná ámu su asón kpɔnkpɔnti ku leɔa Efeso inu. ²⁴ Oyin ɔkúá ɔbɔwé sika futútú ató, butetí mu Demetrio bu inu. Oyin ánfí tɔpú sika futútú bwé ɔkpi yilé Artemi† ɔswékpa akusubi ání ilehan mu ɔswékpa yilé ámu fé. Mva mu aba agyómá ánfí ayɔpú butenyá kóba tsɔtsɔtsɔ tsú mútó. ²⁵ ɔleti mu aba ámu pú ahá ání butɔbwé agyómá ámu odu fia. Mú ɔlebláa amó ɔbée, “Mí apíó, mlɔyin ání agyómá ánfí só aní fée anɔlawá alé ní. ²⁶ Yée mlɔtsie mlidénu, mlidéwuun tóá Paulo débwe? Alatá ahá bláa ta Efeso wúluto pú Asia ɔmátó fée fia ɔbée, ikpi ání ahá bapú ibi pwé bumeɔyí tɔtɔ. Alatá ahá ɔnó mlé tá, buɔe mu asónsú hógyi. ²⁷ Megyí aní agyómá wɔle ibéyintá. ɔhaa méetrá bu ɔkpi tsíhé Artemi ɔswékpa yilé ámu. ɔkpi ámu dá é bófwí lé ɔyító. Táme teki muɔgyí ɔkpiá ahá fée butɔtswe Asia ɔmátó pú ɔyító fée ní.”

²⁸ Bréá ɔɔm amu bonu asón ánfí á, benya ɔbló, sórá okitikíti bee, “ɔkpi kpɔnkpɔnti aní Efesofɔ ɔkpi Artemi gyí!” ²⁹ Kpokiti leɔa wúlu amutó fée. Ahá ámu bekítá Paulo abúopu Gaio mva Aristarko ání botsú Makedonia síri pú amó ya wúlu ofiakpa. ³⁰ Paulo onutó lékléá ɔbɔɔ ofiakpa inu, ɔyɔtá kpla ɔɔm amu, táme akasípú amu bumeɔha mu ɔkpa. ³¹ ɔmá ámutó ahande akpɔnkpɔnti akúá bɔgyi Paulo anyawíe é bɔwa obí lóyóbwií ipa há mu bee, ɔmáɔ ofiakpa inu. ³² Kpokiti leɔa ofiakpa inu. Aní bee alí, aní é bee alí. Amótó ahá tsɔtsɔtsɔ bumeɔbi tóá svá befia inu. ³³ Yudafɔ ámu akú bɔyɔ ofiakpa inu. Bowutá Aleksandro sísi ɔbuntɔ, buɔe mu asón ání ɔyéblí bláa. Iní su Aleksandro lótsu ibi fúá, ɔbée amule mu ɔnó. ³⁴ Táme bréá bowun ání Yudayin ogyi á, belasórá okitikíti, blí ason kua kule dɔnhwírí anyɔ kéké bee “ɔkpi kpɔnkpɔnti aní Efesofɔ ɔkpi Artemi gyí!”

³⁵ Iní fée ɔma a, wúlu ató ɔwanlínpu léha ɔɔm amu bekpa ɔnó bun. Mú ɔlebláa amó ɔbée, “Efesofɔ ayin, ma méyin ání Efeso

* **19:19** Sika futútú mpím-aduenu (50,000) bóbwé ɔbakóle nfi lafakule-aduasa (130) ikóká. † **19:24** Artemi gyí ɔkpi kpɔnkpɔnti ɔku dá.

nfi gyí aní ɔkpɪ kɔɔnkpɔntɪ Artemi pú mu ibwi á múú ìlekpa tsú ɔsúsú á mu nwun? ³⁶ Ọhaa má inwá ɔbétalí gyí asún á nfi iwɪ nwéén? Mlunya klun, méní mlumóoko mli. ³⁷ Ahá á nfi mlɪlakpá ba nfi á nfi ɔkuku mókúwí tɔtɔ tsú ɔtswékpá inu. Bwɔkúblí asvansu kósú lí aní ɔkpɪ tsíhé Artemisu. ³⁸ Táme ní Demetrio mu mu aba agyómá ayɔpú amu bee bubu ɔku iwɪ asún á, asún agyípú bubu inu, asún ogyíkpa é bu inu. Bétalí pú asún á mu ya inu kpéblí mú. ³⁹ Ní mlɪbu asun bambá ku tsía inu tó mú á, bétalí yéblí mú ɔtíné á múú aní fée anitefia gyi asún á mu. ⁴⁰ Tsúfée ní anuméki wankláán á, abénya asún á ní anlahan wúlu amu agywun nde. Ní befíté aní é á, anuménya asvansu pólé mú ɔnó.” ⁴¹ Olenya blí asún á nfi tá alí, ɔleha amú fée bedasáin.

20

Paulo Yinkí Yó Makedonia Múa Griikifɔ

¹ Kpokiti amu ɔma a, Paulo léba beti akasípú amu fée fia, tóí kplá amú, wá amú atetɔ-ɔnlun. Ọléklá amú asa ɔlɔpɔ ɔkpa ɔyó Makedonia ɔsulúsu. ² Oleki nsiné inu ɔpasua á mu tóí kplá amú asa olobowie Griikifɔ ɔsulúsu. ³ Oletsíá inu tsra asa. Bréá ɔlɔbwe agywun ɔbée, méfa ɔpɔ yó Siria ɔsulúsu á, olowun á ní Yudafɔ buɔde mu tée abukita mu. Mú su ɔlɔbwe agywun ɔbée mélayótson Makedonia ɔsulúsu. ⁴ Ahá á ní bekpa mu ya inu gyí Beroiayin Sopater, ogyi Piro mu bi; Tesalonikafɔ Aristarko mu Sekundo pú Derbeyin Gaio; amúa Timoteo pú Asiafɔ Tihiko mu Trofimo. ⁵ Alí ahá á nfi begyankpá yógyo aní Troa wúlutɔ. ⁶ Israelfɔ begyi amú Bodobodo Mátúhénke ɔma a, anlétíá ntsusu-yibitɔ tsú Filipi wúlutɔ. Anlénatí nkená owítɔ. Eke núúsí a, anlóbɔtu nkpa agyápu amu Troa wúlutɔ. Aní fée anlétíá inu nkensiénó.

Eutiko Tsinkí Tsú Lowutɔ

⁷ Kwasiéda, igyi ndawótswí á mu tɔ eke gyankpapu ntópwesu á, anlétíá abégyi ató abatɔ fé alí aní Wíe lósuná aní. Iníá Paulo dékléá ɔbénatí ɔyi kehe su á, ɔlɔtɔí kplá amú alí yéha ɔyínsiné. ⁸ Nkandíe tsɔtsɔtɔ bu ɔsúsú obu á múú anlétíá mótɔ á mu tɔ. ⁹ Oyimbi ɔkúá bu tétí mu Eutiko lódu bian nfánsrí ɔnó, ɔde asún á mu nu. Iníá Paulo ló tɔí wá ɔpá su á, didí lowie mu, fóru mu. Ọlekpa tsú ɔsúsú abansúru saasi nfánsrítɔ inu beda ɔsulótɔ. Bréá boyótso mu a, alawú fée. ¹⁰ Múú Paulo lékplí yó inu, yémlí bun mu su, látá mu pútá, blí ɔbée, “Opúni mátsíí mli, ɔhé bu mu tɔ.” ¹¹ Paulo léyinkí dó yó ɔsúsú inu, mu mu aba á mu nyɔ bebiabía bodobodo gyi. Ọlɔyɔ mu tóí amu su alí yófɔn ɔyi kehe, ɔlenatí. ¹² Múú ahá á mu békpa kebi á mu ya wóyí á. Ansí lehe gyi amú á ní ɔbu nkpa.

Paulo Troa Tsu Yó Mileto Wúlutɔ

13 Anilégyankpá yówie ntsusu-yibi ámɔtɔ ayó Aso wúluto yótsu Paulo inu. Tsúfɛ Paulo léha anɪ ibi ɔbéɛ, ɔbótsun ayabito ɔkpa ká tɪ́ inu. 14 Bréá ania munyɔ aniléyɛfia aba Aso wúluto inu á, olowie ntsusu-yibi ámɔtɔ, aniléfa yó Mitilene wúluto. 15 Anilénatí inu ɔyi kehe, anilókusú inu yówie Kio. Eke nyɔɔsi a, anilókusú inu yówie Samo wúluto. Mú eke sáási é á, anilétrá kusú inu yówie Mileto wúluto. 16 Paulo mékléá obéyintá bré Asia ɔmátɔ. Mú su ɔmekplí Efeso wúluto, tsúfɛ ɔdekɔsí aní ní ɔbétalí á, obóyówie Yerusalem asa abugyi Pentekoste nke ámu.

Paulo Efeso ɔpasua Ahande Klá

17 Bréá anilóyowie Mileto wúluto á, Paulo lówa abí sísí Efeso ɔpasua ahande ɔbéɛ, bubá bɔtu mu. 18 Bréá ahande amu bebefia mu a, ɔlebláa amú ɔbéɛ, “Mliyin alíá mía mlinyɔ anilópɔtsiá tsú eke gyankpapu aní neba Asia ɔmátɔ. 19 Mliyin alíá neba iwiasɪ yó agyómá há mí Wíe, pú alíá Yudafɔ bókusú líí mísó, nowun ipian, su kóráá. 20 Mliyin aní mmɔpu asún aní íbékpa mli nǵáin mli bréá neda Bulu asún ámu ɔkan dɪnsu pú mli wóyítɔ. 21 Alíá nɔtɔ́ kplá Yudafɔ pú Griikifɔ féé mbéɛ, busii lakpan bwe abɔdamli ba Bulu wá, abubɔhɔ anɪ Wíe Yesu gyi.

22 “Séi ánfɪ á, nɔyó Yerusalem, fé alíá ɔhe Wankíhé labláa mi. Mmeyín tóá íbéba misu inu. 23 Táme múá ɔhe Wankíhé tɛbláa mí wúlugyiwúlusu, nyin gyí, asun wunhe pú obudɪ da gyo mí. 24 Táme mmotsu mú asunbogya. Mboún alíá nómɔ agyómá ámú anɪ Wíe Yesu léha mí ámu ɔnɔ. Agyómá ámu gyí, nébláa ahá Bulu awitɔle asun wankláán ámu.

25 “Séi ánfɪ a, nyin aní mli ahá ánfɪ nebedá Bulu iwíegyí iwɪ asún ɔkan mlitɔ ánfɪtɔ ɔkuku méétrá wun mi ekekekeke. 26 Mú su nde mli bláa mbéɛ, ní mlitɔ ɔku ménya nkpa aní itamatá á, megyí mí su omenya. 27 Tsúfɛ nabláa mli tógyítá Bulu déklé ɔbéɛ mlíbí.

28 “Mú su mlíkɪ mli iwɪ pú ahá ámú ɔhe Wankíhé lópuwá mli íbitɔ ámusu wankláán. Mlíkpa Bulu ɔpasua ámú ɔleyaí tsun mu onutó mu bi lowusu ámu wankláán. 29 Nyin aní nenátí á, akvá bɔgyi fé nkpataku, bubu iyin béba bowie mlitɔ, dá ɔpasua ámu sáin. 30 Mlitɔ aku óó bókusú, dámlí ɔnɔkwali amu púbitia mlitɔ aku buo iwɪ. 31 Mú su mlída iwɪsu. Mlíkaɪn aní netsiá mli wá nfinsa sóón, pú ansí ntsú yírɪ iwɪ súná mli ató ɔpa onyé.

32 “Mú su séi á, ndepu mli wá Bulu mu mu awitɔle asún ámɔtɔ. Mu awitɔle asún ámu iwá mli ɔwɔnlín, íha amlɪdan, talɪ lu kínkín, amlɪnya ató ámú ɔlehiɛ yáí há mu ahá ámú bamlí mu kle amu. 33 Bréá mbu mli wá á, mmepɛ ansí ɔhaa sika pepɛ, mu sika futútú ntée mu atósú. 34 Mli onutó mliyin aní mí ibi anfi nɔpuýó agyómá nyá tóá íde mía mí aba ámu híán féé. 35 Natsun ɔkpagyiɔkpasu súná mli alíá mlópu ibi yó agyómá, púgyi ahá aní iwɪ ma amú ɔnlɪn buale. Mlíkaɪn anɪ Wíe Yesu

onutó ason blíhész. Ǿbész, ‘Bulu toyúlá Ǿhá ání otekíé ató dun Ǿhá ání butekíé mu.’ ”

³⁶ Bréá Paulo lébli asón ánfí tá á, muá amónyǾ fээ beda akpawunu bó mpái. ³⁷ Amó fээ bosu bréá belatá aba pútá, klá aba. ³⁸ Tóá ilowa amó ahumiti gyí mú ámúǾ Ǿlebli Ǿbész, muémétrá wun amó ekekekeke ámu. Besi mu Ǿkpa yówie Ǿpu Ǿnó, olowie ntsusu-yibitǾ.

21

Paulo Yerusalem YǾ

¹ Bréá anilégyí nkla tá á, anulówie ntsusu-yibitǾ, náti laa yó Ko wúlutǾ. Eke nyǾǾsi a, anulóyǾ Rodo. Tsú inu á, aniléba Patara otsubúnǾ. ² Anlénya ntsusu-yibi kuá iyó Foinike otsubúnǾ, anulówie mútǾ. ³ Bréá ayó á, anulówun Ǿsulúv kuá butetí mú Kipro sísi. Anlési mú tswi binasu ifón, tson yǾ Siria ǾmátǾ. Anléyekplí Tiro otsubúnǾ, tsúfé inó béle ntsusu-yibi ámutǾ ató ní. ⁴ AnlótǾ akasípǾ aku inu, anlétsiá amó wá nkensiénó. Ǿhe Wankíhé léle súná amó Ǿbész, Paulo máyǾ Yerusalem wúlutǾ. ⁵ Aní nke lǾfon, anlótǾvá aní ǾkpasǾ. Bréá anidénatí á, akasípǾ amu, amó aká pú amó abí fээ beyési aní Ǿkpa alu yówie Ǿpu Ǿnó. Inu á, aní fээ anlédá akpawunu bó mpái. ⁶ Anilégyí nkla, anulówie ntsusu-yibi ámutǾ pú ayó, amó é beyinkí yó wóyí.

⁷ Anlédinká Ǿpusu tsú Tiro alu bowie Ptolemai otsubúnǾ. Bréá anulówie inu á, anléyeha ahógyipu ání bubu inu itsiá, anlétsiá amó wá ekewóle. ⁸ Ǿyi kehe a, anulókusú tsú inu ba Kaesarea otsubúnǾ. AnulóyǾswí Bulu asón Ǿkan Ǿdapú Filipo wóyí. Oyin ánfí gyí ahá abasiénó ámúǾ bele Yerusalem bee, butsáa ahande agyómá yǾ ámutǾ Ǿkule. ⁹ Filipo bu abi tshé abaná, bumǾkúyó ayin wá ki. Bulu Ǿnósú atáipú mu abi tshé ánfí bugyi. ¹⁰ Anilégyí nke kpalobí inu. Eke Ǿku Bulu Ǿnósú Ǿáipú Agabo lótsu Yudea ǾmátǾ ba inu. ¹¹ Olenya bowie laa alí olotsu Paulo osiétǾ Ǿfé klí mu onutó ibi pú mu ayabi. MúǾ Ǿlebli Ǿbész, “Ǿhe Wankíhé Ǿbész, ‘Alí YudafǾá bubu Yerusalem békli Ǿhá ámúǾ Ǿbu Ǿfé ánfí, pú mu wá ahá ání bumegyí YudafǾ ibitǾ ní.’ ”

¹² Bréá anulónu asón ánfí á, ania ahá ámúǾ bubu inu ámu fээ anulókokóli Paulo aniaa Ǿmá yǾ Yerusalem. ¹³ Inu Paulo léfité aní Ǿbész, “Ntogyi só mlidésú, mlilahá iwí lawú mí alí? Mí mú á, megyi klí ámúǾ békiklí mǾ Yerusalem amu pé nalá iwí yái há. Mbóun nalá iwí yái ání nówu aní Wíe Yesu su é.”

¹⁴ Paulo Ǿnó lǾdun aní. Mú su anlési mu tói wa. MúǾ anlébli aniaa, “Ibá mútǾ alia aní Wíe déklé.”

¹⁵ Inu Ǿma a, anulókolá aní ató du yó Yerusalem. ¹⁶ Ania KaesareafǾ akasípǾ aku lóyǾ inu. Bekpa aní ya oyin Ǿkuá butetí mu Mnason wóyítǾ bee, aswí mu wá. AkasípǾ agyankpapu amutǾ Ǿkule ogyi, otsú Kipro ǾmátǾ.

Paulo Yerusalem Wie

17 Bréá anilówie Yerusalem inu á, ahógyipu amu bəhə anu atúu. 18 Ɔyi kehe ania Paulonyə aniléyeki Yakobo. Ɔpasua ahande amu féé beba inu. 19 Paulo lówa amú ɔ́nó, ɔ́lebláa amú tógyítáá Bulu latsun mɔsu bwé ahá aní bume gyí Yudafəto. 20 Bréá bonu Paulo asón ánfí á, amú féé bekanfú Bulu. Múú bebláa mu beɛ, “Opíó nu, Yudafə mpím-mpím aní badámlí kluntə féé buɔe Mose mbla ámɔtə kínkíínkín. 21 Táme aku babláa amú beɛ, fasúná Yudafə aní bubu ɔ́má bámbású féé fɛɛ, bumágyi Mose mbla ámɔsu. Ɔma é á, fɛɛ bumátin amú abí keté, bumágyi aní amándíé ésú. 22 Ibwébwéébwé á, ahá bónu aní faba nfi. Nkálí abóbwe tsú mú iwí? 23 Abébláa fu tóá fubwée, Ayin abaná akvá bubu anitə baká ntam há Bulu. Ilehíán aní bógyuráa iwí. 24 Kpa amú ya, amliɔgyuráa iwí. Ka amú atə yintáhé féé ikə, méní békpa amú nwun. Iní ɔ́béha ahá féé bēbí aní fotegyí Mose mbla ámɔsu. Iní su fú iwí asón ámúú bonu ámu ima mútə. 25 Aniləwánlín ɔ́wólú sísí ahógyipúá bumegyí Yudafə dodo. Aniləwanlín aniaa, anilabli aní bumágyi atogyihéá bapóhá ikpi. Bumágyi obugya pú ɔ́bwíá bapúsa mə. Bumáwa atsi múa ayin asón é.”

26 Mú su bréá ɔ́yí leke a, Paulo lékpa ayin abaná ámu ya, mba amúnyə bəyógyuráa iwí. Ɔbɔyɔ Bulu ɔ́swékpa inu yéblí ekéá amú iwígyuráa amu ibómə ɔ́nó, ɔ́béba bəbə afəɔɔie há amótə okugyíku.

Paulo Kitá Bulu Ɔtswékpa

27 Bréá nken síénó ámu íbá bəfun a, Yudafə akvá botsú Asia ɔ́mátə bowun Paulo Bulu ɔ́swékpa inu. Ɔɔm amúú bubu wunsínésú inu ámu féé benya ɔ́blí Paulosu, bekitá mu. 28 Bəsurá okitikíti beɛ, “Israelfə ayin, mlidalí ba oo! Oyín ámúú ɔ́na ɔ́de ahá atə suná, yintá amú agywun ámu ní. Múdekusú lí ɔ́má ánfí, Mose Mbla pú Bulu ɔ́swékpa amɔsu ní. Alakpá Griikifə kóráá ba Bulu ɔ́swékpa wunsínésú nfi. Mú su alapú ifin da ɔ́wankíkpá amú.” 29 Beblí mú alí, tsúfé bowun Efesoyin ɔ́kvá buɔetí mu Trofimo mba Paulo wúlu amɔtə dodo. Iní su buki beɛ Paulo lópu oyín ámu yáa Bulu ɔ́swékpa inu.

30 Wúlu amɔtə féé leda kpokiti. Ahá beɔdalí tsu amú wóyítə srí ba bekitá Paulo, bebitíá mu dáli ɔ́swékpa wunsínésú inu, fin íban ámu. 31 Bréá buɔe mu da, buɔekléá bómmə mu a, ɔ́ku léyɛbláa Romafə ísá akəpú ɔ́hande ɔ́béɛ, “Kpokiti ladá Yerusalem wúlutə.” 32 Inunv ɔ́hande amu lékpa ísá akəpú ámu aku pú amú ahande aku besrí yó inu. Ɔɔm amu benya wun amú alí besi Paulo dá. 33 Ɔhande amu lénatí yótə Paulo, ɔ́leha mu ísá akəpú ámu bekitá mu, wá mu íkan anyə. Múú ɔ́lefíté ahá ámu ɔ́béɛ, “Ma gyí oyín ánfí? Ntə alabwé?” 34 Ɔɔm amu buɔe okitikíti, buɔetətí. Aku beɛ alí, aku é beɛ alí. Okitikíti amu ɔ́nó lówa ɔ́nlín. Mú su ɔ́hande amu mébí ɔ́nəkwaliá íbu

asón ámuṭṭ. Ini su ɔleha ɔbéε, bukpá Paulo ya isá akɔpú ámu otsiákpá. ³⁵ Bréá bowie obu-ɔnó ɔbukpá á, ɔɔm amu buɔe iyin wa. Mú su isá akɔpú ámu botsu Paulo wá nkɔnkɔ. ³⁶ Ahá ámu féé buɔuo Paulo, buɔe okitikíti beε, “Mliha awuna mɔ mu! Mliha awuna mɔ mu!”

Paulo Iwi Ɔnóle

³⁷ Bréá bowie obu ámu ɔnó, bóɔv wíε amú otsiákpá inu á, Paulo lébláa ɔhande amu ɔbéε, “Nobwíi ipa, mbláa fu asvankv.”

Ɔhande amu léfité mu ɔbéε, “Futonú Griiki ɔblíi? ³⁸ Mú su megyí fúgyí Egypteyin amú ɔleha kpokiti lɛda bré kvɔ, ɔlekpa ahá amɔpú mpím-na (4,000) buo iwi ya dimbísú ámu ni?”

³⁹ Inu Paulo léle mú ɔnó ɔbéε, “Yudayin ngyi mí mú. Tarso ání ibu Kilikia ɔmátó bɔkwí mí. Megyí wúlubitɔ notsú. Nobwíi ipa, ha mí ambla ahá ánfí asón.”

⁴⁰ Isá akɔpú ɔhande amu léha mu ɔkpa. Mú su Paulo léyelí obu-ɔnó ɔbukpá inu, bwé ahá ámu ibi békasu. Inu lóto diin. Mú Paulo lébláa amú asón Hebrí ɔblítɔ ɔbéε,

22

¹ “Mí así, apíó aba, mliyaa asu mí anle mí ɔnó amlinu.” ² Bréá bonu ání Hebrí ɔblítɔ Paulo détoí á, inu lóto diin. Mú Paulo lóyo mu asónsú ɔbéε,

³ “Yudayin ngyi. Tarso wúlutɔ bɔkwí mí Kilikia ɔsulúsu, táme Yerusalem nfi beyaí mí. Gamaliel lósuná mí aní anáin mbla ámu wankláán. Nɔwa nsi Bulusúm iwi fé aliá mli é mludé mu súm nde. ⁴ Ahá ání buna aní Wíε ɔkpa ánfísu á, nedínká amósú. Nɔmɔ akv kóráá. Nekítá amótó atsí múa ayin akv, kíklí amú yótwsí obu. ⁵ Bulu igyi ɔhapú dehen pú Yudafo asón agyípú amu féé bétalí gyi asón ánfí iwi adánsíε. Amú wá nɔhɔ ɔwóló tsú pú neya apíó ání buɔu Damasko wúlutɔ, mí anyekítá alí ahá ámu wa amú íkan, pɔ amú ba Yerusalem, abubítí amú isu.

Paulo Klɔntɔdamlí Iwi Asón Blí (Gyumagyihe 9:1-19; 26:12-18)

⁶ “Ekeá nɔpu ɔkpa nɔyó, neta Damasko wúlutɔ wie tá, ibóbwe fé ɔpa dóduányɔtɔ á, ɔtsáwɔle pé, wankí kvá mú ɔnó ihíε bu ɔnlín, itsú ɔsósú lɔwankí wólí mísú. ⁷ Múá nówun a, nda ɔsulótɔ. Inu nonu ɔme kv. Ɔme amu léfité mí ɔbéε, ‘Saulo, Saulo, ntogyí sù fúɔn mísú alí?’ ⁸ Inu nefité mbéε, ‘Fú ma ni, Owíé?’ Mú ɔme amu lébláa mi ɔbéε, ‘Mí Yesu, Nasaretyin amú fúɔn mísú amu ni.’ ⁹ Mí aba amú mía amónyɔ aniná ámu bowun wankí amu, táme bumonu asón ání ɔme amu dé mí bláa. ¹⁰ Nefité mbéε, ‘Owíé, ntɔ mbwéε?’ Aní Wíε lébláa mi ɔbéε, ‘Kvsu, afuyɔ Damasko wúlutɔ. Bébláa fu tógyítá Bulu lahá fú ɔbéε fubwéε.’ ¹¹ Wankí amu ɔnó bu ɔnlín. Mú su mmetrá wun tɔtɔ. Ini su mí aba ámu lékítá mí ibi, kpá mí ya Damasko wúlutɔ.

12 “Oyin akvá botetí mu Anania, otenyá Bulu ifú bu wúlu amotó. Otegyi Mose mbla ámuṣu wankláán. Mú su Yudafo ání bubu wúlu amotó fée botetí mu idayilé. 13 Oyin ání léba belí mí ansító, bláa mi obée, ‘Opíó Saulo, bwii ansíbi afokí ató.’ Inuṣu mí ansíbi lobwií, nowun mu. 14 Oebláa mi obée, ‘Ani anáin Bulu ámu léle fó yáí obée, fubébi mu apé, afubi mu Bi Yilé Obwepó ámu, afonu mu ome. 15 Tsúfé féba begyi mu iwí adánsie, bláa ahá fée asón ání fonu pú múá fowun. 16 Ntó fútráa fúgyo? Kusú kokoli aní Wíe, afuha abubó fú asú, ofwí fú lakpan fée le.’

Paulo Bulu Asón Okanda Omátófoto

17 “Bréá neyinkí yó Yerusalem wúluto nde mpái bə Bulu otswékpa inu á, nowun ató. 18 Mótó á, nowun aní Wíe Yesu, olebláa mí obée, ‘Wa oṣa bwe, afodalí Yerusalem nfi. Tsúfé bumóho fú adánsie ání fégyi tsu mí iwí.’ 19 Inu nebláa mu mbée, ‘Mí Wíe, amó onutó buyin ání netsiá yó Yudafo ofiakpa yékitá ahá ání bəho fú gyi, dá amó, wá amó obu. 20 Buyin ání bréá bəmo fú odansiyin Stefano a, mbu inu. Nelí amó oṣa mbée bumó mu, nəho ámu atadie kúráá kítá.’ 21 Táme aní Wíe lébláa mi obée, ‘Nati, nówa fú fýo tsútsúútsú, ahá ání bumegyí Yudafo wá.’ ”

22 Ahá tsotsotso amu beya asu nú Paulo ason blíhé alu botu bréá oleblí obée, Bulu lówa mu ahá ání bumegyí Yudafo wá. Inu bəsurá okitikí kóklókú, blí bəe, “Míle mu inu! Ima alá obétsiá otólúv anísu!” 23 Inu bəsurá okitikí, nyá oblé wóí amó atadie tswi tsalífwí, kpá isi tswi wá afútó. 24 Múú isá akəpú ohande amu lébláa mu ahá obée, “Míkpa Paulo, amlipu mu ya mli otsiákpá. Mlipiti mu ató obli onəkwali, abí tóá swá ahá ámu bəde okitikí sorá mu nwunṣu ali.” 25 Bréá beklí Paulo tá, bəe abuda mu a, olefité isá akəpú ohande akvá olí mu wá obée, “Mbla leha akpa ání mlipiti Romayin oduá buməkógyi mu asón, há mu ipón ató?”

26 Bréá isá akəpú ohande amu lónu asón ání á, oleyébláa mu ohande amu obée, “Fakle afuse wolu manta iwí. Sáa Romayin oyin ámu gyí oo!”

27 Múú ohande amu léba Paulo wá, befité mu obée, “Bla mi, lélé Romayin fúgyi?”

Paulo lébláa mu obée, “Romayin ngyi.”

28 Múú ohande amu lébláa mu obée, “Mí mú á, ikə kənkənti nekə asa nemlí Romayin.”

Táme Paulo lébláa mu obée, “Mí mú á, Romayin onutónutó ngyi.”

29 Inuṣu ahá ámuú bəe abofite Paulo asón ámu fée badásáin. Ifú lekítá ohande amu onutó ó, bréá olebi ání Romayin Paulo gyí asa alahá bawá mu ikan.

Paulo Yudafo Asón Agyípú Ansító Lú

³⁰ ɔyi kehe a, ɔhande amv lékléá ɔbébi tóá Paulo lóbwε, sù Yudafo bude asón kláa dinká mvsv. Mú sv ɔleha bɔwɔi Paulo lé ikan amvto, ɔleha beti Bulu igyi ahapú dehen pú Yudafo asón agyípu amv befia. Múv ɔleha bekpa Paulo belí amú ansító.

23

¹ Paulo lótsu ansí ki Yudafo asón agyípu amv díin. Múv ɔlebláa amú ɔbéε, “Mí apió Israelfo, nyin mí klvntɔ áni mməkótsiá nkpa laláhe Bulu ansító bɔtv ndε.” ² Múv igyi ɔhapú dehen Anania lébláa ahá ámúv bulí mantáa mv amv ɔbéε, budáa mv ɔnósú. ³ Inu Paulo lébláa mv ɔbéε, “Fú Bulu ɔbéda. Fabwé iwí fé buntíiá bakpá mú afá futútú, fabetsiá así fee fópu Mose Mbla gyi mí asón. Fvde ahá bláa fee budá mí ansító. Fú mú megyi mbla ámv fatón a?”

⁴ Aha akvá bulí mantáa Paulo befité mv beε, “Bulu igyi ɔhapú dehen fvdesia alí á?”

⁵ Paulo lébláa amú ɔbéε, “Mí apió, mmeyín mbéε, mvgyi Bulu igyi ɔhapú dehen. Tsúfé bɔwanlín wá Bulu asón ámvto beε, ‘Máblí ɔhá áni ɔde fú ɔmású gyi iwí asv laláhe.’ ”

⁶ Bréá Paulo lóvwun áni Yudafo asón agyípu amvto akv bvgyi Sadukifo, akv é bvgyi Farisifo á, ɔlsvrá okitikíti asón ogyíkpa inu ɔbéε, “Mí apió, mí ánfí nli á, Farisiyin ngyi. Mí anáin é á, Farisifo bvgyi. Mí é nohogyi áni awupú bélakósú. Mú ndeblí sv bakpá mí ba asón ogyíkpa nfi ní.”

⁷ Olenya blí alí pé, ahá tsɔtsɔtsɔ amvto leye anyɔ. Farisifo ámv pú Sadukifo ámv bɔwa aba nwéengyi bí. ⁸ Tsúfé Sadukifo buteblí beε, kvsú tsú afúlitɔ kvkv má inu. Bulu-abɔpu pú ɔhe laláhe kvkv é ma inu. Táme Farisifo mú bohogyi áni ínú féé bv inu. ⁹ Inú léha nwéen amv ɔnó lehie wá ɔnlún. Mbla asunápúá bvgyi Farisifo bókvsú lí blí beε, “Animókóvwun tsitsa kvkv oyin ánfí iwí. Fíalí ɔhé kv ntéε Bulu-ɔbɔpu ɔkv lébláa mv.”

¹⁰ Nwéen amv ɔnó lehie wa ɔnlún, ideklé imli ikó. Inu isá akɔpú ɔhande amv lénya ifú áni bóbvwε títi Paulo. Mú sv ɔlebláa isá akɔpú ámv ɔbéε, “Mliwa ɔsa kpa Paulo ya mli otsiákpá inu.”

¹¹ Mú onyé á, aní Wíε lébelí Paulo wá, bláa mv ɔbéε, “Wa klvñ! Alí ánfí fagyi mí iwí adánsie Yerusalem nfi á, alí kén fvyégyi mú Roma wúlutɔ é ní.”

Paulo Mɔ Iwí Agyvwun Kítá

¹² Mú ɔyi kehe a, Yudafo ámv akv befia, kítá Paulo iwí agyvwun. Beká ntam beε ní bvməkómó Paulo bvméegyí ató, bvmóonu ntsu. ¹³ Ahá ámúv beka ntam amv budvñ advana (40). ¹⁴ Bɔyɔ Bulu igyi ahapú dehen pú Yudafo ahande wá, yébláa amú beε, “Anlahié ká ntam anvaa, ní animókómó Paulo animéeda tɔtɔ ɔnó. ¹⁵ Mú sv tóá anideklé anvaa fúa Yudafo asón agyípu amv mliwéε ha aní gyí, mliki ansí wa abí sisi isá akɔpú

ɔhande amu mliaa, ɔpɔ Paulo ba, amlilanu mu asóntó. Anladá iwisu aniaa, obótsutsúa obowie nfi anlamó mu.”

¹⁶ Paulo mu bitepu ɔku lónu asón ánfí féé. Mú su ɔlesrí yó isá akɔpú otsiákpá inu yówi tsá Paulosu. ¹⁷ Inu Paulo létí isá akɔpú ɔhande ɔku, bláa mu ɔbéé, “Kpa ɔyasubi ánfí ya mli ɔhande wá. Ɔde asvanku, ɔbébláa mu.” ¹⁸ Isá akɔpú ɔhande amu lékpa ɔyasubi ámu ya amú ɔhande wá, yébláa mu ɔbéé, “Obu ɔdípú Paulo ɔbéé, nkpa ɔyasubi ánfí ba fu. Ɔde asvanku, ɔbébláa fu.”

¹⁹ Ɔhande amu lékitá ɔyasubi ámu ibi, kpá mu yáa itsétó yéfité mu ɔbéé, “Amansu fobu ání fébláa mi?”

²⁰ Ɔyasubi ámu lébláa mu ɔbéé, “Yudafɔ ahande babwé agywun bee bépina wa abí fú wá bee, fokpá Paulo ba obowun amú ɔke, abolanu mu asón ámutɔ wankláán. ²¹ Táme máhɔ mósó gyi, tsúfé amú ayin ání budun advana (40) bee bɛnɔ́n ɔkpatɔ gyo Paulo, mó mu. Amú féé baká ntam bee, tɔtɔ méeda amú ɔnó, kpéfun bréá bamó mu. Fú nkule bugyo séi ání fótsulá kpá mu ba.”

²² Múbú ɔhande amu léda ɔyasubi ámu ɔlá ɔbéé, “Máyébláa ɔhaa fee fawí asón ánfí tsá mísú.” Olesi mu ɔkpa.

Paulo Le Ya Kaesarea

²³ Inu ɔhande amu létí isá akɔpú ahande abanyó, ɔlebláa amú ɔbéé, “Mlile isá akɔpú lafanyɔ (200), mpɔnkɔsu adinkápú aduesienó (70) pú pía atswípú lafanyɔ (200) abukusu onyen dokwebátó yɔ Kaesarea. ²⁴ Mliha Paulo mpɔnkɔ, odinká amósú yɔ. Mlikpa mu, amliha mu oyowie ɔmású ogyípú Felike wá pisii.” ²⁵ Ɔhande amu lówanlín ɔwulú mántá musu ɔbéé,

²⁶ “Mí Klaudio Lisia dé ɔwulú ánfí wanlín sísí fú, ɔmású ogyípú onumnyampu Felike. Nde fú itsiá ha. ²⁷ Nde fú ibi ha ání Yudafɔ lékitá oyin ánfí, bɔdekléá bómɔ mu, táme mía isá akɔpú tsɔtsɔtsɔ anlɔyóhɔ mu lé amú ibi. Tsúfé nonu ání Romayin ogyi. ²⁸ Ndeklé mbéé, nébi tóá ɔlbwe. Mú su nɔpu mu ya amú Yudafɔ asón agyípú ansító. ²⁹ Inu nowun ání amú mbla iwí nwéen bɔdegyí. Mú su ɔmákúbwé lakpan kukvá bómɔ mu, ntée bówa mu obu. ³⁰ Táme ɔku laba bowi tsá mísú ɔbéé, Yudafɔ ámu aku babwé agywun bee bómɔ mu. Inú nɔbwe agywun mbéé, nɔpu mu sísí fú. Nabláa mu anyabá ámu é mbéé bupú amú asón ba fu. Nafun nfi. Nehá fú itsiá gyágyáágyá.”

³¹ Isá akɔpú ámu bɔbwe dinká amú ɔhande asun blíhésu. Onyé-onyé ámu bekpa Paulo kɔnkɔnkɔn alu yówie Antipatri wúlutɔ. ³² Bréá ɔyí leke a, beha mpɔnkɔsu adinkápú amu bekpa mu yáa Kaesarea, ayabitɔ anatípú amu beyinkí yó amú otsukpá. ³³ Bréá mpɔnkɔsu adinkápú amu boyówie inu a, bɔpu Paulo pú ɔwulú ámu wá ɔmású ogyípú amu ibitɔ. ³⁴ Ɔmású ogyípú amu lékla ɔwulú ámu, ɔlefité Paulo ɔbéé, “Nkónu yin fuyí?” Bréá ɔlebi ání Kilikia ɔmátó Paulo otsú á, ³⁵ ɔlebláa

Paulo ḁbée, “Ní fú anyabá ámu bebá á, nónu fú ḁnó asón.” Inu ḁlebláa amó ḁbée, buḁḁ Paulo yḁwa Owíe Herode wóyító, abugyo mu iwí.

24

Paulo ḁnótin

¹ Nkenú ḁma a, igyí ḁhapú dehen Anania muḁa Yudafḁ ahande aku pú Mose mbla ḁḁpú ḁkúá buḁetí mu Tertulo beba Kaesarea. Bebá bekla asón ání buḁu tsu Paulo iwí súná ḁmású ogyípú Felike. ² Betí Paulo beḁí. Mú Tetulo lékla mu asón ḁbée,

“Onumnyampḁ Felike, fahá iwilwii laba ḁmá ánfítḁ. Fú nyánsa lalá ató tsḁtsḁtsḁ bwé aní ḁmá ánfítḁ. ³ Fú bwehé legyi aní ansí ḁtínegyíḁtíné. Fúdé ató bwé. ⁴ Mmedéklé mbée néyintá fú bré tsḁtsḁ. Mú su nokókóli fu, nya klun ha aní, afunu aní asón tinbí ánfí. ⁵ Anḁlawun ání ató oyintápú oyin ánfí gyí. ḁtḁhá kpokiti tḁdá Yudafḁtḁ ḁyítḁ ḁtínegyíḁtínéá ḁtḁyḁ. ḁtráa ogyi Nasaret ḁpasua ámu Bulu igyí ḁhapú. ⁶⁻⁷ Alakle ḁḁu ifin da Bulu ḁtswékpa inu, asa ḁkláa ogyá anḁlékitá mu. * ⁸ Ní fú onutó fḁfíté mu a, fówun ání asón ánfí anḁḁblí tsú mu iwí ánfí fḁé bu mótḁ ntéé ima mótḁ.” ⁹ Inu ámu fḁé botsulá mósú beé, asón amóú alablí ámu bu mótḁ.

Paulo ḁnóle Felike Ansítḁ

¹⁰ ḁmású ogyípú Felike lóbwe Paulo ibí ḁbée, ḁlé mu ḁnó. Inu Paulo léblí ḁbée,

“Nyin ání fude asón gyí ḁmá ánfítḁ ilawá ḁpá. Inu su ibu mu ḁdwe ání néle mí ḁnó fú ansítḁ. ¹¹ Nobwíí ipa, fḁtalí fíté nú ání ibu mótḁá nḁyḁ Yerusalem yósum Bulu, imḁkúḁḁn nke dúanyḁ. ¹² Mí anyabá ánfí buḁowun mía ḁhaa agyi nḁéen Bulu ḁtswékpa inu. Buḁowun mí anha kpokiti ida Yudafḁ ofiakpa kuku ntéé ḁtinetine wúlu amutḁ. ¹³ Buḁma asvansvá bḁḁugyi adánsie ání amó asón ánfí bu mótḁ. ¹⁴ Táme natsulá ání ntosúm aní anáin Bulu tsḁn aní Wie ḁkpa amóú buḁe mó ti ḁpasua laláhe amusu. Nḁḁ Mose Mbla ámu pú múá Bulu ḁnósú atḁpú amu buwanlín tswí é fḁésú gyi. ¹⁵ Nde ḁkpa kí fḁ alíá amó é buḁe ḁkpa kí ání Bulu ḁbókúsá aha yilé pú aha laláhe fḁé tsú afúlitḁ eke kú. ¹⁶ Inu su ntḁbḁ mbódí ání mí klun méetsiá há mí pón Bulu muḁa anyánkpḁsa fḁé ansítḁ brégyíbré.

¹⁷ “Iníá nedali Yerusalem ilawá ḁpá á, nayínkí ba inu, napú atokiehé nebá mí ahá abuḁḁha ahíánfḁ, mí anha Bulu igyí. ¹⁸ Mú ḁbwekpá mbu Bulu ḁtswékpa inu. Bréá nḁgyḁrāa iwí tá amándíé ámu ḁnó á, beba bḁḁu mí inu. Megyí mía ḁḁm kuku lýḁ inu. Kpokiti kuku é meda inu. ¹⁹ Yudafḁ aku botsu Asia ḁmátḁ ba

* **24:6-7** Inu bu nwóló dada amu akotḁ: Anḁlóbwe agywun ání abḁḁu aní onutó mbla gyi mu asón. Táme isá akḁpú ḁhande Lisia lḁḁu mu túmi bḁḁo mu lé aní ibitḁ. Mú ḁma a, ḁlebláa aní ḁbée, apó mu asón ba fu.

bubu inu. Ní nɔbwe ito laláhe ku á, tekí amó kóráá ɔbéba bebláa fu, mía amónyɔ abéblí mú. ²⁰ Ní ibówa alá kóráá á, ha ahá ánfí onutó abubli tsitsa oduá Yudafo asón agyípú amu bowun mí iwí, bréá bɔpu mí ya amó ansító. ²¹ Asun kua kole péá nɔkplón blí bréá nli Yudafo asón agyípú amu ansító gyí, ‘Mlídé mí asón gyí nde, tsúfé nohogyi ání awupú bélakúsú tsú afúlitó.’ ”

²² Iníá onumnyampu Felike yin aní Wíe ɔkpa ámu wankláán su á, olotu asón ámu híé. Ɖeblí ɔbéé, “Ní isá akɔpú ɔhande Lisia ɔbá nfi á, nówun alá nómɔ asón ámu ɔnó.” ²³ Ɖebláa isá akɔpú ɔhande ámu ɔbéé, ogyóo Paulo iwí wankláán, ɔha mu otsia iwilwiitɔ. Ɖhá mu aba ɔkpa abuki musu.

Paulo Felike Mva Mu Ka Drusila Ansító Lú

²⁴ Nke kpalobí ku ɔma a, Felike mva mu ka Drusila ání ogyi Yudayintse beba. Felike léha beyékpá Paulo ba, ɔɔbɔtɔí tsú mu hógyi ání ɔbu Kristo Yesuto iwí súná amó. ²⁵ Táme bréá ɔdetɔí tsú yilébwe, iwísu gyí pú Bulu asón ogyíké amóú ibá ámu iwí á, ifú lekítá Felike. Mú su ɔlebláa Paulo ɔbéé, “Ku yinki asa. Nenyá bré wankláán ku á, nélatí fú.” ²⁶ Bré ámɔtɔ fée Felike léki ɔkpa ání Paulo obódunká tɔku beha mu ɔnó. Mú su ibu nu bu inu á, alapina wa abí bayéti Paulo, mva mɔnyɔ batí.

²⁷ Nfínyɔ ɔma a, Felike lénatí. Porkio Festo lébetsiá mu obíasú. Iníá Felike déklé ɔbéé, mu asón iwá Yudafo ámu ɔdwe su á, olesi Paulo wá obu náti.

25

Paulo Roma Owie Ɖkpa Wá Yɔ

¹ Ɖmású ogyípú Porkio Festo lébetsiá obíasú Kaesarea. Mú eke sáásí a, ɔɔɔv yó Yerusalem. ² Inu Bulu igyí ahapú dehen pú Yudafo ahande aku bɔpu Paulo iwí asón yótswi mu ansító. ³ Bɔbwe agywun ání bóyɔwa obúun ɔkpatɔ, mó Paulo. Mú su bɔyókulí Festo beé, ɔpú Paulo ba Yerusalem. ⁴ Táme Festo lébláa amó ɔbéé, “Paulo da obu Kaesarea wúlutɔ dodo. Imóowa ɔpá mí é néyinki yó inu. ⁵ Mliha mli ahande amu aku abubuo mi yɔ inu, abuyebli tsitsa oduá alabwé.”

⁶ Festo létrá tsiá Yerusalem nkekwe ntée nke dú asa oleyinkí yó Kaesarea. Olowie inu á, ɔɔwa bɔyɔpu Paulo ba, oletsíá asón ámusu ɔyi kehe. ⁷ Paulo lénya wíé inu ali, ahande amóú botsu Yerusalem ba amu bekaflia mu, kla asón tsɔtsɔtsɔ dínká musu. Táme bumetalí nyá tɔtɔ púsúná ání asón ámu ibu mótó. ⁸ Múú Paulo léle mu ɔnó ɔbéé, “Mmɔkútón Yudafo mbla kuku, ntée bwé tɔku pú ifin da Bulu ɔtswékpá amu ntée pú laláhe kuku é gyi Roma owie dehen.”

⁹ Festo déklé ɔbéé mu asón iwá Yudafo ámu ɔdwe. Mú su ɔlefíté Paulo ɔbéé, “Fudeklé fee fýyɔ Yerusalem, mí anyegyí fú asón inu?”

¹⁰ Paulo léle mó onó obéé, “Roma Owíe Dehen asón ogyíkpa nli. Nfi ilehián áni bégyi mí asón. Fú onutó fuyin áni mməkóbwé Yudafə tətə. ¹¹ Ní natón mbla, ilehián lowu á, mməkótin əkpa mbéé bəmámə mí. Táme ní asón áni Yudafə bablí dínká mísú anfi ma mótó á, əhaa má əkpa áni obópu mí wá amú ibitə. Mó su mó bəpúvú mí asón ya Roma Owíe Dehen onutó ogyi mó.”

¹² Inu Festo mva mu ahande bəyɔ abriwa wá. Múvú əlebebláa Paulo obéé, “Fú onutó fée, Roma Owíe Dehen ogyíi fú asón. Mó su abópu fú ya mu wá.”

Festo Agripa Paulo Iwi Asón Bláa

¹³ Nke kv əma a, Owíe Agripa mva Berenike beba Kaesarea. Beba beba Festo nwunkpa. ¹⁴ Betsiá inu wá əpá. Mó su Festo lébláa amú Paulo iwí asón. Obéé, “Felike lówa oyin əku obu nfi, olesi mu wá náti. ¹⁵ Bréá nɔyɔ Yerusalem a, Bulu igyi ahapú dehen pú Yudafə ahande beba beblí asón tsətsətsə dínká mvsu, bláa mi beə nháa mu ipón, abumə mu. ¹⁶ Táme nebláa amú mbéé, ‘Ima aní Romafə amándiétó áni béha əku ipón, nkéti mva mu anyabá bafia gyi asón.’ ¹⁷ Mó su ekeá mía Yudafə ámu anilóbowie Kaesarea nfi á, mmesi wá obíátó. Jyi kehe kótóə neha bəyópu oyin ámu ba, netsiá asón ámu. ¹⁸ Nki mbéé mu anyabá ámu bénya tsitsa kv tsú mu iwí, táme bumenya. ¹⁹ Mboún amú Bulusúm pú Yesu əkvá alawú tsən, táme Paulo obéé, ətráa otsie nkpa iwí asón bədebití. ²⁰ Mó su mmowun aliá nɔyɔ asón ámutə. Nefité Paulo mbéé, obótsulá abuyə Yerusalem, yégyi asón ámu inu. ²¹ Táme əleblí obéé, mudekléa mu asón iyó Roma Owíe Dehen ansító. Mó su neha bəwa mu obu yófun bréa nópu mu sísi Roma Owíe Dehen.”

²² Múvú Agripa lébláa Festo obéé, “Mí é ndeklé mbéé nónu asón áni tsú mu onutó onótó.” Festo lébláa mu obéé, “Əke néha bópu mu ba, əbele asón ámutə suna fú.”

Paulo Agripa Ansító Lú

²³ Jyi kehe a, Agripa mva Berenike behíiie iwí, isá akəpú pú wúlu ahande bobuo amú ba. Festo léha bekpá Paulo ba inu. ²⁴ Múvú əleblí obéé, “Owíe Agripa mva ahá áni bafia nfi fée, mlilawun oyin áni əlí? Yudafə áni bəbu nfi pú Yerusalem fée bəpu mu asón ba mi. Beə, mehián áni obétrá tsiá nkpa. ²⁵ Bréá nɔyɔ asón ámutə á, mmowun tóá alabwé su bómə mu. Táme mu onutó obéé, mpúvú mu asón ya Roma Owíe Dehen. Mó su nabwé agywun mbéé, néha bópu mu ya. ²⁶ Táme mmowun tsitsa kvkv mu iwí áni nówanlín mántá mvsu bópu mu ya. Mó sú nakpá mu ba mli ansító ní, títriu fú Owíe Agripa. Ndekléa atéte asón ámutə, ətíneá ileyéyi a, mí anya asvanku wanlín sísi mu.

27 Tsúfě nawun ání ɔma aláá b́pɔ obu ɔɔɔpú sísí, b́mɔwanlín t́á alabwé mántá m̀su.”

26

Paulo Iwi Ɔnóle Agripa Ansító

1 Ḿú Owíe Agripa lébláa Paulo ɔb́éé, “Nahá fú ɔkpa, kusɔ le fú ɔnó.” Paulo lótsu ibi f́á, lé mu ɔnó ɔb́éé,

2 “Owíe Agripa, nawun ání ɔkláa lawá mí ogyá nli fú ansító, nde mí ɔnó le tsú asón ánfí Yudafo bakla d́nká m̀sú anfi iwi. 3 Ḿá ibi ansigyí kóráá gyí, fuyin Yudafo amándié pú t́á b́tegyi mó iwi nwéen f́éé. Iní su kókoli, nya klɔn afɔnu mí ɔnó.

4 “Yudafo f́éé buyin mí tsiátó. Buyin alá nɔpɔtsiá mí ɔmátó tsú mí nyebitɔ pú alá nɔpɔtsiá Yerusalem wúlutɔ. 5 Amó f́éé buyin mi dodoodo. Ní b́deklé a, amó onutó b́etalí bláa fu ání Farisiyin ngyi wankláán. Farisifo é b́tegyi Yudafo Bulusúm mbla ám̀su wankláán dɔn ɔpasua kugyíku. 6 T́á svá nde nli nfi, f́ude mí asón gyí gyí, nde ɔkpa kí ání Bulu ɔb́bwe d́nká mu asón ám̀ó ɔleka mó iwi ntam há aní anáin am̀su. 7 Aní abusuan dúanyɔ ámu f́éé b́pɔv ansí d́nká ntam anfisv ání íb́eba mótó há amó. Mó ś b́ude Bulu śm ekekegyíeke ní. Nanáin, ntam anfi ś Yudafo b́ude asón kláa d́nká m̀sú ni. 8 Ntogyi ś mli Yudafo ánfí mó m̀m̀étalí h́ogyi ání Bulu ɔb́etalí kósúa ahá tsú afúlitɔ?

9 “T́eki mí óó nohogyiá nóbwe tógýtóá nétalí pótin Yesu Nasaretyin amv gyumagyihe ɔkpa. 10 Iní gyí t́á nɔbwe Yerusalem ni. Bulu igyi ahapó dehen amv beha mí túmi beé, nkíta Bulu ahá ámu tswi obu. Ní b́mɔ amó é á, mí é ntotsúlá mb́éé b́m̀ó amó. 11 Netsiá ý Yudafo ofiakpa kugyíkɔtɔ, ntehá b́tekitá amó, bití amó isv, híé amó b́teblí Yesu iwi abususu. Amó iwi ɔblí sv nte d́nká amósú ý ɔmá bámbású yékítá amó, bití amó isv.

Paulo Iklɔntɔdamli Iwi Asón (Gyumagyihe 9:1-19; 22:6-16)

12 “Mó ɔkpa eke ɔku Bulu igyi ahapó dehen amv beha mí nɔyó Damasko wúlutɔ ýbwe ní. 13 Bréá nna ɔkpatɔ nɔyó á, Nanáin, íbwe f́é ɔpa dódúanyɔtɔ, wanki kv ĺwankí tsú ɔsósú wólí m̀sú. Íl̀wankí dɔn owí. Íl̀wankí wólí mia mí aba ám̀ó aniná ám̀su. 14 Inu aní f́éé anilé d́ida. Nonu ɔme kv Hebri ɔblitɔ ɔb́éé, ‘Saulo, Saulo, ntogyi ś f́udin m̀sú alí? Iwi t́i f́udewa.’ 15 Ḿú nefíté mb́éé, ‘Owíé, fú ma ni?’ Ḿú aní Wíe lébláa mi ɔb́éé, ‘Mí Yesu ni. M̀sú f́udin ní. 16 Nabele iwi ɔwan súná fú, méní f́bwe mí osúmpó. Kusv, afuyeblláa ahá t́á fawun tsu mí iwi nde, pú móá néle súná fú. 17 Nókɔ hɔ fu tsú ahá ám̀ó nde fú wa sísí, b́gyi fú onutó ahá Yudafo pú amóá b́megyi Yudafo íbitɔ. 18 Fóbwií amó ansí, b́edalí tsu oklúntɔ ba wankítɔ. Féle amó tsú Satan túmi así ba Bulu wá, méní obési amó lakpan kíé

amó, fówun bénya otsiákpá ahá amóú Bulu latsón amó hógyisu bwé amó mu ahá amóto.’

Paulo Gyumagyihe Iwi Asón

19 “Nanáin Agripa, íni su nɔbwe dínká ató amóú nowun itsú ɔsósú amósu. 20 Gyankpapu a, nɔyɔ Damasko wúluto. Mú ɔma a, nɔyɔ Yerusalem pú Yudea ɔmátó fée. Nɔyɔ ahá amóú bomegyí Yudafo ámu é wá. Neyébláa amó mbée, busii lakpan bwe, abudamli ba Bulu wá, abotsia tsiátó ání ilosuná ání badámlí klɔntɔ. 21 Íni sù Yudafo ámu bekítá mí bréá mbu Bulu ɔswékpa inu bɛɛ bómo mí ní. 22 Táme Bulu dé mí kpa alu bɔfon nde. Mú sù nli ní nfi nde, nde mli nyebí-ahande fée tóá nawun bláa ni. Asón ání Mose mva Bulu ɔnósú atáípú amu beblí bɛɛ ibéba mótó kén ndeblí. 23 Bɛɛ, ‘Ilehián ání Kristo, (ahá amóú Bulu ladá mu ofúli amu) obówun iwɔsin wú, méní ɔbóbwe ɔha gyankpapu ání ɔbókúsú tsú afúlitɔ. ɔbópu wanki ba Yudafo pú ahá ání bomegyí Yudafo é.’ ”

24 Bréá Paulo léblí íni á, ɔmású ogyípú Festo lókplɔn wa Paulo ɔbée, “Paulo, fú nwun layintá! Fú ɔwólóbí dɔbídɔbí amu lahá fude gbedé lo.”

25 Mú Paulo lébláa mu ɔbée, “Onumnyampu Festo, mmedé gbedé lo. ɔnɔkwali onutónutó nde mli bláa. 26 Nanáin Agripa yin asón ánti fée iwi. Nétalí bláa mu faan. Nahogyi ánti megyí ason ñaínhé igyi há mu, tsúfɛ bɔmɔbwe mú ñáin. 27 Nanáin Agripa, fɔhɔ Bulu ɔnósú atáípú ason wanlínhé amósu gyi? Nyin ánti fɔhɔ mósú gyí.”

28 Inu Owíe Agripa lébláa Paulo ɔbée, “Fahogyi fɛɛ fétali dámlí mí bwé Okristoyin bré tinbí ánti?”

29 Paulo lébláa mu ɔbée, “Bré tinbí o, bré tsɔtsɔtsɔ o, mí mpái ánti ndeɔ há Bulu gyí, fɔa ahá ánti mlidé mí ason blíhé nu nde ánti fée mléba ɔbɔwe fɛ mí. Táme bɔmáwa mli ikan anfi mú.”

30 Inu á, Owíe Agripa mva ɔmású ogyípú Festo pú Berenike mva ahá amóú bɔtsie inu ámu fée bókúsú dáli. 31 Beyéliú itsétó, amó wɔlewɔle budebli bɛɛ, “Oyin ánti mókóbwé tɔtɔá ilehián ha mu lowu ntée mu obuwa.” 32 Mú Owíe Agripa lébláa Festo ɔbée, “Teki ní oyin ánti méblí ɔbée, Roma owíe dehen kóun ogyi mu asón á, teki fétali sí mu.”

27

Paulo Pɔya Roma Wúluto

1 Bréá beblí alí tá á, bekítá agywun bɛɛ, abótson ɔpusu yó Italia ɔmátó. Bɔpu Paulo mva obu adípó aku é wá Romafɔ isá akɔpú ɔhande ɔkúá butetí mu Yulio ibitɔ. ɔhande anfi bu Roma Owíe Dehen Augusto isá akɔpú ɔpasuatɔ. 2 Anilówie ntsusuyibi kúá itsú Adramitio fón, iyó ɔpu ɔnó awúluá inu Asia ɔmátó. Makedoniayin Aristarko, otsú Tesalonika amu é bu anitɔ. 3 Oyi

kehē a, anilélí Sidon ɔpu ɔnó. Isá akɔpú ɔhande Yulio lówun Paulo nwe, ɔleha mu ɔɔyɔ mu aba wá, méní béha mu atáá íbéhián mu. ⁴ Anilókusú tsú inu, afú lefia aní ɔpu amusu. Múó anilóyɔtsɔn Kipro ɔsulúw awunso fón, tsúfé afú ámu medétsúw inu mú. ⁵ Anilótson ɔpusu yótson Kilikia pó Pamfilia fónsú yówie Likia ɔsulúw, Mira wúluta. ⁶ Isá akɔpú ɔhande amu lówun ntsusu-yibi kuá itsú Aleksandria wúluta iyó Italia ɔmátó, ɔlele aní wá mótó.

⁷ Anidín ɔpu amusu putɔ. Mú su anilégyí nke tsɔtsɔtsɔ ɔkpatɔ. Ilepian aní asa anilówie Knido. Afú ámu méha aní ɔkpa. Mú su anilópu yótson mantáa Kreta ɔmá. Inu á, anilópu kplí tsɔn Salmone wúlu ɔsaasi fón. Tsúfé afú medétsúw inu mú. ⁸ Iníá anilótson ɔpu ɔnó-ɔnó kúráá ó á, ilepian aní asa anilóbowie ɔtnekúá butetí inu “Otsubúno Wankláán,” íbu mantáa Lasea wúluta.

⁹ Nke tsɔtsɔtsɔ lóbɔtsɔn, nkeá butɔpúkí ɔnó kúlí lakpansikíé é ilɔtsɔn. Nke ámutɔ é á, ɔpu amu ídeda. Mú su músó tsɔn lówa ifú. Iní su Paulo lótoí kplá amú ɔbéé, ¹⁰ “Mí awíé, nawun aní ní aníméki wankláán aní ɔkpa ánfi natító a, abóholú ató tsɔtsɔtsɔ. Megyí ató pó ntsusu-yibi ámu wule, aní onutónutó é abésin mótó.” ¹¹ Táme isá akɔpú ɔhande amu lóhɔ ntsusu-yibi ámutɔ ɔhande pó mu wie asún sí Paulo. ¹² Iníá otsubúno inu ima aléá abétsiá inu nyankputswíebi su á, amótó ahá tsɔtsɔtsɔ beblí beé abénatí inu. Amó ansí dín aní abóyówie Foinike, igyi Kreta otsubúno, íbu owí ɔkplíwíékpá fón, tsíá inu nyankputswíebi amu.

Atsufú Kpɔnkpɔntí ɔpusu Tsúwɔn

¹³ Inu afú kuá itsú gyɔpísu lówa tsúwɔn brewu bí. Iní su ahá ámutɔ aku bosusuú aní amó agywɔn ámu békanáa. Mu su belatsú símpíá ítehá ntsusu-yibi telí tsukole wá ntsusu-yibi ámutɔ, bɔputson Kreta ɔpu ɔnó-ɔnó. ¹⁴ Táme imɔwa ɔpá kuku afú kpɔnkpɔntí ku lókusú tsú Kreta ífónsú. Afú ámu dá gyí “Binasu-owí-ɔdalíkpa-afú.” ¹⁵ Afú ámu lébefia aní. Iníá anímétalí sánkíá ntsusu-yibi ámu su á, anilési íwí há afú ámu, ilɔpu ntsusu-yibi ámu náti. ¹⁶ Ilɔpu mú srí yótson mantáa ɔpu nsiné ɔsulúw kuá butetí mú Kauda asi. Ilówa ɔnlín asa betalí tsú ɔklɔnbi ámúb butɔpúlé ahá aní bude ntsu wie, isian ntsusu-yibi ámu ɔma amu wá yibi ámutɔ. ¹⁷ Inu ntsusu-yibi ámutɔ agyómá ayɔpú bebitíá ɔklɔnbi ámu wá ntsusu-yibi ámutɔ. Bɔpu ɔfé klí ntsusu-yibi ámu kínkíínkín, méní iméemáín. Benya ifú beé afú ámu íbótswan ntsusu-yibi ámu yówie Libia otsubúno osublúta. Mú su bele tati aní isian ntsusu-yibi ámusu, méní ntsusu-yibi ámu bénatí putɔ. Mú óó á, afú ámu lótswan ntsusu-yibi ámu náti ɔwɔnlínsú. ¹⁸ Mú ɔyi kehē a, afú ámu ɔnó lehíé wá ɔnlín. Mú su bɔwa amó ató suráhé le wá ɔputɔ bí. ¹⁹ ɔke sáásí a, bele ntsusu-yibi ámu íwí ntobí kugyíkúá amú íbí léda wá ɔpu ámutɔ.

²⁰ Anitráa anumédé owí móa ntsrakpabi wúun nke tsətsəətsə, afú ámu ɔ́nó é itráa bu ɔ́nlin. Mú su aní ansí metrá dinká tətəsu dɔ́n lowu.

²¹ Nke tsətsəətsə lətsun, ahá ámu butráa bumédé ató gyí. Inu Paulo lókusú líi amó fée ansító, bláa amó ɔ́bée, “Mí awié, tɛki ní mlólónu mí ɔ́me, anuménatí Kreta osubúnə a, tɛki anumókú befia ipian, hólí aní ató ali. ²² Táme séi á, mbláa mli amlinu. Mliwa klɔ́n, tsúfé anitə ɔ́kukə móowu, ntsusu-yibi ánfí wole obéyintá. ²³ Igye onyé á, mí Buluá ntosúm lówa mu ɔ́bəpu mí wá. ²⁴ Ɔ́lebláa mi ɔ́bée, ‘Paulo, mánya ifú. Ibwébwéébwé á, félí Roma Owíe Dehen ansító. Bulu lawá awitəle há fú. Mú su alahə ahá ánfí fúa amúnycə mliná ánfí fée nkpa.’ ²⁵ Mú su mí awié, mlinya klɔ́n, tsúfé mí ansí din ání Bulu ɔ́béha ibéba mótó fé alíá mu ɔ́bəpu labébláa mi. ²⁶ Táme ibwébwéébwé á, afú ámu ibéda aní ya ɔ́pu nsiné ɔ́sulúv kusu.”

²⁷ Eke dúanasí onyé á, afú ámu bu mósú ide anida yáa nsiné inu ɔ́puá bótətí mú Adriasu. Mú ɔ́yínsiné á, ntsusu-yibi ámutə agyómá ayəpú bosusúu ání anilatá ɔ́sulúv tu tá. ²⁸ Mú su bəpu ɔ́fé kápú ɔ́pu amu oklú ki. Benya ayabi lafakule adwanyə (120). Bré kpalobí ɔ́ma bətrá kapú mú ki a, benya ayabi adukwebá (90). ²⁹ Ifú ləkítá ntsusu-yibitə agyómá ayəpú ámu ání abódu abutású. Mú su bəda asímpi ání bətəpúkítá ntsusu-yibi líi ana kéké síán mú ɔ́ma, sí mú wá ɔ́pu amutə. Bokokóli Bulu bəe ɔ́yí ikée amó. ³⁰ Agyómá ayəpú amu aku bekleá bésrí dalí ntsusu-yibi ámutə. Mú su beki ansí lé ɔ́klɔ́n kusubi ámu dinká ɔ́pu amusu híéé, fé símpi ámu budepusíán ɔ́klɔ́n ámu ɔ́nósú. ³¹ Táme Paulo lébláa isá akəpú ámu pú amó ɔ́hande ɔ́bée, “Ní ntsusu-yibi ámutə agyómá ayəpú bumetsiá mótó á, mlinéenyə nkpa.” ³² Mú su isá akəpú amu bəka ɔ́klɔ́n kusubi ámu ɔ́fé tun, há afú lətsuan mú náti.

³³ Ɔ́yí íbá bəke a, Paulo lóbwií ipa há amó fée ɔ́bée, bugyí ató. Ɔ́leblí ɔ́bée, “Kwasieda anyə sóón ní, atogyihe medinká mli ɔ́wólí. Mlinókúgyí tətəətsə. ³⁴ Nobwií ipa há mli, mligyi ató ngya, méní mlinóowu. Mlitə ɔ́kukə nwunsu-imi kule kóráá móəfwí.” ³⁵ Paulo lótəí tá á, ɔ́lele bodobodo ipín, dá Bulu ipán amó fée ansító, ɔ́lemain kv wá gyí bu. ³⁶ Inu anitə okugyíəku lówa klɔ́n gyi ató. ³⁷ Aní ahá lafanyə aduesienó-sie (276) bu ntsusu-yibi ámutə. ³⁸ Bréá amó fée begyi ató alíá bétalí á, bəle ayó amúú ibu ntsusu-yibi ámutə ámu fée wá ɔ́putə, há ntsusu-yibi ámu leta odwin.

Ntsusu-yibi Amu Bwiebwie

³⁹ Bréá ɔ́yí deké a, agyómá ayəpú ámu bowun ání ɔ́pu amu bámbi lowie ɔ́sulúv kusu, táme buməbi osubúnə oduá igyi. Inu bəbwe agywun bəe bəkan ntsusu-yibi ámu ya inu. ⁴⁰ Mú su bəkakáa símpi ámu tuntun wa ɔ́putə. Besankí ntsusu-yibi ámu mpai é. Múú bətsu tati yílé amúú isian ntsusu-yibi ámu ansító

ámu fúá, fia afú ámu, bəpu bəyó ɔpu ɔnó. ⁴¹ Táme ntsusu-yibi ámu ɔyódu ɲesisu, sin inu, ɔpu amu leda wólí oklun amu ɔma máin-máin mú.

⁴² Isá akəpú ámu bəbwe agywun beε bómo obu adipó ámu fée, méni okoku méepiti dali, srí. ⁴³ Táme amú ɔhande léklé áni ɔbóhə Paulo nkpa. Mú su ɔmeha amú ɔkpa áni bumóo obu adipó ámu. Táme ɔlebláa amú ɔbée, ɔhagyíɔha áni ɔbétali á, otúu wie ɔpu amutə, ɔpiti dali. ⁴⁴ ɔma a, ɔleha atráhe amu é bədu dínká ntsusu-yibi ámu afunsu yówie ogbémgbesu. Amú fée begyi mbla ámuvsu, bəyɔ ogbémgbesu inu.

28

Malta Wúlutə Asón

¹ Aní fée anilédínká ogbémgbe amvsu. ɔma asa anilébi áni ɔpu nsiné ɔsolúv kuá butetí mú Malta ni. ² Nyankpu détswie, su atsali bu inu. Táme inu atsiápú amu begyi aní buale dúdá ogyá ɔpu ɔnó inu há aní, aní fée anilétsiá mú asi. ³ Paulo lékpa ngayibí ɔbée amɔpwa ogyá ámutə. Saa ibe bu mótə. Ogyá ámu okunkúu su ibe ámu lótswi yi Paulo ɔbiwetə. ⁴ Bréá inu atsiápú amu bowun áni iwə ámu yí mu a, bebláa aba beε, “Ahá ɔmɔpú oyin áni gyí. Ibu mótə áni aladáli ɔpu amutə, táme aní ɔkpi ámuó ɔtebítí isu ámu médekle ɔbée otsiá nkpa.” ⁵ Inu Paulo lówonáa ibi, iwə ámu lékpa wíe ogyá, táme tətə móbwe Paulo. ⁶ Amú fée besi bulí budekí. Buki beε Paulo obópunyá, ntée ɔbétin wu. Táme bréá belí wá ɔpá tətə méba a, beladámli amú agywun blí beε, “ɔkpi ɔku ɔhá áni gyí.”

⁷ ɔhande ɔku bu ɔsolúv ku ɔpu nsiné inu. Mu dá gyí Publio. ɔbho aní atúu, kpá aní ya mu wóyítə, anilétsiá mu wá nkensá kéké. ⁸ Alí bré ámutə á, owísó lakítá ɔhande amu mu si, mu iwitə latú; ɔda. Paulo léyekí mu, ɔɔpu ibi dínká musu bó mpái há mu, iwí lowa mu ɔnlun. ⁹ Mú ɔma a, bəpu aləpúá bubu ɔsolúv amvsu fée ba, Paulo létsa amú ilə. ¹⁰ Anilétsiá inu tsra asa, inufə ámu bəwa aní numnyam, kíe aní ató tsətsətsə. Bréá anidénatí á, bəpu atáá ibéhián aní ɔkpatə fée sí aní ɔkpa.

Roma Wúlutə Yə

¹¹ Anilóyɔ ɔpu ɔnó yótsu ntsusu-yibi kuá ɔlatsiá inu nyankpətswiebi amu fée. Itsú Aleksandria wúlutə. Besré atabí akúá bugyi ikpi yi ntsusu-yibi ámu ansítə. ¹² Aniléyelí ɔpu nsiné ɔsolúv ku osubúnə, butetí mú Sirakus, anilétsiá inu nkensá. ¹³ Tsú inu á, anilóbomli tsun bowie wúlu yilé kuá butetí mú Regiosu. Mú ɔyi kehe a, afú ku lówa tsóun bi tsu ayasi fón. Nkenyó ɔma a, anilóyowie osubúnə kuá butetí mú Puteoli. ¹⁴ Aniléfia ahógyipu aku inu. Bokokóli aní beε, atsiá amú wá nkensiénó. Anilókusú tsú inu á, anilóyɔ Roma wúlutə. ¹⁵ Apíó áni bubu Roma wúlutə bonu áni abá. Mú su amótə aku beba

ibíá ogyíkpa, b̄t̄et̄i ɪnu Apia. Aku é beba ɔt̄inekvá b̄t̄et̄i ɪnu Afɔ́ Ɔswíkpa Asa, ɪbu ɔkpat̄o befia anɪ. Bréá Paulo lówun amó á, mu ansí legyi, ɔleda Bulu ɪpán.

Bulu Asón Ɔkanda Roma Wúlut̄o

¹⁶ Bréá anilóyowie Roma wúlut̄o á, Roma aban léha Paulo ɔkpa ání ɔbétali yétsiá ɔt̄ínéá odeklé, táme ɪsá ɔkɔpú ɔku obógyo mu ɪwi brégyíbré.

¹⁷ Eke sáási a, Paulo lét̄i Yudaf̄o ahandeá bubu ɪnu f̄éé fia. Múb̄ ɔlebláa amó ɔbéé, “Mí apíó, ɪbu mót̄sá mm̄ɔpu lalah̄e k̄uk̄uk̄u gyi mí ɔmát̄óf̄o, mmeyintá anɪ anáin amándíe k̄uk̄u é. Táme anɪ ahande ání bubu Yerusalem bekítá mí ya Romaf̄o. ¹⁸ B̄ɔɔ mí asónt̄ó á, tek̄i bekleá b̄ési mí, tsúf̄é bomowun tsitsa k̄uk̄u mí ɪwi asa b̄ee b̄umós̄o mí. ¹⁹ Táme Yudaf̄o ámu b̄umotsulá ání b̄usii mi. Amó b̄wehé s̄u n̄ak̄ulí ɔkpa mb̄éé, Roma Owíe Dehen onut̄ó ogyi mí asón. Megyí b̄ee mb̄u mí ɔmá ɪwi asvansu. ²⁰ Mú s̄u nat̄i mli fia ni. Tsúf̄é ɔhá ámúb̄ Israelf̄o b̄ude mu ɔkpa kí amu s̄u nda ɪkan anfit̄o.”

²¹ Amó é bebláa Paulo b̄ee, “Animók̄úh̄o ɔwuló k̄uk̄u tsú Yudea ɔmát̄ó tsú f̄ó ɪwi. Anɪ apíó Yudaf̄o ámut̄o ɔk̄uk̄u é mók̄ótsú ɪnu bebláa anɪ ason lalah̄e k̄uk̄u tsú f̄ó ɪwi. ²² Táme ha anɪ abí f̄ó agywun. Tsúf̄é aniyin ání ahá b̄utebli ason lalah̄e tsú Bulusúm ɔpasua ánf̄i f̄ób̄u mót̄ó ánf̄i ɪwi ɔt̄inegyíɔt̄íné.”

²³ Mú s̄u m̄ua Yudaf̄o ámu beh̄ie ekeá b̄efia. Eke ámu lóf̄un a, Yudaf̄o ts̄ɔts̄ɔts̄o beba befia Paulo wóyí ɪnu. Paulo lótoí kplá amó. Ɔɔpu Mose Mbla pú Bulu ɔnós̄ú at̄oípu amu ason wanlínhé lé Bulu iwíegyí ámu ɪwi asónt̄ó súná amó tsú nyanki p̄ɔn owí. Ɔɔb̄o mb̄ódí ání ɔb̄édamli amó abuh̄o Yesu Kristo ɪwi asón ámus̄u gyi. ²⁴ Amót̄ó aku bohogyi, táme aku b̄umohogyi. ²⁵ Amó w̄ulew̄ule amu ɔnó m̄ob̄we kole, b̄owa asón ámu pr̄i b̄i. Táme Paulo létrá bláa amó ason kua kole asa bedasáin. Ɔlebláa amó ɔbéé, “Ɔhe Wankih̄é lébláa mli anáin ɔn̄ak̄wali amu ts̄un Bulu ɔnós̄ú ɔt̄oípu Yesaiasu. Ɔbéé,

²⁶ ‘Ƴo ahá ánf̄i wá af̄uebláa amó f̄ee,

Bónu lánú, táme b̄umóonu mó asi.

Béki láki, táme b̄uméebi mó.

²⁷ Tsúf̄é kl̄unt̄o bu amó odwin.

Batílá asu, bun ansíbi é.

Ní megyí alí á, tek̄i bówun at̄ó

bónu asón,

amó agywun bóbwií.

Bédamli ba mí wá,

nétsa amó ɪl̄o.’ ”

²⁸⁻²⁹ Paulo lóm̄o mu asón ɔnó ɔbéé, “Mú s̄u ndekléa mlibí ání Bulu nkpháh̄o asón ámu lawíe ahá ání b̄umegyí Yudaf̄o é wá

dodo. Amú mú bóhɔ asún ámv.”* ³⁰ Paulo létsiá ɩv nfinyɔ kéké. Oletsíá mv onutó obu háihetɔ. Oletsíá hɔ afɔ́ó ání beba besináa mv fée. ³¹ Ɔlɔwa klɔn dá Bulu iwíegyí ámv ɩwɩ asún ɔkan, olosuná anɩ Wíe Yesu Kristo ɩwɩ asún é ahá fée ansító. Ɔhaa métiɩ mv ɔkpa.

* **28:28-29** Mútó yée 29 bɩ nwaló dada amɔ akɔtɔ: Bréá Paulo léblí asún ání tá á, Yudafó ámv bɔkɔsú náti, amú wɔlewɔle bɔna bode asún ámv nwéen gyí.

ᾠωυλόά Paulo Lówanlín Sísí Romafó

¹ Mí Yesu Kristo osúmbi Paulo dé ᾠωυλό άνfi wanlín sísí mli Romafó. Bulu léti mí ᾠέέ, mbóbwe mu sumbí ᾠᾠᾠ. ᾠέέ mí yái άνí néda mu asun wankláán ámu ᾠkan.

² Bulu léhie asun wankláán άνfi yái tson mu ᾠᾠᾠ atáipósu dododo, bᾠwanlín mó wá mu asun wanlínhé amuto. ³ Asun wankláán ámu ᾠᾠᾠ tsú mu Bi, ogyi aní Wie Yesu Kristo ᾠwi. Anyánkpósa ᾠkpasu á, ᾠlelin Owíe Dawid abusuantó. ⁴ Bulu léle súná άνí léle mu Bi ní. ᾠᾠᾠ ᾠhe Wankíhé túmitó kósóa mu tsú afúlitó. Mᾠgyí aní Wie Yesu Kristo. ⁵ Ina mᾠsu Bulu lawá awitole lé mí mu sumbí ᾠᾠᾠ, méní nékpa ᾠmá bámbásófo bóho mu gyi, nú mu ᾠme. ⁶ Mli Romafó άνfi Bulu latí ᾠέέ, mliᾠᾠwe Yesu Kristo klé é mliᾠ mótó.

⁷ Iní su mí Paulo nde ᾠωυλό άνfi wanlín sísí mliá mliᾠ Roma féé. Bulu lahíe dwé mli, tí mli, pú mli bwé mu ahá. Nde aní Sí Bulu mᾠa aní Wie Yesu Kristo kokóli mbéé, bᾠgyí mli buale, abuha mli iwilwii.

Paulo Bulu Ipánda

⁸ Gyankpapu a, nna Yesu Kristosu nde mí Bulu ipán da mliᾠ okugyíᾠku nwunᾠ. Tsúfé mli Kristo hógyi su mli dá de ᾠyító féé. ⁹ Napó mí klun féé nde Bulu súm tson mu Bi Yesu ᾠwi asun wankláán ᾠkan ámuᾠ ndeda ámuᾠ. Obégyi mli adánsie άνí ntekáín mliᾠ brégyibréá nde mpái bᾠ. ¹⁰ Ntetsiá kokóli mu ekekegyíeke mbéé, otsúla finki ᾠkpa ha mi, antali besináa mli nke άνfitó. ¹¹ Tsúfé ᾠᾠ mí ᾠwóliá mía mliᾠyᾠ abéfia, méní nébeha mlénya ᾠhe Wankíhé atokiehé άνí ᾠbówa mli ᾠwunlín. ¹² Móá ndeblí gyí, ní neba mli wá á, mí hógyi bówa mli ᾠwunlín, mli klé é ᾠbówa mí ᾠwunlín.

¹³ Mí apió, ndekléá neha mli bi άνí nabwébwéébwé agywun άνí nébesináa mli, táme tᾠku de mí ᾠkpa tíin bᾠᾠn nde. Ndekléá néba ᾠᾠ bᾠᾠ kplá ahá, méní bóho Yesu gyi, fé alíá nahá ahá bahᾠ mu gyi ᾠmá bámbátó. ¹⁴ Iní gyí tᾠá ilehián άνí nóbwe ahá féétó nᾠ. Ilehian άνí nóbwe mó Griikifó pú ᾠblí bámbá ablípó, atiansipᾠ pú aha mimláhe féétó. ¹⁵ Iní su mí ansí lapé άνí nébláa mli ahá άνí mliᾠ Roma wúluto é asun wankláán ámu.

Bulu Asun Wankláán Amu Túmi

¹⁶ Bulu asun wankláán ámu ᾠma mí péli. Tsúfé mógyí Bulu túmi άνí ᾠdepuᾠ ᾠhagyíᾠha άνí ᾠᾠᾠ Kristo gyi nkpa ní. Yudafó gyánkpá, asa ahá άνí bᾠmegyí Yudafó bobuo. ¹⁷ Tsúfé asun wankláán ámuᾠ Bulu léle alíá ᾠᾠᾠ ᾠha yilé ᾠwepó súná. Mó ᾠsᾠ-así féé ᾠlí hógyisᾠ. Iní Bulu asun wanlínhé amu

leblí ní. “Ǫhá ání mu hógyi su Bulu latsú mu ání mu asón da ǫkpa obénya nkpa.”

Lakpan Ǫbwepú Ǫhagyísha Gyí Bulu Ansító

¹⁸ Bulu léle mu ǫbló súná tsú ǫsúsó. Olenya ǫbló ahá ání butamanyá mu ifú, buǫde lalahé bwe, bapú amó owuntǫlin buǫde Bulu asón ání igyi ǫǫkwali ǫkpa tiin. ¹⁹ Bulu ǫbébití amó isu. Tsúfě tóá ilehián ání bébi tsú Bulu iwí ida amó ansító dodo. Bulu onutó léle mú ǫwan súná ámu. ²⁰ Ibu mótó ání ǫhaa tamawun Bulu túmiá itamatá pó alá ogyi. Táme tsú bréá Bulu lóbwé ǫyí ǫpá á, Bulu tsiátó menjaín. Tsúfě mu atǫ bwehé lele mú súná wankláán ání ahá bétalí wun mú, póbí mu. Iní su ǫhaa má ǫnó kǫkǫ lé. ²¹ Buyin Bulu, táme buǫwa mu numnyam ání iletsiá mu, buǫpǫ ipán kǫkǫ é há mu. Mboún tóá ima asi búǫgywún tsu Bulu iwí. Butamatráa nu mu asón ámu asi. Basin oklúntǫ. ²² Buteki amó iwí beǫ betin ansi, táme bemimláa. ²³ Basí Bulu ǫkiankpapǫ amu tswi, yó buǫde ikpi ání buǫma nkpa súm. Bǫpwe amó, ntéǫ sré amó fě nyankpǫsa ání otowú, ntéǫ mbubwí, ntéǫ mbwí pú awǫ akǫ.

²⁴ Iní su Bulu ladámlí ǫma há amó, basí buǫde atǫ laláheá buǫdeklé tsu amó klǫntǫ bwe, amóa amó aba buǫde iwí supáa. ²⁵ Butamatráa hǫ Bulu ǫǫkwali amǫsu gyi. Asón ání ima mótó mboún buǫdehógyi. Iní su bayó buǫde Bulu atǫ bwehé mboún súm, sí ató fěǫ Ǫbwepú ámu onutó. Kanfú letsiá mu bré fěǫ! Amen.

²⁶ Amó bwehé ánfí su Bulu lédamlí ǫma há amó, buna buǫde hakpanla bwe. Amó atsi kóráá besi ayin wá dǫ, fě alá ida yai, amó wǫlewǫle buǫda aba wá. ²⁷ Alí kén ayin é besi atsi wá dǫ fě alá butǫbwé mú yái, buǫda aba wá ní. Hakpanla anfi bwe su Bulu lébití amó isu ání lekánáa ha amó, buǫde mú wúun ní.

²⁸ Iníá bakíná Bulu bi su á, Bulu ladámlí ǫma há amó, buǫde asukpan susúu, buǫde tóá ima alá ǫha ǫbóbwé bwe. ²⁹ Lalahé són bu amótó. Iku gyí; lakpanbwe, opotsuawa, olu, ǫnsípe, ahámǫ, mblikpéǫ, ahámlé, agywun laláhe bwe pó ahátsíi. ³⁰ Ahá ǫnótin, Bulu asónkiná, atómábú, iwítsú, iwí adábi da. Lakpan ǫkpagyáa, akwípósu kǫsólíi. ³¹ Butamagywún, butamagyi amó ason blíhésu. Butamadwé ahá, butamawun ahá nwe. ³² Iníá buyin ání Bulu mbla ámu losuná ání ǫhá ání otsiá atsiábi anfi odu obówu óó á, megyí iní ánfí nkǫle buǫdebwe. Butráa buǫde lalahé abwepú é atǫǫ-ǫnlín wa dínká mósó.

2

Bulu Tamakí Ǫha Ansító

¹ Iní su fǫá fǫtsie fǫde fǫ aba ilá le, fǫma ǫnó kǫkǫ lé Bulu ansító. Tsúfě fǫde akǫ ilá le, táme fǫde mú odu kén bwe. Mú su ní fǫde amó ilá le á, iwí pón fǫdeha. ² Aniyin ání Bulu ǫbéha ahá ání

bude iní odu bwe ipón. Aniyin é ání mu asón da okpa. ³ Mú su ní fódé ahá alá le lakpan ání fú onutó fódé bwe su á, bi ání Bulu é obéha fú ipón. Fuméetalí kálí dalí mu ibi. Ntéé fumeyín alí? ⁴ Bulu lalé mu yilé pó mu awitále owan súná fú, alanya klón há fú, táme fumobu mu. Ntéé fumeyín ání alíá fédamlí klontó yínkí ba mu wá su alalé mu awitále súná fú? ⁵ Táme klontó bu fú odwin, asótó bu fú onlin. Mú su isótóbití ání ida gyo fú ekeá Bulu Onokwalipú obégyi asón itráa démoní tsía. ⁶ Bulu obéka ohagyíoha ikó mu bwehé onó. ⁷ Ako bapú ansí dínká ání bénya numnyam, idayilé pó nkpa ání itamatá. Mú su banyá klón bude yilé bwe ekekegyíeke. Amú Bulu obéha nkpa ání itamatá ní. ⁸ Táme akvá búbu onsípe, bakíná onokwalí amú pó yilé bwe, búbuo lalahé mú á, Bulu obópú obló gyi amú asón, bítí amú isu wankláán. ⁹ Asun wunhe móa iwíwosin béba lalahé abwepú féesú. Ibégyankpá tó Yudafo, asa íbótó ahá ání bumegyí Yudafo. ¹⁰ Táme Bulu obówa yilé abwepú numnyam, há amú iwílwii, trá ha amú aye. Obégyankpá há Yudafo, asa íbótó ahá ání bumegyí Yudafo. ¹¹ Tsúfé Bulu tegyi asón onokwalísu, otamakí ohaa ansító.

¹² Ahá ámúú bumeyín Mose Mbla ámu, bude lakpan bwe ámu óó bófwi. Táme Bulu móopu mbla ámu gyi amú asón. Ahá ámúú buyin mbla ámu asa bude lakpan bwe ámu mú á, Bulu obélí mbla ámu su há amú ipón. ¹³ Tsúfé megyí ahá ání buyin Mose Mbla ámu asón da okpa Bulu ansító. Mboún ahá ání butegyí mósó. ¹⁴ Ibo mótá ahá ámúú bumegyí Yudafo bumeyín Mose Mbla ámu. Táme ní amú onutó bude mbla ámu su gyí a, budésuná ání buyin yilé móa lalahé amú klontó. ¹⁵ Amú bwehé ánfí desuná ání Bulu lówanlín mbla ámu dínká amú klónsu, Amú klón de adánsíe gyí ání lélé buyin mú. Tsúfé bré kotó á, amú agywun tchá amú ipón, bré kotó é á, itchá amú asu. ¹⁶ Alí kén íbéba eke ámúú Bulu obótson Yesu Kristosu gyi tóá ahá babwé njáinto iwí asón ní. Alí Kristo iwí asun wankláán ámúú nde mú okan da ámu idesuná ní.

Yudafo Pó Mose Mbla

¹⁷ Fú fée Yudayin fógyi, fú ansí dín Mose Mbla ámu su, fódépu ibi sí kántó fée Bulu mu bi fógyi. ¹⁸ Fuyin Bulu apé, tsúfé fakási Mose Mbla ámu. Mú su fuyin tóá ibo alé. ¹⁹ Futekí fú iwí ansibi abwiepú okpapú, fógyi fé okandíe há ahá ání bumeyín Bulu, basin oklúntó. ²⁰ Fú fée fógyi aha mimláhe ansí otínpu. Fétalí súná ahá ání bumeyín olala tóá ibo alé. Tsúfé fatsúlá fée Mose Mbla ámu su fabí tógyító, fabí onokwalí kugyiko é. ²¹ Táme iníá fódé ahá yilé suná á, ntogyi su fumóosuná fú iwí mú? Fúde okan da bláa ahá fée bumáwi ató, táme fú onutó fú dewi? ²² Fée bumátó mbua, táme fúde mbua tó? Fée bumásun íkpi, táme fú towí okpíasi ató. ²³ Fútotsú iwí Mose Mbla ámu su, táme

fotepán mósó. Iní sɔ fɔde Bulu kpáí. ²⁴ Bulu asɔn wanlínhé amu léblí ɔbéé, “Mlí Yudafɔ bwehé sɔ ahá ání bomegyí Yudafɔ bɔde Bulu iwí asɔn laláhe blí.”

²⁵ Ní mlídé Bulu mbla ámɔsɔ gyí á, mlí ketétín bɔ labi. Táme ní mlítamagyi mósó á, mlígyí fé ahá ání bɔmetin keté. ²⁶ Ní ɔku métin keté, ɔde Mose Mbla ámɔsɔ gyí a, ogyi fé keté ɔtínpu Bulu ansító. ²⁷ Mlí Yudafɔ mliyin mbla ámu, tsúfé bɔwanlín mú tswí mlí, betin mlí keté é, táme mlítepán Mose Mbla ámɔsɔ. Mú sɔ ɔhá ání ɔmetin keté kóráá, táme ɔde mbla ámɔsɔ gyí ɔbéle mlí ilá. ²⁸ Tsúfé megyí keté ɔtínpu gyí Yudayin onutó. Ketétín onutónutó bɔ inɔ. Megyí ɔyólósɔ ketétín keke. ²⁹ Ní ɔku gyí Yudayin onutónutó á, mɔ klɔntɔ tósúná. Ketétín onutó itsú klɔntɔ. Bulu Ɔhé ámu tóbwé mú, megyí mbla ámú bɔwanlín tswí amɔsɔ gyí. Ɔhá ání Bulu Ɔhé ámu detin mɔ keté á, Bulu onutó tékánfó mɔ, megyí nyankpɔsa.

3

¹ Mómó labi mɔmɔ Yudafɔ bɔbɔ dɔn ahá ání bomegyí Yudafɔ? Ntée labi mɔmɔ ketétín bɔ? ² Ibo mótá labi ámu ihé itsɔ! Gyankpapu gyí, Bulu lópu mɔ klɔnsɔ asún wá Yudafɔ ibitɔ. ³ Ibo mótó ání amótó aku bɔmɔhɔ Bulu asún ámɔsɔ gyi. Táme amó tsiátó anfi odu íbetalí há Bulu obési tóá ɔlehie ání ɔbóbwe lóó? ⁴ Ekekeke! Megyí alí igyi! Ní afunupu ahá féé bɔgyi óó á, Bulu mú á, ɔnɔkwali pu ogyi. Igyi fé alí Owíe Dawid lébláa Bulu ɔbéé,

“Ní fɔtí á, ahá bɔblí beé fú asún igyi ɔnɔkwali.

Ní begyi fú asún é á, bɔblí beé fú asún da ɔkpa.”

⁵ Ní aní tsiátó laláhe lalé Bulu tsiátó wankláán súná á, mómó ní ɔde aní isɔ bití aní tsiátó laláhe sɔ á, nkáli abéblí? Abéblí aníaa, Bulu má ɔkpa bití aní isɔ? (Nyankpɔsa asɔn blíhé ndeblí á.) ⁶ Ekekeke! Ima mótó alí. Ní Bulu asún meda ɔkpa á, nkáli obégyi ɔyító ahá féé asún?

⁷ Ɔku ɔbéfité ɔbéé, ní mí ɔnɔkwali máwá lalé súná ání Bulu bɔ ɔnɔkwali, ilatsú mɔ dá fú á, mómó ntɔ sú Bulu ɔbétrá ha mí pón ɔbéé laláhe ɔwepú ngyi? ⁸ Ní igyi alí á, mómó ntɔ sú animéebli aníaa, “Mlíha abwe lakpan, fówun Bulu tsiátó wankláán iln ɔwan?” Fé alí ámú aku bɔde mí ɔnó tin beé, nna ndeblí ámu. Bulu ɔbéha amó ipón alí dekanáa.

Ɔhaa Mégyi Yilé Ɔwepú

⁹ Nkáli mee abéblí pómó mú ɔnó? Mú sɔ aní Yudafɔ anidɔn ahá ámú bomegyí Yudafɔ ámu lóó? Ekekeke! Animódɔn amó ɔkpagyí ɔkpasɔ. Nablí bɔtsɔn mbée, ikule Yudafɔ pú ahá ámú bomegyí Yudafɔ ámu féé bɔgyi. Tsúfé lakpan lagyi amó féésó.

¹⁰ Bulu asún léblí ɔbéé,

“Ɔhaa asún meda ɔkpa Bulu ansító. Ɔbakóle kóráá médalí mótó.

¹¹ Ɔhaa tamanú Bulu asún asi;

ɔhaa tamadúnká Bulu ɔkpa.

12 Amó fée badámlí ɔma há Bulu,
ámó fée bafwí.

Yilé ɔbwepó ɔkoku má inu. Ɔbakóle kóráá médalí mótó.”

13 Bulu asón ámu létrá blí ɔbée,
“Butekle asokpan blí.

Buɔpó amó ɔnó mlé ahá.

Amó ɔnótó asun blíhé tɔmó fé iwɔ elín.”

14 Bulu asón ámu létrá blí ɔbée,
“Iwí pú asun-sinsín blí butegyí di.”

15 Ɔlétrá blí ɔbée,

“Ahámɔ ma amó ɔpá.

16 Ɔtinegyíɔtínéá bɔna á, bɔde ahá yintá, bɔde ahá ipiantɔ
wa.

17 Bɔmeyín ɔkpa ání itɔpú iwilwii ba.”

18 Bulu asón ámu ku é leblí ɔbée,

“Bɔtamanyá Bulu ifú.”

19 Séi á, aniyin ání asóngyiasón ání Mose Mbla ámu losuná á, ida ha Yudafɔ ámú bɔpu mbla ámu há ámu. Mú su ɔkoku méenya ɔkpa lé asvansu ɔnó bréá Bulu dé ahá fée asón gyí.

20 Tsúfé Mose Mbla ámu su gyí méetalí há ɔha ogyi asu Bulu ansító. Há mbla ámu itehá anitebí ání lakpan abwepó anigyí.

Alá Ɔha Tegyi Asu Bulu Ansító

21 Séi á, Bulu lasúná ɔkpa ání ɔtɔtsun mósú há ɔha asu. Imená Mose Mbla ámu su gyí su. Táme Mose Mbla ámu pú Bulu ɔnósú atóipú amu asun wanlínhé léblí ɔkpa ámu iwí asón yáí. 22 Ɔkpa ámu gyí ɔkpa ání Bulu tɔtsun há ɔha asu mu ansító ní. Yesu Kristo hógysu Bulu tɔtsun hɔ ɔhagyíɔha. Ma fugyi o, ma fɔmegyí o, nkónu fotsú o, nkónu fɔmotsú o, ɔhaa mótɔsun ɔtsan Bulu ansító. 23 Tsúfé ahá fée babwé lakpan. Mú su bahólí Bulu numnyam. 24 Awítale Bulu lawá há aní. Mú sɔ nyankpɔsa obégyi asu mu ansító ní. Awítale anfi ina Kristo Yesusu. Muléka nyankpɔsa nwunsu ikɔ. 25-26 Anyánkɔpɔsa bɔde lakpan bwe tsú bré ɔpá, táme Bulu lénya klun há amó, ɔmebití amó isu. Séi á, Bulu labɔpu Yesu bó afɔdie, pú mu obugya lé aní iwí mbusuo, méní abótɔsun mu hógysu nyá lakpansikíé. Bulu lóbwe mú alí púsúná ání mu asón da ɔkpa, méní ibósuná nke ánfítɔ ání yilé ɔbwepó ogyi. Ototsú ahá ání bɔhɔ Yesu gyi ání amó asón da ɔkpa mu ansító.

27 Séi mé, tɔku bu inuá abótɔsu iwí mósú? Tɔtɔ má inu. Ntogyi sɔ anuméetalí tsú iwí? Mose Mbla ámu su lóó? O-o! Aní hógysu sɔ anuméetalí tsú iwí. 28 Megyí atɔ wankláán ámú Mose Mbla losuná aní bwe ámu su anitegyi asu Bulu ansító. Ina Kristosɔ hógysu abégyi asu Bulu ansító. 29 Yudafɔ nkɔle Bulu ógyi? Megyí ahá ání bɔmegyí Yudafɔ mú Bulu ogyi? Ee! Amó é amó Bulu ní. 30 Bulu ɔkɔle pé bu inu. Mú su ina hógysu olotsulá ání

Yudafɔ asɔn da ɔkpa. Ina hɔgyi kɛnsɔ ɔlɔhɔ ahá á múú bɔmegyi Yudafɔ ámu é ání amú asɔn da ɔkpa. ³¹ Mú sɔ ilehián ání abóhɔ Yesu gyi, sí Mose Mbla ámusɔ hɔgyi lóó? Ekekeke! Megyi ahi gyi. Yesu hɔgyi téhá anitekítá mbla ámutɔ kínkínkín.

4

Abraham Iwi Asɔn Lasúnd Alá Hɔgyi Bɔ Labi

¹ Séi á, amansɔ anɔ Yudafɔ abéblí tsú anɔ náin Abraham iwi? Ntɔ olowun tsu Bulu aháhɔ asɔn ánfɔ iwi? ² Ní yilébwe sɔ Abraham légyi asɔ Bulu ansító á, mómú ɔbɔ tɔá ɔbɔptsú iwi, táme megyi Bulu ansító. ³ Nkálɔ Bulu asɔn wanlínhé amú léblí? Ɖéblí ɔbéé, “Abraham lóhɔ Bulu gyi. Mú sɔ Bulu lótsu mu ání mu asɔn da ɔkpa.” ⁴ Ní ɔku ɔyɔ agyómá á, bɔteká mu ikɔ. Megyi atokiehé ikáká ámu gyi. Igyi tɔá ilehián ání obénya tsú mu agyómá yɔtɔ. ⁵ Táme megyi ahá bwehé sɔ, mboún amú hɔgyi sɔ Bulu totsú amú ání amú asɔn da ɔkpa. Tsúfé Bulu téhá lakpan abwepú ání bɔhɔ mu gyi bɔtegyi asɔ mu ansító. ⁶ Owie Dawid léblí oyúla asɔn ánfɔ kén dodo. Ɖɔtɔi tsú ahá ání Bulu mékɔ amú bwehé asa olotsu amú ání amú asɔn da ɔkpa iwi. Ɖɔwanlín mú wá Bulu asɔn ámutɔ ɔbéé,

⁷ “Bulu layúlá ahá ání alasi amú lakpan kíé amú, alagyóra amú!

⁸ Ahá á múú Bulu lasi amú lakpan kíé amú, ɔméetrá kaín músú ámu bégyi ɔdwe!”

⁹ Keté atínpu nkule bú ɔdwegyi anfi Owie Dawid dé mú iwi asɔn blí ánfɔ? O-o! Ahá á múú bɔmetɔn keté ámu é bɔbɔ mútɔ. Kaín ání anɔlakla asɔnku Bulu asɔn wanlínhé amutɔ. Ania, “Abraham lóhɔ Bulu gyi. Mú sɔ Bulu lótsu mu ání mu asɔn da ɔkpa.” ¹⁰ Bré mɔmu Bulu lótsu mu ání mu asɔn da ɔkpa? Ɖletɔn keté asa lóó? Ekekeke! Bulu lótsu mu ání mu asɔn da ɔkpa dodo. ¹¹ Ɖma-ɔma asa ɔlebetɔn keté póhie mu nsɔ. Ilosuná ání mu hɔgyi sɔ Bulu lótsu mu ání mu asɔn da ɔkpa. Inɔ sɔ ogyi fé ahá á múú bɔmetɔn keté, táme bɔhɔ Bulu gyi, Bulu lótsu amú ání amú asɔn da ɔkpa ámu. Mú sɔ ogyi amú féé ɔsí ní. ¹² Ogyi keté atínpu amú é ɔsí. Tsúfé megyi amú ketétɔn sɔ, mboún amú Buluhɔgyi sɔ. Fé ahi á múú Abraham lóhɔ Bulu gyi asa betɔn mu keté ámu.

Tɔá Bulu Léhié Yáí Mu Ahogyipu

¹³ Bulu léhié Abraham muɔ mu abí-aná ání ɔyító féé ibóbwe amú klé. Megyi beé Abraham légyi Mose mblasɔ, sɔ Bulu léblí asɔn ánfɔ. Táme iníá ɔlɔhɔ Bulu gyi, Bulu é lótsu mu ání mu asɔn da ɔkpa mu ansító sɔ. ¹⁴ Ní ahá ání bɔde Mose Mbla ámutɔ obégyi Bulu atɔ á, mómú ɔha Bulu hɔgyi igyi kpaali. Bulu nhɔhié há ɔha é ma labi kɔku. ¹⁵ Tsúfé Bulu ɔblí mbla ámu teti. Táme ní mbla má inu á, mblatɔn é ima inu.

16 Mú alí sù ina hógýisù ahá bétalí nyá atóá Bulu léhiε yáí há amú. Atokiehé ámúú òbópùhá Abraham abí-aná ámù íbédá amú íbì. Megyí ahá ání bote gyi mblasù nkòlε bó, támε ahá ání bòhò Bulu gyi fε Abraham é. Tsúfε Abraham gyí aní fεé òsí. 17 Fε alí ámúú Bulu asùn wanlínhé amù ìlεblí òbéε, “Nápú fú bówé òmá tsòtsòtsò òsí ámù. Abraham gyí aní fεé òsí Bulu ansító.” Tsúfε olohogyi ání Bulu téhá awupú nkpa, òtéhá tóá ima inu yáí itεba mótó fε tóá íbù inu yáí. 18 Bréá tòtò má inwá Abraham òbópù mù ansí dínká mósú á, òlòhò Bulu gyi ání òbóbwε mù òmá tsòtsòtsò òsí alí ámúú òlεblí yáí ámù. Bulu lébláa mù òbéε, “Fú abí-aná békéí fε ntsrakpabi.” 19 Alí bré ámùtò á, Abraham lahò nfi lafakùlε (100). Mú sù aladan tsùn kwíúsú. Alí kén mù ka Sara é òkwíúpùní lawú, òméétrá kwíí ní. Oyin ínì fεé, támε òmekpa mù hógýi òma. 20 Iní fεé òma a, òmegyi nwéεn òbéε, ító ámúú Bulu léhiε mù amù iméεba mótó. Mboún òlεkitá mù hógýitò kínkíínkín, òlεkanfú Bulu mú sù. 21 Tsúfε òhíé oyin ání Bulu òbétalí bówé ító ámúú alahíé há mù amù. 22 Mù hógýi anfí sò Bulu léblí òbéε, mù asón da òkpa ní. 23 Megyí mù nkòlε sù bòwanlín wá Bulu asón ámùtò bεε, “Bulu lótsu mù ání mù asón da òkpa.” 24 Aní é, aní sù bòwanlín mú. Ní anílòhò Bulu gyi a, òbótsu aní ání aní asón da òkpa. Mùgyí òhá ání òlòkùsúa aní Wíε Yesu tsú afúlitò. 25 Aní lakpan sù Bulu léha bεlε mù há bòmò mù. Bulu lókusúa mù tsú afúlitò, ménì òbótsu aní é ání aní asón da òkpa.

5

Isvgyí Bulu Ansító

1 Aní hógýi sù Bulu latsú mú ání aní asón da òkpa. Mú sù aní Wíε Yesu Kristo lalá anía Bulunyo nsíné. 2 Hógýi sù òkpa lafínkí há aní ngya. Iníá aní Wíε Yesu sù Bulu awítòlε anfí laba anisù, anílapú hogyi nyá òlúkpa ngya a, ihíé bù aní òdwe. Tsúfε anídín ansí ání abébenya mù numnyam amù kv. 3 Ansí itráa dε aní gyí ání anídé ipian wúun. Tsúfε ipian téhá anitòwá nsi. 4 Nsiwa téhá anitεbí tsíá alá ilegyi Bulu ansí. Ní abí tsíá alá ilegyi mù ansí á, abédunká ansí mùsù. 5 Ansí pudínká Bulusù méεha péli méékitá aní. Tsúfε Bulu lótsùn Òhε Wankíhé amúú òlòpùhá aní ámùsù pò mù òdwe wá aní klòntò.

6 Bréá anítráa anígyí lakpan abwεpú, anímá òwònlín á, Kristo lóbowu há aní lalahe abwεpú bréá Bulu onutó léhiεtò. 7 Ní òkù asón da òkpa kóráá á, íbówa ònlìn asa òkù òbótsulá wú há mù. Fíalì òha yilé mú á, òkù òbówa klùn wú há mù. 8 Támε tóá ilosuná ání Bulu tēhíé dwé aní gyí, bréá anígyí lakpan abwεpú á, òlεha Kristo lóbowu há aní. 9 Ina Yesu Kristo obugya amúú ìòwòlí así ámùsù Bulu lési aní lakpan kíé aní, tsú aní ání aní asón da òkpa. Kristo sù òbélε aní kokooko. Òméébití aní isù lakpan abwεpú isù-òbitíké amù. 10 Tεkí Bulu alupú anígyí. Támε

tsóun mu Bi ámu lowusu á, alabwé aní mu anyawíe kláklá. Iníá anilabwé mu anyawíe su á, òbóhò aní nkpa kokooko. Tsúfé Kristo é bu nkpa. ¹¹ Megyí mú wole. Múá itráa don kóráá gyí, anidé òdwe gyí. Tsúfé aní Wíe Yesu Kristo lalá ania Bulunyo nsiné. Mú su anilabwé Bulu anyawíe.

Adam Mva Kristo

¹² Adam nkole bwehé su lakpan léba òyító. Mu lakpan ámu só lowu léba òyító. Iní su lowu lénya túmi òhagyíòhasu, tsúfé ahá fée babwé lakpan. ¹³ Lakpan bu òyító asa Bulu lópu mu mbla ba Mose. Táme bréá Bulu mókópú mbla ámu ba mu a, olobun ansibi lakpansu. ¹⁴ Tsú Adam brésó bòtu Mose brésó lowu legyi iwíe anyánkpsa féesó. Ibu mótó ání bómòtu mbla koku fé Adam, támé amú é bowu.

Akú alíá Adam léklé òhan òmapu amu. ¹⁵ Adam ná òtsan há Yesu Kristo. Tsúfé Bulu awítòle amu megyí fé Adam lakpan ámu. Adam nkole lakpan só ahá fée bowu. Táme Yesu Kristo nkole awítòlewa su Bulu laláwá awítòle, pò mu atokiehé há ahá tsòtsòtsò. Mu atokiehé ámu ibu bíá don lowu ámu. ¹⁶ Tóá anyánkpsa benya tsú Bulu atokiehé ámu ina òtsan há tóá benya tsú Adam lakpan ámu. Mu lakpan kole pé amu léha òhagyíòha légyi pón Bulu ansító. Mólópu lowu ba, támé lakpan tsòtsòtsò òma a, Bulu atokiehé kole pé léha Bulu lótsu ahá fée ání amú asón da òkpa mu ansító. ¹⁷ Òbakóle lakpan su lowu légyi iwíe ahásu. Táme alíá Bulu lahíé wá awítòle há ahá ibu wánwan. Alatsòn Yesu Kristo nkolesu tsú aní ání aní asón da òkpa, ania munyo abégyi iwíe aní nkpatò fée.

¹⁸ Iní su alí ámu òbakóle lakpan su Bulu léha ahá fée pón ámu a, alí kén òbakóle yilébwe su Bulu lahá ahá fée bagyi asu mu ansító, alahá amú nkpa ání itamatá é ní. ¹⁹ Alí ámu ina òbakóle asòtò-ònlun su ahá fée bemlí lakpan abwepú ámu a, alí kén ina òbakóle obú su Bulu obótsu ahá tsòtsòtsò ání amú asón da òkpa ní.

²⁰ Bulu lópu mbla ámu ba, méní ahá bówun lakpan ání bodebwe wankláán. Táme bréá lakpan dékléí á, Bulu awítòle é idekléí tsía. ²¹ Lakpan légyi ahásu, léha ahá bowu. Alí kén Bulu lawá awítòle tsú ahá ání amú asón da òkpa mu ansító ní. Iní lahá ahá batsòn aní Wíe Yesu Kristosu nyá nkpa ání itamatá.

6

Kristo Su Aníbu Nkpa

¹ Nkálí abéblí síí? Ilehíán ání abóyo aní lakpanbwesu, méní Bulu awítòle bómóní tsía? ² Ekekeke! Igyí fé anilawú, mú su lakpan ma túmi anisu. Ntogyí su abétrá tsía bwé lakpan? ³ Bré ámu ò bòbò aní asú ámu a, ania Kristo Yesunyo anilóbwe kole. Mliyín mú alí? Alí bré ámu á, ania Kristonyò lówu, ⁴ bopolá

ani, tsúfɛ ania mɔnyɔ anilabwɛ kɔle. Mú sɔ alɔ ámóú anɔ Sí Onumnyampɔ amɔ lókɔsúa mɔ tsú afúlitɔ ámɔ a, alɔ kén anɔ é abétsiá itsiá pɔpɔwɛtɔ ní.

⁵ Mú sɔ iniá ania mɔnyɔ anilóbwe kɔle mɔ lowutɔ á, alɔ kén ania mɔnyɔ lóbwe kɔle mɔ kɔsú tsú afúlitɔ é ní. ⁶ Mlɔbɔ ání bréá bɛda Yesu mántá oyikpalíhe amɔsɔ á, mɔa anɔ tsiátɔ dada amɔ lówu, ménɔ aníméetrá bwe lakpan nkpábi. ⁷ Tsúfɛ ní ɔha owú á, ɔtamatráa bwe lakpan. Lakpan má mɔsɔ túmi. ⁸ Iniá ania mɔnyɔ anilawú sɔ á, anɔbɔ hógɔyɔ ání ania mɔnyɔ abétsiá nkpa. ⁹ Anɔyin ání Bulu lókɔsúa Kristo tsú afúlitɔ. Ɔméetrá wu ekekɛɛkɛ. Lowu ɔtráa ma mɔsɔ túmi. ¹⁰ Yesu lówunáa wu ɔtsáwɔle, ménɔ ɔbɛle lakpan inɔ. Táme iniá ɔtsie nkpa á, ɔtsie ha Bulu. ¹¹ Mlɔ é mlɔkɔ mlɔ iwɔ ání mlɔlawú há lakpan, amɔlɔle mlɔ iwɔ le mú túmi asɔ. Mlɔtsia nkpa ha Bulu, tsúfɛ mlɔa Kristo Yesunɔ mlɔlabwɛ kɔle.

¹² Inɔ sɔ mlɔmáha lakpan igɔyɔ mlɔ nyankpɔsa-oyí ání ibówu ánífɔsɔ, ménɔ iméeha ɔwólɔ laláhe igɔyɔ mlɔsɔ, amɔlbwe tóá ideklɛ. ¹³ Mlɔmáɔpɔ mlɔ nyankpɔsa-oyí iwɔ ató há lalahɛbwe. Mboún mlɔpɔ mlɔ iwɔ fɛé ha Bulu, fɛ ahá ání alakósúa amó tsú afúlitɔ ba nkpatɔ, ɔpɔ mlɔ bwe tóá ida ɔkpa. ¹⁴ Ima alɛá lakpan ɔbétrá gyɔ mlɔsɔ, tsúfɛ séi mlɔtráa mlɔmá Mose Mbla ámɔ asɔ. Bulu awɔtɔle asɔ mboún mlɔbɔ.

Yilébwe Nkpábi Anɔgyɔ

¹⁵ Inɔ ɔma a, amansɔ abéblɔ? Iɔbɔ alɛá abétrá bwe lakpan séi ání ánimá mbla ámɔ asɔ, anɔbɔ Bulu awɔtɔle mboún asɔ? Ekekɛɛkɛ! ¹⁶ Mlɔiméyín ání ní mlɛba iwɔiasɔ há tɔkɔ, mlɔidé mú apé bwe, mlɔidé mú súm fɛ mlɔ wíe a, mlɔlabwɛ mú nkpábi? Ní mlɛba iwɔiasɔ há lakpan á, múmó mlówu, táme ní mlɛba iwɔiasɔ há Bulu á, mlégyɔ asɔ mɔ ansítɔ. ¹⁷ Mlɔlóbwe nkpábi há lakpan bré kɔtɔ. Séi á, mlɔlapó mlɔ klɔn fɛé hɔ atosunáhé amóú bapóhá mlɔ ámɔ, mlɔidé mú sɔ gyí. Mú sɔ nde Bulu ipán da. ¹⁸ Bulu lahá mlɔlagɔyɔ iwɔ lé lakpan ibɔtɔ, mlɔlabwɛ nkpábi há yilébwe. ¹⁹ Alɔá ibóbwe mlónu asón ánífɔ asɔ, sɔ napó nkpábi tsiátɔ nde mlɔ suná. Bré kɔtɔ á, mlɔlóbwe mlɔ iwɔ nkpábi há hakpan móa lalahɛbwe. Alɔ kén ilehián ání mlóbwe mlɔ iwɔ nkpábi ha yilébwe, ménɔ mlófɔn yi nɔ.

²⁰ Bré ámóú mlɔgyí nkpábi há lakpanbwe ámɔ a, yilébwe má túmi mlɔsɔ. ²¹ Labi mɔmɔ mlɔlénɔya tsú lakpan ámóú mlɔlóbwe, nde ibɔ mlɔ péli amɔtɔ? Mú labi gyí lowu. ²² Táme séi mú á, Bulu lahá mlɔlagɔyɔ iwɔ lakpanbwe túmi asɔ. Mlɔlamlí mɔ nkpábi. Labiá mlénɔya tsú mó tó gyí; mlɔlétsiá tsiátɔá ilɔfɔn yi, nyá nkpa ání itamatá. ²³ Tsúfɛ lakpanbwe ikɔká gyí lowu, táme Bulu atokiehé gyí nkpa ání itamatá. Mú ɔlɔpɔgyɔ anɔ bɔale tsɔn ania anɔ Wíe Kristo Yesu ikɔlɛbwe sɔ ní.

7

Mbla Amv Itráa ma Túmi Akristofosu

¹ Mí apíó, mli fée mliyin Mose Mbla ámu. Mliyin ání bréá oha tsie nkpa á, obo mbla asi. ² Fée ní otisi tsia okúlu, mu kulu amv mókówú á, obo mu kulu amv asi. Táme ní mu kulu amv owú a, alagyi iwí, okúlu wóyí mbla kuku itráa medé mu. ³ Mú alí su ní mu kulu amv mókónyá wú, odáli mu oha a, alató mbova. Táme ní mu kulu amv owú mú á, otráa oha okúlu wóyí mbla asi. Mú su ní oláyétsiá oyin bábmbá á, omakótó mbova. ⁴ Mí apíó, alí kén igyi há mli ní. Mli é bréá mlilóhó Kristo gyi a, mlia mnyo mlilówu. Mú su mlitráa mlímá Mose Mbla asi. Séi á, mlilabwé oha amóu Bulu lókusúá tsu afúlitó ámu klé, méni mlóbwe yilé há Bulu. ⁵ Tsúfé bréá aníbu aní tsiátó dada amotó á, mbla ámu léha aní owóli laláhe legyi anísu. Mú su anilóbwe tóá itopú lowu ba. ⁶ Táme séi mú á, Bulu lahá anilagyi iwí tsú mbla amóu teki aníbu mú asi ámu ibitó. Ania Kristonyo lowu. Mú su mbla ámu itráa ma túmi anísu. Anilagyi iwí, anidé Bulu súm tsun okpa pwpwe ání Oje Wankíhé dé aní sunásó. Megyí okpa ání mbla wánlínhé amv lósuná anísu.

Mbla Amv Múa Lakpanbwe

⁷ Mú su anidébli aníaa, ito laláhe Mose Mbla ámu gyí? Ekekekeke! Mbla ámu íbéha abébi tóá lakpan gyí. Teki ní mbla ámu imebli obée, “Mápe ansí fú bá atósó” a, teki mmebi tóá gyí onsípe. ⁸ Ina alí mbla ánífi su lakpan lénya okpa pú onsípe kugyíku wá mító. Tsúfé ní mbla ámu má inu á, teki lakpan má túmi mísó. ⁹ Mí onutó netsiá bré kotó, mmebi mbla ámu. Táme bréá nebebi mú á, nowun ání napán músó. Lakpan obwepú ngyi. Mú su nówu. ¹⁰ Nowun ání mbla amóu nki mbée, íbéha mí nkpa ámu lópu lowu ba mí. ¹¹ Tsúfé lakpan lénya okpa tsun mbla ámu su mlé mí, mó mí.

¹² Tsiátó mbla ámu mú á, tsitsa kuku ma mú iwí. Mú nhíhé kugyíku lowankí, ida okpa, íbu alé é. ¹³ Mú su idesuná ání Bulu mbla ánífi íbu alé ánífi lópu lowu ba mí? Ekekekeke! Megyí alí igyi. Lakpan lótsun ito wankláán ámu su pú lowu ba mí. Ina mbla ámu su lakpan léle iwí súná ání itépi ma alé.

Atóá Idekó Nyankpwsato

¹⁴ Aníyin ání onétó ató mbla ámu gyí, táme mí mú á, nyankpwsa ngyi. Nabwé lakpan okpábi. ¹⁵ Mmetáli bí mí tsiátó, tsúfé megyí tóá ndeklé ntóbwe, tóá mmedéklé mboún ntóbwe. ¹⁶ Ní tóá mmedéklé ndebwe mú á, natsúlá ání Mose Mbla ámu íbu alé. ¹⁷ Idesuná ání megyí mí dé alí ató ánífi bwe. Mboún lakpan túmiá íbu misu téhá ntóbwe mú. ¹⁸ Nyin ání bré ánífi mbu mí tsiátó dada anfitó á, ito wankláán kuku má mító, tsúfé nyankpwsa ngyi. Ntekleá nóbwe yilé, táme nakásián. ¹⁹ Mmedé yiléá ndeklé bwe. Lalahé amóu mmedékléá nóbwe

ámυ mboún ndεbwε. ²⁰ Ní ndε lalahε amóú mmedékléá nóbwε ámυ bwε á, mómó idesuná ání megyí mí onutó dé mó bwε. Mboún lakpan túmi ámóú íbu mίto ámυ dé mó bwε.

²¹ Mó sv nawun ání mbla ánífί lagyi mίsv. Ní ndekléá nóbwε yilé á, lalahε kóún ntóbwé. ²² Tsúfé nhíé ndekléá négyi Bulu mbla ámυsv tsú mí klntó. ²³ Táme ntowun ání mbla kv dé mbla ámóú íbu mí klntó ámυ ísá kó, gyi mósú, bwé mí lakpan ókpábi. Ilahá lakpan ámóú íbu mίto ámυ íde mí bwεhé kugyíkúsv gyí. ²⁴ Kí ípian kpókpókpóntiá mbυ mótó! Ílapú mí íya lowutó. Ma óbéle mí tsú mótó? ²⁵ Táme aní Wíe Yesu Kristo sv ndε Bulu ípán da ání alalé mí!

Mí klntó mó á, tekí ndekléá nóbwε Bulu mbla ámυ ókpábi. Táme tsiátó lalahε amóú íbu mίto ámυ lahá nabwé lakpan ókpábi mboún.

8

Nkpatsiá Dinká Bulu Ōhε Amv Asónsó

¹ Iní sv séi á, Bulu méétrá ha ahá ání amúa Kristo Yesunyo babwé kule ípón. ² Tsúfé Kristo Yesu sv Ōhε Wankíhé túmi ání ítehá nkpa lahá anílagyi íwí tsú lakpanbwε móa lowu íbitó. ³ Mose Mbla ámυ métalí lé aní tsú aní lakpantó. Tsúfé aní tsiátó dada amóú ítehá anítóbwé lakpan ámυ ímeha anumégyí mbla ámυ atosunáhésv. Táme Bulu lótsón ókpa pópwesv hó aní. Ōlwa mv Bi onutó lébá fé nyankpósa ání ótóbwé lakpan, táme mv mó ómóbwε lakpan. Bulu lótsón mv lowusv mó aní tsiátó dada amóú lakpan legyi mósó ámυ. ⁴ Ōlówε mó alí, méní ní aníbuo Ōhε Wankíhé amv a, abétalí tsiá tsiátó wankláán ámóú tekí mbla ámυ lósuná ámυ, anuméétrá tsiá aní tsiátó dada amv. ⁵ Tsúfé lalahε ahá ání tsiátó dada ámóú ítóbwé lakpan íde amósú gyí butógywín. Táme ahá ání búbuo Ōhε Wankíhé amv a, tóá Ōhε ámυ tekle butógywín. ⁶ Ōhá ání lakpan lagyi mv tsiátósv tenyá lowu tsú mótó. Táme óhá ání Ōhε Wankíhé lagyi musv mó tenyá nkpa móa íwilwii. ⁷ Tsúfé óhá ání lakpan lagyi mv tsiátósv tolú Bulu. Ōtamagyi Bulu mblasv, tsúfé óméetalí gyi mósó ekekeke. ⁸ Ahá ání lakpan lagyi amó tsiátósv buméetalí gyi Bulu ansí.

⁹ Táme Bulu Ōhε bv mίto lélé. Mó sv mlíméétrá tsiá mlí tsiátó amóú lakpan legyi mósó ámυ. Mlóbwε tóá Ōhε Wankíhé amv tekle. Ní ókv má Kristo Ōhε ámυ a, omegyí mv kle. ¹⁰ Íbu mótóá lakpan sv mlí nyankpósa-oyí ánífί obówu. Táme ní Kristo bv mίto á, mlí ókláa bv nkpa. Tsúfé Bulu latsú mlí ání mlí asón da ókpa mv ansító. ¹¹ Bulu lókúsúa Kristo tsú afúlitó lélé. Mó sv ní mv Ōhε bv mίto á, mómó óbótsón Ōhε ámυsv há mlí nyankpósa-oyí ámóú íbówu ámυ nkpa pópwε.

12 Iní sv mí apíó, imehián ání abétrá tsiá aní tsiátó dada amv, bwé tóá aní ɔwólí laláhe tekle. Mboún lehián ání abóbwe tóá Ɔhe Wankíhé tekle. 13 Tsúfé ní mletsíá mlí tsiátó dada amvto á, mlówu tsítsá. Táme ní mlɔtsvɔn Bulu Ɔhé ámvsv kíná mlí nyankpɔsa-oyí ámv apé bwe á, mlétsiá nkpa ání itamatá. 14 Tsúfé ahá ání bahá Bulu Ɔhé de amó kpa gyí Bulu abí. 15 Megyí Ɔhé ání ibéha mlóbwe nkpábi, tsiá nyá ifú Bulu lópwá mlíto. Mboún Ɔhé ámv lóbwe mlí Bulu abí. Ɔhé ámv sv anitetalí su kpolí Bulu aníaa, “Abba, mí Sí!” 16 Ɔhé ámv totsúlá há aní ání lélé á, Bulu abí anígyí. 17 Ní Bulu abí anígyí á, mómó anígyí mv ató agyípó. Aníaa Kristonyɔ obégyi mv ató. Tsúfé ní awun Kristo ipian ámv kv á, mómó abénya mv numnyam amv é kv.

Numnyam Aní Abénya Ekekó

18 Ní nekí numnyam ání ida gyo aní, Bulu ɔbéle súná aní á, ipian ání anidéwúun bré áníto imɔfvɔn mó ɔtinetine. 19 Bulu ató bwehé fée bohíe bɔde ɔkpa kí ha ekeá Bulu ɔbéle mv abí numnyam ɔwan. 20 Tsúfé Bulu ató bwehé fée lasí ida keke. Megyí mó onutó apé igyi. Mboún mólóbwe mó alí, íha mv ató bwehé fée íkí ɔkpa 21 ání ekekó á, ɔbéha amó fée bégyi íwi, bvmétrá yintá ekekeke. Mv ató bwehé ámv ibénya mv abí íwígyí pó amó numnyam amv kv. 22 Aníyin ání ɔvɔv nde á, Bulu ató bwehé fée ide íwíɔsin wúun. Idekímí fé alíá íkwí todwín ɔtsi. 23 Megyí Bulu ató bwehé ámv nkole dékímí. Aní ámvóó alapó mv Ɔhé, igyi mv atokiehé gyankpapv wá aníto ámv é anidékímí aní klvntó. Aníhíe anitsie anígyó ekeá Bulu ɔbéha aní nyankpɔsa-oyí ání obégyi íwi, ɔbóbwe aní mv abí. 24 Tsúfé ɔkpakí aní sv ɔlɔhɔ aní nkpa. Butamakí tóá fóbv ɔkpa, tóá fuma ɔkpa bɔteki. 25 Ní anidé tóá anímá ɔkpa kí a, anítenyá klvntó tsiá gyo mó.

26 Ɔhe Wankíhé amv tetsá aní aní póntó. Tsúfé aníméyín alíá abókvlí Bulu ató, íbégyi mv ansí. Ɔhé ámv onutó tshíe kímí pókvlí Bulu ató há aní, dvn alíá aní onutó abétalí. 27 Bulu yin ɔhagyíɔha klvntó asún. Mú sv oyin mv Ɔhé ámv agywíun. Tsúfé Ɔhé ámv tokókólí Bulu há mv ahá alíá Bulu onutó dé mó klé.

28 Aníyin ání Bulu tshá tógyító tɔwá alé há mv adwepó. Amógyí ahá ání mv onutó ɔleti mv nhíhíe ɔnó ní. 29 Tsúfé ahá ámvóó Bulu yin yaí ámv a, amó ɔlele. Ahá ámvóó ɔlele ámv ɔleti ɔbée, bvbélian mv Bi ámv. Fówun mv Bi ámv ɔbóbwe ɔdéhen mv abí tsɔtsɔtsɔ. 30 Ahá ámvóó Bulu yin yaí dodo amv ɔleti. Ahá ámvóó ɔleti ámv olotsu ání amó asún da ɔkpa mv ansító. Ahá ámvóó olotsu ání amó asún da ɔkpa ámv ɔlɔwa numnyam.

Yesu Bulu Ɔdwe Ɔwanle

31 Amansv anítráa aníbv blí tsú íní íwí? Ní Bulu bv aní wá á, ma ɔbetalí kúsó líí anísv? Ɔhaa má ívɔ! 32 Bulu mékiná mv onutó mv Bi ámv sí há lowu aní fée nwunsv. Olesi mv há faan.

Nkálí sù ɔmóɔpɔ ató tráhe fée tsía mɔ Bi ámutɔ há aní? ³³ Ma ɔbétalí ká asún dínká ahá ámúú Bulu lalé ámɔsɔ? Bulu lóó? Ekekekeke! Mɔgyí ɔhá ání alatsú aní ání aní asún da ɔkpa mɔ ansító. ³⁴ Ma ɔbétalí há aní ipón? Ɔhaa má inɔ! Tsúfɛ Kristo Yesu gyí ɔhá ání olobowu há aní, Bulu lókɔsúa mɔ tsú afúlitó. Alayó otsie Bulu gyɔpɔsɔ, ɔde mɔ kokóli aní nwunsu. ³⁵ Ma ntée ntó ɔbétalí títi ania Kristonyɔ nsiné ɔdwetɔ? Asun wunhe lóó, ntée ikplán? Ní bɔdɔn anisɔ lóó, ntée akón? Yayá natí lóó, ntée lowu? ³⁶ Tsúfɛ bɔwanlín wá Bulu asun wanlínhé amɔtɔ beɛ, “Fú sɔ bɔde aní mɔ ekekegyíeke.

Bɔde aní kí fɛ akúfa ání bapú beya ɔmɔkpá.”

³⁷ Táme ínɔ féeétó a, ɔdwe ámúú Kristo bɔ ha aní ámɔ sɔ anɔlagyí isɔ dáfa. ³⁸ Tsúfɛ nhíé nyin ání tɔtɔ méetalí ká ɔdweá Bulu bɔ ha anitɔ. Lowu o, nkpa o, Bulu-abɔpɔ o, túmi kugyíkɔvá itráa de iwíe gyí ɔsúsú o, atóá ɔbɔ nu séi pú móá ɔbɛba o. ³⁹ Tógyítóá ɔbɔ ɔsú pú asɔ ntée ɔsɔlɔb ayasɔ kukukukú méetalí ká ɔdwe ámúú Bulu ladwé aní tsun aní Wíe Kristo Yesusɔ ámɔtɔ ekekekeke.

9

Ahá Aní Bulu Lalé

¹ Mía Kristonyɔ anɔlabwé kɔle. Mó sɔ ɔnɔkwali asún ndeblí séi. Ɔhe Wankíhé dé mí kpa. Mó sɔ mí klɔn é de mí bláa ání mmédé afunu wa. ² Mí pɔ Israelfɔ sɔ asún ihíé de mí háan, ahumitíá imeká itin de mí. ³ Ní ɔbɔwa alá nénya ɔlwi, mía Kristonyɔ nsiné béyintá, ménɔ bénya nkpa ání itamatá kóráá á, teki nɔpɔ iwí há. ⁴ Mí pɔ Israelfɔ gyí ahá ání Bulu léle pɔbwé mɔ abí. Amú ɔlele mɔ numnyam súná. Ɔleka ntam há amú, pú mɔ mbɔla wá amú ɔbitɔ. Olosuná amú ɔkpa ání bɔpɔtswe mɔ. Ɔlebláa amú tóá alahíé ání ɔbɔpɔhá amú fée. ⁵ Amú léɔn tsu Israelfɔ anáin akpɔnkpɔntɔ ámɔtɔ. Móá ɔdɔn kóráá á, amótó Kristo amɔ lébelɔn ɔsɔlɔb anfisɔ. Kanfó letsíá Kristo, (ɔhá ámúú Bulu ladá mɔ ofúli amɔ), ogyi Bulu, ató féeésú ogyípú amɔ bré féeétó! Amen!

⁶ Inɔ imosuná ání Bulu asún ámúú ɔleblí tswɔ amɔ imeéba mótó. Tsúfɛ megyí Israelfɔ ámɔ fée gyí Israelfɔ onutónutó.

⁷ Megyí Abraham abí fée gyí mɔ abí onutó. Tsúfɛ Bulu lébláa Abraham ɔbée, “Isaktɔ fú abí-aná bédalɔ tsu.” ⁸ Inɔ lósuná ání megyí ahá ání botsú Abraham abí féeétó gyí Bulu ahá. Abraham abí-aná ámúú Bulu léhie há mɔ amɔ nkɔle gyí Bulu ahá. ⁹ Tsúfɛ tóá Bulu léhie Abraham gyí, “Néyinkí bá ofiébá seɛbeɛ. Néba a, fú ká Sara lakwí obiyímbi.”

¹⁰ Megyí ínɔ wɔle. Rebeka lókwí atabí há aní náin Isak. ¹¹ Táme bréá ɔmɔkónyá kwí amú, abɔdan bɔ yilé ntée lalahɛbwe á, Bulu lébláa Rebeka amú iwí asún. Bulu lóbwɛ mó alɔ, ménɔ ɔbɔsuná aní ání ɔkpa ámúú ɔtɔtsun mósú hɔ ahá ámɔ

umená anɪ bwɛhɛsú. Mboún ina mu nkɔle pé apé pú alhá ɔtelé mu ahásu. ¹² Asa Rebeka ɔbókwi nyebí ámu a, Bulu lébláa mu ɔbé, “Ɔdéhen obósum ɔkusu.” ¹³ Fé alhá bɔwanlín wá Bulu asɔn wanlínhé amɔtɔ bɛɛ, “Ntɔdwé Yakob dɔn Esau.”

¹⁴ Séi á, nkálí abéblí? Abéblí aniaa, Bulu asún mɛda ɔkpa lóó? Ɛkekɛkɛ! ¹⁵ Tsúfé Bulu lébláa Mose ɔbé, “Ahá aní nówun amú nwe á, amú nówun nwe. Amóá nahíéá négyi buale a, amú négyi buale.” ¹⁶ Mú su megyí ɔha apé ntée mu nsiwa Bulu tekɪ. Mboún mu onutó nwewúun igyi. ¹⁷ Bɔwanlín wá Bulu asɔn wanlínhé amɔtɔ bɛɛ, Bulu lébláa Egypte owíe Farao ɔbé, “Atoku anyɔ ánfɪ su neyáí fú iwíe, alhá nótɔn fɔsɔ lé mí túmi súná, pú alhá ɔyítɔ ahá féé bónu mí dá, kanfú mí.” ¹⁸ Inɪ su ní Bulu ɔhíé aní obówun ɔku nwe á, otowun mu nwe. Ní ɔhíé aní ɔbéha ɔku ɔbówa klɔntɔ odwin é á, ɔtɛhá mu ɔtɔwá klɔntɔ odwin.

Bulu Ɔblónya Pó Mu Ahá Nwewúun

¹⁹ Mlɪtɔ ɔku ɔbéfité ɔbé, “Ní alɪ igyi ní mú á, ntogyi só Bulu dé nyankpɔsa ipón ha? Ma ɔbétalí tin Bulu ɔkpa?” ²⁰ Táme ndɛ mlɪ fité mbéɛ, fúgyi ma aní féle Bulu dlá? Ɔlɔ ɔbétalí fité mu ɔpwepú ɔbé, “Ntogyi su fapwé mí alɪ?” ²¹ Alhágyíalíá igyi á, atɔ ɔpwepú tɔpú obón pwé tɔá odeklé. Ɔbétalí pú obón ipin kɔle pwé nlonyɔ. Ɔbópu kɔle bwé ɔlɔ nu ntsu, kpá nsúó wá kɔletɔ.

²² Alɪ kén igyi há Bulu ní. Ɔbu ɔkpa lé mu ɔbló súná, ménɪ ahá bówun mu túmi. Táme ɔlehɪe nyá klɔn há ahá ámúó olenya ɔbló amósú amu. Tekɪ dlɔfɔn aní ɔbéhɪ amú. ²³ Bulu bu ɔkpa lé mu numnyam kpɔnkpɔntɪ ámu ɔwan ahá ámúó ɔlele yáí aní obówun amú nwe, ɔwa amú numnyam amusu. ²⁴ Anígyí ahá ámúó ɔlele yáí ámu nɪ. Megyí Yudafo nkɔletɔ ɔlele ahá. Ɔlele ahá aní bumegyí Yudafo aku é. ²⁵ Bulu léblí mu ɔnósú ɔtɔípú Hosea ɔwolótɔ ɔbé,

“Néti ahá ámúó tekɪ bumegyí mí ahá ámu mí ahá.

Ahá ámúó tekɪ ntamakle amú asún ámu ɔbóbwe mí adwepú.

²⁶ Ɔtíné ámúó tekɪ nebláa amú mbéɛ, ‘Megyí mí ahá mlɪgyí’ ámu a,

inufɔ néti mbéɛ, ‘Bulu Ɔkɪankpapu abí’ ní.”

²⁷ Bulu ɔnósú ɔtɔípú Yesaia lókplɔn bláa Israelfɔ ɔbé, “Ní Israelfɔ bekléí fé ɔpu ɔnɔ ɪsɪ kóráá á, amútɔ ahá kpalobí pé nóho nkpa. ²⁸ Tsúfé ɔbɪsasɔ anɪ Wie obégyi ɔyítɔ ahá féé asún, búa mó wankláán.” ²⁹ Tsúfé Bulu ɔnósú ɔtɔípú Yesaia légyankpá wanlín wá Bulu asɔn wanlínhé amɔtɔ ɔbé, “Ní mí Wie Bulu, túmi féé Owíe mési anɪ abí-aná aku yáí á, tekɪ anɪ féé abéhɪ fé Sodom móa Gomorafɔ.”

Israelfɔ Bulu Máhogyi

³⁰ Nkálí anɪdéblí ngya? Anɪdéblí aniaa, ahá ámúó bumegyí Yudafo ámu bumɔbɔ mbódí kɔku, asa Bulu léha amú asu! Hógyi só benya mó. ³¹ Táme Israelfɔ ámúó amú ansí lepe, buɔde mbla

ámusu gyí, Bulu ðha amó asu ámu bumeṭalí. ³² Ntogyi su? Tsúfẹ bumepe ansí pọ hógyi dúnká mú. Iḽbwε amó fẹ mbla ámusu gyísu Bulu ðbótsun ha amó asu. Iní su bosutiin “Ibwi ámúú itelẹ ahá dá” ámusu dida kpla. ³³ Ibwi ánfı ıwı asón bəwanlín wá Bulu asun wanlínhé amotə beε,
 “Bulu ðbéε, ‘Mlíkı!

Ndepu Ibwi* tswı Sion wúlutə.

Ahá bósutiin ibwi ámusu dida.

Pélı méekıtá ðhagyíðha ání ðlɔhə mu gyı.’ ”

10

¹ Mí apíó, t́á ntekle mí klontə, pọ mpái ání ndeḽə gyí, Bulu ðbóhə mí ahá Israelfə. ² Nétalí gyí amó ıwı adánsıε mbée, amó ansí lahié pé Bulusúm ıwı, táme bumeı́n əkpa ání bótsun músú súm mu wankláán. ³ Tsúfẹ bumeı́n əkpa ání Bulu tətsun músú há ahá asu. Mú su beyırı ıwı bude amó əkpa dunká, ménı bégyı asu Bulu ansıt́. Mú alı su bumeḽa ıwıası há əkpa ámúú Bulu tətsun músú há ahá asu ámu. ⁴ Ɖnəkwalı amu gyı, Kristo lómə Mose Mbla ámu fée ɔnə. Mú su ðhagyíðha ání ðlɔhə mu gyı obégyı asu Bulu ansıt́.

Nkpaḽə Bv Inu Há Ɖhagyíðha

⁵ Mose lówanlín tsú ðhagyíðha ání ətekı mbla ámu ání músú Bulu ðbótsun tsu mu ání mu asón da əkpa ıwı ðbéε, “Ɖhagyíðha ání otegyı mbla ámusu ðbótsun músú nyá nkpa.” ⁶ Táme hógyısu butətsun gyı asu Bulu ansıt́. Bulu asun wanlínhé amu léblı ðbéε, “Máfıté ıwı fεε, ‘Ma ðbódu yó əsúsú?’ ” (Fefıté alı á, ilosuná ání f́yɔpu Kristo tsúa əsúsú ba.) ⁷ Ntee fıte ıwı fεε, “Ma ðékplı yó əsolúu ayası?” (Fefıté alı á, ilosuná ání f́yɔpu Kristo tsúa afúlıtə ba.) ⁸ Mbuún asón ání Bulu asun wanlínhé amu léblı gyı, “Bulu asón ámu ıma fıə fı wá. Iḽ fı ɔnət́, ıḽ fı klontə dodo.” Asón ámu gyı hógyı asón ámúú anıdeblı ámu nı. ⁹ Nı fobwı́ ɔnə blı fεε, “Yesu gyı anı Wıe,” fəpó fı klun fée hogyi ání Bulu lókusúa mu tsú afúlıtə á, Bulu ðbóhə fı nkpa. ¹⁰ Tsúfẹ ıklun ðha təpóhə Kristo gyı. Fówun Bulu obótsu mu ání mu asón da əkpa. Ɖnə é ðha təpóblı ðbéε, Yesu gyı mu wie, ménı Bulu ðbóhə mu nkpa. ¹¹ Alı kén Bulu asun wanlínhé amu léblı ðbéε, “Pélı méekıtá ðhagyíðha ání ðlɔhə mu gyı ekekeεke” ní. ¹² Inı su ıme fáhun ání Yudayın fıgyı, ntee fımegyı́ Yudayın. Tsúfẹ owıe əkule pé ası amó fée buḽu. Ɖbópu mu yıləbwε gyı ahá ání bosu kpolı mu fée buale. ¹³ Alı kén Bulu asun wanlínhé amu léblı ðbéε, “Ɖhagyíðha ání otosu kpolı anı Wıe obénya nkpa” ní.

¹⁴ Táme nkálı bétalı su kpolı ðhá ání buməhə mu gyı? Nkálı bétalı hə ðhá ání buməkónú mu ıwı asón gyı? Nkálı bónu mu ıwı asón ní ðhaa méda mú əkan súná amú? ¹⁵ Nkálı bétalı dá

* 9:33 Ibwi ámu gyı Kristo.

mó ɔkan súná amó, ní bɔmɔkówá amó? Bulu asɔn wanlínhé amɔ lébílí ɔbéé, “Uhíé bɔ akílé ání fówun ání ɔha ɔbá beda Bulu asɔn wankláán ɔkan!” ¹⁶ Táme megyí Israelfɔ fée lóhɔ Bulu asɔn wankláán ámu. Tsúfé Bulu ɔnósú ɔtɔ́pú Yesaia lówanlín wá mu ɔwolótó ɔbéé, “Mí Wíé, ɔhaa móhɔ aní asɔn blíhé amɔsu gyi.” ¹⁷ Táme asɔn wankláán ámu tēhá butohogyi. Ina Kristo asɔn ánfí blísú ahá butonú mu asún. Mó nu sù ahá butɔhɔ mu gyi.

¹⁸ Mbée, beɛ nú bɔmonu asón ámu? Bonu! Tsúfé Bulu asɔn wanlínhé amɔ lébílí ɔbéé, “Amó ɔme lawíé ɔyító fée,

ámó asón é lawíé tsútsúútsú.”

¹⁹ Ntráa fité. Israelfɔ bɔmonu mu asón asi? Móa Mose lébláa amó gyankpapu gyí,

“Bulu ɔbéé, ‘Nópu ɔmá ání bɔmegyí Israelfɔ wá mli ansipere.

Nóyulá ɔmá mímláhe pówá mli ɔbló.’ ”

²⁰ Bré bámbátó a, Yesaia lówa klɔn bláa amó ɔbéé, “Bulu ɔbéé, ‘Ahá ání bɔmedé mí dunká lémentí mí.

Ahá ání bɔmefité mísú nele iwí ɔwan súná.’ ”

²¹ Táme Israelfɔ ámu mó á, Bulu lébílí amó iwí asún ɔbéé, “Iníá natéi ibitɔ bré fée ání nóhɔ amó atúu ó á, butráa buɔe asɔtɔ-ɔnlɔn wa. Bɔmedé mí bu.”

11

Bulu Israelfɔ Nwewúun

¹ Nde mli fité mbée, mó su Bulu lakíná mu onutó ahá léle? O-o! Mí onutó ánfí óó Israelyin ngyi. Abraham abí-anátó notsú. Benyamin abusuantɔ obí ngyi. ² Megyí beɛ Bulu lakíná mu onutó ahá amó ɔlele amó yái ámu. Mlikain alí amóú Bulu asɔn wanlínhé amɔ lébílí tswi ɔbéé, Bulu ɔnósú ɔtɔ́pú Elia lékla Israelfɔ iwí asón súná Bulu amɔsu. ³ ɔbéé, “Mí Wíé! Israelfɔ bamó fú ɔnósú ɔtɔ́pú fée. Babwíé fú afɔɔie-asubwi é fée. Iasí mí nkɔkónú nkɔle. Bɔdekléá bómɔ mí é.” ⁴ Bulu léha Elia mbuaí ɔbéé, “O-o! Megyí fú nkɔle lásí. Tsúfé nalé ahá mpím-sienó (7,000) ání bɔmɔkótswe ɔkpi Baal* kí há mí iwí.” ⁵ Alí ígyi nde nke ánfítɔ é ní. Bulu lawá awítɔle lé Israelfɔ kpalobí aku yái. ⁶ Ní alawá awítɔle lé aha aku á, mómú itráa megyí ɔha bwehé su ɔbéle mu. Tsúfé ní ina ahá bwehésú mó á, tekí mu awítɔle amɔ ilesian.

⁷ Mó nkálí ilegyi? Israelfɔ ibi meda itó amóú bepe ansí bɔdedunká ámu. Amótó ahá kpalobí akvá Bulu léle yái nkɔle ibi léda mó. ɔleha atráhe bɔwa asɔtɔ-ɔnlɔn bréá ɔɔe ahá ti. ⁸ Bulu asɔn wanlínhé amɔ lébílí ɔbéé, “Bulu léha ɔlelɔn amó ɔwólí. Mó su bótu nde bɔmetálí pú amó ansíbi wun ató, pú amó asu é nú asón.” ⁹ Owíé Dawid é lébílí ɔbéé,

* **11:4** Baal gyí ɔkpi ɔkúá ahá amóú begyankpá tsíá ɔsolúu amɔsu asa Israelfɔ beba betsiá unu ámu bosúm.

“Amó ɔdwe ogyíkpa ɔbwée mpósa aboda mótó. ɔbwée agbláa, ɔkpa kita amó.

ɔbwée ima, abusrɛi dida mótó, ɔbwe ɔsubítí ha amó.

¹⁰ Ansító iklún amó, ménɪ bóméetrá wun ató.

Ha abotsia ipiantó bré fée.”

¹¹ Mó sɔ ntráa ndefíté mbée, Yudafo basrɛi dida, bóméetalí trá kusú? Ekekeke! Amó lakpan sɔ Bulu lóhɔ ahá aní bomegyí Yudafo nkpa. Fówun ɔpe amó ansí. ¹² Séi á, aniyin aní Yudafo lakpan só ɔmá fée banyá ató wankláán. Amó dida lawá labi há ahá aní bomegyí Yudafo. Ní belányá nkpahó mó á, mómó labi aní ahá aní bomegyí Yudafo bénya ima blító.

Ahá Aní Bomegyí Yudafo Nkpahó

¹³ Ahá aní mlimégyí Yudafo, mli nde asón anfi bláa nya a. Kristo sumbí ɔyɔpó ngyi. ɔlɔwa mí sumbí mli wá. Mí gymagyihe legyi mí ansí. ¹⁴ Fíali nétalí há mí ahá Yudafo ansí bépe, fówun Bulu obénya ɔkpa hɔ amótó akɔ nkpa. ¹⁵ Bréá Bulu lédamlí ɔma há Yudafo á, ɔleha ɔmá atráhe fée bɔbwe Bulu anyawie. Ní igyi alí mó á, brégyíbréá Bulu ɔbóhɔ amó é á, ɔbɔbwe fé afúli fée bakúsú tsú afúlitó.

¹⁶ Ní belé tɔkɔtɔ gyankpapɔ há Bulu igyi a, mómó itó ámu fée igyi mɔ kle. Ní Bulu bó oyí nlin á, idesuná aní oyí ámu abámbi é igyi mɔ kle. ¹⁷ Bekpalí oyí bámbi pú bambá tsá mósó. Yudafo gyí oyí ámu. Mli ahá aní mlimégyí Yudafo gyí bámbi bambá ámú bapó betsa mósó ámu, ménɪ mlénya oyí ámɔtɔ ntsu wankláán ámu kɔ. ¹⁸ Mó alí sɔ á, mlimáki mliaa mli dɔn oyí ámu onutó abámbi amú Bulu lékpalí lé ámu. Mlimátsu ɔwɪ amó ansító, tsúfé oyí ámu nlin tamanu ntsu lé mli tɔ. Mli mboún tonu ntsu lé mótó pódan.

¹⁹ Fíali mli akɔ mléblí mliaa, “Bekpalí abámbi amɔ, ménɪ aní é abénya oyíkpa.” ²⁰ ɔbu mótó alí. Itsú alíá Israelfɔ bómohogyi só Bulu lékpalí amó tsítsá. Mli é mli hógyi só Bulu lapó mli tsá mósó. Mó sɔ mlimáha nwuntó ɔwa mli ɔdwe. Mliha ifú ɔkita mli. ²¹ Tsúfé Israelfɔ amú bɔgyi oyí ámu onutó abámbi kóráá bɔbwe lakpan, Bulu lébití amó ɔsɔ, mó mli? ²² Séi á, mliawun aní Bulu bɔ awítɔle, táme mɔ asón bɔ ɔnlin. ɔbɔ ɔnlin ahá aní badida hógyitɔsɔ. Táme alawá awítɔle há mli. ɔbówa awítɔle há mli ní mli ansí dɔn mɔsɔ. Ní megyí alí á, ɔbébití mli ɔsɔ mli é. ²³ Táme ní Yudafo amú besi mɔ hógyi amɔ beyinkí bɔhɔ mɔ gyi a, Bulu ɔbélapó amó tsá oyí ámɔsɔ. Tsúfé ɔbɔ túmi aní obéyinkia amó tsá. ²⁴ Mli ahá amú mlimégyí Yudafo ámu mó á, oyí láláhe bámbi mli gyí, bɔpɔ mli tsá oyí ámɔsɔ. Teki ima ɔwɪ alí. Israelfɔ mó á, oyí wankláán ámu onutó abámbi bɔgyi, bekpalí amó tsítsá. Mó sɔ amó yinkia yi mó yintisɔ móowa ɔnlin há Bulu.

Bulu Towun Ahá Fée Nwe

²⁵ Mí apíó, asɔn nainhé kv bu ɛnvá ndekléá mlibí, ménɩ mlíméekɩ mlɩ ɪwɩ ání mlilétɩn ansí dɔbɩ. Asón ámv gyí, Yudafo ámv akv bobv asɔtɔ-ɔnlɩn. Bówa asɔtɔ-ɔnlɩn alɩ bɔfɔn bréá Bulu lahá ahá ání bɔmegyí Yudafo fée baba mv wá. ²⁶ Mó ɔma a, Bulu ɔbɔhɔ Yudafo fée nkpa. Bulu asón ámv léblí ɔbée, “Sion wúluto Nkpa Ɔhópv amv ɔbélɩn tsu.

Ɔbéba bɛha Yakob abí-aná fée bési lalahɛ bwɛ.

²⁷ ɪnɩ gyí ntam ání néka há amó bréá néle amó tsú amó lakpantɔ ní.”

²⁸ ɪniá Yudafo ámv bɔmɔhɔ asɔn wankláán ámvsv gyi sv á, bemlí Bulu alupó, ménɩ ɪbówa labi há mlɩ ámúú mlímégyí Yudafo ámv. Táme ɪniá bɔgyi ahá ání Bulu léle sv a, amó anáin sv otekle amó asón. ²⁹ Ní Bulu ɔlé ɔkv ntée ɔpó mv atokiehé há ɔkv á, ɔtamatráa tse mv agywɩn. ³⁰ Bré kvɔtɔ á, mlɩ ánfɩ mlímégyí Yudafo ánfɩ mlímóbu Bulu. Táme séi á, Yudafo bɔmɛdé Bulu bu. Mó sv Bulu lawun mlɩ nwe. ³¹ Alɩ kén Bulu ɔbéba bowun Yudafo ámúú bɔmɛdé mv bu ámv é nwe fé alíá alawun mlɩ nwe ní. ³² Tsúfé Bulu lótsu mó ání ahá fée bobv asɔtɔ-ɔnlɩn, alíá ɪbɔbwɛ obóvwun amó fée nwe sv.

Mliha Akánfo Bulu

³³ Oo, mlɩkɩ Bulu awɩtɔle wɔle! Mv nyánsa pó mv asónbɩ ma ɔka! Ma ɔbétalí bí mv ɔkpa pó mv asóngyítɔ? ³⁴ Bɔwanlín wá Bulu asɔn wanlínhé amɔtɔ bɛɛ, “Ma yín anɩ Wíe nwuntɔ?

Ma ɔbétalí súná mv asón? Ɔhaa má ɩnv.

³⁵ Ma lapó tɔkv há mv, ɔde ɔkpa kíá ɔbélaka mv ɩkɔ?”

³⁶ Bulu lóbwɛ tógyítɔ. Móbú tógyítɔ. Tógyítɔ bu ɩnv há mv. Kanfó ɪbwée mv kle bré féétɔ. Amen!

12

Tsiátɔá Bɔtɔpɔsum Bulu

¹ ɪniá Bulu híe ɔde anɩ nwe wúun alɩ sv á, mí apíó, nde mlɩ kokólɩ mbée, mlɩpv mlɩ ɪwɩ fée ha Bulu mlɩ nkpatɔ. ɪbwée fé igyí ahatɔ wankíhé ha mv. ɪnɩ gyí osum ání itsú klɩntɔ, ilegyi mv ansí ní. ² Mlímáha ɔsɩlúv anɩsv atsiábi igyí mlɩsv. Mliha Bulu ɔtse mlɩ agywɩn, ɪha mlɩ tsiátɔ itse. Fówun mlétalí bí ání Bulu apé bu alé, ɪbv ɔdwe, ɪɔfɔn.

³ Bulu agyómá ámúú alawá awɩtɔle póhá mí ámvsv nde mlɩtɔ okugyíɔkv bláa mbée, ɔhaa mákɩ mv ɪwɩ dáfá alíá ogyi. Ɔhagyíɔha ɔbá ansí asi, ɔkɩ ání ɔmɔdɔn hógyi amúú Bulu lapóhá mv amv. ⁴ Nyankpɔsa-oyí ɪwɩ atɔ anɩ fée anigyí. Ntobí ámɔtɔ kugyíkv bu mó gyoma ání itegyí nyankpɔsa-oyí ámvsv. ⁵ Alɩ kén ɪbv mótɔ ání anɩtsó, táme anɩa Kristonyɔ anɩlabwé ɔyɩlúv ɔkvle nɩ. Mó sv anigyí ntobí ɔtsan-ɔtsan ání anɩtsátsáa abasv, anɩlóbwe ɔyɩlúv ɔkvle amv. ⁶ Bulu atokiehé ámúú ɔleha anɩ ámv ɩna ɔtsan-ɔtsan. ɪlehián ání anɩ fée abópv mv atokiehé ámv yó

agyómá ató ámóú òleha aní ámu ònó. Mú sv ní òku atokiehé gyí Bulu ònó asónblí á, òhá ámu òbwéé mú alíá mu hóggyi losuná mu. ⁷ Ní òku klé gyí mu aba ahóggyipu buá a, òbúa amó. Ní òku klé gyí ató suná á, osúna mú. ⁸ Ní òku klé gyí ahá atetò-ònlun wa á, òwá ahá atetò-ònlun. Ní òku é klé gyí ató kie á, òlé iwíto okie mú. Ní òku klé gyí ahá ònó líí á, òwáa nsi òbwéé mú. Ní òku klé é gyí ahá nwe wúun a, òbwéé mú òdwetò.

⁹ Mlídwe ahá tsu mli klòntò. Mlíkisi lalahé kugyíku. Mlíkita yilébwetò kínkíínkín. ¹⁰ Mlíha mli ansí ípe mli aba Akristofò dwesù, amlibu aba wankláán. ¹¹ Mlíamáha mli nsiwa bwé ató ònó iba asi. Mlíha Òje Wankíhé amu òwa mli òwònlín, amlisum aní Wíe. ¹² Mli òkpakí amu sv mlunya ansigyí, amlilu kínkín mli ipiantò. Mlíò mpáí bré féétó. ¹³ Mlíbua mli aba Bulu ahá ání bobu ikplántò. Mlíyiri iwí hò afòó.

¹⁴ Mlíyula ahá ání bòdín mlísu. Mlíyula amó, mlímálwí amó. ¹⁵ Ní akò bòde ansigyí nya á, mlía amónyò mlunya ansigyí. Ní akò bòdesú é á, mlía amónyò mlísu. ¹⁶ Mlí fée mlítsia wankláán. Mlíamátsu iwí. Mlípu iwí manta ahá ání ahá bótamabú amó. Mlíamáki mli iwí ání mlídon akò.

¹⁷ Ní òku òpò lalahé gyi mli á, mlímápu lalahé ká mu ikò. Mlíò mbódí amlíbwé tóá íbò aléá ahá fée bótisulá dínká mósú. ¹⁸ Alíagyíalíá igyi mli mú á, iwílwíi itsíá mlía òhagyíòha nsuné. ¹⁹ Mí apíó adwepó, mlímápu lalahé ká mli aba ikò. Mlísi tóggyítò ha Bulu. Tsúfé bòwanlín wá Bulu asún ámòtò bée, “Bulu òbéé, ‘Mí, mli Wíe téká ikò. Mí òbéka ahá akò amó lakpan sv.’ ” ²⁰ Bulu asún wanlínhé létrá blí òbéé, “Ní akún de fú olupó á, ha mu ató ogyi. Ní òmewóli de mu a, ha mu ntsu onu. Ní fòbwé mú alí á, íbéha péli békítá mu òbétse.”* ²¹ Mlíamáha lalahé igyi mlísu, mbòún mlíbwé yilé póggyi lalahésu.

13

Iwiasíba Ha Òmá Akpapó

¹ Ilehíán ání òhagyíòha òbéba iwiasí há òmá akpapó. Tsúfé Bulu téhá òmá akpapó túmi. Òmá òkpapó òkòku má ínvá megyí Bulu léyaí mu. ² Ìni sv ní òku òkòsú líí òmá òkpapó òkòsu á, alakòsú líí Bulu túmisu. Mú sv òhá ámu dé ísòbití klé ha iwí. ³ Tsúfé òmá akpapó bomegyá yilé abwepó, lalahé abwepó bugya. Mú sv ní fòmedékleá fonyáa òmá akpapó ifú á, múmó bwe yilé abòkanfò fú. ⁴ Bulu osúmbi òhagyíòha ání bapó mu yáí òmá ònó gyí. Mli yilé sv bòde agyómá yò. Táme ní òku dé lalahé bwe á, múmó obénnya amó ifú, tsúfé bobu òkpa bíti ahá ísu. Bulu asúmbi bugyi, òleha amó òkpa ání bobíti lalahé abwepó ísu ha mu. ⁵ Ìni sv òhagyíòha òbá iwiasí ha òmá akpapó. Megyi bée

* 12:20 Igyi fè fakpá ogyá wólí mu òtántra.

bude ifú nya ání bébití amó isv nkule sv. Mbouín amó klun dé amó bláa ðbéε, ilehián ání bóbu amó.

⁶ Iní kén sù ilehián ání mléka tswitswi é ní. Bulu asúmbi ðmá akpapú bogyi. Bapú amó bré féé bude ðmású kí. ⁷ Mlika íko kugyíkúá idin mlisv. Mlika tswitswi móa lampóo. Obú ðkpasu á, mlibu amó féé. Ní igyi kanfú é á, mlikanfú amó féé.

Abadwe

⁸ Mlimákítá ðhaa íko ðun mli abadwe. Ní ðku dé mu aba dwe á, ðde mbla ámu féésú gyí. ⁹ Mose Mbla ámu léblí ðbéε, “Máto mbua.” “Mámò ðha.” “Máwi ató.” “Mápe ansí fú ba atósú.” Iní pú mbla tráhe amv féé nwun gyí mbla kule ámúú ðeblí ðbéε, “Dwe fú bá fé fú iwí” ámu. ¹⁰ Ní ðku dé mu ba dwe á, ðmóðpu lalahε gyi mu ekekeεke. Iní sv ðhá ání ðòdwe mu aba lagyi mbla ámu féésú.

¹¹ Mli onutó mliyin bré oduátó aníbv. Bré lafòn ání mlétsinkí, tsúfé aní nkpahó ð lafòn ta ðun bré ámúú anlégyankpá hò Kristo gyi amv. ¹² Onyé ðetsóun, ðyí lake ta. Mó sv mliha asi oklúntò bwehé féé bwe, atsu aní ðyi kehetò akótò tsan. ¹³ Mliha aní tsiátó ðbwe fé áhá ání butsie wankítò. Mlimáha ayinta aní bré yetsiá ðdwe ogyíkpá, anídé atò ðedé gyí, anídé ntá núu bv. Animáwa atsi móa ayin asón. Animáwa ðnsípe, animátre kó. ¹⁴ Mbouín mlipv aní Wíε Yesu Kristo tin mli iwí. Mlimátrá tsiá tsiátó dada amóú mli ðwólí lalahε tekle amv.

14

Akristofò Iláε ðkpa Laláhesv

¹ Mliho mli aba Akristofóá buma ðwonlín hógyitò wa mlitò. Ní beε tòku bv alé ntée ima ale a, mlimágyi amó nwéen. ² ðku lóhogyi ání ðbv ðkpa gyi tógyító, táme ðku é hógyi ðnó ima ðnlin. Mó sv ðtamagyi iye. ³ ðkpa má unvá ðhá ání otegyi tógyító ðbéle ðhá ání ðtamagyi tòku ilá. Alí kén ðhá ání ðtamagyi tòku é ðmále ðhá ání otegyi tógyító ilá ní. Tsúfé Bulu lahò amó. ⁴ Fúgyí ma ání féha ðku osúmbi pón? Mu wie nkule pé búv ðkpa ání ðbéblí ðbéε, otsie wankláán ntée ometsie wankláán. ðbétalí tsiá wankláán, tsúfé Bulu ðbétalí há mu obétsiá wankláán.

⁵ ðku ðbétalí blí ðbéε, eke kv ðun mó aba, ðku é ðbéblí ðbéε nke ámu féé igyi kule. ðhagyíðha ðyó mu kluntò wankláán, otsu móá ðbv alé. ⁶ Ní ðku ðlé eke ðku ðbéε igyi eke yílé á, ðde mósú gyí potsú Bulu fúá. Ní ðku é tegyi tógyító á, ðde mó gyí potsú aní Wíε fúá. Ní ðku é tamagyi iye a, mu é ðde mó kisi potsú aní Wíε fúá. Tsúfé amó féé butedá Bulu ipán mósú. ⁷ Anitò ðhaa métsie nkpa há mu iwí, anitò ðkuku é móowu há mu iwí. ⁸ Ní anitsie nkpa á, anitsie ha aní Wíε. Awú é á, anílawú há mu. Mó sv ní anílawú o, anitsie nkpa o, aní Wíε bú aní. ⁹ Tsúfé Kristo lówu, yínkí kósó ba nkpatò, méní ðbóbwe akiankpapv pú awupú féé Owíε. ¹⁰ Iní sv imehián ání féha fú bá ipón ntée féki fú bá ansító kótíkótí.

Tsúfè aní fée abéyélí Bulu ansító, obégyi anító okugyíáku asón.
 11 Bɔwanlín wá Bulu asón ámòtò bεε, “Aní Wíe Bulu ɔbée,
 ‘Nanyá mbu nkpa ánfí á,
 ɔhagyíɔha ɔbéda akpawunu mí ansító;
 ɔhagyíɔha ɔbéle blí ɔbée, Bulu ngýi.’ ”
 12 Mú sù anító okugyíáku ɔbéle mu asón ɔnó Bulu ansító.

Máha Fò Bá Ɖɔɔda Mv Hógyitò

13 Mú sù mlíha asi aba ílá lé. Mboún abwée agywun ání anímóɔbwe tɔtɔá íbéha aní bá ɔkuku méεsréí ntée ɔɔda. 14 Séi íná namlí Okristoyin sù nabí ání atogyihe kuku má inuá mu iwí metin. Táme ní Kristoyin ɔku lóhógyi ání tɔku iwí metin a, mómú mu wá mú iwí metin. 15 Ní fótégyi tɔku, íde fú bá háan a, mómú fú bwehé medé ɔdwe suná. Máha fú atogyihe íha fú bá ání Kristo lówu há mu ɔfwí. 16 Mú sù máha tóá fuyin ání íbu alé íbwe tsitsa ahá ansító. 17 Tsúfè Bulu iwígyí ámu imegyí atogyihe ntée atonuhe asón, mboún yilébwe, iwílwii pú ansigyí ání itsú Ɖɔɔ Wankíhé amòtò asón igyi. 18 Ɖhagyíɔha ání otosúm Kristo ɔkpa ánfisú á, mu asón tegyi Bulu ansí. Ahá é bɔtobú mu.

19 Iní sù mlíha aní ansí ípe tóá íbópu iwílwii ba, íbówa apíó aba ɔwonlín hógyitòsù brégyíbré. 20 Màyintá Bulu gyu-magyihe fú atogyihe sù. Ɖkpa bu inuá abétalí gyi tógyító, táme ní ɔku dé tóá íbéha mu ba ɔbóbwe lakpan bwe mú á, ima ale. 21 Ní ɔku tamagyi iye ku, ntée nu ntá ntée bwé tóá íbéha mu ba ɔbéɔɔda á, íbu alé. 22 Mú sù tógyítóá fohogyi tsu ntobí ánfí iwí á, ha mú íbwe fúá fú Bulunyɔ nsiné asón. Ní ɔku opúni medé mu tsií mu bwehésú á, mómú ɔkláa lawá mu ogyá. 23 Táme ní mu klɔn medí mu asi mu atogyihe ku gyí sù, ogyi mú á, Bulu lahá mu ipón dodoodo. Tsúfè mu ató ámu gyí melí hógyisù. Tógyítóá ɔha mópù hógyi bwé igyi lakpan.

15

Ahá Ansísú Ató Bwe

1 Ilehían ání aní ahá ání aní hógyi ɔnó bu ɔnlin abénya klɔn há ahá ání amó hógyi ɔnó ima ɔnlin. Megyi tóá iletsiá aní wole abóbwe. 2 Ilehían ání anító okugyíáku ɔbóbwe tóá íbu alé há mu ba, méní íbéha mu ɔbédan hógyitò. 3 Tsúfè Kristo kóráá móbwe tóá mu onutó otekle. Mu iwí asón bɔwanlín wá Bulu asón ámòtò bεε, “Asiabí ámúú besia fú ámu fée ílebedinká mísú.” 4 Asón kugyíkúá bɔwanlín wá Bulu asun wanlínhé amòtò tsú titutí a, bɔwanlín mú ání íbósuná aní ató, wá aní atetò-ɔnlin, atomí lu kínkíinkín. Fówun abénya klɔn kí ɔkpa ha ató ámúú aní ansí ɔnó mósú ámu. 5 Bulu téhá ahá bɔtenyá klɔn. Mutówá ahá atetò-ɔnlin. Nde mu kulí mbée, ɔhá amlíbwe kole, fé aliá Kristo Yesu lósuná aní. 6 Iní ɔbéha mlí fée mlópù ɔme kole kánfú Bulu, ogyi aní Wíe Yesu Kristo mu Sì ámu ní.

Ahá Aní Bomegyí Yudafō Ason Wankláán Bláa

⁷ Iní sɔ mlíhɔ aba atúu fé alá Kristo lóhɔ mlí, méní íbówa Bulu numnyam. ⁸ Tsúfě nde mlí bláa mbée, Kristo labwé Yudafō osúmpó, méní íbósuná aní Bulu obégyi mu tó ámóú ɔlɛhɛ amó anáin amusu. ⁹ Kristo léba, méní ahá aní bomegyí Yudafō bétí Bulu idayilé, nwe ámóú olowun amó ámu sɔ. Fé alá Bulu ason wankínhé amu ílɛblí. Asón ámu gyí,

“Aní Wíe Bulu, ínɔ sɔ nówa fó numnyam ahá aní bomegyí Yudafō ansító.

Nówa ɔlɔ kánfó fú.”

¹⁰ Bulu asón ámu létrá blí ɔbéɛ,

“Mlí ahá aní mlímégyí Yudafō, mlía Bulu ahá mlínya ansigyí!”

¹¹ Bétrá wanlín bɛɛ,

“Ahá aní mlímégyí Yudafō fěé, mlíkanfɔ aní Wíe Bulu.

Ọmá fěé abí, mlíkanfɔ mu.”

¹² Bulu ɔnósó ɔtáíró Yesaia é léblí tswí ɔbéɛ,

“Ọha ɔkɔ ɔbélun tsu aní náin Yisai* abí-anátó.

Mu obébegyi iwíe ahá aní bomegyí Yudafōsɔ ní.

Musó bédínká ansí ní.”

¹³ Buluá bɔtɛkí ɔkpa há ogyi. Nde mu kokóli mbée, ɔhá iwí lwii mlí, ansí igyí mlí amlíhɔ mu gyi. Mu Ọhɛ Wankíhé ɔháa mlí túmi, méní mu ɔkpakí múɔkpɔn mlí.

Tóá Sɔá Paulo Léle Iwítɔ Wánlín Ató Alí

¹⁴ Mí apíó Akristofó, mí onutó nhíé nyin aní aha wankláán mlígyí, mlílabí asón tsɔtsɔtsɔ, mlétalí tóí kplá aba.

¹⁵ Táme nawá klɔn nhíé nde mlí asón bláa ɔwoló ánfítɔ pókáin mlí. Tsúfě Bulu lawá awítɔle pú agyómá ánfí wá mí íbítɔ ɔbéɛ mbwée. ¹⁶ Múgyí, mbóbwe Kristo Yesu osúmbi ahá aní bomegyí Yudafótɔ. Mó sɔ nde osum agyómá ánfí yɔ fé Bulu igyí ɔhapú. Nde ahá ámóú bomegyí Yudafō ámu Bulu ason wankláán ámu bláa, méní bémlí igyí aható aní Ọhɛ Wankíhé latín mó iwí, ilegí Bulu ansí. ¹⁷ Iníá míá Kristo Yesunyɔ anílabwé kɔle sɔ á, mbɔ ɔkpa tsú iwí agyómá ánfí ndeyɔ há Bulu ánfí sɔ. ¹⁸ Tsúfě mméetalí blí asɔansɔ tsía atóá Kristo latsɔn mí ason blíhé pú mí bwéhésó bwé ahá aní bomegyí Yudafótɔ, méní bóbu Bulu. ¹⁹ Ina ofúla múa osúna amóú nɔbwe Bulu Ọhɛ ámu túmítɔ ámusɔ nɛtalí dá Kristo ason wankláán ámu fěé ɔkan, tsú Yerusalem alí yédalí Iliriko ɔsɔlósɔ. ²⁰ Tóá ídín mí klɔnsɔ bré fěé, ndekléá nóbwe gyí, nénatí dá Bulu ason wankláán ámu ɔkan ntínéá bɔmɔkónyá nú Kristo asón kɔ. Mmedékléá nótɔá ɔkɔ gyumagyihɛsɔ. ²¹ Tsúfě bɔwanlín wá Bulu asón ámɔtɔ bɛɛ,

“Ahá aní bɔmɔkónú mu nka kɔ bówun mu,
ahá aní bɔmɔkónú mu asón kɔ é bónu mú así.”

Paulo Roma Ọpasua Yésíndá

* 15:12 Yisai lókwí Owíe Dawid aní ogyi Yesu Kristo mu nain.

²² Inɩ láhá mməkónyá ɔkpa ba mlɩ wá bətu nde ní. ²³ Táme séi mú á, mí agyómá lamó ɔnó nfi fónsó. Nfi tsətsətsə ní ndekléá néba mlɩ wá beki mlɩ. ²⁴ Mú sɩ nabwé agywun ání ní ndetsúun ɔyó Spania a, nótɩun ki mlɩ. Agyi ɔdwe kpalobí á, mlilasí mí ɔkpa nayó inu. ²⁵ Séi á, nabwé agywun ání négyankpá yó Yerusalem, yóbúá Bulu ahá ání bɔbɔ inu. ²⁶ Tsúfé Akristofá bɔbɔ Makedonia pú Akaia ɔsulúsu bapú ɔdwe dúnká ató bɔdɛpúsí Bulu ahá ání bɔgyi ahiánfɔ Yerusalem. ²⁷ Iɔ amú ɔdwe ání bóbúá ahiánfɔ. Bawun ání ilehián ání bóbúá Yudafo é ká ikɔ. Tsúfé banyá Ɖɛtót ató, nú nkpahó ɔsún ámu tsú amú wá. Mú sɩ ilehián ání bódunká ɔyító ató ku há amú é. ²⁸ Ní nɔpú kóba ání bətswɩtswɩ ha mí fée wá amú ibitɔ á, nóbətsɩun mlɩ wá yó Spania. ²⁹ Nyin ání ní nehá á, nɔpu Kristo oyúla kpənkpənkpəntɩ ba mlɩ.

³⁰ Mí apíó adwɛpú, ndɛpu anɩ Wíe Yesu Kristo pú ɔdweá Bulu Ɖɛtót lahá mlɩ há mlɩ aba kókóli mlɩ mbée, mlɩlí mí ɔma, amlɩbɔ mpái ha mi kínkíínkín. ³¹ Mlɩbɔ mpái mlɩaa, Bulu ɔléé mí tsu Yudafo ámu bɔmɔhɔ mu gyi amu ibitɔ. Mlɩbɔ ha mi, Bulu ahá ání bɔbɔ Yerusalem inu abɔhɔ ató ámu nɔpú neya amú ámu. ³² Fówun ní Bulu lótsulá á, néba mlɩ wá ansigyí kpənkpənkpəntɩ, bɛda ɔkpúnó. ³³ Buluá ɔtɛhá iwɩlwii, ɔtsíá mlɩ fée wá. Amen!

16

Itsiaha

¹ Nde opio tshé Foibe le súná mlɩ. Kenkrea wúlutɔ ɔpasuatɔ ahande ɔbápu ogyi. ² Mlɩhɔ mu anɩ Wíe Yesu dátó alíá ilekanáa ání Bulu ahá bóbwe, amlɩbɔ mu ɔkpagyíɔkpasu alíá odeklé. Tsúfé mu onutó alabúá ahá tsətsətsə, alabúá mi é.

³ Nehá Priska mɔa mu kulu Akwila fée tsiá. Mía amónyɔ létsiá bwé anɩ Wíe Kristo Yesu agyómá. ⁴ Bɔpu amú iwɩ há ání bówu mí sɩ kúráá. Nde amú ipán da wankláán. Megyi mí nkɔle. Akristofá bɔmegyi Yudafo ɔpasua fée bɔde amú ipán da. ⁵ Nehá ɔpasua ámuó betsiá fia amú wóyító ámu é fée tsiá.

Nehá mí ɔdwepú Epaineto tsiá. Mɔlégyankpá hɔ Kristo Asia ɔmátó fée ní. ⁶ Nehá Maria ámuó olowun ipian mlɩ sɩ ámu tsiá. ⁷ Nehá mí aba Yudafo Androniko mɔa Yunia tsiá. Bawá mía amónyɔ obu ki. Bɔgyi Kristo sumbí ayɔpú ání obú bu amúsó. Begyankpá hɔ Kristo asa natá bɔhɔ.

⁸ Nehá mí pío ɔdwepú Kristotɔ Amplia tsiá. ⁹ Nehá anɩ Kristo agyómá ɔyɔbá Urbano mɔa mí nyáwíe kláklá Staki tsiá. ¹⁰ Nehá Apele ámuó alalé súná wankláán ání alapú mu iwɩ há Kristo amu mɔa Aristobulo abusuanfɔ fée tsiá. ¹¹ Nehá mí bá Yudayin Herodion tsiá. Nehá Narkiso abusuanfɔ ání bɔgyi Akristofá tsiá.

¹² Nεhá Trifaina mva Trifosa, bugyi atsi á múú buδε Kristo agyómátó kinkíinkín ámu tsiá. Nεhá mí ódwepú tsihé Persi, óδε Kristo agyómá γο kinkíinkín ámu é tsiá. ¹³ Nεhá Rufo mva mu yin á múú mí é nteτί mu mí yín ámu tsiá. Rufo gyí aní Wie agyómá óγopú ánι alahó dá agyómá ámutó. ¹⁴ Nεhá Asinkrito, Flegon, Herme, Patroba, Herma pú apió Akristofó á múú bubu amó wá ámu fée tsiá. ¹⁵ Nεhá Filologo, Yulia pú Nereo mva mu pio tsihé pú Olimpa mva Bulu ahá á múú bubu amó wá ámu fée tsiá.

¹⁶ Mlilata aba puta Bulu ódweτó. Kristo ópasua ámu fée buδε mli tsiá ha.

Tóá Roma Ahógyipv Amv Bvbwée

¹⁷ Apió, nokókóli mli, mlikí wankláán, ménι mlétalí wun ahá ánι bubu mlitó, buδε mli dasáín. Alí ahá ámu buτεhá ahá buτεδida hógyitó. Amó atosunáhé tedá mú á múú nosuná mli ámu mó. Mlikula iwí le amósú. ¹⁸ Tsúfé ahá ámu odu á, megyí aní Wie Yesu Kristo budesúm. Amó ówólι lalahε budesúm. Bapó amó ónówanki pú ahákanfó buona buδε ahá ánι bumeyín ólala mlé. ¹⁹ Táme mli mú á, óhagyíóha lanú aliá mlilapó mli iwí há Kristo. Mú sv ibv mi ódwe, ansí de mí gyi wankláán mli sv. Táme ndekléá mlítun ansí, amlibi tóá ibv alé. Mlumáwa ibi lalahετó. ²⁰ Bulu téhá aní iwilwii. Imóowa ópá á, óbétsa Satansu mántá ósvlúv tántáántán, mlélí mvsu.

Aní Wie Yesu Kristo ogyíi mli buale, óli mli óma.

²¹ Mí bá agyómá óγopú Timoteo dé mli tsiá ha. Alí mí aba Yudafó Lukio mva Yason pú Sosipatro é buδε mli tsiá ha ní.

²² Mí mli pío Okristoyin Tertio ánι nówanlín ówóló ánfi há Paulo, nde mli tsiá ha.

²³⁻²⁴ Mí wóyí mu wie Gaio amóú ópasua á múú buτεfia mu wóyító amu dé mli tsiá ha. Erasto, ogyí wúlu kóbasu ókípυ mva aní pío Kwartó é behá mli tsiá.*

Paulo Bulu Kanfó

²⁵ Mliha akanfó aní Bulu! Mu óbétalí tsun Yesu Kristo asón amóú nablí ámvsu há mlélí kinkíinkín hógyitó. Óopυ ónókwali anfí ηáín tsú óyí ópá. ²⁶ Séi mú á, alatsun mu ónósú atóipú amu ató wanlínhésυ lé mú ówan. Fé aliá Buluá óbu inu bré féeτó lahá ómá-ómá babí mó, ménι ahá fée bóhó mu gyí, bú mu.

²⁷ Bulu nkole gyí Bulu. Mu nkole búv nyánsa. Numnyam ánι lεkanáa itsúv aní Wie Yesusu itv mu bré féeτó. Amen!

* **16:23-24** Mótó yée 24 bu nwoóló dada amu akotó: Aní Wie Yesu Kristo ówáa awítale ha mli fée. Amen!

ᾠῶλό Gyankpapá Paulo Lówanlín Sísí Korintofó

¹ Mí Kristo Yesu sumbí ᾠᾠpú Paulo ání Bulu létı mu apétó pú anı pıó Sostene dé ᾠῶλό ánfi wanlín.

² Anıdé mú wanlín sísı Bulu ᾠpasua ánı ıbu Korinto wúluto, Bulu lalé amó, bwé amó mu ahá. Amóa Kristo Yesu babwé kule, fé anı Wıe Yesu Kristo asúmpóá bóbı ᾠyıtó féé, Yesu Kristo gyı anı féé Owıe.

³ Anı Sí Bulu muá anı Wıe Yesu Kristo bogyıı mlı buale, abuha mlı iwılwıı.

Anıa Kristo İkolebweto Oyúla

⁴ Ntedá Bulu pán brégyıbré, alıá mlıa Kristo Yesu kulebwe su alawá awıtole há mlı. ⁵ Tsúfé mú su mlılanyá ıwı tógyıtótó. Múá ıdon gyı mlı tói pú mlı asónı féétó. ⁶ İnı lasúná ánı asón amóú anıébláa mlı tsú Kristo ıwı amó bu mótó. ⁷ İnı su ᾠjéto atokiehé kugyıkı medé mlı hián séı ánfi mlıhié mlıdé ekeá anı Wıe Yesu Kristo obótsu ᾠsúsú ba bele ıwı ᾠwan ᾠkpa kıı anfi. ⁸ Mu onutó ᾠbówa mlı ᾠwınlın yófıon eke amóú ᾠbésankı bá begyı anı asón amó, méıı asıansı méetsıá mlı ıwı. ⁹ ᾠnıkwalıpu Bulu gyı. Múléıı mlı ᾠbéé, mlıa mu Bı, ogyı anı Wıe Yesu Kristonyó mlıbóbwe kule.

ᾠpasua Amoto İkolemábwe

¹⁰ Apıó, nᾠpú anı Wıe Yesu Kristo kókólı mlı ánı mlı féé mlıbwéé kule, méıı mlımédasáın. Mlıha mlı agywııı ıbwe kule mlı asıı blıhé kugyıkıto. ¹¹ Mı apıó, tóá soá nde asón ánfi blı gyı, akvá botsú Kloe abusuanto babláa mı beé, asón bóbı mlı nsıné. ¹² Beblı beé, mlıto akı mlıaa, “Paulo anıbuo.” Abambá beé, “Apolo anıbuo.” Akı é beé, “Petro, buetráa tı mu Kefa anıbuo.” Akı é beé, “Kristo anıbuo.” ¹³ Nfıte mlı, beye Kristoto? Paulo beda mántá oyıkpalıhe amıssı há mlı, ntée mu dátó bóbı mlı asú?

¹⁴ Nedá Bulu ıpán ánı Gaıo muá Krıspu ᾠma a, mmétrá bı mlıto ᾠkıkı asú. ¹⁵ Mú su ᾠhaa méetalı blı ᾠbéé, mı ıdátı nᾠbı mu asú. ¹⁶ Ké! Nakáın, nᾠbı Stefana muá mu wóyıtó ahá é asú. Amó ᾠma a, mméekaın ánı netrá bı ᾠhaa asú. ¹⁷ Kristo mówa mı ahá asúbı. Mbouın ᾠbéé, mbeda asıı wankláán amı ᾠkan. Megyı ᾠnᾠwankı pú anyánkpsıa agywııı nᾠpıblı mú, tsúfé ní nᾠpú mú blı mú á, túmı kıkıııı ımétrá tsıá Kristo oyıkpalıhe amıto.

Bulu Túmı Pó Mu Nyansa

¹⁸ Anı Wıe Yesu oyıkpalıhesı lowı ıwı asón amı igyı mımlála há ahá ánı budeııı. Táme igyı Bulu túmı há anı ahá

ání Bulu dé nkpa ání itamatá ha. ¹⁹ Tsúfě bəwanlín wá Bulu asón ámυtə bεε,

“Néyintá anyansapυ nyánsa.

Mmóəhə amú agywun wankláán kəku.”

²⁰ Ní igyi alí á, mómú ntə onyansapυ gyí? Ntə Mose mbla osunápó gyí? Jyí ánfítə nwéεn agyípyé me? Jyítə ansítin mé, imegyí mimlála Bulu ansító?

²¹ Bulu lópyé mυ onutó nyánsa bwé mú. Nyankpυsa méetalí pύ mυ nyánsa bí mυ ekekeεke. Mú sυ alapú aní mimlá əkan amúú anidéda ámυ hə ahá ání bahə mυ gyi nkpa. ²² Tsúfě osúna ání itsú Bulu wá Yudafə bυtekleá bópυbí ání asón ámυ bυ mótó. Griikifə é á, nyánsa bυtekleá bópυbí ání ibυ mótó. ²³ Mú sυ ní adá əkan aniaa, beda Kristo mántá oyikpalihεsυ á, itəkúsú líi Yudafəsυ, igyi mimlála əmá bámbásúfə é ansító. ²⁴ Táme ahá ání Bulu lalé, bogyi Yudafə pύ Griikifə mó á, Kristo gyí Bulu túmi kpənkpənti pύ mυ nyánsa há amú. ²⁵ Tsúfě Bulu mimlála igyi ansítinla dən nyankpυsa nyánsa. Mυ pón é kúráá dən nyankpυsa əwənlín.

²⁶ Apíó, mlíkain alíá mligyí bréá Bulu létí mli. Ahá bυtamabú mli ədudυə ání mliletin ansí. Mli ədudυə mlimégyí iwí anyapú, ədudυə é bυmotsú abusuan kpikplítə. ²⁷ Bulu léle ahá ání buma nyánsa əyí ánfítə, méní əbópυ amú súpa atiansipυ. Əlele əyí ánfítə apənpυ é, méní əbópυ amú wá awənlínpyé pélítə. ²⁸ Əlele ahá ání obú ma amósó, pύ amúá buma labi kəku əyí ánfítə, méní əbópυ amú wá amúá obú bυ amósó pélítə. ²⁹ Ələbwe mú fěé alí, méní əhaa móotsu iwí mυ ansító. ³⁰ Bulu sυ mlia Kristo Yesunyə mlilabwé kule, alapú Kristo bwé aní nyánsa. Múlátsú aní ání aní asón da əkpa mυ ansító, alabwé aní mυ ahá. Alahə aní lé lakpan nkpábítə, há anlagyi iwí. ³¹ Mú sυ fé alíá Bulu asón ámυ léblí á, “Əhagyíəha ání əbéε, mótsu iwí á, əpúy tóá aní Wíε labwé tsu iwí.”

2

Kristo Da Mántá Oyikpalihεsυ

¹ Mí apíó, bréá neba beda Bulu asən ηainhé amυ əkan súná mli á, mməpυ ənəwanki ntée nyánsa kəku bebláa mli Bulu asón ámυ. ² Tsúfě bréá mbυ mli wá á, nəbwe agywun ání nótóí tsú Yesu Kristo pύ mυ oyikpalihεsυ lowu nkule iwí. ³ Bréá neba a, mí awútó yóyóyó. Ifú de mí, ndekpinkí. ⁴ Megyí mí nyánsa pύ mí ənəwanki nəpudá asón ámυ əkan súná mli. Mboún Əhé Wankíhé amυ túmi léha asón ámυ ləwankí mli. ⁵ Iəba alí, méní mlenya mli hógyi tsú Bulu túmitə, megyí nyankpυsa nyánsatə.

Bulu Nyánsa

⁶ Táme ní nowíé ahá ání badan hógyi amυtə wá á, ntəpó Bulu nyánsa bláa amú asón amú. Megyí ndε əyí kehεtə nyánsa, ntée

oyí ánfito isv agyípo áni béba bōholú amó túmi klé. ⁷ Nyánsa áni anidé mó iwí asón blí áni igyi nyánsa áni Bulu lópuhain asa oyí lebelin, áni obópowa aní numnyam. ⁸ Oyí ánfito otúmípu okoku mébi nyánsa áni. Ní bebi mó á, tekí bumedá aní Wíe Onumnyampu amv mántá oyikpalíhesv. ⁹ Táme fé aliá bōwanlín wá Bulu asón ámuto á,

“Tóá ansíbi mākówun kí, asv mókónú kí,
imākóba nyankpusa agywuntó é kí a,
mó Bulu lalá yáí há mv adwepú ní.”

¹⁰ Táme anlabí íni, tsúfé alalé mó súná aní tson mv Dje Wankíhé amovsv. Dje ámv tokwí tógyítótó kí, otelé Bulu asv nainhéá ív otótótótó kóráá súná aní. ¹¹ Dhaa tamawun mv ba nwuntó, nkéti mv onutó dje. Alí kén Bulu Dje ámv nkole tōwun Bulu nwuntó ní. ¹² Aní mó á, Bulu lópu mv Dje wá anitv, megyí oyí ánfito dje bv anitv. Mboún Djeá itsú Bulu wá, méní abétalí nú itó ámóú Bulu lapókíé aní faan amv asi.

¹³ Mó sv megyí aní onutó nyánsa asón anidé mlí bláa. Mboún asón áni itsú Dje Wankíhé ámv wá. Mó anidépolé Djetó onokwalí asón asi ní. ¹⁴ Dhá áni oma Dje Wankíhé méetalí hō tóá itsú Bulu Dje ámv wá, tsúfé igyi mimlála mv wá. Dhá áni Dje Wankíhé bv motv tónú asón áni Dje ámv débli asi. ¹⁵ Motetalí tété tógyítótó nú mó asi. Táme mv mó á, dhaa méetalí tété mv asóntó, nú mv asi ekekekeke. ¹⁶ Nkálí íbóbwe asa bétalí nú mó asi? Igyí fé aliá Bulu asv wanlínhé amv lébli obéé,

“Ma obétalí bí aní Wíe agywun?

Ma obétalí súná mv asón?”

Táme Kristo agywun bv anitv. Mó sv aní mó abétalí bí mv agywun.

3

Bulu Asúmpó

¹ Apíó, bréá neba mlí wá á, mmetalí tóí mlí ansító fé ahá áni Dje Wankíhé bv amótó. Nebláa mlí asón fé ahá áni amó agywun idin oyí ánfito atósó, bvmākódan Kristotó. ² Nyópu-ntsu neha mlí. Mmeha mlí atogyihe onutó. Alí bré ámuto á, mlímókófon atogyihe onutó gyí. ³ Tsúfé oyí ánfito tsiátó itráa bv mlitv. Mlídé aba lu, mlídétré. Ní mlídé íni bwe mé, imosuná áni mlí agywun trá dín oyí ánfito atósó, mlígyí fé omátófo? ⁴ Mlitv akv mlíaa, “Paulo mbuo.” Mlitv akv é mlíaa, “Apolo mbuo.” Mbéé, íni medésuná áni mlígyí fé omátófo?

⁵ Mbéé, ma gyí Apolo, ntéé ma gyí Paulo, só mlídétré aní sv? Bulu asúmpó keke anigyí, mlíatsv aní íbitv mlí mv ahógyipu. Anitv okugyíokv légyi gyuma áni Bulu léha mv. ⁶ Mílódu, Apolo lówolí mó ntsu, táme Bulu léha mó íledan. ⁷ Megyí odupú móa ntsu ovolípu lóbwe tótó. Bulu nkole tóbwe, tsúfé mutéhá mó

itedan. ⁸ Odupó móa ntsu ɔwolípɔ fée bɔgyi kékée Bulu ansító, ɔbéka okugyíɔku ikɔ mu bwéhé ɔnó. ⁹ Agyómá ayɔpó mía Apolo anigyí há Bulu. Mligyí Bulu ndɔ, mligyí mu obu é ní.

¹⁰ Bulu lówa awitɔle há mí, bwé mí obu oyípu ɔtiansipɔ. Mú sɔ nɔpu abwi wá obu ámu ntswiasɔ, aha bambá betalí bɔdepwe dínká músú ní. Táme ɔhagyíɔha ɔkú wankláán obu ámu pwetó. ¹¹ Tsúfɛ ɔhaa méetalí wá ntswiasɔ bámbá dɔn mú ámóú ida yaí, igyi Yesu Kristo amu. ¹² Ní ɔku ɔpó sika pepe o, sika futútú o, abwi ání ibu bíá o, nyí o, afítáa ntée ipí yi dínká ntswiasɔ ámu sɔ á, ¹³ ɔbí ání kugyíku íbélín ɔwan eke ámóú Bulu obégyi aní asón ámu. Ogyá ɔbópɔsɔ mú ki beɛ, ɔɔbwe mú wankláán. ¹⁴ Ní ogyá ámu mɔhɔ obu ámu yintá á, Bulu ɔbéda mu ipán. ¹⁵ Táme ní obu ámu lóhɔ a, ɔbéhie húli ató. Bulu ɔbóhɔ mu nkpa, táme obófuflu fɛ ɔhá ání alasrí dali ogya plenplentɔ.

¹⁶ Mlímeyín ání Bulu ɔswékpa mligyí, Bulu Ɔhé ámu tsie mlitɔ? ¹⁷ Ɔhagyíɔha ání oleyintá mu ɔswékpa a, Bulu é obéyintá mu, tsúfɛ Bulu ɔswékpa lɔwankí. Mu ɔswékpa amu gyí mli á.

¹⁸ Ɔhaa mámlé mu iwí! Ní mlitɔ ɔku dé mu iwí ti ɔtiansipɔ nde ɔyí ánfítɔ á, ilehián ání ɔbóbwe mu iwí ɔha mimláhe, méní ɔbóbwe ɔtiansipɔ onutó. ¹⁹ Tsúfɛ ɔyí ánfítɔ ansítún igyi mimlála Bulu ansító. Fé alíá bɔwanlín wá Bulu asɔn wanlínhé amɔtɔ beɛ, “Ɔtiansipɔ agywun laláhe Bulu tɔpókítá mu.” ²⁰ Bulu asɔn wanlínhé amu letrá blí ɔbéɛ, “Bulu yin ání ɔtiansipɔ agywun itépí ma labi.” ²¹ Iní sɔ ɔhaa mápu ansí dínká ɔhaasɔ tsú iwí. Mlibó tógyító. ²² Paulo o, Apolo o, Petro o, ɔyí ánfí o, nkpa ntée lowu o, nde o, ɔke o, mlibó mú fée. ²³ Kristo bú mli, Kristo é gyí Bulu klé.

4

Kristo Sumbi Ayɔpó

¹ Iní sɔ ɔhagyíɔha otsú mú ání Kristo asúmbe kékée mía Apolo anigyí, Bulu lapó mu asɔn ɔhainhé amu agyómá wá aní íbitɔ. ² Tóá ihíe dehián gyí, ɔhá ání bapó agyómá wá mu íbitɔ obégyi ɔnɔkwali. ³ Mí mú á, ní mlitɔ aku ntée aha bambá bɔde mí pón ha kóráá á, imegyí tɔtɔ mí ansító. Mí onutó ó mmɔkúhá iwí pón ntée asɔ. ⁴ Nyin mí kluntɔ, táme imosuná ání mí asón da ɔkpa. Aní Wíe Yesu gyí mí asón ogyípó. ⁵ Iní sɔ mlímákɔsí lé mli aba ilá kpéfɔn aní Wíe ɔbáke amu. Mu ɔbówankí wólí oklúntɔ atósú, lé aní agywun ɔwan, asa Bulu ɔbékanfó ɔhagyíɔha alá ilehián ní.

⁶ Mí apíó, mli sɔ ndepu mía Apolo tsiátó súná mli ató, méní mlónu mú ámóú ahá bɔteblí beɛ, “Mlímányankí tóá bɔwanlín tswisɔ” ámu asi, fówun mlímóowun ɔhaa tsú iwí. ⁷ Ma lébláa

fó óbée fòdòn òku? Ntò fòbubá imegyí Bulu léha fú? Ní Bulu léha fó tógyító á, ntogyi só fódè iwí tsu fé megyí ha beha fú?

⁸ Mludékí ání mlilamwé! Mlilanyá iwí! Mlilawúna mlidé iwíe gyí. Mí sù mó á, tekí mlidé iwíe amu gyí lélé, ménú ania mlínyò abégyi iwíe amu. ⁹ Idè mí bwe fé Bulu lahá aní sumbí ayòpó ánfí anilabwé òma agyápu fé ndoun bakpá bòyómò. Tsúfé anilamlí atò kùhe há òyító féé, Bulu-abòpu múa anyánkpósa féé. ¹⁰ Kristo só anilabwé aha mimláhe, mlí mó mlilatín ansí. Anígyí apónpu, mlí mó mlíbu òwònlín. Ahá bude mlí bu, aní mó òhaa tamabú aní. Megyí alí mlidé aní kú ní? Ntée megyí alí? ¹¹ Bòfòn séi á, akón múa òmewóli de aní, atatidatò anída. Bude aní atswè fólí, anímá òdikpa. ¹² Aníteyírí iwí pú aní íbì yó agyómá pónyá aní atò hiánhe. Ní bòlwí aní á, anitoyúlá amó. Ní budín aní sù é á, anitotomi. ¹³ Ní beblí aní iwí asòn laláhe a, anitòpó òdwe lé mó ònó. Bòfòn séi á, anilabwé wúna, bude ipí pùtsítá aní sù òyí ánfítò.

¹⁴ Mmedé ìní wanlín púsópa mlí, mbóún ndepotóí kplá mlí fé mí abí adwepó. ¹⁵ Tsúfé ní ahá mpím-dú (10,000) lósuná mlí Kristo iwí asòn kóráá á, òbakóle pé abí mlígyí òjétó. Nòbwe mlí sí Kristo Yesutò bréá neda asòn wankláán ámu òkan súná mlí. ¹⁶ Mó sù ndè mlí kokóli, mlíkasi mí tsiátó. ¹⁷ Ìní sù ndè Timoteo wa sísí mlí. Mí bí ní, ntòdwé mu. Òbu ònòkwali Kristotò. Mu òbéba bekaín mlí tsiátó oduá òpu mbuo Kristo, ndepusúná òpasua kugyíkúá íbu òtínegyíótíné ní.

¹⁸ Mlító aku bude iwí tsu. Bòkí beè, fialí mméetrá ba mlí wá ekekeke. ¹⁹ Táme ní aní Wíe Yesu lótsulá á, imòowa òpá kùku néba mlí wá beki beè, asòn keke iwí atsupó ánfí budeblí lóó, ntée lélé bubu Bulu túmi. ²⁰ Tsúfé megyí asòn blíhé keke Bulu iwíegyi ámu igyi, mbóún Bulu túmi. ²¹ Ní nebá mlí wá á, ntò mpóba? Mpó mplí ba lóó, ntée òdwe múa íklon lwííhè?

5

Mbvatò Iwí Asón

¹ Bahíé bebláa ní beè, mlító aku bude atsi múa ayin asón wa. Òmátòfò kóráá bumedé mó odu bwe. Mlító òku mó kóráá laswí mu sí mu ka, ² íbu mlí ansígyí! Ima mlí awirehò. Péli medé mlí, ménú mlégya òhá ánfí odu lé mlí òpasuatò. ³ Ìniá mlímédé mí wúun ó á, mbu mlító òjétó. Nahá òhá ánfí òbu tsiátó anfi odu ipón dodoodo, fé mbu ínu. ⁴ Mliti òpasua ámu fia aní Wíe Yesu Kristo dátó. Nétsiá mlító òjétó, aní Wíe Yesu Kristo túmi é íbétsiá mlító. ⁵ Ìnu á, mlípu mu wa Òbònsám íbitò, oyinta mu òyulòbù, ménú Bulu òbòhò mu òkláa nkpa aní Wíe Yesu òbáke amu.

⁶ Kpaali mlidé iwí tsu. Mlíméyín ání bodobodotu-afá kpalobí téhá bodobodo amu féé itotú? ⁷ Ìní sù mlíe lalahe òbwepó anfi mlító, ménú mlí iwí bétín fé bodobodoá bómòwa

afá mótó, tsúfé alí mlihié mligyí ní. Megyí bodobodoá bómowa afá mótó, imotu butápogyi Katsón Nké? Bamó aní Israelfósu Katsón Nkéto Okúfabi, ogyi Kristo amó, lé aní nwunsu mbusuo há aní dodoodo. ⁸ Mú sù mliha apu bodobodoá imotu, igyi iwííin múa òkwalíwa gyi Katsón Nké ámu. Mlímáha apu bodobodoá ílatú, igyi tsiátó laláhe múa lakpan gyi mú.

⁹ Nòwanlín wá òwuló kuá nòpúsísi mlítò mbéé, mlímápu mbua atápó gyi mba. ¹⁰ Megyí òyító mbua atápó, ònsípe awapó, awikplu ntéé ikpi atswépu iwí asón neblí. Mómú tekí mlédali òyí ánfítò asa mlímóowa amó mba ní. ¹¹ Tóá nòwanlín sísi mli gyi, mlímápu òhá ání òbéé Okristoyin mbugyi, táme òtòtò mbua ntéé òbu ònsípe, òtòtswé ikpi, otesíá mu aba, òtòbú ntá ntéé otowí ató gyi mba. Mli òhá ámu nyo mlímáwa íbì gyi ató kóràá.

¹² Ntò sù négyi ahá ání buma òpasua ámutò asón? Megyí ahá ání bubu mótó, bude lakpan ánfí odu bwe mboún asón lehián ání mlégyi? ¹³ Bulu obégyi ahá ámú buma òpasua ámutò ámu mú asón. Táme bòwanlín wá Bulu asun wanlínhé amutò bée, “Mli mú mligya laláhe òbwepú lé mlítò.”

6

Bulu Ahá Wulèwule Nsiné Asóngyi

¹ Ní mlítò òku mu ba Okristoyin benyá á, ntogyi sù mlítowá klòn púya òmátófò asón ogyíkpá, mlítamapó ya Bulu ahá abubli mú? ² Mlíméyín ání Bulu ahá obégyi òyító ahá féé asón? Ní mli obégyi òyító ahá asón á, mú ntogyi sù mlíméetalí gyi mli wulèwule nsiné asón? ³ Ntéé mlíméyín ání aní obégyi Bulu-abòpu é asón? Ntogyi sù aníméetalí gyi ekekegyíeke asón mú? ⁴ Ní asón ídá mli nsiné á, ntogyi sù mlítòpúya òmátófò asón agyípó amú mli òpasuafò butamabú ámu? ⁵ Nde asón ánfí wanlín sísi púsópa mli. Mú sù òtiansípu òkule kóràá má mli òpasuatò ání òbéetalí gyi mu aba nsiné asón? ⁶ Ntogyi sù ohógyipu òbésamáa mu ba, múa ídon kóràá pú mu yélí òmátófò ansítò?

⁷ Alí ámú asón íbu mli Akristofò wulèwule nsiné ámu kóràá ilosuná ání mlílagyi pón dodo. Ntogyi sù mli bá òpú ílá gyí mli, ntéé osísi mli, mlíméésikíé? ⁸ Mli mboún latsón gyankpá mlídé mli aba sísií, mlídé laláhe púgyi mli aba? ⁹ Ntéé mlíméyín ání aha laláhe bómóowie Bulu iwíegyi ámutò? Mlímámlé mli iwí. Ahá ání butowá atsí múa ayin asón, ikpi atswépu, mbua atápó, ayin ání butekle amó aba ayin, ¹⁰ awikplu, ònsípe awapó, ntá abupó, ahá asiapó pú ahá asísípu bóméenya ogyíkpá Bulu iwíegyi ámutò. ¹¹ Tekí bré ámu a, alí mlítò aku mligyí ní. Táme Bulu labie mli ntsu, alabwé mli mu ahá. Alatsón mu Òhé ámu pú aní Wíe Yesu Kristosu tsú mli ání mli asón da òkpa mu ansítò.

Mli Òyílóv Pòwá Bulu Numnyam

¹² Mlɛtɔ ɔku ɔbɛtali bli ɔbɛɛ, “Mbu ɔkpa bwɛ tɔtɔgyitɔ.” Ee! Tame nde mli blaa mbɛɛ, “Megyi mu fɛɛ ɔbɔwa labi.” ɔku ɛ ɔbɛbli ɔbɛɛ, “Mbu ɔkpa bwɛ tɔtɔgyitɔ, tame mmɛɛha tɔtɔ mɛegyi misu.” ¹³ Ibu motɔtɔ ɔku ɔbɛtali bli ɔbɛɛ, “Atogyihe bu inu ha ipu, ipu ɛ bu inu ha atogyihe.” Ee! Tame mu fɛɛ ibɛhi ekekɔ. Bulu mɔbwe nyankpɔsa ha atsi mu ayin asɔn wa. Mbuɔn anɛ Wie bu anɛ ɔyuluɔ, anɛ ɔyuluɔ ɛ bu anɛ Wie. ¹⁴ Bulu lɔkɔsɔa anɛ Wie Yesu tsu afulitɔ. ɔbɔpu mu tumi amu kɔsɔa anɛ ɛ.

¹⁵ Ntɛɛ mlimɛyin mlɛaa, mli ɔyuluɔ igyi Kristo nyankpɔsa-oyi amu iwɛ atɔ? Mu nkali su mpɔu Kristo ɔyuluɔ yɛda obu-ɔnɔ otsiɔpu ɔyuluɔ? Itsɔun misu! ¹⁶ Ntɛɛ mlimɛyin mlɛaa, ni ɔku ɔpu ibi da obu-ɔnɔ otsiɔpu a, mu mɔnyɔ ɔyuluɔ labwe kule? Tsufɛ Bulu asɔn wanlinhe amu lebli ɔbɛɛ, “Oyin amu mu ɔtsi amu babwe ɔyuluɔ kule.” ¹⁷ Tame ni ɔku mu Kristo babwe kule a, mu mɔnyɔ babwe ikule ɔɣɛtɔ ɛ.

¹⁸ Mlimaplei atsi ntɛɛ ayintɔ. Lakpan kugyikuɔ ɔha tɔbwe tamakɔsɔ li mu ɔyuluɔsu. Tame ni ɔku ɔwa atsi mu ayin asɔn mu a, alabwe lakpan ani ulɔkɔsɔ li mu onutɔ ɔyuluɔsu. ¹⁹ Ntɛɛ mlimɛyin mlɛaa, mli ɔyuluɔ gyi ɔɣɛ Wankihe amu ɔtswekpa obu? Bulu lupu mu ha mli, otsie mlɛtɔ. Mu su megyi mlɛbu mli iwɛ. ²⁰ Ibi kpekplekpe Bulu lɔha mli. Mu su mlɛpu mli ɔyuluɔ wa Bulu numnyam.

7

Akulu Mva Aká, Akpanku Pú Asɔrapu Atosundhé

¹ Nayɔ asɔn fitɛhe amɔu mlɛlɔwanlin sisi mi amutɔ ki a,

Ee! Ibu alɛɔ oyin mɔɔpu ibi da ɔtsi. ² Tame mbuatɔ ladubi su oyingiyoyin onyá mu onutɔ ɔká, ɔtsigyitɔtsi ɛ onya mu onutɔ okulu. ³ Ilehian ani okulu obɛgyi ɔkatsiá mbla fɛɛsɔ ha mu ka, ɔká ɛ ɔbɔbwe mu ali ha mu kulu. ⁴ Megyi ɔtsi bu mu iwɛ, mu kulu bu mu. Ali megyi oyin ɛ bu mu iwɛ, mu ka bu mu ni. ⁵ Mu su mlimákiná aba ɔdikpa ha, nkɛti mli abanyɔ amu mlɛlatsulá ani mlɛtsiá nke kpalobi, mɛni mlɛtsiá bu mpái, asa mlɛlayɔ aba wá. Mlɛlawun aba mu ɔma, mɛni ɔbɔnsám mɛɛtali sɔ mli ki, ni mlimɛtali kítá iwɛ.

⁶ ɔkpa ida ani mlɔbwe mu ali, tame megyi ɔhiɛ igyi. ⁷ Mi nkule su mu a, tekɛ mlɛtsiá kpanku fɛ mi, tame ɔhagyioha bu muá Bulu lupukié mu. ɔmɔbwe anɛ fɛɛ kɛkɛɛ. ɔhagyioha mu mu kle.

⁸ Séi nde akpanku muá asɔrapu blaa mbɛɛ, ni bɔtsulá tsia mi atsiabi a, tekɛ ibu alɛ. ⁹ Tame ni mlimɛɛtali kítá iwɛ ntɛɛ gyi mli iwɛsu mu a, mlɛtsia akulu muá aká, don ani mlɛnatɔ dá tsɔn.

¹⁰ Tame akulu muá aká awie mu a, mbla ku bu inuá megyi mi, mbuɔn anɛ Wie Yesu lɔwa ha amú. ɔbɛɛ, ɔká mákiná mu kulu. ¹¹ Tame ni ɔmáin mu kulusu a, ɔkita iwɛ ntɛɛ oyinki yɔ mu kulu wá. Okulu ɛ mákiná mu ka.

¹² Mli aha tráhe mú á, mí onutó dé mli íni bláa. Megyí aní Wíe Yesu dé mú blí. Ní ohógyipu yínhé tsía ɔtsiá omegyí ohógyipu, táme ɔtsi ámu latsúlá ání mva munyo bétsiá á, ɔmákiná mu. ¹³ Ní ohógyipu tsíhé é tsía oyin ání omegyí ohógyipu, táme alatsúlá ání mva munyo bétsiá á, mu é ɔmákiná mu. ¹⁴ Tsúfé ohógyipu tsíhé ámu sɔ Bulu ɔbóhɔ mu kulu. Alí kén ohógyipu yínhé ámu sɔ Bulu ɔbóhɔ mu ka é ní. Ní megyí alí á, Bulu móotsu amó abí ání amó asún da ɔkpa mu ansító, táme íni sɔ Bulu latsú amó ání amó asún da ɔkpa mu ansító. ¹⁵ Táme ní okúlu ntée ɔká ání omegyí ohógyipu dékléá obékiná mu tsiába ohógyipu a, ohógyipu amu osii mu ɔnati. Mbla kuku meklí mu, tsúfé Bulu létí aní ɔbéé, abétsiá iwilwiitɔ. ¹⁶ Ohógyipu tsíhé, fuyin ní fɔ ɔbóhɔ fɔ kúlu nkpa? Ntée ohógyipu yínhé, fuyin ní fɔ ɔbóhɔ fɔ ká nkpa?

Tsia Alá Fúgyi

¹⁷ Mó sɔ ɔhagyíɔha ɔpú tóá aní Wíe Yesu léha mu asa Bulu létí mu tsia. Múgyí tóá ntebláa ɔpasua kugyíku ní. ¹⁸ Ní ɔku létin keté asa Bulu létí mu a, ɔmálayínkí yébwé mú iwí tɔtɔtɔ. Ní ɔku é métin keté asa Bulu létí mu é á, ɔmáyétin. ¹⁹ Ketétin ntée ketémátin megyí tɔtɔ. Bulu mbla ámusu gyí mboun gyí asún. ²⁰ ɔhagyíɔha ɔtsiá alíá ogyi asa Bulu létí mu. ²¹ ɔkpábi fúgyi asa Bulu létí fú? Imáhan fu. Táme ní ɔkpa íbá ání fégyi iwí á, kusɔ mósó. ²² Tsúfé ní ɔkpábi fúgyi asa aní Wíe létí fú á, alahá fúgyi iwí. Alí kén ɔhá ání ɔtsie mu iwí sɔ asa aní Wíe létí mu é gyí ɔkpábi séi há Kristo ni. ²³ Bulu lóhɔ mli íbíá kpéklékpée. Iní sɔ mlimábwé mli iwí nkpábi há anyánkpúsa. ²⁴ Mí apíó, alágyíalíá ɔhagyíɔha gyí asa Bulu létí mu a, ɔpú mú alí tsia.

Mbitebí Múa Asvrapu

²⁵ Mli mbitebíá mlimókútsiá akúlu kí mú á, mma mbla kukuá itsú aní Wíe wá há mli. Táme aní Wíe mva mu nwewúun, alahá mí nyánsa ání mlétalí hɔ mí gyi. ²⁶ Asún ání nde há mli gyí, ɔyító lawá ɔnlín séi. Mó sɔ nahogyiá íbu aléá ɔhagyíɔha obétsiá alíá ɔtsie yaí. ²⁷ Ní fóbɔ ɔká á, mákiná mu. Ní kpanku fúgyi é á, mátepi tsia. ²⁸ Táme ní fetsiá ɔká á, fɔmákúbwé lakpan. Ní obitebíá ɔmákútsiá okúlu kí é ɔtsiá a, ɔmákúbwé lakpan. Asun wunhéá íbéba tekí ndetsu kúsó akúlu múa akásó. Mó sɔ nde íni blí.

²⁹ Mí apíó, múá ndeblí gyí, bré itinbí ílasí. Iní sɔ tsú séi á, ɔhá ání ɔbɔ ɔká ɔbwéé fé ɔhá ání ɔma. ³⁰ ɔsin ígyi o, ɔdwe ígyi o, iwinya ígyi o, ɔbwéé iwí fé asvansu medín musu. ³¹ Ahá ání bɔde ɔyí ánfítɔ ató pɔbwé tɔku bɔmápu amó ansí féé dínká mósó. Tsúfé ɔyí ánfí pú mútɔ ató féé béba bɔtsun.

³² Mmedékléá asún iháan mli. ɔhá ání ɔma ɔká tɔpú mu ansí dínká aní Wíe agyómású, méní obégyi mu ansí. ³³ Táme ɔká

mu wie mú tɔpó ansí dínká ɔyító atósó, ménɪ obégyi mu ka ansí.
³⁴ Mú su mu agywɪn tɔbwé anyɔ. Alí kén ɔtsɪ kpanku é tesí mu
 ɪwɪ há anɪ Wíe, ɔyulubu múa ɔhétó fée, ménɪ obégyi Bulu ansí ní.
 Táme okúlu mu wie mú tɔpó mu ansí dínká ɔyító atósó, ménɪ
 obégyi mu kulu ansí.

³⁵ Mlɪ yilé su nde asón ánfɪ blí. Mmedé mlɪ itin ka. Mboún
 ndekléá mlibwée tóá ɪda ɔkpa, amlɪsi mlɪ ɪwɪ fée há anɪ Wíe
 Yesu.

³⁶ Ní oyin ɔfité ɔtsɪsu, owun ání ɔméetalí kítá ɪwɪ, ɔtsɪ ámu é
 déklé ɔdan tsɔn a, ɔyékpain mu. Megyí lakpan igyi. ³⁷ Táme ní
 ɔlábwé agywɪn ání oméetsiá mu, ɔbétalí kítá ɪwɪ tsíá kpanku á,
 ɔbu ɔkpa bwé tóá odeklé. Ní ɔbétalí kítá ɪwɪ á, múmó ɔkíta ɪwɪ.
 ɪbu alé dɔn. ³⁸ ɪbu aléá obétsiá ɔká, táme ní ometepí tsíá a, ɪbu
 alé dɔn.

³⁹ Mbla léklí ɔtsɪ ání oméekiná mu kulu yófun mu owuké.
 Táme ní oyin ámu owú á, ɔbu ɔkpa tsíá oyin ání odeklé. Táme
 ilehián ání ɔhá ámu ɔbóbwe Okristoyin. ⁴⁰ Mí nkɔle su mú á, ní
 otsie kpanku á, ansí bégyi mu dɔn. Nyin ání Bulu ɔhɛ á múú ɪbu
 mitá ámu sù natalí nde mlɪ asón ánfɪ bláa.

8

Ɔkpɪtɔ Atogyihɛ

¹ Mliha abli ɔkpɪtɔ-ató gyí ɪwɪ asón á múú mliólwanlín sísí mí
 ámu.

Mlidéblí mliaa, “Anɪ fée anyin asón.” ɪbu mútó, táme mlibɪ
 ání asónbɪ tɛhá ɔha totsú ɪwɪ, ɔdwe é itɛhá ɔha tɛdan. ² Ní ɔku
 ɔbée, muɪn asón dɔbɪ a, ɔmɔkúnyá bí tóá idehián. ³ ɔhá ání
 ɔtɔdwé Bulu á, Bulu é yin mu.

⁴ Mú su nkálí anidéblí tsú ɔkpɪtɔ ató gyí ɪwɪ? Anɪ fée anyin
 ání ɔkpɪ mégyí tɔtɔtɔ. Anyin ání Bulu ɔkɔle pé é bu ɪnu, ɔkɔku
 trá ɔma ɔtɪnetɪne. ⁵ ɪniá ɪkpɪ múa túmi tsɔtsɔtɔsɔ bubu ɔsú múa
 así ó á, ⁶ anɪ mú anyin ání Bulu ɔkɔle pé bu ɪnu. Mogyí anɪ Sí,
 ɔsú múa así ɔbwepó. Mu anɪsie nkpa há. Anɪ Wíe ɔkɔle pé é bu
 ɪnu. Mogyí Yesu Kristo. Musu Bulu lótsɔn bwe tógyító. Mu kén
 su anɪsie nkpa ní.

⁷ Táme megyí Akristofɔ fée yín alɪ asón ánfɪ. ɪkpɪsúm
 lamántá amú dodo. ɪnɪ su ní begyi ɔkpɪtɔ-ató á, bude mú tsu
 ání basúm ɔkpɪ ámu nɪ. Mú su ifin lada amú, tsúfɛ bu mɔkúdan
 hógyitɔ. ⁸ Megyí tóá anɪtegyi sù anɪa Bulunyɔ nsinɛ bówa alé.
 Ntɔ anlégýí o, ntɔ anímégýí o, tɔtɔ meyintá anɪ ɪwɪ.

⁹ Táme mliki wankláán ání ɔkpa ánfɪ mlibu gyi ɔkpɪtɔ-ató
 ánfɪ ɪméɛha ɔhá ání ɔmɔkúdan hógyitɔ ɔméedɪda. ¹⁰ Ní ɔhá
 ání ɔmɔkúdan hógyitɔ owun fú ánfɪ fɛɛ fɔyɪn asón, fɔde ató gyí
 ɔkpɪtɔ á, ɪbu alé? Mómó yéɛ fɔde mu atɛtɔ-ɔnlɪn wa fɛɛ, ogyii
 ɔkpɪtɔ ató ánfɪ mu onutó oyin ání ɪma alɛ anɪ ní o. ¹¹ Mómó
 fapú fú asónbɪ mlé fú píó wá. Fahá fú píó ánfɪ ɔmɔkúdan

hógyitò, Kristo lówu há mu anfi lafwí. ¹² Ní fəpú lá gyi fú píó Okristoyin ání əməkódan hógyitò, fəhá mu əbwé tóá oyin ání uma alé á, Kristo fapú lá gyi a. ¹³ Mó su ní tóá négyi ɔbéha mí píó Okristoyin əbóbwe lakpan á, mméetepí trá gyi iye ekekeke, ménu iméha mu ɔɔda.

9

Sumbi Ɔyɔpú Túmi Pú Mv Gyumagyihɛ

¹ Mlɛkɛ mlɛaa mmetsie mí iwɛsu? Ntée megyí sumbí ɔyɔpú ngyi? Mməkówwun anɛ Wíe Yesu kɛ? Megyí mí gyumagyihɛ sù mlɛlamlí anɛ Wíe klé ndɛ? ² Ní mmegyí sumbí ɔyɔpú há akv á, mlɛ mú mlɛyin ání sumbí ɔyɔpú ngyi. Tsúfɛ́ ínɛá mlɛgyí Akristofó á, ilegyi adánsɛ ání anɛ Wíe sumbí ɔyɔpú ngyi.

³ Inɛ gyí tóá ntɔpúlé mí iwɛ ɔnó súná ahá ání butélé mí lá ní. ⁴ Mía Barnaba mó anumágyi ató, nu ntsu? ⁵ Anɛmá əkpa tsía ohógyipv, kpá mu buo iwɛ, fɛ sumbí ayɔpú atráhe amv pú anɛ Wíe apíó móa Petro aná? ⁶ Ntée mía Barnabanyɔ mú ayóo agyómá kɛ anɛ iwɛsu? ⁷ Isá əkɔpú onutó téká iwɛ ikó? Ekekeke! Ɔɔɔtɔpɔ əməmɔ tamagyi mu ndɔtə-ató? Mbwɛ ɔyáípú əməmɔ tamagyi mu əbwɛ yááhé?

⁸ Anyánkɔpúsa agywun ndɛpɔblí ínɛ? Yé Mose Mbla óó ɔlɛblí alɛ á? ⁹ Tsúfɛ́ bəwanlín wá Mose Mbla ámɔtə bɛɛ, “Botamawá ɔnantswieá ɔde ayó da ɔnó íkan.”* Fahogyi fɛɛ nnantswie iwɛ dé Bulu hián sù ɔlɛblí asún ání? ¹⁰ Megyí anɛ sù ɔde asún ání blí? Anɛ sù ɔde mú blí a. Bəwanlín wá Bulu asún ámɔtə bɛɛ, “Ifɛ ɔwópv mva ató əkpɔtípú fɛé bɔgyo tóá bénya tsú agyómá ámú bayó ámɔtə.” ¹¹ Ní anɔlabláa mlɛ asɔn wankláán ámv, igyi ɔhétó abíá anɔladú wá mlɛtə á, anɛ mú anumá əkpa nyá anɛ ɔyító atohiánhe tsú mlɛ wá? ¹² Ní akv bɔbɔ əkpa nyá ató tsú mlɛ wá á, anumá əkpa dɔn amú?

Táme anumótsu kɔkɔ lé ínɛtə. Anɔlapú klɔntə pisii hə tógyító, ménu anumóɔpɔ tɔtɔtə tin Kristo asɔn wankláán ámv əkpa. ¹³ Mlɛmɛyín mlɛaa, Bulu ɔtswékpa inɔ agyómá ayɔpú é bɔbɔ ogyíkpá inɔ? Ntée mlɛmɛyín ání afɔɔɔɛ-asubwɛ amv asɛ asúmpú bɔtegyi mú asɛ ató? ¹⁴ Alɛ kén anɛ Wíe léhɛ ání mu asɔn wankláán ámv əkan adapú é bɔgyíi ató tsu ahá ání bɔde labi nya tsú asún ámɔtə wá ní.

¹⁵ Táme mí mú mməkópú alɛ əkpa ání mbv anfi nyá tɔtə tsú mlɛ wá. Megyí bɛɛ ndekléá néfi mú asɛ, sù ndɛ asún ání wanlín sísí mlɛ. Ibv mí aléá nówu, dɔn ání nóhɔlú itó ání nópɔtsú iwɛ ání. ¹⁶ Táme ní ndɛ asɔn wankláán ámv əkan da a, imegyí tóá nópɔtsú iwɛ. Tsúfɛ́ ɔhíé igyi há mí. Bulu ɔbébití mí isv ní mmeda mú əkan. ¹⁷ Ní mí onutó léblí mbéɛ nóbwe mú á, tekɛ Bulu ɔbéda

* 9:9 Deut. 25:4. Kɛ ató táanheá bɔ ifon XXX, (1 Ti. 5:18). Mó asɛ gyí, “Botamalé ɔkwén pú ɔbɛ tsítisi ɔsólótə.”

mí ipán. Táme megyí mí onutó apétó nde mó bwe. Okpábi ngyi, Bulu lóbu mí onakwalipó pú agyómá ánfí wá mí íbitó. ¹⁸ Ikáká mòmú nénýa tsú mótó ngýa? Múgyí néda asún wankláán ámu okan, buméeka mí tótó. Teki mbu okpa púkle tóku há mí íwi, táme mmóobwe mó alí.

¹⁹ Ntsie mí íwisu. Mma ohaa así, táme nabwé íwi okpábi há ohagyíoha, méní nékpa ahá tsotsóotsó ba Kristo. ²⁰ Ntóbwé íwi fé Yodayin ní mbu Yudafótó, méní nétalí nyá Yudafó ámu. Mma Mose mbla así, táme ntóbwé íwi fé ahá aní bubu mó así, méní nétalí nyá amótó aku. ²¹ Alí kén ní mía omátófóá buma Mose mbla así aniná á, ntóbwé íwi fé amú, méní nétalí kpá amú ba Kristo ní. Iní medésuná aní mma Bulu mbla ámu así, tsúfé ntobú Kristo mbla ámu. ²² Ntóbwé íwi fé ahá aní amú hógyi onó ma onlín, méní nétalí há amú bédan Kristotó. Ntedamlí íwi okpa otsan-otsansu há ahá féé, méní nétalí kpá amótó aku ba Kristo.

²³ Asún wankláán ámu sù ntóbwé ínì féé, méní mí é nénýa ogyíkpa mótó. ²⁴ Mlikain aní ní ahá busrí a, okugyíoku teyírí íwi, táme obakúle tégyi ísu, butekíé mu ató? Mlí é mlhyírí íwi srí, méní mlégyi ísu, békíe mlí ató. ²⁵ Osrí otsíipú okugyíoku tekítá íwi, méní obésrí póho idá aní itamatsíá yó. Táme aní mó anidé ínì bwe, méní abóho idá aní imóofwi ekekéke. ²⁶ Iní su megyí kpaalí nsrí. Mí ansí dín tókusú. Ntamatswí atswé wá afútó. ²⁷ Ntesen ansító, bwé mí íwi okpábi, méní ní nedá asún ámu okan súná ahá ta á, Bulu méébláa mí obéé, nabwé tsítsá.

10

Ikrisúmm Iwí Oláda

¹ Mí apíó, ndekléá mlíbí tóá Bulu lóbwe há aní anáin amu féé bímbí ámu. Oleha agyinde lobun amú féésó, oleha opu pepe bunkpato lése, olekpa amú féé tsun opu amuto. ² Bulu lópu agyinde móa opu amu bó amú féé asú, púsúná aní bugyi Mose abúopu. ³ Amú féé begyi onétó atogyíhe oloku okule amu. ⁴ Bonu onétó ntsu oloku okule amu tsú butá amúú ilekpa amú ámuto. Kristo gyí butá ámu ní. ⁵ Táme ínì féé oma a, Bulu ansí megyí amú oduduo íwi, olehi amú dimbí ámusu ínu.

⁶ Ntobí ánfí ileba amúsó ánfí féé igyi atosuanhe há aní, méní amú lalahe amu odu bwe méedínká aní owóli, ⁷ ánumóosúm ikpí é fé amú. Tsúfé Bulu asún wanlínhé amu ileblí obéé, “Ahá ámu betsiá así gyí ató, nu ntá, kósó kóm.” ⁸ Mlímáwa atsi móa ayin asún fé alíá amótó aku bóbwe, ileha amótó mpím adwanyo-sa (23,000) benya lowu ekewóle. ⁹ Mlímáha asó Kristo kí fé alí amúú amótó aku bóbwe, awó bodundun amú mó ámu. ¹⁰ Mlímále Bulu ilá fé alíá amótó aku bóbwe, Bulu lópu obopu sísí, olóbomó amú.

11 Ntobí ánfí ìleba amósú fée igyi atosúanhe há aní. Bōwanlín mó tswí, pódá aní ahá ánfí òyí ònómóbí lató aní ánfí olá.

12 Mó sù ní fukí fée folí kinkíinkín Kristo hógýtó á, kí wan-kláán, méní foméédída. 13 Bì ání fú isókí amu mōtsun ɔtsan há aha tráhe klé. Ɖnəkwalipɔ Bulu gyí. Ɖméesha isókíá idun fu iba fusu. Táme ní fowíé isókító á, Bulu obósuná fú ɔkpa ání fōtsun mósó táli lí mó ònó, méní fédali mótó.

14 Mó sù apíó adwepú, mlímáwa iwí ikpísúmtó ekekekeke. 15 Atiansipɔ mligyí. Mó sù mlí onutó mliyo asón ánfíto amlíkí. 16 Ní adá Bulu ipán, anu aní Wíe Yesu ɔpónúbasí ewe ámuto ntá á, imosuná ání ania Kristo obugya labwé kule? Ní abíá bodobodo amu é ye aba á, mó é imosuná ání ania mu ɔyulúv labwé kule? 17 Iníá aní tsó ó á, bodobodo ipin kule anitegyi. Mó sù aní fée anilabwé ɔyulúv kule fé bodobodo ipín ámu.

18 Mlipokí Israelfó, megyí ahá amóv butegyí afōdie-ató ámu tóbwé kule afōdie ámu bótó? 19 Mó sù nkálí mí asón ánfí desuná? Blí ndeblí mbéé, ikpí ntée atogyihe amóv bapóhá amó igyí amu ibu labí? 20 Ekekekeke! Tóá ndeblí gyí, ní akpípú behá ikpí igyí a, ɔhe laláhe bōpohá, megyí Bulu. Mó sù mmedékléá mlia ɔhe laláhe mlóbwe kule. 21 Mlíméetalí pó aní Wíe ewe tin ònó, láyóv ɔhe laláhe ewe é tin ònó. Mlia Kristo mlíméetalí wá ibi gyi ató, mlia ɔhe laláhe é amlíwa ibi gyi ató. 22 Ní abwé mó alí á, animóvwa Bulu ɔbló fé Israelfó? Ntee anikíá aníbu ɔwonlín dun Bulu?

23 Ahá buteblí beé, “Aníbu ɔkpa bwé tógýtó.” Ibu mótó alí, táme megyí mó fée bu labí. Fudeblí fée, “Aníbu ɔkpa bwé tógýtó.” Táme megyí mó fée tóbúa aní. 24 Mlímákí mlí nkole klé, mbouín mlíkí mlí aba é klé.

25 Tóá mlíbwéé gyí, mlíwí ibíású iye kugyíku. Mlímáfíté mó iwí asvansu, mlí klun é umáha mlí pón. 26 Tsúfé bōwanlín wá Bulu asón ámuto beé, “Bulu bú ɔyí móa mótó ató fée.”

27 Ní ɔmátóyín ɔtí fú ató ogyíkpá, iletsiá fú á, fayó. Táme ní fáyó á, máfité mó iwí asvansu, fú klun é umáha fú ipón. 28 Táme ní ɔku ɔbláa fu ɔbéé, “Ɖkpító-ató igyi” á, alíá iméehan ɔhá ámu sù mágyi ató ámu. 29 Megyí alíá íbéhan fu sù, mbouín ɔhá ámu sù. Móbó ntogyi sù tóá ɔku désusúu íbétin mí iwígyí ɔkpa?

30 Ní ntédá Bulu ipán atogyihesu asa ntegyi mó á, ntogyi sù ɔku ɔbéle mí ilá ató ámu sù?

31 Mó sù ní fudegyí o, fudenúu o, bwe mó fée puwa Bulu numnyam. 32 Mlímáha mlí tsiátó itin Yudafó pó Griikifó ntée Bulu ɔpasua ámu Kristo wá ba ɔkpa. 33 Ntamakle mí nkole yilé. Tógýtóá ntóbwé á, ntóbó mbódí ání néha ahá ansí bégyi amó, méní Kristo ɔbóhó amó nkpa.

11

1 Mlíkasí mí tsiátó, fé alíá mí é nekasi Kristo klé.

Alíá Atsí Bópotsiá Ɔpasuato

² Mí apíó, ntekánfó mli, tsúfé mli ansí dun mísú. Mlídébwε dínká Kristo atosunáhé amóú nɔpohá mli ámu sv. ³ Táme ndekléá mlinúu mú así aní oyingyíoyin bu Kristo así, ɔtsigyíɔtsi bu oyin así, fé alíá Kristo é bu Bulu así. ⁴ Iní sv oyingyíoyin aní obun ató nwun asa ɔde mpái bɔ ntée ɔde asún aní Bulu lapówá mú ɔnó blí médé Kristo bu. ⁵ Táme ɔtsigyíɔtsiá ɔmeklí nwun asa ɔde mpái bɔ ntée ɔde asún aní Bulu lapówá mu ɔnó blí é médé mu kulu bu. Igyi fé alakpá nwun. ⁶ Ní ɔmóɔpu ató klí nwun á, mómú ɔkpáa mú. Táme ní ɔtsi ɔkpá nwun, ibu mu péli a, ɔpúv ató klí mósú. ⁷ Bulu lóbwe oyin fé mu iwí, pówá mu iwí numnyam. Mú sv mehián aní ɔbópú ató bun nwun asa obósum Bulu. Táme ɔtsi mú á, Bulu lóbwe mu pówá oyin numnyam. ⁸ Tsúfé oyin médalí tsu ɔtsiá, ɔtsi mboún lédalí tsú oyintá. ⁹ Megyí ɔtsi sù Bulu lópwe oyin, mboún oyin sù ɔlɔpwe ɔtsi. ¹⁰ Iní sv ilehián aní ɔtsi ɔbéklí nwun, púsúná aní ɔbu túmi así, tsúfé Bulu-abɔpu bɔde mu kí. ¹¹ Iníá ania Kristonyɔ anlabwé kule sv á, ɔtsi léhián oyin, oyin é léhián ɔtsi. ¹² Tsúfé alí amóú ɔtsi gyankpapu lédalí tsu oyintá ámu a, alí kén ɔtsi é lókwí oyin ní. Táme Bulu lóbwe tógyító.

¹³ Mli onutó mliyɔ asún ánfítá amlíkí. Ibu aléá ɔtsi méeklí nwun asa ɔbóbɔ mpái há Bulu? ¹⁴ Fé alíá Bulu léle ɔyító á, ima aléá oyin obési mu imi ibówa iwí fé ɔtsi klé. ¹⁵ Imi títín igyi numnyam há ɔtsi, tsúfé Bulu lópú mú há mu fé nwun-abúntá. ¹⁶ Táme ní ɔku dé mú iwí nwéén gyí a, asún aní mbu blí gyí, mmotsulá dínká kókusu dun ín. Alí kén Bulu ɔpasua atráhe féé bɔmotsulá dínká mósú ní.

Ɔpónóasiyɔ

(Mateo 26:26-29; Marko 14:22-25; Luka 22:14-20)

¹⁷ Mméeskanfó mli asún ánfí nebá bebláa mli ánfí mótó. Tsúfé yilé kuku tamadálí tsu mli ifiatá. Lalahε kóún itetí há mli. ¹⁸ Gyankpapu a, babláa mi beε mlitamabwé kule ní ɔpasua ámu befia. Nahogyi aní asún ánfí ku bu mótó. ¹⁹ Lélé mú á, ilehián aní nwéengyí bétsiá mlítá, méní mlówwun ɔnɔkwaliá ibu mótó. ²⁰ Táme beblí beε, ní mlefia a, megyí ɔpónóasiyɔ sv mlitefia. ²¹ Tsúfé mlitamagyɔ aba. Aku bɔtegyi amó ató, bɔtamahá aba. Mú sv aku bɔtonu bu, aku é bɔtsie akún. ²² Mli onutó mli má wóyíá mlitegyi ató, nu ntá mótó? Ntée mlídékléá mlósopáa Bulu ɔpasua ámu, amlíwa ahiánfɔ ámu pélitá? Amansu mblí tsu ín iwí? Nkánfó mli? Inítá mú á, ekekeεke, mméeskanfó mli!

²³ Tsúfé tóá nosuán tsu aní Wíε wá kén ndε mli bláa a. Aní Wíε Yesu léle bodobodo ipín onyé amóú bele mu há ámu, ²⁴ ɔléda Bulu ipán, bíabíá mótó, blí ɔbéε, “Mí ɔyulúá ndepohá mli ní. Mlitsia bwe ín pɔkain mísú.” ²⁵ Alí kén atogyihε amu ɔma a, olotsu ntá-εwe ámu, blí ɔbéε, “Ntá-εwe ánfí gyí mí obugya aní

Bulu dépósí ntam pəpwe amóú ibu mliá mɔnyɔ nsiné ámuɔsu ní. Brégyibréá mlónu mó á, mlinu mó pəkain mísú.”

²⁶ Tsúfé brégyibréá mli dé bodobodo anfi gyí, nu ntá tsú ewe ánfítə á, mli dé aní Wíe lowu ámu əkan da kpéfun bréá obéyinkí bá. ²⁷ Mó su əhá aní obégyi alí bodobodo anfi, nu ntá tsú aní Wíe ewe ánfítə mábú əkpasu á, alagyi aní Wíe əyulúvú pú mu obugya amu iwí pón. ²⁸ Iní su ilehián aní mlóyɔ mli nwuntə wankláán, asa mlégyi bodobodo anfi, nu ntá-ewe ánfítə. ²⁹ Tsúfé ní mli móbú aní Wíe Kristo əyulúvú, mli légyi bodobodo amu, nu ntá ámu é dínká ifinsu á, Bulu əbéha mli ipón mó su. ³⁰ Mó sú mli tə ahá tsətsətsə bapən, aku bədélə, aku mó kóráá bawú ní. ³¹ Ní anitəyó aní nwuntə wankláán asa a, tekí Bulu mééha aní pón. ³² Táme ní aní Wíe əlé aní ilá, bíti aní isu á, əmééha ania əyítə ahá féé ipón kule.

³³ Iní su mí apió, ní mleyéfiá əpónú ámu así á, mli tsia gyo aba. ³⁴ Ní akón de əku á, ogyíi ató tsu wóyítə asa əba, méní mli ifia amu iméeti isubítí há mli. Mí onutó néba bebláa mli tóá mli bwéé tsu asən tráhe amu iwí.

12

Ɔhe Wankíhé Atokiehé

¹ Séi á, apió, ndekléá néle Ɔhe Wankíhé atokiehé asún amú así wankláán súná mli.

² Mliyin aní bréá mli gyí əmátófə á, bosuná mli asunakpan, iléha mli lóyɔ mli dé ikpiá butamatóí sum. ³ Mó su ndekléá mli bú móá itsú Bulu wá. Ɔhagyíəha aní ədepv Ɔhe Wankíhé tóí méetalí lwíi aní Wíe Yesu. Ɔhá aní Ɔhe Wankíhé dé mu kpa nkole əbétalí blí əbéé, “Yesu gyí mí Wíe.”

⁴ Bulu atokiehé ətsan-ətsan bu inu, táme Ɔhe Wankíhé amu kén teye mó féé. ⁵ Bulusúm agyómá igyi ətsan-ətsan, táme aní Wíe amu kén aní féé anidésu. ⁶ Ɔkpa ətsan-ətsansu Bulu təyó agyómá tsən anisu, táme Bulu ámu kén dé mó féé bwe tsən aní féésú. ⁷ Bulu telé mu Ɔhé ámu əwan tsən əkpa əkusv anitə okugyíəkvətə, méní abópokpá aba. ⁸ Ɔhe Wankíhé tehá əku təpú nyánsa tóí kplá ahá, ətehá əku é tebí asún. ⁹ Ɔtehá əku tehíé hə Bulu gyi, ətehá əku é tetsá ahá ilə. ¹⁰ Ɔhe Wankíhé amu kén tehá əku túmi ətəpúbwé ofúla, ətehá əku é teblí asún aní Bulu ləpəwá mu ənó. Ɔtehá əku tetálí bí əhéá itsú Bulu wá pú móá itsú əhe laláhe wá. Ɔtehá əku teblí əblí bábmbá, əku é tonú mó asi. ¹¹ Ɔhe Wankíhé amu nkole tóbwé iní féé, oteye atokiehé anfi há əhagyíəha alá odeklé.

Ɔpasua Amu Igyi Nyankpɔsa-oyi Ɔkvlé

¹² Nyankpɔsa-oyí iwí ató itsə, táme mó féé ləbwe nyankpɔsa amu. Alí kén igyi Kristo é ní. Mu əpasua ámu gyí mu nyankpɔsa-oyí ámu ni. ¹³ Anitə aku anigyí Yudafə, aku Griikifə, aku nkpábi

ntée adíhíe, táme bəpu Ɔhe Wankíhé amu bó aní fée asú wá Kristo ɔyolúbu kole amuto, Bulu lópu Ɔhé ámu kén núná aní fée.

¹⁴ Táme mégyí toku kole lóbwe nyankpusa-oyí ámu, mboun iwí ató ɔtsan-ɔtsan. ¹⁵ Ní yabi ɔblí ɔbée, “Mma nyankpusa-oyí ámu iwí, tsúfé megyí ibi ngyi” á, ilosuná aní megyí nyankpusa-oyí ámu iwí ató ogyi? ¹⁶ Ní isu é ɔblí ɔbée, “Mma nyankpusa-oyí ámu iwí, tsúfé megyí nsíbi ngyi” á, ilosuná aní megyí nyankpusa-oyí ámu iwí ató ogyi? ¹⁷ Ní nsíbi nkole gyí nyankpusa-oyí ámu fée á, nkáli ɔbóbwe obónu asón? Ntée ní isu nkole gyí nyankpusa-oyí ámu fée á, nkáli ɔbóhɔ ató afú? ¹⁸ Táme Bulu lópu iwí ató tsɔtsɔtsɔ bwé nyankpusa-oyí ámu, ɔlɔpu kugyíku yi ɔtínéá odeklé. ¹⁹ Ní iwí ntobí ámu igyi toku kole a, nkáli nyankpusa-oyí ámu ɔbóbwe? ²⁰ Iwí ntobí ámu itsɔ mó, táme mó fée lóbwe nyankpusa-oyí amu ní.

²¹ Mó su nsíbi méetalí bláa ibi ɔbée, “Fuma labi há mí!” ekekekeke. Nwun é méetalí bláa yabi ɔbée, “Fuma labi há mí!” ²² Ní akí a, iwí ató ámúú anidékú aníaa ɔlɔɔn amu iwí téhian ní. ²³ Mó ámúú anidékúá obú ima mósú ámu anitobú don ní. Ɔtíné ámúú anitamakléá ahá bɔwúun amu é anitəpó ató tin ní. ²⁴ Táme anitamapó ató tin aní iwí ntobí ámúú ɔbu akíle amu. Bulu lóbwe aní iwí ató ámu alí, méní abóbu mó ámúú ima numnyam amu, kí mósú wankláán. ²⁵ Fówun ikolebwe bétsiá amótó, méní gyɔpi okpítá bina a, bina é lakpítá gyɔpi. ²⁶ Ní nyankpusa-oyí ámu iwí təkú dé ɔsin wúun a, nyankpusa-oyí ámu fée towun mó. Ní bekánfó mótó ku é á, ansí tegyi nyankpusa amu.

²⁷ Yoo, ayó nkpa. Kristo ɔyolúbu kole amu mlí fée mlígyí. Mlígyí mu ɔpasua ámu ní. Mlito okugyíɔku gyí mu nyankpusa-oyí ámu iwí təkú. ²⁸ Bulu léhíhíe ínì fée wá mu ɔpasua ámuto. Gyankpapu, sumbí ayəpó. Nyɔɔsi, Bulu ɔnósú atəpó, saasi, ató asunápó. Mó ɔma a, ofúla abwəpó. Amóá bubu ɔlɔtsá túmi, buale agyípó, ahande pó ɔblí bambá ablípó. ²⁹ Amó fée gyí sumbí ayəpó? Ekekekeke! Amó fée gyí Bulu ɔnósú atəpó, ntée ató asunápó, ntée ofúla abwəpó? Iméeba mótó alí! ³⁰ Amó fée bu ɔlɔtsá atokiehé? Amó fée téblí ɔblí bambá, ntée amó fée tetálí nú ɔblí bambá ámu asi? ³¹ Mlɔbɔ mbódí amlidunka atokiehé ámuto móá idehián don.

Nélasúná mlí ɔkpa aní idon ínì tsía mótó.

13

Ɔdwe

¹ Ní ntetalí blí anyánkpósa pó Bulu-abəpu ɔblí fée, táme ntamadwé mí aba á, ngyi fé ɔkan ntée gbémgbléín aní bude mó da, idelín kóklókúú. ² Ní mbu Bulu ɔnó asónblí, Bulu ason nainhé bi pó hógyi kpɔnkpɔntiá ntetalí pópúlí abu, táme mma mí bá iwí ɔdwe á, mómú mma labi kuku. ³ Ní nəpó mí ató fée kíe ahíánfó,

nɔpú mí iwɪ há mbéé bɔwáa mí ogyá, táme mma mí bá iwɪ ɔdwe á, mma labi há ɔhaa.

⁴ Ahá ɔdwe pú tenyá iklɔn, ɔbu awitɔle. Ɔma olu, ɔtamaká ɔnɔ́tɔ́, ɔtamatsú iwɪ. ⁵ Otobú ató, ɔma ɔnsípe. Ɔtamakósi nyá ɔblɔ́, ɔtamahɔ asón wá iwɪtɔ. ⁶ Ɔtamatsúlá asukpan, ɔnɔkwali otobuo. ⁷ Otenyá klɔn há tógyítɔ́, ɔtɔhɔ asónsú gyi. Mu ansí tɛdínká asónsú, ototomi é.

⁸ Ɔdwe mú itamatá, táme Bulu ɔnɔ́ asónblí bómɔ ɔnɔ́. Ɔblíu bámbá blí béka itin, asónbi é ibéba bɔtsɔn. ⁹ Tsúfɛ́ anumókúnyá bí tógyítɔ́ tá, anumókúnyá blí Bulu ɔnɔ́ asón é yi. ¹⁰ Táme ɔhétɔ́ atokiehé ánfɪ fɛ́é imɔfɔn. Ní múá ilɔfɔn yi ibá á, íni fɛ́é bɔfwɪ.

¹¹ Igyi fɛ́é íni. Bréá ngyi kebi á, nɔtɔ́i fɛ́é kebi. Mí atɔ́ bwehé pú mí asɔn susúhe fɛ́é lɔbwe fɛ́é kebi. Táme séi ánfɪ nadan a, nasí nyebitɔ́ bwehé ámu fɛ́é bwe. ¹² Séi á, anidé ató kí fulaa fɛ́é ogyásitɔ́ anidé mú kí. Bré ikɔ́ béba a, abówun mú wankláán. Séi á, anɪ atóbɪ mɔfɔn. Ɔma a, abéba bebɪ mú fɛ́é alhá Bulu yin anɪ.

¹³ Ɔnɔkwali a, atoku asa ánfɪ obétsiá ní. Hógyi, ɔkpakú pú ɔdwe, táme ɔdwe dɔn mú fɛ́é.

14

Ɔhe Wankihé Atokiehé Bámá

¹ Mlɪdunka ɔdwe ɔkpa, amlɪdunka ɔhétɔ́ atokiehé é. Múá idɔn a, Bulu ɔnɔ́ asónblí. ² Tsúfɛ́é ní ɔku dé ɔblíu bambá blí á, megyí anyánkɔ́pɔ́sa ɔdebláa, Bulu ɔdebláa. Ɔhaa tamanú mú asi, tsúfɛ́é mu ɔhɛ́ dé asɔn nɔ́nɔ́hé blí. ³ Táme ɔhá ání ɔde Bulu ɔnɔ́ asón blí mú á, ahá ɔdebláa, ɔdeɔubúa amú abɔdan hógyitɔ́. Ɔdeɔwá amú ɔwɔnlín, ɔdeɔulwíi amú iklɔn é. ⁴ Ɔhá ání ɔde ɔblíu bambá blí nkɔ́le ténýá ɔwɔnlín Bulusúmtɔ́. Táme ɔhá ání ɔde Bulu ɔnɔ́ asón blí mú tɔ́wá ɔpasua ámu ɔwɔnlín.

⁵ Teki ndekléá mlí fɛ́é mléblí ɔblíu bambá, táme ní mlidé Bulu ɔnɔ́ asón blí á, ibɔ́ mu alé dɔn. Tsúfɛ́é Bulu ɔnɔ́sú ɔtɔ́ipú dɔn ɔblíu bambá ɔblípú. Nkétɪ ní ɔblíu bambá ɔblípú ámu tetálí lé mú asi, ménɪ ɔpasua ámu bénya tɔ́ku tsú mútɔ́. ⁶ Mí apíó, ní naba mlí wá séi beblí ɔblíu bambá ku, mmele mú asi á, labi mɔ́mu ibówa há mlí? Táme ní neblí asón, nehá mlébi asón, ntée neblí asɔn lesúnáhé ku, ntée neblí Bulu ɔnɔ́ asón ku, ntée súná mlí ató á, ibówa labi há mlí dɔn.

⁷ Mlɪpɔ́ki itóá fedá mú itotsúlá, fɛ́é ikwe, ɔtɛ́ntɛ́ ntée ɔkpe aná. Ní fɔ́meda mú itsula wankláán á, bɔtamanú mú asi. ⁸ Ní klunsi ɔdapú mébi dá mú á, ɔhaa tamanú mú asi, dídá ató yó isá. ⁹ Alí kén ní mlidé ɔblíu ání ɔhaa médé mútɔ́ nu blí á, mlidétɔ́i wá afútɔ́ ní. ¹⁰ Ɔblíu tsɔtsɔtsɔ bu ɔyítɔ́. Kugyíku ilɔfɔn, ibɔ́ mú ablípú anulé. ¹¹ Táme ní ɔku dé ɔblíu ku blí, mí é mmedé mútɔ́ nu á, ntamanú mu asi, mu é ɔtamanú mí asi. ¹² Mú sv íniá mlíhíé

mlídé ɔɣe Wankíhé atokiehé ámu dunká á, mlíkuli múá íbówa ɔpasua ámu ɔwunlín.

¹³ Iní su ɔhá aní ɔteblí ɔblí bámbá ɔkólí Bulu mó asinu, méni ɔbétalí le mó asi súná mó anupó. ¹⁴ Tsúfě ní ndepu ɔblí bámbá bó mpái á, mí ɔɣé dé mó bɔ, táme mmedé asón aní ndeblí asi nu. ¹⁵ Nkálí mee nóbwe? Nóbɔ mpái ɔɣétó bré kɔtɔ, pú mí agywuun é bó mó bré bámbátó. Alí kén nówa lu ɔɣétó, pú mí agywuun wá mó bré kɔtɔ é ní. ¹⁶ Tsúfě ní fúde Bulu kanfó ɔɣétó pé á, nkálí íbóbwe ɔhá aní ɔmedé mó asi nu ɔbétsa fú? Nkálí bétsa fú Bulu ipán da ní bumedé asón aní fudeblí asi nu? ¹⁷ Fíalí fúde Bulu ipán da wankláán, táme itamawá fú bá ɔwunlín.

¹⁸ Nedá Bulu ipán aní nteblí ɔblí bambá dɔn mlítɔ okugyíɔku. ¹⁹ Táme ní afia a, ntekleá néblí asón anu pé aní ɔhagyíɔha obónu mó asi, íbóbɔ́á amó é dón aní néblí asón mpím-dú (10,000) ɔblí bámbátó aní ɔhaa mónu mó asi.

²⁰ Mí apió, mlímábwe agywuun fě nyebí. Mlibwe iwí fě kebi-bɔbwe lakpanbwetɔ, táme mligywuun fě ahande. ²¹ Bɔwanlín wá Bulu asón ámɔtɔ beɛ,

“Nótóí tsun afóósú, bébláa mí ahá ɔblí bambá.

Mó ó á, mí ahá bɔmóonu mí ɔme.” Aní Wíe léblí.

²² Iní su ɔblí bambá blí igyi osúna há ɔmátófo, megýí ahógyipu. Bulu ɔnó asón blí é igyi osúna há ahógyipu, megýí ɔmátófo.

²³ Ní ɔpasua ámu ifia, ɔhagyíɔha dé ɔblí bambá blí, ɔha bambá pú ɔmátóyín bebá mlítɔ á, bumedéblí beɛ, mli nwun layíntá? ²⁴ Táme ní mli fěé mlídé Bulu ɔnó asón blí, ɔmátófo ntée ahá aní bɔtamanú mótó bebá mlítɔ á, amó onutó bóyɔ asón ámɔtɔ, nú iwiasí aní babwé lakpan. ²⁵ Ibéha amó klɔntɔ asón bélín ɔwan, béda akpawunu, kánfó Bulu beɛ, “Lélé, Bulu bɔ mlítɔ.”

ɔpasua Amɔtɔ Nnihé

²⁶ Mí apió, ní mlebá befia Bulu osúmkrá, mlítɔ ɔku tɔwá lu, ɔku tosúná ató, ɔku towun ató, ɔku teblí ɔblí bámbá, ɔku é tonú mó asi á, bɔbwéé mó puwa ɔpasua ámu ɔwunlín. ²⁷ Ní aku béblí ɔblí bámbá á, bɔbwéé ahá abanyó. Ní bɔtsɔ kóráá á, abasá. Bɔblí mó ikule-kule, méni ɔku ɔbéle mó asi. ²⁸ Ní ɔhaa má ofiakpa inɔá ɔbéle mó asi mó á, bɔkpá ɔnó bun, amóa amó Bulu abɔtɔi nklobítɔ. ²⁹ Bulu ɔnósú atáípú abanyó ntée abasá bɔtɔi, atráhe abuyɔ amó ason blíhé amɔtɔ. ³⁰ Táme ní Bulu ɔlé ató súná ɔkɔ́á otsie ofiakpa inɔ á, Bulu ɔnósú atáípú ámu osíi tóí, ɔhá ámu ɔbli tóá alawun. ³¹ Mli fěé mlétalí blí Bulu ɔnó asón ámu ikule-kule, méni mli fěé mlósuán tɔku tsú mótó pówá iwí ɔwunlín. ³² Bulu ɔnósú atáípú amɔ bonyáa túmí ɔɣé ámóú ide amó kpa amósó, méni bó́táí há amó aba ɔkpa. ³³ Tsúfě Bulu asón lolwií, omegýí basabasa.

³⁴ Ní ɔpasua ámu ifia a, atsi bubwée díín. Buma ɔkpa tóí. Bubá iwiasí fé aliá Mose Mbla léblí. ³⁵ Ní budekléá bónu asvankotó á, bufite amó akúlu wóyító, tsúfé ibu péliá ɔtsi ɔbótóí ofiakpa.

³⁶ Mlilahogyi mliaa, mli wá Bulu asón ámu ilotsuá así? Ntée mli nkole látsɔ mó nu? ³⁷ Ní ɔku dékú ání Bulu ɔnósó ɔtáipó mogyi, ntée ɔbu Ɔhétó atokiehé ku á, iwánki mu ání aní Wíe onutó mbla igyi ndewanlín sísí mli. ³⁸ Ní ɔmáho asón ánfí á, mli é mlimáho mu asón.

³⁹ Mí apió, ínu sv mlipri ání mléblí Bulu ɔnó asón, táme mlimábláa ɔhaa mliaa, ɔmáblí ɔblí bambá. ⁴⁰ Mliwwe tógyító dínka mó ɔkpasu wankláán, ifun.

15

Kristo Kvsó tsú Afúlitó

¹ Mí apió, séi á, nkáin mli ason wankláán ámúú neda mó ɔkan súná mli, mliólóho mósó gyí, mli hógyi ulí mósó ámu. ² Asón ánfí ɔbéha mli nkpa ání itamatá, ní lélé mliólóho mósó gyí ni. Táme ní mlekiná mósó hogyi mó á, mli hógyi labwé kpaali!

³ Tsúfé asón ání ihíe dehián bɔpohá mí nɔpoba mli igyi. Mógyí, Kristo lóbowu aní lakpan sv, fé aliá Bulu ason wanlínhé amu léblí. ⁴ Bopolá mu, Bulu lókusóa mu tsú afúlitó eke sáásí fé aliá Bulu ason wanlínhé amu ldeblí. ⁵ Ɔlele iwí ɔwan súná Petro. Mó ɔma a, ɔlele iwí ɔwan súná sumbí ayɔpú dúanyɔ ámu féé. ⁶ Iní ɔma a, ɔlele iwí ɔwan súná mu abúopu tsotsɔtsɔá budun ahá lafanu (500) ɔsáwule. Amótó aku bawú, táme ɔduduo butráa butsie nkpa. ⁷ Ɔlele iwí ɔwan súná Yakobo é. Ɔma a, ɔlele iwí ɔwan súná sumbí ayɔpú ámu féé.

⁸ Itráhe-tráhe a, ɔlele iwí ɔwan súná mí onutó ánfí nesin ɔma ba anfi. ⁹ Tsúfé mígyí sumbí ayɔpú ámutó ɔkusv ni. Teki mmɔfun ání bétí mí sumbí ɔyɔpú kóráá, tsúfé nedínká Bulu ɔpasua ámusv. ¹⁰ Táme Bulu awítale só nde namlí alí. Mu awítale amu imɔbwe kpaali. Tsúfé nayó agyómá dun amótó okugyíɔku. Táme megyí mí ɔwunlín nɔpuyó mó. Mu awítale amu dé mí kpa. ¹¹ Iní sv ní mílétrá da asón ámu ɔkan o, amó o, múbá idehián gyí mliólóho aní asón ámusv gyi.

Aní Kvsó Tsú Afúlitó

¹² Ní anitedá Bulu asón ámu ɔkan aníaa, Bulu lókusóa Kristo tsú afúlitó á, ntogyi só mlitɔ aku mó bee, awupú bumóɔkusú tsú afúlitó? ¹³ Ní awupú bumóɔkusú mó á, idesuná ání Bulu mókusóa Kristo é. ¹⁴ Ní Kristo mókusú tsú afúlitó á, tekí aní ason wankláán amu ɔkanda igyi kpaali. Mli mósó hogyi é igyi kpaali. ¹⁵ Ní Bulu tamakúsóa awupú mó á, mó mó afunu anidéwa tin Bulu ɔnó, blí aníaa alakúsóa Kristo tsú afúlitó. Ní ɔtamakúsóa awupú á, mó mó asón ánfí ima mótó. ¹⁶ Ní ɔmóɔkusú amó mó á, mó mó ɔmákusúa Kristo é ní. ¹⁷ Ní

omakúsóa Kristo a, mómó kpaali mlilaha mu gyi. Idesuná ání mlilasin lakpanta. ¹⁸ Mómó itráa desuná ání Kristo ahogyipwá bawú é bafwí. ¹⁹ Ní òyí ánfító nkpa nkulesó aní ansídín Kristosu mó á, mómó aní ilá bu nwe dun ohagyíoha.

²⁰ Táme onakwalia ida gyí, Bulu lakúsóa Kristo tsú afúlitó. Kristo labwé ahá ání Bulu obókúsóatò ogyankpapu. ²¹ Alí ámúú lowu léba tson nyankpúsasú ámu a, alí kén kúsú tsú afúlitó é iléba tson nyankpúsasú ní. ²² Tsúfé alí ámúú ahá butowú amóba Adam ikulebwe su ámu a, alí kén amóba Kristo ikulebwe su amú féé bénya nkpa ní. ²³ Táme anító okugyíòku bu mu bré. Kristo Bulu légyankpá kósóa tsu afúlitó. Ní Kristo oyínkí bá a, mu é obókúsóa mu ahá féé. ²⁴ Mú oma a, Kristo obégyi ohétó túmi laláhe, iwíegyi pú túmiá ide òyísó gyí féésú asa òyí obómò ohó. Mú oma a, obéyinkia iwíegyi ámu wá aní Sí Bulu ibító. ²⁵ Tsúfé ilehián ání Kristo obégyi iwíe kpéfòn bréá alagyi mu alupú féésú, pú mu ayabi tsá amósú. ²⁶ Olupú tráhe ání obéhi gyí lowu. ²⁷ Tsúfé Bulu ason wanlínhé amu iléblí obéé, “Bulu lópu tógyító wá mu asi.” Iní imosuná ání Bulu bu Kristo asi. ²⁸ Ní Kristo ogyi tógyítósó tá á, obópu iwí wá Bulu asi. Moléha mu túmi dínká tógyítósó, fówun Bulu é obégyi tógyítóá ibu ótínegyíótínésó.

²⁹ Ní Bulu móokúsóa awupú á, ntogyi sù ahá bude asú bò há ahá ání bawú? Ntogyi sù béha bóbò amú asú há amú? ³⁰ Ntée ntogyi sù aní mó abópu aní nkpa pléi brégyibré? ³¹ Mí apíó, nekáse, ntefia alowusu ekekegyíeke! Igyi tóá ntópótsú iwí ání mliha aní Wíe Kristo Yesu mlilabwé ikule. ³² Mú su kpaali nako Efesofóá bugyi fé mbwikítá-atò? Ní Bulu móokúsóa awupú mó a, “Mómó mliha agyi, awi, anu, tsúfé òke sesebre anilawú.” Fé alíá bowanlín wá Bulu asún ámúto.

³³ Mlímáha ahá ání buteblí asún ánfí odu abómle mli! Tsúfé ahandé beé, “Mba laláhe gyí teyíntá oha.” ³⁴ Mlilabwe agywun wankláán, amlisi lakpan bwe. Tsúfé mlító aku butépi bomeyín Bulu. Nde asún ánfí wanlín sísí mli púsópa mli.

Òyulúvá Abópókósú Tsú Afúlitó

³⁵ Òku obéfíté obéé, “Nkálí Bulu obókúsóa awupú? Òyulúv mòmú bópókósú?” ³⁶ Oha mimláhe! Bi ání ní fodú ató-abí á, itopló asa itakwe. ³⁷ Megyi itóbí ámúú fapowá osulúto ámu gyí obán amúú itedan amu. ³⁸ Bulu tehá mó òyulúv papwe ání mu onutó odeklé. Otehá ató-abí kugyíku mó òyulúv otsan.

³⁹ Alí ámúú ató-abí otsan-otsan búv inu ámu a, alí tógyító òyulúv igyi otsan ní. Anyánpósa, mbwi, mbubwi pú ntsutso aye féétó okugyíòku òyulúv otsan.

⁴⁰ Osósú-ató bu inu, osulúsu-ató é bu inu. Mú féé ibu òyulúv otsan-otsan. Osósú klé numnyam otsan, osulúsu klé é numnyam otsan.

⁴¹ Owí numnyam igyi otsan há otsra. Otsra klé é igyi otsan há

ntsarakpabi. Ɖtsarakpabi kugyiku ná ɔtsan, mú numnyam é ina ɔtsan há mú bá.

⁴² Alí íbóbwe bréá Bulu ɔbókɔsúa awupó ní. Aní ɔsulósu-ɔyulúvú anfi itowú, pló ánfí íbótsɔn ɔtsan há múá Bulu ɔbókɔsúa tsu afúlito, tsúfé mú mú imóowu ekekeke. ⁴³ Aní ɔyulúvú anfi tɔpɔn bréá bopúlá mú, táme ní Bulu ɔkúsúa mú á, itenyá ɔwɔnlín, wá numnyam. ⁴⁴ Ɖsulósu-ɔyulúvú igyi séi, táme ní Bulu ɔkúsúa mú á, íbóbwe ɔhétó ɔyulúvú. Tsúfé alí ámúú ɔsulósu-ɔyulúvú bu inu ámu á, alí ɔhétó klé é bu inu ní. ⁴⁵ Bulu asɔn wanlínhé amu lébláa aní ɔbéé, “Adam gyankpapu amu lóbwe ɔkiankpapu.” Táme Adam tráhe, ogyi Kristo amu mú gyí Ɖhéhá ɔtehá nkpa. ⁴⁶ Ɖsulósu-ɔyulúvú anitegyankpá nyá asa anitebenya ɔhétó klé. ⁴⁷ Ɖsulótɔ-ɔsi Bulu lópɔpwé nyankpɔsa gyankpapu, ogyi Adam amu. Kristo, amúú obuo amu mú ɔtsú ɔsúsú. ⁴⁸ Nyankpɔsa okugyíaku bu ɔsulósu-ɔyulúvú fé Adam, táme aní ɔsúsú-ɔyulúvú mú bóbwe fé Kristo klé. ⁴⁹ Alí ámúú anigyí fé ɔsulósu Adam amu a, alí kén abóbwe fé Kristo amúú ɔtsú ɔsúsú ámu é ekekó ní.

⁵⁰ Apíó, tóá ndeblí gyí, aní ɔyulúvú anfi igyi ɔyulúvú múa obugya anfi íméenya ogyíkpá Bulu iwíegyí ámutɔ. Tóá iteyíntá íméetalí nyá ogyíkpá tóá itamayíntátó.

⁵¹ Táme mliyaa asu amlinu asɔn nǎínhé kvá Bulu lalé súná mí. Ɖbéé, megyí aní fée obówu, táme aní fée ɔyulúvú bétse. ⁵² Ní ɔkpe tráhe ífólí pé á, aní fée abétse ɔtsáwule pé. Bulu ɔbókɔsúa awupó ámu. Amú ɔyulúvú íméetrá yíntá, ɔbétse aní nkpa atsiápó é fée. ⁵³ Tsúfé ilehián aní Bulu ɔbétse aní ɔyulúvú anfi itowú pló ánfí, há aní ɔyulóbá itamawú, itamapló. ⁵⁴ Ní íbá mótó aní Bulu latse tóá itowú, bwé mú tóá itamawú, tóá itɔpló é lábwé tóá itamapló á, inó Bulu asɔn wanlínhé anfi íbéba mótó ní. Ɖbéé, “Batú lowu así plíplíplíplí. Isugyí onutó laba.”

⁵⁵ Bulu asɔn wanlínhé kv é léblí ɔbéé, “Oo lowu, nkónu fú ɔkpe bu?

Nkónú fú isugyí bu?”

⁵⁶ Lakpan igyi ɔkpe aní itómó, Mose mbla ámu é itehá lakpan túmi. ⁵⁷ Nkálí kóráá abókukv da Bulu ípán? Móláhá anilatsɔn aní Wíe Yesu Kristosv gyi asu.

⁵⁸ Mú sv apíó adwepó, mlilu kínkíínkín, mlímákpínkí. Mlisi mli íwí fée ha Bulu agyómá brégyíbré, tsúfé mliyin aní mli gymagyihe móóbwe kpaali.

16

Itswitswi Ha Yerusalem Ahíánfɔ

¹ Itswitswi ha Bulu ahá aní búbu Yerusalem asún ámu é á, mlíbwé mú fé alí ámúú nebláa ɔpasua ámúú íbúbu Galatia ɔmátó mbée búbwéé mú ámu. ² Ɖhagyíɔha ɔkú mu kóba alíá otenyá ɔnó, ɔle kv yai Kwasiédagyíkwasieda. Mlímágyo mliha mbá

asa amlitswítswí múb. ³ Ní nebá á, nówanlín nwoóló há ahá aní mli onutó mléle mliaa, bupúv ató ámu ya Yerusalemfó ámu, pólé amú súná amú. ⁴ Ní ibu aléá nóyo á, múmú bóbuo mí yó.

Paulo Okpatu Nnihíé

⁵ Ní nókúsó tsú Makedonia a, néba mli wá, tsúfě ndekléá nótson inu asa néba. ⁶ Fíalí nétsiá mli wá kpalobí. Fíalí kóráá nétsiá inu nyankpu múa atsalí bré ámu fěé, fówun mlilásí mí okpa nayó otínegyíotínéá nóyo. ⁷ Séi mó á, mmedékléá néba beka tson mli wá keke. Ní Bulu lótsulá á, nétsiá mli wá kpalobí.

⁸ Táme nétsiá Efeso nfi kpéfón Pentekoste eke ámu. ⁹ Tsúfě okpa kpónkpóntí lafinkí há mí aní nóyo agyómá aní íbówa labi. Ibu mótsá mí alupú tsótsótsó bubu nfi mó.

¹⁰ Ní Timoteo owíé mli wá á, mlímáha ifú ikita mu, tsúfě aní Wíe agyómá ámu kén odéyo fě mí. ¹¹ Mlímáha ohaa oki mu ansító kótíkótí. Mlisi mu okpa wankláán oyinki bótú mí, tsúfě ntsie ngyo muva aní apió atráhe amú.

¹² Aní pió Apolo asón ámu a, nalí musu mbéé, obúo apió ámu ba mli wá, támé omedékléá obéba séi. Ní onyá okpa á, obéba.

Asón Tráhe

¹³ Mlída iwísv, amlílu kínkíínkín mli hógyitó. Mlíwa klón, amlíwa iwí ówónlín. ¹⁴ Mlípu odwe bwe mli tógyító.

¹⁵ Mí apió, mliyín aní Stefana muva mu wóyító ahá gyí agyankpapóá bedamlí klóntó Akaia nsántó. Basí iwí há, búde Bulu ahá ámu súm. ¹⁶ Nokókóli mli, mlíba iwíasi ha amúa ahá aní béba betsiá amútó, bópú nsi yó agyómá ámu.

¹⁷ Ansí lagyi mli aní Stefana muva Fortunato pó Akaiko baba mí wá. Tsúfě búde mli obwekpá bwe. ¹⁸ Bawá mí ateto-onlín wankláán, fě alí amúv bowa mli ámu. Mlíbu ahá ánfí odu.

¹⁹ Opasua amúv ibu Asia amúv fěé búde mli tsiá ha. Akwila muva Priska pó opasua amúv ibu amú wóyító amú é behá mli tsiá wankláán aní Wíe idátó. ²⁰ Apió aba ámu fěé behá mli itsiá gyágyáágyá.

Mlílata aba puta Kristotó.

²¹ Mí Paulo onutó lapó mí íbí wanlín íní, ndepohá mli tsiá.

²² Ní oku tamadwé aní Wíe Yesu a, ilwí dín musu!

Marana-ta! (Mó así gyí, “Aní Wíe, ba!”)

²³ Aní Wíe Yesu Kristo ogyíi mli buale.

²⁴ Ania aní Wíe Kristo Yesu ikolebwe sv ntehíé dwé mli fěé. Amen!

Ɔwulɔ Nyɔɔsiá Paulo Lɔwanlín Sísi Korintofɔ

¹ Mí Paulo ání ina Bulu apétó nabwé Kristo Yesu sumbí ɔyɔpɔ mɔa aní pío Timoteo dé ɔwulɔ ánfɔ wanlín.

Anidé mú wanlín sísi Bulu ɔpasua ání ibu Korinto wúlutɔ pɔ Bulu ahá ání bubu Akaia ɔsulɔsu fée.

² Aní Sí Bulu mɔa aní Wíe Yesu Kristo bugyíi mlɔ buale, abuha mlɔ iwilwii.

Paulo Bulu Ipánda

³ Mliha akanfɔ Bulu. Mbugyí aní Wíe Yesu Kristo mu Si pɔ mu Bulu. Mbugyí aní Síá otowun aní nwe pɔ aní Buluá otolwíi aní klɔn ɔkpagyíɔkpasu! ⁴ Otolwíi aní klɔn aní asɔn wunhe kugyíkɔtɔ, ménɔ aní é abétalí pɔ klɔn lwiihé ámóú anilanyá tsú mu wá ámu lwíi aní aba klɔn amó asɔn wunhetɔ. ⁵ Alí ámóú Kristo léhie wun ipian kpɔnkpɔɔnkpɔnti, aní é anidé mú ku wúun amɔ a, alí kén Bulu ná Kristosu ɔhíé ɔde aní klɔn lwíi ní. ⁶ Mú su ní anidé ipian wúun a, mlɔ iwilwii pɔ mlɔ nkpahɔɔ su anidé mú wúun. Tsúfé Bulu dé aní klɔn lwíi, ménɔ aní é abólwíi mlɔ klɔn, fówun mlétalí nyá klɔn, tomi wun aní ipian ámu odu kén. ⁷ Ifú medé aní mlɔ su, tsúfé aniyin ání ania mlinyɔ dé ipian ámu wúun. Mú su Bulu obólwii mlɔ klɔn fɛ aní.

⁸ Apíó, ibu aléá mlébi ání iwɔɔsɔn ámóú anilówun Asia ɔmátɔ ámu ɔnɔ léhie wá ɔnlin. Ilekɔ dɔn aní. Ifú lekítá aní, aníkí ání abówu kokooko. ⁹ Ɔnɔkwali asún, ilɔbwe aní fé bahá aní lowu ipɔn. Táme alíá animɔɔpɔ aní dínká aní iwɔsu, mboún Buluá ɔtɔkósúa awupúsú, su ilɔba alí. ¹⁰ Lélé mú á, ɔlele aní tsú lowutɔ. Anilahogyi ání obétsiá lé aní brégyibré. ¹¹ Ɔbéle aní, tsúfé mlidé mpái bɔ aní nwunsu. Inɔ su ahá tsɔtsɔtsɔ bédá Bulu ipán aní nwunsu, tsúfé alawá awítɔle há aní, mpái ámóú ahá tsɔtsɔtsɔ budebɔ há aní ámu su.

Paulo Nhíhé Tse

¹² Abétalí pɔ ibi sí kántɔ aniaa aní klɔn mókóhá aní pɔn aní nkpatɔ, títriu ania mlinyɔ nátitɔ. Megyí aní ɔsulɔv anisɔ nyánsa anilópɔ anidé aní agyómá yɔ, mboún Bulu awítɔle sú anilatálí lé iwítɔ anidé tógyítɔ bwe ɔnɔkwalisɔ. ¹³⁻¹⁴ Tsúfé megyí asón ání mlíméetalí kla, nu mú asɔ anitɔwánlín sísi mlɔ. Ibu mótáá mlímédé mú asɔ nu yi, táme nahogyiá mlóbonu mú asɔ wankláán ekékó. Fówun mlɔ é mlétalí pɔ aní tsú iwɔ, fɛ alí aní é abópɔ mlɔ tsú iwɔ aní Wíe ɔbáke amɔ.

¹⁵ Mí aní dɔn asón ánfisɔ. Mú su nɔbwe agywun ání néba mlɔ wá, ménɔ mlénya oyúla anyɔ. ¹⁶ Múgyí, nótson mlɔ wá yó Makedonia. Ní neyínkí é nélatson mlɔ wá; fówun mlétalí sí mí ɔkpa, néyínkí ba Yudea ɔmátɔ. ¹⁷ Mléfité mliha, ntogyi sú

nalátse mí agywun. Ntée nabwé fé òyító ahá á múbú boteblí beε, “Ee” latsé amú ònó beε “O-o” amoto òku? ¹⁸ Alí amú Bulu bu ònòkwali, òtamawá afunu amu a, alí mí “Ee” igyi mí “Ee” ní. ¹⁹ Tsúfé Bulu mu Bi Yesu Kristo amu tamablí òbéε “Ee” latsé mú òbéε “O-o.” Mu mú á, “Ee” kóun ototsúlá. Mu iwí asún òkan mía Silas pó Timoteo aniléda súná mlí ní. ²⁰ Tsúfé mutótsúlá “Ee” há Bulu nhíhé kugyíku iteba mútó. Mú só akánfó Bulu tá á, aniteblí aníaa, “Amen!” ní. ²¹ Bulu téhá aníaa mlunyò anitetálí lí kinkíinkín aníaa Kristonyò ikolebweto. Mogyí òhá aní òleđa aní ofúli. ²² Mu kén lópu Òye Wankíhé amu wá aní klontò, pòhiε aní nsu; isuna aní múbú aní, òbóbwe tóá òlehiε há aní.

²³ Bulu òbíti mí isu ní megyí ònòkwali nde mlí bláa. Alíaa mméeba bowun tsitsa kuku blí tsú mlí iwí só mmétrá bətsun unu. ²⁴ Anímédékléá íbóbwe fé anidé mlí hie alíaa mlópu mlí hógyi yó agyómá. Mboún alíaa ansí bégyi mlí só aníaa mlunyò anidé agyómá yò. Aniyin aní mlí hógyi su mlílí kinkíinkín dodo.

2

¹ Mú su nabwé agywun aní mmétrá ba bəwa mlí awirehò. ² Tsúfé ní neba bəwa mlí awirehò á, ma òbéha ansí bégyi mú ònòkwali mlí amúú nawá awirehò ámu? ³ Mú só nəwanlín òwulò gyankpapu amu sísi mlí ní. Fówun ní neba á, mlí amúú mléha ansí bégyi mú ámu mluméela há awirehò mboún ikita mí. Tsúfé mí ansí ònòkwali mlí féésó aní ní ansí ònòkwali mí gyí a, mlí é ansí bégyi mlí. ⁴ Megyí ansigyí nəpəwanlín òwulò ámu. Asún ihíε ònòkwali mí háan, ndesú asa nəwanlín mú! Táme megyí alíaa néha mlégyi awirehò su nəwanlín mú. Mboún alíaa mlébi aní ntehié ònòkwali mlí su.

Lakpansikíé

⁵ Òhá amúú òlòpu asún ba òpasua ámu ònòkwali ámu múkópú òlòkwali gyi mí. Ní beε bukí mú á, òpasua ámu féé alapú asún gyí. (Mmedékléá ònòkwali mú blí.) ⁶ Isubití amúú mlí ònòkwali mlébi mí mu amu itsò mu. ⁷ Uafon aní mlésikíé mu, yíá mu klun nya. Fówun asún múòkwali mu, iwí múowu mu. ⁸ Mú su nokókóli mlí, mlé suna mu aní mlitráa mlíbu mu iwí òdwe. ⁹ Ndekléá nébi ní mlétegyi mí asún ámu féésó. Mú su nəwanlín òwulò ámu ní. ¹⁰ Ní mlésikíé òku á, mí é nasikíé mu. Ní nesikíé mu é á, mlí só nasikíé mu Kristo ídátó, ní ilehián ní, ¹¹ méní Òbunsám oméenya aní iwí òkpa, tsúfé aniyin ikpa aní ònòkwali mú só féé.

Paulo Klun Médi Mu Asi

¹² Bréá neba Kristo asun wankláán ámu òkan òdakpá Troa wuluto á, nowun aní aní Wie lafinkí òkpa há mí. ¹³ Táme mí klun médi mí asi, tsúfé mmətu mí píó Tito unu. Mú su neklá amú ká tsun yò Makedonia nsántò.

Isugyí Kristo Idátó

¹⁴ Táme nde Bulu ipán da aní Kristo isugyí su alabwé aní ndoun, alakpá aní buo iwí, anidé mu isugyí amu nke gyí. Ní

ayó otínegyíotíné a, ototsón anísv bláa ahá ámv Kristo asvñ wankláán ámv, fé alíá ofobí fánfán tɔwá ofan yó tsútsúútsú. ¹⁵ Lélé mú á, Kristo gyí atɔ tɔhé, anígyí mú ofan aní idekosó há Bulu, há ahá aní budev nkpa nya pú amúá budevfwí féé. ¹⁶ Itobon ahá aní budevfwí, kpá amó ya lowutɔ, itɔwá ahá aní ɔde amó nkpa hɔɔ ofan, kpá amó ya nkpatɔ. Ma mee lófɔn ha gyuma ánfí odu yó? Ohaa má ɔv. ¹⁷ Aní mú anímégyí fé ahá ɔdɔdɔá budev Bulu asón ámv fé púkle kóba. Iníá Bulu lówa aní sv á, aniteblí mú ɔnɔkwáɔsv fé Kristo asúmbi aní bolí Bulu ansító.

3

Bulu Ntam Pɔpwe Asúmpó

¹ Asón ánfí anidéblí ánfí itráa desuná aní anidé ɔwí kanfó súná mlí lóó? Ntéé ilehián aní abópv aní adánsie nɔwóló bá mlí, ntéé abóhɔ mú tsú mlí wá fé alíá akó butɔbwé? ² Ekεεεεε! Mlí onutó tsiátó gyí adánsie nɔwólóá bawánlín dínká aní klɔnsv, ɔhagyíɔha dé mú wúun kla, púbí aní anidé agyómá wankláán yó. ³ Mlígyí ɔwólóá Kristo lówanlín, ɔtsón anísv ba. Táme megyí oyípe ɔlɔpɔwánlín mú, Bulu ɔkiankpapv amv ɔhé ɔlɔpɔwánlín mú. Megyí abwi pétéplé anyɔsv* é ɔlɔwanlín mú dínká, mboún anyánkpósa klɔnsv.

⁴ Aníbv ɔkpa blí alí, tsúfé Kristo sv aní ansí dín Bulusv. ⁵ Aníyin aní anumófɔn aní abétalíbwé tɔtɔ aní onutó ɔwísv. Bulu só anúlɔfɔn ha tógyító bwé. ⁶ Múláhá anílabwé mv ntam pɔpwe amv asúmpó. Megyí ɔv Bulu lópɔwánlín mú mú, mboún ɔhé Wankíhé amv. Tsúfé mbla wanlínhé amv itɔpú lowu ba, táme ɔhé Wankíhé klé amv mú itɔpú nkpa ba.

⁷ Mbla dada amóv Bulu lówanlín dínká abwi anyɔsv ámv ɔlɔpv lowu ba. Táme mú numnyam léha Mose ansító lehie wankí asa ɔlɔpɔba Israelfó. Bréá numnyam amv ɔnó ide asibá ó á, bɔmetalí kí mv ansító. ⁸ Iníá mbla wanlínhé amv lénya numnyam alí á, mómó ɔhé Wankíhé amv gymagyihe numnyam ɔbéhie dɔn mú! ⁹ Mbla wanlínhé amóv itehá anitegyi ɔpón ámv kóráá ɔv numnyam. Mómó nkálí ɔhé Wankíhé gymagyihe amóv ihíe ɔv numnyam dɔn mú ámv ɔbɔbwé? Tsúfé itehá anitegyi asv Bulu ansító! ¹⁰ Mómó idesuná aní Bulu mbla dada amv itráa ma numnyam kóráá. Pópv aní numnyam lagyi mósó. ¹¹ Tsúfé ní Mbla dada amóv imetsiá wá ɔpá ámv ɔv numnyam alí á, mómó pɔpv aní ɔbetsiá bré féé ánfí klé ɔbéhie dɔn mú!

¹² Aní ansí dín ntam pɔpwe anísv. Mú sv aníbv ɔkpa tóí faan. ¹³ Anímégyí fé Mose aní oletsiá pú tati bun nwun, méní Israelfó bɔmóowun mv ansító wankí, bréá mú ɔnó ide asibá. ¹⁴ Táme mú óó á, Bulu léha amó klɔntɔ lówa odwin bɔfɔn nde. Mú sv

* 3:3 Abwi pétéplé anyɔ amóv Bulu lówanlín mv Mbla dú dínká mósó há Mose amv.

ní bɔde Bulu mbla dada amɔ kláa amó ofiakpa a, bɔtamanú mó asi, tsúfé tati ámu létin amó agywɔun. Tɔtɔ méetalí bwíí tati ámu lé amó agywɔunso, nkéti amóa Kristo babwé kole. ¹⁵ Bótu nde kóráá ní bɔde Mose mbla ámu kláa a, tati ámu itráa bun amó agywɔunso. Mó su bɔtamanú mó asi. ¹⁶ Táme ní ɔha onyá dámli klɔntɔ ba aní Wíe wá pé, Kristo labwíí tati ámu lé mu agywɔunso. ¹⁷ Aní Wíe amóú asón ánfɔ idetɔí tsú mu iwɔ ámu gyí Ɔhé Wankíhé amɔ nɔ. Ɔtínegyíɔtínéá Ɔhé ámu ibɔ a, iwɔgyí tétsiá iwɔ. ¹⁸ Aní Wíe dé tati ámu bwíí lé aní fée ansítɔ. Mó sɔ anidé mu numnyam amɔ le súná ní. Mu Ɔhé ámu lahá anidé mu lían, tsúfé mu numnyam amɔ itráa de wankí anitɔ tsía.

4

Ɔlótɔ Siadie

¹ Bulu lɔwun aní nwe pú agyómá ánfɔ wá aní ibitɔ. Mó su abatɔ tamawú aní. ² Anɔlakíná tɔá ibɔ péli pú oklúntɔ ató fée. Animédé ahá mlé, animédé Bulu asón ámu é damli bun. Mboun anidé ɔɔkwali amɔ onutó bli póle iwɔ súná ahá fée, iwanki amó alíá anigyí Bulu ansítɔ. ³ Ní tɔku ibun asɔn wankláán amóú anidébli ámu su kóráá á, ahá amóú bɔdefwɔ ámu nkole ibun há. ⁴ Ɔbɔnsám gyí ɔyí laláhe anfisɔ ogyípó. Mɔlápó ató tin ahá ánfɔ bɔtamahɔ Bulu gyi anfi ansíbi. Mó sɔ bɔmedé asɔn wankláán amóú igyi wanki amɔ asi nu ní. Wanki amɔ gyí Kristo. Mɔléhiɛ lian Bulu numnyam nɔ. ⁵ Tsúfé animéná animédé aní onutó iwɔ asón ɔkan da. Yesu Kristo iwɔ asón ɔkan anidéda aniaa, mɔgyí aní Wíe. Tɔá anitebli tsú aní iwɔ gyí, Yesu su anɔlabwé mli asúmpó. ⁶ Tsúfé Bulu amóú ɔlebli ɔbéɛ, “Wanki idáli tsu oklúntɔ!” ámu kén lahá mu wanki amɔ idewankí aní klɔntɔ. Iahá anɔlabí aní mu numnyam amɔ idewankí Yesu Kristo ansítɔ.

⁷ Táme anigyí fé nló pwehé aní siadie bɔ mótɔ. Siadie ámu gyí wanki móa túmi ánfɔ idewankí aní klɔntɔ. Idesuná aní túmi kpɔnkpɔnkpɔntɔ ánfɔ imotsú aní, Bulu wá itsú. ⁸ Bɔde aní háan ɔkpagyíɔkpasɔ, táme bɔmɔkótáli sá aní tin. Iwɔ de aní klí, táme imɔkókɔpɔn aní. ⁹ Bɔdɔn anisɔ, táme Bulu mókósí aní há. Bɔtefin aní dá, táme Bulu su animókówú. ¹⁰ Anɔlatsúlá ide aní ɔyɔlɔbɔ anfi ipian brégyíbré, anidéwu fé Yesu, ménɔ mu nkpa ámu ibélin ɔwan anitɔ. ¹¹ Yesu súm su aní nkpa atsiápó anfi anitefia lowu brégyíbré. Alíá ibóbwe mu nkpa bélin ɔwan aní ɔyɔlɔbɔ anfi idewu ánfɔtɔ su. ¹² Iní désuná aní lowu dé aní laláa, mli é mlidé nkpa aní itamatá nya.

¹³ Táme anibɔ mósú anidé Bulu asón ámu ɔkan da. Tsúfé anɔlɔhɔ mu gyí fé alíá Israel ibɔ ɔwapó ámu lɔwanlín wá Bulu asón ámu tɔ ɔbéɛ, “Nɔhɔ Bulu gyi. Móláhá sɔ nde mó ɔkan da ní.” ¹⁴ Aniyin aní alí amóú Bulu lókɔsɔa aní Wíe Yesu tsú afúlitɔ ámu a, alí kén ɔbókɔsɔa aní, ɔbékpa ania mlɔnyɔ fée ba mu iwɔ

wá ní. ¹⁵ Iní fée b́owa labi há mli, méní ní Bulu híe ode awítale wa, kpá ahá oduduo ba Kristo wá á, béhie dá mu ipán, wá mu numnyam.

Hógyi Pwtsíd

¹⁶ Mú su abato tamawú aní. Ibo mótá aní oyulúv anfi idewu mú, táme Bulu dé aní oklára wunlín wa ekekegyíeke. ¹⁷ Tsúfè iwiasin kpalobí anfi anidewúun séi anfi ibéha abénya numnyam kpɔnkpɔnkpɔntiá itamatá, idon iwiasin anfi. ¹⁸ Mú su anumédé iwiasin anfi anidewúun anfi bu. Múá nyankpusa ansíbi tamawun okpa anidékí. Tsúfè iwiasin anfi ibéba bɔtsɔn. Ansigyí ámúbú ibu oma, ibétsiá bré fée ámu okpa anidékí.

5

¹ Aní oyulúv anfi igyi fé kantankpa aní anitsie mótó. Ní bobwíé mú á, Bulu obéha aní obu bámbá osúsú. Mómú á, megyí nyankpusa léyi mú. Mu onutó léyi mú, imóobwie ekekeke. ² Tsúfè séi kórará ide aní ipian osulúsv-oyulúv anfito. Anihíe anigyó ekeá obópv aní osúsú-oyulúv wá aní fé atadié. ³ Mómú anímóobwe fé ojeá uma oyulúv, aniná yayá. ⁴ Ide aní ipian, anidékimí bré anfi anitráa aníbu aní oyulúv dada anfito. Megyí bee anidékléá awú, adalí oyulúv anfito. Mboún anidékléá Bulu owáa aní osúsú klé amúbú itamawú pló ámu, méní ibégyi mú anfi itowú pló ánfisv. ⁵ Bulu onutó léla aní yáí há mú, obov Oje Wankíhé amv wá anito. Múgyí ibwiá oledinká mósó ní.

⁶ Mú su anitowá klv brégyíbré. Ibo mótá bré anfi aníbu osulúsv-oyulúv anfito á, aníbu ifó aní Wíe wá. ⁷ Iní sv hógyi anlapó anitsie nkpa, megyí tóá ansíbi dewúun. ⁸ Ee! Anihíe anidé klv wa, tsúfè tóá anihíe anidédunká gyí abówa ifó osulúsv-oyulúv anfi wá, ayetsiá aní Wíe wá. ⁹ Mú sv ní aníbu osulúsv nfi o, otine bambá o, tóá idin aní klvsv bré fée gyí, abóbwe tóá ibégyi aní Wíe ansí. ¹⁰ Tsúfè aní fée abéyélí Kristo ansító, obégyi anito okugyíokv asón, ká mu ikv aní osulúsv-oyulúv anfi bwehé onó. Yilé igyi o, lalahé igyi o.

Bulu Onyawíele

¹¹ Anihíe aniyin aní ilehián aní abénya aní Wíe ifú. Mú sv anidétóí kplá ahá aníaa, amó é bonyáa mu ifú. Bulu híe oyin aní. Nahogyi aní mli é mliyin aní mli klvnto. ¹² Megyí iwí anitráa anidétsv súná mli. Mboún anidé mli okpa suná, méní mlótsu iwí aní sv. Fówun ní ahá bode iwí tsu tóá oha tɔpó ansíbi wun sv, imegyí tóá ibv oha klvnto sv á, mlénya kv bláa amó. ¹³ Tsúfè ní bee aní nwun layíntá kórará á, Bulu asón igyi. Táme ní bee aní ansító da mú á, ida ha mli. ¹⁴ Odwe ámúbú Kristo bv ha aní ámu dé aní kpa, tsúfè anlanú iwiasí aní mu nkole lówu há ahá fée. Mú sv mva ahá fée bawú. ¹⁵ Olowu há ahá fée lélé, méní ahá aní bénya nkpa pɔpwe amv buméetrá tsiá nkpa

ahá b̄udeklé. M̄boun̄ b̄etsiá nkpa há Kristo amóu olowu, Bulu l̄k̄us̄a mu há amó ámu.

¹⁶ In̄i su anitr̄aa animédé ðhaa kí fé ahá ðyító ahá b̄uteki mu. Ibo mótóá bré ámu anilétsiá kí Kristo fé ahá ðyító ahá b̄uteki mu, táme anitr̄aa animédé mu kí ali. ¹⁷ Mú su ní ðha m̄ba Kristo b̄abwé ikole a, alabwé ðha p̄p̄we. Mu tsiátó dada amu f̄éé ilatson. Mu tsiátó labwé p̄p̄we! ¹⁸ Nkpa p̄p̄we anfi itsú Bulu wá. M̄l̄óts̄on̄ Kristos̄u b̄wé an̄i anfi anigyí mu alupó anfi mu anyawíe. Alapó agyómá anfi wá an̄i ibit̄o, ðb̄éé aléé aha bambá é anyawíe ha mu. ¹⁹ Tsúfé Bulu l̄óts̄on̄ Kristos̄u ðde ðyító ahá damlí b̄wé mu anyawíe. Òtr̄aa ðmedé amó lakpan̄ iw̄i akúnta bu há amó. In̄i ðl̄p̄wá an̄i ibit̄o ðb̄éé, abláa ahá ni.

²⁰ Kristo atsiámi anigyí, Bulu détoí ts̄on̄ an̄is̄u há mli. Mú su anilí Kristo ðl̄kpá anidé mli kokóli aniaa, “Mliha Bulu ðb̄we mli mu anyawíe!” ²¹ Tsúfé Kristo mób̄we lakpan̄ k̄ok̄u! Táme Bulu l̄óps̄u mu bó af̄ōdie an̄i lakpan̄ su, mén̄i ðb̄óts̄on̄ ania m̄nyo ikoleb̄wes̄u tsú an̄i aní an̄i asón da ðkpa mu ansító.

6

¹ Ania Bulunyo anidé agyómá yo. Mú su anidé mli kokóli aniaa, mli máha Bulu awit̄ole amóu mli lanyá ámu ib̄we kpaali.

² Tsúfé Bulu lébli mu as̄on̄ wanlínhé am̄to ðb̄éé,

“Bréá mí bré l̄of̄on̄ aní nówun ahá nwe a,
nonu mli ðme.

Mí nkpa ðhóke amu l̄of̄on̄ é á, negyi mli buale.”

Mlinu! Bré ámu l̄af̄on̄ a. Nde gyí mli nkpa ðhóke amu ni!

³ Animédékléá abétin ðhaa an̄i Wíe wá ba ðkpa, mén̄i ðhaa méenya as̄vans̄u blí tsú an̄i agyómá anfi iw̄i. ⁴ M̄boun̄ an̄i b̄wehé f̄éétó a, anitelé súná aní Bulu asúmbi anigyí ðn̄ok̄walis̄u. An̄itotomi an̄i iw̄ias̄in̄, an̄i ikplán p̄ó an̄i as̄on̄ wunhe kugyíku étó. ⁵ Bep̄ití an̄i ató, wá an̄i obu, bekpa bun an̄is̄u dá an̄i. Anil̄oyo agyómá aní id̄on̄ an̄i. Nkekú anitamadídi, nkekú é anitetsiá akón. ⁶ Anil̄óts̄on̄ an̄i tsiátós̄u lé súná aní ifin koku má an̄i iw̄i. An̄iyin asón, anitenyá iklon̄. An̄ibu awit̄ole, ðhe Wankíhé amu tsie an̄to. An̄itehíe dwé ahá é tsú an̄i kl̄ont̄o. ⁷ An̄itedá Bulu asón ámu ðkan̄ ðn̄ok̄walis̄u p̄ó Bulu túmit̄o. Yiléb̄we gyí isá-akot̄á anidép̄ok̄ó ahá, anidép̄otin̄ an̄i iw̄i é. ⁸ Ako b̄utobú an̄i, ako é b̄utós̄opa an̄i. Ako b̄utekánfó an̄i, ako é b̄ut̄ok̄p̄óí an̄i. An̄i asón da ðkpa, táme b̄ude an̄i bu afunup̄o. ⁹ Fé animéḡyí t̄oto ahá ansító, táme ahá anigyí. Fowun an̄i f̄ee anidéwu ní, táme kí, an̄ibu nkpa. B̄utesian̄ an̄i m̄o, táme an̄itedáli mótó. ¹⁰ An̄ibu iw̄ias̄int̄o, táme Kristo su an̄ibu ansigyító. Ahiánf̄o anigyí, táme aniláhá ahá bamlí iw̄i anyapó. Animá t̄oto, táme an̄ibu t̄ogyító Kristo su.

¹¹ Korintofó! An̄itehíe nyá mli iw̄i ansigyí, lé iw̄ito bláa mli asón. ¹² An̄itamakólá iw̄i mlis̄u, táme mli mó mli dé iw̄i kolá

aniso. ¹³ Nde mli asón bláa fé mí onutó abí. Mli é mlimápu asvansu njáin ani.

Omátófo Puyi Mba

¹⁴ Mlia omátófo mlimágyi mba. Nkálí yilé móa lalahé bétalí tsíá tsukole? Nkálí wankí móa oklún é bóbwe kole? ¹⁵ Kristo mba Obonsám* bétalí bwé agywun kole? Ekekεεκε! Nkálí ohógyipu mba ohá aní oma hógyi bóbwe kole? ¹⁶ Nkálí bótswe okpí Bulu otswékpa? Tsúfé anigyí Bulu Okiankrapu amu otswékpa ni. Igyi fé alhá bowanlín wá Bulu asón ámuto beε,
“Bulu obéε, ‘Nétsiá mí ahátó,
mía amónyó abénatí.

Nóbwe amó Bulu,
amó é bóbwe mí ahá.’ ”

¹⁷ Bowanlín wá Bulu asón ámuto é beε,
“Ani Wíε Bulu obéε,
‘Mlidali amótó, amlimain iwí le amósú.’ ”
Betrá wanlín wá Bulu asón ámuto beε,
“Mlimáwa ibi lalahetó,
mí anhó mli.”

¹⁸ Betrá wanlín wá Bulu asón ámuto beε,
“Bulu obéε, ‘Nóbwe mli Sí,
mli é mlóbwe mí abí.’
Alí ani Wíε Otúmípu déblí ní.”

7

¹ Mí apió adwepó, Bulu lahíε ntobíá igyi alí yáí ani. Mó su mliha afwí ibi le tógyítóá íbókpoí ani oyulúvú pú ani okláa féétó. Mliha anya Bulu ifú, méní íbéha ani iwí bétun, ifin kóko méétrá tsíá ani iwí.

Paulo Ansigyí

² Kókoli, mlimákolá iwí aniso! Animókópó lalahé gyi ohaa. Animókóyintá ohaa, animókósisi ohaa é. ³ Megyí ipón nde mli ha só nde asón ánfí blí. Tsúfé nablí bōtsun mbéε, anitekle mli asón. Lowutó o, nkpató o, animéetan mliεv ekekεεκε. ⁴ Ntetálí bla mli mí klontó asón, nde iwí é tsu mliεv wanklāán. Ani ipian féé oma a, mlilawá mí atetó-onlín. Ansigyí kponkponnti ku labólá mí klontó.

⁵ Tsúfé bréá anilówie Makedonia a, animénya okpa dá okpónú. Atsūn nfi asón, ayínkí nfi ítré. Mó su ifú letsiá ani ayeto. ⁶ Táme Buluá otolwíí ahá amóv iwí lawú amó iklon amu lékpa Tito ba ani, pólwíí ani iklon. ⁷ Megyí mu íbá amu nkole léha iklon lólwíí ani, mboún asón aní olapotsúa inu ba é. Olebláa ani obéε, mlihié mlidékiléá mlówun ni. Alíá asón amu lahan mli, mlilanú iwiasí aní mlimébi bwé pú alíá mlilahíε tsúlá dínká mí klésu, su ansí letrá gyi ni tsía.

* **6:15** Paulo létí Obonsám obéε, ‘Belial.’

⁸ Tsúfɛ ní mí ɔwɔlɔ ámɔtɔ asún lehan mli kórará á, mí mú umehan mi. Ibo mótóá lehan mi bré kɔtɔ, tsúfɛ nowun ání uleha awirehɔ lékitá mli kpalobí. ⁹ Ansí de mí gyí séi. Megyí alhá ulɔwa mli awirehɔ su. Mbóún alhá awirehɔsú amu ilahá mliladámli klɔntɔ su. Tsúfɛ mli awirehɔsú anfi odu Bulu tekle ni. Mú su mí asún ámu imeyintá tɔtɔ tsú mli iwi. ¹⁰ Tsúfɛ awirehɔsúá igyi Bulu apé tɔpɔ klɔntɔdamli bá. Itehá anitenyá nkpa. Mú odu bu ɔsin, táme ima ɔsin. Ɔyítɔ awirehɔsú mú á, lowu itɔpúba. ¹¹ Mliki tóá awirehɔsúá igyi Bulu apé latí há mli! Ulahá mlilatsú iku lé asún ámɔtɔ, mlidésuná ání mli asún da ɔkpa su ɔbló é de mli. Uatsí mli opúni, ilahá mlihié mlidékléá mlówun mi, mlilatsúlá dínká mí klésu. Mlihié mlidédunká ání mlébití lalahɛ ɔbwepú ámu isu. Lélé, mlilalé súná ání mlímégyi pón asún ánfítɔ.

¹² Nɔwanlín ɔwɔlɔ sísi mli, táme megyí ahá ánfí su. Megyí ɔhá ámúú ɔlɔbwe ilá, ntée ɔhá ámúú ɔlɔpu ilá gyí mu amu su. Alhá nèle súná mli Bulu ansítɔ ání mlilatsúlá dínká mí klésu mbóún su. ¹³ Iní lahié wá aní atetɔ-ɔnlín.

Múá idɔn kórará á, ansí legyi aní, bréá anilówun ání mli fée mlilahá ansí de Tito gyí, tsúfɛ mlilahá iklɔn ladí mu asi. ¹⁴ Ní nekanfú mli mu ansítɔ kórará á, mlíméha péli mekitá mí. Alí ámúú asún ámúú anilébláa mli ámu fée igyi ɔnɔkwali amu a, alí kanfú ámúú nekanfú mli mu ansítɔ ámu é laba mótó ní. ¹⁵ Ní Tito ɔkáín alhá mli fée mliteyaa asu há mu, hɔ mu ason blíhé, pú alhá mletenyá ifú kpínkí mu ansítɔ á, ɔtetráa nya mli iwi ɔdwe tsía. ¹⁶ Ansí ihíe de mí gyí ání nétalí pú ansí dínká mli su ɔkpagyíɔkpasu.

8

Akristofɔ Atókíe

¹ Apíó, anidékléá mli bú awitɔléá Bulu lawá há ɔpasua ámúú bubu Makedonia ɔmátɔ ámu. ² Iníá bubu ipian múa ason wunhe tsɔtsɔtsɔtɔ kórará á, bɔpu amú ohian futúúúúú lé amú awitɔle kpɔnkpɔnkpɔntí súná ansigyísú tsɔn amú atokiehétɔ. ³ Nébli mbée, bekie ató dɔn alhá bétalí kórará, tsú amú klɔntɔ. ⁴ Betsiá kólí aní ɔkpa beɛ, ahá amú é abunya ɔkpa wa awitɔle ha Bulu ahá ání bubu Yerusalem. Fówun amú é amú ibi bówie osum agyómá ánfítɔ. ⁵ Bɔbwe dɔn alhá anilósusúu. Gyankpavu a, besi amú iwi há aní Wíe, belasí amú iwi há aní Bulu apétɔ. ⁶ Mú su anilahá Tito amúú olegyankpá beha mlilówa nsi ámu aníaa, ɔtráa yinki beha amlíwa nsi mɔ mli awitɔle agyómá ámu ɔnó wankláán. ⁷ Mlilafɔn ɔkpagyíɔkpasu, tsúfɛ mlihié mli bu hógyi, mliyin tóí, mlilétin ansí. Tɔtɔ tamakpɔn mli, mlitehié dwé aní é. Ndekléá mli bóú mbódí awitɔle agyómá ánfí étɔ dɔn ɔhagyíɔha.

⁸ Mmedé mli hie mbée, mli bwée mú. Mbóún ndepu mli ɔdwe kápú akvá budepri ání amú é bóbuá. ⁹ Tsúfɛ mliyin alhá aní Wíe

Yesu Kristo lódwe ahá, wá awítale. Iwí onyapó ogyi teki, táme aní sù ɔ́bɔwe iwí ohíáni, ménì abótsun mu ohian ámusu bwé iwí anyapó.

¹⁰ Mí agywun gyí, ní mlámó agyómá ámúú mliléfi así ofiku ámu ɔ́nó á, íbówa labi há mli. Tsúfè mligyí ɔ́pasua gyankpapu ání mlíóbwe agywun ámu, mli kén léfi mú asi. ¹¹ Mliwuna bwe mó mɔ́ ɔ́nó. Mliɛ iklɔntɔ bwe mó, fé alíá mliléfi mú asi. Mlikie mó mli ɔ́wunlín ɔ́nó, ménì íbékanaá agywun ámúú mlíóbwe ámu. ¹² Ní ihíé igyi mli apéá mléha á, mlikie tóá mlibu. Mótegyi Bulu ansí, megyí múá mlimá.

¹³ Megyí beɛ, anidékléá abéha iwí bólwií akú, iwí ikli mli mó; mboún alíá iwí bólwií mliá amúnyɔ́ féé kékéɛ. ¹⁴ Séi mlibu ató tsɔtsɔá mlétalí póbóá amó. Mó mú ní iwá alé há amó, iwí lekli mli é á, amó é bétalí bóá mli, ménì mliá amúnyɔ́ féé mlénya kékéɛ. ¹⁵ Mlikain ání Bulu ason wanlínhé amu lébli ɔ́béɛ, “Óhá ámúú ɔ́lekpa tsɔtsɔtsɔ́ ámu ménya mó dɔ́bi. Óhá ámúú ɔ́lekpa kpalóbí ámu é klé lɔ́fon mu.”

Tito Mva Mu Aba

¹⁶ Adá Bulu ipán ání alahá Tito é latsúlá dínká mli klésu fé mí. ¹⁷ Bréá anilówa mu aníaa ɔ́bá mli wá á, olotsulá. Mu onutó óó, íbu mu ɔ́dwe ání ɔ́bétrá ba ínu. ¹⁸ Anidé mva opió ɔ́ku wa sísí mli. ɔ́pasua ámu féé bɔ́de mu kanfú, asun wankláán ámu ɔ́kan da su. ¹⁹ Makedonia ɔ́pasua ámu féé léle mu ání ania mɔ́nyɔ́ anáti ki, ahɔ́ atokiehé ámu ya Yerusalem. Anidé ató ánfí bwe pówá aní Wíe numnyam, ménì íbósuná ání aní onutó latsú dínká iwísu ání abóbwe mó.

²⁰ Anidé aní iwí kí wankláán, ménì ɔ́haa méɛɛɛ aní ílá, tsú alíá anilópu anidé atokiehé ámusu kí. ²¹ Tóá anidésusúú gyí, alíá abóbwe múá ída ɔ́kpa Bulu mva anyánpósa féé ansító.

²² Iní sù anilapó aní apió ámúú ɔ́ku mántá Tito anásó. Anilasɔ́ mu kí, anilawun ání ɔ́híé ɔ́bu nsi. Alahɔ́ mli gyi séi. Mó sù ɔ́híé odekléá ɔ́bétsa aní agyómá ámu yɔ́. ²³ Ní ɔ́ku léfité musu á, mlibla mu mliáa, mía mɔ́nyɔ́ dé agyómá yɔ́ púsúm mli. Makedonia ɔ́pasua lówa apió atráhe amóú mva amúnyɔ́ bebá ámu. Iní désuná ání Kristo bɔ́de numnyam wa. ²⁴ Mó sù mliɛ mli ɔ́dwe suna amó. Isuna ɔ́pasua ámu féé ání mli sù aníbu ɔ́kpa tsú iwí.

9

Akristofá Bvma Tɔ́tɔ́ Bvɔ́

¹ Imehíán ání nówanlín mli ɔ́wuló tsú alíá mli dé Bulu ahá ání bɔ́bu Yerusalem bóá iwí. ² Tsúfè nyin ání mli híé mli dékléá mlíóbúá amó. Nagyi mli iwí adánsiɛ súná amó mbéɛ, tsú ofiku ɔ́pá Akristofá bɔ́bu Akaiá ɔ́sulósu beɛda iwísu yáí ání bóbuá. Mli nsiwa lahá ogyá ku lawíé amó ɔ́dɔ́dɔ́tɔ́. Mó sù amó é bafí mú asi. ³ Táme nde apió ánfí wa sísí mli, isuna ání megyí kpaali

negyi mli iwɪ adánsɪe súná amó. Mlɪda iwɪsɔ, fé alɪá nebláa mli yáí, amlɪka mli tswɪtswɪ féé. ⁴ Tsúfé ní Makedonia Akristofɔ ámɔtɔ akɔ bobuo mɪ ba ɪnɔ, bowun ání mlimókúdá iwɪsɔ fé alɪá nebláa amó á, abósɔpáa amó ansítɔ, táme mlósɔpáa dɔn mɪ. ⁵ Mú sɔ nabwé agywɪn ání néha Tito mɔa mɔ aba ámɔ abogyankpa ba mli wá, ɪha amlɪdunka tóá mliélɪe ání mléha yáí. Táme mliha mú tsú mli klɔntɔ, megyí ðhíé igyi.

⁶ Mlikain ání ðhá ání odú kpalobí á, kpalobí ɔtɔkpótí, táme ðhá ání odú tsɔtsɔ tɔkpótí tsɔtsɔ. ⁷ Mlɪtɔ okugyíakɔ ðháa múá ɔbétalí tsu mɔ klɔntɔ. Imábwe ðhíé, tsúfé ðhá ání ɔtɔpú ɔdwe kíé ató asón Bulu tekle. ⁸ Bulu téhá mli tóá mlidéhián brégyíbré, dɔn alɪá ilehián mli. Mú sɔ mlénya tóá ɪde mli hián brégyíbré. ɪbófɔn mli sian, mlóɔɔbwé yilé há aha bambá. ⁹ Fé alɪá bɔwanlín wá Bulu asón ámɔtɔ beɛ, “Bulu ðha telé iwɪtɔ kíé ahiánfɔ ató. Mɔ yilébwe tamatá.”

¹⁰ Bulu téhá adɔtɔpɔ ató-abí butodú, ɔtehá ahá atogyiɛ. Mligyi fé amó. ɔbéha mli ató-abíá mlóɔɔ ɪkɔ kíé ahá, atogyiɛ tsɔtsɔtsɔ bédalɪ tsu mli yilébwe ámɔtɔ. ¹¹ ɔbéɪe yúlá mli ɔkpagyíakpasɔ, ménɪ mlówa awɪtɔle há ahá brégyíbré. ɪnɪ ɪbéha ahá ámɔ béda Bulu ɪpán, ató ámóú mliapótsɔn anɪsɔ há amó ámɔ sɔ. ¹² Tsúfé atoku anyɔ ɔbédalɪ tsu mli atɔ hahé ánfɪtɔ. Megyi ató ámóú mliapóhá Bulu ahá ámóú ató de amó hián, bɔbɔ Yerusalem amɔ nkɔle, mbóún ɪbéha ahá tsɔtsɔtsɔ béɪe dá Bulu ɪpán. ¹³ Tsúfé ní mlehá amó á, ɪbéha békanfú Bulu. ɪbósuná ání lélé mlidé Kristo asɔn wankláán ámóú mlíðhɔ amɔsɔ gyí, mlidé awɪtɔle é wa há amóa aha bambá. ¹⁴ Béɪe káín mliɔ, bó mpáí há mli, tsú awɪtɔle kpɔnkpɔntɪ ámóú Bulu lapóhá mli ámɔ sɔ. ¹⁵ Adá Bulu ɪpán há mɔ atokiehé ánfɪ ɪdɔn blí ánfɪ!

10

Paulo Gyumagyihɛ ɔnóle

¹ ɪbɔ mótóá mlɪtɔ akɔ mlɪteblí mlihaa, ní mbɔ mli wá á, mí asón lolwíí, táme ntɔwánlín mí nɔwóló túmɪsɔ. Táme mí Paulo nde mli kokólí mbéɛ, mliɔpókɪ alɪá Kristo asón lolwíí, ɔleba iwɪasi. ² Mlɪtɔ akɔ buɔdeblí beɛ, mí bwehé lalian ɔyítɔ ahá. Mú sɔ ní netrá ba ɪnɔ á, nawun ání ilehián ání mí ansítɔ bówa ɔnlɪn. Kókoli, mlimáha ampɔ tsiátɔ anfi odu ba ɪnɔ. ³ ɪbɔ mótóá ɔyí ánfɪtɔ anɪbɔ, táme megyí ɔyí ánfɪtɔ agywɪn anidépókɔ ísá. ⁴⁻⁵ Megyi ɔyítɔ akɔtɔ anidépókɔ. Bulu akɔtɔá ɪbɔ túmɪ anidépɔbwíé okpikplikpa kugyíková ɪtɔkósú líí Bulusɔ. Anɪtɔpóyíntá afunu asón kugyíková ahá butɔpótsú iwɪ, ɪtehá amó butamabí Bulu. Anɪtɔpódámlí agywɪn laláɛ kugyíko, há itobú Kristo. ⁶ Ní mli aha tráɛ amɔ mliapó iwɪ há Kristo, mlidé mɔ asónsú gyí a, abébití ahá ámóú buɔde asɔtɔ-ɔnlɪn wa ámɔ é asɔ.

⁷ Mlikɩ ɔɔkwali amóú ɩda mli ansító ámu. Ní mli dékúá Kristo bú mli á, mómú mlikɩ mú wankláán, amlibi ání mubó anɩ é. ⁸ Ní nde ɩwɩ tsu túmí amóú anɩ Wíe lapóhá anɩ ámu su dubi a, ɩma mí péli. Tsúfé ɔɔpɔhá anɩ ɔbéε, apúbua mli amlidan. Megyí ɔbéε, apúyinta mli. ⁹ Imábwe mli fé nde nwuló wanlín, pówá mli ifú. ¹⁰ Tsúfé akv beε, “Mákpla Paulo. Mu asɔn wanlínhé bu odwin, ɔɔpóhíé ahá. Táme ní mu onutó ɔbu anɩ wá á, ololwii, mu asɔn blíhé é ɩma ibiá!” ¹¹ Iwánkɩ ahá ámu ání asón ání anitɔwánlín sísí ahá kén anitɔbwé ní anɩbu amó wá ní.

¹² Lélé mú á, amendi anigyíá abópu ɩwɩ kápú ahá ánfɩ bude ɩwɩ kanfó ánfɩ? Amó wulewule dépu ɩwɩ kápú aba, bude ansí pudínká abasɔ. Mimlá igyi amó. ¹³ Anɩ mú anumóotsu ɩwɩ dáfá, mboun ɔkpa amóú Bulu léhie há anɩ ámu ɔnó abótsu ɩwɩ fun. Mógyi agyómá ání anɩabwé bɔtu mli ní. ¹⁴ Anilégyankpá pú Kristo asɔn wankláán ámu ba mli. Mú su ní anidé mli asón bláa a, anumókótói dáfá. ¹⁵ Animédépu ɔhaa agyómá é tsú ɩwɩ. Mboun anidé ɔkpa kí ání mli hógyi bédan. Agyómá amóú anidéyo mliɩ ámu é íbékleí tsía. ¹⁶ Mómú abétalí dáfá mli su yéda asɔn wankláán ámu ɔkan ɔmá bámbá ésó, méni ɩmóɔbwe fé anɩlapó ɔtínéá ɔku lagyankpá yó agyómá tsú ɩwɩ.

¹⁷ Táme Bulu asɔn wanlínhé amu lébli ɔbéε, “ɔhagyíɔha ání ɔbéε, mótsu ɩwɩ á, ɔpúv tóá anɩ Wíe labwé tsu ɩwɩ.” ¹⁸ Tsúfé ní Bulu ɔkánfó fú gyí asón, ɩwɩ kanfó mú kpaali igyi.

11

Paulo Mva Sumbi Ayɔpɔ Afunupu

¹ Mlɩnya klɔn, amlɩnu mí mimlála kpalobí ánfɩ asɩ! Kókoli, mlɩnya klɔn ha mɩ. ² Mmesi mli tswɩ fé aliá Bulu tamasi mli tswɩ. Tsúfé mligyí fé obitebíá omeyín oyin, napó mli há oyin ɔkule, ogyi Kristo. ³ Táme ali amóú ɩwɔ ámu lópu mu alape mlé Hawa amu á, ifú de mí ání ɔku ɔbémlé mli, mli ansí bédinkí ɔɔkwaliwa pú ɔdwe wankíhé amóú mli bu ha Kristo amusu. ⁴ Tsúfé nyin ání ní ɔku ɔbá beda Yesu bámbá ɔku ɩwɩ asón ɔkan súná mli, imegyí ɔmɔamóú aniléda mu ɩwɩ asón ɔkan súná mli ámu a, mlókɔsí hogyi. Ní mlenyá ɔhé bámbá kvá ɩna ɔtsan há móámóú mli légyankpá nyá ámu é á, mlóhɔ mú gyí. Ali kén ní mlonú asɔn bambá ání ɩna ɔtsan há móámóú anilébláa mli ámu é á, mlókɔsí hɔ mósú gyí nɩ!

⁵ Mmedéhogyiá ahá ánfɩ bude ɩwɩ tɩ “Sumbí ayɔpɔ akpɔnkpɔntɩ” ánfɩ buɔvɔn mɩ ɔkpa ɔkɔkɔsu. ⁶ Ní mmeyín tóí kóráá á, nyin asón ání ndeblí. Nahogyiá anɩlahá asón ánfɩtɔ ɩlawánkí mli ɔkpagyíɔkpasu.

⁷ Iníá nɔpu ɩwasɩbá pú obú há mli bréá neda Bulu asɔn wankláán ámu ɔkan súná mli, mməhɔ mli tɔtɔ su yéε tsitsa nɔbwe á? ⁸ ɔpasua bámbá ató nɔswí, póbá bɔyo agyómá há mli. Mú su netalí súm mli, mməhɔ mli tɔtɔ nɩ. ⁹ Bréá mbu mli

wá, iwí lekli mí á, mmesi ipian tswí mlítò òkòkòsù. Mbóún apíó ámúbù botsu Makedonia ba amù léha mí mí atohiánhe. Iní sù mmesi ipian dínká mlítò òkòkòsù, mméesi dínká é. ¹⁰ Iníá ònòkwali nenyà ndeblí tsú Kristo iwí mú á, òhaa méetalí ká mí itin òbéé, mmápu asón ánfí tsú iwí Akaia òsólòsù fée. ¹¹ Ntogyi sù? Ntamadwé mli lóó? Ekékeké! Bulu yin ání ntòdwé mli!

¹² Nóbwe mí agyómá fé aliá nde mú bwe dodo. Nóbwe mú pútín amù òkpa, ní bude iwí tsu bee, gyuma kùle ania amúnnyò anidébwé. ¹³ Afunupu bogyi. Bapina bwe iwí fé Kristo sumbí ayòpù, bònà bude mli mlé. ¹⁴ Táme uma wánwan! Tsúfé Òbunsám kóràá tèkí ansí bwé iwí fé Bulu-òbòpu wankihé! ¹⁵ Mù sù uma wánwan ání m̀v asúmpù anfi é bapina bwe iwí fé yilé abwepù. Amù ònómò béle amù bwehé kugyíko òwan.

Paulo Asòn Wunhe

¹⁶ Ntráa nde mli bláa mbéé, òhaa mábu mí òha mimláhe. Táme ní mlidé mí bu ali óó á, mlítu mú ali, mí é anya òkpa tsú iwí kpalóbí. ¹⁷ Aní Wíe tamatí ali, támé nabwé iwí fé òha mimláhe. ¹⁸ Ahá tsòtsòtsò butòtsú iwí fé òyítò ahá, sù mí é nòtsu iwí. ¹⁹ Ee á, iníá mlíaa atiansipu mlígyí óó á, mlítòsúlá há aha mimláhe. ²⁰ Tsúfé ní òkò òpù mli bwé nkpábi kóràá á, mlítòsúlá. Ní òpù mli nyá iwí, ogyi iwíe mlísu, obù mli tòku odu, òdá mli ísòtò kóràá á, mlítòsúlá há m̀v. ²¹ Mliá mma ansítò-ònlín. Ee, natsúlá. Mí klé ma inu.

Táme tógyítòá òkò labwé òdepòtsú iwí á, mí é nétalí pù mí kle tsú iwí. (Táme nahogyi ání igyi mimlála.) ²² Ní bee Hebrifò bogyi á, mí é Hebriyin ngyi. Ní Israelfò é bogyi á, Israelyin mí é ngyi. Ní bee bòtsú Abraham abí-anátò a, inu mí é nòtsú ní. ²³ Bee Kristo asúmpù bogyi? Mblí mú mimlásù, ndòn amù! Nayíri iwí yó agyómá òn amù. Nadí obu òn amù. Badá mí òn amù. Nesian wu bré tsòtsòtsò. ²⁴ Yudafò banwén mí mpli tsé advasa-kwebá (39) tse nu kéké. ²⁵ Romafò é bapítí mí atò tse sa kéké. Beda mí abwi òsáwòle. Tse sa kéké ntsusù-yibi labun m̀v, nasin ntsutso ekewòle owítò. ²⁶ Mí òkpa tsòtsòtsò tutò á, nafá ntsu akpònkpònti, natsòn ogyo atswapò ibitò dáli. Natsòn òmá bámbásúfò pù aní p̀v Yudafò fée ibitò dáli. Natsòn awúlusu pù adimbísò, nafá òpu. Natsòn ahá ámúbù bude amù iwí tì bee, Akristofò ám̀v aná fée ibitò dáli. ²⁷ Nayó agyómá kpékplé, ilapíán mí kí. Ntamadídi nkekò. Ntetsiá akón m̀v òmewòli, nteklí ònò, ntedí atsalí, nátí yayá aná fée. ²⁸ Iní fée òma a, tóá idín mí klònsù, ntògywíin mú iwí ekekegyíeke gyí òpasua ám̀v fée aléwa. ²⁹ Ma lópòn, mmòtsu kòkò lé m̀v asúntò? Ma bekpa wá lakpantò, inòwa mí òblò.

³⁰ Ní bee ntsú iwí á, ntobíá itehá mí hógyi teba así nòpòtsú iwí. ³¹ Bulu, ogyí aní Wíe Yesu m̀v Sì, òlekanáa kanfò bré féeétò ám̀v yin ání mmédé afunu wa. ³² Owíe dehen Areta léha m̀v òmásù

ɔkɪpu léyete mi Damasko wúlu ɔnɔ́, ɔkɪta mí. ³³ Táme bɔpu mí wá lakpátó, lé mí tsɔn ikwɪtɔ, kplí mí yi buntíi ání bɔpwe wá wúlu amɔ ɔma, nesrí sí mu.

12

Paulo Atowunhe Pó Mv Atɔ Lesúndhé

¹ Ilehían ání nótsu iwɪ, táme tɔtɔtɔ uma iwɪtsútó. Táme mblí atɔ́a nowun pú tɔ́a anɪ Wíe lalé súná mí. ² Nfi dúana (14) ní, bɔwan mi ya ɔsúsú saasɪtɔ. (Mí nyankpɔsa-oyí lóyɔ unu o, mí ɔkláa o, mméetalí bí. Bulu nkɔle yín.) ³⁻⁴ Fé alíá nakóblí á, bɔwan mi ya Paradiso. (Mí nyankpɔsa-oyí lóyɔ unu o, mí ɔkláa o, mméetalí bí. Bulu nkɔle yín.) Nonu asún ání uma blító, ɔhaa é má ɔkpa blí mú. ⁵ Nétalí pú itó ámúú nowun amɔ tsú iwɪ, táme mmóɔpu mí atɔ bwehé tsú iwɪ. Ntobíá itehá mí ɔwɔnlín ɔnɔ́ tɛba asɪ ntɔpútsú iwɪ. ⁶ Ní mbéé nótsu iwɪ kóráá á, mmóotsu iwɪ fé ɔha mimláhe, tsúfé néblí ɔnɔkwali. Táme mmóɔbwe. Mmedékléá ɔhaa ɔkú mi dafa alíá mí tsiátó gyí, ntéé asún ámúú nɔpɔba amɔ.

⁷ Alíá mmóɔpu ntobí ánfɪ ibu ifú, ibu wánwan, Bulu lalé súná mí ánfɪ tsú iwɪ sɔ á, ɔɔpu owu ku wá mí awútó, igyi ɔbɔnsám-ɔbɔpu. Itedá wɔ mí, ménɪ mmóotsu iwɪ. ⁸ Nakókóli anɪ Wíe Yesu tse sa kéké mbéé, ɔlé itó ámúú mító. ⁹ Táme asún ání ɔtebláa mi brégyibré gyí, “Mí awítale pé gyí tɔ́a fehián. Tsúfé ɔhá ání mu ɔwɔnlín ɔnɔ́ laba asɪtɔ mí túmi tɛhíé lɪn ɔwan.” Inɪ sɔ ibu mi ansigyí ání nɔpu tɔ́a itehá mí ɔwɔnlín ɔnɔ́ tɛba asɪ tsú iwɪ, ménɪ Kristo túmi ámúú íbéhie bun mɪsɔ. ¹⁰ Kristo sɔ ansí bégyi mi brégyibré. Ní mí ɔwɔnlín ɔnɔ́ iba asɪ, bɔde mí sia, mbu ikplántɔ, bɔdɪn mísó, ntéé iwɪ de mí ɔsin, tsúfé ní mí ɔwɔnlín ɔnɔ́ iba asɪ á, mú ntelányá ɔwɔnlín ní.

Korinto ɔpasua Iwɪ Asón

¹¹ Nabwé iwɪ fé ɔha mimláhe, táme mlɪláhá ɪlaba alɪ. Tekɪ ilehían ání mléblí asɔn wankláán tsú mí iwɪ. Tsúfé ibu móttáa mmegyí tɔtɔ, táme ndɔn “sumbí ayɔpú akpɔnkpɔntɪ” ánfɪ mó. ¹² Bréá mbu mlɪ wá á, notomi bwé tɔ́a ibu wánwan pú osúna móa ofúla ɔtsan-ɔtsan, púsúná mlɪ ání lélé sumbí ɔyɔpú ngyi. ¹³ Ntɔ dé mlɪ háan? Tɔ́a nɔbwe mlɪtɔ, mmóɔbwe ɔpasua bámbátó gyí, mmesi iwɪ tswɪ mlɪsɔ. Kókoli, mlɪsikie mí!

¹⁴ Séi á, otse saasɪ ndɛbweá néba mlɪ wá á. Mméeba besi iwɪ tswɪ mlɪsɔ, tsúfé mmedé tɔtɔ fité tsú mlɪ wá. Mlɪ onutó ndehían. Kebi tamatsú mu sɪ wá akɔnkɔ, mu sɪ tótsú mu wá akɔnkɔ. ¹⁵ Ibu mi ɔdweá néyintá tógyítáa mbu mlɪ sɔ, sí mí iwɪ féé kóráá há mlɪ. Iníá nde mlɪ dwe dubɪ alɪ á, ntogyi sɔ ɔdweá mlɪ mó mlɪbu há mísú dedɪnkí?

¹⁶ Fíalɪ mlɪlawun ání lélé, mmeba besi iwɪ tswɪ mlɪsɔ, táme mlɪdébli mlɪaa, nofwífwí ansí. Ndepu ató tsɔn mlɪ omuá wá mlɪ ɔnɔ́. ¹⁷ ɔkpa ɔmɔmɔsɔ? Nɔtsɔn ahá ámúú nɔwa mlɪ wá ámúú

okusu sísi mli lóó? ¹⁸ Bréá nokokóli Tito, nɔwa mva aní pío Okristoyin amv mli wá mé, olebesisii mli? Ekekeke! Tsúfé agywun kole mía mɔnyɔ anidépɔbwé toku kole.

¹⁹ Fíali mli dé mó tsu bré ánfɔ fée mli aa, anidétóí póká iwí lé. Megyí ahi igyi. Akristofó anigyí, anidétóí Bulu ansító. Mí adwepú, anidé tógyító bwe pówá mli ɔwɔnlín. ²⁰ Tsúfé ifú de mí aní néba mlimétsie wankláán. Mó su mí asɔn blíhé bówɔ mli asɔtɔ. Fíali nóbɔtɔ itré, ɔnsipe, ɔbló, olu, ahásia, ahá iwí asónblí, iwítsú pú abasɔda mli tɔ. ²¹ Nhíé nde ifú nya aní ní nebá inu á, mí Bulu ɔbétrá ba mi asi mli su. Nósu, tsúfé mli tɔ aku mlimókósi mli lakpan dada amv bwe, dámlí klɔntɔ sí mbɔatɔ, hakpanla pú ɔwólí laláhe amv.

13

Iklá Pó Oláda

¹ Otse saasi nebá mli wá á. Bulu asón leblí ɔbéε, “Asa mléha ɔku ipón á, mlinu adansifó abanyó ntée abasá ɔnó.” ² Bréá néba mli wá otse nyɔɔsi a, neda ahá ámóú bɔde lakpan bwe ámu fée olá. Ntráa nde amú aha tráhe fée olá da, tsúfé ní nebá inu á, néhie bití amó isv. ³ Tsúfé mli dékléá mlébi aní lélé Kristo détóí tsɔn misv. Kristo ɔwɔnlín ɔnó makúba asi mli tɔ. Mv túmi é ihíé tsɔ mli tɔ. ⁴ Ibv mótá mv oyikpalíhesv lowu ilosuná aní alapɔn, táme séi á, ɔtsie nkpa Bulu túmitɔ. Bréá ania mɔnyɔ anilóbwe kole a, anilópɔn, táme séi ania mɔnyɔ anitsie nkpa Bulu túmitɔ. Mó anidépɔkpá mli ní.

⁵ Mli yɔ mli nwuntɔ ki beε, ahógyipv onutó mli gyí? Mli kapv mli iwí ki beε, lélé Kristo Yesu bv mli tɔ? Mli lawun aní ɔbo mli tɔ? Ní mlimókówwun mv mli tɔ mó á, mómó megyí ahógyipv onutó mli gyí. ⁶ Nahogyiá mléba bebi aní Kristo ahógyipv onutó anigyí. ⁷ Anidé Bulu kokóli aniaa, mlimátrá bwe lalahε koku. Megyí ahá ibósuná aní anigyí Kristo ahógyipv onutó sv. Táme ní ahá bɔdekí beε megyí Kristo ahógyipv onutó anigyí ó á, ɔhá mli mó amlibwe tóá ida ɔkpa. ⁸ Tsúfé aní mó animéetalí kósú líí ɔnɔkwali asón ámɔsv, dɔn aní abéha mó ibóyɔ nkpa wɔle. ⁹ Ní aní mó aní ɔwɔnlín ɔnó laba asi, mli klé ilawá ɔnlín á, ansí bégyi aní. Tóá anidé Bulu kolí gyí, ɔhá amlilalu kinkíínkín, amlidan Kristo hógyitɔ. ¹⁰ Iní sù nagyankpá nde ɔwɔlú ánfí wanlín sísi mli, asa amba inu ní. Méni ní nebá á, mmóobotsu ibi mli sv. Tsúfé ndekléá nɔpv túmi ámóú aní Wíε lapóhá mí ámu bóa mli amlidan. Mmóɔpuyintá mli.

¹¹ Apíó, itráhe a, ansí igyi mli. Mli bɔ mbódí amlilalu kinkíínkín, amlidan Kristo hógyitɔ. Mli wa aba ɔwɔnlín. Mli agywun ibwé kole, amlitsia iwilwiitɔ, méni Bulu ámóú ɔtɔdwé aní, ɔtéhá aní iwilwii amv obétsiá mli tɔ bré fée. Nehá mli itsiá gyágyágyá.

¹² Mli ha aba itsiá, amlilata aba puta ɔdwesv.

Bulu ahá á móú bú bú nfi á mó fée béhá mli itsiá gyágyáágyá.

¹³ Aní Wíe Yesu Kristo búaleyí, Bulu ódwe pú Óhe Wankíhé kólebwe itsiá mli féesú.

Ɔwɔlɔ́á Paulo Lɔ́wanlín Sísí Galatiafɔ

¹ Mí sumbí ɔyɔpɔ Paulo dé ɔwɔlɔ́ ánfɔ wanlín. Megyí anyánkɔpɔsa ntée ɔhaa lɔ́wa mí. Yesu Kristo mɔa anɔ Sɔ́ Bulu ámóú ɔlɔkɔsɔ́a mɔ tsú afúlitɔ́ ámɔ lɔ́wa mí. ² Nde mú wanlín sísí ɔpasua ání ɔbu Galatia ɔsɔlɔ́sɔ́ fée. Mía Akristofɔ́á bubu nfi fée anidé mli itsiá ha ania,

³ “Anɔ Sɔ́ Bulu mɔa anɔ Wie Yesu Kristo bugyíi mli buale, abɔha mli iwilwii.”

⁴ Yesu anfi lési iwɔ há bɔmɔ mɔ anɔ lakpan sɔ, ménɔ ɔbéle anɔ tsú ɔyí laláhe anfitɔ; fé alɔ ámóú anɔ Sɔ́ Bulu léhie yáí ámɔ. ⁵ Akánfɔ Bulu bré fée. Amen!

Asɔn Wankláán Kɔkɔ Má Inɔ Ɔma

⁶ Mli Galatiafɔ, mli iwɔ lawá mí ifú ání mlɔlawúna yinkí Bulu ɔma. Bulu lótsɔn Kristo awɔtɔlesɔ́ tí mli ɔbéle, mli bɔ́bwe mɔ ahá. Mli kɔ alɔ́ mlɔlawúna mlidé asɔn bambá hɔ́ mlɔ́a, múgyí asɔn wankláán ámɔ. ⁷ Táme ina ɔtsan há asɔn wankláán ámɔ. Aha akɔ dékléá béyintá mli agywun, abɔtse Kristo asɔn wankláán ámɔ. ⁸ Táme ní anɔ, ntée Bulu-ɔbɔpɔ ɔkɔ kóráá lótsu ɔsúsú bá, beda asɔn wankláán bambá kɔ ɔkan súná mli, ina ɔtsan há mú ámóú anilébláa mli ámɔ a, Bulu ɔlwí mɔ. ⁹ Nakó blí asún ánfɔ, táme ntráa nde mli bláa mbée, ní ɔkɔ ɔbá beda Bulu asɔn wankláán bambá kɔ ɔkan súná mli, ina ɔtsan há mú ámóú anilébláa mli ámɔ a, Bulu ɔlwí mɔ.

¹⁰ Megyí beɛ, ndekléá ahá buɔwée mí. O-o! Bulu mboún ndekléá ɔɔwée mí. Ní ntráa ndekléá ahá buɔwée mí á, tekɔ mmegyí Kristo osúmbi.

Paulo Sumbí Ɔyɔpɔ Bwe

¹¹ Mí apíó, ndekléá iwánkɔ mli ání Bulu asɔn wankláán ámóú nde mú ɔkan da ámɔ imotsú nyankɔpsa agywuntɔ. ¹² Megyí ɔhaa wá nɔtsúa mú, ntée ɔkɔ lósuná mí. Yesu Kristo onutó léle mú súná mí.

¹³ Tsúfé mlɔlanú mí tsiátó asún, alɔ́ ngyi bréá mbuo Yudafɔ-osum ámɔ, pú alɔ́ nehie dínká Bulu ɔpasua ámɔsɔ, nɔbɔ mbódiá nehɔ amó fée. ¹⁴ Nɔhɔ gyankpa mí abato Yudafɔ-osum ámɔtɔ, pú alɔ́ nɔwa nsi gyi mí anáin amándié kugyíkɔsɔ.

¹⁵ Táme Bulu lɔ́wa awɔtɔle há mí. Ɔlele mí yáí tsú bréá mbu mí yín iwɔtɔ, ɔletɔ mí ɔbéle, nyó mɔ agyómá. ¹⁶ Ɔlele mɔ Bi ámɔ súná mí, ménɔ néda mɔ iwɔ asɔn wankláán ɔkan ahá ání bɔmegyí Yudafɔtɔ. Mmɔyɔ ɔhaa wá mbée, osúna mí asún alɔ́ bré ámɔtɔ. ¹⁷ Mmɔyɔ Yerusalem mbée, noyówun Kristo sumbí ayɔpɔ ámóú bubu inɔ asa neba amɔ é. Mboún nenatí laa yó Arabia ɔsɔlɔ́sɔ, neyinkí ba Damasko wúlutɔ. ¹⁸ Yesu léle iwɔ súná mí, mú ofi-saasitɔ á, nɔyɔ Yerusalem yówun sumbí ɔyɔpɔ

Kefa ání bọ̀tetráa tí mọ̀ Petro, netsiá mọ̀ wá nkẹ̀ dúanu (15).
 19 Mmétrá wun sumbí ọ̀yọ̀pọ̀ ọ̀kọ̀kọ̀ dọ̀n aní Wíe Yesu mọ̀ gyama Yakobo.

20 Ọ̀nọ̀kwali asọ̀n ndẹ̀wanlín sísí mli. Bulu yin ání mmedé afunu wa.

21 Mọ̀ ọ̀ma a, nọ̀yọ̀ Siria pọ̀ Kilikia ọ̀sọ̀lọ̀sọ̀. 22 Alí bré ámọ̀tọ̀ á, Akristofọ̀ ọ̀pasua ámọ̀ú ẹ̀bọ̀bọ̀ Yudea ọ̀sọ̀lọ̀sọ̀ ámọ̀ bọ̀mọ̀kọ̀nyá bí mí. 23 Mọ̀á bọ̀denu tsú mí ẹ̀wí fẹ́é gyí, ahá bọ̀deblí bẹe, “Oyin ámọ̀ú ọ̀dín aní ẹ̀sọ̀ ámọ̀ ná ọ̀de hógyi ámọ̀ú aní dé mọ̀ asọ̀n blí, ọ̀de aní itin ka ámọ̀ kén ọ̀kan da.” 24 Ina mí sọ̀ bẹkanfọ̀ Bulu.

2

Paulo Mva Sumbi Ayọ̀pọ̀ Atráhe Amv

1 Nfí dúana ọ̀ma a, mía Barnaba anilékpá Tito buo ẹ̀wí, yínkí yó Yerusalem. 2 Bulu léle súná mí ání nyó inu, sọ̀ nọ̀yọ̀. Alí mí agyómá mọ̀bọ̀wẹ kpaali sọ̀ á, negyankpá lé asúntọ̀ súná ọ̀pasua ahande amv nkọ̀le itsétọ̀. Nẹ̀bláa amọ̀ asọ̀n wankláán ámọ̀ú nna nde mọ̀ ọ̀kan da ahá ání bọ̀megyí Yudafọ̀tọ̀ ámọ̀. Botsulá dínká mọ̀sọ̀. 3 Ẹ̀bọ̀ mọ̀tọ̀ ání Griikiyin Tito amọ̀ú anilékpá buo ẹ̀wí ámọ̀ gyí, táme bọ̀mẹhiẹ mọ̀ bẹe, ọ̀tíin keté. 4 Ẹ̀bọ̀ mọ̀tọ̀á Akristofọ̀ afunupọ̀ akvá bẹkí ansí bowie aníto bẹkleá ọ̀tíin keté. Tsúfẹ̀ bọ̀dunká ání bẹ́yintá ẹ̀wí ẹ̀tsiá amọ̀ú Kristo Yesu lahá aní ámọ̀; abọ̀bọ̀wẹ aní amlí nkpábi ha Yudafọ̀ mbla ámọ̀. 5 Táme anímẹsi ẹ̀wí há amọ̀ kpalobí kóráá, méní ọ̀nọ̀kwaliá ẹ̀bọ̀ asọ̀n wankláán ámọ̀tọ̀ iméetse ha mli.

6 Ọ̀pasua ahande amọ̀ú bọ̀bọ̀ inu ámọ̀ bọ̀mẹbláa mí asọ̀nsọ̀ bẹe, mpọ̀tsia asọ̀n wankláán ámọ̀ú ndẹblí ámọ̀tọ̀. (Iníá nde amọ̀ tí ahande kóráá á, megyí bẹe, amọ̀ hande amv ẹ̀bọ̀ mí labi, tsúfẹ̀ Bulu mọ̀ tamakí ọ̀haa ansítọ̀.) 7 Táme ahande amv bọ̀wun ání Bulu lópọ̀ asọ̀n wankláán ámọ̀ há mí ọ̀bẹe, ndáa mọ̀ ọ̀kan ahá ání bọ̀megyí Yudafọ̀tọ̀,* fẹ́ alí ọ̀lọ̀pọ̀há Petro é ọ̀bẹe, ọ̀dáa mọ̀ ọ̀kan Yudafọ̀tọ̀. 8 Tsúfẹ̀ Bulu léha Kefa ání bọ̀tetráa tí mọ̀ Petro túmí, ogyi mọ̀ sumbí ọ̀yọ̀pọ̀ Yudafọ̀tọ̀. Mv kén láhá mí túmí, ngyi mọ̀ sumbí ọ̀yọ̀pọ̀ ahá ání bọ̀megyí Yudafọ̀tọ̀ é ní. 9 Inu á, ẹ̀lọ̀wankí Yakobo mva Petro pọ̀ Yohane amọ̀ú bọ̀híe bọ̀gyi ọ̀pasua ámọ̀ ọ̀tan ámọ̀ ání Bulu lápọ̀ alí agyómá ánfí kíe mí. Mọ̀ sọ̀ bọ̀wa mía Barnaba ẹ̀bọ̀, pọ̀súná ání anílabwé kọ̀le. Botsulá ání mía Barnaba ayọ̀ agyómá ahá ání bọ̀megyí Yudafọ̀tọ̀, amọ̀ é abọ̀yọ̀ agyómá Yudafọ̀tọ̀. 10 Mọ̀á bọ̀dunká tsú aní wá gyí, akáin amọ̀tọ̀ ahá ání bọ̀ma tọ̀tọ̀sọ̀. Mọ̀ kén gyí tọ̀á ndekléá nọ̀bọ̀wẹ é ní.

Paulo Iyinwa Wá Petro

11 Táme bréá Petro léba Antiokia wúlutọ̀ á, nọ̀wa ẹ̀yin wá mọ̀ ahá ansítọ̀, tsúfẹ̀ tọ̀á ọ̀lọ̀bọ̀wẹ itépi ma ale. 12 Bréá ọ̀lẹba a, mva ahógyipọ̀vá bọ̀megyí Yudafọ̀ bọ̀tọ̀wá ẹ̀bọ̀ gyi atọ̀, táme

* 2:7 Ahá ání bọ̀megyí Yudafọ̀ támatin keté. Yudafọ̀ gyí keté atínpọ̀.

Yudafɔ akɔ benya tsú Yakobo wá ba pé, ɔlebití iwí lé ahá ámɔtɔ, tsúfɛ ɔde ahógyipɔ amóú bɛɛ bɔtín keté ámu ifú nya. ¹³ Iníá ndɛblí á, Yudafɔ atráhe amɔ é bubuo Petro apinabwɛbí ánfí. Barnaba óó léyinkí yó obuo amó. ¹⁴ Nowun ání amó bwehé ámu imekanáa ɔnakwaliá íbu ason wankláán ámɔtɔ. Mú sv nebláa Petro ahá ámu fɛé ansító mbée, “Petro, Yudayin fɔgyi, táme fɔmedé Yudafɔ amándiésú gyí. Ɔmátófɔ amándiésú fɔdegyí. Ntogyi só fɔde ahá amóú bɔmegyí Yudafɔ ámu hue fɛɛ, bubwée Yudafɔ amándié ání fakíná?”

Hógyisú Bulu Tɔtsɔn Hɔ Yudafɔ Pó Ɔmá Bámbásófɔ Nkpa

¹⁵ Yudafɔ lókwí mía fɔnyɔ. Megyí ahá amóú bɔmegyí Yudafɔ, bɔmeyín Bulu mbla ámɔtɔ atsú. ¹⁶ Táme aní Yudafɔ Akristofɔ ámu mú anyin ání megyí Mose mbla ámɔsv gyí sv Bulu totsú ɔha ání mɔ asón da ɔkpa mɔ ansító, nkétí Yesu Kristo hógyi. Mú sv anɔlahɔ mɔ gyi, méní Bulu ɔbótɔn mɔ hógyi amɔsv há aní asv ní. Tsúfɛ ní mbla ámɔsv gyí sv mú á, tekí ɔhaa méegyí asv Bulu ansító. ¹⁷ Anídédunká ání Bulu ɔtsóun aní Kristo hógyisv, otsu aní ání aní asón da ɔkpa mɔ ansító. Táme ní Yudafɔ akɔ bɔde aní mboún kí lakpan abwepó á, mómú imosuná ání asɔkpan Kristo dé aní suná a? Ekekeke! ¹⁸ Ní nakíná Mose mbla ámu, láyó nde mósú gyí a, mómú ilosuná ání itɔ laláhe nɔyɔ ndɛbwɛ á. ¹⁹ Tsúfɛ Mose mbla ámu ilosuná ání nawú. Uleha negyí iwí, méní nétsiá nkpa pɔpwe há Bulu. Mía Kristonyɔ beda mántá oyikpalíhesv ɔhétɔ. ²⁰ Mú sv ntsie nkpa séi, táme megyí mí onutó tsíe nkpa ɔsulúv anfisv. Kristo, ogyi Bulu mɔ Bi ámu tsíe mítɔ. Múlódwe mí, bowu há mí. Mɔ hógyi só ntsie nkpa. ²¹ Mú sv mmedé Bulu awítɔle amv kiná. Tsúfɛ ní Mose mbla ámu só ɔha obégyi asv Bulu ansító á, mómú kpaali Kristo lówu!

3

Mbla Amɔsv Gyí Ntée Kristo Hógyi

¹ Oo Galatiafɔ aha mimláhe! Ma lálé mlí ansí alí? Megyí mlí onutó ansító behie lé súná mlí aliá beda Yesu Kristo mántá oyikpalíhesv, mó mɔ? ² Nfite mlí asv kua kɔle. Mose Mbla ámɔsv gyí léha mlílénya Ɔhe Wankíhé amv lóó, ntée asv wankláán amóú mlílónu, mlídé mósú hógyi amv sv? ³ Aha mimláhe mlílókoku mlígyí alí á? Iníá mlílópu Ɔhe Wankíhé amv tsúa mlí Kristotɔtsiá asi mé, mlí onutó túmí mlíaa mlópumó mú ɔnó nya? ⁴ Kpaali só mlílówun ipian ámu fɛé asv wankláán ámu sv? Megyí kpaali sv! ⁵ Ntráa fite mlí. Mlí Mose mbla ámɔsv gyí só Bulu lapó Ɔhe Wankíhé ámu há mlí, ɔde ofúla é bwɛ mlítɔ? Ekekeke! Aliá mlílónu asv wankláán ámu, hɔ mósú gyí só ɔlɔpohá mlí.

⁶ Mlɪpɔki anɪ náin Abraham. Ibo Bulu asɔn wanlínhé amɔtɔ ání, “Abraham lóhɔ Bulu gyi. Mú sɔ Bulu lótsu mu ání mu asón da ɔkpa.” ⁷ Mú sɔ ilehián ání mlébiá ahá ámúú bɔhɔ Bulu gyi amɔ gyí Abraham abí onutó ní. ⁸ Bulu asɔn wanlínhé amɔ léblí yáí ání Bulu ɔbótsɔn ahá ámúú bɔmegyí Yudafo ámu hógyisu, tsú amú ání amú asón da ɔkpa. Inɪ sú Bulu lébláa Abraham asɔn wankláán ámu dodoodo ɔbéé, “Fúsú nótɔn yulá ɔsulɔsu ahá féesé.” ⁹ Abraham lóhɔ Bulu gyi. Mú sɔ Bulu lóyulá mu. Mú sɔ séi áni á, Bulu ɔbópu oyúla amúú ɔɔpuuyúlá Abraham amɔ yúlá ahá ání bahɔ Kristo gyi.

¹⁰ Táme ilwí dɪn ahá ání amú ansí dɪn Mose mbla ámuɔv gyísu. Tsúfé bɔwanlín wá Bulu asón amɔtɔ bɛɛ, “Bulu lalwí ɔhagyíɔha ání omegyí mbla ámúú bɔwanlín wá Bulu mbla ɔwɔlótó ámu féesú.” ¹¹ Séi á, ilawánkí ání ɔhaa má unvá mu mbla ámuɔv gyí sɔ Bulu obótsu mu ání mu asón da ɔkpa. Tsúfé Bulu asɔn wanlínhé amɔ léblí ɔbéé, “ɔhá ání mu hógyi sɔ Bulu latsú mu ání mu asón da ɔkpa obénya nkpa.” ¹² Mbla ámuɔv gyí mená hógyisu, táme Bulu asɔn wanlínhé amɔ léblí ɔbéé, “ɔhagyíɔha ání otegyi mbla ámuɔv ɔbótsɔn mósú nyá nkpa.”

¹³ Táme anɪ sú Kristo lémlí ɔha ilwíhé bréá beda mu mántá oyikpalíhe amuɔv. Mú sɔ ɔlele anɪ tsú ilwí ámúú mbla ámu létu há anɪ ámu asi. Tsúfé Bulu asɔn wanlínhé ámu léblí ɔbéé, “Ilwí dɪn ɔhagyíɔha ání beda mántá oyísú.” ¹⁴ Kristo lówu, ménɪ Bulu ɔbópu oyúla amúú ɔlehie há Abraham amɔ kén yúlá ahá ání bɔmegyí Yudafo, ménɪ abótsɔn anɪ Kristo Yesu hógyisu nyá ɔhe Wankíhé amúú ɔlehie ámu.

Mbla Amɔ Pú Bulu Nɪhié

¹⁵ Mí apíó, mpóv ndɛ tsiátó asón ku flo asón áni ha mlɪ. Alɪ ámúú ɔha ɔdínká ibwi mu asónsú ɔbéé, ɔku ogyíi mu ató, ɔhaa má ɔkpa tɛ mú, ntée lé ikɔ mótó ámu a, alɪ igyi ntam amúú Bulu léka há Abraham amɔ é ní. ¹⁶ Anɪ náin Abraham mɔa mu nanyɔ Bulu léka ntam há. Alɪ asón áni imosuná ání mu aná tsɔtsɔtsɔ, mboún mu na ɔkɔle pé. Mu na ámu gyí Kristo a. ¹⁷ Asón áni ndɛblí gyí, Bulu léka ntam há anɪ náin Abraham, ɔledínká ibwi mósú púsúná ání obégyi mósú. Mbla ámúú ɔlɔwa há Mose nfi lafana adɔasa (430) ɔma amɔ méetalí ká ntam amúú ɔledínká ibwi mósú ámúú, ntée tɛ mú ekekeke. ¹⁸ Tsúfé ní mbla ámuɔv gyí sɔ ɔha ibi béda agyapadiɛ ámúú Bulu léhie yáí ámu a, múmú megyí hie Bulu léhie mú yáí Abraham. Táme ɔnɔkwali amɔ gyí, kie ɔɔpukíé mu.

¹⁹ Mómú labi mɔmu mbla ámu bu? Bulu lópu mú é mántá mósú, ménɪ ibósuná ahá tóá lakpan gyí. Táme ɔlɔwa mbla ámu áni ibétsiá alɪ yófon bréá Abraham mu na ámu ɔbéba. Mugyí mu ató ogyípú ní. ɔɔpu mbla ámu há mu abɔpu bɔpu bɔwa Mose ibitɔ. Mólóbwe Bulu mɔa Israelfɔ nsíné ɔlapú ní. ²⁰ Nsíné ɔlapú tamalí há ɔbakóle, táme ɔbakóle Bulu gyí.

Labiá Mbla Amv Ibv

²¹ Bulu mbla ámv ðakusú líi mv nhíhíé ámvú ðlehíe yáí ámvsv? Ekekεeke! Ní mbla kv íbétalí há aní nkpa ání ítamató á, tekí abétalí gyí asv Bulu ansító, ní anlégyí mósó. ²² Táme Bulu asv wanlínhé amv ðeblí ání lakpan lagiy ðyító ahá féesú plíplíplíplí. Mú sv ató ámvú Bulu léhíe yáí ámv igyi Kristo ahógyipv klé.

²³ Táme asa Yesu Kristo hógyi lébá ðyító á, mbla ámv ðeklí aní fé obu adípó. Jhaa ménya mv íwí, bafun bréá Bulu lébele Kristo hógyi ðwan. ²⁴ Mú sv mbla ámv lóbwe anísv ðkípυ bafun bréá Kristo léba, méní Bulu obótsu aní ání aní asón da ðkpa mv ansító, tsóvun aní Kristo hógyisv. ²⁵ Iníá Kristo hógyi laba sv á, imehián ání mbla ámv ðbétrá bwe anísv ðkípυ.

²⁶ Tsúfé mlí Kristo Yesu hógyi sv mlí fée mlílabwé Bulu abí. ²⁷ Mlí ahá ání mlía Yesu Kristo mlílabwé kole tsvun asúbvsv mlíatsú mv tsiátó fée. ²⁸ Mú sv Yudayin ntée Griikiyin trá vma ínv. ðkpábi ntée ðdíhíe, vtsí ntée oyin trá vma ínv. Tsúfé mlí fée mlílabwé kole mlía Kristo Yesunyv ðkolébwetv. ²⁹ Iníá mlílabwé Kristo klé sv á, mlílabwé Abraham abí-aná onutó, pú mv ató agyípó. Iní sv ító ámvú Bulu léhíe yáí Abraham amv igyi mlí klé.

4

¹ Mlív v asón ánfítv kí. Ní jha ovú, sí mv agyapadíe yáí mv abí bréá bvmvókúdan a, bvgiyi fé nkpábi. Ibv mótóá amóbú amó sí ató fée, ² támε ílehíán ání béba íwíasi há amósú ðkípυ alu yófvun nfi oduá amó sí lósuná ání bohóv, asa abvsv ató ámv wa amó íbitv.

³ Alí aní é anígyí asa Kristo léba ní. Anílóbwe nkpábi há vjé, ntée túmiá íde vyi ánfísv gyí. ⁴ Táme bréá bré ámv onutó lfvun a, Bulu lówa mv Bì sísí, jha tsíhé lókwí mv wá mbla ámv asi. ⁵ Bulu lówa mv ání vjáv bohv aní ahá ámvú anígyí nkpábi há Mose mbla ámv tsu nkpábitv, méní vjóbwe aní mv abí onutó.

⁶ Bulu lódká ání obósuná ání mlílabwé mv abí. Mú sv vlvsv mv Bì ámv vjé wá aní íklvntv ní. vjé ámv téhá anítkpólí mv aníaa, “Abba, mí Sí!” ní. ⁷ Mú sv ovíó, fvttráa fvmegyí vkpábi, mbouv Bulu mv bí. Iníá mv bí fvgiyi sv á, mv ató fée igyi fv klé.

Galatiafɔ Iwí Ipián

⁸ Bréá mlímvókúnyá bí Bulu á, mlílóbwe nkpábi há íkpiá bvmegyí tvtv. ⁹ Táme séí mlílabí Bulu, ntée néblí mbée, alabí mlí. Ntogyi só mlídékléá mléyinkí yósum túmi ánfí íma labí kvkvkv? Ntogyi só mlétrá yinkí yóbwe amó nkpábi fé bré ámv? ¹⁰ Mlídé amándíé kv bwe nke kvtv, tsra kvtv, bré kvtv pú nfi kvtv. ¹¹ Mlí bwehé ánfí sv ífú bv mív. Íde mí bwe fé ípián ámvú ndewúun mlí sv ámv fée íbóbwe kpaalí.

¹² Mí apíó, nokókólí mlí, nabwé mí íwí fé mlí. Ntráa mma mbla kvkv asi. Mú sv mlítsia mí atsiábi. Megyi bεε mbée,

mlilapɔ lalaha kɔkɔ gyi mi, sɔ nde ini bli. ¹³ Mlilakáin ání iwɪ ma mí ɔnlun asa neba unu beda Bulu asɔn wankláán ámu ɔkan eke gyankpapu? ¹⁴ Isóki kpɔnkpɔnti mí ilo ámu lóbwe há mli, táme mó óó á, mlimóbu mí tɔku. Mboun mlilóhɔ mi fé Bulu-ɔbɔpu, ntée Kristo Yesu onutó kóráá. ¹⁵ Ansí lehié gyi aní alí bré ámutɔ! Ntɔ lébá? Mí onutó nowun ání ní mlétalí á, teki mlilólóti mli ansíbi wá mí alí bré ámutɔ. Mó ntɔ dé mli séi? ¹⁶ Alí ámúú nde mli ɔnɔkwali bláa amu sɔ namlí mli olupú?

¹⁷ Ahá ámúú budekléá mligyí Yudafo mblasu ámu buma mli iwɪ agywun wankláán kɔkɔ. Tóá budeklé gyí bémain mli lé misú, méní mlékle amú asún. ¹⁸ Ibo aléá ahá bódunká ání mlidwée amú, agywun wankláán ɔkpasu. Megyí bréá mbu mli wá wole. ¹⁹ Mí abí adwepó! Iwɪ trá ide mí ɔsin há mli, fé ɔtsiá ikwí de mu dwiin. Nkétí mlilanyá Kristo tsiátó mlitɔ asa iwɪ bési mí ɔsin. ²⁰ Ihíé de mí háan ha mli. Ní mí nkɔle sɔ mó á, teki mbu mli wá séi, méní nétse mí títɔ.

Hagar Mva Sara Nfántóhɔn

²¹ Nfite mli ahá ámúú mlidékléá mlóbuo Mose mbla ámu. Mlimónu asún ání ilebli asi? ²² Bɔwanlín wá Bulu asún ámutɔ beɛ, Abraham lókwí abi yinhé anyɔ. Ɔkɔle mu yin gyí ɔkpábi, onyɔɔsi mu yin gyí ɔdihie. ²³ Ɔkpábi amu lókwí mu bi keke, táme ɔdihie ámu mó á, Bulu lehié mu yáí ání méha mu obí asa ɔlɔkwí. ²⁴ Mliha anu asún ánti asi tsun ɔkpa ántisɔ. Atsi abanyó ánti bulí há ntam anyɔ ánti Bulu léka. Hagar líí há Sinaibusu klé, tsúfé nkpábi mu abí bɔgyi. ²⁵ Sinaibu ámu bu Arabia ɔmátó. Ili há nde Yerusalem wúlu. Yerusalem pɔ mótó ahá féé bɔgyi nkpábi, Mbla ámu sɔ. ²⁶ Sara mó gyí ɔdihie, ɔlí há ɔsósó Yerusalem. Mɔgyí aní yín ní. ²⁷ Tsúfé Bulu asún wanlínhé amu lébli ɔbéɛ,

“Ɔtsi mákwíupú, nya ansigyí!

Ɔtsiá ikwí mɔkódwíin mu ki, kplun, afusɔra okitikiti ansigyísú.

Tsúfé ɔtsi ámúú mu kulu lési mu tswɪ amu obénya abí tsɔtsɔtsɔ, don ɔmɔamúú mu kulu da mu wá ekekegyíeke ámu.”

²⁸ Mí apíó, séi á, mlilabwé Bulu ahá tsun mu tóá ɔlehié yáísú; fé alíá ɔlehié yáí asa bɔkwí Isak. ²⁹ Alí bré ámutɔ á, obí ámúú bɔkwí mu keke, ogyi Ismael amu lédunká Isak amúú bɔkwí mu Ɔhe Wankíhé túmitɔ ámusu. Alí kén igyi há aní nde ní. ³⁰ Táme nkáli Bulu asɔn wanlínhé amu lébli? Ɔbéɛ, “Gya ɔkpábi amu mva mu bi, tsúfé megyí ɔkpábi mu bi ámu mva ɔdihie mu bi ámu obégyi amú sí ató.” ³¹ Mó sɔ apíó, megyí ɔkpábi amu abí anigyí. Ɔdihie ámu abí anigyí.

¹ Anɪ iwɪgyí sʋ Kristo lahá anlagyi iwɪ! Mó sʋ mlɪlu kinkíinkín. Mlɪmátrá tsulá abʋbwɛ mlɪ nkprábi ha mbla ámv.

² Mlɪnu! Mí Paulo dé mlɪ bláa ání ní mlesí iwɪ há, betɪn mlɪ keté a, ilosuná ání tó ámvú Kristo lóbwɛ ámv uma mlɪ labi koku.

³ Ntráa nde mlɪ olá da mbée, ohagyíoha ání olaha betɪn mv keté á, ilehián ání obégyi Mose mbla ámv féesú. ⁴ Nde mlɪ bláa mbée, mlɪ ahá ámvú mlidé mbla ámv sʋ gyí, ménɪ Bulu obótsu mlɪ ání mlɪ asón da okpa mv ansító ámv mlɪlamáin iwɪ lé Kristosʋ. Bulu awɪtɔle amʋ ɪlatswɪ mlɪ pan. ⁵ Anɪ mó anɪ ansí dɪn ání Bulu obótsu anɪ ání anɪ asón da okpa mv ansító. Inɪ gyí tóá anɪdé okpa kí tsɔn Ŋɛ Wankíhé ámvú ɔde agyómá yɔ anɪtɔ, tsɔn anɪ hógysɪ ámv sʋ ní. ⁶ Tsúfé ní anɪa Kristo Yesu anɪgyí kule a, ketétɪn ntée ketémátɪn mehián. Múá idehián gyí anɪbʋ hógysí ɪtɛhá anɪtɔdwé Bulu pú anɪ aba.

⁷ Tekɪ mlidé mbódí bɔ asa. Ma kóun latin mlɪ okpa obée, mlɪmátrá buo onkwali amʋ? ⁸ Megyí Bulu bwéhé igyi, tsúfé móléle mlɪ. ⁹ Mlɪkain ání bodobodotu-afá kpalobí téhá bodobodo amʋ fée itotú. ¹⁰ Anɪ Wíe lahá nahogyi, ání mlɪméesetrá hɔ oha bambá atosunáhé dɔn mí nkule klé. Bulu obébití ohá ámvú ɔde mlɪ agywɪn damlí ámv isʋ.

¹¹ Mí apíó, ní ntráa nde okan da blí mbée, ilehián ání ahá bʋtɪn keté á, mómú ntogyi sʋ Yudafo bʋtráa bʋdɪn mísú? Mómú ní nde Kristo oyikpalíhesʋ lowu ámv é okan da á, yée ohaa méeɔnká mísú o. ¹² Mí sʋ mó á, tekɪ ahá ámvú bʋde mlɪ háan bɛɛ, ilehián ání mlétɪn keté ámv bawúna flo amó iwɪ.

¹³ Mí apíó, Bulu léle mlɪ obée, mlɪbégyi iwɪ. Táme mlɪmátsɔn mlɪ iwɪgyí amʋ sʋ láyótsu mlɪ tsiátó dada amʋ. Mboun mlɪpʋ ɔdwe sum mlɪ aba, ¹⁴ tsúfé Mose mbla ámv fée ɪlí mbla kule pé ámvú ɪdeblí obée, “Dwe fú bá fé fú iwɪ.” ámv sʋ. ¹⁵ Táme ní mlɪlabwé mlɪ iwɪ fé mbwíkítá-atɔ, mlidé aba fɪnɪ, mlidé aba lalá a, mómú mlɪkɪ wankláán; ní megyí alɪ mléhi aba.

Tsiátó Dada Pó Ŋɛtɔ Atsiábi

¹⁶ Mó sʋ nde mlɪ bláa mbée, mlɪha Ŋɛ Wankíhé amʋ okpa mlɪ. Mómú mlɪmóobwɛ tóá mlɪ tsiátó dada tekle. ¹⁷ Tsúfé tóá anɪ tsiátó dada tekle ihíe na ɔtsan há tóá Ŋɛ Wankíhé amʋ tekle. Tóá Ŋɛ Wankíhé amʋ tekle é ihíe na ɔtsan há tóá anɪ tsiátó dada tekle. Atoku anyɔ ánfɪ ɪlɔksú lí abasʋ, ménɪ mlɪmóobwɛ tóá mlɪtekle. ¹⁸ Ní Ŋɛ Wankíhé amʋ dé mlɪ kpa á, mómú mlɪmá Mose mbla ámv asɪ.

¹⁹ Tsiátó dada bwéhé telɪn ɔwan. Múgyí; atsi móa ayin asónwa, agywɪn laláhe bwe, ifintotsiá, ²⁰ ikpɪtswée, afátópléí, olu, ɪtré, fú nkule klé dunká, oblékpán, ɔnsɪpe, aba asimánú, iwɪmaín lé fú abasʋ, ²¹ okabágyáa, ntábu, pléikpada pú múá ɪlelián ɪnɪ aná. Mó aná iwɪ asón nde mlɪ bláa, fé alíá nebláa mlɪ yaí. Mbée, ahá ání bʋtɔbwé ɪnɪ odu bʋméenya Bulu iwíegyi ámv tɔ agyapadɛ koku.

22 Táme ní Ɖɛ Wankíhé amɔ dé anɔ kpa á, mú abi swiehé ání íbétsiá anɔtɔ gyí, ɔdwe, ansigyí, iwilwii, iklɔnya, awitɔle, yilébwɛ, ɔnɔkwali, 23 ilwií pú iwisugyí. Mbla kukukɔ má unvá iletin alɔ ntobí ánfɔ ɔkpa. 24 Ahá ání bugyi Kristo klé bamó amó tsiátó dada pú amó ɔwólɔ laláhe Kristo Yesu oyikpalíhe amɔsu. 25 Ɖɛ Wankíhé amɔ lahá anɔ nkpa pɔpwɛ. Mú su mliha agyi mu asónsú. 26 Anɔmátsu iwɔ súná aba, ntéé wá aba ɔbló, ntéé pé ansí aba atósú.

6

Ɔkɔ Tsu Lé Aba Asóntó

1 Mí apió, ní mlɔtɔ ɔkɔ ɔbwé lakpan kɔ á, mli ahá ámó Ɖɛ Wankíhé de mli kpa ámɔ mliɔnya klɔn tɔi kpla mu pɔtɔɔ. Táme mliki mli iwɔ wankláán, ménɔ mli é mliɔmédɔda isóki amɔ odutɔ. 2 Mlɔtsu ɔkɔ le mli aba asóntó. Ní mlɔdé mú bwɛ alɔ á, mlɔdé Kristo mbla ámɔsu gyí nɔ. 3 Ní ɔkɔ dé mu iwɔ kí ɔbéɛ mɔfɔn tógyítótó, táme omegyí tɔtɔ a, ɔde mu iwɔ mlé. 4 Mlikaɔ mli onutó tsiátó kɔ. Ní ɔbɔ alé á, múmú mlétalí pú ɔbɔ sí kántó mli bwéhé su, mliɔmóɔpɔ kápó ɔha bambá klé. 5 Tsúfé anɔtɔ okugyíɔkɔ ɔbósɔrá mu onutó atɔ sɔráhé.

6 Bulu asón ámɔ akasípó buyéɛ atɔ wankláán ání buɔbu ɔkɔ ha amó asunápó.

7 Mliɔmámé mli iwɔ. Ɖhaa tamamlé Bulu. Ɖhagyíɔha ɔbókpɔtí tɔá olodu. 8 Ní ɔkɔ lódu tsiátó laláhe wá mu klɔntɔ á, lowu ɔbókpɔtí tsú mótó. Táme ní ɔleha Ɖɛ Wankíhé amɔ lódu tsiátó wankláán wá mu klɔntɔ á, ɔbókpɔtí nkpa ání itamatá tsú mótó. 9 Mú su yilébwɛ mákpɔn anɔ, tsúfé ní abatɔ mowu anɔ á, abókpɔtí nkpa ání itamatá mú brétó. 10 Mú su brégyíbréá anyá mú iwɔ ɔkpa á, mliha abwɛ yilé ha ɔhagyíɔha, títriu anɔ apió ahógyipɔ.

Ɔtsiáha Pó Ɖláda

11 Mliki atɔ wanlínhé akpɔnkpɔntiá napó mí onutó ɔbɔ wánlín sísí mli! 12 Ahá ámó ɔbɔdedunká ání bégyi asɔ ahá ansító ámɔ líí mliɔ bɛɛ, mliháa abɔtɔn mli keté ní. Megyí tɔtɔ sɔ bɔde ɔnɔ bwɛ. Ahá Yudaɔ bɔmédɔnká amósú bɛɛ, bɔdeɔblí bɛɛ Kristo oyikpalíhesɔ lowu ámɔ pésú ɔha ɔbótsɔn nya nkpa. 13 Keté atɔnpɔ amɔ onutó óó bɔtamagyi Mose mbla ámɔsu. Táme bɔdekléá mlɔtɔn keté, ménɔ bóɔpɔtsú iwɔ súná amó aba ání bahá mlɔlatɔn keté. 14 Mí mú á, imába mótó ání nótsu iwɔ ɔyí ánfɔtɔ tɔtɔɔtɔsɔ, dɔn anɔ Wie Yesu Kristo oyikpalíhesɔ lowu ámɔ. Tsúfé mu lowu ámɔ su ɔyító tsiá ɔtráa ma mí labi, mí é mma labi kɔkɔ há mú. 15 Ketétɔn ntéé ketémátɔn megyí tɔtɔ. Múá idehián gyí ɔha obémli ɔha pɔpwɛ. 16 Iwilwii múa nwewúun

itó ahá ámbú bɔde mbla ánfisɔ gyí amɔ, pɔ ahá ání bohíé bɔgyi Bulu ahá!*

¹⁷ Asa nékpa mí asón opulu á, mbláa mli. Mlito ɔhaa mátrá wa mí tó. Tsúfé mí iwɔ apɔná ánfɔ idesuná ání Yesu ɔkpábi ngɔ.

¹⁸ Mí apió, anɔ Wíe Yesu Kristo ogyíi mli bɔalɔ. Amen!

* **6:16** Ahá ání bohíé bɔgyi Bulu ahá gyí Israel pɔpwe amɔ ni.

Ɔwɔlɔ́á Paulo Lówanlín Sísí Efesofɔ

Itsiáha

¹ Mí Paulo ání Bulu apé sɔ nabwé Kristo Yesu sumbí ɔyɔpó, dé ɔwɔlɔ́ ánfí wanlín sísí mlí Bulu ahá ání mlílahɔ́ Kristo Yesu gyi, mlíha mɔnyɔ mlílabwé kɔlɛ, mlíbɔ Efeso wúlutɔ. Nde mlí itsiá ha.

² Aní Sí Bulu mɔa aní Wíe Yesu Kristo bɔgyíi mlí buale, abɔha mlí iwílwii.

Ɔsɔsɔ Oyúla Aní Aníbu Kristotɔ

³ Mlíha akanfɔ aní Wíe Yesu Kristo mɔ Sɪ pó mɔ Bulu. Tsúfɛ tsɔn ania Kristonyɔ ikɔlɛbwɛtɔ á, alapú ɔɲétɔ atáá íbékpa aní fɛé yúlá aní tsú ɔsɔsɔ. ⁴ Asa Bulu lóbwe ɔyí á, ɔlɛlɛ aní bwé mɔ kle tsɔn ania Kristonyɔ kɔlɛbwɛsɔ, ání abwéé ahá ání amú iwí letɪn, ifin kɔkɔ má aní iwí mɔ ansítɔ.

⁵ Iníá Bulu tɔdwé aní sɔ á, ɔlɔbwɛ agywɪn yáí ɔbée, mɔpɔ aní bwé mɔ abí tsɔn Yesu Kristosɔ. Iní gyí tɔá olekle, igyi mɔ apé ní.

⁶ Mlíha akanfɔ Bulu, mɔ awítɔlɛ anfi íbɔ numnyam, ɔlɔwa tsɔn mɔ Bi ɔdwɛpúsú há aní faan anfi sɔ. ⁷ Ɔlɔpɔ mɔ Bi ámu obugya ká aní nwunsɔ ikɔ, sí aní lakpan kíé aní. Awítɔlɛ anfi Bulu léhiɛ wá há aní ánfí íbɔ ifú dɔbɪ. ⁸ Mɔ nyánsa pó mɔ asún-asɪnu lalé mó fɛé ɔwan súná aní tsɔn ɔkpa tsɔtsɔtsɔsɔ.

⁹ Alahá anilabí mɔ asɔn ɲaínhé ání ɔlekiklí yáí dodoodo ɔbée, mɔbwe tsɔn Kristosɔ. ¹⁰ Mɔ asɔn ɲaínhé amɔ gyí, ní bré ámu íbɔn a, mɔbwe mɔ atɔ bwehéá íbɔ ɔsɔ móa así fɛé kɔlɛ, pówá aní Wíe Kristo así.

¹¹ Bulu tɛhá mɔ nwuntɔ asɔn pó mɔ apé tɛba mútɔ brégyíbré. Mɔ onutɔ léle aní ɔbée abwéé mɔ abí tsɔn ania Kristonyɔ ikɔlɛbwɛtɔ. Tsúfɛ alí ɔlɔbwɛ agywɪn yáí dodoodo ní. ¹² Ɔlɛlɛ aní agyankpapɔ ámúú aní ansí dɪn Kristosɔ ámu ɔbée, abékanfó mɔ numnyam.

¹³ Alí ilegyi ha mlí é ní. Bré ámúú mlílónu ɔnɔkwali asɔn, igyi asɔn wankláán ámúú ílɔhɔ mlí nkpa ámu, hɔ mósú gyi ɔpá mlíha Kristonyɔ mlílóbwe kɔlɛ. Bulu lɔpɔ mɔ Ɔɲɛ Wankíhé amɔ hiɛ mlí nsɔ, púsúná ání mɔbú mlí, fɛ alí ámúú ɔlɛhiɛ yaí ɔbée mɔbwe ámu. ¹⁴ Ɔɲɛ Wankíhé amɔ gyí ntswiasá idesuná ání aní íbɔ bédá agyapadiɛ ámúú Bulu léla yáí há mɔ abí ámu ní. Idesuná ání alaká aní nwunsɔ ikɔ, pówá mɔ numnyam.

Paulo Mpáí

¹⁵ Mó alí sɔ, tsú bréá nonu ání mlílahɔ́ aní Wíe Yesu gyi, pó alíá mlítɔdwé Bulu ahá fɛé á, ¹⁶ mmɔkúsí Bulu ípán da mlí nwunsɔ. Ní nde mpáí bɔ á, ntekáín mlí sɔ. ¹⁷ Ntokókóli aní Wíe Yesu Kristo Bulu, numnyam Ɔsí ámu mbée, ɔhá mɔ Ɔɲɛ

ámv ÷ha mli nyánsa. Ue mv ÷wan súná mli, ménv mlébv mv wankláán. ¹⁸ Ntókólí mv mbéé, obwíi mli ansí, amliwun ató wankláán ámvú ÷béé, mlíbékí ÷kpa ha ámv, ménv mlébv ání ató ámvú ÷elayáí há mv ahá ámv ihíé bv bíá. ¹⁹ ÷há amlíbv ání mv túmí ÷vn túmí kugyíkv há anv ahógyípv. Mv túmí ánv ÷ma a, kúkv má inv. ²⁰ Mú kén ÷léle súná bréá ÷lókvsúa Kristo tsú afúlító, pó mv yéyáí mv gy÷písv ÷sósú inv ní. ²¹ Inv Kristo dé iwíe gyí awíe féé, túmí kugyíkv, ÷he laláhe pú ÷másvgyí túmí féésú nv. Mv díbv ÷vn díbv kugyíkvá ivv nv séi pú ÷yí ámvú íbéba amvto. ²² Bulu lópv tógyító wá mv así, ÷lppv mv bwé tógyító nwun há mv ÷pasua. ²³ ÷pasua ámv gyí Kristo ÷yólóv. Kristo wá ÷pasua ámv tenyá túmí kugyíkv tsú. Mvtehá tógyító tówá alé yí ÷tínegyíótíné.

2

Tsú Nkpa Dadatò Ba Pópweò

¹ Asa mlilémlí Akristofa á, asvto-÷nlín móa lakpanbwe sv mligyí ÷hétó aha wuhé. ² Alí bré ámvto á, mlilétsiá ÷mátófv atsiábv. Mlilóbvuo ÷he laláhe féé owíe ÷bvnsám. Mvgyí ÷he laláhe ání ide agyómá yó ahá ámvú bvtamabú Bulu ámvto ní. ³ Léle mó á, anv féé anilétsiá amú atsiábv, bwé lalahéá anv ÷wólí léklé. Anilóbvuo tóá anv ÷yólóv pú anv agywun létsiá súná anv. Tsiátó anv sù tekí Bulu ÷bébvítí anv ísv fé aha atráhe nv.

⁴⁻⁵ Táme ínía Bulu nwewúun itsò, ÷tehíé dwé anv sv á, ÷ltsv ania Kristonyò íkvlébwesv há anv nkpa, bré ámvú anvgyí aha wuhé Bulu ansító anv lakpan sv ámv. Mv awítale sù ÷lòhò anv nkpa. ⁶ Ania Kristo Yesunyò íkvlébwe ánv sv Bulu lakúsúa ania mnyò tsú lowutò, alahá anv otsiákpá Kristo wá. Ania mnyò abégyi iwíe ÷sósú. ⁷ Bulu léle mv awítale kp÷nkpv÷nkpv÷ntí anv súná anv tsv Kristo Yesuv, ménv ahá ání bétrá lín féé bówun ání mv awítale lomóní ÷vn tógyító. ⁸ Bulu awítale pú mli Kristo hógyísv Bulu lótsv hò mli nkpa. Inv motsú mli, Bulu atokiehé igyi. ⁹ Megyí mli bwehé wankláán kúkv sv, ménv mlítò ÷kúkv móppv íbv sí kántó. ¹⁰ Bulu lábwé anv alí anv anigyí. Alabwé anv aha pópwe tsv ania Kristo Yesunyò íkvlébwesv, ménv abóbwe yilé ání mv onutó ÷léla yáí há anv ÷béé abwéé.

Kristotò Íkvlébwe

¹¹ Mú sv mlíkavn ání tekí ÷mátófv mligyí. Bré ámv a, Yudafo bvtetí mli beé, “Ahá ání bvmetin keté,” bvtetí amú iwí keté atípv. (Táme ketétívn amv ó á, nyankpvsa ÷yólósv pú íbv ÷nó ató igyi.) ¹² Mlíkavn ání alí bré ámvto á, mlíméyín Kristo. Afó mligyí. Mlímégyí Yudafo ÷kpagyí÷kpasv. Mlímá ogyíkpá Bulu nhíhé ámvú ÷léka mú iwí ntam há Yudafo ámvto. Múá íðv kóráá á, mli ansí medín tótòsv, mlíméyín mv é. ¹³ Táme séi á, mli Kristo Yesunyò mlílabwé kvlé. Inv sv Kristo latsv

mu obugya amúú ɔletsei wólí há ania mlynɔ ámusu, kpá mli ahá áñfi tɛkí mlibu ífó áñfi ba Bulu wá. ¹⁴ Tsúfɛ Kristo onutó lapú iwilwii wá Yudafɔ pú ɔmá bámbásúfɔ nsiné, bwé aní afonka anyɔ ámu fée kule. Alalé olu amúú ɔlbwɛ buntii wá aní nsiné ámu. ¹⁵ Ɖɛka Yudafɔ mbala pú amú amándíétó, méní afonka anyɔ amú bóbwɛ ɔpasua pɔpwe ikole mutɔ. Fówun mu amónyɔ bóbwɛ kule, iwilwii bétsiá amú nsiné. ¹⁶ Ɖɔtsɔn mu oyikpalíhesu lowu ámusu lé olu lé amú nsiné. Oyikpalíhe amusu ɔɔtsɔn tswi amúa Bulunyɔ ɔnó ntsu. ¹⁷ Bréá Kristo lébá a, ɔɛda Bulu iwilwii asón ámu ɔkan há ahá fée. Mli ɔmátófɔ ání mliá Bulunyɔ nsiné bu ífó pú Yudafɔ ání amúa Bulunyɔ nsiné ma ífó féeétó. ¹⁸ Kristo su ɔkpa latíí há aní afonka anyɔ ámu fée. Ɖɛ Wankíhé ámu su abétalí ba aní Sí Bulu ansító.

¹⁹ Iní su mlitráa mlimégyí afɔɔ. Mliá Bulu ahá mlilabwé ikule, mligyí Bulu wóyí abí. ²⁰ Mligyí fɛ obuá bayi. Yesu sumbí ayɔpú ámu pú Bulu ɔnósú atóipú amu gyí mó nkpabí. Kristo Yesu onutó gyí obu ámu ɔtan. ²¹ Mu su obu ámu itsa aba hógyito. Mutéhá mó itomóní bwé Bulu ɔtswékpa obu wankíhé. ²² Iníá mliá Kristonyɔ mlilabwé ikule su á, ɔɛ mliá Yudafɔ ámu potsá abasu, ɔɛ obu ání Bulu obétsiá mótó ɔhétó yíi.

3

Paulo Ɖmá Bámbásúfɔ Bulu Asón Bláa

¹ Mí Paulo nda obu Kristo Yesu asun wankláán amúú ndɛ ɔkan da mli ahá ání mlimégyí Yudafɔtɔ ámu su. ² Nyin ání mlilanú awitɔlɛá Bulu lówa há mí, pú agyómá áñfi wá mí ɔbitɔ ɔbéɛ, mbwée, iwa labi ha mli. ³ Bulu léɛ mu asun ɛaínhé amúú ɔɛkiklí yaí ámu ɔwan súná mí. Mó nawánlín kútúklú á. ⁴ Ní mlekla ɔwóló áñfi a, ɔbówankí mli ání nanú Kristo iwi asun ɛaínhé amu asi. ⁵ Tsú ɔyí ɔpá á, Bulu mókólé asun ɛaínhé anfi súná nyankpɔsa ɔkuku. Táme séi áñfi á, alabele mó ɔwan tsun mu Ɖɛ ámusu súná ahá amúú alalé, bɔgyi mu sumbí ayɔpú pú mu ɔnósú atóipú wankíhé amu. ⁶ Mu asun ɛaínhé amu gyí, Bulu layúlá ɔmá bámbásúfɔ é fɛ Yudafɔ, tsun mu asun wankláán ámusu. Amúa Yudafɔ bamli ɔɛpɛ ɔkuletɔ ató agyípú, alabwé amúa Yudafɔ kule. Mó su babwé ɔyólú kule. Amú é bénya ató amúú Bulu léhiɛ ání ɔbéha Yudafɔ tsun Kristo Yesusu ámu ku.

⁷ Ina Bulu awitɔle pú mu túmísu ɔlbwɛ mí mu asun wankláán ámu osúmpú. ⁸ Ibu mótóá kebikusu ngyi Bulu ahá féeétó. Táme Bulu lówa awitɔle há mí ɔbéɛ, ndáa Kristo oyúla amúú ɔɔn bí ámu iwi ɔkan ha ahá ání bomegyí Yudafɔ. ⁹ Mulówa mí ɔbéɛ, nháa anyánkɔpása fée abubu alíá ɔɛpɛ mu asun ɛaínhé amu yó agyómá. Mulóbwɛ ɔsú móa asi, ɔɔpɛ mu asón áñfi ɛaín tsú ɔyí ɔpá. ¹⁰ Ɖɔlbwɛ mó ali, méní ɔbótɔn mu ɔpasua ámusu lé mu nyánsa ɔtsan-ɔtsan súná ɔɛ laláhe awíe pú atúmipwá bubu ɔtínéá buɛ iwíe gyí fée. ¹¹ Iní gyí tóá Bulu léhihiɛ yaí asa ɔɛɛ ɔyí

ní. Alahá mú ilaba mótó séi tson aní Wíe Kristo Yesusu. ¹² Iníá anilahó mu gyí, ania mʉnyo anilabwé ikule su á, abétalí wá klɔn yó mu ansító faan, animéetrá nya ifú. ¹³ Mú su nde ipa bwii há mli mbéé, mlimáha abatɔ iwu mli, iwɔsɔn ánfɔ ndewúun ha mli ánfɔ su, tsúfé íbɔwa labi há mli.

Kristo ɔdwe

¹⁴ Iní su mí akpawunu iyi así, nde aní Sí ámu kokóli. ¹⁵ Mɔtɔ abusuan kugyíkɔá íbu ɔsú mʉa así lelɔn tsu. ¹⁶ Mubúu oyúla akpɔnkpɔntɔ há mu abí. Mú su nde mu kokóli mbéé, mu ɔɣé ámu ɔhíe wa mli ɔkláa ɔwɔnlín tsu mu oyúla kpɔnkpɔntɔ atokiehé ámɔtɔ, ¹⁷ Kristo ɔtsun mli hógysɔ tsia mli klɔntɔ brégyíbré. Nde mu kolí mbéé, ɔhá amlile nlin yɔ ɔtótó, Buludwe pó mli abadwɛtɔ, amlilu kinkínkín. ¹⁸ Fówun mliha Bulu ahá atráhe mlétalí bí aní Kristo ɔdwe lehié móní, lehié téí, lehié bu íswí, lehié fɔá, lehié wíé ɔtótó. ¹⁹ Ntráa nde mu kokóli mbéé, ɔhá amlibɔ Kristo ɔdwe ámóu nyankpɔsa ɔkuku méetalí nú mú así yi amɔ. Fówun mli tsiátó bóbwe fé Bulu klé.

²⁰ Iníá Bulu túmi de agyómá yɔ anitɔ su á, ɔtetálí bwé ató há aní dɔn alhá anitɔkúlí mu, ntéé anitosúsu. ²¹ Iní su mliha akanfɔ Bulu. Anyánpɔsa líntɔ féé bukánfɔ mu ató akpɔnkpɔntɔ ámóu ɔdebwe Kristo Yesu pó ɔpasua ámɔtɔ ámu su, tsú séi yófɔn bréá itamatá. Amen!

4

Ania Kristonyɔ Ikulebwe

¹ Iní su mí ánfɔ nda obu aní Wíe agyómá yɔ su ánfɔ nde ipa bwii há mli mbéé, mlɔtsia tsiátó oduá ilekanáa alhá Bulu léle mli ɔbéé, mlibétsiá. ² Mliha iwiasɔ, amlilwii. Mlinya klɔn ha aba, amlidwe aba. ³ ɔɣe Wankíhé amɔ lahá mlilabwé kule. Mú su mliɔ mbódi amlɔtsia iwilwiitɔ, ménɔ ikulebwe ámu íbétsiá mlɔtɔ yó. ⁴ ɔyɔlɔb kule iwɔ ntɔbí aní féé anigyí. ɔɣe Wankíhé kule pé bu inɔ. Alí kén Bulu léle aní féé ɔbéé, abékɔ toku kule pé ɔkpa ní. ⁵ Owíe ɔkule; hógyi kule; asúbɔ kule. ⁶ Bulu ɔkule. Mɔgyí aní féé ɔsí. Mudé aní féésú gyí, ɔde agyómá yɔ tson aní féésú, otsie aní féétó.

⁷ Kristo lówa awítale ye atokiehé há aní féé ɔbéé, apóyɔ mu agyómá, ⁸ fé alhá bɔwanlín wá Bulu asún ámɔtɔ beɛ, “Bréá ɔlɔyɔ ɔsúsú á, ɔlekpa ndoun buo iwɔ, kíe ahá ató.”

⁹ Ní bɔwanlín wá Bulu asún ámɔtɔ beɛ, “ɔlɔyɔ ɔsúsú” á, idesuná aní Kristo légyankpá kpɔlɔ wíé ɔsulótɔ. ¹⁰ Mómú idesuná aní ɔhá ámóu ɔlekplí wíé ɔsulótɔ ámu kén lóyɔ ɔsúsú, ɔtínéá ílɔfɔá dɔn ni, ménɔ ɔbóbɔlá ɔsú mʉa así féé, há mú ifɔn. ¹¹ Kristo onutó lóbwe anitɔ aku mu sumbí ayɔpú. Aku Bulu ɔnású atáipú. Aku mu asɔn wankláán ámu ɔkan adapú. Aku é akpapú pú

asunápó. ¹² Kristo léle amó alí, méní Bulu ahá bétalí yó mu agyómá, pówá Kristo ɔyolúb ɔkɔle; ɔgyi mu ɔpasua ámu ɔwɔnlín, ¹³ méní aní fée abóbwe ɔkɔle hógyitɔ, bí Bulu mu Bi ámu. Fówun abédan, fun ɔkpagyíɔkpasu fé Kristo. ¹⁴ Iní su anímétrá bwe fé nyebíá ahá aní amó ɔnó bu ɔdwe bétalí pú amó atosunáhé pɔpwe kugyíku bɛmlé, fé alíá ntsu tedá ɔklɔn ya ɔtíneyíɔtínéá ideklé. ¹⁵ Mboún mliha abláa aba ɔnɔkwali asón ámu ɔdwetɔ, méní abédan tógyítótɔ, bwé fé Kristo, ogyi ɔpasua ámu nwun. ¹⁶ Ina musu ɔyolúb, ɔgyi ɔpasua ámu ɔtíneyíɔtíné itsa aba, ide aba wankláán. Ní nyankpɔsa-oyí iwí ntobí ámu fée ide mú agyómá yɔ wankláán á, Kristo tɛhá mú itedan ɔdwetɔ.

Nkpa Dada Múa Pópwe

¹⁷ Mú su nde mli ɔlá da aní Wie idátɔ mbée, mli mátrá tsiá fé ahá aní bɔmeyín Bulu. Itáá mɔɔwa labi há amó iwí bɔtɔgywíun. ¹⁸ Amó nwuntɔ lóklun. Mú su buma nkpa pɔpwe amóú itsú Bulu wá ámu, tsúfé bɔmeyín tɔtɔ. Iklɔntɔ bu amó odwin. ¹⁹ Lalahɛbwe tamawá amó péli, bɔtekle hakpanla kugyíku bwe. Bɔtɔbwé lalahɛ kugyíku, bɔtamatalí kítá iwí.

²⁰ Táme mli mú á, megyí tsiátɔ anfi odu mli lékasí tsú Kristo iwí. ²¹ Nyin aní mli anú Yesu iwí asón, basúná mli ɔnɔkwaliá ibu mɔtɔ é. ²² Mú su mli si mli tsiátɔ dada amóú mli létsiá ámu. Mli ɔwólí laláhe lémlé mli alí bré ámɔtɔ, deha mli tsiátɔ leyintá. ²³ Mliha Bulu ɔbwe mli klɔn pú mli agywíun pópwe. ²⁴ Mli tsia tsiátɔ pɔpweá ɔgyi Bulu atsiábi, mú iwí letin, ina dínká ɔnɔkwali ɔkpa ámusu.

²⁵ Mú su mli tɔ okugyíɔku ɔmátrá wa afunu. ɔhagyíɔha ɔbláa mu ba Okristoyin ɔnɔkwali. Tsúfé aní fée anigyí nyankpɔsa-oyí ɔkɔle amu iwí ató. ²⁶ ɔblí kítá mli á, mli máha mú iha amlibwe lakpan. Imátsiá mli tɔ yófun owi tahé. ²⁷ Mli mátepi há ɔbunsám ɔkpa ɔmle mli, amlibwe lakpan. ²⁸ Owikplu mátrá wi ató. ɔpú mu ibi yɔ agyómá, méní obénya tɔku kpá mu iwí, nyá ɔkɔ é há ahá aní buma koku. ²⁹ Mli máha asun laláhe kuku idali tsu mli ɔnó. Mboún múá ibóbúá ɔha, ibóbwe yilé, wá labi, wá mú anupú ɔwɔnlín. ³⁰ Mli mábwe tóá ibéhan ɔɔɔ Wankíhé amu. Tsúfé mu Bulu lópuhiɛ mli nsu, pósúná aní móbú mli, móhɔ mli nkpa eke ámu ni. ³¹ Mli ɔnsipekpan, olu pú ɔblókpán, itré, isia pú lakpan kugyíku agywíun le mli tɔ. ³² Mboún mli wa awitɔle ha aba. Mli wun aba nwe, amlisi lakpan kie aba fé alí amóú Kristo su Bulu lési mli klé kíé mli ámu.

5

Akristofɔ Atsiábi

¹ Iníá Bulu abí aní ɔtɛhíé dwé mli gyí su á, mli tsia mu atsiábi. ² Mli dwɛ aba ɔkpagyíɔkpasu, fé alíá Kristo lódwɛ aní, tsúlá

bɔmɔ mu anɪ su. Ɔɔpɔ mu iwɪ bwé atɔ hahé pú afɔdié-abɔtɔ́á ibu ɔfan fánfáánfán há Bulu, ilegyi mu ansi.

³ Bulu latin mli iwɪ. Mú su mlimáwa atsɪ múa ayin asón, wá hakpan, ntée ɔnsípe. ⁴ Mú ɔma a, ima aleá mléblí asón ání ibu péli pú múá ima anulé, ntée wá ɔplɔikpan. Mboún mlɪda Bulu ipán brégyíbré. ⁵ Iwánkɪ mli ání mbua ɔtɔpú, ɔhakpan ntée ɔnsípe ɔwapú ɔkuku méenya ogyíkpa Kristo mba Bulu iwíegyi ámutɔ. (Tsúfé ɔnsípe ɔwapú gyí fé ɔkpi ɔtswépu).

⁶ Mlimáha ɔkpa ɔhaa ɔpú asón ání ima labi kuku mlé mli. Tsúfé tsiátɔ laláhe anfi odu só Bulu tenyá ɔblí bití ahá ání bɔbɔ asɔtɔ-ɔnlɪn isu ní. ⁷ Mú su mlimápu amú gyi mba. ⁸ Bré ámu a, oklúntɔ mlɪtsie mlidé lakpan bwe, táme séi á, mli anɪ Wíenyɔ mlɪlabwé ikule. Mú su mlɪtsie wankɪtɔ. Inɪ su mli tsiátɔ isúna ání mlɪtsie wankɪtɔ. ⁹ Tsúfé ɔhá ání ɔbu wankɪtɔ tɔbwé yilé. Mu asón da ɔkpa, ɔbu ɔnɔkwali. ¹⁰ Mú su mlɪbɔ mbódí amlikasɪ tɔ́á Bulu tekle. ¹¹ Mlimágyi mba. Labi kuku ima mútɔ. Mboún mlɪe amú bwehé ɔwan. ¹² Ihíe bu péli ání béblí ntobíá ahá bɔtɔbwé nájintɔ iwɪ asón kóráá. ¹³ Táme ní itɔ wankíhé iwánkí wólí tɔ́á ibu oklúntɔsu á, itemlí itowunhe. ¹⁴ Tsúfé atɔ wankíhé telé tógyítɔ ɔwan. Mú só beblí beɛ, “Ɔdidípó, tsinki.

Kusu tsu afúlitɔ,

Kristo ɔwankɪ wɔli fósú.” nɪ.

¹⁵ Inɪ su mlɪkɪ mli tsiátɔ wankláán. Mlimátsiá nkpa fé aha mimláhe, mboún mlɪtsia fé atiansɪpu. ¹⁶ Ní mlenyá bréá mlɔpɔbwé itɔ wankláán á, mlimáyintá mú. Tsúfé lalahewe lamóní alɪ bré ánfɪtɔ. ¹⁷ Mú su mlimábwe mimlála. Mboún mlɪbɔ mbódí amlɪbɪ tɔ́á anɪ Wíe tekle, amlɪbwe mú.

¹⁸ Mlimánu ntá bú, tsúfé iteyíntá ɔha. Mboún mlɪha Ɔhé Wankíhé amɔ ɔbɔla mli brégyíbré. ¹⁹ Mlɪpu Bulu asón wá ɪv, amlɪwa ɪvá Ɔhe Wankíhé lɔpɔwá mli klɔntɔ pɔtɔi kpla aba; amlɪwa ɪv é tsu mli klɔntɔ kanfo anɪ Wíe. ²⁰ Mlɪda anɪ Sí Bulu ipán tógyítɔ́tɔ́ brégyíbré, anɪ Wíe Yesu Kristo ɪdátɔ.

Akristofɔ Akúlu Múa Aká Tsiátɔ

²¹ Mlɪba iwiasɪ ha aba fé alíá mlɪteba iwiasɪ há Kristo.

²² Ɔtsɪ, ba iwiasɪ ha fú kúlu fé alíá futeba iwiasɪ há Kristo.

²³ Tsúfé okúlu bu túmi mu kasɔ, fé alíá Kristo bu túmi ɔpasua ámusɔ. Ɔpasua ámu gyí mu ɔyɔlɔv, Kristo amɔ onutó gyí mú Ɔlepú. ²⁴ Alɪ ámúú ɔpasua ámu teba iwiasɪ há Kristo amɔ a, alɪ kén ɔká é ɔbá iwiasɪ ha mu kulu tógyítɔ́tɔ́ nɪ.

²⁵ Akúlu, mlɪdwe mli aká fé alɪ ámúú Kristo lódwe ɔpasua ámu, tsúlá bɔmɔ mu mú su ámu. ²⁶ Kristo lótsulá bɔmɔ mu pótɪn ɔpasua ámu iwɪ há Bulu. Olebie ɔpasua ámu ntsu, pú mu asón ámu gyóra mú iwɪ. ²⁷ Omekleá ifin pú asvansu bétsiá ɔpasua ámu iwɪ, ntée mú ɔtɪnekv ɪbókpukpúv tiá, ménɪ ɪbówa mu onutó ámu akíle fé obitebí, ɔbékpa mu ba mu iwɪ wá. ²⁸ Alɪ kén lehían

ání oyin ɔ́bódwɛ mu ka fé mu iwɪ ní. Oyin ání ɔ́tɔ́dwé mu ka tɔ́dwé mu onutó iwɪ. ²⁹ Tsúfɛ́ ɔ́haa tamalú mu iwɪ, bulá ɔ́tɛ́búlá mu iwɪ, kɪ mu iwɪsɔ wankláán fé alíá Kristo é tɔ́bwé há ɔ́pasua ámu. ³⁰ Tsúfɛ́ anɪ féé anɪgyí Kristo ɔ́yulú iwɪ ntotí. ³¹ Fé alíá bɔ́wanlín wá Bulu asón ámɔtɔ beɛ, “Inɪ sɔ oyin ɔ́bénatí sí mu sɪ muɔa mu yin, yémantá mu kasɔ. Fówun amú abanyó ámu bóbwe ɔ́yulú kɔlɛ” nɪ. ³² Ɖnɔkwali, Bulu asón nǵáinhé anfitɔ bu odwin. Ndeki mbéɛ, Kristo muɔa ɔ́pasua ámu iwɪ asón igyi. ³³ Mli é mli asón igyi. Mú sɔ ntráa nde mli bláa mbéɛ, oyingyíoyin ɔ́dwéɛ mu ka fé mu onutó iwɪ, ɔ́tsɪ é obu mu kulu.

6

Abi Múa Akwípó

¹ Abí, mli anɪ Wíenyɔ mlɪlabwé kɔlɛ. Mú sɔ mlɪbu mli akwípó. Tsúfɛ́ mógyí tɔ́á ida ɔ́kpa ání mlɔ́bwɛ ní. ² Inɪ gyí mbla ámɔtɔ gyankpapwá ɔ́lɛhɛ oyúla mántá mósú ní. “Bu fú sí múa fú yín, ³ ménɪ ibówa alé há fú. Fówun fédan fulí nwun fú nkpa ánfítɔ.”

⁴ Abí así, mlɪmátsiá wá mli abí ɔ́bló. Mboún mliya amó, amlɪsuna amó ató alá anɪ Wíɛ tekle.

Nkpábi Pó Amú Awíɛ

⁵ Nkpábi, mlɪbu mli awíɛ. Mliɲya amú ifú, amlɪbu amú tsu mli klɔntɔ fé alíá mlɔtobú Kristo. ⁶ Mliɲábwe yilé amú ansító alá békánfú mli sɔ. Táme fé Kristo nkpábi a, mlɪbwɛ ató tsu mli klɔntɔ fé alíá Bulu tekle. ⁷ Mliɛ iwɪtɔ yɔ agyómá ansigyísú ha amó, fé Kristo mlɪdé mú yɔ há, megyí nyankpɔsa. ⁸ Mliɲinka ansí ání anɪ Wíɛ ɔ́béka ɔ́hagyíɔha ikɔ, itɔ wankláán kugyíkɔá ɔ́lɔbwɛ sɔ. Ní ɔ́kpábi fɔgyi o, fɔtsie fú iwɪsɔ o.

⁹ Awíɛ, mli é mlɪkita mli nkpábi wankláán, fé alíá nablí bɔtsɔn. Mliɲábwe amú kpóunkpóun. Mlikaun ání mli amónyɔ féé owíɛ ámu bu ɔ́súsú. Mu mú ɔ́tamakɪ ɔ́haa ansító.

Bulu Akɔ́tɔ

¹⁰ Mí asón tráhe-tráhe gyí, apíó, mlɪtsɔn anɪa anɪ Wíenyɔ ikɔlɛbwɛsɔ amlɪha mu ɔ́wa mlɪ ɔ́wɔnlín tsu mu túmi kpɔnkpɔntɪ ámɔtɔ. ¹¹ Mliɲɪda isá-akɔ́tɔ fééá Bulu lahá mli ɔ́béɛ, mlɪpúko Ɖbɔnsám, ménɪ mlétalí lí mu ɔ́mlɛ ámu ɔ́nó. ¹² Tsúfɛ́ megyí anɪa anyánkpɔsa dékɔ. Mboún anɪa ɔ́hétó túmi laláhe, atúmipɔ pú ɔ́he laláheá buɔ ɔ́yí klúnhe anfitɔ pú ɔ́tɪnegyíɔtíné dékɔ. ¹³ Mú sɔ mlɪɲɪda Bulu akɔ́tɔ ámu féé, ménɪ ekeá lalahe kɔ ifwíɛ mlɪtɔ á, mlɪméesrí, mlétalí lí mú ɔ́nó, trá nya ɔ́hé wá ɔ́wɔnlín lí kinkíinkín.

¹⁴ Mú sɔ mlɪkɔsɔ, amlɪda iwɪsɔ. Ɖnɔkwaliwa ibwéɛ ɔ́féá ikli mli osíésú. Yilébwɛ ibwɛ mli kántó-atíntɔ. ¹⁵ Iwɪsɔda há iwɪlwií asɔn wankláán ámɔtɔ kitá pú mú blí ibwéɛ mli isátó ntɔkɔta. ¹⁶ Inɪ féé ɔ́ma a, mlɪkita Kristo hógyi amɔtɔ brégyíbré. Ibwéɛ mli

atíntá mlóputin mli iwí, méní Òbunsám mbun píónpíón ámúú idetsúon amutá koku imóowá mli. ¹⁷ Mliwu Bulu nkpahóó amu bwe mli kutupa. Mlikita Bulu asón ámutá, ibwe mli isátó odayí ání Òñe Wankihé amu tchá mli. ¹⁸ Mliha Bulu Òñé ámu okpa mli, amlibá mpái brégyíbré. Mlikuli Bulu, ota mli okpagyíokpasu. Mó su mlidinka ansí iwísu. Mlimási mpái bá há Bulu ahá fée. ¹⁹ Mlibá mpái ha mi. Ní nobwíí onó á, Bulu opúu mu asón ámu wa mí onó; oha mí antali wa klun bli asun ñaínhé amúú íbu mu asun wankláán ámutá ámu fée. ²⁰ Asón ámu iwí sumbí oyopú ngyi. Mó okanda só nda obu ní. Mlibá mpái mliha, Bulu oha mí antali wa klun bli mú alíá ilehián.

Iklá

²¹ Osúmbi onakwalipu aní píó odwepó Tihiko gyí aní Wíe agyómá ámutá. Òbébláa mli mí iwí asón fée, méní mlébi alíá ngyi pú tóá ndebwe. ²² Iní kóún su nde mu wa mli wá ní. Ndeklé mbée, obebbláa mli alíá tógyító ide músú yo nfi. Òtá kpla mli puwa mli owonlín.

²³ Òsí Bulu muá aní Wíe Yesu Kristo boháa mli ahógyipu amu fée iwílwii. Boháa amltsia dwe aba, mli ansí idinka Bulusu bré fée. ²⁴ Ogyíi ahá ání butamasí aní Wíe Yesu Kristo dwe fée buale.

ᾠωβλόβá Paulo Lówanlín Sísí Filipifó

Itsiáha

¹ Mí Paulo pú aní pío Timoteo ání anígyí Kristo Yesu asúmpó dé ᾠωβλόβ ánfí wanlín sísí mlí Bulu ahá ání mlíbu Filipi wúlutó, mlía Yesu Kristo mlílabwé kóle. Mlía mlí ᾠpasua ahande pú amó abúápu fée anidé mó wanlín sísí.

² Aní Sí Bulu mva aní Wíe Yesu Kristo bugyí mlí buale, abuha mlí iwílwii.

Paulo Atókvli Pó Ipánda

³ Ntedá mí Bulu ipán ní nekáín mlísv brégyíbré. ⁴ Brégyíbréá nde mpái bə há mlí fée á, ansí tegyi mlí. ⁵ Tsúfé tsú ekeá mlílótso ason wankláán ámv nu á, mlídé aní tsa anidé mó ᾠkan da botu nde. ⁶ Nyin ání Bulu ámóó olefi agyómá wankláán ámv así mlító ámv kén ᾠbóyo mósó alí yófon Kristo Yesu ᾠbáke amv. ⁷ Ulekanáa ání nósusúu mlí fée iwí alí, tsúfé ntehié dwé mlí. Iníá nda obu, ntée ndekó ason wankláán ámv nwunsu, mlíkí mí ᾠma a, aní fée Bulu dé buale gyí. ⁸ Bulu yin ání ntosúsu mlí iwí, ntehié dwé mlí fé alíá Kristo Yesu tódwé mlí.

⁹ Nde Bulu kokóli mbée, ᾠhá amlídwé aba dun alí, amlítin ansí, nú asón ámv é así wankláán, ¹⁰ méní mlébi tóá ihíé íbu alé, amlítisia nkpa ání mó iwí letin, ᾠlala ima mó iwí, alí yófon ekeá Kristo ᾠbélaba. ¹¹ Yesu Kristo ᾠháa mv yilébwe íbula mlító fé alíá oyí toswíé abí, ipv numnyam móa kanfó ha Bulu.

Paulo Ikantódi Léha Bulu Asón Lekléi

¹² Mí apío, ílehián ání mlébi ání íkplán anfi ílató mí ánfí lahá ason wankláán ámv lakléi tsía. ¹³ Tsúfé ᾠhagyíᾠha ání ᾠbu nfi, pú ísá akópóá butogyo owíe wóyí aná fée babí ání Kristo-búo sv nda íkantó. ¹⁴ Mí íkantódi sv apío tsótsótsó bapó ansí dínká aní Wíesv. Buhíé búde klvn wa dá ason wankláán ámv ᾠkan, ífú medé amó.

¹⁵ Íbu mótóá mí iwí olu pú mí iwí ahin sú aku búde Kristo iwí asón ámv ᾠkan da. Táme amó aku é balé klvntó búde mó bwe. ¹⁶ Alí ahá ánfí búdepu mí iwí ᾠdwé dá ason wankláán ámv ᾠkan. Tsúfé buyin ání Bulu lópu mí ba nfi ání mbéprí mv asón ámv nwun. ¹⁷ Ahá ámóó bumedé Kristo iwí asón ámv ᾠkan da tsú amó klvntó ámv mó á, amó nkóle inya sv búde mó bwe. Nda íkantó sv budekléá béyintá mí iwí tsía.

¹⁸ Táme ímedé mí han, ní yilé sú búde mó bwe o, lalahe sv o. Múá íde mí hián gyí, banyá búde Kristo asón ámv ᾠkan da ní. Iní sú ansí ihíé de mí gyí ní. ¹⁹ Tsúfé nyin ání mlí mpái pú Yesu Kristo ᾠhé ámv ᾠbékpa mí, nédalí íkplán anfitó. ²⁰ Nhíé nyin, mbv hógyí ání mmóᾠbwe tóá íbéha péli békítá mí. Mboun

nétrá wa ιωι ωωνλίν, ménι ní lowu ígyi o, nkpa ígyi o, mí tsiátó fée íbówa Kristo numnyam. ²¹ Tsúfée ní ntsie nkpa á, ntsie ha Kristo. Ní nowú é á, íbówa mī labi dun. ²² Táme ní ntráa ntsie óyító á, négyi gyuma ání íbówa labi há mí. Iní sū mmowúun móá nlée. ²³ Nagyígyáa, táme íbu mī aléá néyétsiá Kristo wá mbóun. Móbū alé dun. ²⁴ Táme mlī sū íbu aléá nétsiá nkpa. ²⁵ Nyin alí. Mó sū nétsiá mlī wá abóyo agyómá ámu, ménι mlédan, nya ansigyí mlī Kristo hógyi sū. ²⁶ Mómó bréá neyínkí bá mlī wá á, mlénya okpa kánfó Kristo Yesu, itó ámóú alabwé há mí ámu sū.

²⁷ Tóá idehián séi gyí, mlīha mlī tsiátó ikana Kristo asūn wankláán ámu. Mómó ní nebá mlī wá ó, mmeba ó, nónu ání mlilí kínkíínkín ikolebwetó; mlídé hógyi amóú íbu asūn wankláán ámútó ámu é nwun príí. ²⁸ Mlímánya ahá ání bókusó líí mlīsū ífú okpa okkūsū. Mlī iklunwa íbóbwe osúna há amó ání Bulu onutó obéhi amó fée, táme obóhó mlī mó nkpa. ²⁹ Tsúfée megyí Kristo hógyi nkole só Bulu lópuhá mlī. Mbóun alíá mlówwun ipian há mu é. ³⁰ Isá ámóú mlilówwun ání ndekó ámu kén mlídékó á. Mó kéntó ntráa mbū nī.

2

Mlīkasí Kristo Iwiasíá

¹ Mlīa Kristonyó mlīlabwé kole. Mó sū alawá mlī atetó-ónlín. Mū ódwe lalwíí mlī klun. Mlīa mu Óhé ámu kolebwe sū alahá mlīa mlī aba mlīlabwé kole, mlídé íku tsu lé mlī aba asúntó, mlídé aba nwe wúun. ² Mó sū mlībwe kole, amlītsula dwe aba tsu mlī kluntó. Mlībwe agywūn kole, amlíyo agyómá wa abató puha mí ansigyí ífun. ³ Mlīmábwe awónsípó. Mlīmátsu ιωι. Mbóun mlība ιwiasí, amlītsu mó ání mlī aba budun mlī. ⁴ Mlīmádunká mlī nkole klé. Mlīdunka mlī aba é klé. ⁵ Mlīha mlī agywūn íbwe fé Kristo Yesu klé.

⁶ Iníá ólélían Bulu okpagyíokpasū ó á,
ómbwé agywūn ání obótsu mu ιωι ání muá Bulu bogyi
kékéé.

⁷ Mbóun olesi mu tógyító omagyáa,
bwé mu ιωι osúmpó.
Bókwí mu fé alíá bókwió ohagyíoha.

⁸ Mu nyankpūsabwetó á, óleba ιwiasí.
Olobu ató alí wú oyikpalíhesū,
fé lalahé obwepó.

⁹ Iní sū Bulu lótsu mu fóa ya ósúsúsó,
há mu dá ání ídun adá fée,

¹⁰ ménι ntobíá bubū ósú móá así
pó ósulóv ayasí béda akpawunu há mu;

¹¹ Ohagyíoha obéle blí ání “Yesu Kristo gyí Owíe!”
pówá aní Sí Bulu numnyam.

Mliwanki Fè Ntsrakpabi

¹² Iní sù apíó adwepó, alí ámóó mliṭobú mí bré ámóó mbu mli wá ámu a, ínιά mma mli wá ó á, mliṭṭó mbódí amlibwε mú alí. Mliṭṭó ifú móa kpínkí yó mli nkpahóó agyómá ámu mṭó. ¹³ Tsúfè Bulu onutó dé agyómá yó mliṭṭó. Alahá mliṭatsúlá mliṭṭé mu apé móa tóá otekle bwε.

¹⁴ Mliṭmátóí ntée gyi tógyítóá mliṭṭbwε iwí nwéεn, ¹⁵ méní olala méetsiá mli iwí; mli iwí bétún, fè Bulu ahá bré ánfí mliṭsie lakpan kugyíku abwepó oyí ánfíṭó. Mliwanki fè ntsrakpabi amó ansító. ¹⁶ Mliṭyó músú amlibla ahá asún ámóó itehá nkpa ámu, méní mli sù nétalí pú ibí sí kántó ekeá aní Wíε Kristo obélaba, ání mí mbódí ntée mí gymagyihe mṭbwε kpaali.

¹⁷ Táme ní íbéba mótó ání bópú mí obugya wólí así fè ntá mli hógyi iwí afódiε pú Bulu agyómá ání mliṭéyósu kóráá á, íbówa mí odwε. Ansí bégyi mía mliṭnyó fèé. ¹⁸ Mú sù iwá mli odwε, ansí igyi aní fèé.

Timoteo Mva Epafrodito

¹⁹ Ní aní Wíε Yesu lótsulá á, imóówa opá nówa Timoteo mli wá. Ní oyínkí bebláa mi ání mliṭsie wankláán á, ansí bégyi mi. ²⁰ Mma ohá ání olotsu íku lé mli asóntó dṭn mu. ²¹ Tsúfè atráhe amu fèé buṭε amó onutó klé kí, megýí Yesu Kristo klé. ²² Táme mliyin alíá Timoteo lagyi mu iwí adánsiε wankláán. Alatsá mí aniladá asún wankláán ámu okan fè obí móa osí. ²³ Mú sù ndε okpa kí ání ní nenyá wun tóá íbéba misu nfi pé á, nówa mu mli wá. ²⁴ Nahogyiá aní Wíε obékpa mí, imóówa opá mí onutó néba mli wá.

²⁵ Táme nṭbwε agywun ání nélayínkía Epafrodito sísí mli. Aní pío ání mía mṭnyó anidé agyómá yó, anidékó asún wankláán ámu nwunsv. Mbugyi mli bí ání mliṭówa mliáa, obá beki misu ní. ²⁶ Tsúfè oṭε mliṭsv kaín dṭbi. Ihíε de mu háan, tsúfè mliṭónu mu íṭó. ²⁷ Lélé mú á, alaló sian wu, táme Bulu lówun mu nwε. Megýí mu nkṭε, mía mṭnyó fèé, méní awíεhó mṭóṭṭn mi kitá. ²⁸ Mú sù nhíε ndekléá nókósi wá mu mli wá, méní ní mliṭlówun mu a, ansí bégyi mli. Mí é mí asún susúhesu békala kúká. ²⁹ Mliṭhiε pṭ ansigyí hṭ mu fè mli bá Okristoyin, amlipṭ obú ha mva ahá ání bṭgyi fè mu. ³⁰ Tsúfè olesi mu nkpa há Kristo agyómá ámu. Olekle owu mótó bréá olí mli dátó, mu nkṭε oṭε tógyítóá tekí ní mliṭṭó nfi mliṭṭbwε há mí bwε.

3*Yesu Lówu Hó Aní Nkpa*

¹ Itráhe a, mí apíó, aní Wíε sù mliṭnyá ansigyí. Imókópṭn mi ání nétrá wanlín asún kua kṭε anfi sísí mli. Igyi asún ání íbékpa mli é. ² Mliṭkí aha laláhe anfi bṭgyi fè akíai anfi wankláán. Lalahε abwepó bṭgyi, buṭε ahá háan beε butún

keté kpaali. ³ Tsúfè aní ahá ámóú anítápó Ɖɛ Wankíhé súm Bulu ámu gyí keté atínpu onutó ní. Mó su abétalí tsú iwí itó ámóú Kristo Yesu labwé há aní ámu su. Anítamapó ansí dínká tóá nyankpusa lapó ibi bwésó. ⁴ Mí onutó óó mbu ɔkpa pú ansí dínká mó anásó. Ní ɔku ɔbée, mbu ɔkpa pú ansí dínká mósó á, mí mboun búu ɔkpa pú ansí dínká mósó dun. ⁵ Tsúfè bɔkwí mí, tin mi keté eke kwésí. Israelyin ngyi. Benyamin abusuanto notsú. Mó su Hebriyin onutónutó ngyi. Mose mbla ámu su gyí ɔkpasu é á, Farisiyin ngyi. ⁶ Nɛɛ wá nsi, dínká Kristo ɔpasua ámu su. Negyi Mose mbla ámu su wankláán, ɔlala metsiá mí iwí. ⁷ Táme ntobí ánfí bré ámu ntekíá ibu mi labi ánfí fée á, Kristo su nde itráa megyí mí tótó. ⁸ Múá idun mó kóráá gyí, ní nɔpókí alíá nɔpobí mí Wíe Kristo Yesu a, nawun ání ibu labi dun tógyító. Nawun ání nahóli ntobí ánfí ntekíá ibu mi labi ánfí fée, alíá Kristo ɔbéda mi ibi su. ⁹ Iní su íniá mbu mu wá su á, megyí Mose mbla ámu su gyí ɔbéha négyi asu Bulu ansító. Kristo su hógyi mboun ɔbéha négyi asu Bulu ansító. ¹⁰ Mí agywun gyí, ndekléá nébi Kristo pú túmi ámóú Bulu lópukósúa mu tsú afúlitó ámu tsía. Ndekléá nówun ipian fé alíá Kristo lówun ipian wú, ¹¹ méní ɔkpagyíɔkpasu á, mí é Bulu ɔbókósúa mi tsú afúlitó!

Srí Búo Kristo

¹² Mmedéblí mbée, mí ibi lada ntobí ánfí fée ntée Bulu labwé mí nafun. Ntráa nde nsi wa alíá ɔbówwe mí ibi béda tó ámu su ámóú Kristo Yesu ibi lada mi ámu. ¹³⁻¹⁴ Mí apió, mmedéblí mbée, mí ibi lada mó. Nde mó ámóú idetsoun amu su táan. Múá ida mí ansító ɔkpa ngya. Mí ansí lapé, méní nénya siadie ámóú Bulu ɔbótsun Kristo Yesu su tí mí nýɔ mu wá ɔsúsú ámu. ¹⁵ Ilehían ání aní ahá ámóú anladan hógyitó ámu fée abóho ali asón ánfí. Ní ɔku mówankí mli á, Bulu ɔbówankí mótó súná mli. ¹⁶ Táme mliha akita ɔɔkwali ámóú Bulu lasúná aní ámu. ¹⁷ Mí apió, mlikasi mí tsiátó. Mlikasi ató tsu ahá ámóú bakási aní tsiátó ámu wá. ¹⁸ Tsúfè ntetsiá bla mli asón ánfí. Napó ntsú ntráa nde mli bláa mbée, ahá tsɔtsɔtsɔ tsiátó losuná ání Kristo oyikpalíhesu lowu ámu alupó bogyi. ¹⁹ Ahá ánfí béhi. Amó apu gyí amó Bulu. Amó numnyam é gyí péli. Ɖsolósu ató iwí pé botosúsu. ²⁰ Táme aní mó á, ɔsúsú gyí aní otsiákpá. Ɖtíné ámóú anidé aní Ɖhópu, ogyi aní Wíe Yesu Kristo ɔkpa kí aní obótsu ba amu. ²¹ Mubúu túmi, otegyi tógyítósú. Mu ɔbéba betse aní ɔyolúw wuhé ánfí, bwé mó fé mu numnyam ɔyolúw amu.

4

¹ Iní su apió adwepú, ntɔdwé mli. Idin mí ɔwóli ání nówun mli, tsúfè mli su ansí de mí gyí, nénya ipánda é! Mí adwepú, ali ilehían ání mlélí kinkín mli Kristo hógyitó ní.

Tóá Bówwée

² Nde mí apio tsihé Euodia moa Sintike kokóli ání bɔnúu aba asi, tsúfé aní Wíe abúopu bɔgyi. ³ Mí agyómáyɔbá onutó, nde fú é kókoli mbéé, futó kpla amó abubwe kole. Tsúfé bawá nsi tsá mía Klement pú atráhe amɔ anladá asun wankláán ámu okan. Bulu lawánlín amó adá wá nkpa ání itamatá atsiápú ɔwólótó.

⁴ Mlihié nya ansigyí aní Wíe sɔ brégyíbré! Ntráa nde mli bláa mbéé, mlihié nya ansigyí!

⁵ Mliha ɔhagyíɔha owun ání mlilólwii. Aní Wíe íbábí lafun.

⁶ Tɔtɔ imáhan mli. Mboun kugyíkɔá igyi á, mliɔ mpái kokoli Bulu dinka mósú, amlida mɔ ipán. ⁷ Méné Bulu ɔbéha mli iwilwii ání idun blí, íbékpa mli klɔn pú mli agywun, mli Kristo Yesu ikolebweto.

⁸ Itráhe a, mí apíó, mliɔ mli agywun dinka tóá igyi ɔnɔkwali, tóá íbétí obú, tóá ida okpa, tóá mú iwí letin, tóá itegyí ahá ansí pú tóá ahá békánfúsó. Mligywun tóá íbɔ alé, ahá bɔtekanfú aná iwí.

⁹ Mliɔ mósú amlipɔ ntobí ánfí nasúná mli ánfí, múá mlilónu tsú mí wá pú móa mlilówun mli nɔbwe féé wa mli tsiátó, méní Bulu ámuó ɔtehá iwilwii amɔ ɔbékpa mli.

Ipánda

¹⁰ Bulu lahá ansí ihíe de mí gyí, tsúfé mlilatráa kaín mísó. Nawun ání mlímókósi mí iwí gywún, táme talí mlímétalí lé mó súná. ¹¹ Mmedé asón ánfí blí púsúná ání mbɔ ikplántɔ, tsúfé nakási, nabí alíá tóá mbɔ íbɔfun mli, ní mbɔ óó, mma óó!

¹² Nasúan alíá nɔpɔtsiá ní mbɔ óó, mma óó. Nabí alíá tsiátó kugyíkɔtɔá mbɔ íbégyi mli ansí. Ní ntsie akón o, namwé o, mbɔ o, mma o. ¹³ Ntetálí bwé tógyító, tsúfé Kristo tɔwá mí ɔwɔnlín.

¹⁴ Mó alí óó á, íbɔ aléá mlilatsú íkɔ lé mí ikplán anfitɔ. ¹⁵ Mó ɔma a, Filipifó, mliyin ání bréá nɔtsɔ mli Yesu Kristo iwí asun wankláán ámu bláa, nedali Makedonia ɔmátó á, mli ɔpasua ánfí nkɔle dé mí búá, mlidé mí ató sisí ní. ¹⁶ Bréá ntráa mbɔ Tesalonika wúlutɔ kóráá, iwí lékplan mli á, mlilétsiá sisí mí.

¹⁷ Megyi beé nde tɔkɔ kólí tsú mli wá. Mboun ndekléá mlínyá tɔkɔ dinka awítɔle amóú mlidéwa há mí ámusɔ. ¹⁸ Mí íbɔ lada tógyítá mlilópɔhá Epafrodito mliáa ɔpóu ba mli. Itsɔ kóráá dɔbɔ. Mó sɔ nanya tógyítá íbéhián mli. Itó ánfí mlilabwé ánfí igyi fé mliláhá Bulu igyi ání íbɔ ɔfan fánfáánfán, ilagyi mɔ ansí.

¹⁹ Mí Bulu ɔbéha mli tógyítá íde mli hián tsú mɔ numnyam ató tsɔtsɔtsɔá íbɔ ania Kristo Yesunɔ ikolebweto. ²⁰ Numnyam íbwéé aní Sí Bulu klé bré féé. Amen!

Ikla

²¹ Néhá Bulu ahá ání bɔgyi Kristo Yesu klé féé itsiá. Apíóá bɔbɔ mí wá nfí é behá mli itsiá. ²² Bulu ahá atráheá bɔbɔ mí wá nfí féé bɔde mli itsiá ha. Títriu amóá bɔtsú Roma owíe dehen wóyító.

²³ Aní Wíe Yesu Kristo ogyíi mli bɔale.

Ɔwɔlɔ́á Paulo Lɔ́wanlín Sísí Kolosefo

Itsiáha

¹⁻² Mí Paulo ání Bulu apé sɔ nabwé Yesu Kristo sumbí ɔyɔpó pú aní pió Timoteo dé ɔwɔlɔ́ ání wanlín.

Anidépusísí aní apíóá bɔgyi Bulu ahá, bɔbɔ Kolose wúluto, bɔbɔ ɔnɔkwali há Kristo Yesu, mva amónyɔ é babwé kole.

Aní Sí Bulu mva aní Wíe Yesu Kristo bɔgyíi mli bɔale, abɔha mli iwilwii.

Ipánda Mpáí

³ Anitédá aní Wíe Yesu Kristo mɔ Sɪ Bulu ipán brégyíbréá anidé mpáí bɔ mli nwunsɔ. ⁴ Tsúfé anílanú ání mlílóhɔ Kristo Yesu gyi, mliɔ ɔdwe é há Bulu ahá féé. ⁵ Mliɔ ɔkpa kí ha tóá bapóyáí há mli ɔsúsú; fé alíá mliyin tsú bréá mlílégyankpá nu ɔnɔkwali asón ámóú igyi Bulu asɔn wan-kláán ámu. ⁶ Asɔn wankláán ámu kén dékleí wá ɔyító, ide ahá tsiátó tsée ɔtínegyíótíné; fé alíá detse mli tsú ekeá mlílónu mó, mlílébi ání lélé Bulu tegyi ahá bɔale. ⁷ Aní osúmba ɔdwepó Epafra gyí ɔhá ání ɔlɔpɔ asɔn wankláán ámu ba mli. Yesu Kristo osúmbi ɔnɔkwaliɔpɔ ogyi, ɔde mli bɔá aní ɔfansɔ.*

⁸ Móléba bebláa aní ɔdweá Ɖɛ Wankíhé amɔ lapówá mlíto.

⁹ Mó sɔ anumókúsi mpáí bɔ mli nwunsɔ tsú ekeá anlónu mli iwɪ asón ání. Anidé Bulu kokóli aníaa, ɔháa amlíbi mɔ apé kugyíku wankláán. Ɖháa mɔ Ɖɛ Wankíhé amɔ ɔha mli nyánsa móa asón asinu féé, ¹⁰ ménɪ mlétalí tsíá tsiátóá íbówa aní Wíe numnyam, amlígyi mɔ ansí ɔkpagyíɔkpasɔ. Ɖháa amlíbwe yilé brégyíbré, trá bi Bulu tsia. ¹¹⁻¹² Ania ɔháa mɔ túmiá mó ɔnó bɔ ɔnlɪn iwa mli ɔwɔnlín, amlítali tomi, nya klɔn, pɔ ansigyí da aní Sí Bulu ipán. Móláhá mlílafɔn ání mlia mɔ ahá mlénya agyapadié ámóú alalá yáí mɔ iwíegyí wankíhéto ámu íku. ¹³ Tsúfé mólalé aní tsú ɔhá ámóú ɔde oklúnsɔ gyí amɔ túmi asi, pú aní ba mɔ Bi ɔdwepó ámu iwíegyí amɔto. ¹⁴ Mɔ Bi ánfisɔ ɔlɔtsɔn hɔ aní, alási aní lakpan kíé aní ní.

Kristo Dɔn Tógyító

¹⁵ Ɖhaa tamawun Bulu, Kristoto ɔlɔlɔn ɔwan. Ɖbɔ inɔ asa Bulu lɔbwe tógyító, ɔdɔn Bulu ito bwehé kugyíku. ¹⁶ Mɔsú Bulu lótsɔn bwe tógyítóá íbɔ ɔsú móa asi. Móá bɔtowun pú móá bɔtamawun féé, ɔhétó awíe, ɔmásógyí túmi, atúmipɔ, pú isɔ agyípu féé. Mɔsú Bulu lótsɔn bwe ɔyí féé, pówá mɔ numnyam. ¹⁷ Ɖbɔ inɔ asa tógyító lefi asi. Mɔsú ató ámu féé ide agyómá yɔ wá abato.

* 1:7 Mli ɔfansɔ bɔ nwɔlɔ́ dada amɔ akɔto.

¹⁸ Mogyí nwun há mu nyankpɔsa-oyí, igyi ɔpasua ámu, ɔde mú nkpa ha. Mólégyankpá kusó tsú afúlito, ogyi tógyító nkpa ogyápu. ¹⁹ Tsúfé ibu Bulu ɔdwe ání mu tsiátó fée bétsiá mu Bi ámɔta. ²⁰ Músó Bulu lótsɔn yinkía tógyító ba mu iwí wá. Ɔlɔtsɔn mu obugya amóú ɔwɔlí así bréá bɛda mu mántá oyikpalíhe amusu pú iwílwí wá mu tógyító nsíné. Múa ibu ɔsósú pú múa ibu ɔsólúsu fée.

²¹ Teki mli é mlílédamlí ɔma há Bulu, mligyí mu alupó mli asón susúhe pú mli bwehé laláhe su. ²² Táme séi á, itráa megyí alí. Kristo lóbwe nyankpɔsa, olowu. Bulu lótsɔn mu oyikpalíhesu lowu ámusu lá mlia mɔnyɔ nsíné. Mú su ifin pú asuansu má mli iwí, ɔbékpa mli ba mu ansító. ²³ Táme ilehián ání mlóhɔ asónsú ánfí gyí, líí kínkínkín. Mlímáha abɔtse mli agywun le itó amóú mlidé mó ɔkpa kí, ason wankláán ámu lapóba mli ámusu. Ason wankláán ánfí osúmpó mí Paulo ngyi ní. Asón ánfí ɔkan bɔdɛda ɔyító fée é ní.

²⁴ Ibu mi ansigyí ání nde ipian wúun mli su. Tsúfé nde iwíɔsin amóú Kristo lówun sian amu ku wúun ha mu ɔpasua, igyi mu nyankpɔsa-oyí ámu. ²⁵ Bulu lópu mu asón wankláán ámu wá mí ibíto, ání ndáa mó fée ɔkan suna mli, ampɔsum ɔpasua ámu. ²⁶ Ɔlɔpu asón ánfí nájín bímbí ɔpá, táme alalé mó ɔwan súná mu ahá séi. ²⁷ Ibu Bulu ɔdwe ání ɔbéle mó ɔwan súná mlíá mlímégyí Yudafo. Ason nájínhé amu gyí, Kristo tsie mlíto. Ibu ibiá, ibu numnyam é. Módésuná ání abénya mu numnyam amu iku ní. ²⁸ Mu iwí asón anidé ahá fée bláa, anidé amú ɔlá da, pú nyánsa amóú Bulu lahá aní ámu súná amú ató; méní bófon, abékpa amú ba Bulu, amúa Kristo ikɔlebwetó. ²⁹ Iní su nahíe ndeprí, pu Kristo túmi amóú ibu mító ámu yó agyómá ní.

2

¹ Ndekléa mlíbí iprí ání ndeprí ɔwɔnlínsú, mlia ɔpasua amóú ibu Laodikea pú ahá amóú bɔmɔkúwun mi kí amu fée nwunsu. ² Nde mó bwe púwá amú ɔwɔnlín, abɔbwe kɔle, dwe aba, nu asón así wankláán, méní bónu Bulu asón nájínhé amóú igyi Kristo amu fée así. ³ Kristotó Bulu lópu mu atonyahéá igyi mu nyánsa pú mu asónbí fée wá.

⁴ Nde mli asón ánfí bláa, méní ɔhaa móɔpu asón ání ibu anulé kuku bɛmlé mli. ⁵ Ibu mútáá mbu ífó mli wá, táme ntosúsu mli iwí brégyíbré. Ansí é ide mí gyí ání mlitsie wankláán, mlíí kínkínkín Kristosu hógyito. ⁶ Iníá mlílahɔ Kristo Yesu gyí ání mogyí mli Wie su á, mliɔ músú mlia mɔnyɔ amlɔbwe kɔle. ⁷ Mli é mlihié lu kínkínkín Kristo hógyito, amlinya ɔwɔnlín tsu mlia mɔnyɔ ikɔlebwetó. Mliɔ músú amlíhɔ mu iwí asón amóú bɔde mli suná, igyi ɔnɔkwali amu, fé aliá oyí nlin tɔyó ɔtótótó, yódúnká ntsu há mó itedan, amlida Bulu ipán é brégyíbré.

⁸ Mlímáha òkpa òhaa òmle mli, pù mu ansitún móa afunu asón ání igyi amándiéá anyánkpwasa bowa kòkò, itsú òhè ntée túmiá ide òyi ánfisò gyí, imotsú Kristo wá beha amlimli mu nkpaí. ⁹ Tsúfè Kristotò Bulu tsiátò onutónutò ámu fée ibu nyankpasa òkpasu. ¹⁰ Iníá mliá Kristonyò mliabwé kule su mlilafun. Mogyí òhá ání òbu túmi òhétò atúmipù pù isu agyípù féesú.

¹¹ Mliá mnyò ikolebwe su aladínkí mli tsiátò dada amu lé mli su fé alí ámúbò bütetìn keté, dínkí awòli lé mósú ámu. ¹² Bréá bòbò mli asú á, bopolá mli tsiátò dada amu fé alíá bopolá Kristo; Bulu lókusóa mli ba nkpatò fé alíá òlòkusóa Kristo, tsúfè mliólòhogyi ání Bulu bò túmi kósúa mu tsú afúlitò. ¹³ Teki mli lakpan pù mli tsiátò dada amúbò bómòkódínkí lé mli su ámu su mliólòwu fé òhá ání òmòkútìn keté. Táme séi á, Bulu lakósúa ania Kristonyò ba nkpa pòpweò, alasí aní lakpan fée kíé aní. ¹⁴ Òledínkí asón ámúbò bòwanlín wá Mose mblatò, ide aní òlá le ámu lé anisù, yéda mú mántá Kristo oyikpalíhe amòsu. ¹⁵ Bulu lóswí òhétò atúmipù pù isu agyípù túmi, òlekítá amú ndoun, lé amú òwan, wá amú pélitò, bré olegyi amósú Kristo oyikpalíhe amòsu.

¹⁶ Mú su mlímáha òhaa òle mli òlá mli atogyihe, mli atonuhe, nkegyí, òtsra pòpwe nke, ntée Yudafo òkpónú òdaké aná su. ¹⁷ Yiyí kèkè ínì fée igyi há atò ámúbò ibéba amu onutò. Mú onutónutò ámu lélìn òwan Kristotò. ¹⁸ Mlímáha òkpa òhaa òmle mli amliba iwiasì sum Bulu-abòpò, amlihòli ipán ání Bulu léhie yáí mli. Ní òbèe alawun tòkò tsú mú iwí kóráá pò á, òyítò ansitún láhá mu òde iwí tsu. ¹⁹ Òhá ánfì òdu lamáín iwí lé Kristo amúbò ógyi òpasua ámu nwun ámòsu. Tsúfè òpasua ámòtò aní fée anidètsa abasù, Kristo amúbò ogyi nwun ámu dé aní òwònlín wa, ménì abédan alíá Bulu déklé.

²⁰ Mliá Kristonyò lówu. Mú su mlitráa mlímá òyítò túmi kòkò asi. Ntogyi só mlitráa mlidé mbla ánfì anásò gyí? ²¹ Bèe, “Mágyi ínì. Mápò ibi da ínì, mátsu ínì é!” ²² Ní bòpù ntòbì ánfì fée bwé atò tá á, iteyintá. Anyánkpwasa onutò mbla pù amú atosunáhé igyi. ²³ Anidé mbla ánfì kú fé tóá nyánsa bò mótò, ibéha abówa alé Bulu ansítò, abéba iwiasì há mu, wá iwí òsìn aniaa ibéha abébi gyi iwísu. Táme ínì aná fée iméetalí há animéegyì iwísu.

3

Nkpa Pòpwe Tsiá

¹ Mú su ní Bulu lakósúa mliá Kristonyò ba nkpa pòpweò á, mliidunka atóá ibu òsósò, òtíné ámúbò Kristo tsie Bulu gyòpìsu ámu. ² Mliha agywun unv atò iwí, megýì òsolòsò klé. ³ Tsúfè mliawú, Bulu lapú mliá Kristonyò nkpa onutò òjáín mutò. ⁴ Èkéá òbéle Kristo amúbò ogyi mli nkpa onutò ámu òwan súná òyi á, èke ámu kén òbéle mliá mnyò òwan mu numnyamtò ní.

Tsiátɔ Dada Mɔ́a Pópwe

⁵ Mú sɔ mlímɔ tsiátɔ dada amúú ɔbɔ mlítɔ ámu. Múgyí; atsi mɔ́a ayin asónwa, ifintotsiá, ɔwólɔ laláhe mɔ́a péliɔ. Gyí ánfítɔ atɔ wankláán ɔmápe mli ansí, tsúfé ɔnsípe igyi fé ɔkpɔsúm. ⁶ Ntóbí ánfɔ odu abwepúsú Bulu tɛhíé nyá ɔbló ní. ⁷ Mú aná mlítɔbwé bréá mli gyí ɔmátɔfɔ ní.

⁸ Séi gyí bréá mléle ɔbló, ɔblókpán, olu, abakpáí, asokpan blí aná lé mlítɔ ní. ⁹ Mlímáwa afunu súná aba, tsúfé mlilasí mli tsiátɔ dada amu pú mú bwehé féé. ¹⁰ Mlilalátsú tsiátɔ pɔpwe. Bulu gyí mú ɔbwepú, ɔde mú bwe pópwe lian mu iwɔ bré ánfɔ mlídé mu bi ánfɔ. ¹¹ Tsiátɔ pɔpwe anfi mú á, ɔmefáhɔn aní Griikiyin ntée Yudayin fɔgyi. Fɛtin keté ntée fɔmɛtin, ɔkpótɔpu ntée okudasíyin, ɔkpábi ntée ɔdihie fúgyi. Kristo gyí tógyítɔ, ɔbɔ amú féé́tɔ.

¹² Mú sɔ ɔnɔ́a Bulu lalé mli púbwé mu ahá aní amú iwɔ latin pú mu adwepú á, mliha nwewúun, awítɔlewa, iwiasibá, ilwii pú klɔnya itsia mlítɔ. ¹³ Mlɔnya ɔklɔn ha aba. Ní ɔku mɔ́a mu ba benya á, mlisikie aba fé alíá Kristo lési mli klé kíé mli. ¹⁴ Mɔ́a ɔdɔn a, ɔdwe tóbwé aní féé ɔkɔle. Ibwée mli tati didáhé. ¹⁵ Mliha Kristo iwilwii igyi mli klɔnsɔ, tsúfé mótɔ Bulu latí mli bɔwa; mliha mu nyankpɔsa-oyí ámu mlilabwé kɔle ni. Mliha mu ipán é brégyíbré. ¹⁶ Mliha Kristo asón ámu ihie bɔla mli klɔntɔ, iha mli nyánsa. Mli pɔtɔi kpla aba, suna aba atɔ. Mliwa Israelfɔ ɔbɔ, ɔsankuɔsɔ ɔbɔ pú ɔhétɔ ɔbɔ mli klɔntɔ pɔtsu Bulu fɔa, pɔda aní Sí Bulu ipán. ¹⁷ Mli atɔ bwehé pú mli asɔn blíhé féé ibwée aní Wíe Yesu ɔdátɔ, amli pɔ ipán ha aní Sí Bulu tsɔn mɔ́sɔ.

Akristofɔ Tsiátɔ

¹⁸ Aká, mliha iwiasɔ ha mli akúlu alíá ɔlɛkanáa ha ahá aní bɔgyi Kristo klé.

¹⁹ Akúlu, mli é mlidwe mli aká. Mlímábwe amú kpóunkpóun.

²⁰ Abí, mli bu mli akwípú, tsúfé mú Bulu tekle ni.

²¹ Akwípú, mlímáwa mli abí ɔbló, ménɔ iwɔ móowu amú.

²² Nkpábi, mli bu mli ɔsulúsɔ awíe tógyítɔá mlóbwɛtɔ. Mliha amú ansí igyi mli iwɔ brégyíbré, megyí amú ansítɔ wɔle. Mli bwe mú tsú klɔntɔ, tsúfé mlítɔbú aní Wíe. ²³ Mli bwe tógyítɔ tsu mli klɔntɔ, fé aní Wíe mlídé mú bwe há, megyí anyánpɔsa. ²⁴ Mli kaun aní aní Wíe ɔbitɔ mlénɔya mli ɔkáká aní alalá yáí mu abí. Tsúfé Kristo gyí Owíe aní mlídésu. ²⁵ Táme ní fɔbwé tɔ́a ɔma alé a, ɔbéká fú ɔkɔ, tsúfé ɔtamakɔ ɔhaa ansítɔ.

4

¹ Nkpábi awíe, mli pɔ tɔ́a ɔbɔ alé, igyi ɔnɔkwali kpa mli nkpábi, tsúfé mli é mli bɔ Owíe ɔsúsú.

² Mlikita mpaibótó. Mlidunka ansí iwisu, ipánda é itsia mli klontó. ³ Mlibɔ mpái ha aní é. Bulu ofinki okpa ha aní atali da Kristo iwí asun nǵáinhé amu okan. Mó su nda obu ní. ⁴ Mlibɔ mpái mliaa, ndáa mó okan wankláán, alíá ilehián.

⁵ Mliki mli nátító omátófoto. Ní okpa ifinkí há mli á, mlimáyintá mó. ⁶ Mli itói iwa anulé, iwa labi, méní mlétalí lé ohagyíoha asun fitéhé onó wankláán.

Tklá

⁷ Ania opió odwepú Tihiko dé aní Wíe agyómá yɔ. Osúmpú onokwalipu ogyi. Obébláa mli alíá mí iwí gyí féé. ⁸ Nawá mu mli wá mbéé, obébláa mli alíá aní iwí gyí, owa mli ateto-onlun. ⁹ Mva aní pió odwepú onokwalipu Onesimo, ogyi mli pi amu obéba bebla mli asún aní laba nfi féé.

¹⁰ Aristarko, mí bá aní mía mɔnyɔ anida obu ohá mli itsiá. Ali kén Marko, ogyi Barnaba mu pio ámu é ohá mli itsiá ní. Mliho Marko ofó wankláán, ní olotsun ba mli wá fé alíá nebláa mli yái. ¹¹ Opíó Yesu, butetráa ti mu Yusto é ohá mli itsiá. Ahá abasá ánti pé gyí Yudafóá mía amónyɔ anidé Bulu iwíegyí ámu iwí agyómá yɔ ní. Amó tékítá klɔn wá mí iwíto ní.

¹² Epafra, otsú mli wá, ogyi Kristo Yesu osúmbi amu é ohá mli itsiá. Otehié bɔ mpái há mli aní Bulu owáa mli owonlín, oha amlifon, amlitali bwe Bulu apé kugyíku. ¹³ Nétalí gyí mu iwí adánsie aní ohíé ode agyómá yɔ mli Akristofóá bubu Laodikea pú Hierapoli idátó. ¹⁴ Aní odwepú Luka, ogyi ilo otsapú mva Dema behá mli itsiá.

¹⁵ Nehá aní apíó Laodikeafɔ ámu itsiá. Nehá Nunfa mva opasua ámuú ibu mu wóyító amu é itsiá. ¹⁶ Ní mlekla owóló ánti súná opasua ámu tá á, mlipusisi Laodikeafɔ é. Mlikla amú klé ámuú nɔpusisi amú ámu é. ¹⁷ Mlibla Arkipo mliaa, omóo agyómá ámuú Bulu lópuwá mu ibito ámu onó wankláán.

¹⁸ Mí Paulo, onutónutó lawá ibi owóló ánti asi. Mlimátan aní nda obu.

Bulu ogyi mli buale.

Ɔwɔlɔ Gyankpapɔ́ Paulo Lɔwanlín Sísí Tesalonikafɔ

¹ Mí Paulo, mía Silwano pɔ́ Timoteo dé ɔwɔlɔ ánfɔ wanlín sísí ɔpasua ání ígyi anɔ́ Sí Bulu mɔ́a anɔ́ Wíe Yesu Kristo klé, íbɔ Tesalonika wúlutɔ.

Anɔ́ Sí Bulu mɔ́a anɔ́ Wíe Yesu Kristo bɔgyíi mlɔ́ bɔale, abɔha mlɔ́ iwílwii.

Tesalonikafɔ Hógyi

² Ní anɔ́dɛ mpáí bɔ́ há mlɔ́ brégyíbré á, anɔ́dɛ dá Bulu ípán mlɔ́ féé nwunsv. ³ Anɔ́tetsiá káín anɔ́ Sí Bulu mlɔ́ hógyi gymagyihe. Alíá mlɔ́dɛ mbódí bɔ́ dwé aba, pɔ́ alíá mlɔ́latomi há mlɔ́ ansí dɔ́n anɔ́ Wíe Yesu Kristosv kínkíínkín. ⁴ Apíó, anɔ́yin ání Bulu tɔ́dwé mlɔ́, alalé mlɔ́ póbwé mv klé. ⁵ Tsúfɛ megýí ɔ́nɔ́ kɛkɛ anɔ́lɔ́pɔ́ bebláa mlɔ́ asɔ́n wankláán ámv. Mboún mlɔ́lówun Ɔhɛ Wankíhé ámv túmí é. Inɔ́ léha mlɔ́lébɔ́ wankláán ání asɔ́n ámv ígyi ɔ́nɔ́kwali. Mlɔ́lówun tsiátó oduá anɔ́lɔ́pɔ́tsiá mlɔ́tɔ́ é, alíá íbɔ́bɔ́a mlɔ́ sv. ⁶ Mlɔ́lékasí ania anɔ́ Wíe tsiátó. Tsúfɛ asɔ́n ámv sv mlɔ́lówun íwɔ́sɔ́n tsɔ́tsɔ́tsɔ́, táme mlɔ́lɔ́pɔ́ ansigyí ání itsú Ɔhɛ Wankíhé wá hɔ́ mó. ⁷ Mú sv íleha ahógyipɔ́a bɔ́bɔ́ Makedonia ɔ́sɔ́lɔ́sv pɔ́ Akaia ɔ́mátó féé bekɔ́ mlɔ́ bwehé, buo mó. ⁸ Tsúfɛ megýí Makedonia pɔ́ Akaia wɔ́le anɔ́ Wíe asɔ́n ámv lekléí tsú mlɔ́ wá yó. Mboún mlɔ́ Bulu hógyi asɔ́n é lakléí yó ɔ́tínegyíɔ́tíné. Mó sv asɔ́ansv má unvá abétrá blí tsú mó íwɔ́. ⁹ Tsúfɛ amó onutó bɔ́dɛ alíá mlɔ́lɔ́pɔ́kítá anɔ́ bréá anɔ́lébá mlɔ́ wá blí. Alíá mlɔ́lési íkpi súm ba mlɔ́dɛ Bulu Ɔkiankpapɔ́ Ɔnɔ́kwaliɔ́v amv mboún súm. ¹⁰ Pɔ́ alíá mlɔ́gyó bréá Bulu mv Bi Yesu ámúú ɔ́lɔ́kɔ́súa tsu afúlítɔ́ ámv ɔ́bélat sú ɔ́súsó bá. Mɔ́gyí ɔ́há ání ɔ́dɛ anɔ́ le tsú Bulu ɔ́blɔ́ ámúú íbá ámvɔ́tɔ́ ní.

2

Paulo Tsiátó Tesalonika Wúlutɔ

¹ Apíó, mlɔ́ onutó mɔ́yin ání anɔ́ mlɔ́ wá bá mɔ́bwe kpaali. ² Mɔ́yin alíá bɔ́wa anɔ́ amɔ́mɔ́yɔ́, sópa anɔ́ Filipi wúlutɔ asa anɔ́lébá mlɔ́ wá. Mɔ́yin ání akv bɔ́motsulá, behie kósó líí anɔ́sv; táme anɔ́ Bulu lówa anɔ́ ɔ́wɔ́nlín, anɔ́lébláa mlɔ́ asɔ́n wankláán ámv. ³ Tsúfɛ megýí afunu asɔ́n anɔ́dɛblí. Mó sv ndɛ mlɔ́ kokóli. Megýí agywun laláhe kɔ́kɔ́ ígyi, anɔ́médé mlɔ́ mlé é. ⁴ Bulu lóhɔ́ anɔ́sv gyi, ɔ́lɔ́pɔ́ mv asɔ́n wankláán ámv wá anɔ́ íbɔ́tɔ́. Mó anɔ́dɛblí ní! Megýí anyánkpɔ́sa ansító anɔ́dɛkí blí mó, Bulu yin anɔ́ klɔ́ntɔ́. ⁵ Mlɔ́híé mɔ́yin ání megýí ɔ́nɔ́ dɛdɛ anɔ́lɔ́pɔ́ ba mlɔ́. Anɔ́méba bɔ́wa afunu kɔ́kɔ́ é súná mlɔ́, pónyá tɔ́kɔ́ tsú mlɔ́ wá. Bulu gyi anɔ́ ɔ́dansiyin. ⁶ Anɔ́módunká kanfú tsú nyankpɔ́sa ɔ́kɔ́kɔ́, mlɔ́, ntéɛ ɔ́ha bambá wá. Kristo sumbí ayɔ́pɔ́ anɔ́gyi.

Mó sɔ tɛkɪ anɪbɔ ɔkpa sí iwɪ tswɪ mlɪsɔ, ⁷ táme anilólwíí há mlɪ, kɪ mlɪ fé alíá abí-oyín tɛkɪ mɔ onutó abísó. ⁸ Anitɛhíé klé mlɪ asón. Mó sɔ megýí Bulu asɔn wankláán ámu nkɔle anilópu ba mlɪ, mboún anilési anɪ iwɪ é há mlɪ, tsúfé mlɪlamlí anɪ adwɛpó. ⁹ Apíó, yéé mlékaín agyómá ání anilóyɔ ɔpa móa onyé pónyá tóá ilehián anɪ? Alíá anıméesi ipian tswɪ mlɪsɔ bréá anidé Bulu asɔn wankláán ámu ɔkan da súná mlɪ só anilóbwe mó alɪ.

¹⁰ Mlɪ ahógyipɔ amɔ pú Bulu gyí anɪ adansífɔ alíá anilópu tsíá mlɪtɔ. Anɪ iwɪ letɪn, anɪ asón da ɔkpa, ɔlala é metsiá anɪ iwɪ. ¹¹ Mlɪyin ání anilékpá mlɪtɔ okugyíɔkɔ fé alíá abí-ɔsí tekpá mɔ abí. ¹² Anilówa mlɪ atɛtɔ-ɔnlɪn, lwíí mlɪ klɔn, tóí kplá mlɪ anɪaa, mlɪtsiá tsiátóá ilegyi Bulu ansí. Mɔlétɪ mlɪ ɔbéé, mlɪbénya mɔ iwíegýí pú mɔ numnyam amɔ ɪkɔ.

¹³ Tóá swá anitɛdá mɔ ipán brégyíbré é gyí, bréá anilópu mɔ asón ámu ba mlɪ á, mlɪmótsu mó ání nyankpɔsa wá itsú. Mboún mlɪláhɔ mó ání lélé, itsú Bulu wá; tsúfé mó Bulu dépuýɔ agyómá mlɪ ahógyipɔ amɔtɔ ní. ¹⁴ Apíó, mlɪlamlí fé Bulu ɔpasua ání ɪbɔbɔ Yudea ɔmátó, bɔgyi Kristo Yesu klé amɔ. Mlɪlówun ipian mlɪ pɪ ɪbitɔ, fé alɪ ámúbú amú é bowun ipian amú pɪ Yudafɔ ɪbitɔ ámu. ¹⁵ Yudafɔ lómɔ Bulu ɔnósú atáípú pú anɪ Wíe Yesu. Amú kén lagya anɪ lé ɔmá ámɔtɔ. Bɔtamakle ahá asón, bɔtamagyi Bulu ansí. ¹⁶ Bɔkɔsú líí anɪsɔ ká anɪ itin bɛé, anımábla ahá ání bomegyí Yudafɔ nkpa hɔ́ɔ asón ámu, Bulu ɔhɔ amú nkpa. Inɪ bwe lahá amú lakpan labiayi. Mó sɔ ilahá Bulu lanyá ɔbló, ɔbébití amú ɪsɔ.

Paulo Lékléá ɔbélayéki Tesalonikafɔ

¹⁷ Apíó, anilénatí mlɪ wá ɔpá anımókúsi mlɪsɔ kaín. Mó sɔ anihíé anidé ɔkpa dunká ání abéla bowun mlɪ ansító, tsúfé anidé mlɪsɔ kaín dɔbɪ. ¹⁸ Anilékléá abélaba mlɪ wá. Mí Paulo onutó ó nabwé agywun ání néyinkí bá ɪnɔ ita tsefinɪ, táme ɔbɔnsám méha ɔkpa. ¹⁹ Ma só anɪ ansí dɪn? Megýí mlɪ sɔ ansí de anɪ gyí ání abénya ɔkpa tsú iwɪ anɪ Wíe Yesu ansító bréá ɔbéba? ²⁰ Lélé mó á, mlɪgyí anɪ numnyam pú anɪ ansigyí.

3

Timoteo Tesalonika Yɔ

¹ Mó sɔ bréá anımébi alíá mlɪ tsiátó igyi, ɪde anɪ háan a, anilóbwe agywun anɪaa, anɪ mó abétsiá Atene wúlutɔ, ² awa anɪ pío Timoteo, ogyi anɪ Bulu agyómáyɔbá Kristo asɔn wankláán ámu ɔkandatɔ sɪsɪ mlɪ, ɔbɔwa mlɪ ɔwɔnlín. ɔtɔ kpla mlɪ amlɪlu kinkíinkín hógyitɔ, ³ ménɪ mlɪtɔ ɔkɔkɔ méeyinkí ɔma asɔn wunhɛ anfi sɔ. Mlɪ onutó mlyin ání igyi tóá ɪda yaí há anɪ Akristofɔ dodo. ⁴ Tsúfé bréá anɪbɔ mlɪ wá á, anulébláa mlɪ ání bédinká mlɪsɔ. Lélé bédinká mlɪsɔ fé alíá mlyin. ⁵ Inɪ sɔ bréá netsiá mmetsiá á, nɔwa Timoteo mlɪ wá mbéé, ɔbéki alíá mlɪdɛ

hógyi amotó. Tsúfě ibétalí ba ání Ọ̀bunsám laso mli kí, há aní gymagyihe labwé kpaali.

⁶ Timoteo layínkí pú ason wankláán tsúa mli wá ba aní séi, tsú mli hógyi pú mli abadwe iwí. Alabláa aní ọ̀bée, mli é mlidé anisv kaín dọ̀bì. Mlídékléá mlówun aní, fé alí ámúbú aní é anidékléá abówun mli ámú. ⁷ Mú sv apíó, mli hógyi lawá aní ateto-onlín, aní ipian pú aní ason wunhe fěétó; ⁸ tsúfě mlilí aní Wíe hógyitọ̀ kinkíínkín. Mú sv aní klon ládí aní asi. ⁹ Ipán mọ̀mọ̀ abókukv da Bulu mli sv, ansíá ide aní gyí mv ansító sv? ¹⁰ Anitehíé bó mpáí kókóli Bulu ọ̀pa múa onyé aniaa, ọ̀há ayinki bowun mli, ménì abósuná mli tóá ibéha mli hógyi bófon.

¹¹ Aní Sí Bulu onutó mva aní Wíe Yesu bvfinkí ọ̀kpa ha aní aba mli wá. ¹² Aní Wíe ọ̀há mli apíó aba pú ahá fěé dwe ọ̀nó iwa onlín, fé alí ámúbú anitodwé mli ámú. ¹³ Ọ̀wá mli ọ̀wunlín, ménì aní Sí Bulu omóowun ọ̀lala mli iwí, ifin kukv é méetsiá mli iwí mv ansító, aní Wíe Yesu mva mv ahá fěé ọ̀báke amú.

4

Tsiátó Ilegi Bulu Ansí

¹ Apíó, itráhe a, anilósuná mli tsiátó, ménì Bulu ansí bégyi mli iwí. Lélé mú á, alí mli tsiátó gyí ní. Séi á, anihíé anidé mli kokóli aní Wíe Yesu dátó aniaa, mlíbwée mú don alí. ² Tsúfě mliyin mbala ámúbú anilówa há mli aní Wíe Yesu idátó ámú. ³ Bulu dékléá mlíháa mli iwí itun. Mú sv mlumáwa atsi múa ayin asún. ⁴ Mlito okugyíọ̀kọ̀ ọ̀bí alíá ọ̀békítá iwí, iwíitun pú ọ̀bí ọ̀kpasv. ⁵ Imábwe ọ̀wólí laláhe ọ̀kpasv, fé alíá ahá ání bomeyín Bulu bọ̀tọ̀wé. ⁶ Mlito ọ̀kọ̀kọ̀ másisií mv ba, swíí mv mv ka. Tsúfě aní Wíe ọ̀bẹ̀bití ahá ání bọ̀tọ̀wé mú odu isv. Anidé mli ọ̀lá da, fé alíá anilókv bláa mli yáí. ⁷ Tsúfě Bulu méti aní ọ̀bée, abá bọ̀tọ̀ mva; mboún ọ̀bée, ifin kukv mátsiá aní iwí. ⁸ Mú sv ọ̀hagyíọ̀ha ání omegyí atosunáhé anfisv á, megyí nyankpọ̀sa omédébu. Mboún Bulu ámúbú ọ̀ọ̀pv mv Ọ̀je Wankíhé há mli ámú.

⁹ Imehián ání abówanlín asvansv tsú mli aba akristofó dwe iwí sísí mli. Tsúfě Bulu onutó lasúná mli alá mlídwée mli aba dododo. ¹⁰ Ọ̀nọ̀kwali a, mlidé apíó ahógyipvá bọ̀bv Makedonia ọ̀mátó fěé dwe dodo. Mú sv apíó, anidé ipa bwií há mli aniaa, mlítráa dwe aba don alí. ¹¹ Mlípudínka iwísv aní mlétsiá tsiátó wankláán. Mlópú mli ibí yó agyómá pókí mli iwísv, fé alíá anilébláa mli, ¹² ménì mlía ahá ání bomegyí ahógyipv mlétsiá wankláán, mlíméetrá pv ansí dínká ọ̀haasv.

Aní Wíe Yesu Yínkí Bá

¹³ Apíó, anidéklé aniaa mlíbú ọ̀nọ̀kwali ání ibv Akristofóá bawú iwí, ménì mlíméetsiá gyí awírehọ̀ fé ahá ání amú ansí medín tọ̀tọ̀sv. ¹⁴ Anilóhogyi ání Yesu lówu kósú tsú afúlitọ̀. Alí

kén anilóhogyi ání Bulu ɔbékpa ahá á múú bɔhɔ mu gyi asa bowu ámu ba ní.

¹⁵ Aní Wíe onutó atosunáhé anidé mli suná séi á. Aní ahá ání anitráa anitsie nkpa asa aní Wíe ɔbáke íbófɔn a, aníméegya awupú ámu nkpa yéfia mu. ¹⁶ Tsúfɛ aní Wíe ɔbókplón túmisu, Bulu-ɔbɔpu dehen ɔbéle ɔnó, bófúli Bulu ɔkpe é bréá aní Wíe onutó dékplí tsú ɔsúsú ɔbá. Ahógyipúá bawú bégýankpá kúsú. ¹⁷ Mu ɔma a, aní akiankpapu é fɛé abóyótɔ amú nwulótáatɔ, aní fɛé abéyefia aní Wíe afútó. Tsú eke ámu a, abétsiá aní Wíe wá bré fɛé. ¹⁸ Mú su mliɔpu asón ánífɛ kita íklɔn wa aba iwítɔ.

5

Iwísvda Gyo Aní Wíe Ibá

¹ Apíó, imehián ání abówanlín bré pɔ ekeá asón ánífɛ íbéba sísi mli. ² Tsúfɛ mli onutó mliyin ání aní Wíe ɔbáke amu íbéba bofwie anitɔ, fɛ alíá owikplu teba onyé. ³ Bréá ahá bee, “Owí latá, asón latá” á, alí bré ámɔtɔ béhi ní. Ibófwie amótó fɛ alíá íkwú tekan ɔtsi ɔtsáwɔle pé. ɔhaa méedalí mótó. ⁴ Táme apíó, mli mú mliyin asón ánífɛ. Mú su mlimétsíe oklúntɔ, méní eke ámu méeba bofwie mliɔ fɛ owikplu. ⁵ Wanki múa ɔyi kehetɔ abí mli fɛé mligyí. Megyí onyé ntée oklúntɔ abí angyí. ⁶ Mú su mliha agyo, anímádídí fɛ aha bambá. Mliha adínka ansí iwísv, akí iwísv wankláán. ⁷ Onyé, adídípú bɔtédídí. Onyé, nta abɔpú é bɔtɔbú ntá. ⁸ Táme aní mú á, wankitɔ abí angyí. Mú su mliha agyi iwísv. Mliha Kristo hógýi pɔ aní abadwe íbwe kántó-atíntɔ tɛn aní kántó. Mu ɔkpakí ání ɔbóhɔ aní nkpa íbwée kutɔpa ání íbun aní nwun. ⁹ Megyí alíá Bulu obénya ɔbló wa aní, bíti aní ísv sù ɔlele aní. Mbóún alíá ɔbótsɔn aní Wíe Yesu Kristosu hɔ aní nkpa sv. ¹⁰ Kristo lówu há aní, méní mu bábí a, ní anilawú o, aníbv nkpa o, anía mɔnyɔ abétsiá. ¹¹ Mliɔpu asón ánífɛ kita klɔn wa aba iwítɔ, pɔwa aba ɔwɔnlín, fɛ alíá mli dé mú bwe dodo.

Íklá

¹² Apíó, abwí ípa há mli, mli bu mli ɔnó alíápúá bɔhíe bɔde agyómá yɔ mliɔ, bɔde mli aní Wíe tsiátó suná. ¹³ Gyuma á múú bɔdegyí amu sv mlihe bu amú, amlídwɛ amú. Iwilwíi itsíá mliha mli aba nsíné.

¹⁴ Apíó, anidé mli ɔlá da aníaa, mliɔtɔ kpla awɔliɔpú. Mliwa afúpú atetɔ-ɔnlín. Mli bɔva amúá bapɔn, amlinya klɔn ha ɔhagyíɔha. ¹⁵ Mliki ání ɔhaa móɔpu lalahe ká mu ba íkɔ. Mbóún mli bwe yilé há aba pú ahá fɛé.

¹⁶ Ansí igyí mli, ¹⁷ amlí bɔ mpái brégyíbré. ¹⁸ Mli da Bulu ípán tógýítótó. Mógyí tóá Bulu dédunká tsú mli wá mli nkpatɔ, bré ánífɛ mliha Kristo Yesunyɔ mli labwé íkɔle aní ní.

19 Mlímákiná tóá Ɔɛ Wankíhé amɔ tekle bwe.* 20 Mlímábu Bulu ɔ́nósú atáípú asún ámɔ tǎkɔ odu. 21 Mlísɔ tógyító kí, amlíkita múá ɪbɔ alétó kínkínkín. 22 Mlíkina lalahɛ kugyíkɔ.

23 Bulu téhá anɪ iwilwii. Ɔtíun mlɪ ɪwɪ ɔkpagyíɔkpasɔ. Ɔkí mlɪ nyankpɔsa-oyí, mlɪ ɔɛ pɔ mlɪ ɔklásɔ tsú lalahɛ kugyíkɔtɔ, ménɪ ɔlala méetsiá mlɪ ɪwɪ anɪ Wíe Yesu Kristo ɔbáke amɔ. 24 Bulu létɪ mlɪ. Ɔnɔkwalɪpɔ ogyi, ɔbɔ́bwe mú.

25 Apíó, mlɪbɔ mpái ha anɪ é.

26 Ahá ahógyipɔ amɔ f́éé itsiá gyágyáágyá. Mlílata aba puta ɔdweɔsɔ.

27 Nde mlɪ bláa anɪ Wíe ɪdátó mbéɛ, mlíkla ɔwoló ánfɪ suna ahógyipɔ amɔ f́éé.

28 Anɪ Wíe Yesu Kristo ogyii mlɪ buale.

* 5:19 Ntée Mlímádun Ɔɛ Wankíhé ogyá ámɔ.

Ɔwɔlɔ Nyɔɔsiá Paulo Lɔwanlín Sísí Tesalonikafɔ

¹ Mí Paulo pɔ Silwano mɔa Timoteo dé ɔwɔlɔ ánfɔ wanlín sísí ɔpasua ání ɔbu Tesalonika wúluto, mligyí anɔ Sí Bulu mɔa anɔ Wíe Yesu Kristo klé.

² Anɔ Sí Bulu mɔa anɔ Wíe Yesu Kristo bɔgyíi mli bɔale, abɔha mli iwilwii.

Ipánda

³ Apíó, ilehián ání abéda Bulu ipán mli nwunsɔ brégyíbré. Tsúfɛ mlidédáan hógyitɔ tsía. Ɔdweá mliɔ ha aba é demoní tsía. ⁴ Mó sɔ anitɔpú mli tsú iwɔ Bulu ɔpasua kugyíkɔ ansító; mli nsiwa pú hógyiá ɔbu mliɔ, bɔdɔn mliɔ, isóki dé mli tɔ, mlilatomi sɔ.

⁵ Inɔ déle suná ání Bulu asóngyí da ɔkpa. Tsúfɛ obótsu mli ání mlɔlafɔn ha mɔ iwíegyí ámúú mlidé ipian wúun mó sɔ ámɔtɔ yɔ.

⁶ Ɔnɔkwaliɔ Bulu gyí. Ɔbéka ahá ámúú bɔde mli iwɔsɔntɔ wa ámɔ akɔ. ⁷ Ɔbéha iwɔ bólwií anɔa mli ání mlidé iwɔsɔn wúun, eke ámúú anɔ Wíe Yesu ɔbékplí tsú ɔsósó bele iwɔ ɔwan mɔa mɔ abɔpɔ atúmipɔ amɔ. ⁸ Ogya plenplentɔ ɔbéba bebítí ahá ámúú bɔmeyín Bulu* ámɔ isɔ. Tsúfɛ bɔtamapú anɔ Wíe Yesu iwɔ asɔn wankláán ámɔ bwé tɔtɔ. ⁹ Amú isɔbití gyí, amúa anɔ Wíenyɔ nsuné bɔwa ifɔ, mɔ túmi móɔwankí wólí amúú, obéyintá amú bré féétɔ. ¹⁰ Isɔbití ánfɔ ɔbéba eke ámúú ɔbéba, Bulu ɔbɔwa mɔ numnyam aha wankíhé ansító. Ifú békítá ahógyipɔ. Mli é mlétsiá amúú, tsúfɛ mlilóhɔ mɔ iwɔ adánsɛ ámúú anilégyí suná mli ámɔsɔ gyi.

¹¹ Mó sɔ anitɔbɔ mpái há mli anɔaa, Bulu ɔhá amlifɔn nkpa ámúú ɔletɔ mli ɔbéɛ, mlibétsiá ámɔtɔ. Mɔ túmi iháa amlitalɔ bwe yilé ání mlidékléá mlɔbwe, pɔmɔ mli hógyi agyómá ɔnɔ. ¹² Ní mletálí bwé inɔ á, mli sɔ ahá bɔpɔ numnyam há anɔ Wíe Yesu, mɔ é ɔbɔwa mli numnyam; fé alɔ ámúú anɔ Sí Bulu mɔa anɔ Wíe Yesu Kristo awitɔle gyí ámɔ.

2

Yesu Mɔa Mblasɔ Mágypó Amɔ

¹⁻² Mí apíó, nobwíi ipa há mli. Anɔ Wíe Yesu Kristo ɔbá, pú alá abɔbwe kɔle yéfia mɔ asón ání mlilanú imákɔsí kpɔnkí mli klɔn, ntée iha opúni itsii mli. Ní akɔ beɛ, Ɔɔɔ Wankíhé lalé suná amú lóó, ntée ɔbu anɔ asɔn blíhé ntée anɔ ɔwɔlɔ kɔtɔ ání anɔ Wíe ɔbáke amɔ laba dodo kóráá á, mli máhogyi. ³ Mli máha ɔhaa ɔmle mli ɔkpagyíɔkpasɔ. Eke kpɔnkpɔntɔ ánfɔ iméba, nkéti ahá

* 1:8 Bɔmeyín Bulu, tsúfɛ bɔmɛbɔ mɔ.

bakósú líi Bulusu, ðhá á múú ðtamagyi Bulu mblasu, ðbéhi ámu lalin ðwan asa. ⁴ Obótsu iwí fúá, kúsú líi Bulu, ikpí pú tógyítáá anyánkprósa butosúmsó, blí ání ðdon amú fée. Obéyetsiá Bulu ðtswékpa inu kóráá, blí ðbéε mvyí Bulu.

⁵ Mlumókókáin ání ntebláa mli asún ánfí bréá mbu mli wá? ⁶ Mlyin tásá ide mu ðkpa tiin dodo. Nkétí mu ðwanlebí lafun. ⁷ Tsúfé Bulu mblasomágyi túmi ánfí ide agyómá yɔ nájintɔ dodoodo, táme ðku dé mú ðkpa tiin. Mú su nkétí ðhá ámu ladáli inu. ⁸ Inú mblasu mágyípu amu ðbélin ðwan ní. Táme aní Wíe Yesu oyínkí ba a, mu ðnótó afú keke íbómɔ mu, mu numnyam é íbówankí wólí mvsu yintá mu. ⁹ Ní mblasu mágyípu anfi ðlin ðwan á, ðbópu Satan afunu túmi kpɔnkpɔntí bwé osúna pú ofúla. ¹⁰ ðbótsun owuntɔlin ðkpa ðsan-ðsansu mlé ahá á múú Bulu ðbéhi amú ámu. Bulu ðbéhi amú, tsúfé bumekle ðnɔkwali amu asún, méní Bulu ðbóhɔ amú nkpa. ¹¹ Iní su Bulu ðbópu afunu ðhéá mú ðnó bu ðnlin wá amótó, méní bóhɔ afunu asúnsú gyi. ¹² ðbéha ahá ánfí bumɔhɔ ðnɔkwali amusu gyi, butekle lakpan bwe ánfí fée ipón.

Mli Nkpahɔɔ Sɔ Bulu Léle Mli

¹³ Apíóá aní Wíe tɔdwé, ilehián ání abéda Bulu ipán mli nwunsu brégyibré. Tsúfé tsú bréá oyí lelín ðpá Bulu léle mli ání ðbótsun mu ðhé ámu pú mu ðnɔkwali asún á múú mlilahogyi amusu tin mli iwí, púhɔ mli nkpa. ¹⁴ Iní sú ðlɔtsun asun wankláán á múú anilébláa mli ámu su tí mli ðbéε, mlibétsiá aní Wíe Yesu Kristo numnyam amɔtɔ ní. ¹⁵ Mú su apíó, mlilu kínkíinkín, amlíkita ðnɔkwali amú anilósuná mli ámu tɔ, múbá anilébláa mli pú múbá anilówanlín sísí mli fée.

¹⁶⁻¹⁷ Aní Wíe Yesu Kristo onutó mva aní Sí Buluá ðtɔdwé aní, alawá awítɔle wá aní atetɔ-ðnlin ání imómmɔ ðnó ekekekeke, anidé itɔ wankláán ðkpa kí, ðwáa mli ðwonlín mli asun blíhé pú mli bwehé kugyíkɔtɔ.

3

Mpáibɔ

¹ Itráhe-tráhe a, apíó, mlibɔ mpái ha aní. Aní Wíe asún ámu ikósi klei. Ahá abupɔ obú hɔ mú fé alí á múú mli é mlilóhɔ mú ámu. ² Mlibɔ mpái, Bulu ðle aní tsu awuntɔlinpu pú aha laláhe íbitɔ. Tsúfé megyí ahá fée lóhɔ aní Wíe gyi.

³ Táme aní Wíe bu ðnɔkwali. ðbówa mli ðwonlín, hɔ mli lé laláhe ðbwepú ámu íbitɔ. ⁴ Aní Wíe lahá anilahogyi ání mlidé ntóbí á múú anilósuná mli ámu fée bwe, mliméesi bwe é.

⁵ ðkpáa mli, amlinu ðdweá Bulu bu así yɔ ðtótótót, ðha amlitomi fé Kristo.

Tsiátó Wankláán

⁶ Apíó, anídé mli ɔlá da aní Wíe Yesu Kristo idátó aníaa, mlimápu Akristofɔ ámúú bɔna bɔdetsɔɔn, bɔtamakle agyómá, bɔmedé atosunáhé amúú anilósuná mli ámɔsɔ gyí wa mba. ⁷ Mli onutó mliyin ání ilehián ání mlétsiá aní atsiábi. Tsúfé animówa ɔwɔlyɔ, náti tsɔntsɔn bréá anɔbɔ mli wá. ⁸ Animégyi ató ɔhaa wá, kíná mú ikɔ ka. Mboún anilóyɔ agyómá ɔpa múa onyé kinkíinkín, ménɔ animéesi ipian tswɔ mlitɔ ɔkɔkɔkɔsɔ. ⁹ Megyí bɛɛ, animá ɔkpa bláa mli aníaa, mlíkí anɔsɔ, sɔ anilóbwe mú alɔ. Mboún anilóbwe mú súná mli, ménɔ mli é mlóbwe mú odu. ¹⁰ Bréá anɔbɔ mli wá kóráá á, anilówa mbla há mli aníaa, “ɔhá ání ɔmɔyɔ agyómá mágyi ató.”

¹¹ Anílanú ání mlitɔ akɔ bɔtsie kpaali, bɔmedé agyómá kɔkɔkɔ yɔ. Okéngyɛ bɔna bɔdɛwa tsɔn. ¹² Anídé amú ɔlá da aní Wíe Yesu Kristo idátó aníaa, bɔsíi natí tsɔn, abɔyɔ agyómá nya amú atogyihɛ.

¹³ Táme apíó, mli mú á, yilébwe imáta mli ɔɔhɛ. ¹⁴ Ní ɔkɔ mégyi asón ánfi anilawánlín sísi mli ánfisɔ á, mlíkí mɔ wankláán. Mlia mɔnyɔ mlimágyi mba, ménɔ péli békítá mɔ. ¹⁵ Táme mlimálu mɔ, mboún mlitɔi kpla mɔ fé mli píó.

Iklá

¹⁶ Iwilwii Owíe amɔ onutó ɔhá mli iwilwii bré féétó ɔkpagyíɔkpasɔ. Aní Wíe otsiá mli féé wá.

¹⁷ Mí Paulo onutó lapó mí ibi wanlín ínɔ. Mí dá ánfi ntɔwánlín wá mí nwóló féé asɔ, púsúná ání itsú mí onutó wá ní.

¹⁸ Aní Wíe Yesu Kristo ogyii mli féé bɔale.

ᾠωυλό Gyankpapová Paulo Lówanlín Sísí Timoteo

Itsíáha

1-2 Mí Paulo ání aní Nkpa ᾠόυυ Bulu mva Kristo Yesuá aní ansí dín mvsu lóbwe mí sumbí ᾠᾠᾠ, dé ᾠωυλό ání wanlín sísí fú Timoteo ání fógyi mí bí onutó Yesu hógyi amuto.

Aní Sí Bulu mva aní Wíe Kristo Yesu bogyi fú bwaie, abuwun fú nwe ha fú iwilwii.

Afunu Atosunáhé

³ Bréá ndenatí nᾠᾠ Makedonia nsáunto á, nebláa fú mbée, fotsía Efeso ᾠmátó, afuka ahá ámúú bude afunu ató suná ámu itin. ⁴ Mú ᾠma a, da amú olá abusi bré yintá há ᾠtewa pú anáin ilínto kláa tíntíntín. Nwéengyí keke itᾠᾠᾠ. Itamahá ahá abotsia nkpa Bulu hógyito. ⁵ Tóá svá aníaa fvkáa amú itin gyí, alíá Okristoyin okugyíáku ᾠbódwe mu ba, mu klon méeha mu ipón, obénya agywun wankláán móa hógyi onutó. ⁶ Aku bumobuo alí ᾠkpa ání. Mú sv bafwí yó bude asón ání ima asi blí. ⁷ Budekléá bóbwe Mose mbia asunápó, táme bumedé itó ámúú budesuná ámu asi nu. Ide amú bwe fé bᾠyin mú, táme bᾠmeyín mú.

⁸ Aniyin ání mbia ámu bu alé, ní bᾠpósuná ató ᾠkpa wankláánsó. ⁹ Táme iwánkí aní ání megýí yilé abwepó sv Bulu lówa mbia ámu. Mboún ahá ání butamagyi mósó, ahá ání amú asuto bu amú ᾠnlin, ahá ání butamanyá mu ifú, lakpan abwepó, ahá ání amú iwí métin, ahá ání butᾠkpóí Bulu, ahá ání butᾠmó amú akwípó pú aha bambá, ¹⁰ mbua atᾠᾠ, ayin ání butekle amú aba ayin pú atsiá butekle amú aba atsi, anyánpósa ibiá agyípó, afunupᾠ, ahá ání beká ntam butamagyi mósó pú tsiátóá imekanáa atosunáhé wankláán ámúú ¹¹ Bulu Onumnyampᾠ, ikanfó gyi mu kle amú lóvuhá mí ᾠbée, ndáa mú ᾠkan amú.

Bulu Paulo Bvaleyí

¹² Nedá aní Wíe Kristo Yesu ipán ání alawá mí ᾠwunlín, bú mí ᾠᾠkwalyᾠᾠ ᾠbée, nᾠᾠ agyómá ání pᾠsum mu. ¹³ Teki míteblí mu iwí asun laláhe, ntedínká mu ahásv, sópa amú ní. Táme olowun mi nwe, tsúfé mmᾠᾠ mu gyi alí bré ámuto, mmeyín tóá ndebwe é. ¹⁴ ᾠo, hie kí alíá ᾠhíé ᾠbu awitole! ᾠleha mí nenyá mu hógyi pó mva mí abadweá ibu ania Kristonyᾠ ikolebweto. ¹⁵ Asón ánífú ibu mótó, ilehián ání ᾠhagyíᾠha ᾠbóᾠ mósó gyí. Múgyí, Kristo Yesu léba ᾠyító bele lakpan abwepó. Mígyí amútó olaláhe ni. ¹⁶ Táme íni sv Bulu lówun mi nwe, há Kristo Yesu léle mí ánífú gyi lakpan ᾠbwepó kᾠᾠkᾠᾠkᾠᾠkᾠᾠ ánífú ní. Méni ᾠhagyíᾠha ᾠbébí ání Bulu tehíé nyá klon há ᾠhá ání

ᾧβέβα βῆῃ μὺ γυῖ, νυά nkpa ání itamatá. ¹⁷ Mliha awa Bulu numnyam, akanfṽ μὺ aniaa, “Fógyí Owíeá fṽ iwíegýí tamamṽ ᾠṽ. Bulu Ḑkokónṽ ᾧkṽle, butamapṽ ansibi wun fṽ. Fṽbṽ iṽbṽ bré fṽéé, fṽtamawú! Amen.”

¹⁸ Mí bí Timoteo, atṽ ámṽ Bulu léle súná tsṽ fṽ iṽwí ámṽ só nde mbla ánfṽ wa há fṽ. Pṽ asón ánfṽ yṽ agyómá, afṽpṽkṽ atosunáhé wankláán ámṽ nwunsṽ. ¹⁹ Kita fṽ hógýitṽ. Bwe tṽá fṽyin fṽ klṽntṽ ání iṽbṽ alé, tsṽfṽ akṽ babwé tṽá bṽyin ání ima alé. Mṽ sv ilahá amṽ hógýi lawú. ²⁰ Amótṽ akṽ gyí Himeneo mṽa Aleksandro. Napṽ amṽ wá Ḑbṽnsám iṽbṽtṽ. Ḑbṽtṽ amṽ iṽbṽ, ménṽ bébiá mehián ání fṽblí Bulu iṽwí abusṽsṽ.

2

Bulusúm Mbla

¹ Itṽá ndedunká ání mliḡyánkpa bwe gyí, mlikokoli Bulu ahá fṽé nwunsṽ, amlṽbṽ mpái ha amṽ. Mlikṽli Bulu atṽ há amṽ, amlṽda μṽ ipán ᾧhagyíṽha nwunsṽ. ² Ilehíán ání mlṽbwe mṽ alṽ há awíe pṽ ahande é, ménṽ asṽtṽ bólwií anṽ, abétsiá iwilwiitṽ, atalṽ sum Bulu ᾧkpagýíṽkpasṽ. ³ Inṽ bṽw alé, anṽ Nkpa Ḑhópṽ Bulu tekle nṽ. ⁴ Tsṽfṽ odekléá ᾧbṽῃ ahá fṽé nkpa, ménṽ bébi ᾧṽkwalṽ amṽ. ⁵ Bulu ᾧkṽkónṽ ᾧkṽle bṽ iṽbṽ. Nṽnṽ ᾧlapṽ ᾧkṽle pṽ é bṽ Bulu mṽa anyánkṽpṽsa nṽnṽ. Mṽgyí Kristo Yesu, ogyi nyankṽsa amṽ. ⁶ Molési μṽ nkpa há pṽῃῃ ahá fṽé nkpa. Asón ánfṽ Bulu lṽpṽhá ᾧyí fṽé mṽ bré wankláántṽ nṽ. ⁷ Ḑṽkwalṽ nde mli bláa, mmedé afunu wa. Inṽ só Bulu léle mí ᾧbéé, mbwéé μṽ asón ᾧkan ᾧdapṽ, μṽ sumbí ᾧyṽpṽ pṽ osunápṽ ha ahá ání bṽmegýi Yudafṽ, mí ambla amṽ ᾧṽkwalṽ asón tsṽ Yesṽsṽ hógýi iṽwí nṽ.

⁸ Ndekléá ᾧpasua kugýíkṽtṽ á, ayin ání amṽ iṽwí letṽn bṽtsúu iṽbṽ fṽa bṽ mpái. Ḑblṽ ntée nwéengýí mátsiá amótṽ. ⁹ Atsṽ ámṽ é budída tati ᾧkpa wankláánsṽ. Amṽ atṽ didáhé máwṽ ansibi. Bṽmádṽn imi bwe, wá sika atṽ, didá atatiá iṽbṽ ibiá dṽbṽ. ¹⁰ Atsṽá bṽe bṽtenyá Bulu ifú bṽbwéé yilé. Mṽ ᾧbéha bṽwa akíle nṽ. ¹¹ Ilehíán ání bétsiá asṽ díín, ba iṽwiasṽ súan atṽ. ¹² Mmṽkṽhá atṽ ᾧkpa mbéé, bṽsúna ayin atṽ, ntée bṽgyíí ayinsṽ. Mbṽún bṽtsiá díín. ¹³ Tsṽfṽ Adam Bulu légyánkpa bwé asa ᾧṽbwe Hawa. ¹⁴ Megýí Adam é Satan lémlé, mbṽún Hawa ᾧlemlé, ᾧṽkṽsṽ lí Bulu mblasṽ. ¹⁵ Táme Bulu ᾧbṽῃ ᾧtsṽ nkpa tsṽn ikwíṽsṽ. * Ní ᾧletalí kítá μṽ hógýi pṽ μṽ abadwṽtṽ, ᾧleha μṽ iṽwí letṽn, oletsíá nkpa é wankláán.

3

Ḑpasua Ḑhande Bwe

* **2:15** Tsṽn ikwíṽsṽ, ntée Tsṽn μṽ abi kwíhṽsṽ. Idesuná ání Tsṽn obíá ᾧtsṽ ámṽ ᾧbṽkwíṽsṽ, ntée tsṽn Yesu ikwíṽsṽ.

¹ Asón ánfí bu mótó. Ní ðha ðbwé agywun ání móbwe ðpasua ðhande a, alakle agyómá wankláán. ² Imehián ání ðlala bétsiá ðpasua ðhande iwí. ðbwéé ðka ðkule otsiápu, mu agywuntó da, otegyi iwísu, obú bu musu, ðtòhò afòó, otosúná ató é wankláán. ³ Ìmábwe nta ðbupó ntée ðhá ání ðbu iyin. ðbwéé ðhá ání ðleba iwíasi, mu asón lolwíí. Ìmábwe ðtrépu, ðmábwe kóba ðdwepu. ⁴ ðbwéé ðhá ání ðteki mu wóyísú wankláán, mu abí beba iwíasi, butobú mu ðkpagyíðkpasu. ⁵ Tsúfé ní ðha méyín mu wóyísú kí wankláán á, nkáli ðbétaí kí Bulu ðpasua ámu? ⁶ Ìmábwe ðhá ání ðledamlí klontó məkówá ðpá. Ní megyí alí á, íbéha mu obótsu iwí, Bulu ðbébutí mu ísu fé ðbunsám. ⁷ Iní féé ðma a, ilehián ání ahá ání buma ðpasua ámutó kóráá bétí mu idayilé. Ní megyí alí á, ðbékpa wíé ðbunsám yibitó sópa.

ðpasua ðhande ðbuápu

⁸ ðpasua ðhande ðbuápu é ðbwéé ðhá ání obú bu musu, ðma nnonyo, ðtamabú ntá, ðma sika ðnsípe. ⁹ Ilehián ání ðbékitá hógyí asón ámúú ðlalín ðwan ámutó wankláán, mu klun é méétrá ha mu ipón. ¹⁰ Mligyankpa pu agyómá íku wa mu íbitó, pusu mu kí beé ðlala ma mu iwí, asa amliha mu ðbwe ðpasua ðhande ðbuápu. ¹¹ Alí kén mu ka* é ðbwéé ðtsiá obú bu musu, ðtamablí ahá iwí asón laláhe, otegyi iwísu, ðbu ðnəkwalí tógyítótó ní. ¹² ðpasua ðhande ðbuápu ðbwéé ðka ðkule otsiápu, ðtetáí kí mu abí pu mu wóyísú wankláán. ¹³ Ahá butobú ðpasua ðhande ðbuápu ání ðtəyó mu agyómá wankláán. Itəhá mu ðtetáí tóí tsú mu hógyiá ðbu Kristo Yesutó.

Asun Nainhé Kpənkpaənkpaənti

¹⁴ Nde əwulú ánfí wanlín sísí fú, táme ndin ansí ání nókəsí ba ínu. ¹⁵ Mómú ní nde ðpá wa kóráá á, əwulú ánfí íbéha fébi tsiátó oduá ilehián ání ðha obétsiá Bulu wóyí, igyi Bulu ðkiankpa pu ðpasua ámutó. ðpasua ámu gyí ðtan pu ntswíasi kpékplékpeé há ðnəkwalí asón ámu ní. ¹⁶ ðnəkwalí, aní Bulusúm iwí asón ámúú ðlalín ðwan ámu lómoní. Mógyí, Kristo† léle mu iwí súná fé nyankpasa.

ðhe Wankíhé léle mu suná ání yilé ðbwepu ogyi.

Bulu-abəpu bowun mu,

ahá beba mu asón əkan súná əmá féé.

ðyító ahá bəhə mu gyi,

Bulu lótsu mu ya əsúsú numnyamtó.

4

Afunu Ató Asunápó

* **3:11** Mu ka ntée ðpasua ðhande ðbuápu tsihé † **3:16** Bulu bu nwuló dada amu akotó.

¹ Ɔηε Wankíhé amv lahíé lé blí ɔbée, bré tráhe amvto á, akv bési Kristosv hógyi. Béyaa asv nú afunu ɔηé asón pó ɔηε laláhe atosunáhé. ² Apinabwebí abwepó afunu ató asunápó anfi bogyi. Amó klvɔn tamatráa ha amó ipón.* ³ Amódé ahá hie beε, bukísi atogyihe kv, bumátsiá aká móa akúlu é ní. Táme Bulu onutó lóbwe atogyihe amv, ání ahógyipová babí ɔɔkwali amv budáa mv ipán, abogyi. ⁴ Tógyítá Bulu léle bv alé. Mó sv uma alá abékisi koku. Ilehían ání abóhɔ kugyíkv, dá mv ipán. ⁵ Tsúfé Bulu asón pó mpái ámóv anlabó wólí atogyihe amvsv amv lahá mó lamlí Bulu klé.

Kristo Osúmpó Wankláán

⁶ Ní ɔpó asón anfi tswi apió amv ansító á, fóbwe Kristo Yesu osúmbi wankláán ání bapó hógyi amvto asón, pó atosunáhé wankláán amv bólá fú, fɔde mótó. ⁷ Máyaa asv nú atsi dehen ɔte pó móa imotsú Bulu iwí. Mboún hie fú iwí, afvsum Bulu wankláán. ⁸ Tsúfé ní fúde nyankpɔsa ɔyólóv anfi hie á, labi kpalobí kv bv mótó. Táme ní ɔpó Bulusúm híe fú iwí á, íbv alé dvn. Tsúfé oyúla bv mótó há aní séi anfi anɔsie nkpa, pó nkpa ámóv íbéba amvto. ⁹ Asón anfi bv mótó, ilehían ání abóhɔ mó. ¹⁰ (Nkpa anfi só anidé iwí laláa yɔ agyómá ɔwvnlínsó), aní ansí dvn Bulu Ɔkiankparv, ogyi ahá féé Ɔlepó, títriu ahógyipv anfisv ní.

¹¹ Suna amó ató anfi, afvha amó abogyi mósó. ¹² Máha ɔhaa obu fú kebi. Mboún fú tóitv, fú nkpatiátó, fú ahádwe, fú Bulu hógyi pó fú iwítvɔn íbwéε atosuanhe ha amó. ¹³ Ní mlefia a, bɔ mbódí afvtsia kla Bulu asón suna amó. Da asón amv ɔkan, afvsuma amó ató alu yófvɔn bréá néba. ¹⁴ Mákiná Bulu atokiehé ámóv ɔlɔpvhá fú tsvɔn mv ɔnósó atóipósv, bréá ɔpasua ahande bɔpv íbí dínká fósó amv. ¹⁵ Tsia bwe íni aná, afvsv iwí ha mó, méní ahá bóvwun ání fúde nkpa yɔ. ¹⁶ Tsia kv fú tsiátó pó atosunáhé amv. Tomi bwe mó alí, méní fóhɔ fúa asón amv anupó nkpa.

5

Tóá Abóbwe Há Ahógyipv

¹ Mákplvɔn wa oyin dehen. Mboún tɔi bla mv asón fé fú sí. Kita nyasubi amv fé alá fékítá fú apio yinhé. ² Kita atsi dehen amv fé fú yín, afukita mbitebí amv é fé fú apio tsihé. Máwa amó mba.

³ Ɔpasua amv bukí asvrapová buhíé bvma ɔbvápɔsv. ⁴ Táme ní ɔsvrapv ɔkv bv abí ntée aná á, ha amó abvbi tóá ilehían ání bégyankpá bwé há amó akwíipó ntée amó aná Bulusúm ɔkpasv, pvka amó akɔ. Mógyí amósó kv, tsúfé mótegyi Bulu ansí ní. ⁵ Ɔsvrapová ɔhíé ɔma ɔhaa tɔpó ansí dínká Bulusv, tsíá

* 4:2 Amó klvɔn labwé fé tóá bapó dátv wá ogyá, lé tó mó.

bə mpái əpa onyé, kólí Bulu tóá ide mu hián. ⁶ Ɔsurapvá mu kle gyí nkpagyí kotóó mú lawú asa əna əyító. ⁷ Bla əpasua ámu asón áñfi, méni əhaa méebli əsurapu əkuku iwí ason laláhe. ⁸ Ní əku méki mu abusuanfəsu, títriu mu wóyító ahásu á, múmú aladámlí əma há hógyi amu. Iní su mu lakpan dən əhá ání əməhə Bulu gyi.

⁹ Ɔsurapu oduá mu idá bétsiá asurapu adá əwolótó gyí, əsurapvá alahə tsú nfi aduesie púya, ələwa ənəkwali há mu kulu.* ¹⁰ Ɔbwéə əhá ání ahá buyin ání ələbwe yilé, fé abísúki, afəóhə, olosúm Bulu ahá,† ətəbúa ahá ání bude iwíəsin wúun, ələbwe agyómá wankláán kugyíku.

¹¹ Máwanlín asurapvá bəməkúdan adá wá əwoló ámuə, tsúfé ní amú əwólí ihá amú ələbwe agywun ání bəlatsiá akúlu a, bəmétrá talí súm Kristo ənəkwalisu. ¹² Iní ibéha bégyi pón, tsúfé batón amú ntam ání bəka há Bulu. ¹³ Ɔma a, butebí əwoliyo wa, yintá bré náti kí ahá wóyító. Megyí əwoliyo wule, butemlí ahá iwí asón ablípó, náti wá ənó ahá asóntó, blí asón ání imehián ání bébli. ¹⁴ Iní su ndekléa asurapu amú bəməkúdan amu bəwúna tsia akúlu kwí abí, abuki amú wóyísó, méni bəmécha aní alupú‡ əkpa abubli aní iwí ason laláhe kuku. ¹⁵ Nde asón áñfi blí, tsúfé asurapu aku badámlí yó bəbuo Ɔbunsám dodo. ¹⁶ Ní Okristoyintse əku bu asurapu mu abusuantə á, əkú amósó. Ɔmási amú tswí əpasua ámuə, méni əpasua ámu bénya əkpa kí amúá buma əhaasu.

¹⁷ Ilehían ání əpasua ámu bəka əpasua ahandeá bude amú kpa akə wankláán, wá amú numnyam. Títriu amúá butəbó mbódí Bulu asón ámu əkanda pú mú suná iwí. ¹⁸ Tsúfé Bulu ason wanlínhé amu ilebli əbéə, “Butamawá ənantswieá əde ayó da ənó ikan.”§ Uetrá blí əbéə, “Agyómá əyəpó buteká ikə.” ¹⁹ Ní əku ədá əpasua əhande asón súná fú á, máhə mú, nkéti fanú mú tsú ahá abanyó-abasá ənó asa. ²⁰ Wa iyin wa əhande ámuə əde laláhe bwe ámu əpasua ámu ansító, méni atráhe bénya ifú.

²¹ Nlí Bulu muə Kristo Yesu pú Bulu-abəpu ání alalé ansító, nde fú hie mbéə, fugyí asón áñfisu wankláán. Máki əhaa ansító ntée fúti fitátə kí. ²² Mákəsí tsíá yái əha əpasua əhande. Máwa ibi əha bambá lalahəbwetə. Ha fú iwí itin brégyibré.

²³ Fú əmétó ilo ámu su mátsiá nu ntsu wule, tsia nu ntá kpalobí-kpalobí.

²⁴ Aku lakpan menjaín. Mú su butəkósi wun mú bití amú isu. Aku klé é lenjaín, əma asa itelun əwan. ²⁵ Alí kén yiləbwe tamanjaín ní. Ní iməkəsí lin əwan kóráá á, itebelun əwan əma.

* **5:9** Ɔsurapvá əməkúkiná okúlu kí. † **5:10** olosúm Bulu ahá ntée ətəfwí ahógyipu ayabiasí. ‡ **5:14** Ntée olupú § **5:18** Deut. 25:4. Mú así gyí, “Butamalé əkwén pú ibi tsísi əsolótə.”

6

¹ Ilehían ání nkpábiá búbu ɔpasua ámɔtɔ béhiε bú amú awíε, méní ɔhaa mɔ́ɔkpɔ́í Bulu mva aní atosunáhé amú. ² Ilehían ání amóá amú awíε búbu ɔpasua ámɔtɔ bóbu amú awíε amú ðn. Séí kóráá ilehián ání bóbu amú ðn ní, tsúfé ahógyipɔ búgyi, búɔɔwé amú é.

Afunu Atosunáhé Pó Atonyahé Onutó

Iní aná gyí tóá fɔsúna amú, afɔwa amú atetɔ-ɔnlɔn abúbwε ní. ³ Ní ɔku lósuná atɔ laláhe kv, móa aní Wíε Yesu Kristo asɔn blíhé pó Bulusúm atosunáhé amú imená á, ⁴ idesuná ání ɔhá amú dé iwí tsu. Omeyín tɔtɔ, nwéenkpanyí labólá mɔtɔ. Múá itedáli tsu mótó gyí ɔnsípe, itré, isia pó agywɔn laláhe. ⁵ Asón ání imedéhián iwí nwéen ahá ánfí odu bútenátí gyí. Amú agywɔn lawú, bútamablí ɔnɔkwali. Amú odu bútosúsu ání Bulusúm igyi ɔkpa kvá fɔtsɔn mósú nyá iwí.

⁶ Labi kpɔnkpɔntí bɔ Bulusúmtó ní tóá aníbu yaí legyi aní ansí. ⁷ Tsúfé anímópu tɔtɔ ba ɔyító, aníméetalí pó tɔtɔtɔ é náti. ⁸ Mú sɔ ní aníbu atogyihe pó atɔ didáhé a, mliha mú kpán igyi aní ansí. ⁹ Ahá ání bútekleá bonyáa ató á, íbwébwééíbwé bútekpá wíε ísókí pó ayibitɔ. Amú mimlála tekpá amú yówie iwíɔsɔn móa lalahetɔ, hí amú. ¹⁰ Tsúfé kóbadwε tópu lalahε kugyíkɔ ba. Mú ɔma akɔ bagya alí, bafwí dalí hógyi amú, ílahá amú búde awírehɔ tsɔtsɔtsɔ gyí ní.

Paulo Asón Tráhe

¹¹ Timoteo, fɔ mú á, Bulu ɔha fɔgyi. Mú sɔ ha íní aná íwa ífó fú wá. Hiε fú iwí, afúbwε tóá ída ɔkpa. Bɔ mbódí afúha yilébwε, Bulusúm, hógyi, ɔdwε, klɔnya pó iwíɔsɔbá itsía fútó. ¹² Kɔ hógyi íkó wankláán amú. Fú íbí béda nkpa amúú itamatá, Bulu obékie aní mú ɔma amú. Nkpa ánfí só Bulu létí fú ní. Mú sɔ fobwíí ɔnó ahá tsɔtsɔtsɔ ansító, gyí fú hógyi iwí adánsiε ní. ¹³ Nlíí Bulu, ogyi tógyító nkpa ɔhapú mva Kristo Yesuá olegyi iwí adánsiε wankláán Pontio Pilato ansító, ndε fú hiε, ¹⁴ mbéε, fókíta mbla ánfí féétó wankláán. Mási mótó kpéfɔn ekeá aní Wíε Yesu Kristo ɔbéle iwí ɔwan. ¹⁵ Bulu ɔkukónó ɔkule amú ilehián ání abékanfó. Mú nkole pé gyí Otúmípu, awíε féétó Owíε. Mú ɔbéle Kristo súná bré wankláán amúú mɔ onutó ɔlehíε yáí amú. ¹⁶ Mú nkole pé tamawú, otsiε ɔwankíkpá ání ɔhaa tamatálí kpókpe mánta mɔ. ɔhaa mókówun mɔ kí, ɔhaa móowun mɔ é ekekeεke. Mú kle gyí obú móa túmi bré féé! Amen!

¹⁷ Bla ɔyí ánfítɔ iwí anyapú féε, búmátsu iwí. Búmápu ansí dínká kóba aní íméetsiá yó ánfisɔ. Mboún búpúú ansí dínka Bulusú. Mútéhá aní tógyítóá abóponyá ansigyí ɔyí ánfítɔ. ¹⁸ Bla amú féε, búpúú amú kóba bwε yilé, amú yilébwε imoni. Busánkí

ibitɔ abukie ató. ¹⁹ Ní bɔde íni bwe á, bɔde atonyahé yaí há bré ámúú íbá ámú. Amú íbɔ bédá nkpa onutó ámú.

²⁰ Timoteo, kítá itó ámúú Bulu lahá fú ámú wankláán. Asón ání íma asi, imosuná Bulusúm mádalí fú onó. Máwa íwɔ mimlá nwéengyí ání ítamasúná Bulusúmtó. Akɔ bɔtɔwá afunu bɛɛ, asónbɔ igyi. ²¹ Tsúfɛ akɔ batsɔn músú sí Kristosɔ hógyi.

Bulu ogyíi mlí bɔale.

Ἰωυβλό Νυῶσιά Paulo Λῶwanlín Sísi Timoteo

¹ Μί Paulo μύ ά, Bulu apé su ngyi Kristo Yesu sumbí ὄγρῶ. Ἰῶwa mí ὀβέε, nyéda nkpa áμῶύ ὀlehie tson Kristo Yesusu ámu ὀkan.

² Μίδέ ὀωυβλό άνfi wanlín sísi fú, mí bí ὀdwepó Timoteo. Aní Sí Bulu mva aní Wíe Kristo Yesu ὀwúun fu nwe, abugyi fu buale ha fú iwilwii.

Ἰpánda Pú Ateto-anlin Wa

³ Νεδά Bulu Ἰpán. Μυ ndepu klon άνί Ἰmedé mí Ἰpón ha súm, fé mí anáin. Timoteo, ní nde mpái ὀ ὀpa mva onyé ά, ntekáin fúsó brégyíbré. ⁴ Νί nekáin ntsúá felun bréá ndenatí sí fúsó a, ntekleá nówun fu, ménι ansigyí bóbulá mító. ⁵ Ntekáin hógyiá fobu ὀnkwalsu. Hógyi άνfi odu légyankpá tsíá fú ná Loitῶ ní. Ἰetrá tsíá fú yín Eunike étó. Nahogyiá mú odu bu futῶ ní. ⁶ Ἰnι su nde fú kaín άνί fuháa Bulu atokiehé áμῶύ ὀleha fú bré áμῶύ nῶpu Ἰbι dínká fúsó ámu ὀnó Ἰwa ogyá tsíá mútó. ⁷ Tsúfé Bulu méha aní ὀηέά abῶpnyá ifú, mbouín múá Ἰtehá aní túmi, ὀdwe pú Ἰwisugyí.

⁸ Μύ su máha aní Wíe asón ámu blí Ἰwa fú péli. Máha mí obudí é Ἰwa fú péli. Mbouín wa klon Bulu túmitῶ, afotsula wun Ἰwῶsun άνί Ἰlehián ason wankláán ámu su. ⁹ Bulu lóhῶ aní nkpa. Ἰletí aní ὀβέε, abémlí mu aha wankihé. Megyí tῶtῶ anlóbwe su. Mbouín igyi tῶá mu onutó ὀlbwe agywun άνί ὀbóbwe asa ὀyí lebelun. ὀβέε, ὀbῶwa awitῶle há aní, dwé aní tson ania Kristo Yesunyῶ Ἰkulebwe su. ¹⁰ Táme séi ά, Bulu lalé mu awitῶle amu ὀwan tson aní Ἰhῶpu Kristo Yesu Ἰbásu. Μuléyintá lowu túmi, ὀlele nkpa άνί Ἰtamatá ὀwan súná aní tson ason wankláán ámu su.

¹¹ Bulu layái mí mu ason wankláán ámu ὀkan ὀdapó, mú sumbí ὀγρῶ pú mú osunápó. ¹² Μύ sú nde Ἰwῶsun άνfi odu wúun ni. Táme mmedé péli nya, tsúfé nyin ὀhá άνί nahogyi. Nyin άνί ὀbétalí gyo Ἰtῶ áμῶύ ὀlῶpuwá mí Ἰbitῶ ámu Ἰwι alu yῶfun mu ὀbáke. ¹³ Kíta ὀnkwali asón áμῶύ nosuná fú ámῶtῶ. Yῶ mósó afuhῶ Kristo gyi tsia. Dwe fú aba, tsúfé fῶa Kristo Yesunyῶ mlulabwé kule. ¹⁴ Ἰηe Wankihé áμῶύ ὀbu anitῶ ámu ὀtsáa fú, afotali gyo Ἰtῶ wankláán áμῶύ ὀleha fú ámu Ἰwι.

¹⁵ Fuyin άνί ahá áμῶύ ὀbubu Asia, Figelo múa Hermogene ὀbubu amótῶ amu féé banátí sí mí. ¹⁶ Aní Wíe owúun Onesiforo wóyítῶ ahá nwe, tsúfé mulétsiá wá mí ansigyí. Omenya mí obudí péli. ¹⁷ Bréá ὀleba Roma wúlutῶ ά, olodunká mí kpéfun bréá olowun mi. ¹⁸ Aní Wíe owúun mu nwe mu ὀbáke amu! Fuyin aliá ὀlbubá mi nkpa tsῶtsῶtsῶsu Efeso wúlutῶ.

2

Isá Okópú Wankláán

¹ Iní sù mí bí, ha Bulu awítale amúú òlòpòtson Kristo Yesusu ámu ɪwa fú ɔwónlín. ² Pù asún amúú nẹblí, fonu ahá tsòtsòtsò ansító ámu wa ahá ání búbu ɔ̀nòkwali ɪbítò, méní amú é bétalí súná aha bambá.

³ Tomi afòwun ɪwɪɔsin amúú anídéwúun amu, fé Kristo Yesu isá okópú wankláán. ⁴ Isá okópú okoku tamatráa kí ɔma, tsúfé odekléá obégyi mu ɔhande ansí. ⁵ Alí kén ɔsrí otsiípú okoku tamanyá ɪsugyí atokiehé, nkéti alagyi ɔsrí amu mblasu ní. ⁶ Ɔ̀dòtòpá ɔbu nsi tégyankpá dá atò pòpwe ɔ̀nó. ⁷ Gywun asún ánfí nabláa fú ánfí ɪwɪ. Aní Wíe é ɔ̀béha fónu mú féé asi.

⁸ Kain Yesu Kristo, Owíe Dawid mu na ámuṣu. Mu Bulu lókúṣá tsu afúlító. Múgyí asun wankláán amúú ndẹblí ámu ní. ⁹ Asún ánfí sù nde ɪwɪɔsin wúun, bawá mí íkan fé lalahé ɔ̀bwepú ní. Táme bumòkúwá Bulu asún ámu mú íkan. ¹⁰ Ahá amúú Bulu lalé ámu sù natomi ɔ̀kpagyíòkpasù nde ɪwɪɔsin wúun, méní Bulu ɔ̀bòtsun Kristo Yesusu hò amú nkpa, amú ɪbí bédá numnyam amúú itamatá ámu. ¹¹ Asún ánfí bu mótó.

“Ní ania munnyò awú á,
ania munnyò obétsiá nkpa.

¹² Ní atomi wun ɪwɪɔsin á,
ania munnyò abégyi iwíe.

Ní akíná mu a,
mu é obékiná aní.

¹³ Ní anumá ɔ̀nòkwali a,
mu mú á, ɔ̀nòkwaliṣu ogyi,
tsúfé ɔ̀tamatú atsonó tswi, lápó mu ɔ̀dandu tsú mú
ekekekeke.”

Agyómá Ɔ̀yòpá Olegyi Bulu Ansí

¹⁴ Tsia kain amú asún ánfí. Tòí kpla amú Bulu ansító fée, bumátsiá tré asúnṣú. Labi koku ima mótó, tsúfé mú odu abwepú butehí. ¹⁵ Bò mbódí afùhò idá Bulu ansító, fé agyómá ɔ̀yòpá mu agyómá ma mu péli, otosúná ɔ̀nòkwali asún ámu wankláán. ¹⁶ Asún ání ima asi, imosuná Bulusúm mádalí fú ɔ̀nó, tsúfé itehá ɔ̀ha mu Bulunyo nsiné tówá ífó. ¹⁷ Alí amúú ɔ̀lò tekléí ámu a, alí asún ánfí ablípú asún é tekléí ní. Amú aku gyí Himeneo mu Fileto. ¹⁸ Bafwí dalí ɔ̀nòkwali ɔ̀kpa ámuṣu yó budebli beé, kúṣú tsú afúlító laba bòtsun, bude aku hógyi yintá. ¹⁹ Táme ntwiasí amúú Bulu lówa há hógyi amu ɪlí kinkínkín. Asún ání bòwanlín dínká ntwiasí ámuṣu gyí, “Aní Wíe yin ahá ání bugyi mu kle.” Nyòṣí é gyí, “Ɔ̀hagyíɔ̀ha ání ɔ̀teti mu ɪwɪ ɔ̀bée Okristoyin a, osí lalahé bwe.”

²⁰ Megyí sika pèpè múa sika futútú atò pé tetsiá wóyí yilétó. Oyí múa ɪsɪ ató é tetsiá ɪnu. Butobú ɪku dun ku. ²¹ Ní ɔ̀ku ɔ̀lé mu ɪwɪ lé lalahébwetò á, Bulu telé mú yáí. Alabwé ɔ̀há ání alasi

iwɪ há, ɔbu labi, mu Wie Bulu ɔbɔpu mu gyi gyoma wankláán kugyíku. ²² Inɪ su le fú iwɪ tsu nyasubi mɔ́a mbitebí mbagyító. Fówun fóa ahá ámúú butɔpú ɪklɔn wankíhé kpólí Bulu ámu ansí bédinká yilébwe, hógyi, ɔdwe pú iwilwiisu. ²³ Le fú iwɪ tsu nwéengyí aní ima labi, itɔ wankláán kuku méedalɪ tsu mótótó, tsúfé fuyin aní itré pé itetí. ²⁴ Ima alá anɪ Wie osúmpú ɔbɔbwe ɔtrépu. Mboún ilehián aní ɔbɔwa awɪtɔle há ɔhagyíɔha, ɔbɔbwe osunápú wankláán, otenyá klɔn há ahá aní amú asón bu ɔnlɪn. ²⁵ Ilehíán aní obénya klɔn tóí kplá ahá aní butɔkúsú líí Bulu asón ámuɔɔ. Fíalɪ Bulu obówun amú nwe, há amú bédamlí klɔntɔ, bí ɔnɔkwali amú, ²⁶ iha amú ansí ɪba asi. Fíalɪ ɪbéha amú bédalɪ tsu ɔbɔnsám amúú ɔbéé bɔgyíi mu asónsú, abubwe mu apé ámu ayibitɔ.

3

Nke Tráhe Amú ɔ Asón

¹ Táme mí bí Timoteo, bí aní ɔyítɔ bɔwa ɔnlɪn nke tráhe amú. ² Tsúfé ahá bɔbwe awɔnsípú, bɔbwe kɔba adwepú. Bóhɔ amú iwɪsu gyi, bótsu iwɪ, bésia ahá, bómóonu amú akwípú asón, bóméeyi ahá ayɛ, amú iwɪ méetin, ³ bómóɔdwe ahá, bóméesi asón kíé, bɔbwe ahá iwɪ asón ablípú, bóméetalí gyi iwɪsu, bɔbwe awuntɔlnpu, bómóɔdwe itɔ wankláán kuku. ⁴ Béle ahá há, bómóosusúu asón iwɪ, békɪ amú iwɪá buɔɔn ɔhagyíɔha, bódwe ɔyítɔ ansigyí sí Bulu. ⁵ Bɔbwe iwɪ fé Bulu buɔdesúm, táme békiná mu túmí. Le iwɪ le ahá ánfɪ oduɔ. ⁶ Amú odu butebítíwíé ahá wóyítɔ, dámlí atsiá amú ansítɔ ma ɔnlɪn agywɪun. Atsi ámu odu á, lakpan lamli amú atɔ suráhé, ɔwólɪ laláhe labólá amótó. ⁷ Butekléá bónu ɔhagyíɔha atosunáhé, táme bóméetalí bí ɔnɔkwali amú ekekeke. ⁸ Alɪ amúú Yane muɔ Yambre bɔkusú líí anɪ náin Mosesu ámu a, alí ahá ánfɪ é bakúsú líí ɔnɔkwali asón ámuɔɔ ní. Amú agywɪun lawú. Hógyitɔ é á, buma ɔlíkpa. ⁹ Táme bómóɔɔ nkpá ɔn alɪ, tsúfé amú mimlá béliɔn ɔwan, ɔhagyíɔha obówun. Alí ɪba Yane muɔ Yambresu ní.

Paulo Asón Tráhe

¹⁰ Timoteo, fú mú fuyin mí atosunáhé féé, mí tsiátó, tóá ɔkpa nya, mí hógyi, mí ɪklɔnya, mí ahá iwɪ ɔdwe pú alíá notomi wun ipian, ¹¹ alíá ahá bédinká mísú pú mí asón wunhe. Múá ɪba mɪsu Antiokia, Ikonion pú Listra ɔmátó. Notomi, anɪ Wie léle mí tsú mú féétó. ¹² Léle mú á, ɔhagyíɔha aní odekléá obóbuo anɪ Wie Kristo Yesu, ɔbwéé Bulu apé á, ahá butédinká muɔ. ¹³ Táme aha laláhe pú ahá asísípu mú á, bóyɔ amú lalahɛbwesɔ ɔn alɪ. Bénatí mlé ahá, ahá é bémlé amú. ¹⁴ Táme fú mú á, kítá fú ɔnɔkwali amúú fakásí, fú onutó fahɔ músú gyí amú kinkíinkín, tsúfé fuyin ahá amúú bosuná fú atɔ ámu wankláán. ¹⁵ Tsú fú nyebitɔ ɔpá febí Bulu asón wanlínhé amú. Mú ɔbétalí há fú nyánsa fɔpuhɔ Kristo Yesu gyi nɪ. Mú su Bulu ɔbóhɔ fú

nkpa é ní. ¹⁶ Bulu asón wanlínhé ámu fée itsú Bulu onutó wá. Ibo aláá b́pwsúná ðha, ṕkíná asón há ðha, ṕtswí ðha, ṕbólá ðha, íb́éha yilébwe b́mantá mu, ¹⁷ méní íb́éla Bulu ðha b́wé wankláán, ðb́fón ha gymagyihe wankláán kugyiko.

4

¹ Nlí Bulu muva Kristo Yesuá ðbéba begyi akiankparu ṕ awupó asón, obébegyi iwíe ansító, nde f́ ólá da mb́éé, ² f́d́áa Bulu asón ámu ðkan. Ní f́b́u ðkpa o, f́ma ðkpa o, mási mú blí. Nya klón af́tswii amó. Kina asón ha amó. Wa amó atet- ðnlín, af́suna amó atosunáhé wankláán ámu. ³ Tsúf́é bré kv íb́á, ahá b́ḿétrá ya asu nú atosunáhé wankláán ámu. B́bwe t́á íletsíá amó, náti d́nká ató asunápó oduá b́suná amó t́á b́dekléá b́onu. ⁴ B́kiná ðnkwali asón ámu yóbuo ðe. ⁵ Táme f́ó mú á, ha f́ó ansí íba así ðkpagyíðkpasu. Tomi af́wun íwíwsun. Bli asón wankláán ámu wankláán, af́bwe agyómá amó Bulu ĺéha f́ó ámu ḿa ðnó.

⁶ Mí mú á, bré lafón aní b́ṕu mí obugya ẃĺi así f́é ntá há Bulu f́é af́dié-abótó. Mí lowu lafón. ⁷ Nakó íkó wankláán ámu tá. Natsíí ðsríu amu é tá. Nakítá h́gyi amótó ḱnkíínkín. ⁸ Séi á, t́á ída gyo ḿi gyí íswgyí atokiehéá Bulu t́ṕhá ahá aní babwé yilé, aní Wíe Yesu, ogyi asón ogyípó ðnkwaliwu amu ðb́ṕhá mí eke yilé amó obéyinkí ba amu. Táme megyí mí nkule ðb́bwe íni há. ðbéha ahá amó b́de mu yinkí bá ðkpa kíu amu é f́éé.

Paulo Onutó Iwí Asón

⁹ B́ mb́dí af́ḱsí ba mí wá, ¹⁰ tsúf́é ðyító ató de Dema ansigyí wa. Mú su alayinkí mí ðma, náti ðyó Tesalonika ẃlutó. Kreske ðyó Galatia, Tito é ðyó Dalmatia. ¹¹ Luka nkule bu mí wá nfi. Mú su ní f́ebá á, kpa Marko buo íwi, tsúf́é ðtetsá mí agyómá yó. ¹² Nawá Tihiko sísí Efeso. ¹³ Tsu mí ligá ṕ mí nwló amó nesi tswí Karpo wá Troa ẃlutó ámu ba ḿi. Mátan nwló amó idín nwló-kpákpásó amu ésó.

¹⁴ Ḱóbrí ató ðbweṕ Aleksandro ĺṕu lalahé kv gyi ḿi. Iehan ḿi wankláán. Aní Wíe ðbéka mu íkó. ¹⁵ Kí f́ó íwi wankláán mwsu, tsúf́é ðkwsó lí aní asón blíhé f́éésó.

¹⁶ Bréá ahande beha beé nlée mí ðnó á, ðhaa ḿlí mí ðma. Amó f́éé besrí sí mí. Bulu osíkíe amó. ¹⁷ Táme aní Wíe ĺlí mí ðma, ðlwa mí ðwónlín. Mú su netalí bláa amó asón aní nde f́éé, méní ahá aní b́megyí Yudafo f́éé b́onu. Alí Bulu ĺpólé mí tsú lowutó ní. ¹⁸ Aní Wíe ðbéle mí tsú lalahé kugyíkútó. ðbékpa mí ṕt́o alu yówie mu ðsúsó iwíegyí amótó. Numnyam íbwéé mu kle bré f́éétó. Amen.

Iklá

¹⁹ Néhá Priska muva mu kulu Akwila ṕ Onesiforo wóyító ahá f́éé itsíá. ²⁰ Erasto lésin Korinto ẃlutó, Trofimo é délo. Mú su nesi mu yái Mileto ẃlutó. ²¹ B́ mb́dí af́ba asa atsalíbí ífón.

Eyubulo mva Pude, Lino mva Klaudia pú apíó ámo fée behá fú
itsiá.

²² Aní Wíe okpáa mlí, ogyi mlí bvalé.

ᾠωυλόά Paulo Lówanlín Síσί Tito

Itsiáha

¹ Mí Bulu osúmbi Paulo, ngyi Yesu Kristo sumbí ᾠωυπό dé ᾠωυλό άνφι wanlín.

Bulu léle mí ᾠβέε, mbeha ahá áμύύ alalé áμυ abutra nya hógyi tsia. Mí ansuna amó abubú ᾠᾠkwaliá íbéha amó bétsiá tsiátóá ilegyl mυ ansí. ² Fówun íha amó abudínka ansí nkpa ání ítamátós. Bulu tamawá afunu! Múléhíe mó yáí asa ᾠyí lebelín.

³ Aní Nkpa ᾠhόpu Bulu léle mυ asón άνφι ᾠwan mυ onutó brétó, ᾠᾠpuwá mí íbitó ᾠβέε, ndáa mó ᾠkan.

⁴ Nde ᾠωυλό άνφι wanlín síσί fó Tito, ání fógyl mí bí onutó Kristo hógyi amotó.

Aní Sí Bulu mva aní ᾠhόpu Kristo Yesu bogylí fu buale, abvha fó íwilwii!

Tito Gyumagyihē Kreta

⁵ Tóá svá nesi fó yáí Kreta ᾠmátó gyí alíá fómᾠ aní agyómá ᾠnó íny, yáí ᾠpasua ahande wúlugylwúlusυ fé alíá nebláa fu.

⁶ Imehián ání ᾠlala bétsiá ᾠpasua ᾠhande íwi. ᾠbwéé ᾠká ᾠkole otsiápu, mυ abí bogylí ahógyipυ. Bvbúu ató; bvmábwe nyebí laláhe. ⁷ Iníá Bulu agyómásó ᾠpasua ᾠhande amυ dékí sv á, ᾠlala mátsiá mυ íwi. ᾠmábwe ᾠhá ání ᾠtamahᾠ ahá asón, ntéε ᾠᾠkósí nyá ᾠbló, ntéε ᾠᾠbó ntá, ntéε otekle íkó ntéε ᾠbu sika ᾠnsípe.

⁸ Mboun ᾠbwéé ᾠhá ání ᾠᾠhᾠ afóó, ᾠᾠbwé yilé, ᾠbu nyánsa, mυ asón da ᾠkpa, mυ íwi létín, otegyi íwísv. ⁹ ᾠbwéé ᾠhá ání asón áμύύ bosuná mυ amυ íbu mótó. Ilehíán ání ᾠbékítá mótó kinkíinkín, méní ᾠbétalí há ahá bóbuo atosunáhé wankláán ámυ, tálí gyi ahá ání bégyi atosunáhé amυ nwéεn éśó.

¹⁰ Tóá svá nde íní blí gyí, ahá tsotsᾠtsᾠ bakósó líí atosunáhé wankláán ámυsv, bυde asón ání íma labi pumlé ahá. Títriu ketétín mblassυ agylpó amυ dé íní bwe ní. ¹¹ Ilehíán ání mléka amó ítin, tsúfé bυde atóá imehián ání bosunátó. Iní lahá abusuan tsotsᾠtsᾠ bafwí ᾠkpa. Bυde mó bwe é púdúnká sika ᾠkpa laláhesυ tsú ahá wá. ¹² Kretafᾠ ámυ onutó yébi ᾠhapó ᾠku kóráá léblí ᾠβέε, “Afunupu, mbwikítá-ató, apotsuapu pó awulhyapó Kretafᾠ bogylí.” ¹³ ᾠᾠkwali asón άνφι gyí. Mó sv kina ha amó kinkíínkín, méní amó Kristo hógyi ᾠnó bówa ᾠnlín. ¹⁴ Abusi Yudafᾠ ᾠte nu, si ahá áμύύ bakíná ᾠᾠkwali amυ atosunáhé éśó gyí. ¹⁵ ᾠhá ání mυ íwi létín Bulu ansító á, tógyító íwi létín ha mυ. Táme tᾠtᾠ íwi métín ha lalahé ᾠbwepóá ᾠtamahᾠ Yesu gyi. Léle mó á, mυ agywun layíntá, mυ klbn é ílasí mυ ípón ha sv ᾠtamabí yilé ntéε lalahé. ¹⁶ Bᾠᾠpó ᾠnó blí beε buyin Bulu,

táme amó bwehé losuná ání bomeyín mu. Bubu Bulu nyányáa, butamabú mu, butamatáli bwé ito wankláán kuvukvu é.

2

Atosunáhé Wankláán

¹ Táme fú mú á, suna amó tóá ilekanáa atosunáhé wankláán ámu. ² Suna ayin dehen amó abugyi iwisu, abubwe ahá ání obú bu amósó, butegyí iwisu. Buhíe kita amó hógyito kinkíinkín. Budwée ahá wankláán, abuhie tomi. ³ Suna atsi dehen é abotsia tsiátóá ilekanáa Bulu osúmpó. Bumábwe ahá iwí asón ablipó, ntéé ntakpan anúpu. Mboún busúna tóá ibu alé. ⁴ Amó atosunáhé iha mbitebí ámu abudwe amó akúlu pú amó abí. ⁵ Buggyí iwisu, abuha amó iwí itin. Bubwée atsiá buteki amó wóyísó wankláán, butóbwe yilé, butobú amó akúlu, méní ohaa móakpói Bulu asón ámu.

⁶ Tái kpla niasubi é abugyi iwisu tógyítóá bóbweto. ⁷ Fú onutó é bə mbódí afule tsiátó wankláán suna, fú bwehé kugyíkoto. Ha fú ansí ipe, afusuna onakwali asón ámu tsu fú klonto. ⁸ Suna onakwali amó, méní ohaa méetalí kusó líí fú atosunáhésu. Fówun péli békítá fú alupó, ní bumenya olala blí tsú aní iwí.

⁹ Suna nkpábi é abubu amó awíe okpagyiokpasu. Bubwée tógyító igyi amó awíe amó ansí. Bumátsiá lé amó asón onó. ¹⁰ Bumáwi amó awíe, mboún buwáa onakwali ha amó tógyítótó, méní amó bwehé béha ahá ansí bégyi aní nkpa Ohópu Bulu atosunáhé amó iwí.

¹¹ Tsúfé Bulu lalé mu awitole owan. Mógyí, odekléa obóho anyánkpósa féé nkpa. ¹² Mu awitole amó ilasúná ání ilehián ání abési lalahé bwe, sí aní owóli lalahé omagyáa, gyi iwisu, bwé yilé, aní asón igyi mu ansí oyí ánfito. ¹³ Bré ánfí anidé okpa kí há eke yilé amóú Bulu Okpankpani, ogyi aní Ohópu Yesu Kristo obéle mu numnyam owan ánfí. ¹⁴ Muloťsulá bəmə mu aní su, méní obéle aní tsú lakpan kugyíkoto. Otin aní iwí, pu aní bwe mu onutó ahá, aní ansí ipe yilébwesu.

¹⁵ Suna ínı aná, afotai kpla amó abugyi mósó. Fubu okpa wá iyin wá amó, ní bumedébi bwé. Máha ohaa oki fú ansító kótíkótí.

3

Okristoyin Tsiátó

¹ Tsia kain amó abuba iwiası ha omá akpapó, abugyi ahande mblasu, abubu amó. Bukú ání bóbwe tóá igyi yilé brégyíbré. ² Bumáblı ohaa iwí ason lalahé, bumágyi nwéen é. Mboún bubwée ahá ání bolwiı, abuba iwiası ha ohagyíoha. ³ Tsúfé bré ámu a, aha mimláhe anı é anıgyı. Asoto lówa anı onlin. Anılófwı, mlı nkpábi há owóli lalahé pú atóá itowá oha ansıgyı. Anıleyintá bré súsı lalahé múa tóá ide anı ansı pe iwı. Ahá bolu anı, anı é anılólu amó. ⁴ Táme anı nkpa Ohópu Bulu

léle mu awitole pú odweá òbù ha aní òwan. ⁵ Òlele aní, táme megyí yilé kòkò anúlòbwe sù, mbóun mu nwewúun sù. Òlòtson Òye Wankíhé amòsù fwí aní lakpan lé anisù, òlèlakwí aní, há aní nkpa pòpwe. ⁶ Òlòtson aní Òhópù Yesu Kristosù, tséí Òye Wankíhé amù wólí anisù. ⁷ Òlòbwe aní alí, méní òbówa awitole há aní, tsú mó ání aní asón da òkpa, fówun aní ìbì bédà nkpa ání itamatá ámóú anidé mó òkpa kí amù. ⁸ Asón ánfì bù mótó.

Yiri iwí afòsuna mó wankláán, méní ahá ámóú amó ansí òn Bulusù ámù bétsiá bwé yilé brégyíbré. Mógyí tóá ìbù alé, ìbówa labi há òhagyíòha ní. ⁹ Mápù iwí wá mimlá nwéengyí, anáin ìlínò kláa, pú mbla ámù iwí ìtrétó. Labi ma mótó kugyíkòtò. ¹⁰ Tòì kpla òhá ání òtetí ìtré wá ahá nsíné tse nyò pé. Mó òma a, si mu asón. ¹¹ Bì ání òhá ámù odu nwuntò bù oklún. Oyin ání lalahé mudèbwe. Alahá mu iwí pón dodo.

Paulo Asón Tráhe

¹² Nenyá wá Artema ntéé Tihiko fú wá pé, bò mbódí afòbòtù mí Nikopoli wúlutò, tsúfé nabwé agywun ání nétsiá ìnù atsalí bí. ¹³ Bò mbódí afòsì mbla osunápú Sena muva Apolo òkpa wankláán. Tòtò imáhián amó òkpatò. ¹⁴ Ha aní pì amù é abòbì alá bótòbúa aba agyómá yò wankláán, méní bétalí kí ahá ání buma tótòsù. Fówun bumóòbwe ahá ání amù iwí mówa labi.

¹⁵ Ahá ámóú bòbù mí wá nfì ámù fèé behá fú itsiá. Ahá ahógyipù amóú bótòdwé aní ámù itsiá.

Bulu ogyíi mlí fèé bwaale.

ᾠωβλόά Paulo Lówanlín Sísí Filemon

Itsiaha

¹⁻² Mí Paulo ání nda obu Kristo Yesu su pú aní pío Timoteo dé ᾠωβλό áñfi wanlín. Anidé mó wanlín sísí fú aní pío ᾠδωεπό, fógýi aní agyómáyᾠβά Filemon, fúa aní pío tsíhé Apia mva aní agyómáyᾠβά ání ogyi isá ᾠκαπό Arkipo mva Kristo ᾠpasua ámúbú bᾠtefia fú wóyító amu fээ. ³ Aní Sí Bulu mva aní Wíe Yesu Kristo bᾠgyíi mli bᾠale, abᾠha mli iwilwii.

Filemon ᾠδωε Pó Mv Hógyi

⁴ Opío Filemon, nte dá Bulu ipán fú nwunsv brégyibréá nde mpái bᾠ. ⁵ Tsúfé ndenu alíá fᾠde Bulu ahá fээ dwe, fᾠde aní Wíe Yesu hógyitᾠ kínkíinkín. ⁶ Nde Bulu kokóli mbée, ᾠháa afᾠtalí bla ahá fú hógyi iwí asón, méní ubéha fónu itᾠ wankláán ání anlanyá Kristo búotᾠ asi. ⁷ Mí pío, ᾠdweá fᾠbv lahá ansí de mí onutó óó gyí, ilawá mí atetᾠ-ᾠnlín. Tsúfé fú awitᾠle lahá Bulu ahá klᾠn ladí amó asi.

Paulo Ipabwii Onesimo Nwunsv

⁸⁻⁹ Iní sv nétalí wá klᾠn kólí fú ató. Teki mbᾠ ᾠkpa híe fú mbée, fᾠbwée tᾠá ilehián Kristo sv. Táme ᾠdwe ámúbú mbᾠ ha fú ámu sv ndekléá nᾠkulí fú mboún. Mó sv tsu mó ání mí oyin dehen Paulo, ngýi fú nyáwíe Yesu sv, séi nda obu dé fú kulí. ¹⁰ Nde fú kokóli mbée, fᾠwúun mí bíá nda obu asa nakwíi mv, ogyi Onesimo nwe. ¹¹ Mv dá ámu asi gyí ᾠbv labi. Teki ᾠmᾠwa labi há fú bréá ᾠesrí sí fú, táme séi mó ᾠbv labi há mía fᾠnyᾠ.

¹² Ntᾠdwé mv tsú mí klᾠntᾠ, táme nde mv yinkía sísí fú. ¹³ Teki ndekléá néha mv otsia fú otsiákpá mí wá nfi, ᾠtsa mí bré áñfi nda obu Bulu asᾠn wankláán ámu ᾠkan da sv áñfi. ¹⁴ Táme mmedékléá nᾠbwe tᾠtᾠ tsᾠn fú ᾠma. Mmedékléá néhie fú é. Ndekléá itsu fú klᾠntᾠ.

¹⁵ Tsu mó fээ, Onesimo lésrí sí fú bré itinbítᾠ, méní ᾠbéla betsiá fú wá bré fээ. ¹⁶ ᾠtráa omegyí ᾠkpábi. Alamlí opío ᾠdweπό onutónutó há mí. Múá idᾠn a, falányá ᾠkpábi pú opío dᾠn mí séi.

¹⁷ Mó sv ní fuyin ání fú bá gyí mí á, mó mó kpla mv wa iwitᾠ fэ alíá fᾠbwe mí. ¹⁸ Ní ᾠlᾠpᾠ ilá kv gyi fv, ntée ᾠde fú ikᾠ kv á, bu mó tswi mi. ¹⁹ Mí Paulo onutó lapú mí ibi wanlín íni, “Néka fú.” (Ima aleá nébli mbée, fú onutó ámu óó á, mílᾠhᾠ fv nkpa.) ²⁰ Iní sv mí pío ᾠdweπό, aní Wíe sv wa labi ha mi. Ha klᾠn idi mí asi Kristo sv.

²¹ Nyin ání fónu mí ᾠme bwé dínká tᾠá nawánlínso. Nyin ání fᾠbwe mó dᾠn alí kúráá. ²² Mó ᾠma a, bᾠ mbódí afᾠla ᾠdikpa yai mí, tsúfé nde ᾠkpa kíá Bulu ᾠbᾠsᾠ fv ᾠnᾠ, néba mli wá.

Iklá

²³ Epafra ání mía m̄nyɔ anɪda obu Kristo Yesu s̄v̄ ɔhá f̄o itsiá.
²⁴ Alɪ k̄én mí agyómáyɔbá Marko m̄va Aristarko p̄ú Dema m̄va
Luka é behá f̄o itsiá ní.
²⁵ Anɪ Wíe Yesu ogyíi mlɪ buale.

Ἰωυβλία Βωανλίν Σίσι Hebrifó

Bulu Asón Ina Mv Bi Amvsv

¹ Bímbí ámv a, Bulu lótsvn okpa otsan-otsansv tóí kplá anv anáin bré tsatsaotsato tsvn mv onósó atáípusv. ² Táme séi ánfí oyi íbá bəmō onó ánfí mō á, alatí kplá anv tsvn mv Bi ámvsv. Mvgyí dhá ánfí Bulu léle ánfí ógyi mv ató ní. Mv Bi ánfísv olatsvn bwe tógyító. ³ Mvsv Bulu Ἰκρῶνκρῶντι numnyam tōwánkí tsvn. Mvgyí dhá ánfí olēhíe lian Bulu, ode mv asón ámvú íbv túmí ámv pvkí tógyítósú nv. Bréá olgyvraá anv tá á, oletsíá osósú Bulu Otúmípv anv gyvrvsv.

Bulu Mv Bi Amv Lófvd Dvn

⁴ Bulu lótsu mv Bi ámv fódv dvn Bulu-abvpu fée. Alí kén olēha mv dá dvn amó ní. Iní lósuná ánfí odv amó fée. ⁵ Tsúfé Bulu mókóbláa mv abvpu amvto okukvkv kv obée,

“Mí Bí gyí fú,

nde nabwé fú Sí.”

Ntéε bláa amótó okvkv obée,

“Nóbwe fú Sí,

fó é fóbwe mí Bí.”

⁶ Iní oma asa Bulu obówa mv Bití ámv sísí oytó á, oleblí obée,

“Mí abvpu fée bvsúm mv.”

⁷ Tódá oleblí tsú mv abvpu anv mō íwí gyí,

“Nabwé mí abvpu fé afú.*

Nabwé mí asúmpó fé ogya plenplen.”

⁸ Táme olebláa mv Bi ámv mō obée,

“Oo Bulu, fú iwígyí méeta ekekekeke!

Yilébwe gyí fú iwígyí akvfra.

⁹ Yilébwe fvtekle. Fvtekísí lalahé fée.

Mó sv mí, fú Wíe Bulu nalé fú, dá fú ofúli.

Napó ansígyí wá fótó dvn fú aba.”

¹⁰ Bulu asvn wanlínhé anv létrá blí obée,

“Mí Wíé, fólówa osvlov ntsvvasí bréá feví oyi así.

Fú onutó íbí fvpvbwé osvósú.

¹¹ Mó fée bófwi, támé fú mō fétsíá bré fée.

Mó fée bóbwe dáda fé tatida.

¹² Fókuntá mō fé tati.

Fétse mō fé atadiε.

Támé fú mō fvтаматse.

Fú nkpa mósōmō onó ekekekeke.”

* 1:7 afú ntée dhé. Dhé móa afú lehan aba Griiki oblíto.

13 Bulu mébláa mu abapu akuku abée,
 “Tsia mí gyapusu,
 yofun bréá nopusu fó alupú bwé fó ayabi oyíkpa.” fé alá
 abláa mu Bi ámu.

14 Nto mee Bulu-abapu bugyi? Megyi ne bugyi, Bulu tawa
 butaba aha ani aboha amu nkpa?

2

Nkpa hoo Kpankpankpan

1 Inu su ilehian ani abekita onkwali asun amuu anlanu
 amoto kinkinkin, menu imeedali anu ibi. ² Tsufe mbla amuu
 Bulu lowa ha anu anain tsun mu abapusu amu igyi onkwali. Inu
 su aha amuu bowa asoto-onlu, bumegyí mósú amu benya isobiti
 ani ida akpa. ³ Nkálí anu mú abétalí srí isobiti ámu, ní akíná
 nkpa hoo kpankpankpan anfi? Anu Wíe onutó légyankpá blí
 mó asún. Aha amuu bonu mó amu é begyi mó iwí adánsie
 suná anu bee, ibu mótó. ⁴ Bulu onutó é lóbwe ofúla pú osúna
 otsan-otsan mu túmito, oleha aha mu Ne Wankíhé atokiehé
 bréá iletsiá mu, púdínká ibwi mósú ani onkwali igyi.

Nkpa hoo Akpa Osuná

⁵ Bulu mopu oyi amuu iba, anide mó iwí asún blí amu wá mu
 abapu ibito abée, bugyi mósú. ⁶ Mboun fé alá aku lowanlin wá
 Bulu asún amoto otineku abée,

“Oo Bulu, nto nyankpusa gyí, só fó ansí idin musu ali?

Nto nyankpusa gyí, su foteki musu?

⁷ Bré itinbí koto pé feba mu asi dun fó abapu.

Fapu numnyam pú obú dínká musu,

⁸ feha mu ode ató féesú gyí.”

Ní Bulu asún anfi déblí abée, “Ató fée” á, idesuná ani toto mesian
 ani omedé mósú gyí. Séi anfi á, animókonyá wun ani ode ató
 féesú gyí. ⁹ Táme anlawun Yesu. Bulu léba mu asi dun mu
 abapu bré itinbí koto. Awitale Bulu lowa bwé mó ali, tsufe oleha
 Yesu lowu ahagyíha nwunsu. Anlabi ani séi á, Bulu lapú
 numnyam pú obú dínká musu, iwíwisi amuu olowun, wú amu
 su. ¹⁰ Bulu, ató fée Oepú pú mósú Okipu amu abékpa mu abí
 tsotsotsu ba mu numnyamto. Mú su ibu alá ottsun Yesu amuu
 ogyi amú Nkpa Ohopu amu lowusu há mu ofon, menú aboha
 amú nkpa.

¹¹ Yesu amuu otogyóraa aha lé amú lakpanto amu mva aha
 amuu alagyóra amu fée babwé Osí akole abí. Mú su uma mu péli
 ani abéti amú abée mu apíó. ¹² Oebláa Bulu abée,

“Nékla fó bwehé suná mí apíó.

Nékanfú fó anu ofiakpa.”

¹³ Ɔleblí bré bámbátó é ɔ́bée, “Nópu ansí dínká Bulusu.” Ɔletrá blí ɔ́bée, “Kí, mía abí ámú Bulu lapohá mí ámu líí á.”

¹⁴ Iní anyánkpoosa abí ámú Bulu lópuhá mu amu bogyi so á, ɔ́bwe mu iwí nyankpoosa fé amú, méní ɔ́bótson mu lowusu swí Ɔbunsám túmí, yíntá mu. ¹⁵ Ɔkpa ánfí pésú ɔ́bétalí tsun há ahá ámú benya lowu ifú, so bɔ́bwe nkpábi amú nkpatɔ féé ámu bégyi iwí ní. ¹⁶ Tsúfé ida yaí ání megyí Bulu-abɔpu nkpa ɔ́hókpa ɔ́leba, mbóún Abraham abí-aná. ¹⁷ Iní so ilehián ání ɔ́bélian mu apíó tógyítótó, méní ɔ́bɔ́bwe amú igyí ɔ́hapú dehen ání obówun ahá nwe, wá ɔ́nɔkwali Bulu ansító. Fówun ɔ́bétalí bó amú lakpan iwí afɔ́die há Bulu, obésikíé amú. ¹⁸ Bɔ́so mu kí, mu onutó é ɔ́lɔtsun iwíɔsintɔ. Mú so ɔ́bétalí gyí ahá ání butɔso amú kí é buale.

3

Yesu Dɔn Mose

¹ Iní so apíó aba ání Bulu latí mlí wá ɔ́súsó ayɔpótó, mlipu ansí dínka Yesusu. Mogyí Bulu sumbí ɔ́yɔpú pú mu igyí ɔ́hapú dehen amú anidé mu iwí asón blí ámu ní. ² Ɔlɔwa ɔ́nɔkwali há Bulu, Bulu léle mu ɔ́bée, ɔ́bɔ́yɔ mu agyómá fé alí ámú Mose lówa ɔ́nɔkwali há Bulu, Bulu lópu mu wóyí féé wá mu ibitɔ ámu. ³ Táme obú bu Yesusu dɔn Mose, fé alíá butobú wóyí oyípu dɔn wóyí ámu. ⁴ Wóyígyíwóyí á, ɔ́ha léyi mú, táme ató féé ɔ́bwepú gyí Bulu. ⁵ Mose ló́bwe osúmpú ɔ́nɔkwaliɔ́wá ɔ́de Bulu wóyísó kí. Ɔlebláa amú asón ání Bulu ɔ́béblí ekekú. ⁶ Táme Kristo ló́bwe obí ɔ́nɔkwaliɔ́wá ɔ́de Bulu wóyísó kí. Bulu wóyító abí anígyí, ní anilówa klɔn kítá mu ɔ́kpakítɔ kínkíínkín yófun mú ɔ́nómáké.

Bulu Ahá Béda Ɔkpónó

⁷ Mú so ibu Bulu asón ámutɔ ání Ɔje Wankíhé léblí ɔ́bée, “Nde, ní mlonú Bulu ɔ́me a,

⁸ mliwáwa asutɔ-ɔ́nlin, fé alíá mlí anáin Israelfo
bɔ́bwe bréá bɔ́kusú líí Bulusu,
so mu kí dimbí ámu so.

⁹ Inú mlí anáin bɔ́so mi kí ní.

Ibu mó́táá bowun mí bwehé nfi aduana (40) kéké.

¹⁰ Iní so nanya ɔ́bló wa amú, blí mbée,

‘Butédáli mí ɔ́ma brégyíbré,
kíná mí asónsú gyí.’

¹¹ Mú so nanya ɔ́bló ká ntam mbée,

‘Ní bówie mí ɔ́kpónó ɔ́dakpá unu fiín! Neká nɔ́tón!’ ”

¹² Mí apíó, mliki wankláán ání mliɔ ɔ́kuku méenya klɔn laláhe ání itamahɔ Bulu gyi, méní iméeha mu ɔ́dalí Bulu Ɔkiankpapu amu ɔ́ma. ¹³ Mbóún mliɔɔi kpla aba ekekegyíekeké ɔ́yí leke, beti mú “Nde,” fé alíá Bulu asun wanlínhé anfi ideblí. Fówun lakpan méemlé mliɔ ɔ́kuku, há mu ɔ́wa asutɔ-ɔ́nlin.

¹⁴ Tsúfé ní akítá aní hógyitɔ kínkíínkín, fé bré ámú anilótsɔ

hógyi amu yófun mú ònómá a, ania Kristonyo abékan, bwé toku kulé.

¹⁵ Fé alíá Bulu ason wanlínhé amu léblí. Ọbée,

“Nde, ní mlonú Bulu ọme a,
mlimáwa asoto-onlin, fé alíá mli anáin Israelfo
bokusó líí Bulusu.”

¹⁶ Amendi lónu Bulu ason blíhé, táme bokusó líí musu? Megyí ahá ámú Mose lékpa tsú Egyipte ọsulọsu ámu fée? ¹⁷ Amendi Bulu lénya ọbló wá nfi aduana (40) kéké? Megyí amú kén lóbwe lakpan, bowu sin dimbísú inu ní? ¹⁸ Amendi Bulu léka ntam há ọbée, “Ní bówie mí ọkpónú ọdakpá inu fíin! Neká nọtún?” Megyí ahá ámú bokusó líí musu ámu? ¹⁹ Mómú ilawánkí aní aní amú Bulu máhógyi sọ bumojo ọsulọsu amusu yéda ọkpónú.

4

¹ Nnihíé ámú Bulu lóbwe ọbée, mọpu mu ọkpónú ọdakpá há aní ámu itráa da. Mú su mliha akí wankláán, méní iméeba aní mli to ọku oménya inu yó. ² Tsúfé beda ason wankláán ámu ọkan súná aní, fé amú, táme bumojo asón ámusu gyi. Mú su imowa labi há amú. ³ Tsúfé aní ahá ámú anilahọ músú gyi amu obówie mu ọkpónú ọdakpá inu. Ahá amú bumojo músú gyi amu mú á, Bulu léblí tswí ọbée,

“Nenya ọbló, ká ntam mbée,

“Ní bówie mí ọkpónú ọdakpá inu fíin! Neká nọtún!” ”

Ibu mótó aní Bulu léhíhé ọkpónú ọdakpá inu yáí tsú bréá ọlele ọyí ọpá. ⁴ Tsúfé bowanlín eke síénósí amu iwí asón wá Bulu ason ámuto bee, “Eke síénósí a, Bulu léda ọkpónú tsú mu gyumagyihe féeťó.” ⁵ Fé alíá anlanú bọtsun a, Bulu ọbée, “Ní bówie mí ọkpónú ọdakpá inu fíin! Neká nọtún!” ⁶ Iní désuná aní aku mú bówie inu. Táme ahá ámú begyankpá nú ason wankláán ámu bumenya inu yó, tsúfé bumobu mu. ⁷ Iní su Bulu létrá híe eke bámbá, ọletí mú “Nde.” Nfi tsotsọtsọ oma a, ọlọtsun Owíe Dawidsu tóí tsú alí eke ánfí iwí, fé alíá ibu Bulu asón ámuto ọbée, “Nde, ní mlonú Bulu ọme a,
mlimáwa asoto-onlin.”

⁸ Ní amú ọkpapú Yosua léha beda ọkpónú á, tekí Bulu métrá híe eke bámbá. ⁹ Iní su ọkpónú ọdaké kuá ina ọtsan ida gyo Bulu ahá, fé alíá Bulu léda ọkpónú eke síénósí amu. ¹⁰ Tsúfé ọhá aní olowie ọkpónú ọdakpá inu é ladá ọkpónú tsú mu é mu gyumagyihe kugyíkoto, fé alí ámú Bulu léda ọkpónú tsú mu kle kugyíkoto ámu. ¹¹ Mú su mliha abọ mbódí awie ọkpónú ọdakpá inu, méní anito ọkọku méesin ọkpatọ fé alí ámú Israelfo ámu bowa asoto-onlin, besin ọkpatọ ámu.

¹² Tsúfé Bulu asón ámu ibu nkpa, itọyọ agyómá. Ibu ogyá dun ọdayí iya anyo kugyíku. Iteká ọha alí yówie mu ọkláa pú mú ọjé ofiakpa, mu ntsakpá pú mu awú nfoto. Itegyí aní agywun pú tásá

anitekle tsú aní klontó asón. ¹³ Tótótó tamanjáin Bulu! Tógyító da yayá mu ansító. Mu abóyóbu aní tsiátó akúnta kugyíku súná ní.

Ani Bulu Igyi Ohapó Dehen

¹⁴ Aníbu igyí ohapó dehen kpɔnkpɔnti ání aladá fá ɔsúsú yó ɔbu Bulu wá. Mogyí mu Bi Yesu. Iní sɔ mliha akita Yesu anfi anidé mu iwí adánsiɛ gyí anfitó kinkíinkín. Anímádunkí ansí musu. ¹⁵ Tsúfé mu mú omegyí ohá ání omóonu aní así ní anímétálí gyí iwísu. Ogyi ohá ání bɔsɔ mu kí ɔkpagyíɔkpasu fé aní, táme ɔmɔbwe lakpan ekekεεke. ¹⁶ Iní sɔ mliha awa klɔn, ayɔ Awítɔlɛpu Bulu obiá así. Fówun obówun aní nwe, wá awítɔlɛ, kpá aní aní ohíanke.

5

¹ Lé butelé igyí ohapó dehen okugyíɔku tsú mu aba anyánkpósato, ɔtelí amú nwun Bulu ansító. Ɔtɔhɔ ato hahé pú lakpan afɔdiɛ-abɔtɔ tsú amú wá, póhá Bulu igyí. ² Mu onutó é ɔtamatalí gyí iwísu bré tsɔtsɔtsɔtɔ. Mú sɔ otenyá klɔn há ahá ání bɔmeyín ɔlala pú amúá bafwí ɔkpa. ³ Mú sɔ ilehián ání ɔbɔbɔ afɔdiɛ há mu onutó lakpan, fé alhá ɔtɔbɔ há mu ahá. ⁴ Ohaa tamawá mu iwí numnyam ɔbéɛ, Bulu igyí ohapó dehen mogyi. Mboún Bulu tėti ohá, bwé mu mu igyí ohapó dehen, fé alhá ɔbɔbwe Aaron.

⁵ Alí kén Kristo onutó é mówa iwí numnyam ání Bulu igyí ohapó dehen mogyi ní. Mboún Bulu lébláa mu ɔbéɛ, “Mí Bì gyí fó.

Nde nabwé fó Sí.”

⁶ Bɔwanlín wá Bulu asón ámu ɔtineku é beɛ, Bulu ɔbéɛ, “Bulu igyí ohapó fúgyi bré féétó, fé Melkisedek.”

⁷ Bréá Yesu tsie nkpa ɔsulúv anfisú á, ɔlɔpu kokóli múa isú bó mpái, kplón kóklókóú, pú mu ato kulíhé tswí Bulu ání ɔbétalí hɔ mu nkpa ansító. Mu iwiasibá sum Bulu sɔ Bulu lónu mu mpái. ⁸ Ibo mótsá Bulu mu Bi ogyi mú, táme ɔlɔtsun iwíɔsɔntɔ asa ɔletalí bí alhá Bulubu ihíé igyí. ⁹ Iníá ɔbɔbwe tógyító Bulu lówa mu bwe sɔ á, olemlí ɔkpa ání ahá ání butobú mu féé bótɔn músú nyá nkpahɔ́ ání itamatá. ¹⁰ Bulu léle mu súná ání ogyi mu igyí ohapó dehen, fé alhá ɔleyaí Melkisedek.

Mlumási Hógyi Amvɔ

¹¹ Mbu asón tsɔtsɔtsɔtɔá abéblí tsú Melkisedek asón anfi iwí. Táme mú asile súná mli ibówa ɔnlín. Tsúfé séi á, mlitráa mlumédé asón así nu ɔsasú. ¹² Teki bɔfɔn alí bré anfitó á, mlilamlí asunápú, táme mlilétrá hián ohá ání obósuná mli ato gyankpapwá ibu Bulu asón ámɔtɔ. Mogyí, mliléhián atosúanheá ilɔpɔn fé nyópu-ntsu. Megyí múá ibu ɔnlín fé ato wihé ntée atogyihe onutó. ¹³ Táme kebi bɔbwe tónyópú. Omeyín

tóá gyí yilébwε. ¹⁴ Ǫhandε tégyi tóá ibu ǫnlɩn, tsúfé alatsɔntsɔn ntobító kí, alakási bí yilé móa lalahε.

6

¹ Mó sv mlímátrá bitía anɩ ayabi ya ǫma. Mliha akasɩ múbá íbéha anɩ abóyɔ nkprá, asi Kristo iwɩ atosunáhé gyankpapu amɔtɔ plá laplá. Mehián ání abétrá suná ató tsú Bulu hógyi pú klɔntɔdamlí tsú bwεhéá ítetí lowu iwɩ, ² atosunáhé tsú asúbɔ, íbɩ pudínká ǫhasv,* afúlikɔsú pú Bulu asóngyí eke tráhe amv iwɩ. ³ Ní Bulu lótsulá á, mómú múbá íbéha abóyɔ nkprá sónn abósuná mli ngya.

⁴ Ní ahá ání bawun Bulu wankɩ amv kí, badá ɔsúsú atokiehé ɔnó kí, banyá Ǫhe Wankíhé amv é kí, ⁵ badá Bulu asón ámúú íbɩ alé ámv pú bré ámúú íbéba amɔtɔ túmi ɔnó kí, ⁶ mó ǫma bedída hógyitɔ á, butamatáli trá damlí klɔntɔ. Tsúfé amú onutó ámv trá bɔde Bulu mv Bi ámv da mántá oyikpalíhesv, tsú mó líí beε, ahá bɔbwéε mv ahinlá ní.

⁷ Anyánkpósa akv bɔgyi fé ɔsolóá itonu ntsuá nyankpɔ détswíε wɔlí mósú, ató tɔwá alé, wá labi há ahá ámv sv ámúú bɔdɔ mó ámv. Bulu toyúlá alí ahá ánfɩ odu. ⁸ Táme akv é bɔgyi fé ɔsolúbv ání tɔnkpa móa awu aná tɔkwe mósú, butamawá labi. Ní bɔmekɩ wankláán á, Bulu ɔbólwí amú, wá amú ogyá.

⁹ Táme apíó adwepó, ní nde íni blí ó á, opúni mεdé mí tsíí. Tsúfé nyin ání mlídé atɔ wankláán bwε, ídesuná ání Bulu lahɔ mli nkpa. ¹⁰ Tsúfé tóá ída ǫkpa Bulu tɔbwé. Ǫméetan mli gyumagyihe pú ɔdweá mlilalé súná mv tsú mv ahátsatɔ, mlítráa mlibv mósú. ¹¹ Nhíé ndeklé mbée, mlítɔ okugyíɔkv ɔbówa iwɩ ɔwɔnlín, bwé mó yófɔn mó ɔnómɔ, fówun ító ámúú mli ansí dɩn mósú ámv íbéba mótó há mli. ¹² Mmedékléá mli mlí ɔhétó awɔlyɔpú. Mbóún mlíkasi ahá ámúú amú hógyi pú amú íklɔnya sv amú íbɩ béda ító ámúú Bulu léhie yáí ámv.

Bulu Léɔnká Ibwi Tóá Ǫlehie Yáísú

¹³ Bréá Bulu léka ntam há Abraham a, ǫhaa má ínvá ɔdɔn mv Bulu. Mó sv mv onutó iwɩ ɔlópɔká ntam. ¹⁴ Ǫbéε, “Nékáse, néhie yúlá fó. Néha fó abí-aná békleí tsɔtsɔtsɔ!” ¹⁵ Abraham lénya klɔn. Mó sv olenya ító ámúú Bulu léka ntam ɔbéε méha mv amv. ¹⁶ Ní ɔkv ɔbéka ntam a, ɔhá ání ɔdɔn mv ídá ɔtɔpóká ntam amv. Isuna ání nwéεngyí kvkv má mv ntam amv iwɩ. ¹⁷ Íni sv bréá Bulu dékléá obósuná ahá ámúú ɔlehie tó ámv há ámv ání ɔméetse mv agywun ekekeεke á, ɔletanv mv iwɩ. ¹⁸ Bulu tamawá afunu! Mv tó ámúú ɔlehie yáí ámv, pú ntam amv igyi atoku anyɔ ání íméetse ekekeεke. Íni sv anɩ ahá ámúú anílasrí tanv mv amv aníbv tóá abópwá iwɩ ɔwɔnlín, akíta tó ámúú anidé ɔkpa kí

* 6:2 Íbɩ pudínká ǫhasv igyi amándíé ání ɔpasua ahande bɔtɔbwé pówá ahá ání balé há gyoma kv gyí ɔpasua ámɔtɔ ɔwɔnlín, ntée pútsá ahá ílɔ, ntée pókólí Bulu Ǫhe Wankíhé há amú.

amotó kínkíínkín. ¹⁹ Aní òkpakú anfi lakítá aní yáí fě alhá òtan tekítá obu líí. Aní òkpakú anfi tekpá aní, anitòtsòn tati ámúó isian òsósú Òwankíkpató Òwankíkpa obu-òné ámúotó wíé mótó. ²⁰ Aní sù Yesu lagyankpá yó òbu obu ámúotó inu dodo. Alamlí igyí òhapú òhèhè aní òbu inu bré fěétó há aní fě Melkisedek.

7

Bulu Igyí Òhapú Melkisedek

¹ Melkisedek anfi á, owíe ogyi Salem. Òòbwe òsósúsú Bulu amu igyí òhapú. Èke òku Abraham lóyókò awíe abaná aku ísá, gyí amúsú. Bréá oleyinkí òbá á, oleyia Melkisedek. Melkisedek lóyulá mu. ² Abraham léye atóá olenya tsú ísá ámúotó idú, òòpò idúsí há Melkisedek. Idá anfi así gyí, “Yilébwe Owíe.” Mu idá kùle é gyí “Iwilwii Owíe,” tsúfě Salem así gyí, “Iwilwii.” ³ Bulu asón mèblí asòansù tsú Melkisedek akwíúpú ntée mu òlíná, mu kwíú ntée mu lowu iwí. Òlèlian Bulu mu Bi ámu. Bulu igyí òhapú ógyi bré fěétó.

⁴ Mlíki alhá Melkisedek gyí òha kpònkpòònkpòntí òku. Aní nàin Abraham kóràá léye mu atóá olenya tsú ísátó idú, pú iku kùle há mu. ⁵ Mose Mbla léha Lewi abí-aná, bogyi igyí ahapú ámu òkpa aní buhóò ató yée idútó kùle tsu amú ahá Israelfó wá. Ibu mótó aní Abraham abí-aná amú é bogyi. ⁶ Melkisedek anfi mótsú Lewi abí-anátó, táme òòhò Abraham ató yée idútó kùle, yúlá Abraham mboún ámúó Bulu léka ntam há ámu. ⁷ Nwéengyí ma mú iwí aní òhá aní otòyúlá òn òmúá bodeyulá. ⁸ Yudafo igyí ahapú ámúó buòhò Israelfó ató idútó kùle amu buòowú, táme òòhò Abraham atóyeto idúsí anfi mú trá otsie nkpa fě alhá Bulu asòn wanlínhé amu déblí. ⁹ Ní anímóowa afunu a, abétalí blí aniaa, bré ámúó Abraham lópu mu ató idútó kùle há mu amu a, Lewi abusuan ámúó buòhò Israelfó ató idútó kùle amu é beka mú tsòn Abrahamsù. ¹⁰ Tsúfě Lewi bu mu nain Abraham iwíto, bumòkúnýá kwíú mu asa mu nain lópu mu ató idútó kùle há Melkisedek.

¹¹ Ibu mótó aní Mose mbla ámu léblí aní Bulu igyí ahapú buòsúu Lewi abusuantó. Ní bétalí há òha òbòfòn a, tekí Bulu métrá le mu igyí òhapú bámbá aní ogyi fě Melkisedek, omotsú Aaron abusuantó. ¹² Ní bétse igyí ahapúle mbla ámu a, múmú ilehián aní bétse Mose mbla ámu é. ¹³ Tsúfě aní Wíe anfi anidé mu iwí asón blí anfi otsú abusuan bámbátó. Abusuan ánfító òhaa mòkósúm afòdiè-asubwi amòsù kí. ¹⁴ Òhagyíòha yin aní Yuda abusuantó aní Wíe anfi otsú. Mose méti abusuan anfi idá bréá òde abusuan oduá bóbwe Bulu igyí ahapú iwí asón blí.

Bulu Igyí Òhapú Bambá Aní Ogyi Fě Melkisedek

¹⁵ Bulu mbla anfi tsée latráa wankí aní tsía, tsúfě igyí òhapú bámbá labele iwí òwan fě Melkisedek. ¹⁶ Mbla dada amu ilosuná aní Lewifó nkùle òbwée igyí ahapú, táme megyí bée

mu anáin botsú Lewifáto só ɔ́ɔbwe igyí ɔhapú. Mboún mu nkpa ání umóomó ɔ́nó ekekekeke túmito ɔ́na ɔ́ɔbwe igyí ɔhapú. ¹⁷ Tsúfě bəwanlín wá Bulu asún ámutə bεε, “Bulu igyí ɔhapú fógyi bré fěétó, fě Melkisedek.” ¹⁸ Idesuná ání balé igyíha mbla dada amu ibwi, tsúfě iməwa ogyá, iməwa labi é. ¹⁹ Tsúfě Mose mbla ámu metálí bwé tətəto ifun. Séi á, Bulu lapú aní ɔkpakú wankláán ání idun mbla dada amu yáí mó otsiákpá. Múá ibékpiá aní mantáa Bulu.

²⁰ Bulu léka Yesu iwí ntam ání ɔ́ɔbwe mu igyí ɔhapú bré fěétó. Ɖmeká igyí ɔhapú bámbá ɔ́kukuku iwí ntam. ²¹ Yesu iwí ntam ání ɔ́leka bréá ɔ́ɔbwe mu igyí ɔhapú gyí,
 “Mí Bulu, naká mí iwí ntam ání
 igyí ɔhapú fógyi bré fěétó.
 Mmélatsε mí agywun!”

²² Ina ntam anfi su Yesu labəbwe ɔma ɔ́lípó há Bulu nhíhé ání ihíé bu alé dun nhíhé dada amu.

²³ Bulu igyí ahapú ámutó betsiá nhíhé dada amu ɔ́nó ámu buhíé butso, tsúfě butowú sí agyómá ámu tswi. ²⁴ Yesu mó bu ino bré fěétó. Mú su mu Bulu igyíha móomó ɔ́nó ekekekeke. ²⁵ Mú su ɔ́tetálí hə ahá ání butətsun musu ba Bulu wá fěé nkpa plíplíplí. Tsúfě otsie Bulu wá, ɔ́de mu kokóli amú nwunsu bré fěétó.

²⁶ Yesu gyí Bulu igyí ɔhapú dehen onutó ání anidéhián ni. Mu iwí letin, tsitsa kuku ima mu iwí. Lalahe kukuku é ima mutə. Bulu léle mu lé lakpan abwεpú ɔ́kpasu, há mu otsiákpá fúáhé ɔ́súsúsú. ²⁷ Imehián ání mu mó obégyankpá bó mu lakpan iwí afədie, fě igyí ahapú dehen atráhe amu. Amú mó betsiá bó há amú onutó lakpan ekekegyíeke, asa bəbə há ahá atráhe. Ɖsáwule pé mu mó ɔ́lɔbə afədie há ahá fěé lakpan, bréá ɔ́ɔpu mu iwí bó afədie ahá fěé nwunsu. ²⁸ Mose mbla léha ahá ání bapən bəbwe Bulu igyí ahapú dehen. Táme mbla ámu ɔma a, Bulu léka ntam lé mu Bi. Alahá mu Bi ámu labwé mu igyí ɔhapú dehen ání ɔ́ɔfun bré fěétó.

8

Ani Igyí Ɖhapú Dehen

¹ Asún ání ndεblí fěé gyí, anibu Bulu igyí ɔhapú dehen ání ógyi ali, otsie Bulu Otúmípu amu obiá gyəpɔsu ɔ́súsú. ² Ɖde Bulu igyí ha Ɖwankíkpátə Ɖwankíkpá onutó ání ibu ɔ́súsú inu. Mó mó á, Bulu onutó léyi mó, megyí nyankpəsa.

³ Bulu igyí ɔhapú dehen okugyíəku á, mu agyómá gyí, ɔ́bɔpu ahá ámu atə hahé pú amú afədie-abətó há Bulu. Inu su ilehián ání aní Bulu igyí ɔhapú dehen Kristo é obénya t́á ɔ́bɔpuhá Bulu. ⁴ Ní ɔ́solúv anfisv ɔ́bu a, teki ɔ́móɔbwe Bulu igyí ɔhapú ekekekeke. Tsúfě Bulu igyí ahapú onutó bəbu inová butəhá Bulu igyí Mose mbla ɔ́nó. ⁵ Igyí ahapú amu butətswe Bulu igyí

ðhakpá ání ðlehan ðsúsú tati-obu ámu. Iní sv Bulu léda Mose ðlá bréá ðbóbwe tati-obu ámu ðbéε, “Kí ání fóbwe tógyító fé obu ámóú nele suná fú ðbusu ðnu ámu odu pépéépé.”⁶ Táme Yesu igyíha agyómá ámóú Bulu léha mu amu léhiε fóa ðun ðsulósu igyí ahapó ðehen amu klé. Ntam pəpwe ámóú ðb ania Bulu nsiné, Yesu gyí mó ðma ðlípú amu é híε bu alé ðun ntam dada amu. Tsúfé ðlehiε atoyiléa móbwe há aní wá mótó.

⁷ Ntam gyankpapu amu ðməfun. Ní ðəfun a, teki nyəəsi me trá hián. ⁸ Táme Bulu lówun ání anyánkprósa bəmebí bwé. Mó sv ðleblí ðbéε,

“Eke oku íbá. Mí mli Wíε déblí.

Mía Israelfó pú Yudafó abéka ntam pəpwe.

⁹ Imóðbwe fé mó ámóú iletsiá mía amó anáin nsiné, bré ámóú nekítá amó ðbi, kpá amó ðali Egyipte ðsulósu ámu.

Tsúfé bəmegyi mí ntam aməsv.

Iní sv nesi amó iwí há amó.

¹⁰ Ntam anfi obétsiá mía Israelfó nsiné eke ámu ni. Mí mli Wíε déblí.

Nópu mí mbla wá amó nwuntə, nówanlín mú dínká amó klənsu.

Nóbwe amó Bulu, amó é bóbwe mí ahá.

¹¹ Amótó okuku méétrá suná mu pio, ntéε mu ba ðbéε, ðbí Bulu.

Tsúfé amó féé bəbí mí. Tsú nyebísú yófun ahandesv.

¹² Nési amó lakpan kíε amó.

Mméétrá káin lalaheá babwésú.”

¹³ Ní aní Wíε dé ntam pəpwe iwí asón blí á, mómú ilosuná ání dada amu ítráa ma labi mu ansító. Tóá ðladan bwe dáda a, wu itowú.

9

ðsulósu Mba ðsúsú Bulusúm

¹ Bulusúm mbla letsia Bulu ntam dada amotə. Bəbwe tati-obu ání bósum Bulu mótó ðsulósu nfi. ² Bəpu tati tin tati-obu ámu ðnó, bəpu ikule é ká mótó. Beti obu gyankpapu amotə bεε, ðwankíkpá. ðkandíε-oyí ání bətonywé nkandíε bian mósú pú ðpónú ání bodobodoá bapóhá Bulu igyí ððin mósú bu ðnu. ³ Obu nyəəsi amóú ðb tati nyəəsi amu ðma amotə bətetí, ðwankíkpátə ðwankíkpá ni. ⁴ Sika pεpe afədiε-asubwi bu ðnu. Bulu Ntam-dáka ání bəpu sika pεpe píatá mú iwí féé é itsie ðnu. Bətwá ðhíén ogyá afədiε-asubwi áməsv. Atoku asa búv Bulu Ntam-dáka ámotə. Mógyí, sika pεpe ðlankabi ání atogyihe kvá beti mó mana bu mótó, Aaron oyi yíáhé amóú ðpəí ámu pú abwi pétéplé anyə amóú Bulu lówanlín mu mbla dínká mósú ámu é bu mótó. ⁵ Bəbwe Kerubim anyóá bəbə numnyam, bəgyi ntóbí

akvá búbu abámba dínká ntam-dáka ámu obuasusu. Amú fée betínkí amú abámba fia aba, ilobun dáka ámusu. Amú nsiné inu Bulu tesí ahá lakpan kíe amú ní. Táme megyí séi abéle asón ánfí asi.

⁶ Alí bela ntobí ámu yáí inu ní. Bulu igyí ahapú ámu butowíe obu gyankpapu, igyí Ɔwankíkpa amoto ekekegyíeke yóyo amú agyómá. ⁷ Bulu igyí ahapú dehen pé towíe obu nyɔɔsi, igyí Ɔwankíkpatɔ Ɔwankíkpa amoto. Ɔtsáwule pé otowíe inu ofító. Ilehían ání ɔbɔpu ɔbwi obugya ání ɔbɔpubó afodie há Bulu mu onutó nwunsu pú ahá lakpan ání bɔbwe, bumeyín su ya inu. ⁸ Tóá Ɔhe Wankíhé amú désuná tsú ntobí ánfí iwí gyí, Ɔwankíkpatɔ Ɔwankíkpa inu ɔkpa lefin wa amú bréá tati-obu ámu gyí amú Bulu ɔswékpá. ⁹ Iní igyí atosuanhé há nde ɔyi kéhe. Idesuná ání ibu móttá butapú ato hahé pú afodie-abotó há Bulu igyí, táme iméetalí há mó ahapú ámu klɔn isi mu ipón ha ání mu iwí latin tsú mu lakpantɔ. ¹⁰ Tsúfɛ ntobíá igyí, atogyihe, atonuhe pú amándíe ání nyankpɔsa tɔpógýra iwí kéke mbla ámu losuná. Bulu lóbwe mbla ámu fée há nyankpɔsa, ání ɔkíta móttá bɔfon bré ánfí alabwé ɔkpa pɔpwe ání bɔpubwé mó ánfí, animéetrá bwe dáda amu.

¹¹ Kristo labɔbwe Bulu igyí ahapú dehen há ato wankláán amú ilaba ámu. Mu tati-obu ání ɔbu móttá bu ɔsúsú. Inu tati-obu ámu dun ɔsolósu klé, ilɔfon dun mó é. Megyí nyankpɔsa lóbwe mó mó, imotsú ɔyí ánfíto é. ¹² Megyí atɔkpa pú nnantswie yínhé obugya Kristo lópɔya Ɔwankíkpatɔ Ɔwankíkpa inu. Mu onutó obugya ɔlɔpɔya inu, ɔlɔpóká aní nwunsu iko ɔtsáwule pé, anlénya nkpa ání itamatá. ¹³ Mose mbla ámu ɔnó á, akpaláa pú nnantswie obugya pú ɔnantswiebí ání bawá mu ogyá, alahɔ nsúo butowúnnya wólí ahá ání ifin lada amú, pógýra amú. ¹⁴ Ní betalí buɔe mbwi obugya kóráá putin ahá iwí á, ntogyi su Kristo obugya méetalí tin ahá iwí dun? Kristo lótsɔn Ɔhé amú ɔbu inu bré fée ámusu, pú mu iwí lé mbusuo ání ilɔfon há Bulu. Mu obugya amu íbetin aní klɔntɔ tsú bwehéá íbékpa aní wá lowuto iwí, méní abétalí súm Bulu Ɔkiankpapu amu.

¹⁵ Iní su Kristo gyí ntam pɔpwe ání ɔbu Bulu muva anyánpɔsa nsiné ɔma ɔlípó, méní ahá amú Bulu latí ámu bénya ató amú itamayíntá, ɔlehe yáí há amú ámu. Tsúfɛ Kristo lowu ámu ilahá amú bagyi iwí tsú lakpan amú bɔbwe bré amú búbu ntam gyankpapu amu asi ámutɔ.

¹⁶ Ní ɔku ɔwánlín nhíhé há mu atótó yé tswí a, otowú asa itɔyó agyómá. ¹⁷ Tsúfɛ nhíhé ámu ima labi bréá ɔhá ámu onutó tsie nkpa. Mu lowu ɔma itɔwá labi. ¹⁸ Iní sù bɔpu obugya sí Bulu ntam gyankpapu amu ésó asa itɔyó agyómá ní. ¹⁹ Tsúfɛ bréá Mose lékla mbla ámu fée súná Israelfɔ tá á, ɔlɔpu ntsu fráa nnantswie pú akpaláa obugyatɔ, pú kufa iwí imi pepe móa ífá kvá butetí mó Hisop wúnnya obugya fráhe amu wólí

mbla ɔwulú ámu pú ahá ámu féesú. ²⁰ Múú ɔleblí ɔbéε, “Obugya ání ndepusí ntam ání Bulu laká há mlisu ní.” ²¹ Alí kén ɔɔpu obugya amu ku wúnnya tati-obu pú ntobí ámuú butɔpɔtswe Bulu ámu féesú ní. ²² Lélé mú Bulu mbla ámu ɔnó á, abétalí blí aniaa, obugya butɔpɔgyóra tógyító. Ní bumɔpu obugya lé mbusuo á, lakpansikié tamaba.

Kristo Afɔdie Télé Aní Tsú Lakpantɔ

²³ Alí ilehián ání bóbwe amándíé ání pógyóra ntobí ání igyi fé ɔsúsú klé amu ní. Táme ɔsúsú klé amu ilehián afɔdie ání ihíé dun ɔsulúsu klé ání. ²⁴ Iní sù Kristo mówie tati-obuá nyankpusa lɔpu mu ibi bwé, igyi fé ɔsúsú klé amu oduto ní. ɔsúsú ɔɔyo yélu Bulu ansító, ɔde mu kokóli ha aní. ²⁵ ɔmɔpu mu iwí yóbɔ afɔdie tsenyo-tsesa, fé alí ámuú Bulu igyi ahapú dehen amu butɔpɔ mbwí obugya ya ɔsulúsu ɔwankíkpatɔ ɔwankíkpa inu offigyiofi ámu. ²⁶ Ní alí igyi á, teki ilehián ání Kristo obétsiá wun iwíɔsin wú tsé dú tsé lafa, tsú bréá ɔyí lefi así ɔpá. Mboún alalé iwí ɔwan ɔyí ɔnómábi ání, pú mu iwí bɔbɔ afɔdie ɔtsáwule pé pólé ahá tsú amú lakpantɔ. ²⁷ Igyi fé alíá ida yáí ání ɔtsáwule pé ɔha obówu. Mú ɔma a, Bulu obégyi mu asún. ²⁸ Alí kén Kristo lɔpu mu iwí bó afɔdie ɔtsáwule pé, pólé ahá tsɔtsɔɔtsɔ tsú amú lakpantɔ ní. Mú su ní ɔlé iwí ɔwan otse nyɔɔsi a, imehián ání ɔbétrá bwe tɔtɔ tsú lakpan iwí. Mboún ahá ání bohíé butsie bogyo mu nkpa ɔbá bɔhɔ.

10

¹ Alí ámuú Mose mbla lélé súná ání bupóha Bulu igyi amu ilelian mú ámuú ibéba amu keke. Mú onutó ámu Kristo labɔbwe á. Afɔdie oloku ɔkule amu betsiá bó há Bulu offigyiofi. Táme imetalí há ahá ámuú butebeha igyi amu abufɔn Bulu ansító. ² Ní iletalí tin amú iwí Bulu ansító ɔtsáwule pé á, teki besi afɔdie ámu bɔ, amú klun é ilesi amú ipón ha ání babwé lakpan. ³⁻⁴ Tsúfé nnantswie yínhé pú atrɔkpa obugya méetalí lé nyankpusa tsú mu lakpantɔ ekekeke. Mboún ha itehá mu ɔtekáín mu lakpansu offigyiofi. ⁵ Iní su bréá Kristo ɔbá ɔyító á, ɔlebláa Bulu ɔbéε, “Megyí atɔ hahé múa afɔdie fúdedunká.

Mboún ɔyulúv fela yáí mí.

⁶ Fú ansí megyi mbwí tóhé
pú lakpan afɔdie iwí.

⁷ Múú neblí mbéε, ‘Mí Bulu, mí ní.
Nebá bɔbwe fú apé,

fé alíá bɔwanlín mí iwí asún wá
fú asun wanlínhé amɔtɔ.’ ”

⁸ Olegyanpá blí ɔbéε, “Megyí afɔdie múa atɔ hahé, mbwí tóhé pú lakpan afɔdie fúdedunká. Fú ansí megyi mú iwí.” ɔleblí alí, táme mbla ɔkpasú ilehián ání bóbwe mú. ⁹ Múú ɔletrá blí ɔbéε, “Mí Bulu, mí ní. Nebá bɔbwe fú apé.” Mú su Bulu lalé afɔdie

dada amv ibwi, pú Kristo afodie ámv wá mó otsiákpá. ¹⁰ Yesu Kristo lóbwε Bulu apé, pú mv iwí bó afodie aní nwunsu otsáwule pé, há bré fée. Mó sv aní iwí latin.

¹¹ Igyí ðhapú okugyiáku telí bó afodie oloku ákule amv ekek-egyíeke. Afodie-abótó ámúú otenyá póbó mó tsé dú tsé lafa ámv kén ðapóbó mó ní. Táme afodie ánfí méetalí lé ahá tsú amú lakpantó ekekεεke. ¹² Kristo mó lénya bó lakpan iwí afodie ðtsáwule pé ámv a, ðleta fée, oleyétsiá Bulu gyopisu. ¹³ Tsú ali bré ámvto ðpá otsie inu ogyo bréá Bulu ðbópu mv alupú bwé mv ayabi oyíkpa. ¹⁴ Mv afodie kule pé ámv ðlahá ahá ámúú Bulu lapú amú bwé mv kle amv bafon ha bré fée, ðlala kókukuko itráa ma amú iwí.

¹⁵ ðhe Wankíhé é légyi mó iwí adánsie súná aní. Olegyankpá blí ðbéε,

¹⁶ Aní Wíε ðbéε,

“Ntam anfi obétsiá mía amónyo nsiné,

bré ámúú íbá ámvto ní.

Nópu mí mbla wá amú klwntó,

wánlín mó wá amú nwuntó.”

¹⁷ ðletrá blí ðbéε, “Mméetrá kaín amú lakpan pú amú lalahesu ekekεεke.” ¹⁸ Mó sv ní Bulu lasí lakpan kíé á, mó mó mó iwí afodie kóku itráa medéhián ε.

Mliha Akpókpe Manta Bulu

¹⁹ Iní sv mí apíó, Yesu obugya amv sv aníbu ákpa wíε ðsúsú ðwankíkpátó ðwankíkpá inu faan. ²⁰ Mv lowu ámv sv alafinkí tati ámúú bópuká obu ámvto ámv há aní. Mógyí ákpa pópweá itehá aní nkpa ní. ²¹ Aníbu Bulu igyí ðhapú ðehen kpónkpónkpónti ákúá ðde Bulu ahásu kí. ²² Mó sv mliha apu íklon ání íbu ðnákwalí, pú hógyiá mó ðnó bu ðnlín kpókpe manta Bulu. Tsúfé alapú Kristo obugya gyóra aní. Aní klwnt méetrá ha aní pón, alapú ntsu wánkíhé é fwí aní iwí. ²³ Mliha akita tó ámúú anidé mó iwí adánsie gyí, anidé mó ákpa kí amvto kínkín, tsúfé ðnákwalípu Bulu gyí. ðbóbwe tóá ðlehiε ání móbwe há aní. ²⁴ Mliha akí aliá íbóbwe abówa aba ðwónlín, ðdwe móa yilébweto. ²⁵ Mlimáha asi aní ofiakpa yo, fé aliá akú budebwe. Mboún mliha atra wa aba ðwónlín tsía. Tsúfé mlidéwúun ání aní Wíε ðbáke ámv ídekpókpe bá.

²⁶ Mí apíó, lakpan iwí afodie kóku itráa ma inu há aní, ní akí ansí bwé lakpan bréá anílabí ðnákwalí amv. ²⁷ Mboún tóá ðlasí gyí, abétsiá ifúsú gyo Bulu asón ogyíké pú ogyá kpónkpónkpónti ámúú íbóhó Bulu alupú ámv. ²⁸ Ní ahá abanyó-abasá begyi áku iwí adánsie, ání alakíná Mose mbla ámvsv gyí a, butámó mv. Butamawun mv nwε. ²⁹ Mó mó ní áku ákí Bulu mv Bi ámv ansító kótíkótí, omobu ání mv obugya amúú Bulu lópusí mv ntamsu, ðogyoráa mv iwí ámv bu íbíá, olesia Bulu awítale ðhé ámv mó á, mv ísvbití ání ðbéhiε nyá méεba kí.

⁸ Hógyi léha Abraham lóbu Bulu bréa Bulu lébláa mu obée, adáli mu amató, oyo osolúv aní mu Bulu léhie há musu. Olenati dáli mu amató, omeyín otínéá oyo. ⁹ Hógyi léha olayóbwe ofó osolúv amú Bulu léhie yái há mu amusu. Tati-obuto oletsia mu. Ali kén Isak mua Yakob aní Bulu léhie osolúv amu yái há é betsiá tati-mbuto osolúv amusu ní. ¹⁰ Tsúfé Abraham létsia tati-obuto, ogyo wúlu kpónkpónkpóniá Bulu léda, imóobwie ekekekeke.

¹¹ Hógyi léha Abraham mua mu ka Sara benya obi kwíi. Ibo mótó aní badan tsun ikwíusu, Sara é ménya ikwíi. Abraham lóhogyi aní Bulu obégyi tóá alahíe yáísó. ¹² Inu su omá kén aní buma iklátó, butso fé ntsrakpabi ntée opu onó isi belin tsu Abraham aní aladan tsun ikwíusuto.

¹³ Hógyitó ahá anfi féé bowu. Ibo mótóá amó ibi meda atóá Bulu léhie yái há amó asa bowu. Táme bowun mú sísi, amó ansí légyi mú iwí. Botsu mú aní afó pú okpa atupú bogyi oyi ánfito.

¹⁴ Ahá aní botsú mú ali budele suná aní bude omá aní ibóbwe amó onutó klé dunká. ¹⁵ Ní bude omá amú buedalí tsu mótó ámu iwí susúu a, teki bodunká okpa yínki yó mu. ¹⁶ Táme osúsó omá aní ibu akíle dun mú amú buedalí mótó ámusu amó ansí dun. Mú su ima Bulu péli aní bétí mu bee, amó Bulu. Tsúfé alalá wúlu kpónkpónkpóni ku yái há amó.

¹⁷ Hógyi léha Abraham lékitá mu bi Isak oyóbó afodie há Bulu bréa Bulu lósó mu ki. Ibo mótóá obi anfi Bulu léhie mu aní obókwí ní, táme omatswe mú kpókpu. Olokúsó pú mu bi okokónú okule amu oyóbó afodie ámu. ¹⁸ Ibo mótóá ali bré ámutó á, Bulu labláa mu obée, “Fó bí Isak abí-aná obóbwe fó abí-aná ní.” ¹⁹ Táme Abraham lótsu mú aní Bulu obétalí tsínki Isak. Lélé mú, okpa okusu á, olलयá Isak fé ohá aní Bulu lakósúa tsu afúlitó.

²⁰ Hógyi léha Isak lóyulá mu atabí Yakob mua Esau. Mu ansí dun aní Bulu obóbwe tóá olehie há amó ekeké.

²¹ Hógyitó bréa Yakob obá bowu á, oloyulá Yosef abi anyo ámu, olobun mu oyi yíahésu sým Bulu.

²² Hógyitó bréa Yosef obá bowu á, olebli obée, Bulu obéle Israelfó tsú Egypte amató. Mú su oleda amó olá obée, bumási mu awú tswi mu.

²³ Hógyi léha bréa bókwi Mose a, bopu mu nájín tsra asa. Tsúfé bowun aní obu akíle. Mú su bumanya owie amu mbla aní olowa tswi ifú.

²⁴ Hógyi léha Mose lékiná aní bumáti mu Egypte owie mu bi tsíhé mu bi bréa oledan. ²⁵ Olotsulá aní buwáa mua Bulu ahá iwiasinto, dun aní obénnya lakpanbwe iwí ansigyí bré itinbí. ²⁶ Olotsulá aní busúpa mu Kristo su. Tsúfé íbéhie wá labi há mu dun aní obénnya Egypte atonyahé féé. Mu ansí dun ikóá Bulu obéka mu ekekósó.

²⁷ Hógyi léha Mose lenatí Egypte amató, omenya owie amu obló ifú. Mu ansí dun Bulu aní ohaa tamapó ansíbi wunsu. Mú

su olotomi, omeyinkí oma. ²⁸ Hógyi léha mu ðleha Israelfo befi Katsun Nke gyí asu. ðleha amú bəpu obugya kpá amú obu-əno, méni Bulu-ðəpuá ətamó ahá əmóəpu ibi da amú bití.

²⁹ Hógyi léha Israelfo bətsun Ɔpu Pəpe amoto fé əsulúu wulhesu bóna. Táme bréa Egyptefo é beə abutsun a, əpu amu lékitá amú.

³⁰ Hógyi léha Israelfo benatí bómlí abuntii áni bəpu gyi iban wá Yeriko wúlu nkensiénó, ilobwie bun gbloo. ³¹ Hógyi léha obu-əno otsiápu Rahab mówu tsía ahá áni bəməho Bulu gyito. Tsúfé əlho Israelfo ansí awakupu afóo wankláan.

³² Ilehían áni nétrá wanlín iku é? Bré mətsó áni nówanlín Gideon mwa Barak pú Samson, Yefta mwa Dawid, Samuel mwa Bulu ənosó atáipu amu hógyi iwí asón. ³³ Hógyi léha amú bəko əmá-əmá gyi amósú, bəbwe tóá ida əkpa. Benya atóá Bulu léhie há amú, beha agyatá ndato lekli. ³⁴ Bodun ogyá kpənkpənti, bumesin isá. Hógyi léha amú bəpən benya əwunlín, amú aku benya ikó túmi, gyi amú anyabású. ³⁵ Bulu létsinkí atsi aku afúli há amú. Ahá beputí amú aku ató alu mó amú. Mú óó á, bəmotsulá kíná Bulu. Iəwa amú ədweá bómə amú dən áni bəyinkí Bulu oma, méni Bulu əbókusəa amú, bənya nkpa áni ibu alé dən.

³⁶ Bəbwe amútó aku ahinlá, pítí amú mpli. Bəwa amú aku ikan, pú amú tswi obu. ³⁷ Bəda amútó aku abwi mó, pú sáa bóí akuto, aku é besin ədayí əno. Amú aku é beđi akúfa móa akpaláa nwaló-kpákpátó náti kí, aku beđi akón. Beđinká akusu, wá amú aku é iwíəsinto. ³⁸ Teki megyí əyí ánfí oduə ahá ánfí bətsiá asa. Adimbító móa abusu benatí kí fé əkun abəpú, tsía dí abwi alato móa mbótó.

³⁹ Amú hógyi só Bulu ansí légyi amú féé iwí. Ɔkuku ibi mēda tóá Bulu léhie yái. ⁴⁰ Tsúfé atóá ibu alé, ibówa labi iwí Bulu lóbwe agywun yái há ania amúnyo féé. Mú su amú nkule bəméetalí nyá mú, yófun bréa Bulu labwé ania amúnyo féé anlafən mu ansító.

12

Ani Si Bulu

¹ Anibu ədəm anfi bəpu hógyi tsía ánfí odu bómlí aní. Mú su mliha aní é atswi tógyítóá ide aní bitia ya oma pú lakpan áni ilakikl aní kinkíinkín tsalifwi, atomi tsii əsrú amúó ida aní ansító ámu. ² Mliha apu ansí dinka Yesusu. Mgyí aní hógyi nfiasí pú mó ənómə. Iníá oyin ansigyí oduá ida gyo mu su á, olotomi wun ipian oyikpalíhesu wú. Omobu kpóí áni bókpoí mu tətə, alayó otsie Bulu owíe obíá ámu gyəpísu.

³ Mliwəki ipian áni olotomi wun lakpan abwepú ibitə, bréa bolu mu, wá mu iwíəsinto, méni əhé méeta mli, mliméesi mu hógyi. ⁴ Iwíá mlidəpri le iwí lakpantə á, mlimókútálí pri yófun bréa mlési mli nkpa há. ⁵ Mlimátan itóí áni Bulu lótoí kplá mli ánfí mli gyí mu abísú. Ɔbéé,

“Mí bí, ní nebí tí fọ isọ á, máhọ mú lalahẹ sv.
Ní nọwá iyin wa fọ á, máha mú ikpọn fọ.

⁶ Tsúfẹ ọhá ání ntọdwe á, mu ntọwá iyin wa.

Ọhá ání nọpọbwé mí bí á, mu ntebí tí isọ.”

⁷ Tomi wun ipian fẹ isọ bọde fọ bití. Bulu dé mli isọbití fẹ mu abí. Tsúfẹ obí ọmọmu bu inọwá mu si tamabítí mu isọ? ⁸ Ní ọmebití fọ isọ fẹ alíá ọtọbwé mu abí fẹé á, idesuná ání megyí mu bi onutọ fọgyi, klétobi fọgyi mu. ⁹ Aní ọsọlọv anfisọ así bọtebití aní isọ, anitobú amú é. Ntogyi só animóotsulá ba iwiasí há aní Sí Bulu dọn amú, anya nkpa ání itamatá? ¹⁰ Bré itinbí pé aní ọsọlọsv así bọtọpọbití aní isọ alíá bọdeklé. Bulu mú á, alíá abówa alé sv ọtebití aní isọ, méní aní é aní iwí bétin fẹ mu. ¹¹ Ní bọde aní isọ bití á, itehan aní alí bré ámọtọ. Ansí tamagyi aní. Táme isọbití ámu ọma a, anitọbwé yilé, tsíá iwilwiiti.

Atosundhé Pọ Ọláda

¹² Mú sv mlímáha abato iwu mli, akpawunutọ ikpinkí mli. Mliwa iwí ọwọnlín! ¹³ Mliha mli tsiátọ iwa alé, méní abubúpu amu bọméesin tsukọle, mbóun bénya ọlọtsá.

¹⁴ Mlibo mbódí amlíha iwilwii itsia mlia ọhagyiọha nsiné. Mlitsia nkpa ání mú iwí letin, tsúfẹ ọhá ání mu iwí métin móowun aní Wíe. ¹⁵ Mliki ání mlitọ ọkọkọkọ mọhólí Bulu awitọle amu. Mlitọ ọkọkọ é mási asón wá mu klontọ, méní ọmọọpu asón wá mli nsiné, iyinta mlitọ akú. ¹⁶ Mliki ání mlitọ ọkọkọ é mọbwe mu iwí mbwa ọtọpọ, ntée ọhá ání ọtamabú Bulu fẹ Esau. Mlọpọ mu hande tse ọtsáwọle atogyihe. ¹⁷ Fẹ alíá mliyin yaí á, ọma a, olobodunká obi dehen oyúla tsú mu si wá, táme mu si lékiná mu ha. Ibo mótáá ọlehie su kokóli mu si, táme omenya mótá ọkpa.

¹⁸ Megyi ibwá mlétalí pu ibi da así mlilaba. Ọtínéá oklún tuun pọ afú kpọnkpọnkpọnti bu, ogyá é idetsíí fẹ Sinaibu ámọú Israelfọ bọyo mú asi bréá Bulu dépu mu mbla há amú ámu así mlilaba. ¹⁹ Inú bonu ọkre lófólí kóklóókóú, bonu ọme kpọnkpọnkpọnti kú lehn bláa amú asón, sv bokokóli bee itsia alí, bọmedékléá betrá nu asọansu. ²⁰ Tsúfẹ bọmetalí gyí mbla ámọú Bulu lówa há amú ọbée, “Ní ọbwi ọkú kóráá iwí ida ibu ámu a, bọdáa mu abwi mọ” ámu sv. ²¹ Tóá bowun inu lówa amú ifú. Mú sv Mose óó léblí ọbée, “Ifú lahá mí ndekpinkí!”

²² Mli mú á, Sionbu así mlilaba. Bulu Ọkiankpapu amu wúlu yilé, igyi ọsọsọ Yerusalem pọ Bulu-abọpu mpím-mpím ansí ogyíkpa mlilaba. ²³ Bulu bití ámu abí, bogyi ahá ámọú bawánlín amú adá ọsọsọ ámu ofiakpa mlilaba. Bulu, ogyi ahá fẹé asón ogyípọ amu wá mlilaba. Mlilaba ahá ámọú Bulu latsú amú ání bafun amu akláa wá. ²⁴ Yesu wá mlilaba. Mogyi Bulu mwa anyánkpọsa nsiné ntam ọma ọlípọ ní. Yesu obugya wúnyáhe amú ọlọpu yilé ba dọn Habel obugya amu wá mlilaba.

²⁵ Mú sv mlíkí wankláán, méní mlíméekiná Bulu ámóú ɔde mlí asón bláa amv. Tsúfé Israelfó ámóú bekiná asón ání ɔlwa Mose blí Sinaibv así nu ámv bvmetalí srí sí isobití ámv. Ní aní é akíná ɔhá ánfí ɔdetóí tsú ɔsósó ánfí ɔme nu á, aní isobití bódvɔn amó klé. ²⁶ Bréá Bulu lótoí Sinaibvsv á, mv ɔme léha ɔsolóv lekpinkí. Táme séi á, alahíé ɔbéé, “Nétrá kpinkí ɔsolóv ɔtsáwole, kpinkí ɔsósó é tsia mótó.” ²⁷ “Nétrá kpinkí mú ɔtsáwole” anfi idesuná ání Bulu ɔbékpinkí atɔ bwehé ámv, lé mú inv. Tóá iméekpinkí ekekekeke pé obésian.

²⁸ Mú sv mlíha ada Bulu ipán. Tsúfé iwíegyí ání iméekpinkí abénya tsú mv wá. Mlíha abu mv, anya mv ifú, méní abégyí mv ansí. ²⁹ Tsúfé lélé mú á, ogyá aní Bulu ámv gyí, ɔtɔhɔ atɔ plíplíplí.

13

Alá Abégyi Bulu Ansi

¹ Mlíkita mlí aba Akristofó dwetɔ kínkíínkín. ² Mlímatan afóóhɔsv. Tsúfé móléha akv bɔhɔ Bulu-abɔpv afóó, imɔwankí amó ní. ³ Mlíkaín obu adípósó, fé mlíha amónyɔ dá obu. Mlíkaín ahá ání bvdé iwíɔsɔn wúunsu, fé mlíha amónyɔ dé iwíɔsɔn ámv wúun.

⁴ Akúlu móa aká bobúu aba amó abatsiátɔ. Ɔkukv mádalí mv ba ɔma, tsúfé Bulu ɔbébití ahá ání buda ahá ání bvmegyí amó akúlu ntée amó aká wá, pú mbva atɔpó fée isv.

⁵ Kóba asón imádvɔn mlí ɔdwe wa. Tóá mlíbv igyí mlí ansí, tsúfé Bulu lablí ɔbéé, “Mméenatí sí mlí, ntée kíná mlí ekekekeke.”

⁶ Mú sv abétalí wá klvɔn blí aníaa, “Mí Wíe Bulu gyí mí ɔbvápv.

Mú sv tɔtɔ móɔwa mí ifú.

Ntɔ nyankpvsa ɔbétalí bwé mí?”

⁷ Mlíkaín mlí nkpv agyápv amóú begyankpv bláa mlí Bulu asón ámvsv. Mlíki alá bɔpvtsiá, amlinya hógyi fé amó. ⁸ Alí ámóú Yesu Kristo gyí igye ámv a, alí ógyi nde, alí kén obétsiá bré fée é ní. ⁹ Mú sv mlímáha atosunáhé ɔtsan-ɔtsan igyi mlí ansí, ibítia mlí le ɔkpa wankláán ámvsv. Ibv aléá mléha Bulu ɔbówa awítɔle há mlí ɔhétɔ ɔwvnlín, megyi atogyihe mbva, ání itamawá labi kvkv há mósú agyípvsv gyí.

¹⁰ Aníbv afɔdie-asubwi kvá igyi ahapú ámóú beha Bulu igyi ɔsolósv nfi ámv buma ɔkpa gyi mósú atɔ. ¹¹ Bulu igyi ɔhapú dehen tɔpú mbwí obugya wíe Ɔwankíkpátɔ Ɔwankíkpá inv yóbv amó lakpan iwí afɔdie, bvtɔpú aye amv mó ya mmuátse, yówa mó ogyá. ¹² Iní sù Yesu é lówu mmuátse, méní ɔbópv mv onutó obugya gyóra mv ahá, amó lakpan sv ní. ¹³ Mú sv mlíha adalí yɔ mv wá mmuátse inv, abvkvɔ anía mɔnyɔ. ¹⁴ Tsúfé anímá wúluá ibétsiá yɔ ɔsolósv nfi. Anígyó wúlu amóú íbá ámv. ¹⁵ Mú sv mlíha atsvɔn Yesusv akanfv Bulu, íbwe afɔdie ání anídépvhá

mu ekekegyíeke. Múgyí onótó asón aní anidépuwá aní Wíe numnyam ni. ¹⁶Mlímátan awitolewasu. Mliye mli atótó ha aba, tsúfé mú aná gyí afodíeá itegyí Bulu ansí ní.

¹⁷Mlibu mli nkpá agyápu, amliba iwiasí ha amú. Tsúfé butamadá okpónó mli oklásokí su. Buyin aní béyele alíá bapokí aní oklásu onó Bulu ansító. Mliha amú abubwe amú agyómá ansigyísú, megyí nwesu. Ní megyí alí á, imóowa labi koku há mli.

¹⁸Mlitsia bə mpái ha aní. Nyin aní aní klun medé aní pón ha, táme anidékléá abétsiá tsiátó wankláán brégyibré. ¹⁹Nhié ndekléá mlibó mpái, Bulu oháa mí ansanki ba mli wá nkenyó ánfítə kótóó.

Mpái Tráhe

²⁰⁻²¹Iwilwii Ohapú Bulu, okokusóa aní Wíe Yesu Kristo tsú afúlitə ámu oháa amlitali bwe yilé kugyíkúá odeklé. Nde mu kokóli mbéé, otsúon Yesu Kristosu obwe tóá odeklé anitə. Yesu gyí akúfa Okpapú kpənkpəntiá Bulu lópu mu obugya ká ntam amú ubu inu bré féé, muva mu akúfa, bogyi mu ahá amu nsiné ní. Numnyam ibwéé mu kle yófun bréá itamatá! Amen.

Iklá

²²Mí apió, ibu mótóá owoló kútúklú nawánlín sísí mli. Táme nobwíí ipa, mliyaa asu amlinu mótó asón aní ndepuwá mli owonlín. ²³Nde mli ibi ha aní balé aní pío Timoteo obu. Ní okowa oša bətu mí nfi mú á, nékpa mu abéba bekí mli.

²⁴Nehá mli nkpá agyápu pú Bulu ahá atráhe féé itsiá. Akristofə amú bəbu Italia omátó ámu é behá mli itsiá.

²⁵Nde Bulu kokóli mbéé, owáa awitole ha mli féé! Amen!

Yakobo ጋግሴ

Itsiáha

¹ Mí Yakobo ání ngýi Bulu mva aní Wíe Yesu Kristo osúmbi dé ጋግሴ áñfi wanlín sísi mli Bulu ahá* ání mluladásáin wá ግító féé. Nde mli itsiá ha.

Ansigyinya Ikplánto

² Apíó aba, ní mlowíe ikplán móa ason wunheto á, ansí ihíe gyi mli. ³ Tsúfé mliyin ání ní bəso mli hógýi kú a, itehá mlitotomi táli líi mli ason wunhe féé onó. ⁴ Ní mletáli tomi líi mó onó á, ibéha mlédan, wá alé, fón tógýítótó. ⁵ Ní mlito oku léhián nyánsa á, okóli Bulu. Obéha mu faan. Omóowa mu pélitə, tsúfé Bulu təpú awitəle há ahá féé nyánsa. ⁶ Táme ní fókúli mu a, pu hógýi kúli mu. Másusúu fee omécha fú. Tsúfé ní fomohogyi ání obéha fú á, fuyi fé əpúá idá yó nkpa, uladá yó əma. ⁷⁻⁸ Ohá ání ogýi ali, mu agywun tamalíi tsukule əmádinká ansí obéə, ménya tətəətə tsú aní Wíe Bulu wá, tsúfé mu agywun igýi anyə.

Ohian Pó Iwinya

⁹ Ansí igýi Okristoyin ání əma tətə, tsúfé Bulu latsú mu fúá. ¹⁰ Ní Bulu obá iwí onyapó é asi á, ansí igýi mu. Tsúfé mu nkpa bətsən fé oyí ntswítswi. ¹¹ Ali ámuú owí onó iwá onlin, itó ifá, mó ntswítswi tób kpaákpáa; ifá ámu alé tetá ámu a, ali kén iwí onyapó déyə ədebá alu obówu ní.

Isóki

¹² Bulu toyúlá ohá ání ototomi ikplántə. Tsúfé ní əledali mótó á, Bulu obéda mu ipán, há mu nkpa ání itamatá, igýi isugýi-ipa ámuú əlehie obéə, mópəhá ahá ámuú butədwé mu amu. ¹³ Ní bəso oku kú a, əmáblí obéə Bulu lásə mu kú, tsúfé əhaa méetalí sə Bulu kú obéə, əbwéə lakpan. Bulu é tamasə əhaa kú obéə, əbwéə lakpan. ¹⁴ Nyankpəsa onutó əwóli laláhe témlé mu, bitía mu wá isókitə. ¹⁵ Əwóli laláhe təkúwí lakpan. Lakpan é igýi əhasu á, itəpú lowu ba.

¹⁶ Mó su apíó adwəpú, mlímáha əhaa əmle mli. ¹⁷ Atə wankláán pú atokiehé yilé kugýiko itsú əsósú. Itsú aní Sí Bulu, əsósú atə wankihé Əbwəpú ámu wá. Ətamatsə fé əpa móa onyé. ¹⁸ Mu apétó ələpu mu ənəkwalí asún kwíi aní, méni abóbwe agyankpapu mu atə bwehé féétó.

Asónnu Pó Mósogyí

¹⁹ Apíó adwəpú, mlinu. Mlikəsí nu asún asi. Mli onó máwa əsa. Mlímákəsí nyá əblé é. ²⁰ Tsúfé əblé tamabwé tóá Bulu tekle.

* 1:1 Yakobo léti Bulu ahá obéə, abusuan dúanyə ámu.

²¹ Mú sù mlíe tsiátó laláhe kugyíko le mlí nkpatò, amlisi lakpan bwe. Mboún mlíba iwíasi, amlíhò Bulu asón á múú aladú wá mlíto ámu. Mú òbèha mlí òkláa obénya nkpa ní.

²² Mlíbwe dinka Bulu asón ámusù, mlímábwè mó anupó keke. Ní mlóbwé mó anupó keke a, iwí mlídémlé. ²³ Òhá ání onú Bulu asón, omegyí músó gyí fé òhá ání alakí mu iwí ahwhwétó. ²⁴ Onyánátí mó así pé á, alatan alá olowun mu iwí. ²⁵ Táme òhá ání òleyaa asù nú Kristo mbala á múú ìlòfòn, itehá anitegyi iwí ámu, òmetan músó, òde músó gyí a, Bulu obóyulá mu òkpagyíòkpasu.

²⁶ Òhagyíòha ání òbèe mude Bulu sùm, táme òtamakítá iwí mu tóito á, òde iwí mlé. Mu Bulusùm igyi kpaali. ²⁷ Bulusùm oduá mó iwí letin, asvansu ma mó iwí, aní Sí Bulu tekle gyí, mléki awumbi móa asvrapusu amú ikplántò. Mléki ání òyí ánfíto lakpanbwe é imégyi mlísu.

2

Fitátò Futí Kí

¹ Mí apíó, ní mlílahò numnyam Owíe Yesu Kristo gyi a, mlímáfutí fitátò kí. ²⁻³ Ní iwí onyapóá òdídí tatiá ibu ibiá, òlwa sika ató pú ohiániá òdídí tatida bebá mlí Bulu osúmkpá a, mlímáha iwí onyapó ámu otsiákpá, bláa mu mlíaa, obétsiá oyilékpá nfi; bláa ohiáni ámu mó mlíaa, otsiá así òtneku mu, ntée odúnka òtneku lu. ⁴ Ní mlobú ahá amú iwínya sù á, mlímókópó agywun laláhe gyi asón ní?

⁵ Apíó adwepú, mlíyaa asù amlínu. Bulu léle òyí ánfíto ahíánfò òbèe, bunyáa hógyi ání mó ònó bu ònlun, abotsia mu iwíegyi ámuò, fé alí á múú òlehié yáí òbèe, mópohá ahá á múú butòdwé mu amu. ⁶ Táme mlí mó á, mlítòkpóí ahíánfò. Nfíte mlí, megyí iwí anyapó ánfí tesísi mlí, tswín mlí mánsu, sáma mlí wúlu ahande wá ní? ⁷ Megyí amú dé Kristo ìdayilé á múú ìdun mlísu ámu kpóí ní?

⁸ Bulu mbala ámu féé nwun, bòwanlín wá Bulu ason wanlínhé amòto gyí, “Dwe fú bá fé fú iwí.” Ní mlíde músó gyi lélé á, múmó mlíde itò wankláán bwe. ⁹ Táme ní mlófutí fitátò kí a, mlílabwé lakpan. Bulu mbala ámu lahá mlí ipón. ¹⁰ Tsúfé fúá fegyí mbala ámu féésó, táme fepán kole pé á, fagyí pón ání fatón mbala ámu féé. ¹¹ Tsúfé Bulu léblí òbèe, “Mátò mbua.” Mu kén léblí òbèe, “Mámò òha” é ní. Mú sù ní fòmòkótó mbua, táme famó òha a, fòmòkókíná Bulu mbalasù gyí ní? ¹² Bulu òbópu mbala ánfí itehá anitegyi iwí ánfí gyi ahá asón. Mú sù mlíki wankláán, mlí ason blíhé pú mlí bwehétó. ¹³ Tsúfé òhá ání òtamawun ahá nwe á, Bulu omóowun mu nwe. Táme ní fòtowun ahá nwe á, Bulu obóowun fò nwe mu asón ogyíké.

Hógyi Pó Bwehé

¹⁴ Apíó aba, ní òkú òbée, m̀h̀o Bulu gyi, táme mu bwehé mosuná alí á, labi m̀m̀mu mu hógyi amu bu? Mú odu íbétalí há mu òkláa obénya nkpa? ¹⁵⁻¹⁶ Ní fowun fú aba aku buma atò dídáhé pú òyi k̀h̀h̀etò atogyihé, táme f̀m̀eha amú, f̀ebláa amú f̀eé, “Nehá m̀li itsiá. M̀litsia wankláán. Bulu òkpáa m̀li, òha m̀li t́á íde m̀li hián” a, labi m̀m̀mu fú asun blíh́é amu íd̀wa? ¹⁷ Alí hógyi igyi ní. Hógyi oduá yilébwe há fú bá ima mótó á, igyi hógyi wúh́é.

¹⁸ Òkú òbétalí blí òbée “F̀ub̀u hógyi. Mí é ntòbwé yilé.” Néle bláa mu mbée, “Suna mí fú hógyi amóú yilébwe ima mótó ámu. Mí é nòsuná fú mí hógyi tsú mí yilébwétò.” ¹⁹ Fú hógyi desuná ání Bulu òkule pé bu unu? Ibu alé! Táme bi ání òh̀e laláhe f̀éé bohogyi alí. Mú s̀v̀ butenyá mu ifú, kpínkí kpakpakpakpa. ²⁰ Fú òha m̀imláhé, f̀udekléa f̀owun ání hógyiá ítamabwé yilé igyi hógyi kpaali? ²¹ Aní náin Abraham lóbwe yilé Bulu ansító, tsúf́e olotsulá kpá mu bi Isak yáa pututò, t̀eki òyóm̀o mu b́o af̀òdié há Bulu. ²² M̀lilawun alíá nanáin Abraham hógyi pú mu bwehé lenatí? Mu bwehé s̀v̀ mu hógyi l̀f̀un. ²³ Alí Bulu asun wanlínhé anfi íleba mótó ní. Òbée, “Abraham l̀h̀o Bulu gyi. Mú s̀v̀ Bulu lóbmu mu yilé òbwepó,” tí mu mu nyawie ní. ²⁴ Iní s̀v̀ séi á, m̀l̀bi ání yilébwe t́há Bulu totsú òha ání mu asún da òkpa mu ansító, megyí mu hógyi pé.

²⁵ Alí íleba ha obu-ònó otsiápó Rahab é ní. Bulu lótsu mu ání mu asún da òkpa, tsú t́á òlóbwe s̀v̀. Òl̀p̀v̀ Yudafò akvá b́eba bude ansí wa kí mu òmátò ñáin, òleha amú betse òkpa s̀rí.

²⁶ Alí ámuó òh̀e ima òhatò ógyi itowuhé ámu a, alí ní yilébwe memá hógyis̀v̀ é igyi hógyi wúh́é ní.

3

Òdandu

¹ Mí apíó, m̀li f̀éé m̀lumábwe íwí ató asunápó. Tsúf́e Bulu obégyi aní ató asunápó anfi asún kínkíínkín. ² Aní f̀éé anutepán brégyíbré, táme ní òkú tamapán mu t́itò á, múmó òl̀f̀un. Òbétalí gyi mu íwí s̀v̀ òkpagyíòkpasu. ³ Apókí, dátòbi ku pé butòpówá òp̀onkò ònó, púdámli mu, súná mu òkpa pú t́á òbwéé. Itéhá otobú aní. ⁴ M̀l̀kí ntsus̀v̀-iyibiá íd̀un ntsu ansító. Ilomoní, afú kp̀onkp̀oǹti t́ópó mú náti. Táme òtabu pátáplábi ku t́édámli mú, súná òtínéá íyòó. ⁵ Alí aní òdandu é igyi ní. Igyi aní íwí itó t́úkúríibi ku. Táme ítetálí blí asún akp̀onkp̀oǹti pótusú íwí.

Igyi fé ogya pl̀enpl̀enbi ání itòwá ipó yilé ogyá. ⁶ Igyi itò laláhéá iteyíntá ató f̀éé aní íwí. Itòkpóí nyankp̀usa, yíntá mu nkpatíatò f̀éé. Isubítí ogyá ání itamaduntò òdandu ogyá anfi tetsánkí tsú. ⁷ Nyankp̀usa tetálí bwé pututò-mbwi, mbubwi, awò pú ntsutso mbwi akugyíaku butemántá. ⁸ Táme òhaa m̀ókótálí bwé òdandu òmanta kí. Itò laláhe òdandu gyi.

Ɔtamatsiá díín. Elín ání itómó sóón bó mó. ⁹ Anitópú aní ɔdandu kánfó aní Wie pú aní Sí Bulu. Mó kén anitópólwíí ahá ní. Táme Bulu onutó lóbwe nyankpɔsa fé mu iwí. ¹⁰ Ɔnó kule pé ámɔto ikanfó móa ilwí tedáli tsu. Mí apíó, ima aleá íbéba ali. ¹¹ Ntsuá íbu anúle pú ntsuá ima anúle bétalí lun tsu ɔbón kuletɔ? ¹² Mángo oyí bétalí swíé kankaba? Ntée bafé oyí bétalí swíé mángo? Ekekeke! Alí ntsuá íbu anúle méetalí lun tsu ɔbón ání móto ntsu ma anúletɔ ní.

Nyánsa Aní Itsú Bulu Wá

¹³ Ní ɔku bu nyánsa móa asón asinu mlitɔ á, mó mó ɔpú mu tsiátó wankláán le mó suna tsɔn mu bwehé pú mu iwiasibá ání itsú mu nyánsatɔ. ¹⁴ Táme ní olu pú ɔnsípe tsiátó bu mɔto á, mó mó ɔmápu íbɛ sí kántó, blí ɔbé mu bu nyánsa. Ní ɔblí ali á, alawá afunu dínká ɔnɔkwali amɔsu. ¹⁵ Nyánsa ání odu motsú ɔsósó. Itsú ɔyító ató ɔmagyáa, tsiátó laláhe, pú ɔhe laláhe wá. ¹⁶ Tsúfé ɔtingyíɔtíné ání olu pú ɔnsípe bu a, aba asimánú pú lalahɛbwe tétsiá íbu. ¹⁷ Táme ɔhá ání mu nyánsa itsú ɔsósó á, gyankpapu, mu iwí letin. Ololwíí, ɔɔdwé ahá, ɔteba iwiasí. Otowun ahá nwe, ɔɔbwé yilé. Ɔtamafúti fitátó kɛ, ɔɔbwé ató tsú mu klɔntɔ. ¹⁸ Ahá nsiné ɔlapú todú iwílwíiá itópú yilé bwe ba.

4

Ɔyító Ató Dwe

¹ Ntɔ tétí ikó móa ítré wá mli nsiné? Megyí ɔwólí laláhe ání ideklé igyi mli su tɔpóba? ² Mli lapú ɔnsípe mli dé ató klé, mli mé dé mó nya. Iní su mli dé ahá mɔ. Mli ansí depe ahá atósó. Mó só mli dé tré kó ní, táme mli íbɛ méeda mó kɛ. Tóá swá mli ményá gyí, mli tamakólí Bulu ɔha mli. ³ Ní mli kólí kóráá á, ɔtamahá mli, tsúfé agywun laláhe mli tɔpókólí mu. Alíá mli ɔpɔwá iwí ansigyí su mli dé mu kolí. ⁴ Mli ládámli ɔma há Bulu. Mli ményín ání ní mli dé ɔyító ató dwe á, mli dé Bulu lu? Ní fudeklé fé fé fódwe ɔyító ató á, futɔbwé Bulu olupú. ⁵ Ntée mli dé kú mli aa, kpaali Bulu asɔn wanlínhé amɔ íleblí ɔbéé, “Bulu tamatsúlá Ɔhé ámú ɔlɔpɔwá anitɔ ámɔsu?” ⁶ Iní só ɔtópú awitɔle tsɔtsɔtsɔ kpá aní, fé alíá Bulu asɔn wanlínhé amɔ íleblí ní. Ɔbéé, “Ɔtɔkósó líí iwí atsupósó, táme ɔtópú awitɔle kpá iwiasí abápu.”

⁷ Mó su nde mli bláa mbéé, mli bá iwiasí ha Bulu. Mli kɔsu lu Ɔbunsámsú, ɔbésrí náti mli wá. ⁸ Mli kpɔkpɛ manta Bulu, Bulu é ɔbékɔkpé manta mli. Lakpan abwɛpú, mli fwí íbɛ le lakpan bweɔ. Ahá ání mli agywun igyi anyɔ, mli ha mli klɔntɔ itin. ⁹ Mli su, amlí ha mli iwí iwa mli nwe, mli lakpan su. Mli mósi ídámli isú, mli ansigyí imli péli. ¹⁰ Mli ba iwiasí Bulu ansító, méní obótsu mli fɔá.

Aba Iwi Asón Blí

¹¹ Apíó adwepó, mlimátrá blí mlí aba iwí asón. Mlimátrá tsii aba, kpóí aba. Ohagyíoha ání òlèlè m̀v ba ìá ntée gyi m̀v asón á, ilosuná ání òdeblí òbée, Bulu mbla ámv ́ma ale. Iní désuná ání alatsú m̀v iwí ání òdun mbla ámv. Ní òdun mbla ámv a, múmó òmedé Bulu mbla ámv bu. ¹² Bulu lówa mbla ámv. M̀v pé òbétalí p̀v mú gyi aní asón. M̀v pé òbétalí h̀v aní nkpa, ntée mó aní. Ní igyi alí mó á, fúgyí ma ání fégyi fú bá asón?

Ansí Pvdínká Okesu

¹³ Mliya asu amlinu. Mli ahá ámvú mli teblí mli aa, “Nde ntée òke abóyo wúlu yilé kusu, yétsiá inu ofi òkole gyi ibiá nyá iwí” ámv. ¹⁴ Mbée, mliyin òketò? Mliyin alíá mlí nkpatisiátó bóbwe? Mli gyí fé agyinde, itedálí dínká, táme itamawá òpá kuku, itófwi. ¹⁵ Mó sv t́á ilehián ání mléblí gyí, “Ní Bulu lótsulá há aní nkpa á, abóbwe iní ntée iní.” ¹⁶ Ní imegyí alí á, ilosuná ání mlidé iwí tsu, p̀v ibí sí kántó. Lakpan iwí tsú ánfí odu gyí.

¹⁷ Mó sv òhá ání oyin itò wankláán, táme òtamabwé á, òde lakpan bwe.

5*Iwi Anyapó Asón*

¹ Iwi anyapó, mli su amlisura okitikiti, tsúfé ipian kponkponti ibá mli su. ² Séí ánfí á, mlí atonyahé féé laplò. Atéple bawí mlí atati. ³ Mli sika ató é ìlakpóí, wí nkanu. Mó nkanu ámv obégyi mlí iwí adánsie, yíntá mlí òyólúv fé alíá ogyá teyíntá ató. Mli lakle ató tsòtsòtsò yáí kpaali, bré ánfí òyí ibá bómò ònò ánfí. ⁴ Mli káin ání ahá ámvú mlidóbò ipa, b̀v ò agyómá mlí ndòtò, táme mlilékiná amó ikò ka ámv isú lató Bulu, túmi féé Owíe amv. ⁵ Mli latsiá òsólúv anfisv, gyi nkpa múa òdwe p̀wá nfo fé nnantswie há mlí òmàké. ⁶ Mli lahá òhá ání m̀v asón da òkpa ipón, mó m̀v, òmepriú iwí.

Ikunya M̀v Mpáibò

⁷ Apíó aba, mli nya klun tsia gyo aní Wíe Yesu Kristo ibá. Mli kí alíá òdòtòp̀v tenyá klun tsíá gyo nyankp̀v gyankpap̀v múa tráhe, p̀v alíá òtetsiá gyo bréá òsólúv amv ibéha atò p̀p̀we bówie wóyí. ⁸⁻⁹ Mli é mli nya klun amlilú kínkín, tsúfé aní Wíe, ogyi asón ogyíp̀v amv ibá lafun. Mó sv mli mátsiá t́í mlí abasu, méní òméha mlí ipón.

¹⁰ Apíó, mli p̀v Bulu ònósú atóip̀v amóv beblí Bulu asón ámv bwe mlí atosúanhe. Bowun asón tsòtsòtsò, táme benya klun. ¹¹ Mli kí alíá anitobú amó. Itsú alíá botomi amó ason wunhetò sv. Mli káin Hiob é iwí asónsú. Alíá olotomi m̀v ason wunhetò. Iní sv Bulu lóyulá m̀v mó òma. Lélé, Bulu bv awitòle. Otowun ahá nwe.

¹² Mí apíó, ndeklé mbéε mlibú wankláán ání mlimátánu ɔsósú ntée ɔsolúu, ntée ká tɔtɔtɔ. Mli “Iin!” ɔwée “Iin!” mli “O-o!” é ɔwée “O-o!” méní Bulu méεha mli pón.

¹³ Ní ɔku dé ipian wúun mliɔ á, okókoli Bulu. Ní ansí de ɔku gyí é á, ɔwáa ɔlɔ kanfɔ Bulu. ¹⁴ Ní ɔku délɔ mliɔ á, ɔtí ɔpasua ahande abɔba bokókóli Bulu, abɔkpa mu ofobí aní Wíε ɔdátɔ. ¹⁵ Ní bokókóli aní Wíε hógyitɔ á, ɔbétsa mu ɔlɔ, ɔbókɔsú. Ní alabwé lakpan ku á, Bulu obési mú fée kíε mu. ¹⁶ Mú alí su mliε mli lakpan bli, amlíkókoli Bulu ha aba, méní ɔbétsa mli ɔlɔ. ɔhá ání mu asún da ɔkpa mpái tɔwá ogyá. Itɔyó agyómá wankláán. ¹⁷ Nyankpɔsa Elia é gyí fé mía fɔnyɔ. Olokokóli Bulu kínkíínkín ání nyankpɔ mátswíε. Lélé imotswie nfinsa móa ɔfɔn. ¹⁸ ɔlɔlakóli mu ání itswíε. Lélé nyankpɔ létíí, ɔlɔha ató lɔlawá alé ɔsolúu.

¹⁹ Mí apíó, ní mliɔ ɔku ɔdida hógyitɔ á, ɔku ɔsánkia mu ba. ²⁰ Mlibi ání ɔhá ámu lalé ɔkláa tsú lowu ání tɛki obówutɔ. Mú su Bulu obési mu lakpan tsɔtsɔtɔ kíε mu.

Petro ᾯwulú Gyankpapu

Itsiaha

¹ ᾯwulú ánfí itsú mí Petro ání ngýi Yesu Kristo sumbí ɔyɔpú wá.

Nde mú wanlín sísí mlí ahá ání Bulu lalé bwé mu abí, mlíladásáín yóbwe afóó Ponto, Galatia, Kapadokia, Asia yédalí Bitinia ɔmátó fée. ² ᾯsí Bulu lalé mlí fé alí á múú ɔlehíhíe mú yáí ání íbá mótó ámu. Bulu latsɔn ᾯɣe Wankíhé amusu bwé mlí mu ahá, méní mlóbu Yesu Kristo, mu obugya é íbógyɔráa mlí.

Bulu ɔhíe gyi mlí buale, ɔha mlí iwílwii tsɔtsɔtsɔ!

ᾯkpakú Aní Imóɔbwe Kpaali

³ Mlíha akanfɔ Bulu. Múgyí aní Wíe Yesu Kristo mu Sɔ pú mu Bulu ní. Mu nwewúun kpɔnkpɔnkpɔntí ámu su alakósúa aní Wíe Yesu Kristo tsú afúlitɔ pòhá aní nkpa pɔpwe. Iní lahá anílanú íwiasí ání aní ɔkpakú mósɔbwe kpaali. ⁴ Mú su aní ansídín ání aní íbí bédá siadié yílé á múú Bulu léhie ání ɔbópɔhá mu abí ámu. Alalá mú yáí ɔsósú wankláán há mlí, atóá ítamayíntá, ítamapló, ítamakpá é. ⁵ Siadié yílé ánfí igyi mlí ahá á múú mlílahogyi amu klé. Mlí hógýi su Bulu túmí bun mlísu, íde mlísu kí alu yófɔn ató fée nkpa ɔhóke á múú Bulu lalá yáí ání ɔbéle mú ɔwan ɔyí ɔnómáké ámu.

⁶ Ibo mótó ání ísókí ɔtsan-ɔtsan íde mlí tu, mlídé asón wúun, támé ítɔ ánfí mlí ansídín músú ánfí su ansí məkósí mlí gyí. ⁷ Tóá sɔá mlídé asón wúun gyí, mú obósuná ání mlílahɔ Yesu gyi lélé ní. Tó bɔtɔtɔ sika pɛpɛ ání ítetálí yíntá kóráá kí beɛ, wankláán igyi. Alí kén bópu asɔn wunhe sɔ mlí hógýi ání íbu labi dɔn sika pɛpɛ kí beɛ, lélé mlílahɔ Yesu gyi, méní mlétalí líí kínkín ní. Íbá alí á, békánfó mlí, wá mlí numnyam, há mlí ídayilé eke á múú Yesu Kristo ɔbéle íwí ɔwan ámu. ⁸ Ibo mótó ání mlímókúwun Yesu kí, támé mlítɔdwé mu. Mlímedé mu wúun mú, támé mlídé musu hógýi. Iní su ansigyí kpɔnkpɔnkpɔntí ání ɔnó méetalí bí labólá mlítɔ. ⁹ Tsúfé mlídé mlí nkpahóó á múú mlénýa tsú mu hógýitɔ ámu nya.

¹⁰ Bulu ɔnósú atáípú amu beblí nkpa ánfí Bulu ɔbóhɔ mlí ánfí asón tswí. Betetéɛ mu awítɔle asón ánfítɔ wankláán, méní bónu mú asi. ¹¹ Kristo ᾯɣé letsíá Bulu ɔnósú atáípú ánfítɔ, tsíá súná amó, beblí yáí alíá Kristo obówwun ípian. Mú ɔma a, numnyam kpɔnkpɔnkpɔntí béba. Mú su besen ansító ání bébi bréá nkpahóó ánfí íbéba pú ɔhá oduá íbótsɔn musu ba. ¹² Bulu léle súná amó ání megyí amó sɔ bɔde asón ámu ɔkan da, mbóún mlí su bɔde mú ɔkan da. Séí mú mlílanú asón ámu. Tsúfé Bulu lówa mu ᾯɣe Wankíhé tsú ɔsósú bebláa asɔn wankláán ámu

ɔkan adapó alí asón ánfí, amó é beda mó ɔkan súná mlí. Bulu-abɔpu kóráá ansí tepé ání bónu alí asón ánfí así.

Iwítuntɔ Tsiá

¹³ Iní sɔ mlída iwísu amlíkíta iwí. Mlípɔ mlí ansí fée dínka awítɔle amóú Bulu ɔbówa há mlí ekéá aní Wíe Yesu Kristo ɔbékplí tsú ɔsúsú bele iwí ɔwan ámɔsu. ¹⁴ Mlípɔ Bulu fé alí amóú nyebí bɔtobú amó akwípú amɔ. Mlímáha tsiátó laláhe amóú iletsiá mlítɔ bré amóú mlíméyín tɔtɔ tsú Yesu iwí amɔ igyi mlísu. ¹⁵ Mboún mlíha mlí iwí itin mlí bwehé féeétó, fé alí amóú Bulu amóú ɔletí mlí amɔ iwí létin amɔ. ¹⁶ Tsúfé bɔwanlín wá Bulu asón amɔtɔ beɛ, “Bulu ɔbéɛ, ‘Mlíha mlí iwí itin, tsúfé mí iwí letin.’ ”

¹⁷ Mɔgyí ɔhá ání mlítetí mlíaa, mlí Sí ní mlídé mpái bɔ ní. ɔtamakí ɔha ansító ní ɔde ahá asón gyí. Mboún ɔhagyíɔha bwehé ɔtɔpógyí mɔ asón. Mó sɔ mlípɔ Bulu-ifúnya bwe mlí bwehé kugyíku nke tráhe anfi ɔlasí mlí ɔyí ánfítɔ. ¹⁸ Tsúfé mlíyin tóá ɔlɔpuká mlí nwunsɔ ikɔ, há mlílagyi iwí tsú mlí anáin amándíé laláhe amóú iletin mlí ɔkpa amɔtɔ. Itó amóú ɔlɔpuká mlí nwunsɔ ikɔ amɔ megyí fé sika pepe móa sika futútú ání itetáli yíntá. ¹⁹ Kristo obugya ání ihíé bɔ ibiá ɔlɔpuká mlí nwunsɔ ikɔ amɔ. Kristo gyí fé okúfabiá ɔlɔfɔn ha mbusuo kugyíku le, piná kuku ma mɔ iwí. ²⁰ Asa Bulu lóbwe ɔyí á, ɔlehíhíé tóá íbéba Kristosɔ yái. Mlí sɔ Bulu lalé mɔ súná bré tráhe anfitɔ. ²¹ Kristo lahá mlílahɔ Bulu gyi. Bulu lókɔsóa mɔ tsú afúlitɔ, wá mɔ numnyam. Mó sɔ mlí ansídín Bulusɔ, mlídé tóá alahíé ɔkpa kú ní.

²² Mlílagyi dínká ɔnɔkwali amóú íbɔ Kristotɔ ámɔsu. Mó sɔ mlílatin mlí iwí há Bulu, mlídé aba dwe fé apíó. Megyí ansító-ɔdwe mlídépuhá aba. Mlíyɔ mósó amlídwɛ aba wankláán tsu mlí klɔntɔ. ²³ Bulu lakwí mlí pópwe. Megyí nyankpɔsa ání oméetsiá nkpa wá ɔpásó ɔlɔtsɔn kwí mlí. Mboún Bulu asón amóú íbɔ nkpa, íbɔ inɔ bré féeétó amɔsu ɔlɔtsɔn kwí mlí. ²⁴ Bɔwanlín wá Bulu asón amɔtɔ beɛ, “Anyánkɔpɔsa bɔgyi fé ífá. Amó numnyam é igyi fé ífá ntswítswí. Ífá towú, mó ntswítswí tɔbɔ kpákpáa, ²⁵ támɛ aní Wíe asón amɔ mó bɔ inɔ bré féeétó.” Asón ánfí gyí asón wankláán amóú mó ɔkan adapó beda súná mlí amɔ ní.

2

¹ Mó sɔ mlíle agywíun laláhe kugyíku le mlítɔ. Mlímátrá mlé aba, ntée bwé apinabwebí. Mlímátrá pe ansí abaso, ntée tsií aba. ² Mlíbwe mlí iwí fé nyebí bɔbwe, amlíha Bulu asón amóú iletin, tɔtɔ mefráa mótó amɔ ɔdínka mlí ɔwólí brégyíbré, fé alí amóú nyópu-ntsu tedínká nyebí ɔwólí amɔ. Méní íbéha mlédan, nyá nkpahɔ tsú Bulu wá. ³ Mlílakápú aní Wíe amɔ kí, mlílawun ání ɔbɔ awítɔle.

Akristofɔ Babwé Aha Pɔpwe Há Bulu

⁴ Mú sɔ mlíkɔkɔpɛ ba anɪ Wíe Yesu Kristo wá. Mɔgyí nkpa Owíe nɪ. Kristo gyí fé ibwiá ahá bekiná mú ání uma labi, táme Bulu léle mú ání ibu labi mu ansító. ⁵ Ɔhétó asón nebá beblí á. Mlɪba Bulu wá bré ánfɪ mlɪbu nkpa ánfɪ, ɔbwe mlɪ fé abwiá ɔdepuyi obuá bótswe mu mótó. Ɔbwe mlɪ mu igyí ahapó ání amó iwɪ létɪn, amlɪtsɔn Yesu Kristosɔ ha Bulu igyí amóú mu Ɔhété losusúu suná mlɪ, itegyɪ mu ansí ámu. ⁶ Tsúfé bɔwanlín wá Bulu asón ámuɔ beɛ,

“Bulu ɔbéɛ, mlɪkɪ, nalé ibwi ání ibu labi,
póbwé okonkísóbwi yáí Sion wúluto.

Ɔhagyíɔha ání ɔlɔhɔ anɪ Wíe, ogyi okonkísóbwi ámuɔ gyi a,
péli méekítá mu ekekekeke.”

⁷ Ibwi ánfɪ híé ibu labi há mlɪ ahá ání mlɪlɔhɔ Kristo gyi. Táme há ahá ání bɔmɔhɔ Kristo gyi mú á, Bulu asón ámu ɔleblí ɔbéɛ, “Ibwi ánfɪ obu ayípu bekiná ní.

Táme mólébemlɪ ibwi ání ihíé bu labi don mú féé ní.”

⁸ Asa é á,

“Inɪ gyí ibwiá ahá bósutíin mósó dɪda ní.”

Bósutíin mósó, tsúfé bɔmegyi Bulu asón ámuɔ. Alí Bulu léhie yáí ání íbá ha amó nɪ.

⁹ Táme mlɪ mú á, mlɪgyí ɔmá ání Bulu lalé. Owíe amu igyí ahapó. Ɔmá wankíhé ání Bulu lapó mlɪ bwé mu onutó ahá nɪ. Mólalé mlɪ tsú oklúntɔ pú mlɪ ba mu ɔkandíe wánkíhé amu asi ɔbéɛ, mlɪbéda ofúla amóú alabwé ámu iwɪ ɔkan. ¹⁰ Teki bré ámu a, megyí Bulu ahá mlɪgyí. Táme séi mú á, mlɪlabwé Bulu ahá. Bré ámu a, tekɪ Bulu nwewúun uma mlɪsɔ. Táme séi mú á, mu nwewúun laba mlɪsɔ.

Bulu Nkpábi

¹¹ Apíó adwepó, nhíé nde mlɪ ɔlá da. Afóó mlɪgyí, mlɪméetsiá ɔsolóv anfisɔ wá ɔpá. Mú sɔ mlɪle iwɪ tsu nyankpɔsa ɔwóli laláhe amóú itákó mlɪ ɔkláa ísá ámuɔ. ¹² Inɪá mlɪa ɔmátófɔ tsíe sɔ á, mlɪtsia tsiátó wankláán, ménɪ ní buɔleblí beɛ mlɪ tsiátó uma ale a, bówwun mlɪ yilébwɛ, fówun békanfó Bulu eke amóú ɔbéba beki amó gymagyihe amu.

¹³ Anɪ Wíe Yesu sɔ mlɪbu aban muɔa ɔhagyíɔha ání bapú túmi wá mu ibɪɔ. Mlɪbu ɔmá ɔkparú ání ɔde ɔmá ámu féésú gyí. ¹⁴ Mlɪbu ɔmású akípu amóú ɔmá ɔkparú lalé ɔbéɛ, bɔbíti lakpan abwepó isɔ, abukanfu yilé abwepó ámu. ¹⁵ Mlɪbwɛ yilé pɔka asɔn laláhe amóú aha mimláhe bɔteblí mábí sɔ tsú mlɪ iwɪ ámu itin. Tsúfé ɔkpa ánfisɔ Bulu déklé ɔbéɛ, mlɪbwéé mú ní. ¹⁶ Mlɪtsia nkpa fé ahá ání butsie iwɪsɔ, táme mlɪmápu mlɪ iwɪsɔtsiá ámu tin ansíbi bwé lalahɛ. Mbóún mlɪtsia nkpa fé Bulu asúmpó. ¹⁷ Mlɪbu ɔhagyíɔha, amlɪdwe mlɪ aba ahógyipu. Mlɪnya Bulu ifú, amlɪbu mlɪ ɔmá ɔkparú.

Asúmpó Iwiasibá

¹⁸ Nkpábi, mlinya mli awíe ifú, amlipw obú ha amó. Megyí amóá bolwíí, bobu awítale há mli nkole. Mlibu amóá bobu owuntolun mli su é. ¹⁹ Ní ileba mótó ání behá mlowun iwiasin kuku kpaali, táme Bulu só mlotomi hō mó faan a, Bulu ansí bégyi mli iwí. ²⁰ Labi mōmv ibu ní fatomi, badá fú fú lakpan su? Kuku ima mótó. Táme ní fōbwé yilé asa fotomi beda fú á, Bulu ansí tegyi fú iwí. ²¹ Asun wunhe ánfí aná su Bulu létí mli ní. Tsúfé mli su Kristo onutó é lótomi tson asun wunhetō póbwé mfántóhón há mli, méní mli é mlótsun mósú. ²² Bōwanlín wá Bulu asun wanlínhé amoto beε, “Ōmōbwe lakpan kuku. Ōmemlé ohaa é.” ²³ Besia mv, mv mó omesia ohaa. Bréá ode ipian wúun a, omeka ohaasu, táme olopu mv ansí dínká Bulu, asón ogyípó onokwalipw amosu. ²⁴ Yesu Kristo onutó lóhō aní lakpan fée sórá, beda mv mántá oyikpalíhe amosu, méní abégyi iwí tsú aní lakpantō, tsíá nkpa há yilébwe. Tsúfé bōwanlín wá Bulu asón amoto beε, “Mv iwí nlo amoto mlilénya mli iotsá.” ²⁵ Tsúfé mligyí fé akúfa fwíhé, fé alí amóú bōwanlín wá Bulu asóntó ámv. Táme séi mó á, mlilayínkí bá mlibuo Yesu, mli oklásu okípu pú mv okpapú ámv.

3

Akúlu Múa Aká

¹ Atsi, mlibu mli akúlu alí kén, méní ní amótó aku bōmōhō Bulu asónsó gyi kóráá, bowun mli tsiátó a, íbétse amó, megyí mli obétepi trá bláa amó asuansu. ² Tsúfé bōwun mli tsiátó wankláán pú alíá mlitehíé bú ató. ³ Mli alé imátsu mli imi bwe, atati yilé didá ntée sika atóá ibu íbíá watō. ⁴ Mboún mliha mli alé itsu mli klontō. Aléá itamayintá gyi múa ibu alé, ilolwíí. Mótéhíé gyi Bulu ansí ní. ⁵ Tsúfé alí kén bímbí ámv atsiá bōpu amó iwí há Bulu, pú ansí dínká mōsu bobu amó akúlu, su bōwa akíle ni. ⁶ Alí kén Sara lóbu mv kulu, oletsiá tí mv obée, “Mí wíe” ni. Mv abí mligyí, ní mlōbwé yilé, mliménya tōtō ifú.

⁷ Alí kén mli ayin é, ní mliha mli aká mlibu mv á, mlibi ání bōma awútó owonlín fé mli. Mliwun amó nwe, amlipw obú ha amó. Tsúfé mliha amónyo obénya Bulu atokiehé amóú igyi nkpa ámv. Mlikita mli aká tson okpa ánfisu, méní ní mlidé mpáí bō á, tōtō méetin mli okpa.

Ipiawúun Yilébwe Su

⁸ Itráhe-tráhe a, mli fée mliha mli agywun íbwe kule. Mli su ha aba, amlidwe mli aba Akristofō. Mliwun aba nwe, amliba iwiasí ha aba. ⁹ Mlimápu lalahé ká lalahé ikō. Ntée ní ahá besía mli á, mlimásia amó ká ikō. Mboún mliyula amó, tsúfé Bulu létí mli ání mlibóyulá ahá, méní obóyulá mli. ¹⁰ Bōwanlín wá Bulu asón amoto beε,

“Ní òkú déklé òbée, mú tsiátó iwá alá,
otsia ansigyító a,
mómú osii ahá iwí asun laláhe bí,
osi afunu wa.

¹¹ Osii laláhe bwe, òbwée yilé.

Odúnka iwilwii, ogyáa mú òkpa.

¹² Tsúfè Bulu ansí bu yilé abwepósó.

Ɔteyaa asu nú amó atò kolíhé.

Táme òtòkósó lí laláhe abwepósó.”

¹³ Ma òbópú laláhe gyi mlí, ní mlí ansí ipé yilébwesu? ¹⁴ Táme ní ìlèba ání mlídé ipianwúun yilébwe su kóráá á, nwun láwá mlí olú. Opúni mátsii mlí, mlímányá òhaa é ifú. ¹⁵ Mboún mlíbí tsu mlí kluntò ání Kristo gyí mlí Wíe, mú iwí letín. Mlída iwísu, méní brégyibré ní òkú léfité hógyi ámúú ìbu mlítò ámu iwí asún á, mlébi lé mú ònó wankláán. Táme mlínya klun, amlíba iwíasi le mú ònó. ¹⁶ Mlí klun máha mlí pón tətò iwí, méní ní bude asun laláhe bí tsú mlí tsiátó wankláán ámúú mlíópú mlíbuo Kristo amu iwí á, péli békítá amó. ¹⁷ Ní igyi Bulu apé ání fúwúun ipian kóráá á, ìbu aláá fówun ipian yilébwe su, òbun ání fówun ipian laláhebwesu. ¹⁸ Tsúfè Kristo é lówu ahá lakpan su òtsáwòle pé. Mú asún da òkpa, táme olowu há lakpan abwepó fée, méní òbékpa mlí ba Bulu wá. Bòmò mú nyankpusa-oyí, táme Bulu lókusúa mú Ɔhétó. ¹⁹ Ɔlatsun Ɔhétó ámútò yéda asún ámu òkan há afúli amóú buða obu ámu. ²⁰ Afúli amu gyí, ahá ámúú bómobu Bulu asún, Bulu lénya klun há amó bré ámúú aní náin Noa dé dáka kpònkpònkpònti sré ámu. Ahá ikwe pé lótsun ntsubulá ámútò nyá nkpa. ²¹ Ntsu ánfí lélí há asúbò. Alí ámúú ahá ámu bətsun ntsubulá ámúsu nyá nkpa ámu a, alí kén asúbò ánfí dé mlí nkpa hóò ní. Megyí mlí iwí ifin asúbò təfwí. Mboún igyi ipabwíí há Bulu ání mlí klun idí mlí asi, imátrá ha mlí pón. Asúbò ánfí lahò mlí nkpa tsun Yesu Kristo kósó tsú afúlitò ámúsu. ²² Alayó òsúsú yétsiá Bulu gyəpísu séi. Bulu-ahəpú, òhétó awíe pò túmi kugyíku búbu mú asi.

4

Nkpatsiá Há Bulu

¹ Kristo lówun iwíəsin. Mú su mlída iwísu mlí é, amlípú mú òkpa ámu alí kén. Tsúfè òhá ání owun iwíəsin lalé mú iwí lé lakpantò. ² Iní su òmátrá ha òwólí laláhe igyi músu. Mboún òhá Bulu apébwesu itsia mú kluntò mú nkpa ání ìlasí oyí ánfítò fée. ³ Asa mlílébemlí Akristofò á, mlíléyintá bré tsətsəətsə tsíá bwé tóá ahá ání bómeyín Bulu bútekle bwe. Mú aná gyí; atsi móa ayin asónwa, ntábu, pléikpada móa ntakpan onúkpa yə pò ikpítswée ání ígyi mlí akísítò. ⁴ Itobwíé òmátòfò ámu ònó ání séi mlítráa mlímédésrí buo amó yóbwe laláhe. Mú sù bútesíá

mli ní. ⁵ Táme béle amó bwéhé fée onó Bulu ansító. Mu obá begyi akiankpapu pú awupú fée asón ní. ⁶ Mú sù beyéda Bulu asón wankláán ámu okan há awupú ní. Amó lowu ámu igyi isvá Bulu labítí amó oyolúv, fé alíá otebítí ohagyíoha isv. Beyéda Bulu asón ámu okan há amó, méní amó okláa obénya nkpa fé alíá Bulu bu nkpa.

Bulu Atokiehé Kitá Wankláán

⁷ Tógyító onómò lafon ta. Mú sv mlíkita iwí, amlíha mli agywuntò idi, méní mlétalí bó mpáí. ⁸ Múá idon mú fée gyí, mlídwé aba tsu mli kluntò. Tsúfé odwé ánfí odu obéha mlétalí sí ahá lakpan kíé amó ní. ⁹ Mlípú ansigyí hò mli aba Akristofò afòó, mlímáblí mlíaa ìlakpòn mli. ¹⁰ Bulu lakíé ohagyíoha ató otsan-otsan. Mú sv ohagyíoha okíta mu kletò wankláán, amlípukpa aba. ¹¹ Ní oku klé gyí Bulu asónblí á, oblí asón aní itsú Bulu wá. Ní oku klé gyí ahá sùm á, opúv oswonlín ámúv Bulu lahá mu amv fée sùm mu aba. Iní obéha ahá békánfó Bulu tsun Yesu Kristosv tógyító. Numnyam móa túmi igyi Bulu klé bré fée. Amen.

Akristofò Ipiawúun

¹² Mí apíó adwepú, mlímáha ason wunhe kpònkpònkpòntí ánfí budepvso mli kí anfi ibwie mli onó. Mlímákí mú aní ason pòpwé dé mli tv. ¹³ Mlíha ansí mbóun igyi mli aní mlídé Kristo ason wunhe amv kv wúun, méní ansí betrá híe gyí mli eke ámúv mu numnyam bélin owan ámu. ¹⁴ Ní ahá bude mli sia Kristo búo sv á, idesuná aní nwun lawá olú. Bulu Numnyam Oje Wankíhé amv bu mlitò. ¹⁵ Mlító okukv omáwun asón ahámò, ntée owí, ntée lakpanbwe, ntée okéngyéwa sv. ¹⁶ Táme ní mlígyí Akristofò sv mlídé asón wúun a, imáwa mli péli. Mbóun mlíkanfv Bulu aní Kristo idá dun mlísv.

¹⁷ Tsúfé bré lafon aní Bulu obégyi ohagyíoha asón. Obégyankpá gyi mu onutó ahá asón. Ní Bulu obéfi mú así tsú anísv á, mómó nkálí ahá ámúv bumòhò mu ason wankláán ámúsv gyi amv klé bóbwe? Ibéhié wá ifú. ¹⁸ Bòwanlín wá Bulu asóntò beé,

“Ní íbòwa onlun asa Bulu obòhò yilé abwepó nkpa á,
mómó nkálí íbégyi ha lakpan abwepó pú ahá aní
botamabú Bulu é? Iméetepí wá alé há amó.”

¹⁹ Mú sv ahá ámúv igyi Bulu apé aní bvwúun asón ámu bupúv amó iwí fée wa amó Ojepó ámu íbitò, abukita yilébwetò kinkíinkín. Otegyi mu asónsv brégyíbré.

5

Bulu Akúfasv Kú

¹ Séi á, ndeklé mbéé, nótóí kplá mlíá mlígyí ahandé Kristo opasuato. Opasua ohandé mí é ngyi. Ntráa ngyi ipian ámúv Yesu lówun amv iwí adánsíe ogyípó. Mí é nénya mu numnyam

ámúú íbélín ðwan ámu íku. ² Nde mli kokóli mbéé, mliki ahá ámúú Bulu lapówá mli íbitó amusu wankláán fée akúfa ðkparú. Imábwe mli fée bude mli hie, mboun mlibwe mú tsu mli klontó alíá Bulu déklé. Megyí sika ðnsípe su, mboun ðdweá mlibu ha osum ámu su. ³ Mlimábwe ahá ámúú Bulu lapówá mli íbitó ámu kpóunkpóun. Mboun mlitsia tsiátó wankláán ání íbóbwe nfántóhún há amú, ⁴ méní ekeá Kristo, ogyi akúfa akparú Owíe amu ðhá á, ðbéha mli ísugyí-ípa ání íbu numnyam, íméekpa ekekekeke.

⁵ Nyasubi móa mbitebí, mli é mliwu obú há mli ahande. Mli fée mliwu íwiasibá kpa aba. Tsúfé ðəwanlín wá Bulu asún ámuto beé, “Bulu tókósó líí íwi atsupúsú, táme ðtəwá awítəle há ahá ání beba íwiasí.” ⁶ Mó su mliba íwiasí, amliwu mli íwi wa Bulu túmi kpənkpənkpəntí ámu asi, fówun obótsu mli fúá mu bré wankláántó. ⁷ Mliwu mli asun wunhe fée wa Bulu íbitó, tsúfé ðtəgywín mli íwi.

⁸ Mliki íwi, amliidinka ansí íwisu, tsúfé mli olupó, ogyi ðbunsám ná odekpóun, odeki fée gyatá, ðde ðku dunká ðkita wi. ⁹ Iní su mliki mli hógyitə kínkíínkín, amliitin mu ðkpa. Mlibi ání mli aba Akristofó ání bubu ðyító fée bude ipian ánfí odu wúun. ¹⁰ Táme Bulu híé ðbu awítəle há mli tógyítótó. Mblátí mli ba mu numnyamtə tsun mli Kristonyə íkulebweé. Mu numnyam amu bu ínu bré féeé. Ní mlowun ipian kpalobí á, ímóəwa ðpá mu onutó obótsu mli kósó, há mléyinkí líí. ðbówa mli ðwənlín, há mléle nlin Kristotə. ¹¹ Mubú íwíegyí bré féeé. Amen!

Íklá

¹² Silwano létsa mí nəwanlín ðwəló kútúklú ánfí sísí mli. Nyin ání opió Okristoyin ogyi, ðbu ðəkwali. Ndekléá nówa mli ðwənlín, mí angyi adánsie suna mli ání asún ánfí nabláa mli ðwəló ánfito fée ídesuná ání ínı gyí Bulu awítəle onutónutó ámu ní. Mliki mótó kínkíínkín.

¹³ Mli apíó ahógyiwu amúú bubu Babilon ðpasuatə behá mli itsiá. Mí bí Marko é ðhá mli itsiá. ¹⁴ Mliwu aba-ðdwe amúú íbu Akristofotə ámu ha aba itsiá brégyíbré. Nde Bulu kulí mbéé, ðháa mli ahá ámúú mligyi Akristofó ámu fée íwilwii.

αδωερούα olegyi mi ansí ní.”¹⁸ Aní onutó lónu αμε amv tsú αsósú, bréá ania monyα anuí íbv wankíhé amvsv.

¹⁹ Iní sv anlahié wun ání asón ámú Bulu αnósú atáípú amv beblí tswi amv íhé íbv mótó. Ibéhie wá alé há mli, ní mleyaa asv nú mó, gyi mósú. Tsúfé amó asón ámv igyi fé αkandíεá ídewankí oklúntα yófvn bréá oyí αβεκε, bake αsrakpabi amv αbówankí mli klvntα. ²⁰ Íwánkí mli ání megyí Bulu αnósú atáípú amv onutó apé bαpυwánlín Bulu asón ámv. ²¹ Tsúfé megyí amó onutó lópv amó agywun blí Bulu αnó asón tswi. Mboún Ωηε Wankíhé lébá amósú beblí asón ání Bulu déklé.

2

Afunu Ató Asunápó

¹ Bímbí ámv a, Bulu αnósú atáípú afunupv betsiá Bulu ahátα. Alí kén bétsiá mliτα ní. Bóbwe híéé pv amó onutó atosunáhéá itαmá bwa mliτα. Bókvsú líí amó Wíε amú αlαhα amó ámvsv kóráá, púhí amó íwí. ² Ahá tsαtsαtsα bóbvo amó tsiátó laláhe pv péliα anfi. Amó sv ahá bókpví αnαkwali αkpa ámv. ³ Amó αnsípe sv békpekπέε asón blí púswoo mli kóba. Asón ogyípú Bulu léda íwísv oyí αpá ání αbébití amó ísv, hí amó.

⁴ Tsúfé Bulu mésikíε mv abαpv amú bαbwe lakpan ámv kóráá. Ωlwa amó ikan, tswi amó wá ísvbití ogyá amú itamadun amv oklúklúúklúkpá oklúntα.* Bétsiá ínv yófvn amó asón ogyíké. ⁵ Mliyín ání Bulu mékiná atitífv amú bvmobu mv amv ísvbití. Mboún αleha ntsu léme amó féé. Noa mvα ahá abasiénó pé lésián. Noa léda αkan bláa ahá alí bré ámvτα αbéε, bvtsiá tsiátóá ilegí Bulu ansí. ⁶ Ída mli ansító ání Bulu léha ogyá lαhα Sodom móα Gomora awúlu mlí nsúó. Amó lakpan sv Bulu lébití amó ísv, ísuna tóá íbéba ahá ání bvtαkósú líí mvsusv εkekú. ⁷ Táme Bulu léε yilé αbwepv Lot mó alí bré ámvτα. Ahá ámv tsiátó laláhe pv amó mbλαsvmágyi letsíá han mv. ⁸ Oletsíá nú, oletsíá wun amó bwehé laláhe ekekegyíεke, íletsíá tó mv klv. ⁹ Iní féé ílosuná ání aní Wíε yín alíα αbéε yilé abwepv tsú ísókíτα, pv alíα αbébití lalahε abwepv ísv yófvn εkeá obégyi amó asón. ¹⁰ Múá ídvn a, ahá ánfi odu bvtamagíyí íwísv, íwítsú bv amótó, bvtamasúsv tατα íwí dvn hakpan ání amó αwóli laláhe tekle. Bulu αbéhie bítí amó ísv.

Ní bυde anumnyampvα bvbv αsósú sia á, ítamawá amó ífv. ¹¹ Bulu-abαpvα bvhíε bvbv túmi, bvbv αwvnlín kóráá bvtamasíá anumnyampv anfi Bulu ansító. ¹² Afunu ató asunápú anfi bvgíyí fé pututα-mbvwiá buma agywun. Bvtαkwí amó keke, ahá bvtékítá amó, mó amó. Bvteblí asv laláhe tsú tóá bvmonu mó así íwí. Amó lalahεbwe béhi amó fé pututα-mbvwi. ¹³ Alí amú bahá ahá bυde asón wun amv sv Bulu αbópv asv wunhe ká

* 2:4 Tataro bvtetí ínv Griiki óblíτα.

amó akó. Butegyi ödwe nketo, tsúfé ansigyila butóbwé. Butóbwé pélula, kpóí iwí, butowíe anito aní nkegyító. Bude iwí mlé. ¹⁴ Tóto uma amó ansigyí dun mbuato. Butamasí lalahé bwe. Butemlé ahá aní amó hógyi melíi tsukule, há bótóbwé lakpan. Bahíé bí onsipe wa. Amó bwehé lalahé anfi su, bugyówi ní! ¹⁵ Basí okpa wankláán ámu tswí, yó bubuo Beor mu bi Bulu onósú otóipú Bileam bwehé lalahé. Odöwe sika aní obénya tsú lalahébweto. ¹⁶ Mó su Bulu léha mu afrímú lótoí wa mu, ileha olesi mu gbedéla amu bwe.

¹⁷ Afunu ató asunápú anfi buuma labi koku. Bogyi fé ntsuá ilakpí ntée nyankpúá ilabilá tuun, afú latsvan mó náti. Iní su amó otsiákpá aní Bulu lalá yáí amó gyí oklún tuunto. ¹⁸ Butotsú iwí, ká onótó, pú amó ödóli lalahé tin onó, mlé ahá butelábwé lakpan aní besi bwe imakówá opa. ¹⁹ Butehíé ahá bee, ní begyi amó atosunáhésu á, bégyi iwí. Táme amó onutó bogyi nkpábi há tsiátó lalahé. Tsúfé nyankpúsa gyí okpábi há tóá ide musu gyí. ²⁰ Ahá aní babí aní Wíe pú aní Ölepú Yesu Kristo, sí oyító ödóli lalahéá iteyintá nyankpúsa bwe, beyinkí yébitíwíé mótó, igyi amósú á, amó tsiátó teláyintá dun alhá igyi yáí. ²¹ Ní bumetepí wun okpa wankláán ámu kóráá á, teki ibu alé há amó dun aní bówun mó yínki oma, sí mbla wankíhé amóú bopuhá amó ámusu gyí. ²² Amó bwehé anfi lahá yébi anfi laba mótó. “Kíai tékpláí, lápú mu ödandu tsú” pú “Febie oprákuo ntsu alágyialíá á, oteláyébie ödiba.”

3

Aní Wíe Öbáke

¹ Mí apió adwepó, iní gyí ödólú nyöösíá ndewanlín sísí mli ní. Ndepu nwólú anyö anfi káin mli, méní mlógywúin mó iwí wankláán. ² Ndekléá mlikáin asún amóú Bulu onósú atóipú wankíhé amu beblí yáí ámusu. Mlikaun aní Wíe, ogyi aní Ölepú Yesu Kristo mbla amóú otatsun mu sumbí ayöpósó wá há mli ámusu. ³⁻⁴ Gyankpapu a, ndekléá nékain mli aní nke tráhe amoto á, ahinlá abwepó aku bóbuo amó onutó ödóli lalahé. Bómási mli, fité mli bee, “Yéé Yesu lébli yáí öbéé, mélayínki bá a? Mó nki mu mé? Tsú aní anáin lowu brésú opa á, tótöto mókótse. Alí amóú ilenya igyi ámu ní.” ⁵ Bakí ansí tan aní onó Bulu lópúblí asún bímbí ámu, osú móa así lelun, ödólú ledali tsu ntsutso. Ntsu é ölepúbwé mó. ⁶ Ntsu kén öleha idöbulá yintá bímbí oyí ámu. ⁷ Onó ámu kén öletrá públí aní osú móa así anfi mó íbétsiá yófun ekeá obégyi ahá amóú butamanyá mu ifú ámu asún, pú ogyá hí tógyító.

⁸ Táme apió adwepó, mlimátan iní músú. Ekewóle igyi fé nfi-öpím, nfi-öpím é igyi fé ekewóle aní Wíe ansító. ⁹ Ahá buki bee, Bulu tesi tsiá tóá alahíéá öbóbwesu. Megyí alí igyi, mbouín klun

otenyá há mli; ménı ɔhagyıɔha ɔbédamlı kluntɔ sı lakpan bwe, tsúfée omedékléá ɔhaa ɔbófwi.

¹⁰ Táme anı Wıe ɔbáke amı ibófwie ahátɔ, fé alıá owikplu tofwıé ɔhatɔ. Eke amı a, ɔsúsú bósurá okitikıti kóklóklúbú ɔa. Ogyá bénlaın ntobıá ɔɔpɔbwe ɔsú múa ası féé. ɔsolúbú múa músú ató é féé bóhɔ plıplıplıplı. ¹¹ İniá lélé Bulu obéyintá ɔyıtó ató féé alı á, tsiátó mɔmı ilehián áni mlóptsıá, ibégyı Bulu ansı? İlehián áni mli ıwı bétın, mlósúm Bulu. ¹² Mlıtsia tsiátó anfi pɔkı ɔkpa ha Kristo ɔbáke amı, amlıha mó ikası ba. Bulu ɔbópu ogyá hí tógyıtó ɔsúsú eke amı. Mó okunkúú é ibénlaın ınu ató féé. ¹³ Táme Bulu léhie áni ɔbóbwe ɔsú múa ası pɔpwe há anı. ɔtınéá ahá áni amó asún da ɔkpa bétsıá. Mó anıgyó ní.

¹⁴ Mó sı apıó adwepú, ıniá mlıgyó ıni sı á, mlıyırı ıwı amlıtsia tsiátóá mó ıwı letın, ɔlala méetsıá mli ıwı Bulu ansıtó, ménı iwılwıı bétsıá mlıa mɔnyɔ nsıné. ¹⁵ Mlımátan áni ahá nkpahóɔ sú anı Wıe dé ıkłn nya, fé alıá anı pıó ɔdwepú Paulo lópu nyánsa áni Bulu léha mɔ wánlın asún áni kén sısí mli. ¹⁶ Asún áni aná ıwı ɔlɔtáı tsú mı nıwóló féétó nı. Táme mı asún ánu ıku asınu bı ɔnlin. Mó sı ahá áni bıtamakási tɔtɔ pú ahá áni amó hogyi melıı tsukule bıtédamlı Paulo asún ánu, fé alı ánú bıtédamlı Bulu asın wanlínhé bun amı. Mó ɔbéha Bulu ɔbéhi amó ní.

¹⁷ Táme apıó adwepú, ıniá mlıyin mó alı sı á, nde mli ɔlá da yáı. Mlıdınka ansı ıwısu, ménı ahá áni bıtamagyı mbılası áni bımóɔpu amó atosunáhé laláhe amı bemlé mli, amlıdıda. ¹⁸ Mboún mlıyɔ músú, ménı anı Wıe pú anı ɔlepú Yesu Kristo awıtɔle pú mı bı bómonı mlıtɔ. Numnyam ıbwée mı kle tsú séı púya bré féétó! Amen.

igyi. Tsúfě Kristo tsiátó pú mli klé lalé mú súná ání mbala pəpwe igyi. Oklún amu idetsúun. Wanki amu onutó idewankí dodo.

⁹ Mú su dhá ání əbée, əna wanki amutə, táme əde mu ba Okristoyin lu á, idesuná ání ətráa əbu oklúntə. ¹⁰ Dhá ání ətədwé mu ba Okristoyin ná wanki amutə. Mú su tətəətə méeha mu əbwe lakpan. ¹¹ Táme dhá ání otolú mu ba Okristoyin mú tsie oklúntə. Əna oklúntə, su omeyín ətínéá əyó, tsúfě oklún amu idatin mu ansí.

¹² Mí abí adwepó, nde əwuló ánfí wanlín sísí mli, tsúfě Yesu Kristo su Bulu lasí mli lakpan kíé mli. ¹³ Mí así, nde əwuló ánfí wanlín sísí mli, tsúfě mlilabí dhá ámúə əbu inu tsú əyí nfiasí ámu. Nyasubi, nde əwuló ánfí wanlín sísí mli, tsúfě mlilagyi Əbunsámsó.

¹⁴ Mí abí adwepó, nde əwuló ánfí wanlín sísí mli, tsúfě mlilabí Əsí ámu. Mí así, nde əwuló ánfí wanlín sísí mli, tsúfě mlilabí dhá ámúə əbu inu asa Bulu ləbwe əyí ámu. Nyasubi, nde əwuló ánfí wanlín sísí mli, tsúfě mli hógyi ənó bu ənlín, Bulu asón bu mlitə. Mlilagyi Əbunsámsó.

¹⁵ Mú su nde mli fěé bláa mbée, mlímápu mli klən dínká əyí pú mótó atósú. Ní əku dé əyí ánfí dwe á, əméetalí trá dwe aní Sí Bulu ε. ¹⁶ Əyító ató ámu iku gyí, atə laláheá itedínká əha əwólí; atá əha towun, itedínká mu əwólí pú ntobíá əha təpútsú iwí. Iní ánfí odu kəkəkə imotsú aní Sí Bulu wá, əyí ánfítə itsú. ¹⁷ Əyí ánfí pú mótó atá itedínká əha əwólí fěé detsúun. Táme dhá ání ətədwé tóá Bulu tekle obétsiá nkpa ání itamatá.

Kristo Alupó

¹⁸ Mí abí adwepó, bré tráhe ní. Mlíkaun ání bebláa mli beə, Kristo olupó ámu əbéba. Séi ánfí á, Kristo olupó tsətsətsə baba. Iní désuná ání lélé bré tráhe ní. ¹⁹ Kristo olupó ánfí betsíá anitə asa bedali. Ní lélé aní klé bugyi á, teki besi tsiá anitə. Ámú anitədalí lósuná ání bomegyí aní apíó Kristotə. Mú su bedali anitə ní.

²⁰ Táme mli mú á, Kristo lapú mu Əhe Wankíhé amu wá mlitə. Mú su mli fěé mlilabí ənəkwali amu. ²¹ Megyí beə mlíméyín ənəkwali amu, só nde asón ánfí wanlín sísí mli. Mbouín alíá mliyín ənəkwali amu, pú alí ámúə mliyín wankláán ání ətínéá ənəkwali amu bu a, afunu kəkəkə ima inu ámu su.

²² Ma gyí ofunupu kpənkpəntí ánfí? Məgyí dhá ání olekiná əbée, “Megyí Yesu gyí Kristo, (dhá ámúə Bulu ladá mu ofúli amu).” Idesuná ání alakíná Əsí Bulu mva mu Bi Yesu Kristo amu. Mú su məgyí Kristo olupó ámu ní. ²³ Tsúfě dhá ání okíná Bulu mu Bi ámu lakíná mu Si Bulu é ní. Táme dhá ání ələhə mu Bi ámu lahə mu Si ámu é.

²⁴ Mú su mliha asón ámúə mlilónu tsú bré ámúə mlilətsə hógyi amu isin mlitə. Tsúfě ní isin mlitə á, múmú ikuəbwe

bétsiá mliá Yesu pú Ɔsí Bulu nsiné. ²⁵ Iní gyí tóá Kristo léhie ɔbéé méha aní, igyi nkpa ání itamatá ámu ni.

²⁶ Ahá ámuú budekléá bémlé mli ámu só nde asún ání wanlín sísí mli. ²⁷ Mli mó á, Ɔhe Wankíhé amúú Kristo lópɔwá mlitɔ ámu bu mlitɔ. Mó su imehián ání ɔhaa ɔbétrá suná mli ató. Tsúfé Ɔhe Wankíhé amú tosúná mli tógyító. Mu atosunáhé é igyi ɔnɔkwali onutó. Iní su mlíkita tóá olosuná mlitɔ, amlitsia Kristotɔ.

²⁸ Iní su mí abí adwepú, mlitsia Kristotɔ. Fówun ní ɔbá á, péli méékítá aní, abétalí fia mu. ²⁹ Ní mliyin ání yilé ɔbwepú Yesu gyí á, mó mó mli bi ání yilé ɔbwepú Bulu mu bí okugyíáku gyí.

3

Bulu Abi

¹ Mlíki alíá aní Sí Bulu tēhíé dwé aní só butetí aní mu abí. Lélé á, mu abí angyí. Táme tóá swá ɔyí ánífitɔ ahá bumeyín aní gyí, bumeyín aní Sí Bulu. ² Mí apíó adwepú, séi á, Bulu ahá angyí. Alíá abébémlí wɔle ɔmáková lē súná aní. Táme aniyin ání Kristo ɔbá á, abélian mu, tsúfé abówun alíá ogyi. ³ Ɔhagyíɔha ání ɔdun ansí ání mélian mu tēhá mu iwi tetin, fé alíá mu iwi letin.

⁴ Ɔhagyíɔha ání ɔtɔbwé lakpan á, ɔdekusú líí Bulu mblasu. Tsúfé lakpan gyí Bulu mblasumágyi. ⁵ Mliyin ání Kristo léba ɔyító bele aní tsú aní lakpantɔ, táme mu mó ɔmɔbwe lakpan kuku. ⁶ Iní su ɔhá ání muá Kristo buɔe mbagyí tamatráa bwe lakpan. Mó su ɔhagyíɔha ání ɔtráa ɔɔe lakpan bwe mókówun Kristo, ɔmáková mu é.

⁷ Mí abí adwepú, mli máha ɔhaa ɔmle mli. Ɔhagyíɔha ání ɔtɔbwé yilé á, mu asún da ɔkpa Bulu ansító fé Yesu. ⁸ Táme Ɔbunsám mu bi, ɔhá ání ɔtráa ɔɔe lakpan bwe gyí. Tsúfé Ɔbunsám dé lakpan bwe tsú bréá ɔyí lefi así ɔpá. Bulu mu Bi Yesu Kristo léba ɔyító beyintá Ɔbunsám gyumagyihe kugyíku.

⁹ Ahá ání babwé Bulu ahá butamatráa bwe lakpan, tsúfé Bulu tsiátó bu amótó. Mó su buméetalí trá bwe lakpan. ¹⁰ Tóá abópɔbí Bulu abí pú Ɔbunsám abí gyí, ɔhagyíɔha ání ɔtamabwé yilé, ntéé dwé mu ba mégyí Bulu mu bi.

Abadwe

¹¹ Asún ání mliónu tsú bréá mli lémlí Akristofɔ gyí, adwéé aba. ¹² Mli mábwe mli iwi fé Kain. Ɔɔbwe Ɔbunsám mu bi, mó mu gyama. Ntɔ léha só ɔlɔmɔ mu? Ɔɔbwe itɔ laláhe, mu gyama mó lɔbwe itɔ wankláan su ɔlɔmɔ mu.

¹³ Mí apíó Akristofɔ, imáwa mli wánwan ní ɔyí ánífitɔ ahá butolú mli. ¹⁴ Aní mó aniyin ání anladáli lowu así yó nkpa ání itamatátó, tsúfé anidé aní aba dwe. Ɔhá ání ɔtamadwé mu aba lasin lowutɔ. ¹⁵ Ɔhá ání otolú mu ba gyí ahá ɔmɔpú. Mliyin ání ahá ɔmɔpú ɔkuku má nkpa ání itamatá. ¹⁶ Alí ámuú Kristo lótsulá wú há aní ámu ilasúná aní alíá ɔdwe gyí. Mó su ilehián ání aní é abówu há aní aba alí kén. ¹⁷ Ní ɔku bu ató, alawun

¹¹ Apíó adwepó, íniá Bulu léhie dwé aní alí sù á, ilehián aní aní é abódwé aba. ¹² Ọhaa mókóhíé wun Bulu kí. Ní anidé aba dwé á, idesuná aní Bulu bụ aní kluntò. Mú sù mụ ọdwe lẹfòn anító.

¹³ Bulu lapú Ọje Wankíhé amụ há aní. Mú sù anilabí aní ania mụnyo anilabwé kùle, ọbụ aní kluntò. ¹⁴ Anilawun mú alí. Mú sù anidé adánsíe gyí aniaa, aní Sí Bulu lówa mụ Bi Yesu Kristo ọbée, ọbée anyánkpósa fée tsu amó lakpantò. ¹⁵ Ọhagyíoha aní olohogyi, ọleblí ọbée Yesu gyí Bulu mụ Bi ámụ a, Bulu bụ mụto, mụ é ọbụ Bulutò. ¹⁶ Mú sù aniyin ọdweá Bulu bụ ha aní, anidóhò mósó gyí.

Bulu gyí ọdwe. Mú sù ní ọkụ tọdwé Bulu pọ mụ aba á, ọbụ Bulutò, Bulu é bụ mụto. ¹⁷ Iní désuná aní Bulu ọdwe lẹfòn anító ní. Mú sù animéenya péli mụ asón ogyíké, tsúfé anilatsíá nkpa ọyí ánfító fé Yesu. ¹⁸ Ọhá aní Bulu ọdwe bụ mụto tamanyá ifú. Mú sù ní anidé Bulu pọ aní aba dwé á, animéenya Bulu ifú. Tsúfé ahá aní bụyin aní Bulu ọbébití amó isu tényá ifú. Iní sù ní ọkụ dé Bulu ifú nya á, ilosuná aní Bulu ọdwe mọfòn mụto.

¹⁹ Anítódwé Bulu pọ aní aba, tsúfé Bulu légyankpá dwé aní. ²⁰ Ní ọkụ léblí ọbée “Ntọdwé Bulu,” táme otolú mụ ba á, ofunupụ ogyi. Tsúfé ọhá aní otolú mụ ba aní otowun, méetalí dwé Bulu aní ọmókówun kí. ²¹ Mbla aní Yesu Kristo lówa há aní gyí, “Ọhá aní ọtọdwé Bulu ọdwée mụ ba é.”

5

Tsiátó Laláhesugyi

¹ Ọhagyíoha aní olohogyi ọbée, Yesu gyí Kristo, (ọhá aní Bulu ladá mụ ofúli amụ) a, Bulu mụ Bi ógyi. Ní fotọdwé ọkwíró a, fọdwe mụ bi é. ² Mú sù ní anidé Bulu dwé, anidé mụ mblasụ gyí a, mú abópubí aní anidé mụ abí dwé ní. ³ Ní anidé Bulu dwé á, abégyi mụ mblasụ. Mụ mbla ámụsụ gyí é ima ọnlín. ⁴ Tsúfé Bulu mụ bi okugyíọkụ tetálí gyi tsiátó laláhesu. Aní hógyi anítópógýi mósó. ⁵ Ma ọbétalí gyi tsiátó laláhesu? Ọhá aní olohogyi aní Yesu gyí Bulu mụ Bi ámụ nkole ọbétalí gyi mósó.

Yesu Kristo Iwí Adánsíe gyi

⁶ Yesu Kristo gyí ọhá aní ọlọtson ntsu múa obugyatò ba. Megyí ntsu nkuletò ọlọtson. Ọlọtson obugyatò é. Ọje Wankíhé amụ légyí asón ánfí iwí adánsíe, aní igyi ọnkwali. Ọtamawá afunu. ⁷ Ató asa légyi Yesu iwí adánsíe. ⁸ Mógyí, Ọje Wankíhé, ntsu pọ obugya. Ató asa ánfí fée lẹblí toku kùle. ⁹ Ní ahá begyi adánsíe súná aní, anítóhogyi a, mómú ilehián aní abóhò Bulu klé dún. Tsúfé mụ onutó légyi mụ Bi ámụ iwí adánsíe. ¹⁰ Ọhagyíoha aní ọlọhò Bulu mụ Bi ámụ gyi lahò Bulu adánsíe ánfisù gyi mụ kluntò. Alí kén ọhagyíoha aní ọmọhò Bulu adánsíe ánfisù gyi dé mụ afunutò wa ní. Tsúfé ọmọhò adánsíe ámóú Bulu

légyi tsu mu Bi iwɪ ámuṣu gyi. ¹¹ Adánsie ámu gyí, Bulu lapó nkpa ání itamatá há anɪ tsɔn mu Bi ámuṣu. ¹² Ɔhagyíɔha ání ɔbu Bulu mu Bi ámu bu nkpa ání itamatá. Alɪ kén ɔhagyíɔha ání ɔma Bulu mu Bi ámu má nkpa ání itamatá ní.

Asón Tráhe

¹³ Mlilahɔ Bulu mu Bi ámu gyi. Mó su nde ɔwoló ánfɪ wanlín sísí mli, ménɪ mlébi ání mlibu nkpa ání itamatá. ¹⁴ Tóá itehá anɪtɔwá klɔn yó Bulu ansító gyi, akólí mu tógyítóá igyi mu apé á, otonú anɪ ɔme. ¹⁵ Ní anɪyin ání otonú anɪ ɔme a, mómó akólí mu tógyító á, anɪyin ání ɔbéha anɪ.

¹⁶ Mó su ní ɔku owun mu ba Okristoyin dé lakpan bwe á, ɔbóɔ mpái ha mu. Bulu ɔbéha mu nkpa. Ahá ání amó lakpan méekpa amó wá lowutɔ asón ndeblí. Lakpan ku bu inɔá itekpá ɔhá wá lowutɔ. Megyí ɔhá ání ɔbwé lakpan ámu odu mbée mlibóɔ mpái ha. ¹⁷ Lalahɛ kugyíku igyi lakpan, táme lakpan ku bu inɔá itamakpá ɔha wá lowutɔ.

¹⁸ Anɪyin ání ɔhá ání alabwé Bulu mu bi ɔkɔku tamatsíá bwé lakpan, tsúfé Bulu mu Bi ámu togyo mu iwɪ. Inɪ su Ɔbunsám tamatálí bwé mu tɔtɔ.

¹⁹ Anɪyin ání Bulu ahá anɪgyí, táme Ɔbunsám dé ɔyító ahá féesó gyí.

²⁰ Anɪyin ání Bulu mu Bi ámu laba. Alahá anɪlanú asón asi, ménɪ abébi Bulu Ɔnɔkwalɪpu amu. Anɪa munyɔ anɪlabwé kule, anɪa mu Bi Yesu Kristo é anɪlabwé kule. Lélé á, mu nkule pé gyí Bulu Ɔnɔkwalɪpu pó nkpa ání itamatá ámu ni.

²¹ Mó su mí abí adwepó, mlíkɪ mli iwɪ wankláán ikpɪsúmsó.

Yohane ጋወሴ Nyጋጋሳ

¹ Aní yín ání Bulu lalé, mí ጋpasua ጋhande Yohane dé ጋወሴ ánfí wanlín sísí fúa fú abí. Ntጋdwé mli fée ጋጋkwali amጋጋ. Megyí mí nkጋle pé tጋdwé mli, táme ጋhagyíጋha ání oyin ጋጋkwali amጋ ፎ. ² Tsúfፎ ጋጋkwali amጋ bu anጋጋ, ibétsiá anጋጋ brégyibré.

³ Aní Sí Bulu mጋa mጋ Bi Yesu Kristo bugyí aní buale. Buwúun aní nwe, abuha aní iwilwii, aní ahá ámúጋ anጋጋdwé aba ጋጋkwaliጋ ጋmጋ.

ጋጋkwali Mጋa ጋdwe

⁴ Ansí lehé gyí mli bréá nowun ání fú abí ámጋ akጋ buጋa ጋጋkwali ጋkpa ámጋsu, fé alí aní Sí Bulu lébláa aní. ⁵ Aní yín ጋdweጋ, mliha adwe aba. Megyí mbla ጋጋጋwe ndewanlín sísí fú. Mbla ámúጋ anilébi tsú bré ámúጋ anilótsጋ hógyi amጋ ni. ⁶ Ní fጋጋdwé Bulu á, fégyi mጋ mblasጋ. Mbla ání anilébi tsú bréá anilótsጋ hógyi gyí, adwée aba.

⁷ Ahá amléጋ tsጋtsጋጋtsጋ baba ጋyí ánfጋጋ. Buጋeblí bee Yesu Kristo méln fé nyankጋsa. Ahá ánfí gyí ahá amléጋ ጋú Kristo alupó ámጋ ni. ⁸ Mú su mliki wankláán, méní mli gymagyihé móጋbwe kpaali, féki mlénya mli ikáká fée.

⁹ ጋhagyíጋha ání ጋmedé Kristo atosunáhé amጋጋ, ጋጋtsጋn mú ጋma yó ጋde tጋ bambá suná á, mጋa Bulu buጋmegyí kጋle. Táme ጋhá ání ጋde Kristo atosunáhé amጋጋ á, mጋa aní Sí ጋú Mጋ Bi ámጋ fée bugyi kጋle. ¹⁰ Ní ጋkጋ ጋbá mli wá, ጋmedé Kristo atosunáhé anfi suná á, mli máhጋ mጋ wá mli wóyítጋ, mli mátsulá mጋ itsiá. ¹¹ ጋhagyíጋha ání otsúlá mጋ itsiá latsá mጋ lakpan ámúጋ ጋdeጋbwe ámጋ buጋe.

¹² Asún tsጋtsጋጋtsጋ bu unvá tekí nébláa mli, táme mmedékléá nጋwanlín mú sísí mli. Mbuún nde ጋkpa kí ání néba mli wá, méní mía mlinyጋ abétsiá asi, atጋi nya ansigyí wankláán.

¹³ Fú pís tsihé ámúጋ Bulu lalé ámጋ abí behá fú itsiá.

Yuda ᾠωλύ

Itsiáha

¹ Mí Yesu Kristo osúmbi Yuda, Yakobo mu pio dé ᾠωλύ áñfi wanlín sísí ahá ání aní Sí Bulu létí, ᾠᾠdwe amó, Yesu Kristo dé amósó kí.*

² Nde Bulu kokóli mbéé, ᾠhíe wun mlí nwe, ᾠha mlí iwilwii pú ᾠdwe.

Afunu Ató Asunápó

³ Apíó adwepú, tekí nahíe bwé agywun ání nówanlín mlí ᾠωλύ tsú nkpa amóú Bulu lahᾠ míá mlínyᾠ amú iwí. Táme ilehián ání nówanlín kókóli mlí, amlípri hógyi amóú Bulu lapóhá mu ahá ᾠsáwule pé amú nwun. ⁴ Tsúfē aha aku banjín bowie mlᾠᾠ. Ahá áñfi adá ida ᾠωλύtᾠ dodo há ᾠᾠbití, tsúfē butamanyá Bulu ifú. Budeblí beé, íniá Bulu tesí aní lakpan kíe aní sᾠ á, abétalí tsíá tsíátᾠ laláhe. Bakúsó líí aní Wíe pú aní ᾠkparú Yesu Kristo ᾠkule pé amúᾠ.

⁵ Mlhyin asún áñfi fēé dodo, táme ntráa kain mlí ání aní Wíe Bulu† lékpa mu ahá dáli Egipte ᾠsolósu, táme ᾠma a, ᾠlᾠmᾠ amóá bᾠmᾠhᾠ mu gyi fēé tsálífwí. ⁶ Mlíkain ání Bulu-abᾠpu aku bᾠmetsiá ᾠtínéá ᾠleha amó túmi ᾠbēe butsiá. Mú sᾠ Bulu léha bᾠwa amó íkan, butsie oklúntᾠ bᾠgyo mu asún ogyíké kᾠpᾠnkᾠpᾠntí amú. ⁷ Sodom móa Gomorafᾠ pú nkuda ání ilekafia amó é betsiá wá atsi móa ayin asún. Alí kén Bulu léha ogyá ání itamadun lᾠhᾠ amó awúlu fēé, púdá ahá fēé ᾠlá ní.

⁸ Alí nkude akúnpu anfi é butokun nkude ní. Itehá amó butᾠbwé lakpan púkpóí amó iwí, butamanyá Bulu túmi ifú. Butebli abususu púkpóí ᾠhᾠéá ᾠbu numnyam é. ⁹ Bulu-ᾠbᾠpu dehen Mikael kóráá mébli asun laláhe bréá muᾠ ᾠbᾠnsám bepríú Mose fúli. Tóá ᾠleblí gyí, “Bulu ᾠwáa ᾠyin wa fu!” ¹⁰ Táme ahá áñfi mú butebli asun laláhe tsú tóá bᾠmonu mú así iwí. Amó bwehé ᾠelian mbwíá bᾠma agywun. Múgyí tóá itehí amó é ní. ¹¹ Alí ahá amú bᾠgyówi! Tsúfē bapú Kain amóú ᾠlᾠmᾠ mu gyama amú ᾠkpa. Bakula sika yóbwe tóá Bileam lóbwe, bakúsó líí Bulusu fé Kora.‡ Mú sᾠ Bulu ᾠbéhi amó. ¹² Ahá áñfi butᾠpú ifin da ᾠkulebwe atogyihe amú. Ní mlia amónyᾠ mlidé atógyí a, péli tamakítá amó. Akparú bᾠgyi, táme amó nkule klé buteku. Bᾠgyi fé agyindeá itamatswie, afú tᾠtsvan mó náti. Bᾠgyi fé nyíá itamaswíe ntéé bapúli mó, tú mó así, ᾠlawú plíplíplíplí. ¹³ Amó péliᾠ bu nyányáa fé ntsusu-afuá

* **1:1** Ntée Bulu dé amósó kí ha Kristo. † **1:5** Aní Wíe Yesu ntée Yosua bu nwóló dada amú akᾠᾠ. ‡ **1:11** Kora lókúsó líí Mose muᾠ mu dehen Aaronso.

iteda bobun ogbémgbesu. Bvgi fé ntsrakpabiá una detsóvn nwołótáasu keke. Amú otsiákpá gyí oklún tuun ání Bulu lélayái há amú bré féeétó.

¹⁴ Adam ɔma ɔlɛntɔ sienósító obí Enok lébli amú iwɪ asón tswɪ. ɔbée, “Mliki, anɪ Wíe mva mu abɔpu wankíhé mpím afini-afini bebá. ¹⁵ ɔbá begyi ɔyító ahá fée asón, ɔbitɪ ahá ání butamanyá mu ifú ɪsu. Amú lalahéá babwé púkósú líí musu, pú mu iwɪ asun lalahéá bablí su!”

¹⁶ Ahá ánfɪ butótóí ahásu, lé ahá ilá, bwé lalahé kugyíkúvá budeklé. Butotsú iwɪ, bun ahá kpantsapa, ménɪ bénya tásá budeklé.

ɔlada Pó Tɔikplá

¹⁷ Táme apíó adwepó, mlikaɪn asón ání anɪ Wíe Yesu Kristo sumbí ayɔpú ámu bebláa mliɪsu. ¹⁸ Bebláa mli beɛ, “Nke tráhe amɔtɔ á, ahinlá abwepú bēba. Bóbuo amú ɔwóli lalahé.” ¹⁹ Bubu mliɔ dodo. Amú dé mli nsíné yintá ní. Amú onutó agywun dé amú kpa, tsúfé ɔɣe Wankíhé amu má amótó. ²⁰ Táme apíó adwepó, mli mú á, mliɔpwe mli tsiátó dɪnka mli hógyi wankíhé amusu. Mlibɔ mpái ɔɣe Wankíhé amu túmitɔ. ²¹ Mliɪsia tsiátósá Bulu ɔdwe lasúná mli, bré ánfɪ mliɣyó anɪ Wíe Yesu Kristo ání ɔbéba bowun mli nwe, há mli nkpa ání itamatá ánfɪ.

²² Mliɔwun ahá ání asón ámu imedé amú wankí nwe. ²³ Mliɔpɪ akɪ le ogyá amɔtɔ, pɔhɔ amú nkpa. Mliɔwun akɪ nwe ifúsó. Mliki wankláán ání amú lalahé amu iméetsankí mli.

Bulu Kanfó Mpáí

²⁴ Mutéhá anitamadída. Mutélé lalahé lé anɪ iwɪ, kpá anɪ ba numnyam amóú ɪbu bomlí mu amu asɪ ansigyító. ²⁵ Mu nkɔle gyí Bulu pú anɪ ɔhópɔ. Numnyam, obú, ɔwɔnlín pú túmi ɪtsóvn anɪ Wíe Yesu Kristosɔ ɪtu mu. Tsú bréá ɔyí mɔkótsúa asɪ, bɔtu nde póya bré fée. Amen.

Atọ́á Bẹ̀lẹ̀ Súná Yohane

¹ Iní gyí atọ́á Bulu léha Yesu Kristo léle súná mọ asúmpọ́ tsú tóá ibéba nke ánfítọ́ iwí ní. Yesu lówa Bulu-ọ̀bọ̀pọ̀ léba bẹ̀lẹ̀ mọ́ súná mọ́ osúmbi Yohane. ² Yohane légyí tógyítáá olowun iwí adánsiẹ. Olegyi Bulu asón ámu pọ́ asón ání Yesu Kristo lébláa mọ́ fẹ́é iwí adánsiẹ ọ̀nàkwálsu. ³ Bulu obóyulá ọ́há ání ọ̀tẹ̀kla mọ́ ọ̀nású ọ̀tọ́pọ́ asun wanlínhé anfi súná Kristo ọ̀pasua ámu. Obóyulá ahá ání butonú asón ámu, gyi dunká mósó é; tsúfẹ́ mọ́ fẹ́é bábi lafun ta.

Kristo Ọ̀pasua Asienó Amọ Itsiáha

⁴⁻⁵ Mí Yohane dé ọ̀wolọ́ ánfí wanlín sísí Kristo ọ̀pasua asienóá mliwu Asia ọ̀mátọ́.

Ọ́há ámuú oletsíá, ọ̀bu inu, ọ̀bélaba amọ́ mọ́a Ọ́hẹ́ asienó ání bulí mọ́ owíe obíá ansítọ́ pọ́ Yesu Kristo bọgyíi mli buale, abuha mli iwilwii. Mọgyi ọ̀dansiyin ọ̀nàkwálpọ́, ogyankpapọ́á ọ̀lọ̀kọ̀sú tsú afúlitọ́, ọ́yítọ́ awíe fẹ́ésọ́ ogyípọ́.

Mọ̀tọ̀dwé aní, ọ̀lọ̀pọ́ mọ́ obugya ká aní nwunso ikọ́, sí aní lakpan kíe aní. ⁶ Alabwé aní mọ́ iwíe ogyíkpa pọ́ mọ́ igyí ahapọ́ ání abósum mọ́ Sí Bulu. Numnyam mọ́a túmi ibwéé mọ́ kle bré fẹ́é! Amen.

⁷ Kí! Ọ́na nwolótáasọ́ ọ̀bá! Ọ́hagyíọ́ha obówun mọ́. Ahá ámuú bọwọ́ mọ́ pía amọ́ kúráá bówun mọ́. Mọ́ su ọ́yítọ́ ahá fẹ́é bọ́su kóklókúú. Alí ibéba ní!

⁸ Aní Wíe Bulu léblí ọ̀bée, “Mígyí Alfa mọ́a Omega. Otúmípu amọ́u oletsíá, ọ̀bu inu, ọ̀bẹ́ba amọ́ ní.”

Kristo Lẹ̀ Súná

⁹ Mí, mli pío Yohane ní. Mía mlińyọ́ dé ipian wúun Yesu pọ́ Bulu iwíegyi ámu so, anidé ikłon nya líi kíńkín. Bulu asón ọ̀kanda pọ́ Kristo iwí asónblí su balé mí ya Patmo ọ̀pọ́ nsiné ọ̀solósu. ¹⁰ Eke ọ̀kọ́á igyi aní Wíe eke á, Bulu Ọ́hẹ́ léba mọ́su. Nonu ọ́me kv, ilẹ̀lín kóklókúú fẹ́ ọ̀kpe ọ̀sáwọ́le pé mí ọ́ma. ¹¹ Ọ́me amọ́ ọ̀bée, “Wanlín tóá fudewúun wa ọ̀wolótọ́, afọ̀pọ́ya Kristo ọ̀pasua asienó, bọgyi Efeso, Smirna, Pergamo, Tiatira, Sardi, Filadelfia pọ́ Laodikea.”

¹² Bréá nẹ̀damlí mbéé anki ọ́há ání ọ̀de mí asón bláa a, nowun sika pẹ̀pẹ̀ ọ̀kandíe-oyíá ibu abámbi asienó. ¹³ Ọ́ha ọ̀kọ́á ọ̀lẹ̀lian Nyankpọ́sa-Mu-Bi ámu líi ọ̀kandíe-oyí ámu nsiné. Ọ́lọ́wa ligá, ọ̀lọ̀pọ́ sika pẹ̀pẹ̀ ọ́fẹ́ tsan mọ́ kántọ́. ¹⁴ Mọ́ nwun pọ́ mọ́ imi fẹ́é lofulí fẹ́ opulí mpútọ́ ntée ọ́hráda. Mọ́ ansíbi aklambi é lówankí fẹ́ ogyá mpimpi. ¹⁵ Mọ́ ayabi de ogyá kpa fẹ́ kọ́bri ání bafwí mọ́ lé ogyátọ́ inuńu. Mọ́ ọ́me idetsulá fẹ́ ntsuá idekpa yi. ¹⁶ Ọ́de ntsrakpabi asienó mọ́ gyọ̀pito. Ọ́dayí iya anyọ́ kláklá lẹ̀dalí tsu

mu onótó. Mu ansító ihíe dewankí fé apawi. ¹⁷ Bréá nowun mu a, nemlí bun mu ayabiasí fé aha wuhé, táme obpu mu gyapí ubi dínká mísó, blí obéé, “Mánya ifú! Mígyí Ogyankpapu móa Otráhe amu ni. ¹⁸ Mígyí okiankpapu amúú nowu ámu ni. Ki, mbu nkpa bré féétó! Mbu túmi lowu móa afúlitosu.

¹⁹ “Wanlin tóá fawun bətsun, móa idebá séi pú móa ibéba oma wa əwolú ámutə. ²⁰ Ntsrakpabi asienó ámuú fowun mí gyapito pú sika pepé okandíe-oyí abámbi asienó ámu así ní. Ntsrakpabi asienó ámu igyi əpasua asienó ámu abəpu. Okandíe-oyí abámbi asienó ámu é gyí əpasua asienó ámu.

2

Efeso Əpasua Nkla

¹ “Wanlin asón anfi sısı Akristofə əpasua aní ubu Efeso wúluto obəpu féé,*

“Ohá ámuú əde ntsrakpabi asienó mu gyapito, əna sika pepé okandíe-oyí abámbi asienó ámu nsiné ámu obéé: ² Nyin tóá fədebwə féé. Nawun aliá fəhié fəde agyómá yə, pú aliá fəde nsi wa líi kínkín. Nyin aní fətamakle aha laláhe asón. Fakápó ahá ámuú bəde amú iwí tı Kristo sumbí ayəpú ámu, wun aní afunupu bəgyi. ³ Fotomi wun ipian mí su, fómeyinkí əma. ⁴ Táme asón kule péá mbu fú iwí gyí, ədwe itráa ma mía fənyə ntée fóa fú aba nsiné fé gyankpapu amu. ⁵ Mú su kain aliá teki fəgyi asa fadida. Damli kluntə, afulatsia fú atsiábi. Ní megyí ali á, néba bele fú okandíe-oyí ámu lé mú aba əpasua atráhe amutə. ⁶ Táme toku kuleá ubu alé fú iwí gyí, fətamakle Nikolai abúopu bwehé laláhe amu, fé aliá mí é ntamakle mú.

⁷ “Ohá aní əbu asu onúu asun aní Ohe Wankíhé amu dé əpasua ámu bláa así. Néha ohá aní olegyi isu obégyi Paradiso ndobító oyí-abí ámuú itehá nkpa ámu.”

Smirna Əpasua Nkla

⁸ Oletrá bláa mi obéé, “Wanlin asón anfi sısı Akristofə əpasua aní ubu Smirna wúluto obəpu féé,

“Ohá ámuú ogyi Ogyankpapu móa Otráhe, olowu lákúsó tsú afúlitə ámu obéé: ⁹ Nyin fú ipian wunhe pú ohian aní fədegyí, táme fəbu ató! Nyin aliá əpasua ámuú bəde iwí kí bəe, Yudafo bəgyi ámu bəde afunu wa dínká fúsú. Megyí Yudafo bəgyi, Oənsám abúopu əpasua bəgyi. ¹⁰ Máha ipian aní ibéba fəsu iwa fú ifú. Ndé fú bláa, Oənsám obéha békítá mlitə aku tswí obu. Oəósə mli ki. Bédínká fúsú nke dú. Ní lowutə ígyi ó á, fú mú wa ənəkwali. Néha fú isəgyi-ıpa, igyi nkpa aní itamatá.

* **2:1** Obəpu anfi gyí Bulu-obəpəá olíi há əpasua ámu ni. Ibu nfi móa 2:8, 12, 18; 3:1, 7, 14 étó.

11 “Ḑhá ání ḑbu asu onúu asun ání Ḑḥe Wankíhé amu dé ḑpasua ámu bláa asi. Ḑhagyíḑha ání olegyi ɪsu á, lowu nyḑasi amu iméeda mu.”

Pergamo Ḑpasua Nkla

12 Ḑletrá bláa mi ḑbéε, “Wanlun asún ánfɪ sɪsɪ Akristofḑ ḑpasua ání ɪbu Pergamo wúluto ḑḑpu fεε,

“Ḑhá ámúú ḑbu ḑdayí ɪya anyḑ kláklá ámu ḑbéε: 13 Nyin ání fotsie ḑtínéá Ḑbunsám owíe obíá itsie, támε fude fú hógyito kinkíinkín. Bréá bḑmḑ mí adánsie ogyípú ḑḑkwalipu Antipa mli wá ɪnu kúráá á, fumeḑpa mí ḑma. 14 Támε mú ó á, mbu fú ɪwi asún kpalobí ku. Mluto aku buḑbuo Balaam amúú olosuná Balak† alá ḑḑbwe Israelfḑ bḑbwe lakpan, ḑleha amú betsia wá atsi mḑa ayin asún, tsia gyi ḑkpito-ató ámu. 15 Ali kén aku buḑbu mlitá buḑbuo Nikolai atosunáhé ni. 16 Mlidamli klnto. Ní megyí ali nóbofwie mlitḑ, pú mí ḑḑtḑ ḑdayí ámu kó amú.

17 “Ḑhá ání ḑbu asu onúu asún ání Ḑḥe Wankíhé amu dé ḑpasua ámu bláa asi.

“Ḑhagyíḑha ání olegyi ɪsu obégyi atogyihe amúú bḑpuḥáin ámu ku. Nétrá ha okugyíḑku ɪbwi futútúá bḑwanlín ɪdá pḑpwe dínká mḑsú. Mu nkule ḑbébi dá ámu. Ḑhaa méεbi mú tsia muto.”

Tiatira Ḑpasua Nkla

18 Ḑletrá bláa mi ḑbéε, “Wanlun asún ánfɪ sɪsɪ Akristofḑ ḑpasua ání ɪbu Tiatira wúluto ḑḑpu fεε,

“Bulu mu Bi ámúú mu ansibi igyi fé ogyá ḑdandu, mu ayabiasɪ igyi fé kḑbri ání bapḑwá ogyá, plíu mú ɪwi ámu ḑbéε: 19 Nyin fú bwehé féé. Nyin fú aháḑwe, fú hógyi, fú osum agyómá pú fú nsiwa lí kinkín. Nyin ání fudebi bwé dun gyankpapu amu. 20 Támε asún ání mbu ha fú gyí, fahá ḑtsi ámúú butetɪ mu Yesebel, ḑde mu ɪwi ti ḑbéε, Bulu ḑḑsú ḑḑípú amu dépu mu atosunáhé mlé mí asúmpú, buḑe atsi mḑa ayin asún wa, buḑe ḑkpito-ató é gyí. 21 Naki mu ansitḑ ání ḑbédamli klnto buḑbuo Bulu, támε omedékléá obési mbuato. 22 Mú su néda mu, wá mu ɪḑ. Obḑwun ipian. Ní mḑa ahá ámúú buḑe mbuato ámu é bumesi, lé ɪwi lé mḑtḑ á, néha amú béḥie wun ipian. 23 Nḑmḑ mu abúopu amu. Akristofḑ ḑpasua féé bébi ání mígyí ḑhá ámúú otowun ahá klnto pú amú nwunto asún ámu ni. Néka okugyíḑku ɪkḑ mu bwehé ḑḑ.

24 “Támε mli aha tráhe ání mlidasí mliḑu Tiatira wúluto, mlímḑbuo ḑtsi ámu atosunáhé amúú buḑe mú ti ‘Ḑbunsám asun ḥáinḥé’ amu mú á, mmḑḑpu ato sḑráhé kḑku sḑrá mli. 25 Támε mlíkita mí atosunáhé amúú mliḑu amuto kinkíinkín yḑfon bréá néba. 26 Néha ḑhá ání olegyi tógyítḑsú, ḑletalí bwé mí apé yḑfon ḑyí ḑḑmḑké túmi, obégyi ḑmá féésú. 27-28 Ḑbéḑpa amú owuntḑlɪnsu, bwíébwíe amú blúblúblú fé abua. Obénya túmi

† 2:14 ɪni bu Numeri 22–24ḑ

ámú mí Sí lópohá mí ámu odu. Nópυ mu βακε ατsραkpabi há mu, pósúná ání alagyi isv.†

29 “Jhá ání αβυ asv onúu asón ání Jηe Wankíhé amv dé αpasua ámu bláa así.”

3

Sardis Opasua Nkla

1 Jεlεtrá bláa mi αβέε, “Wanlín asón ání sισι Akristofα αpasua ání ibv Sardis wúluto αβαpv fεε,

“Jhá ámú αβυ Bulu Jηé asienó pó ntsραkpabi asienó ámu αβέε: Nyin fú bwεhé féé. Fubv idá ání fukl nkpa, táme fawú fóna.

2 Mú sv tsinki, afowa fú ato tráhe amv αwονlín, tsúfé idekléá iwu. Nawun ání fú bwεhé lesian mí Bulu ansító. 3 Mú sv kain tóá bosuná fú pó múá fonusv. Gyi músó, afodamli klontα. Táme ní fometsinkí á, nóbofwie fútó fé owikplu, fóméebi bréá néba.

4 Táme aha akv bobv wúlu amvtoá bυmαkókpoí amó atadie.* Bówa atadie futútú, mía amónyo abénatí, tsúfé bafon. 5 Néha αhá ání olegyi isv αβówa atadie futútú. Mméetsitsii mu idá lé nkpa αwυló ámυto. Néblí mí Sí mva mu αβαpv ansító mbéε, míbυ mu.

6 “Jhá ání αβυ asv onúu asv n ání Jηe Wankíhé amv dé αpasua ámu bláa así.”

Filadelfia Opasua Nkla

7 Jεlεtrá bláa mi αβέε, “Wanlín asón ání sισι Akristofα αpasua ání ibv Filadelfia wúluto αβαpv fεε,

“Jhá ámú αλwankí, αtamawá afunu, αδε Owíe Dawid sáafi, ofinkí αhaa tamatáli fin, ofin é αhaa tamatáli finkí ámu αβέε:

8 Nyin fú bwεhé féé. Kι, nafinkí obu yái há fú. Jhaa méetalí fin mú. Nyin ání foma αwονlín, táme fagyi mí atosunáhésυ, fómekpa mí αma. 9 Jbυnsám abúopv amó bυδε afunu wa bεε, Yudafα bυgyi ámu a, néka amó híε béba beda akpawunu fú ayabiasí. Amó féé bébi ání ntαdwé fú. 10 Fagyi mí asónsú, fanyá klv n lí kínkíínkín. Mú sv néle fú lé ipian ámú nópυso αyító áhá féé kι amυto. 11 Kι, nebá ní. Mú sv kítá itó ámú fóbυ amυto kínkíínkín, ménι αhaa móhα fú isvgyí-ιpa lé fú ibitα. 12 Jhá ání olegyi isv á, nópυ mu bwé mí Bulu αtswékpa obu ámu αtan. Jméεtrá dalí inυ εκεκεεκε. Nówanlín mí Bulu idá dínká mυsv. Nówanlín mí Bulu wúlu, igyi Yerusalem pαpwe amv idá dínká mυsv. Wúlu ámú αbékplí tsú αsúsú mí wá ba amv, nówanlín mí onutó idá pαpwe amv é dínká mυsv.

13 “Jhá ání αβυ asv onúu asv n ání Jηe Wankíhé amv dé αpasua ámu bláa así.”

Laodikea Opasua Nkla

† 2:27-28 Israelfα Ilv 2:8-9 * 3:4 Bυmαkókpoí amó atadie así gyí bυmαkóbwé lalahε.

¹⁴ Ɔletrá bla mi ɔbée, “Wanlun asón ánfí sísí Akristofɔ ɔpasua ání ibu Laodikea wúlutɔ ɔɔpu fεε,

“Ɔhá ámúú bɔteti mu Amen, mu só Bulu asón fée iteba mútɔ, ogyi ɔdansiyin ɔnɔkwaliɔ, ɔtamawá afunu, ogyi Bulu ato bwehé fée nwun ámu ɔbée: ¹⁵ Nyin fú bwehé fée. Fumebli ogya, fómolwíí é. Ní febli ogya ntée folwíí á, tekí ibu alé. ¹⁶ Táme fugyi bwíánbwíán, fumebli ogya, fómolwíí é. Mú alí su nótu fú tsítsá. ¹⁷ Fεε, ato onyapú fugyi, fúbu ató. Tɔtɔ méde fú hián, táme fuma tɔtɔ, fumeýín ání ohiáni fúgyi. Fubu nwe, fú ansíbi labwíé, fóna yayá. ¹⁸ Mú su ndetói kplá fú mbée, pu kóba bɔhɔ sika pepeá bafwí mú ogyátɔ mí wá. Mú ɔbéha fénya ató onutónutó ní. Ntráa nde fú bláa mbée, fubóhɔ atadie futútú, afɔpɔtin fú péli móa fú yayá ámu. Bɔhɔ afá da fú ansibisu, méní fówun ató. ¹⁹ Ahá ání ntɔdwé á, amó ntɔwá iyn wa, bíti amó isu. Mú su wa nsi, afɔdamli klɔntɔ. ²⁰ Kí, nlí obu-ɔnɔ, nde agoo tswí. Ní ɔku lónu mí ɔme, olefinkí há mí á, nébitíwíé mu wá, mía mɔnyɔ abówa ibi gyi ató. ²¹ Ɔhá ání olegyi isu á, néha mu obétsiá mí wá, mí owíe obíá ámɔsu. Alí kén mí é negyi isu, ntsie mí Sí wá mu owíe obíá ámɔsu ní.

²² “Ɔhá ání ɔbu asu onúu asun ání Ɔhe Wankíhé amu dé ɔpasua ámu bláa asi.”

4

Ɔsósú Bulusúm

¹ Iní ɔma a, nelawun ató bámbá. Nowun ání obu lafinkí ɔsósú. Nelanú ɔme amúú ilegyankpá bláa mi asón ámu. Ɔme amu igyi fé ɔkpe. Ɔlebláa mi ɔbée, “Du ba nfi, mí ansuna fú tóá ilehián ání íbéba iní ɔma.” ² Bulu Ɔhé leba mísú ɔsáwɔle pé. Múá nówun a, owíe obíá ku tsie ɔsósú inu, ɔku tsie músú. ³ Ɔhá ámúú otsie músú ámu iwí dé ogyá kpa fé abwi wankláán kúá igyi pépe móa futútú. Mú ɔtneku é igyi fé nyankpɔtáa, ide ogyá kpa bomlí owíe obíá ámu fé ibwi wankláán kúá igyi fitáa bɔbwe.* ⁴ Owíe-mbíá advanyɔ-na itsie bomlí owíe obíá ámu. Ahande advanyɔ-na bɔwa atadie futútú bɔtsie mbíá ámɔsu, bɔbun sika pepe ipa. ⁵ Inu nyankpɔ lówa ibi fwí bí. Odekpíe, ɔpráda deɔptí dáli owíe obíá ámɔtɔ. Ibia asienó líí owíe obíá ámu ansító, idetsíí. Múgyí Bulu Ɔhé asienó ámu ní. ⁶ Nowun gláasi ɔpu kúá músú ide ogyá kpa fé atsufofibi, ida owíe obíá ámu ansító.

Mbwí akúá bókí nkpa ana, ansíbi iduadúá amó nkpá móa ɔma fée, bobomlí owíe obíá ámu ɔbun nsiné inu. ⁷ Amótɔ ogyankpapu gyí fé gyatá. Onyɔɔsi gyí fé ɔnantswie yínhé. Ɔsaasi ansító igyi fé nyankpɔsa, ɔnaasi é gyí fé oyitsu ání odefulí.

* **4:3** Ibwi futútú ámu dá gyí ánfí yaspa. Pépe amu dá gyí kanelia. Fitáa bɔbwe amu é dá gyí emerald.

⁸ Okugyíáku bu abámba asie, ansíbi iduadúá mótó móa mú ɔma féé. Bude ilu wa ɔpa onyé bee,

“Wanki, wanki, wanki gyí aní Wíe Bulu Otúmípu.

Mulétsiá, otsie, ɔbélaba.”

⁹ Mbwí ámu bɔɔwá ilu ámu, pú numnyam, obú móa ipán há ɔhá ámóú otsie owíe obíá ámusu, omóowu ekekeke ámu. Ní bɔbwé mú alí á, ¹⁰ ahande advanyɔ-na ámu é bamlí bun ɔhá ámóú otsie owíe obíású amu ansító súm mu. Mubúu inu bré féétó ni. Fówun babwíí amó owíepa ámu tswi obíá ámu ansító blí bee,

¹¹ “Aní Wíe pú aní Bulu!

Fólehián aní abópɔ obú, numnyam móa túmi há, tsúfé fólóbwe ató féé. Fɔbwe tógyító fú apétó.

Mó féé ilaba mótó.”

5

Okúfabi Amu Létii ɔwóló Amu

¹ Iní ɔma a, nowun aní ɔhá ámóú otsie owíe obíá ámusu ámu dé ɔwóló kúntáhé mu gyɔpɔtɔ. Bɔwanlín ató dínká mú nkpa móa mó ɔma féé, bɔpu okpin tan mú ɔnó tse sienó. ² Inu nowun Bulu-ɔbɔpu otúmípu ɔkúá ɔdekplón fité ɔbéé, “Ma lófɔn aní ɔbémain ató asienó ánfí, tii ɔwóló ámu ɔnó?” ³ Bumenya ɔhaa ɔsósú ntée ɔsolósu ntée ɔsolóu ayasi aní ɔbétalí tii mú ɔnó, kla mú. ⁴ Iní su nehie su, tsúfé bumenya ɔhá aní ɔlɔfɔn, obétii ɔwóló ámu ntée ɔbékla mú. ⁵ Inu ahande amɔtɔ ɔkɔle lébláa mi ɔbéé, “Mátrá su. Kí, Yuda abusuantɔ Gyatá, ogyi Owíe Dawid mu na ámu lagyi isu. ɔlɔfɔn aní ɔbémain ató asienó ámu, tii ɔwóló ámu ɔnó.”

⁶ Inu nowun Okúfabi ɔku. Ilehian aní bapú mu há igyí kí. ɔlí owíe obíá ámu, akiankpapu ana ámu pú ahande advanyɔ-na ámu nsiné. ɔbu nsiebí asienó pú ansíbi asienó. Mu ansíbi asienó ámu gyí ɔhé asienó aní Bulu tɔwá sísi ɔsolóu anfisɔ ɔtinegyíɔtíné ni. ⁷ Okúfabi amu lédalí ba nkpa, ɔlɔbɔhɔ ɔwóló ámu lé ɔhá ámóú otsie owíe obíású amu gyɔpɔtɔ. ⁸ Inu mbwí ámóú buki nkpa ana ámu pú ahande advanyɔ-na ámɔtɔ okugyíáku lémlí bún Okúfabi amu ansító. Okugyíáku dé ɔsankuo pú sika pepe blanwébi aní ɔhién bɔ mú. Bulu ahá mpái gyí ɔhién ánfí. ⁹ Akiankpapu ana ámu pú ahande advanyɔ-na ámu bude ilu pɔpwe wa bee,

“Fólófɔn aní fótso ɔwóló ámu,

máin ató asienó ámóú bɔpɔtan mú ɔnó ámu.

Tsúfé bɔpu fú há igyí, fɔpu fú obugya hɔ ahá há Bulu.

Fɔhɔ ahá abusuangyíabusuan, ɔblígyíɔblí, ɔmágyíɔmá pú ɔsolósu ahá ɔtsan-ɔtsan féétó.

¹⁰ Fayái fú iwíe ogyíkpá há amó, fabwé amó fú igyí ahapú aní bétsiá há aní Bulu ámu igyí.

Bégyi iwíe ɔsolósu.”

¹¹ Nelaki, nonu Bulu-abɔpu tsɔtsɔtsɔ ɔme. Buhíe butso ání buma íklátɔ. Bobomlí owíe obíá ámu múa akiankparu amu pú ahande advanyɔ-na ámu. ¹² Bɔpu ɔme kɔnkpɔnkpɔnti wá ɔbɛ,

“Okúfabi amú bɔpuhá mu igyi ámu lɔfon
ha túmi, iwinya múa
nyansa pú awútɔ ɔwɔnlín,
idayilé múa numnyam pú kanfú.”

¹³ Inu nonu atáá Bulu lɔbwe féé ɔme. Múá ɔbu ɔsú múa asi, ɔsulúu ayasi pú ɔputɔ féé, bɔde ɔbɛ wa bɛɛ,

“Kanfú, idayilé, numnyam pú túmi féé
iletsiá ɔhá amú ɔtsie owíe obíású amu
pú Okúfabi amu bré féé!”

¹⁴ Múú akiankparu ana ámu beblí bɛɛ, “Amen!” Inu ahande advanyɔ-na ámu bemlí bun súm Bulu múa Okúfabi amu.

6

Okpin Asienó Amu Main

¹ Mí ansítɔ inu á, Okúfabi amu lémaín ató asienó amúú bɔputan ɔwɔlɔ ámu ɔnɔ ámutɔ kule. Inu nonuá akiankparu ana ámutɔ ɔkule léle ɔnɔ. Mu ɔme lelun fé ɔpráda ɔbéɛ, “Ba!” ² Neki a, ɔpɔnkɔ futútú ɔku ní. Mɔsu ɔdinkápú amu dé ita, bobun mu owíepa. Ɔlɔpu ɔpɔnkɔ ámu kplí ba ɔsulúsu fé ɔsu ogyíyúá ɔtráa ɔbá bɔkɔ isá tsɔtsɔtsɔ, ɔtra gyi ɔsu.

³ Bréá Okúfabi amu lémaín ató nyɔɔsiá bɔputan ɔwɔlɔ ámu ɔnɔ á, nonuá akiankparu amutɔ onyɔɔsi léblí ɔbéɛ, “Ba!”

⁴ Ɔpɔnkɔ pepe ɔku lédali ba. Beha mɔsu ɔdinkápú ɔdayí iya anyɔ tintín ku. Beha mu túmi ání ɔléɛ iwilwii le ɔyítɔ. Mú su isá leda ɔtíneyíɔtíné, ahá bɔmɔ aba.

⁵ Bréá Okúfabi amu lémaín ató saasiá bɔputan ɔwɔlɔ ámu ɔnɔ á, nonuá akiankparu amutɔ ɔsaasi léblí ɔbéɛ, “Ba!” Neki a, ɔpɔnkɔ bibi ɔku ní. Mɔsu ɔdinkápú amu dé skéeli. ⁶ Inu nonu ɔme ku lédali tsu mbwi amúú butsie nkpa ana ámutɔ ɔbéɛ, “Ayó olónká kule ntéɛ imɔ olónká asa ɔbɔbwe ekewóle ɔkɔká.* Táme máyintá nfo múa wáun-nyí mú.”

⁷ Bréá Okúfabi amu lémaín ató naasiá bɔputan ɔwɔlɔ ámu ɔnɔ á, nonuá akiankparu amutɔ ɔnaasi léblí ɔbéɛ, “Ba!” ⁸ Inu nowun ɔpɔnkɔ ɔkúá mu iwí igyi fé nsúú. Mɔsu ɔdinkápú amu idá gyí Lowu. Afúlito é buo mu. Beha amú túmi ání ní beye ɔyítɔ aku ana á, bɔmɔɔ iku kule. Bɔpúú ɔdayí iya anyɔ múa akún, ɔbá ɔsulúsu mbwíkítá-atɔ mɔ amú.

⁹ Bréá Okúfabi amu lémaín ató nuusiá bɔputan mú ɔnɔ á, nowun Bulu asóntɔ akítápú amu ɔkláa afɔdie-asubwi amu ayasi. Bulu asún ámu iwí adánsie gyi su bɔmɔ amú. ¹⁰ Inu bɔsurá

* 6:6 Ilosuná ání isá su ató béhie wá ibiá.

okitikíti kóklókóú bεε, “Oo! Bulu Otúmípu, fú iwí lwankí, fóbυ ònòkwali. Òmenke fégyi òsulòv anfisυ ahá asón, fité aní obugya tsú aní amòpú ámv wá?” ¹¹ Mú òma a, beha amó fée ligá futútú, bebláa amó bεε, bυtráa tsia kpalobí. Botsía yófυn bréá bamó amó aba asúmpú ahógyipυ amυ é, amó òdυdυò lafυn asa.

¹² Bréá ndekú a, Okúfabi amυ lémain ató siesiá bəputan òsulòv ámv ònó. Òsulòv lekpinkí kóklókóú, owí lebi tuun fé tati bibi, òsra é lεpe kò fé obugya. ¹³ Múv ntsrakpabi bekpakpáa bun òsulòv, fé afú kpənkpənkpənti látsυn kpakpáa pəntə-abíá iməkódan bun. ¹⁴ Nwólótáa lokuntá fé òsulòv, tsú mó náti. Abυ móa òpu nsiné òsulòv fée ledalí mó otsiákpá. ¹⁵ Inυ nowun aní òyítə awíe pú ahande pú isá ònó alípu pú asikafə pú atúmipυ, nkpábi móa iwísv atsiápú beyéñáin abυsv abwi alatə pú abwi mbótó. ¹⁶ Bebláa abυ móa abutá ámv bεε, “Mlikpa bun anísv, ménυ owíe obíású otsiápú amυ omóowun aní, Okúfabi amυ òméεbití aní sv! ¹⁷ Tsúfé amó ahá svbití eke ámv lafυn. Ma òbétalí líí mó ònó?”

7

Bulu Ahá Mpím Lafakòle Advana-na (144,000)

¹ Inυ òma a, nowun Bulu-abəpu ana, bulí òyí afunka ana ámv féesú. Bυde afú afunka ana ámvətə kínkíínkín, ménυ iméétrá tsυn òsulòsv, òpυsv ntée òyí kòkv. ² Inυ nowun aní Bulu-əbəpu bámbá dédalí tsυ owí òdalíkpa. Òde Bulu Òkiankpaυ atóá òtəpóhíe mv ahá nsυ. Múv òlòsvrá okitikíti kóklókóú kpólí abəpu ana ámvú Bulu léha amó túmi òbéε, bəbéyintá òsulòv móa òpu amυ. ³ Bulu-əbəpu amυ lébláa Bulu-abəpu ana ámv òbéε, “Mlimáyintá òsulòv ntée òpu ntée òyí kòkv, yófυn bréá nópu ató híe mí Bulu asúmpú òsokpi nsυ asa.” ⁴ Inυ bekla ahá ámvú bapú Bulu ató híe amó nsυ amυ fée. Amó òdυdυò bυgyi ahá mpím lafakòle advana-na (144,000). Amó fée botsú Israel abusuan dúanyə ámvətə. ⁵⁻⁸ Behíe ahá mpím dúanyə (12,000) nsυ abusuan ámv kugyíkətə. Abusuan ámv adá gyí, Yuda, Ruben, Gad, Asa, Naftalí, Manase, Simeon, Lewí, Isakar, Sebulon, Yosef pú Benyamín.

Òdəm Aní Botsú Òmá-òmátó

⁹ Inυ òma a, nowun òdəm kvá òhaa méetalí kla amó. Botsú òmágyíómá, abusuangyíabusuan, òsulòsv ahá òtsan-òtsan pú òblígyíòblítə. Bulí owíe obíá ámv pú Okúfabi amυ ansító. Bəwa ligá futútúútú, bυde mbláa. ¹⁰ Bəsvrá okitikíti kóklókóú bεε, “Aní Bulu ámvú otsie owíe obíású pú Okúfabi amυ tóhə ahá nkpa!” ¹¹ Inυ á, Bulu-abəpu amυ fée belí bómli owíe obíá ámv pú ahande advanyə-na ámv pú akiankpaυ ana ámv. Bemli bun, pú ansító bun òsulótə owíe obíá ámv ansító, súm Bulu, ¹² blí bεε, “Amen! Ikanfó, numnyam, nyánsa, ipán, obú, túmi pú òwυnlín ibwée mv kle bré fée! Amen!”

¹³ Inu ahande amoto akule léfité mí obéé, “Amendi gyí ahá áñfi bowa ligá futútúútú áñfi? Nkónó botsú?”

¹⁴ Múó nebláa mu mbéé, “Ohande, fú yín.”

Múó olebláa mi obéé, “Ahá áñfi gyí ahá áñi batsun asun wunhe kponkponti ámoto dáli ni. Amó láfwí amó atadie Okúfabi amó obugyato, ilafúli futútúútú ní. ¹⁵ Mú só bulí Bulu owie obiá ámu ansító, bude mu sým opa-onyé mu atswékpa un ní. Ohá amú otsie owie obiá ámu é obétsiá amótó, bún amósó. ¹⁶ Akón múa amewóli méetrá kítá amó, owí ntée apawi é iméetrá to amó. ¹⁷ Tsúfè Okúfabi amú óli Bulu owie obiá ámu asi ámu obóbwe amó akpapú. Obégya amó nkpa, kpá amó ya nkpa-ntsu ámu awíkpa, aní Wíe Bulu obétsitsíi amó ansí ntsú fée.”

8

Okpin Sienósi Amv Main

¹ Bréá Okúfabi amó lémain ato sienósiá baputan awulú ámu onó á, asúsó lolvá fé dñhwírí-fun. ² Inu nowun Bulu-abapu asienó amú bulí mu ansító ámu. Beha amótó okugyáko akpe.

³ Bulu-abapu bámbá lébá belí afodie-asubwi amó ansító. Ode sika pepe blanwébi áni butowá ohién ogyá mótó. Beha mu ohién tsatsatsa, olaputsiá Bulu ahá mpáito, púyédinká sika pepe afodie-asubwi amú iyi owie obiá ámu ansító ámu. ⁴ Mu ohién ámu ogyási letsiá Bulu ahá ámu mpáito, kúsó tsú afodie-asubwi ámu yó Bulu ansító. ⁵ Inu Bulu-abapu amó lótsu ohién blanwébi ámu, olele ogyá afodie-asubwi ámu wá mótó, fin mó dá asulósu. Inu nyankpu lówa ibi fwi bi. Odekie, apráda depúti, ame otsan-otsan delín kóklókóó, asuló é dekpinkí kpakpakpa.

Ikpe Asienó Amv

⁶ Bulu-abapu asienó amú bude ikpe asienó ámu é beda iwísu há mó fulí.

⁷ Bulu-abapu gyankpapu lófulí mu akpe. Múó botsu atsufolibi móa ogyá áni obugyá lefráa mó, tswi mó wólí asulósu. Ní beye asulóta asa á, mótó iku kule móa mósú nyí pú mósú ifá fée lóho plíplíplí.

⁸ Bulu-abapu nyasí lófulí mu akpe. Inu botswi taku fé ibu kponkpontiá idehó wá apoto, apoto yéé asato ikule ledamli obugyá. ⁹ Apoto mbwíá buki nkpa féeótó yéé asato iku kule bowu, ntsusu ayibito yéé asato iku kule é lobwiebwíe.

¹⁰ Inu Bulu-abapu saási lófulí mu akpe. Otsrakpabi kponkpontnkponki kuá ide ogyá tsíí fé obia lékpa tsú asúsó beda ntsu tsonhéá ibu oyító féeótóye asato iku kulesu. ¹¹ Otsrakpabi amó dá gyí “Okítá.” Inu ntsu tsonhe amotóyéé asato iku kule lówa okítá dun akpín. Mú okítá su ahá tsatsatsaá bonu mó bowu.

¹² Ɖbɔɔɔ náásí lǎfólí mu klé. Iɔwɔ owí móa ɔtsra pú ntsrak-pabito yéé asato iku kule. Mú fée lodun. Iní su ɔyi kehe móa owi tahétó yéé asato iku kule é loklun.

¹³ Neki a, oyitsu ɔku défulí, odesú kuklókúú ɔbée, “Ahá ání bétsiá ɔsolúu anfisv asa Bulu-abɔɔɔ asa atráhe amv bǎfólí amú nkpe amv bɔgyówi tsenyɔ-tsesa!”

9

¹ Bulu-ɔbɔɔɔ núúsí lǎfólí mu ɔkpe. Nowun ání ɔtsrakpabi lékpa tsú ɔsósú beda ɔsolúsu, bɔɔɔ ilán klúklúúklúá ima ɔka sáafi há mu. ² Múú olefinkí ilán klúklúúklú ámu ɔnó, ogyási ledali mótó fé obuntɔ. Ogyási amv ɔleha nsaintɔ fée ilebi tuun. ³ Inu atsantsanku bedali tsu ogyási amvɔ ba ɔsolúsu. Beha amú túmi bee busúra ahá fé nyankpɔkpíe. ⁴ Bebláa atsantsanku ámu bee, bumáɔɔ ɔnó da ífá ntée nyí kuku, dun ahá amúú Bulu nsvhíetɔ medín amú ɔsvkpi amv. ⁵ Bumeha amú ɔkpa ání bumóɔ amú, táme bvhíe wa amú iwiasin tsra anu kéké. Amú iwiasin ámu ibwé fé aliá nyankpɔkpíe-svrá tɔhɔ ɔsin. ⁶ Ahá bódunká lowu nke amvɔ, táme buméenyá. Bóbɔ mbódí ání bówu, táme bumóowu.

⁷ Atsantsanku ámu belian mpɔnkɔá bahíhie amú há isá, tɔku idin amú nwunsv fé sika pepe ipa. Bɔwa anyánkɔpúsa ansító. ⁸ Amú nwunsv-imi bu iswí fé ɔtsi klé. Amú ayín é igyi fé gyatá klé. ⁹ Bɔwa kántó atíntɔ ání bɔɔɔ dátɔ bwé. Ní bɔdefulí á, amú ate totsúlá fé mpɔnkɔ móa keké tsɔtsɔtsɔá busrí ɔyó isá. ¹⁰ Bɔbɔ odú, itɔsúrá fé nyankpɔkpíe. Beha amú túmi bee, bɔpúu amú odú ámu pilan ahá tsra anu kéké. ¹¹ Ilán klúklúúklúá ima ɔka ɔbɔɔɔ gyí amú owíe. Bvteí mu Hebrifo ɔblíto bee, Abadon. Griiki ɔblíto é bvteí mu bee, Apolion. Mú así gyí, “Ató Oyintápó.”

¹² Asvun wunhe gyankpɔpɔ lámó ɔnó á. Anyɔ tráhe é íbá.

¹³ Bréá Bulu-ɔbɔɔɔ síésí lǎfólí mu ɔkpe a, nonu ɔme ku ledali. Iledali tsu sika pepe afɔdie-asubwi ámu okonkí ana amvɔ Bulu ansító mu. ¹⁴ Ide ɔbɔɔɔ amúú ɔlɔfólí ɔkpe amv bláa ɔbée, “Sanki abɔɔɔ ana amúú beklí mántá ntsu yílé Efrate ɔnó ámu.” ¹⁵ Bulu léla amú yái há ali bré áñfi, ofi áñfi, ɔtsra áñfi, eke áñfi pú dɔnhwírí anfi ɔbée, busánkí amú abɔyɔmɔ ɔyító ahátó yéé asato iku kule fée. ¹⁶ Bebláa mi ání isá akɔpú ámu ɔdɔdɔ bóbwe bliba lafanyɔ (200,000,000), bɔdín mpɔnkɔsv. ¹⁷ Nowun mpɔnkɔ pú amósú adínkápú mí atowunhe amvɔ, bɔwa kántó atíntɔ. Aku klé lepe fé ogyá, aku klé lebi, aku é klé igyi bate-nfɔ. Mpɔnkɔ ámu nwun igyi fé gyatá klé, ogyá móa ogyási pú atonkodu dedali amú ɔnótó. ¹⁸ Ali asvun wunhe aku asa, igyi ogyá, ogyási pú atonkodu amv iledali tsu mpɔnkɔ ámu ɔnó, ilámɔ ɔyító ahátó yéé asato iku kule. ¹⁹ Megyí amú ɔnótó nkule asvun wunhe túmi

tedáli tsu. Ibv amó odútó é, tsúfé amó odú igyi fé iwó, ibv nwun, itepílan ahá.

²⁰ Anyánkpósa amóú besian ósulóso, bumowu asun wunhe amoto ámu fée bekiná bumedamli klontó. Bumesi ñhe laláhe móa atunkuá bapó sika pepe, sika futútú, kóóbrí, abwi móa nyí aná bwé süm. Alí ñhe laláhe pú atunku anfi butamawun ató, butamanú asón, butamanátí. ²¹ Alí kén bumedamli klontó sí amó tsiátó laláhe; igyi ahámó, ókpé, atsi móa ayin asónwa móa owi ámu é bwé ní.

10

Bulu-òbòpù Mva Ówóló Túkúrítibi

¹ Inu nelawun Bulu-òbòpù ówonlínpó bambá ókuá otsú ósúsú. Agyinde lobomli mu, nyankpotáa ilan mu awunso. Mu ansító lowankí fé owí, mu ayabi igyi fé ósotí aní ogyá bu mótó. ² Óde ówóló túkúrítibi kuá óletéi mótó. Mu gyòpí yabi iyi ópusu, mu buna yabi é iyi ósulóso. ³ Ólòkplón kúklókúú fé gyatá dékpoun, ópráda asienó ámu lóputí. ⁴ Bréá ópráda asienó ámu lóputí, mbéé anwanlin asón amóú ilebli ámu a, nonu óme bámbá tsú ósúsú. Óme amu débli óbéé, “Máwanlín asón amóú ópráda asienó ámu ilabli ámu. Pówa fú kpawunutu.”

⁵ Mú Bulu-òbòpù amóú nowun, ólí ópu móa ósulóso ámu lótsu mu gyòpí ibi fúá yó ósúsú. ⁶ Inu óleka óhá amóú óbu nkpa bré féétó ámu ntam. Mulóbwé óso móa asi, ópu móa mótó ató fée, ólebli óbéé, “Bumétrá si tsiá! ⁷ Táme bréá Bulu-òbòpù síénósí amu óbófulí mu ókpe a, alí bré ámutó Bulu asun ñáínhé amóú ólehe yáí óbéé, móbwé ámu íbéba mótó ní. Íbéba mótó fé alí ólebláa mu asúmpú, bugyi mu ónósú atóipú amu.”

⁸ Inu óme amóú ide mí asón bláa tsú ósúsú ámu létrá bláa mi óbéé, “Yóhó ówóló amóú ilafinkí ámu le Bulu-òbòpù amóú ólí ópu móa ósulóso ámu íbitó.”

⁹ Mú su nòyó Bulu-òbòpù amu wá mbéé, ópú ówólóbi ámu ha mi. Mú ólebláa mi óbéé, “Hó, afówi mú! Ibówa fú ódwe débídébi fé ókwén, táme iméekanáa fú iputó.”

¹⁰ Inu nòhó ówólóbi ámu lé mu íbitó, nòwi mú. Ilówa mí ódwe débídébi fé ókwén, táme imetepí kanáa mí iputó. ¹¹ Mú óletrá bláa mi óbéé, “Ilehián aní félabli asón amóú íbéba ahá féésú ámu. Íbéba ómá fée, óbli ótsan-ótsan ablípú pú awíe féésú, fé alí amóú Bulu lalé súná fú ámu!”

11

Adansifó Abanyó Ámu

¹ Inu óma a, beha mí oyíá butópúsúsu ató. Mú Bulu-òbòpù amu lébláa mi óbéé, “Kósu afuyosusúu Bulu ótswékpa obu ámu pú afódie-asubwi amu, afukla inu asúmpú amu. ²⁻³ Táme másusúu nwunsínésú amu mú. Si inu tswi, tsúfé Bulu lasí

inu há ahá ání bomegyí Yudafó. Alí ahá ánfí bétsatsáa wúlu wankíhé amusu tsra advana-nyo (42), igyi nke apím-okole lafa-anyo aduesie (1,260). Néha mí adansífo abanyó bédídá akpekpe, há amó túmi, béblí mí asón ání nalé súná amó nke ámuto.”

⁴ Amógyí nfo-nyí anyo pó okandíe-nyí anyo ámúú ilí Bulu, ogyi oyi féesú ogyípó amu ansító ní. ⁵ Ní oku obwé agywun ání obépilán amó á, ogyá bédali amó onó, ho mu mó. Alí ohá ání odekléá obépilán amó obówu ní. ⁶ Bulu adansífo ámu bubu túmiá bétalí há nyankpu omóotswie nkeá bópúblí Bulu asón ámu fée. Bubu túmiá bétalí há ntsu kugyíku bédamlí obugya. Bétalí lé asun wunhe kugyíku é ba osulúso brégyíbréá budeklé.

⁷ Ní adansífo ánfí beblí amó asón tá á, obwikítá-ató amóú otédáli tsu ilán klúklúúklúá ima okato ámu obókó amó isá, gyí amósó, mó amó. ⁸ Amó afúli bédí amó wúlu yilé brónusu. Butetí wúlu yilé ánfí bee, “Sodom móa Egipte.”* Inu beda amó Wie Yesu mántá oyikpalíhesu, mó ní. ⁹ Ahá bótsu abusuangyíabusuan, oblugyíoblí, omágyíomá pó osulúso ahá otan-otan féesú ba beki afúli amu nkensá móa ifon. Bomécha okpa abupula amó kóráá. ¹⁰ Bulu onósú atáipó abanyó ánfí bawú so ansí bégyi osulúso atsiápó. Bégyi nke kpónkponti, kíé aba ató, tsúfé Bulu onósú atáipó anfi bawá amó ipian kpónkpontito ki. ¹¹ Táme nkensá móa ifon ámu oma a, Bulu léha ohé lelawíé amótó, belakusú líí ayabisu. Mó so ifú lehie kítá ahá ání bowun amó. ¹² Inu Bulu onósú atáipó abanyó ámu bonu ome kpónkponti ku tsú osúsú, ilebláa amó obée, “Mlido ba nfi!” Amó alupó ámu bulí bude amó kíí, agyinde lotsu amó ya osúsú. ¹³ Osulúso lékpínkí kpukpukpukpu alí bré ámuto kén. Ní beye wúlu amoto idú á, iku kole fée lobwie bun osulúto gbloo. Ahá mpím-sienó (7,000) bowu osulúkpínkí ámuto. Ifú lehie kítá atráhe amu. Mó so bowa osúsú Bulu numnyam.

¹⁴ Asun wunhe nyosí latsun, saasi sí íbá á.

Okpe Sienósí

¹⁵ Múú Bulu-obapu osienósí lófulí mu okpe. Inu ome akpónkponti lelin tsu osúsú bee, “Séi á, oytó iwíegyí lamli aní Wie Bulu móa Kristo, (ohá ání Bulu ladá mu ofúli amu) klé. Obégyi iwíé bré fée!” ¹⁶ Inu ahande adwanyo-na ámúú butsie amó mbíású Bulu ansító ámu fée bobun, súm mu, ¹⁷ blí bee, “Aní Wie Bulu Otúmípu, adá fú ipán.

Fólétsiá, fúbu inu bré fée.

Tsúfé fapó fú túmi kpónkponti ámu

fi fú iwíegyí así!

¹⁸ Omá-omá benya obló,

* **11:8** Wúlu yilé ánfí dá onutó gyí Yerusalem. Bopokápó Sodom móa Egipte, tsúfé amó bwehé laláhe lelian aba.

bré lafun ání fú é fénya ɔbló.

Bré lafun ání fégyi awupó asón.

Bré lafun ání fóbwe yilé há fú asúmibi, bogyí fú ɔnósó atóipó amu,

pú Bulu ahá ání butenyá fú ifú,
nyebí pú ahande féeé.

Bré lafun ání féhi ahá ání bamó ahá ɔyító féeé.”

¹⁹ Inu befinkí Bulu ɔtswékpa kpɔnkpɔnti ámuú ɔsósó ámu, bowun mu Ntam-dáka obu ámuɔ. Inu nyankpu lówa ɔbi fwi bi. Odekpie, ɔpráda deputí, ɔme ɔtsan-ɔtsan lelin kóklókúú, ɔsolúú lekpinkí; átsufolibíá igyi fé akwebi léhiε kpá.

12

Ɔtsi Amu Mva Bóti Amu

¹ Inu ɔsúna kpɔnkpɔnti ku lédalí ɔsósó. Nowun ɔtsi ɔkuá ɔdidí owí, mu ayabi yí ɔtsrasu. Obun owiepa, ntsrakpabi dúanyɔ ipan músó. ² Ɔtsi ámu dé ɔmé, ikwí de mu dwiín, odekikíni, ɔde okitikíti ogyo obí ámu kwí.

³ Inu ɔsúna bámbá letrá dali ɔsósó. Nowun bóti kpɔnkpɔnkpɔnti ɔkuá ɔlepe, ɔbu nwun asienó pú nsiebí dú. Owiepa asienó bun nwun asienó ámuɔ. ⁴ Ní beye ntsrakpabi féeéto aku asa á, butí ámu lópu mu odú kiki mla iku kole, ɔlebitía mú kpá beda ɔsolúú. Ɔlí ɔtsi ámuú ɔmé de mu dwiín ámu ansító, méní ɔtsi ámu onyá kwí pé á, obótsu mu bi ámu mé. ⁵ Ɔtsi ámu lókwí obiyímbi ání ɔbékpa ɔmá féeé owuntɔlinsu. Botsu kebi ámu ya Bulu wá, yéyaí mu obiásó. ⁶ Inu ɔtsi ámu lésrí yó dimbísó ɔtínéá Bulu léla yáí há mu. Béki muɔ nke ɔpím-ɔkule lafanyo aduesie (1,260).*

⁷ Inu, isá leda ɔsósó. Bulu-ɔbɔpu dehen Mikael mva mu aba abɔpu bókó bóti ámu mva mu aba abɔpu. ⁸ Táme bóti ámu mva mu abúopu bumetalí líi amó ɔnó, begya amó lé ɔsósó inu. ⁹ Inu bekpa bóti ámuú butetí mu iwɔ dada amu mva mu abɔpu beda ɔsolúú. Mu butetráa ti Bulu olupú ntée Satan pú ɔyító ahá féeé ɔmlépú ni.

¹⁰ Inu nonu ɔme kóklókúú ku lelin ɔsósó. Uleblí ɔbéε,
“Séi gyí bréá Bulu ɔbóhɔ mu ahá nkpa ní!

Bulu ɔbópu mu túmi gyi iwíε.

Mu Kristo, (ɔhá ámuú Bulu ladá mu ofúli amu) é ɔbéle mu túmi ɔwan.

Tsúfé bakpá ɔhá ámuú oletsíá lé aní Akristofɔ ilá ámu dá ɔsolúú.

Ɔbunsám méétrá ka asón dínká aní apíósó,
aní Bulu ansító ε.

¹¹ Bapú Okúfabi amu obugya pú mu iwí adánsie ámuú begyi amu gyi muɔ.

* 12:6 Nke ɔpím ɔkule lafanyo aduesie (1,260) ání igyi nfinsa móa ifon.

Bumədwε amó iwɪ dʊbɪdʊbɪ,
su bumenya amó lowu kóráá ifú.

12 Inɪ su əsósú pú mliá mliɓu inu fée
mliɓya ansigyí.

Táme əsulóɓu mɪa əpu,
mliɓyɔwɪ ní.

Ɔbunsám laba mli wá əblósú,
tsúfě alawun ání mu nke trá mətsó.”

13 Bréá bótí ámu lówun ání bafin mu dá əsulóɓu á, ələkɔsú kplá
gya ətsɪ ámuɓ ələkwí obí ámu. 14 Táme beha ətsɪ ámu oyitsu
kpənkpənkpəntɪ abámba anyɔ, ménɪ əbétalí fúlí sí bótí ámu yó
mu otsiákpá dimbísú inu. Bulu əbékɪ mɪsu inu nfinsa móa ifɔn. †
15 Inu bótí ámu léfen ntsu tsɔnhε dáli mu ənótó wólí ətsɪ ámu əma,
ménɪ ɪbékitá mu náti. 16 Táme əsulóɓu légyí ətsɪ ámu buale. Ntsu
ámú bótí ámu léfen tsu mu ənótó ámu fée lemε wíé əsulótə. 17 Inu
bótí ámu lénya əbló ətsɪ ámuɓu, pú mu əbló gya mu abí atráhesu.
Amúgyí ahá ání buɓtegyi Bulu mblasu, buɓe Yesu iwɪ adánsiε gyí
a. 18 Inu bótí ámu lési əda əpu amu ənó. ‡

13

Mbwikítá-atə Anyə Akɔ

1 Inɪ əma a, nowun ání əbwikítá-atə kpənkpəntɪ əku dédalɪ
tsu əpu amotə əbá. Ɖɓu nwun asienó pú nsiebí dú. Owíepa
bun nsiebí ámu kugyíkɔsɔ. Bəwanlín dá ání ɪləkɔsú líí Bulusu
dínká nwun ámu kugyíkɔsɔ. 2 Ɖɓwɪ ámu gyí fé dundu, támε mu
ayabi lomóní, mu akuti bu ɪswí fé osísré ayabi, mu ənó é igyi
fé gyatá ənó. Bótí ámu ləpu mu túmi, iwíegyí pú əwɔnlín ku há
əɓwɪ ánfɪ. 3 Nowun ání ələ kpənkpəntɪ ku ɪdɪn əɓwɪ ámu nwun
asienó ámutə kulesu. Ɖlə ámu lómóní, ɪbétalí mó mu, támε ɪləta,
omowu. ɪləwa əyító ahá fée wánwan, bekplá buo mu. 4 Bosúm
bótí ámu, tsúfě alapú mu túmi há əɓwɪ ámu. Bosúm əɓwɪ ámu
é, fíté bεε, “Ma ləfɔn əɓwɪ ánfɪ? Ma əbétalí líí kó mu?”

5 Bulu léha əɓwɪ ámu əkpa ání əblí abususu akpənkpəntɪ
pɔkɔsɔ lu mɪsu. Ɖleha mu əkpa ání əɓwée túmila kugyíkɔvá
odeklé tsra adɔvana-nyɔ (42), igyi nfinsa móa ifɔn ámutə. 6 Ɖɓwɪ
ámu lóbwií ənó, blí abususu púkpóí Bulu mɪa mu dá pú ahá
ámú bɔɓu əsósú, igyi mu otsiákpá amu. 7 Bulu léha mu əkpa
ání əkóɔ Bulu ahá, ogyi amúsú. Ɖleha mu əkpa ání ogyíi iwíe
abusuangyíabusuan, əblígyíəblí, əmágyíəmə pú əsulóɓu ahá
ətsan-ətsan féesú. 8 Ɖyító ahá fée bósum əɓwɪ ámu. Ahá ání
bumóosum mu gyí ahá ání bəwanlín amú adá wá Okúfabi
amú bəpuhá igyí asa əyí lebelɪn amu nkpa əwulótó.

† 12:14 Nfinsa móa ifɔn igyi nke əpím əkole lafa-anyə aduesie (1,260). ‡ 12:18
Inu bu nwuló dada amu akotə: Inu nesi líí əpu amu ənó.

⁹ Ǫhá ání ǫbu asu onúu. ¹⁰ Ǫhá ání ida yaí ání békítá mu ndoun isátó a, békítá mu isátó, kpá mu náti. Ní ida yaí ání ǫku obésin ǫdayí ǫnó é á, ǫdayí ǫnó obésin. Iní su Bulu ahá butómi, abulu kinkín amó hógyitá.

¹¹ Inu netrá wun ǫbwi ǫku é lówá dali ǫsulótá. Ǫbu nsiebí anyá fé okúfabi, táme ǫlótáí fé bótí. ¹² Ǫbwi ánfí líí ǫbwi gyankpapu amu ansító, ǫlǫyá mu agyómá kugyíku ǫbwi gyankpapu amu túmitá. Iní léha ǫsulósu atsiápú féé bosúm ǫbwi gyankpapu amóú ǫlǫ ledínká mu, iletá, omowu ámu. ¹³ Ǫbwi nyǫǫsi amu lóbwé osúna akpǫnkpǫntí. Ǫléha ogyá lekpa tsú ǫsúsú bédá, ahá féé bowun. ¹⁴ Ǫlǫpǫ osúna amóú ǫlǫbwé ǫbwi gyankpapu amu ansító ámu mlé ǫyítá ahá ǫbéé, bǫpǫwéé ǫkpi, ogyi fé ǫbwi gyankpapu amóú bǫwá mu ǫdayí iya anyá, omowu, ǫtráa otsie nkpa ámu. ¹⁵ Bulu léha ǫbwi nyǫǫsi anfi ǫkpa ání ǫwáa ǫkpi ámu ǫǫé, fówun íbétalí tóí. Inu ǫkpi ámu léha ǫbéé, bǫmóó ahá ání bǫmóosúm mu. ¹⁶ Ǫléha ání bǫhíe ahá féé nsu, amó gyǫpí íbǫsu ntéé amó ǫsǫkpi; nyebí ahande, ahíánfó móa asikafó, nkpábi móa íwí agyípú. ¹⁷ Ǫhaa méetalí fé tǫtǫ ntéé hǫ tǫtǫ, nkétí ǫhá ání ǫbwi ámu nsuhíetá, igyi mu ídá ntéé ibi ání ílí há mu ídá dín mu.

¹⁸ Iní léhián nyánsa, méní fétalí nú ibi ámu asi. Ibi ámu ílí há ǫbwi gyankpapu amu, igyi oyin ǫku dá. Ibi ámu gyí lafasie aduesie-sie (666).

14

Okúfabi Amu Mva Mu Ahá

¹ Inu nelawun Okúfabi amu líí Sionbǫsu. Ahá mpím lafakǫle advana-na (144,000) bulí mu wá. Okúfabi amu mva mu Si ídá dín amó ǫsǫkpi. ² Inu nonu ǫme ku tsú ǫsúsú fé ntsu lábólá, ídekpa yi, ntéé ǫpráda déptí, ntéé fé nsankuo tsǫtsǫtsǫ bǫdédá. ³ Bude ílǫ pǫpǫwe ku wa owíe obíá ámu, akíankpapu ana ámu pú ahande advanyá-na ámu ansító. Ǫhaa má íwá ǫbétalí súan ílǫ ámu ǫsulósu anfi, nkétí ahá mpím lafakǫle advana-na (144,000) amóú Bulu lahǫ amó nkpa tsú ǫsulósu ámu nkǫle pé. ⁴ Alí ahá ánfí gyí ahá ání amó íwí letín, bǫmeyín ǫtsí, butobuo Okúfabi amu ǫtínegyíótínéá ǫyó ní. Amó nwunso íkǫ ǫléka anyánpósa féétó, fé ató-abí gyankpapu há Bulu mva Okúfabi amu ní. ⁵ Butamawá afunu, ǫlala kǫkǫ é ima amó íwí.

Bulu-abǫpǫ Abasá Asǫn Blíhé

⁶ Inu nelawun Bulu-abǫpǫ ǫkǫvá ǫna afútó, ǫde asǫn wan-kláán amóú íbǫ nu bré féétó amu. Ǫbá bebláa ǫyítá ahá, abusuangyíabusuan, ǫblígyíǫblíí ablípú, ǫmágyíómátó ahá pú ahá ǫtsan-ǫtsan. ⁷ Bulu-abǫpǫ amu lókpǫlǫn blí ǫbéé, “Mlunya Bulu ífú, amlíwa mu numnyam, tsúfé mu asóngyíbi lafǫn. Mlísu mu. Mólóbwé ǫsú móa asi, ǫpǫ móa ntsu féé!”

⁸ Bulu-ɔ̀bɔ̀pu onyɔ̀ɔ̀si é lóbuo mu, beblí ɔ̀béé, “Babilon labwíé. Wúlu yilé Babilon labwíé. Tsúfé Babilon lahá ɔ̀má-ɔ̀má banu mu mbuato-ntá ání itehá Bulu ɔ̀bló tɔ̀kósó!”

⁹ Bulu-ɔ̀bɔ̀pu saasi é búo amú, ɔ̀deblí ɔ̀béé, “Ní ɔ̀ku lósum ɔ̀bwi ámu muva mu ɔ̀kpi ámu, há bɔ̀pu amú nsuhíeto hie mu ɔ̀sukpi ntée mu ibi nsu a, ¹⁰ alí ɔ̀há ámu obónu Bulu ɔ̀bló-ntá, buɔ̀efráa mú asa betséi mú wá Bulu ɔ̀bló-eweto ní. Bulu ɔ̀bɔ̀pu ogyá móa atonkodu bíti mu isu, mu abɔ̀pu wankíhé pú Okúfabi amu ansító. ¹¹ Amú isubítí ogyá ámu ogyási bókusú yó ɔ̀súsú bré fěétó. Alí ahá ámu gyí ahá ámúú bosúm ɔ̀bwi ámu pú mu ɔ̀kpi, ɔ̀bwi ámu nsuhíeto din amúsó ámu ní. Iwi móolwíí amú ekekekeke.”

¹² Iní só ilehián ání Bulu ahá bótomí líí kínkín, gyi Bulu mblasu, wá ɔ̀nɔ̀kwali há Yesu ní.

¹³ Inu nonu ɔ̀me ku lótsu ɔ̀súsú ɔ̀béé, “Wanlin tswi fée, ‘Ansí bégyi ahá ání bówu aní Wíe agyómátó tsú séi púya!’ ”

Bulu Ɔ̀hɛ́ ámu ɔ̀béé, “Ee, ibu móttó. Ansí bégyi amú lélé. Béda ɔ̀kpónú tsú amó ipian fěétó, tsúfé amó bwehé wankláán bóbuo amó.”

Bulu Asóngyí Iwi Atowunhe

¹⁴ Inu neláki a, agyinde futútú ku ní. Ɔ̀ha ɔ̀kuá ogyi fé Nyankpɔ̀sa-Mu-Bi ámu tsie agyinde ámuɔ̀su. Obun sika pepe owíepa, ɔ̀de tsini kláklá ku. ¹⁵ Inu Bulu-ɔ̀bɔ̀pu ɔ̀ku é lédali tsu ɔ̀súsú Bulu ɔ̀swékpá inu ba. Múú ɔ̀ɔ̀kplón bláa ɔ̀há ámúú otsie agyindesu ámu ɔ̀béé, “Pú fú ɔ̀dayí ámu tin ató-abí, tsúfé ɔ̀solósu ató-abí lapé yóí. Mú tίνbi lafɔ̀n!” ¹⁶ Mú su ɔ̀há ámúú otsie agyindesu ámu létinkí mu tsini amu, tin ɔ̀solósu ató-abí ámu fěé.

¹⁷ Bulu-ɔ̀bɔ̀pu ɔ̀ku é lédali tsu ɔ̀súsú Bulu ɔ̀swékpá obuto inu. Mu é ɔ̀de tsini kláklá ku.

¹⁸ Múú Bulu-ɔ̀bɔ̀pu ɔ̀kuá ɔ̀bu túmi ogyá ámuɔ̀su é lédali tsu afɔ̀die-asubwi ámu asi ba. Ɔ̀ɔ̀kplón bláa Bulu-ɔ̀bɔ̀pu amúú ɔ̀de tsini ámu ɔ̀béé, “Pú fú tsini amu ka wáin-abí ámu ɔ̀kpitsa, tsúfé abí ámu ilapé.” ¹⁹ Mú su Bulu-ɔ̀bɔ̀pu amu lótswi mu tsini amu káka ɔ̀solósu wáin-abí ɔ̀kpitsa fěé, kpá wáin-abí ámu wá ɔ̀tínéá butenyímé ntsu lé móttó. Iní ilí há Bulu ɔ̀bló. ²⁰ Wúlu amu mmuátse benyímé wáin-abí ámu. Obugya lédali móttó, idetsóon waa fé ntsu tsunhe. Mú iswító bóbwé máilu lafakule adukwe (180). Mú oklú é bóbwé ayabi anu.

15

Bulu-abɔ̀pu Pó Asun Wunhe Asienó Tráhe

¹ Inu nowun osúna bámbá kuá ibu ifú, ibu wánwan ɔ̀súsú. Nowun ání Bulu-abɔ̀pu asienó buɔ̀de asun wunhe asienó ání Bulu ɔ̀bɔ̀pubíti ahá isu asa iklɔ̀ntɔ̀ bólwií mu.

² Inu nowun ɔ̀pu kuá igyi fé ahuhwé, ilépe fé ogyá. Nowun ání ahá bulí mó ɔ̀nó, buɔ̀de Bulu nsankuo. Alí ahá ánfí gyí ahá ání bakó gyi ɔ̀bwi gyankpapu amu muva mu ɔ̀kpi ámu pú nsuhíe-ibi

ámúú ɪlí há mu dá ámuɔv ní. ³ Bude Bulu osúmbi Mose muva Okúfabi amu ɪv wa beɛ,

“Ani Wie Otúmípu,

fó bwehé bu ifú, ɪbu wánwan.

Fó bwehé féé igyi ɔnɔkwali, ida ɔkpa.

Owieá mu iwíegyí tamamó ɔnó.

⁴ Ani Wie, ma oméenya fó ifú, wá fó numnyam?

Tsúfé fó nkɔle lówankí.

ɔma féé béba bosúm fó,

tsúfé falé fó yilébwɛ ɔwan.”

⁵ Inu ɔma a, neki ɔsósú, nowun ání Bulu ɔtswékpa obu, igyi tati-obu ámúú itosúná ání Bulu bu amú wá ámu ɔnó ɪya. Nowun mótó ɔwankíkpá amu. ⁶ Nowun Bulu-abɔpu asienó amúú bɔpu ason wunhe kpɔnkpɔnti asienó bá amu. Bedali tsu ɔwankíkpá ɪnu. Bɔwa ɔhráda atadiéá ɪlówankí, ide ogyá kpa, bɔpu sika pɛpɛ ɔfé tsán. ⁷ Akiankpapu ana ámuɔ ɔkɔle léha Bulu-abɔpu asienó ámuɔ okugyíɔku sika blanwébi ání Buluá ɔbu ɪnu bré féétó ɔblí ɪbɔ mú dédéédé. ⁸ Bulu numnyam pú mu túmi léha ogyási lɔblá Bulu ɔwankíkpá ɪnu féé. ɔhaa métalí bitíwíé mótó, yófun bréá Bulu-abɔpu asienó ámu batséi ason wunhe asienó ámu féé wólí ɔsolósu.

16

Bulu ɔblí Ablanwébi

¹ Inu nonu ɔme kpɔnkpɔnti kvá ɪledali tsu Bulu ɔwankíkpá ɪnu. Ide abɔpu asienó ámu bláa ɔbéɛ, “Mɪyɔ, amɪyɛtseí Bulu ɔblí ablanwébi asienó ámu wólí ɔsolósu.”

² Mú su ɔbɔpu gyankpapu lédalí tsu Bulu ɔtswékpa ɪnu yetseí mu kle wólí ɔsolósu. Inu ahá ámúú ɔbwi ámu nshíɛtɔ ɪɪn amósú, bude ɔkpi ámu sum ámu ɪwi létsitsíi nɔ akpɔnkpɔnti, ide amú dwiin.

³ ɔbɔpu nyɔɔsi létseí mu kle wá ɔputɔ. ɔpu amu lémlí fé fúli obugya. Tógyítáá ɔbu ɔpu amúɔ lówu.

⁴ ɔbɔpu sáási létseí mu kle wá ntsu tsonhe pú abɔnkpabi féétó. Mú féé ilemlí obugya. ⁵ Inu nonuá Bulu-ɔbɔpuá ɔteki ntsusu lébláa Bulu ɔbéɛ, “Oo ɔwankípuá fúbu ɪnu bré féé. Fó asún da ɔkpa ání fabítí amú ɪsu ali. ⁶ Tsúfé bamó fó ɔnósú atáípu pú fó ahá, tséi amú obugya wólí ɔsolósu. Mú sú fahá bapú obugya há amú féɛ, bɔnúu ni. Inu lékanáa ha amú ní.” ⁷ Inu nonu ɔme kvá ɪledali tsu afɔɪɛ-asubwí ámu asi ɔbéɛ, “Ee, ani Wie Bulu Otúmípu, fó ɪsubítí igyi ɔnɔkwali, ida ɔkpa.”

⁸ Mú ɔbɔpu náási létseí mu kle wólí owí. Mú su owí ɔnó lɔwa ɔnlɪn, ɪleha mú ide ahá tɔ fé ogyá. ⁹ Owí ámu ɪlɔtɔ okugyíɔku. Bulu búb túmi ason wunhe anfi féésú, táme bekiná bɔmedamli klɔntɔ; pówá mu numnyam, mboun ɪwí bɔlwí mu.

¹⁰ Onuusí létseí mu kle wólí ɔbwi ámu owíe obiású. ɔbwi ámu iwíe ogyíkpá féé iloklun. ɪwiɔsin su mu abúopu amu bɔwi amú

ḡdandu. ¹¹ Táme bekiná buḡedamlí klontḡ sí amú lalahé amu fée bwé. Mbuún bḡlwí ḡsḡsú Bulu, iwḡsin ámuḡ buḡewúun amu sv.

¹² Osiesi létseí mu kle wá ntsu yilé Efratetḡ. Ntsu ámu fée ilēkpi lé mú ḡbóntḡ. Iní léla ḡkpa há awíeá botsú owí ḡdalikpa pú amú isá akḡpú bétalí tson ba inu. ¹³ Inu nowun ḡḡe laláhe asa akvá bugyi fé agyóngyo, bedalí tsu bótí ámu ḡnótḡ, ḡbwí ámu ḡnótḡ pú ḡnósú ḡtḡpú ofunupu amu ḡnótḡ. ¹⁴ ḡḡe laláhe anfi bubu túmi bwé osúna akpḡnkḡnti. Bḡtsun ḡsulḡsu awíe féesú, méní békpa amú fée wá abatḡ, bēba bḡkḡ aní Wíe Bulu Otúmípu isá eke yilé ámuḡ igyi mu asón ogyíké amu.

¹⁵ Aní Wíe ḡbéé, “Kí, néba fé owikplu. Bulu obóyulá ḡhá ání ḡleda iwísu, alalá mu atadié yái, méní ḡméenatí yayá, péli méekitá mu.”

¹⁶ Múḡ ḡḡe laláhe amu bekpa awíe amu yéfia ḡtinekvá butetí inu Hebrifḡ ḡblítḡ bēé, “Harmagedon.”*

¹⁷ Inu Bulu-ḡḡpu siénósí létseí mu kle wá afútḡ. ḡme kóklókúḡ kv ledalí tsu Bulu ḡswékpá inu owíe obíá ámuḡ ḡbéé, “Ilatá!”

¹⁸ Inu nyankpu lówa ibi fwí bi. Odekpíe, ḡpráda depotí. ḡme ḡtsan-ḡtsan lēlin kóklókúḡ, ḡsulḡsu lēkpínkí kpínkí kvá mú odu umḡkúba kí tsú bréá ahá belin ḡyítḡ ḡpá. ¹⁹ Wúlu yilé Babilontḡ léye asa. Awúlu yiléá ibu ḡyítḡ fée ilobwíebwíe. Inu Bulu lékaín Babilon lakpan féesú, ḡḡpu mu ḡblḡ kpḡnkḡnti ewetḡ-ntá ámu há mu olonu. ²⁰ ḡpu nsiné ḡsulḡsu kugyíku lófwi, abv é fée ilēḡa. ²¹ Atsufolibi akpḡnkḡntiá mú odwintḡ bóbwe fé kílo aduenu (50) lēkpa tsú nwolótáasu beda ahásv. Atsufolibi amu ḡnḡ ḡnln sv bḡlwí Bulu.

17

Obu-ḡnḡ Otsiápú Kpḡnkḡnti Amu

¹ Inu Bulu-abḡpu abasiénḡ ámuḡ bekítá ablanwébi ámuḡ ḡkule léba bebláa mi ḡbéé, “Ba, ansuna fú alíá bréá Bulu ḡbébití obu-ḡnḡ otsiápú kpḡnkḡnti ámuḡ otsie ntsu tsḡtsḡtsḡsv ámu sv. ² Mva ḡyítḡ awíe fée batḡ mbva. ḡyítḡ ahá fée banu mu mbvatḡ-ntá bú.”

³ Inu ḡḡe ámu léba misu, Bulu-ḡḡpu amu lótsu mí ya dimbísú. Nowun ḡtsi ḡku tsie ḡbwíkitá-atḡ pepé ḡkḡsv inu. ḡbwí ámu bu nwun asienḡ pú nsiebí idú. Bḡwanlín adá ání ilḡkḡsú líí Bulusu dínká mu iwí fée. ⁴ ḡtsi ámu lówa atadiéá igyi faasi ntsu múa pepé. ḡlḡwa abutḡ wolihe ḡtsan-ḡtsan, ḡde sika pepé owebi mu gyḡpitḡ. Akisítḡ pú mu obu-ḡnḡtsiá ifin lḡbulá mú dédéédé. ⁵ Bḡwanlín idá kvá mú asi lenḡín dínká mu ḡsvkpi bēé, “Wúlu yilé Babilon, obu-ḡnḡ atsiápú fée oyín. ḡsulḡsu akisítḡ fée owíe.”

* **16:16** Harmagedon asi gyí, Megidobu. Bḡkḡ isá tsḡtsḡtsḡ ibu ánfisu.

⁶ Nowun ání ọ̀tsi ámu lanu Bulu ahá obugya bó. Ahá ánfí bọ̀mọ̀ Yesu iwí adánsi egí sù ní.

Bréá nowun mu a, ọ̀nó lobwie mí. ⁷ Múú Bulu-ọ̀bọ̀pu amu léfité mí ọ̀bée, “Ntogyi ọ̀nó labwíé fú alí? Née asun nǎínhẹ́á ibu ọ̀tsi ámu mu ọ̀bwíkítá-atọ́ amúú ọ̀bu nwun asienó múa nsiebí dú ámu así súná fú. ⁸ Ọ̀bwi amúú fowun amu latsiá kí. Ọ̀tráa ọ̀ma inu séi, ọ̀bélaba. Táme imọ̀owa ọ̀pá ọ̀bédalí tsu ilán klúklúúklú amúú ima ọ̀ka ámutọ́ yó ọ̀híkpa. Ọ̀sulọ̀su atsiápú amúú Bulu mọ̀wanlín amú adá wá nkpa ọ̀wulọ́ ámutọ́ tsú bréá ọ̀yí lefi así ámu ọ̀nó bóbwie amú, tsúfẹ́ bowun ání ọ̀bwi amúú oletsíá, ọ̀tráa ọ̀ma inu ámu lalá bá.

⁹ “Iní léhián nyánsa ání bọ̀pọ̀nú mú así. Nwun asienó ámu igyi abu asienó* ání ọ̀tsi ámu dé iwíe gyí mọ̀sú. ¹⁰ Nwun asienó ámu ilí há awíe asienó é. Abanú bawú bọ̀tsun, osiesí tsíe obíású séi á. Osienó sí mọ̀kúnyá ba. Ọ̀bá á, bré kpalobí ku pé obétsiá. ¹¹ Owíe okwesí gyí ọ̀bwi amúú oletsíá, ọ̀tráa ọ̀ma inu séi ámu. Abasiénó ámutọ́ ọ̀kule ogyi. Mu é ọ̀bẹ́hí fé mu aba ámu.

¹² “Nsiebí dú amúú fowun amu igyi awíe idú ání bọ̀mọ̀kúnyá tsíá obíású. Táme béyáí amú mbiású amú iwíe ogyíkpa. Amú ọ̀bwi ámu bégyi iwíe bré itinbí. ¹³ Amú fẹ́é bóbwe agywun kule, pú amú túmí há ọ̀bwi ámu. ¹⁴ Amú ọ̀bwi ámu bọ̀kọ́ Okúfabi amu, táme Okúfabi amu obégyi amọ̀sú, tsúfẹ́ mọ̀gyí asító Ọ̀sí pú awíetọ́ Owíe ní. Mu abúọ̀pu gyí ahá amúú Bulu latí amú, lé amú, bọ̀bọ́ ọ̀nọ̀kwali há mu amu.”

¹⁵ Inu Bulu-ọ̀bọ̀pu amu lébláa mí ọ̀bée, “Ntsu tsọ̀tsọ̀tsọ́ amúú fowun ání obu-ọ̀nó otsiápú ámu tsie mọ̀sú ámu ilí há ọ̀má-ọ̀má pú ọ̀blí ọ̀tsan-ọ̀tsantọ́ ahá. ¹⁶ Nsiebí dú amúú fowun ọ̀bwi ámu nwun su ámu é ilí há awíe idú ání mu ọ̀mọ̀nyọ́ bégyi iwíe. Amú fẹ́é bólu obu-ọ̀nó otsiápú ámu, swíí mu atọ́ fẹ́é, lé mu yayá, wí mu aye, wá tráhe ogyá, ibọ́họ́ plíplíplíplí. ¹⁷ Tsúfẹ́ Bulu lópu agywun ánfí wá amú fẹ́é nwuntọ́, méní bóbwe mu apé. Amú fẹ́é bópu amú túmí há ọ̀bwi ámu, yófun bréá Bulu asún ámu fẹ́é ibéba mótó.”

¹⁸ Inu Bulu-ọ̀bọ̀pu amu létrá bláa mí ọ̀bée, “Ọ̀tsi amúú fowun atowunhe amutọ́ ámu gyí wúlu yiléá ide ọ̀sulọ̀su awíe fẹ́ésú gyí ní.”

18

Babilon Bwie

¹ Iní ọ̀ma a, nẹ́trá wun Bulu-ọ̀bọ̀pu ọ̀ku é dékplí tsú ọ̀sọ̀sú ọ̀bá. Ọ̀bu túmí kpọ̀nkpọ̀ntí. Mu numnyam dẹ̀wankí wólí ọ̀sulọ̀su. ² Ọ̀lọ̀kplón kúklúkúú ọ̀bée, “Babilon labwíé! Wúlu yilé Babilon labwíé! Ilamlí ọ̀je laláhe ọ̀tsan-ọ̀tsan fẹ́é ọ̀nǎínkpá. Ilabwé isia há mbubwi laláhe pú mbwíkítá-atọ́ laláhe fẹ́é. ³ Tsúfẹ́ alapú mu

* 17:9 Abu asienó ánfísu Roma wúlu idin ní.

mbvato-ntá ámu dá omá-omá féé onó. Mva oyító awíe féé bató mbva. Ibiá agyípú féé banyá iwí tsú nkpa ámúú olegyi amvto.”

⁴ Ino nelanú ome ku tsú osúsú obéé,

“Mí abí, mlile iwí le mvto!

Mlmáwa ibi mu lakpan ámvto,

méni mu ason wunhe amv ku méeba mlisu.

⁵ Tsúfé mu lakpan lawo nwulótáa.

Mó su Bulu lakáin músó.

⁶ Pú mu lalahéá alapógyí fú ahá ka mu ikó.

Pú mu bwéhé ka mu ikó tsenyo-tsesa.

Olópu nta kpekplé há ahá bonu.

Mó su pu múá ibu onlun don mú aku anyo ha mu onu.

⁷ Alagyi odwe laláhe, tsú iwí dubi.

Mó su pu iwíasin múa ason wunhe ka mu ikó séi.

Otebláa mu iwí obéé,

‘Owíe tsihé ngyi, ntsie mí obiású.

Megyí osurapu ngyi, mmóowa nwe ekekekeke!’

⁸ Mó su ason wunhéá igyi akón, isú pú lowu bótu mu ekewóle pé.

Bówa mu ogyá, obóho plíplíplíplí,

tsúfé Otúmípu aní Wíe Bulu gyí. Mvdé mu isu bití.”

⁹ Osulósu awíe amúú mva amónyo bató mbva, begyi odwe laláhe amv bówun mu ogyási, su kpisii. ¹⁰ Mu ipian amúú odewúun amv ibówa amú ifú. Mó su bélí tsútsúútsú blí beé, “Gyowí ní! Babilon gyowí ní! Wúlu kponkponkponnti, nkáli su Bulu labítí fú isu otsáwule pé alí?”

¹¹ Oyító bíá agyípú bósu, gyi awireho, tsúfé ohaa trá oma invá obóho amú ató fehé. ¹² Mólétsiá ho sika pepe pú sika futútú ató, abwi wankláán pú abutó wolihe, ohráda, ago, sríkí atati pú atati pepe, nyiá ibu ofan, atáá ho pu súrúfó-ise bwé, múá ho pu nyiá ibu ibiá sré, pú múá ho pu kóobri múá dátó pú abwiá ihíe bu akíle aná féé bwé tsotsotsó tsú amú wá. ¹³ Oletsíá ho amú pípri, ohíén, ohuam, apose, ntá, olif-nfo, nfúó wankláán, ayó, nnantswie, akúfa, mpónkó, akeké, tsíá ho ahá nkpábi kóráá.* ¹⁴ Bósu blí beé, “Ntóbí amúú futekle amv féé ladáli fú ibi. Ató amúú fótópówá bite amv féé lahóli fú. Fómétrá wun mú ekekekeke!” ¹⁵ Bíá agyípú amúú batson musu nyá iwí amv féé bélí ifóntó, tsúfé bode ifú nya ání bówun mu iwíasin amv odu. Béki mu ipian amv, su gyi awireho! ¹⁶ Béblí beé, “Gyowí ní! Wúlu yilé, gyowí ní! Teki fuhíe fobu akíle. Atati futútú múa pepe pú ago futédídá. Sika pepe ató múa abutóá ide ogyá kpa srasrasra futówá. ¹⁷ Atonyahé tsotsotsó ánfí féé lahóli fú otsáwule pé!”

Ntsusu-yibi akanpú, mú ahande pú mótó agyómá ayópú pú ibiá agyípú féé bówa ifó mu wá. ¹⁸ Ní bowun mu ogyási amv a, bósurá okitikíti beé, “Wúlu mōmu lófōn wúlu ánfí oyító féé?”

* 18:13 ahá nkpábi ntée anyánkpósa-oyí múa akláa.

¹⁹ Békpa isi wá nwuntò, gyi awirehò, bílì bée, “Gyòwí ní. Wúlu yilé, gyòwí ní! Fú nyatò aní ntsusv ayibi awíe fée anlanyá iwí tsú. Fú iwísv ató fée lahí otsáwòle pé!”

²⁰ Osúsú atsiápó fée, mlinya ansigyí. Bulu ahá, mu sumbí ayòpó pó mu onósú atóipó fée, mlinya ansigyí. Tsúfè Bulu lagyi mu asún, bítí mu sv, itó ámúv alapógyí mlí ámu sv.

²¹ Inu Bulu-òbòpò òwònlínpó òkò lótsu ibwi kponkpònti kv, tswi wa òputò. Múbò òleblí òbée, “Alí Bulu òbòpò òblò bwíe wúlu yilé Babilon, òhaa méetrá wun mú ekekekeke ní. ²² Òhaa méetrá nu osankuo adapú, ilò awapú, oténte afulípó pó ikpe afulípó nka wúlu amòtò ekekekeke. Ibi onó agyómá kòkòkò é iméetrá tsiá inu. Buméetrá kwe nfúv inu ekekekeke. ²³ Òkandíe kòkò méetrá wankí wólí inu, òhaa é méetrá nu okúlu móa òká pòpwe òme inu ekekekeke. Tsúfè tekí mu ibiá agyípyí gyí aha kponkpònti oyító ní. Alapú mu atóla mlé oyító ahá fée, há bafwí!

²⁴ “Babilon brònsu Bulu onósú atóipó amv obugya ibun. Mólómò Bulu ahá oyító fée ní.”

19

¹ Iní fée òma a, nonu òme kvá igyi fé òòm aní budekplón kvklókúv osúsú. Budeblí bée, “Halelúia!”* Aní Bulu tòhò ahá nkpa. Mu nkòle búv túmí móa numnyam, ² tsúfè mu svòbití igyi onòkwali, ida òkpa. Alabítí okípó kponkpònti ámúv òlòpò mu obu-onó tsiá yíntá oyító ámu sv, alafítè mu asúmpó obugya tsú mu wá.” ³ Butráa budekplón kóklókúv bée, “Halelúia! Wúlu amv ogyási lakúsú yó osúsú bré fée!” ⁴ Inu ahande advanyò-na ámu pó akiankparv ana ámu bemlí bun súm Bulu ámúv otsie owíe obiá ámu sv, bílì bée, “Amen! Halelúia!”

Okúfabi Amv Òká Otsiáke

⁵ Inu òme kv lèlín tsú owíe obiá ámúv òbée, “Mlí Bulu asúmpóá mlitenyá mu ifú, nyebí ahande fée, mlíkanfò aní Bulu ámu!” ⁶ Múbò òma a, òme tsòtsòtò lèlín, fé ntsu búláhé détsòv waa, ntée òpráda depútí kóklókúv òbée, “Halelúia! Aní Wíe Bulu Otúmípv amv dé iwíe gyí. ⁷ Mlíha anya ansigyí, iwí isankí aní, awa mu numnyam! Tsúfè Okúfabi amv òká otsiáke lafòv. Mu ka ámu lahíhíe iwí tá.” ⁸ Beha mu òkpa bée, òwáa òhráda atadiéá ilòwankí, ide ogyá kpa. (Òhráda atadié ánfí ilú há Bulu ahá yilébwé.)

⁹ Múbò Bulu-òbòpò amv lébláa mí òbée, “Wanlín fée, ‘Bulu layúlá ahá aní alatí Okúfabi amv òkátsiá nke ámu así.’ ” Múbò òletrá bla mí òbée, “Asún ánfí igyi onòkwali, Bulu wá itsú.”

¹⁰ Inu nemlí bun mu ayabitò, mbée ansum mu, táme òlebláa mí òbée, “Mábwe! Tsúfè Bulu osúmbi ngyi fé fúa fú apíó ámúv mlídé Yesu iwí adánsíe gyí amv. Sum Bulu nkòle pé!”

* 19:1 Halelúia igyi Hebrifò òblí. Múbò así gyí, Kanfò aní Wíe Bulu!

“Tsúfé ahá á múbú bude Yesu iwí adánsíe gyí amu búbu Bulu ónósú asónbí òhè.”†

Ɔpɔnkɔ Futútúsú Ɖɔnkápú

¹¹ Inu múá nówun a, ósúsú lafinkí. Neláki a, ɔpɔnkɔ futútú ɔku líí á! Músu ɔɔnkápú amu idá gyí, “Yilé Ɖbwepú pú Ɖnɔkwaliɔ.” Otegyi asún, ɔtáák isá é ɔnɔkwaliɔ. ¹² Mu ansíbi aklambi igyi fé ogya plɛnplɛn. Owíepa tsɔtsɔtsɔ ibun mu nwun. Ɖbu dá kvá bɔwanlín dínká músu, ɔhaa méyín mú tsía mutɔ. ¹³ Ɖlɔwa ligá ání bɔwa mú obugyato. Mu idá gyí, “Bulu Asón.” ¹⁴ Ɖsúsú isá akɔpú bɔdín mpɔnkɔ futútúsú. Bɔwa ɔhráda atadiéá ðɔwankí, ðe ogyá kpa búbuo mu. ¹⁵ Ɖdayí iya anyɔ kláklááklá ku ðedali tsu mu ɔnó. Mú ɔbɔpúsáín ɔmá-ɔmá bun ni. Ɖbɔpu owuntɔlɛn kpá amó. Bulu Otúmípu amu ɔbló kpɔnkpɔntí ámu ɔbɔpɔnyímé amó fé alíá bɔtenyímé wáin-abí. ¹⁶ Idá ání bɔwanlín dínká ɔhá á múbú ɔdín ɔpɔnkɔ futútú ámu atadiesu pú mu obiánsú gyí, “Asító Ɖsí, Awíeto Owíe.”

¹⁷ Inu nowun Bulu-ɔbɔpu ɔku líí owító. Ɖlɔkplón kpólí mbubwi ání bɔna afútó féé ɔbéé, “Mlíba! Mlíbefia Bulu ɔpúnó kpɔnkpɔntí á múbú alatswí ha mlí ámu asi! ¹⁸ Méné mlégyi awíe, isá ɔnó alípú, isá akɔpú akinkín, mpɔnkɔsu adínká pú amó mpɔnkɔ, ɔyító ahá, iwí agyípú, nkpábi, nyebí pú ahande féé aye.”

¹⁹ Inu nowun ání ɔbwíkítá-atɔ amu múa ɔsulúsu awíe pú amó isá akɔpú féé bekpa aba bɔyóko ɔpɔnkɔ futútúsú ɔɔnkápú amu múa mu isá akɔpú. ²⁰ Táme begyi ɔbwíkítá-atɔ amusu, bekítá múa mu ɔnósú ɔtáípú amó ɔtɔbwé osúna akpɔnkpɔntí mu idátó ámu. Ofúla amu ɔlɔpumlé ahá á múbú ɔbwíkítá-atɔ amu nsuhieto dín amúsú, bɔtosúm ɔkpi á múbú bɔpwe lian ɔbwí ámu ni. Bɔtswí ɔbwí ámu múa mu ɔnósú ɔtáípú amu wá ogyá paati kpɔnkpɔntíá ogyá múa atonkodu ihíe detsíí mótó. ²¹ Ɖpɔnkɔsu ɔɔnkápú amu lópu ɔdayí iya anyɔ á múbú ðedali tsu mu ɔnó ámu mó isá akɔpú atráhe amu féé. Mbubwi amu begyi amó aye plíplíplíplí.

20

Bɔwa Ɖbɔnsám Ikan Nfi Ɖpím

¹ Inu nowun ání Bulu-ɔbɔpu ɔku lékplí tsú ɔsúsú. Ɖde ðlán klúklúúklúá ima ɔka sáafi pú ikan kpɔnkpɔntí ku. ² Ɖlekítá bótí, ogyi iwɔ dada amó bɔtetí mu Ɖbɔnsám ntéé Satan amu, ɔlɔwa mu ikan nfi ɔpím-ɔkule. ³ Ɖlɔtswí mu wá ðlán klúklúúklú ámutɔ, fin mú, wá mú ɔnó sáafi, méní Ɖbɔnsám méetrá talí mlé ɔmá-ɔmá ámu. Nfi ɔpím ámu ɔma asa béle mu kpalobi.

⁴ Mú ɔma a, nowun awíe-mbíá ku. Ahá á múbú bahá amó ɔkpa ání bégyi asón ámu bɔtsie músú. Nowun aha ako ɔkláa.

† 19:10 Ntéé Ɖnɔkwali amó Yesu lébele ɔwan ámu téhá ahá bɔtetáli bí Bulu asón ámu ni.

Amógyí ahá ání betin amó Yesu iwí adánsiēgyí pọ Bulu asón ọkanda sọ ní. Amó kén gyí ahá amóú bómotsulá súm ọbwíkítá-atọ amu ntée mu ọkpí ámu, bómotsulá abọpu mu nsuhieto dinka amó ọsọkpí ntée amó ibasọ ní. Bulu léha amó betsinkí, amóba Kristo begyi iwíe nfi ọpím-ọkọle amọ. ⁵ Amó Bulu légyankpá kúsúa tsú afúlitọ ní. (Awupú atráhe bóméetsinkí, nkétí nfi ọpím ámu ilatsọn.) ⁶ Bulu lóyulá mu aha agyankpapu amóú ọlọkúsúa tsu afúlitọ amu. Amó mú á, lowu nyọọsi amu ima amósú túmí. Bóbwe igyí ahapú há Bulu mba Kristo, mba amónyọ bégyi iwíe nfi ọpím-ọkọle amu.

Satansọ Gyí

⁷ Nfi ọpím ámu ọma a, béle Satan obu. ⁸ Ọbédalí yémlé ọmá-ọmá ání bọbu ọyí afonka ana, igyí Gog mọa Magog amu, méni ọbékpa ahá tsọtsọtsọá bọma iklátọ buo iwí ya isá. ⁹ Nowun ání benatí tsọn ọyítọ féeé, káfia Bulu ahá pọ amó wúlu yiléá Bulu tekle, táme ogyá lekpa tsú ọsósó behi amó akọpú féeé plíplíplíplí. ¹⁰ Inu bọtswi Ọbunsám amóú ọlemlé amó ámu wá obun ání ogyá mọa atonkodu detsií mótọ plenplenplentọ. Mba ọbwíkítá-atọ amu pọ mu ọnósú atọípú afunupu amu bétsiá iwíwísintọ ọpa onyé bré féeétọ.

Asóngyí Tráhe

¹¹ Inu nowun owíe obíá futútú kpọnkpọnti kúá ọku tsie mósú. Nwulótáa mọa ọsulúw besrí sí mu, táme bọmenya ọjaínkpá. ¹² Nowun awupú, nyebí ahande bulí owíe obíá ámu ansítọ. Bobwíi nwulótọ tswi. Bobwíi nkpa ọwolú ámu étọ tswi. Inu bọpu tọá nwulú ámu ileblí tsú awupú ámu bwehé iwí gyi amó asón. ¹³ Ọpu léle awupọá bọbu mutọ ba. Lowu mba afúlitọ é bele amóá bọbu amótọ ba. Bulu légyi okugyíọku asón mu bwehé ọnó. ¹⁴ Inu bọtswi lowu mba afúlitọ féeé wá ogyá ání itamaduntọ. Iní gyí lowu nyọọsi ní. ¹⁵ Bọtswi ọhagyíọha ání bọmowun mu idá nkpa ọwolú ámutọ é wá ogyá ámutọ.

21

Ọsósú Múá Ọsulúw Pọpwe

¹ Inu nowun ọsósú mọa ọsulúw pọpwe, tsúfẹ ọsósú mọa ọsulúw gyankpapu amu itráa ma inu. Ọpu é itráa ma inu. ² Mósú nowun wúlu wankíhé, igyí Yerusalem pọpwe amu, idekplí tsú Bulu wá ọsósú ibá. Bulu léhíhíe mú fẹ ọtsiá bawá mu atọ wankláán, oyéfia mu kulu. ³ Nonu ọme kpọnkpọnti kúá ilelin tsu owíe obíá ámu asi ọbée, “Kí! Séi mú á, Bulu otsiákpá laba anyánpósatọ. Obétsiá amótọ, bóbwe mu ahá. Mu onutọ obétsiá amótọ, ọbóbwe amó Bulu. ⁴ Obétsitsii amó ntsú féeé. Lowu ntée isú ntée ipian ntée asun wunhe kuku é iméetrá tsiá, tsúfẹ atọ dada amu féeé ilatsọn.”

⁵ Múú owíe obiású otsiápú amu lébli ðéé, “Kí, nde tógyító bwe pópwe.” Múú ðelabláa mi ðéé, “Wanlun asún ánti tswi, tsúfé mó fée ibu mótó, igyi ðakwalu.” ⁶ Múú ðletrá bla mi ðéé “Nabwé mó fée tá. Mígyí Alfa móa Omega, Ogyankpapu móa Ìtráhe. Néha ðhá ání ðmewóli de mu nkpa-ntsu, ðméeka mó ikó. ⁷ Nópú oyúla anfi há ðhá ání olegyi isu. Nóbwe mu Bulu, mu é ðóbwe mí bí. ⁸ Táme afúpúá beyinkí mí ðma, ahá ání bómòhò mi gyi, mbusuo abópú, ahá amópú, mbua atópú, ató alapú, ikpi atswépu pú afunupu fée otsiákpá gyí ogyá paati kpònkpònti, ogyá móa atonkodu ihíe detsii mótó. Iní gyí lowu nyòòsi amu ni.”

Yerusalem Pópwe

⁹ Inu Bulu-abòpu abasiénó ámúú bode ablanwé asienó ámúú asun wunhe asienó tráhe ibu mó ámúto ðkole léba bebláa mi ðéé, “Ba, ansuna fú otsiá Okúfabi amu ðáá betsiá.” ¹⁰ Inu ðlekpa mí Ìhétó ya ibu fóáhé kpònkpònkpònti kusu, olosuná mí Yerusalem wúlu wankíhéá idekplí tsú òsúsú Bulu wá íbá. ¹¹ Bulu numnyam ðewankí wóli wúlu ámúsu, ihíe ðewankí húnánááná fè atsufolibi, ide ogyá kpa fè ahwhéá mó ansító lówankí. ¹² Bópwe buntii trihe fóáhé ku bómlí mó, ibu aklun akpònkpònti dúanyò. Bulu-abòpu dúanyò bode aklun ámu ònó gyo. Bòwanlín Israel abusuan dúanyò ámu adá dínká aklun amúsu ikole-kole. ¹³ Aklun asa bu owí ðdalíkpa. Asa bu owí ðkplíwíékpá, asa bu òsúsú, asa é bu ayasi. ¹⁴ Beyi buntii amu dínká abwi yílélé dúanyòsu. Bòwanlín Okúfabi amu sumbí ayópú amu adá dínká abwi ámúsu ikole-kole. ¹⁵ Bulu-òbòpu amúú ðde mí asún bláa amu dé sika pepe oyíá butòpúsúsu ató. Ìbòpúsúsu wúlu amu, mó abuntii pú aklun ání ilobomlí mó fée. ¹⁶ Wúlu amu swító pú mó teító fée igyi kékée. Bréá olosusúu mó á, mó swító, mó teító pú mó fuátó fée igyi máli ðím-ðkole lafana (1,400). ¹⁷ Inu olosusúu buntii amu trító é. Igyi ayabi lafanyò móa dúasie (216), nyankpúsa atosusúhe ònó. ¹⁸ Abwiá igyi fè ahwhé bòpupwé abuntii amu. Bòpu sika pepeá tòto mēfráa mó, igyi fè gláasi pwé wúlu amu. ¹⁹ Bòpu abwiá ibu bíá òtsan-òtsan dúanyò wá abuntii amu ntswiasí. Abwi ámu adá gyí, yaspa, safiri, agate, emerald. ²⁰ Onik, kanelia, krisolit, beril, topas, krisopas, yasint pú ametiste. ²¹ Abutó wòlihe fútútú wankláán dúanyò bòpobwé aklun amu. Iklun amu kugyíko igyi butóbi fútútú kole. Sika pepeá tòto mēfráa mó, igyi fè gláasi bòpúwá abrónu wúlu amúto. Fétalí kí tson mótó.

²² Mmowun Bulu òswékpá kòku wúlu amúto, tsúfé Bulu Otúmípu amu móa Okúfabi amu gyí Bulu òswékpá inu. ²³ Wúlu amu imehián owí ntée òtsra wankí mótó, tsúfé Bulu numnyam tówánkí há mó, Okúfabi amu é gyí mó ðkandíe. ²⁴ Ìmá-òmá bēnatí wúlu amu wankito. Ìyító awíe é bòpu amú numnyam ba mótó. ²⁵ Bóméefin mó ònó aklun, tsúfé oklún

ma ɪnu. ²⁶ Ɔmá féeé bópɔ amó numnyam pú amó obú ba mó. ²⁷ Tógyítáá mó ɪwɪ metɪn, mbusuo abópɔ ntée afunupɔ buɓmóowie wúlu amotɔ, nkéti ahá ámúú bɔwanlín amó adá wá Okúfabi amu nkpa ɔwolótɔ amu nkule.

22

Nkpa-ntsu Tsvnhɛ

¹ ɪnu Bulu-ɔbɔpɔ amu losuná mí nkpa-ntsu ámúú ɪɔwankí fé ahɔhwé ámu. ɪdetsúɔn tsu Bulu mɔva Okúfabi amu owíe obíá ámɔtɔ. ² Ntsu ámu ina brɔnu yiléá ɪda wúlu amu nsúné. Nkpa-oyí ɪlɪ ntsu ámu agbemgbe anyɔ ámɔsu, itoswíé abí ɔtsan-ɔtsan ɔtsragyíɔtsra. Itoswíé tsé dúanyɔ ofi ɔkuletɔ. Mú afitáa é igyi afá há ɔmá féeé áhá. ³ Tógyítáá Bulu lalwíí mó méetsiá wúlu amɔtɔ.

Mboún Bulu mɔva Okúfabi amu owíe obíá obétsiá ɪnu, mu asúmpú bósum mu. ⁴ Bówun mu ansítɔ, mu ɪdá é bédɪnká amó ɔsɔkpi. ⁵ Owí méetrá ta ɪnu ekekekeke. Buɓméetrá hián ɔkandíe ntée owí, tsúfé anɪ Wíe Bulu ɔbɔwankí wólí amósó. Bégyi iwíe bré féeé.

Yesu ɪbá

⁶ ɪnu Bulu-ɔbɔpɔ amu lébláa mi ɔbéé, “Asún ánfɪ bu mótɔ, igyi ɔnɔkwali. Anɪ Wíe Bulu télé tóá ɪbéba suná mu ɔnósó atɔíprɔ. Móláwá mu ɔbɔpɔ ɔbéé, ɔbéle tóá ɪbéba nke ánfɪtɔ suna mu asúmpú.”

⁷ “Kɪ! ɪmóɔwa ɔpá néba! Ɔwoló ánfɪtɔ asún béba mótɔ. Mú su Bulu obóyulá ɔhá ání olegyi mó féeésú!”

⁸ Mí Yohane lónu asún ánfɪ, nowun mó féeé. Bréá nonu asún ánfɪ, nowun ató ámu é á, nemlí bun Bulu-ɔbɔpɔ amúú ɔlele mó suná mí ámu ayabitɔ, mbéé ansum mu. ⁹ Táme ɔletrá bláa mi ɔbéé, “Mábwe! Tsúfé Bulu osúmbi ngyi fé fɔ́a fɔ́ apíó Bulu ɔnósó atɔíprɔ, pú ahá ámúú bégyi asún ámúú bɔwanlín wá ɔwoló ánfɪtɔ ámɔsu. Sum Bulu nkule!” ¹⁰ Múú ɔlebláa mí ɔbéé, “Mápu ato lesúnáhé anfi nájín, tsúfé mó bábi lafon ta. ¹¹ Ha lalahɛ ɔbweprɔ ɔyɔ mu lalahɛbweɓu. Ifintɔ otsiáprɔ otsiá mu ifintɔ, yilé ɔbweprɔ é ɔkita mu yilébwetɔ. Ɔhá ání ɔbéé, mópɔ mu ɪwɪ há Bulu osii mu ɪwɪ ha Bulu.”

¹² ɪnu Yesu lébláa mi ɔbéé, “Kɪ, ɪmóɔwa ɔpá néba! Nebá ɪkɔ ɔkakpá. Néka ɔhagyíɔha ɪkɔ mu bwehé ɔnó. ¹³ Mígyí Alfa mɔva Omega. Ogyankpapɔ mɔva Ɔtráhe, asɪ Otsuápu pú ɔnó Ɔmópɔ.

¹⁴ “Bulu obóyulá ahá ání buɔde amó atadiɛ fwi, ménɪ bétali nyá ɔkpa tsɔn wúlu yilé ámúú ɪbá ámu ɔnó wíé mótɔ yégyi nkpa-oyí ámu abí. ¹⁵ Akíai obésin iban ámu ɔma. Amó gyí; ató alapú, mbɔva atópɔ, ahá amópɔ, ɪkpi atswépu pú ahá ání butekle afunu, butɔwá mó é féeé.

16 “Mí Yesu lává mí ɔɔɔ mbéɛ, ɔbá bebláa fu asón ánfí, afɔɔɔbla Akristofɔ ɔpasua ámu fée. Mígyí Owíe Dawid mu na, mu atɔ ogyíɔ pú Bakɛ ɔtsrakpabi wankíhé amu ni.”

17 Inu Bulu ɔhé ámu pú ɔká ɔɔɔ amu beblí beɛ, “Ba!”

ɔhagyíɔha ání onú asón ánfí ɔblí ɔbéɛ, “Ba!”

ɔhagyíɔha ání ɔmɛwólí de mu ɔbá. ɔhagyíɔha ání odeklé ɔbá, Bulu okie mu nkpa-ntsu ámu.

Itráhe

18 Mí Yohane, ndɛ ɔhagyíɔha ɔlá da kpákpáákpá. Mbéɛ, ní ɔku lónu atɔ lesúnáhé ɔwóló ánfíto asón, ɔɔɔ ku tsía mótɔ á, Bulu é ɔbéha ason wunheá ɔbu ɔwóló ánfíto ɔbéha musu. 19 Ní ɔku é léle tɔku tsú ɔwóló ánfíto á, múmú Bulu é ɔbéle mu ogyíkpá ání ɔbu nkpa-oyí ámu pú wúlu wankíhé amúú nɔwanlín mú iwí asón wá ɔwóló ánfíto ámuɔ.

20 ɔhá amúú ɔde ntobí ánfí iwí adánsíe gyí ɔnɔkwálísu ámu ɔbéɛ, “Ee! Imóɔwa ɔpá néba!”

Amen! Owíe Yesu, ba!

21 Aní Wíe Yesu ogyíi Bulu ahá buale!